

D. EVCHERII LVG-

DVNENSIS EPISCOPI DOCTISS. LVCVBRA,

tiones aliquot non minus piæ quàm eruditæ, cura ac

beneficio Ioannis Alexandri Brassicani iu-

reconsulti recens editæ, quarum

hæc est summa,

376

In Genesim Commentariorum

Libri III

In libros Regum Commentariorum

Libri IIII

Formularum Spiritualium Liber I accurate recognitus,
adiectis ijs omnibus quæ in superiore æditione, quamplu-
rima desyderabantur.

Quæstiones in Vetus & Nouum Testamentum.

Nominum Hebraicorum ac aliorum etiam quæ in sacris li-
teris habentur, Intèrpretatio.

Epistola Parænetica ad Valerianum cognatum suum De
contemptu mûdi, Cum Scholijs D. Erasmi Roterodam.



BASILEAE, IN OFFICINA FROBENIANA, ANNO
M. D. XXXI. MENSE SEPTEMBRI

Cum priuilegio Cæsareo ad sexennium.

IANI A' SVOLLA
EQUITIS AC IVRECONSULTI
in amplifs. Brassicani sui Biblio-
thecam, Epigramma.

*Quæ noua non solito se Bibliotheca decore
Iactat, inauditis nobilitata bonis,
Ipsa vetus Pharij assurgit iam fama palatii
Rhomanisq. olim templa sacrata libris.
Electra, & cedunt pretia inuidiosa smaragdi,
Disiit minor est Persica gazæ tuis.
Nomina magnorum hæc quæ nam reduina uirorum,
Salute optati uerba beata patres.
Felix o tali ter, dulcis amice, paratu,
Et felix domino Bibliotheca suo.*

AMPLISS. PATRI AC

OPTIMO PRINCIPI DOMINO CHRISTOPHORO

à Stadien Episcopo Augustensi probe merito, Dño

ac patrono suo unico, Ioannes Alexander

Brassicanus artium liberalium &

legum civilium doctor

S D P.



EQVISSIMUM MIHI VISUM EST ampliss. pater, ac idem obseruandis. patrone, ut cuius præsidio dicatus Episcoporu ille magister Saluianus in lucem exisset, sub eiusdē etiam no minis auspicio prodiret in publicum Eucherius ille Lugdunensis Episcopus eruditissimus, Qui cum Saluiano (fuerunt enim synchroni) & sum ma familiaritas, & ex similibus studiorum sacris, arcissima amicitia intercessit. Quin & hæc tibi

Saluianus
Eucherius
synchroni

Christopho
rus episcopus
Augustensis

dicandi nobilissimi huius operis altera ratio fuit: quod cum ipse sis inter hu ius ætatis episcopos præcipuus, quem & ob ueræ pietatis, ac omnis melioris eruditionis incredibile ornamentum, cum antiquis conferre possimus, opti mo etiam, immo tuo iure meruisti, ut tibi hoc est non minus erudito, quàm recti exempli episcopo nuncuparetur item episcopus, de quo dubites, an ma iore sanctimonia, uel insigniore eruditione sit præstabilis: sic enim Homero placuisse uideo, cum inquit,

ὡς αὖτ' ἢ μούριον ἄγ' ἔδωκεν ὡς ἢ μούριον.

Similem deus
ducit ad simi
lem

Qua ratione rectissime tibi consecranda sunt omnia scripta, palatinus quæ cunq; recepit Apollo. Scripsit autem Eucherius in Genesim Commentario rum libros III, quos pro meo in te studio tibi nominatim inscribere uo luit. Sed & in libros Regum, Commentariorum libros II, quos alteri meo mæcenati, Domino Iano à Suolla uiro non minus imaginibus, quàm uirtute, ac omnium bonarum literarum cognitione præstanti, tuacq; amici tia dignissimo dicaui. Adiecit eisdem autoris formulas spirituales, in quibus emendandis instaurandisq; quomodo me gesserim, suo loco com modius & prolixius explicabo: hoc certe in confesso est, sic in sacris literis interpretandis uersatum esse Eucherium, ut qui de illo dixerit quod antiqui tas amice magis quàm uere de Homero & Apolline ferebat,

D. Iohannes à
Suolla.
Formule spi
rituales Euche
rij locupletis
sime restituit

ὡς χίτων ἢ χιτῶνα διδὸς τὰ ἢ πῶτος αἰὼν.

Si Iohannes
rōn ἢ χιτῶνα
αἰ ἢ δαῖον ἢ
μυρῶν

Is nequaquam aberrasse, sed recte iudicasse uideri possit. Quemadmodum autem Lacedæmonij domi suæ imagines egregie formosas collocabant, ac

* 2 in eas

in eas uxores iam uterum gestantes, quàm minime conuiuentib. oculis aspiciere iubeant, ut hoc ceu remedio quam pulcherrimam de se sobolem pro-
pagarent. Id quod Oppianus poeta pulcherrimis hīs uersiculis exequitur,

Oppianus li-
bro 2^o Cyne-
geticōn

Ναὶ μὲν ὧδε λαλῶνδ' ἰσιφρονα μὲν ἔειπε
Αἶσα φίλους ἀλόχοισι ὅτε γαστέρα κυμαίνουσι
Γρω-λαῖσιν παυόμεναι πύλας ἔλκε' ἀγλαὰ ἑσθλῶν
Τὸς παρ' αὐτῶν ἄσπερ-λαῖτας ἐν ἡμερίοισιν ἰφίβους
Νιρία, ἥ Νάρκισσον, ἢ μελίκην, ἢ ὑακινθον
Κάσπερ δ' ἢ δινέρεον, ἢ ἀμυγδαλον, ἢ λυδόν κ' ἢ
Ἠϊόταν τε νῆσος, ἢ τ' ἐν μακάρων ἀντίβ'
Φοῖβον δ' ἀφρονέμεν, καὶ κισσοφόρον δ' ὀνύκον.
Αἱ δ' ὡνέτην περ τὴν πελὶ κέρων ἑσθλὰ ἰδ' ὄρεαι
Τῶν τ' ὀρίων καλῶς ἢ καλῶς πεπληγμένα.

Hieronymum
& Augustinū
imitatus Eu-
cherius

Ita & Eucherius ad effigiam, effingēdumq; hunc animi partum siue in-
genij foetum, præcipuas sibi duas & incredibili uenustate præcellentes ima-
gines proposuit, nimirum, diuos Hieronymum & Augustinum, ex quorum
assiduo aspectu, frequentiq; contemplatione sic commentarios suos informa-
uit, sic expoliuit, ut nihil hīs uel doctius uel absolutius inueniri possit. Atq; ut
eius rei pulcherrimum specimen exhibeam, iam audi, quid acerrimi iudicij
uir Erasmus ille Rotterodamus tuus, immo noster etiā, in uniuersum de Eu-
cherio sentiat: nam uerba eius, quoniam elegantissima sunt, non grauate ap-
posui. Sic autem ille scribit de epistola Eucherij, quam is Valeriano propin-
quo suo inscripsit: Nihil uideo profectum à nostræ religionis hominib. qui
eloquentiæ quoq; gloria floruerint, quod cum huius phraſi sit conferēdum:
ut nusquam non præstat egregium artificem, siue spectes ordinem, siue tran-
situs subinde notos, siue non uulgarem ingressum, ueluti limen argumen-
tationis: nullam suaforij generis partem non tractat: nusquam desidet in locis
communibus: magis urget & instat argumentis, mire pungit epiphonema-
tis, delectat iuxta ac mouet sententijs: quodq; magis etiam mirandum est,
Sic Isocratis schematibus modulata, structa, picturataq; est oratio, ut nusi-
quam frigeat, aut ineptiat: sic atquta, ut interim neruosa: sic elaborata, ut ta-
men dilucida: sic noua, sed ut tædio careat affectationis: sic festiua, ut nihilo
secius grauis, ac seria: sic thetica, ut γυναικίως tamen Christiana: deniq; sic
acris & uehemens, ut sui tamen ubiq; similis pari intentione ad extremum
usq; calcem properans, sani uidelicet uegetiq; ingenij argumentum. Hæte-
nus ille de Eucherio. Gennadius nominatim hos libros non recensuit, sed
addidit tantū hunc præterea etiam multa scripsisse, ecclesiasticis studijs cum
primis necessaria. Isidorus autem minime malus autor in Catalogo uiro-
rum illustrum in opetis exordio studiosi cognoscent. Accipe itaq; pater amplius, ac idem
optime

Erasmii Roter-
rodami iudi-
cium de Eu-
cherio

Gennadius

Isidorus in ca-
talogo uiro-
rum illustrum

optime Princeps Eucherium tuum, tibi tuoq; felicis. nomini per me dicatū: sed & meam in te colendo fidem & obseruantiam, æqui boniq; facito. Nam cū melioris huius notæ scriptores subinde tibi nuncupo, multa tamen adhuc mihi superesse uideo, quæ pleniore manu studiosis elargiri possim. Certe cum me ipsum tibi trado, do, atq; dedico: id quod iam olim feci, reliquum mihi facio nihil. Dominus Iesus seruet amplitudinem tuam iuuandis studijs, iustaurandæ rei Christianæ, reparandæ paci, restituendæq; per omnes ordines concordiæ, semper saluam & incolumem. Datum Viennæ Austriæ, Ex

Regio collegio, Anno à restituta

salute M D XXX

mensis decem-

bris die

XX

EVCHERII VITA & CATALOGO
uironum illustrium Gennadij.

EVCHERIUS Lugdunensis ecclesiæ Episcopus, scripsit ad Valerianum propinquum suum De contemptu mundi, & secularis philosophiæ epistolam unam, scholastico & rationabili sermone. Dissertuit etiam ad personam filionum Salonij, & Veranij, postea episcoporum, obscura quæque sanctarum capitula scripturarum. Sed & Cassiani quædam opusculato tenso eloquio, angusto reuoluens uerbi tramite, in uno coegit uolumine. Alijs tam ecclesiasticis studijs necessaria, quàm monasticis. Moritur Valentiniano & Martiano regnantibus.

ISIDORVS EPISCOPVS HISPALENSIS
in Catalogo uironum illustrium.

EVCHERIUS Episcopus Lugdunensis in Gallia, elegans in sententijs, nec minus ornatus in uerbis, ædedit ad Hilarium Arelatensem episcopum solitudinis deserta petentem, opusculum unum De laude eremi, uoluptatissimum, & dulci sermone compositum: in quo opere laudamus oratorem: etsi pauca, tamen pulchra dicentem. Scripsit alijs in multos sacros libros Commentaria non minus necessaria quàm utilia, præcipue uero In Genesim, ac libros Regum Ad Salonium & Veranium fratres Episcopos, opus prolixum & doctissimum.

INDEX CAPITVM

LIBRI PRIMI

379

| | |
|---|--------|
| D E CREATIONE coeli & terræ | I |
| De conditione lucis | II |
| De firmamento | III |
| De congregatione aquarum in unum locum | IIII |
| De creatione solis & lunæ & stellarum | V |
| De eo quod scriptum est, Producant aquæ reptile animæ uiuentis | VI |
| Item de productione terræ animæ uiuentis in genere suo, iumentorum & reptilium | VII |
| De eo quod scriptum est, Faciamus hominem ad imaginem & similitudinem nostram | VIII |
| De perfectione coeli & terræ | IX |
| De completionem operum in die septimo | X |
| De generatione coeli & terræ quando creata sunt | XI |
| De formatione hominis è limo terræ | XII |
| De eo quod scriptum est, Plantauerat autem dominus deus paradysum uolutatis à principio | XIII |
| De fluuijs paradisi | XIIII |
| De collocatione hominis in paradiso | XV |
| De ligno scientiæ boni & mali | XVI |
| De eo quod scriptum est, Quacunque die comederitis ex eo, morte moriemini | XVII |
| De eo quod scriptum est, Non est bonum hominem esse solum, faciamus ei adiutorium | XVIII |
| De impositione nominum cunctorum animalium, uolatilium, & bestiarum | XIX |
| De Adam quod non inueniebatur adiutor similis sui | XX |
| De costa extracta, & ex ea muliere formata | XXI |
| De eo quod scriptum est, Hoc nunc os ex ossibus meis | XXII |
| De nuditate protoplastorum | XXIII |
| De calliditate serpentis, & de adloquutione eius | XXIIII |
| De apertione oculorum | XXV |
| De eorum nuditate | XXVI |
| De folijs ficus unde fecerunt sibi perizomata | XXVII |
| De uoce domini dei deambulantis in paradiso | XXVIII |
| De inimicitijs inter mulierem & serpentem | XXIX |
| De tunicis pelliceis | XXX |
| De cogni- | |

CAPITA LIBRI I

| | |
|---|---------|
| De cognitione Adam & Euz uxoris eius & natiuitate Cain | XXXI |
| De muneribus Abel & Cain | XXXII |
| De Enoch filio Cain. & eius posteritate | XXXIII |
| De natiuitate Seth. & eius posteritate | XXXIII |
| De quaestione annorum Mathusalem | XXXV |
| De uxoribus Lamech | XXXVI |
| De eo quod scriptum est, Noe quum quingentorum esset annorum genuit tres filios | XXXVII |
| De gigantibus | XXXVIII |
| De poenitudine dei quod hominem fecisset | XXXIX |
| De arca & mensura cubitorum | XL |
| De recordatione dei in Noe cunctorum animantium | XLI |
| De constructione altaris & de pecoribus mundis & immundis | XLII |
| De benedictione Noe & filiorum eius | XLIII |
| De arca in nubibus in signum foederis dato | XLIII |

FINIS

D. EVCHERII LVG-

DVNENSIS EPISCOPI COMMENTARIORVM IN

Genesim ad Veranium & Salonium fratres
episcopos Liber Primus.



ERENTES MULTIPPLICIA CONGERERE, ne stomachus legētium saturatus non solum oblata renuat, sed & ingesta reijciat: priusquam de mundi principio sit loquendū, dicendum est contra eos qui ore sacrilego de deo disputare nituntur, dicentes, Quare fecit deus cœlum & terram? Quid faciebat deus antequam cœlum & terram faceret? Quir noua uoluntas in deo ut conderet mundum exorta est? Sed respondendum est illis: Noua uoluntas in deo exorta non est: quia & si in re mundus non erat, in æterna tamen uoluntate semper erat. Ergo frustra dicitur, quir per tanta retro tempora deo uacante, noua mundū faciendi orta fuisset cogitatio, quando in suo æterno semper manet consilio mundi cōstruētio. nec tempus ante principium, sed æternitas fuit. Tempus enim à substitutione creaturæ, non creatura cœpit à tempore. **IN principio fecit deus.**) Hic

CAP. I
De creatione
celi & terre

sensus duobus modis sine offensione accipitur: id est, aut primū omnium fecit: aut in principio, quod est sapientia, id est, in uerbo suo fecit. Ipse est enim filius per quem facta sunt omnia, ipse principium in quo facta sunt omnia.

Cœlum & terram.) Si primo omnium factum est cœlum & terra, angeli postmodū facti sunt: si angeli ante facti sunt, non primo omnium fecit deus cœlum & terram. Cœli nomine quidam cœlestem, id est, angelicam creaturam creatam estimant. Ad cuius comparationē, cœlum hoc corporeum terra nūcupatur. Terræ autem nomine materiam illam informem insinuat, ex qua hoc uisibile cœlum & terra & uniuerſa moles huius mūdi formata est, de qua scribitur, Qui fecisti mūdum de informi materia. Sed materia facta est ex nihilo, mundi autem species de informi materia, quæ cœli & terræ nomine appellata est: non quia iam hoc erat, sed quia iam hoc inde esse poterat. Primo igitur uoluit cœlum & terram uelut quandam spiritalem corporealemque materiam dicere, & sic quemadmodum sigillatim facta sunt ordinem texere. Creatura cœli & terræ quomodo historialiter ab exordio principij condita sit legimus, sed qualiter in ecclesia spiritualiter à doctoribus accipitur, intelligamus. In principio fecit deus cœlū & terram. Principiū Christus est, sicut ipse ait in euangelio, Ego principiū qui & loquor uobis. In hoc igitur principio fecit deus cœlum, id est, spiritales, qui cœlestia meditatur & quæruunt. In ipso fecit & carnales, qui terrenum hominem necdum deposue-

a runt,

runt. Terra autem erat inanis & uacua.) Id est, adhuc informis erat ipsa materia, quia necdum ex ea cœlum & terra, necdum omnia formata erant, quæ formari restabant. Hæc enim materia ex nihilo facta, præcessit tamen res ex se factas: non quidem æternitate, uel tempore, sicut præcedit lignum arca: sed sola origine, sicut præcedit uox uerbum uel sonus cātum. Nam qui uiuit in æternum, creauit omnia simul. Terra carnis nostræ inanis erat & uacua, prius quàm doctrinæ acciperet formam. Et tenebræ erant super faciem abyssi.) Hæc tenebrosa abyssus, ipsam adhuc informis materiæ obscuritatem designat, quia nondum ulla species uideri aut tractari poterat. Abyssus namq; immensa aquarū profunditas appellatur, quia delictorū cæcitas & ignorantia, profunda obscuritas corda nostra tegebat. Et spiritus dei ferebatur super aquas.) Etiam aquarū nomine ipsam illam informē materiam demonstrat, quæ subiacebat ad uoluntatē creatoris ad conformanda in suis generibus omnia. Nam siue terram inanē dicas, siue abyssum tenebrosam, siue aquam, diuersa quidem nomina, sed una eademq; materia. Idcirco terra inanis & uacua, quia nondum erat uniuersitate creaturarū completa. Pro eo abyssus tenebrosa, quia speciem luminis nondum habebat. Pro eo aqua uocata, quia siue caro siue omnia quæ gignuntur humida sunt, & ex humore concreta sunt. Nam & hoc cœlum corporeum, quod firmamentum uocatur, secunda die post conditionem lucis factum est: & hæc terra tunc accepit formam, quando abyssus distincta est. Ipse quoq; aquæ tunc speciem sumperunt, quando in unum sub firmamēto collectæ sunt: ac per hoc non illud cœlum hoc corporeum cœlum, sed spiritalis intelligenda est creatio angelorum: nec illa terra uel abyssus, hæc uisibilia elementa: sed illud intelligendum est, informis & obscura mundi materia. Et tenebræ erant super faciem abyssi. Quidam dicere solent, Vnde erant tenebræ antequàm fieret lux? Quis eas fecerat? Aut si nemo fecerat, æternæ sunt. Quibus respōdetur, Non quia aliquid sunt tenebræ, sed ipsa lucis absentia hoc nomē accepit: sicut enim silentium nihil est, sed ubi uox non est, silētium dicitur: sic tenebræ nihil sunt, sed ubi lux non est, tenebræ dicuntur. Et spiritus dei ferebatur super aquas.) Spiritus sanctus, deus est, qui non loco continetur, aut distenditur, nec temporum mutationibus subiacet, sed est ubiq; præsens ac totus. Superferri autem domini spiritus aquis dicitur: non peruagatione, sed potestate: non localiter, sed potēcialiter: non per spatia locorum sicut terræ sol superferitur, sed per potentiā sublimitatis suæ. Deus enim non ex indigentia fecit opera sua, sed ex beneficentia atq; omnipotētia: qui nihil indigens omnia creat, & misericors cuncta uiuificat, & in plenitudine sancta permanet: non nostris ampliandis laudibus, sed suis innotescendus collaudatur openbus, neq; enim horum indiget quæ facit. Indiguus quippe atq; egenus amor, subiicitur rebus quas diligit. Quamobrem non indiguus amor superferretur rebus quas diligit. Ideo dictum est, superferri creaturæ spiritum sanctum: quia non ex indigentia

indigentia operatus est ipsam creaturam. Pro eo autem quod in nostris cōdicibus scriptum est, ferebatur: in Hebræo habetur, וַיִּרְחֹץ, quod nos appellare possumus, incubabat, siue confouebat, in similitudinem uolucris oua calore animantis. Ex quo intelligimus, non de spiritu mundi dici, ut nonnulli arbitrantur, sed de spiritu sancto, qui & ipse uiuificator omnium à principio dicitur. Sic autem uiuificator, quasi conditor & deus. Emittis enim (ait scriptura) spiritum tuum, & creabuntur. Notandum quod in ipso exordio cœli & terræ, tota trinitas insinuatur creatoris. Nam pater, in dei intelligitur nomine: filius, in principij: spiritus uero sanctus, qui superferebatur aquis. Spiritus autem dei super cor nostrum tenebrosum & fluidum, quasi super aquas iam superferebatur, in quo subsistentes requiesceremus, cuiusq; uiuificaremur flatu, & cuius unda ablueremur. Dixit deus, Fiat lux. Et facta est lux.) Si in die dixit, temporaliter dixit: si temporaliter dixit, per aliquam creaturam dixit. Ergo non est prima creatura lux: quia iam erat, per quam diceret, Fiat lux. Vere enim nec in die dixit, nec temporaliter dixit: quia ante omnem creaturam uerbum suum genuit. Dictio itaq; dei, uerbum dei est: sed diuina scriptura paruulis congruens, & quodam modo eos lactans, ut proficiant, & cibum spiritalem capiant, uoluit semper per omnem creaturæ formationem dictionem dei nūcupare. Vt (uerbi causa) si requiras, quomodo facta est lux: audias, In uerbo dei erat, ut fieret. Quomodo factū est cœlum? In uerbo dei erat, ut fieret. Et cætera per ordinē, si requiras quomodo facta sunt? In uerbo dei erāt, ut fierēt. Hoc enim est: Dixit deus, Fiat lux, Dixit, pro fecit, posuit scriptor: ut celeritatem, uel facilitatē operis dei ostenderet. Neq; enim corporalibus modis loquitur diuina natura: nec quoties dixit, toties uerba formauit. Vnum enim uerbum genuit cōæternum, & cōsubstantialium sibi, in quo omnia ineffabiliter & intemporaliter dixit. Talis enim dei loquutio non tēporaliter præteriens sonus, sed sola dictio est ratio nis. Dixit deus, Fiat lux. In hac luce historialiter recapitulatur creatio angelorum, qui pro participatione æternæ lucis, lux & dies nuncupati sunt. Quorum unitas ut ostenderetur, non est dictum, Dies primus: sed, Dies unus. Exoritur autem quæstio de angelis, quomodo in creatione sex dierum prætermittantur, tanquam non sint in operibus dei: Opus autem dei esse angelos, hymnus trium puerorum testatur. Nam quum prædictum esset, Benedicite omnia opera domini domino: in exequutione eorundem operum etiam angelos nominauit. Et in psalmis, quum diceret inter cætera, Laudate dominum omnes angeli eius: subiecit, Quoniam ipse dixit, & facta sunt. His ergo exemplis, à deo angeli facti demonstrantur: sed quo die creati sint, nusquam infert. Sed quia in scriptura sancta legitur dixisse deum, Quando facta sunt sydera, laudauerunt me omnes angeli mei: iam erant angeli quarto die, quando sydera condita sunt. Ergo nec die tertia facti sunt. In prom-

De cōditione
lucis 11

ptu est enim, quod die illa terra ab aquis discerpta, pabuli herbam produxit. Ergo nec secundo die facti sunt. Tunc enim facto firmamento, diuisio fuit superiorum atq; inferiorum aquarum. Nil mirum enim si in operibus sex dierum angeli lucis significatione creati intelliguntur: ante omnem enim creaturam facti sunt, quia prior omnium creata est sapientia: qui propterea dicuntur sapientia, inhaerendo scilicet aeternae sapientiae. Verumtamen nunc, quid & ante tempora facti sunt, quia prior omnium facta est sapientia, prior scilicet omnium, etiam & tempore? Oportebat enim ut creatura inconcusse adhaerens, & si non suo creatori aequalis, omni saltem creatura prior esset & melior: qui quidem dum sint mutabiles natura, facit tamen eos immutabiles atq; incorruptos gratia sempiterna. Nam si natura incommutabiles essent, diabolus non utiq; cecidisset. Commutabilitati namq; naturae in eis suffragatur cōtemplatio creatoris. Inde priuatus est apostata angelus, dum fortitudinem suam non à deo, sed à se uoluit constare. Tanta enim gratiae sunt angeli, ut nec ipsorum accessio decessio ue fuerit tēporum. Duas enim esse res in creaturis constat, quarum uicissitudo temporum comprehendere non ualet: primum enim angeli, propter quod incommutabiliter inhaerent creatori: secundum materia illa informis, quia nec eius comprehenditur tempus, prius quam ex ea omnia ista formarentur, quae temporaliter uoluntur. Dixit quoq; deus, Fiat lux. Id est, illuminatio credulitatis appareret. Prima enim die lucem fidei dedit, quia prima est in conuersione fides. Vnde & istud primum in dei praeceptis mandatū est, Dominus deus tuus, deus unus est. Propter quam fidem, ipse dominus etiam uisibiliter in mundo apparere uoluit. Et uidit deus lucem, quia bona est.) Non quod subito uiderit deus lucem quod esset bona, & uisio ei contulerit scientiam, quum in nobis omne opus praecedat uoluntas nostra, dum cogitamus, quid operari debeamus. Non enim ignotans aliquis facit aliquid, dum cogitat qualiter fiant, quae facienda cogitando disposuit: & quum hoc in hominem cadere non possit, ut aliquid ignorans faciat, quanto magis in deum, qui omnia aeterno & stabili consilio suo facit? Ergo nec discit, sed docet factum in arte faciendum: & nec aliter facta, nec aliter facienda uidit. Eo itaq; modo uidit facta, quo uiderat facienda. Inde est quod dicit, Vidit deus quod esset bonum: id est, in ea bonitate placuit, ut maneret: in qua placuit, ut fieret, quod fecit. Et diuisit lucem à tenebris.) Diuisio lucis à tenebris, boni angeli separati à malis. Et quia ex his quosdam praesciebat per superbiam caluros, per incommutabilitatem praescientiae suae diuisit inter bonos & malos. Malos igitur appellans tenebras, bonos appellans lucem, in his dicens, Vidit deus, quia boni sunt. In illis nullatenus dicens, sicut in omnibus operibus dei, Vidit deus quia bonum est: ne malum prauaricatorum uideretur approbare angelorum. Et diuisit lucem à tenebris. Tunc iam deus iuxta praescientiam

scientiæ suæ gratiam diuisit inter lucem & tenebras, id est, filios dei & lucis à peccatoribus, tanquam à tenebris, Iustos uocans diem, & illos noctem, Nam quia in ecclesia lucis nomine iusti appellantur, audi apostolum, Fuitis, inquit, aliquando tenebræ, nunc autem lux in domino, Sequitur, Factum est uespere & mane, Vespere, conditæ creaturæ terminus: mane, initium condendæ creaturæ alterius. Quærent aliqui, quum primum uesperum, postea mane, scriptura cõmemorauerit: ne forte noctem prius quàm diem significare uideatur. Nec aduertunt primum, quod præmiserit diem, dicendo, Et uocauit deus diem, lucem: & tenebras, noctem. Inde est quod uespera finis diei sit, & mane finis noctis. Ergo ut beneficium ante oblatum prærogatiuæ & primatus natiuitatis dici daret, prius finem diei significauit, post quem sequutura nox esset. Deinde postea finem noctis adiunxit, dicendo, Factum est uespere & mane dies unus.) Dies iste unus prius factus, propter concordiam residuorum angelorum sic appellatus est. Quorum propter unitatem insinuandam non dies primus, sed dies dictus est unus, & idcirco ipse repetitur semper in exequutione creaturarum: quia ipse dies, hoc est, natura angelorum, quando creaturam ipsam, quam deus faciebat, contemplabatur, quodammodo uesperascebat. Verumtamen, quia non permanebat in eius creaturæ intuitu, sed laudem eius ad deum referens, ipsam melius in diuina ratione conspiciebat, tunc continuo quasi mane fiebat. Nam si permaneret neglecto creatore in aspectu creaturæ, iam non uespera, sed nox utiq; fieret. Sequitur, Dixit quoque deus, Fiat firmamentum.) Firmamenti nomine, cœlum significauit: pro eo quod fortiter & firme compositum est. Maximeq; propterea uocatum est firmamentum, propter firmitatem, siue sustentationem & intransgressibilem terminum superiorum aquarum. Et fecit deus firmamentum, diuisitq; aquas ab aquis quæ erant sub firmamento.) Iam quia addidit, Et diuisit aquas ab aquis: quærendum est, utrum hunc aerem nebulosum nominet firmamentum, qui diuidit aquas superiores nubium ab inferioribus quæ in terris fluunt. Nam & ipse aer cœlum uocatur, sicut legimus, Volucres cœli: dum nõ de illo superiore dicatur, sed de isto in quo aues uolitant. Vnde quæri potest, quomodo elementum aquæ possit esse supra cœlos. Aqua enim cedit terræ, & aer cedit aquæ, & ignis cedit aeri. Vnde impossibile uidetur, ut secundum elementum, quod est aqua, sit supra quartum, quod est ignis. Quomodo & quales sint aquæ illæ, quas scriptura dicit supra cœlos, esse eas ibidem minime dubitamus: quæ non locorum sedibus, sed dignitate naturæ, uidetur supra cœlos. Sicut enim nubes istæ, quæ ubique sunt, feruntur super aerem, quod est tertium elementum: ita fieri posse arbitror, ut aquæ tenues atq; subtiles ferantur super cœlum. Nam ex hoc pondere elementorum, multi philosophorum resurrectionem carnis illu-

De firmamen-
to 111

dentes, non posse fieri inquiunt, ut homo qui utiq; ex terra factus est, sit in cœlo. Sed hos ueritas conuincit, qui facit multa animalia terrena uolitare in aere, & aquam esse supra aerem, & ignem quod est utique quartum elementum, esse in terra. Ergo dei potentia, quæ hæc facere approbatur, facit ut & homo & aqua sit supra cœlum. Aquas uero istas uisibiles quidam impie negant factas esse à deo: pro eo quod in Genesi non commemorantur ubi sint factæ: pro eo quod scriptum non est, Dixit deus fiant aquæ. Quibus ita respondendum est: Quia dum dictum est, In principio fecit deus cœlum & terram: illic & aquæ intelligendæ sunt. Vno enim nomine utrumque comprehensum est, tropo metonymico: quasi per ea quæ continent, id quod continetur. Nam ipsius est mare, & ipse fecit illud. Sequitur, Vocauitq; deus firmamentum, cœlum.) Quid est quod cœlum factum dicit: & hoc, firmamentum postmodum uocatur: nisi quia natura angelica, quæ prius mirabiliter est condita, ne cadere unquam possit, postmodum est mirabilius confirmata. Firmamentum, id est, solidamentum sanctarum scripturarum. Firmamentum, in ecclesia scripturæ diuinæ intelliguntur: sicut scriptū est, Cœlum plicabitur sicut liber. Discreuitq; super hoc firmamentum aquas: id est, cœlestes populos angelorum, qui non opus habent hoc suscipere firmamentum, ut legentes audiant uerbum dei: uident enim eum semper, & diligunt. Sed superposuit ipsum firmamentum legis suæ super infirmitatem inferiorum populorum, ut ibi suspicientes, cognoscant qualiter discernant inter carnalia & spiritalia, quasi super aquas superiores & inferiores. Sequitur, Dixit quoq; deus, Congregentur aquæ quæ sub cœlo sunt, in locum unum.) Si totum aquis plenum erat, quomodo poterant aquæ congregari in unum? Sed iam superius dictū est, quod super aquam ferebatur spiritus dei; unde erat deus omnia formaturus. Nunc uero quomodo dicitur, Congregentur in locum unum: hoc dicitur, ut illa materia incorporalis formaretur in ea specie, quam habent istæ aquæ uisibiles. Ipsæ enim congregatæ in unum, ipsa est aquarum formatio harum, quas uidemus & tangimus. Appareat arida.) Quid hic aliud intelligendum est, nisi ut illa materia accipiat uisibilem formam, quam nunc terram istam uidemus habere? Superius enim quando cognominabatur terra, Inanis & uacua, ipsa rerum materia nominabatur, nondum generibus creaturarum completa corporalium: & quod nominabatur aqua, supra quam ferebatur spiritus dei, eadem tursus materia nominabatur. Nunc uero aqua ista, & terra, formatur ex illa materia, quæ ipsis nominibus appellabatur, antequam formam aquæ istæ, quas nunc uidemus, acciperent. Et uocauit aridam, terram.) Terra ideo uocatur arida, quia sicut ignis calorem, & aqua humorem: ita terra naturaliter habet siccitatem. Congregationes quoq; aquarum appel-

De congrega
tione aquarū
in locū unum

IIII

rum, appellauit maria.) Notandum quod omnis aquarum congregatio, in Hebræa loquutione, maria nuncupentur. Et uidit deus, quia bona est.) Docet bonum esse quod fecit, non discit. Germinet terra herbam uirentem & facientem semen, lignum pomiferum faciens fructum.) Bene dixit, Herbam uirentem, & lignum pomiferum. Terra arida & fructuosa, per peccatum hominis maledicta, produxit tribulos & spinas. Vnde quæstio nascitur, Quomodo deus septima die requieuerit ab omni opere suo, quomodo hæc postmodum condidit noua? Quamuis enim propter peccatum hominis hæc condita dicantur, nihil tamen postmodum creatum est nouum: quia non post peccatum hominis, quasi ad poenam eius creatum sit aliquid nouum: maxime dum in eundem locum non dicatur, Spinās & tribulos pariat terra: sed, Pariet tibi terra: quasi diceret, Incipiet tibi nasci ad laboris exitium, quod olim creatum est ad pabulum iumentorum. Hæc autem uenenosæ, quanquam ad poenam, uel exitium mortalium sint creatæ, habent tamen ipsæ quædam remedia salubritatū: & quæ non præstant escam, medicinam ministrant: & quæ noxia sunt uisibus hominum, innoxium præbent feris & auibus pabulum. Iuxta genus suum.) Vt esset nascentibus singulis uirtus seminaria, & secundum genus eorum similia nascerentur, distincta similitudine, sicut origine. Post hæc, die tertio collegit in unum aquas inferiores falsas: hoc est, homines infideles, qui cupiditatum tempestate, & tentationum carnalium fluctibus quatiuntur, & in seipsis quasi amaritudo includuntur. Segregauitq; ab eis aridam. Populum scilicet fontem fidei sitientem. Fixitq; dehinc superborum limites, & coercuit eos: ne turbulentis iniquitatum suarum fluctibus, aridam, id est, animam sitientem deum conturbent: liceatq; ei germinare bonorum operum fructus, secundum genus suum. Diligens proximum in subsidij necessitatum carnalium, habens in se semen secundum similitudinem, ut ex sua infirmitate compatiatur ad subueniendum indigentibus. Produccens & lignum forte robore, & fructiferum, id est, beneficium, ad eripendum eum qui iniuriam patitur, de manu potentis, & præbendo protectionis speciem umbraculo ualido, robore iusti iudicij. Sequitur, Dixit autem deus, Fiant luminaria in firmamento cæli.) Si quarto die facta sunt luminaria, quomodo tres dies iam ante fuerunt? Nisi ut intelligamus in ipsa hora temporis, ipsas operum distinctiones ita appellatas: uesperum, propter transactionem consummati operis: mane, propter inchoationem futuri diei: in similitudinem humanorum operum, quod pleriq; mane incipiunt, & in uesperum desinunt. Et diuidant diem ac noctem.) Quasi diceret, Sic diuidant inter diem & noctem, ut soli dies detur, nox uero lunæ & aetheribus cæteris. Et sint in signa & tempora, in dies & annos.)

a 4 In signa

De creatione
solis & lune
& stellarum.
v

In signa, scilicet quemadmodum ex sole & luna aliqua signa colliguntur: iuxta quod & dominus ait, Erunt signa in sole & luna & in stellis. per quod significaretur tempus futuræ consummationis. Signa, pro eo quod aliquid significant futurum. Vel quod articuli temporum per syderum cursus notantur. Non autem ea signa, quibus nonnulli tentauerunt natiuitates exprimere hominum & qualitates. Et addidit, Vt sint in signa & tempora, scilicet ut tempora distinguantur in uicibus mutationum, hyemis, uerni, æstatis, autumnus. In istis igitur temporibus, aut uelocior est transitus solis, aut tardior, aut æqualis. Alia enim præstringit radijs suis, alia inflammat caloribus, alia temperie fouet. In signa, & in dies. Vt sol in eo habeat diei principatum. In annos. Quia luna per tricenos dies duodecies currens, annum conficit. Sol autem expleto per omnia signa circuitu, ad idem principium cursus sui recurrit. Signa autem & tempora, pertinent ad omnia sydera. Dies uero, ad solem tantummodo. Annus autem, ad cursum solis & lunæ. Luminare maius, ut præfesset diei.) Vtiq, quia per diem sol principatum tenet. Luminare minus, ut præfesset nocti & stellis.) Quia luna per noctem principatum tenet, quamuis cætera sydera cum ea pariter fulgeant. Quarto die emicuerunt luminaria, firmamento legis infixæ: id est, euangelistæ, doctores scripturæ sanctæ coherentes disputando, & omnibus inferioribus lumen sapientiæ demonstrantes. Protulit etiam simul & cæteram micantium syderum turbam: id est, diuersarum uirtutum in ecclesia numerositatem, quæ in huius uitæ obscuritate, tanquam in nocte refulgentes, diuidant in hoc firmamento scripturæ, sensibilia, & intelligibilia: quasi inter lucem perfectorum, & tenebras prauorum. Ex sunt in signis, uirtutum & miraculorum: quia prædicatores proprijs temporibus uiuunt uerbum autem domini manet in æternum. Quare autem primo terra generauit, deinde facta sunt luminaria: nisi quia post opera bona, uenit illuminatio lucis ad contemplandam speciem supernæ uirtutis. Sequitur.

De eo quod
scriptum est,
Producent
aquæ reptile
animæ uiuentis
tis VI

Dixit etiam deus, Producant aquæ reptile animæ uiuentis, & uolatile super terram.) Quod uolantia ab aquis producta scribuntur, aer in quo aues uolitant, à sapientibus cum aquis deputatur: pro eo quod aquarum humida exsolutio pinguescit, ut uolatus auium sustinere possit. Ob hoc non immerito pisces & uolucres de aquis nata esse commemorantur: quia una est ætis aquarum uel natura. Sed quicquid aquarum undosum & fluidum est, reptilibus deputatum est: quicquid uero uaporaliter suspensum est, auiibus distributum est. In species suas secundum genus suum.) Quia ita creata sunt, ut ex eis alia generentur, quæ & formam seruent posteritatis, & specie distinguerentur à cæteris. Inter hæc die quinta, facta sunt in aquis reptilia animarum uiuarum: homines scilicet renouati in uitam per baptismi sacramentum. Facta sunt & uolantia, id est, sanctæ animæ ad superna uolantes.

na volantes. Sequitur, Dixit quoque deus, Producat terra animam uiuentem in genere suo, iumenta & reptilia & bestias terræ.) Hæc tria generaliter distinguit. In iumentis enim, animalia quæ in usus hominum sunt. In reptilibus, serpentes. In bestiis, leones, pardos, tygrides, uel quicquid ore uel unguibus sæuit. Quum omnia legantur bona à deo creata, quare quædam noxia inueniuntur? An fortè in primordio innocua facta sunt, & post peccatum nocere cœperunt? Bona enim condita sunt, sed male agentibus data sunt in flagellum. Hinc per prophetam dicitur, Ego dominus faciens pacem, & creans malum. Creare se dominus mala insinuat, dum bona condita, peccatoribus in flagellum format: ut ea ipsa & per dolorem quo feriunt, delinquentibus mala sint: & per naturam qua existunt, bona. Quæritur adhuc, & si nobis pro peccato nocent, quare sibi inuicem nocent? nisi quia aliæ in cibum sunt aliarum datæ. Omnia in suo genere pulchra sunt, quamuis nobis pro peccatis uideantur aduersa. De minutissimis animalibus credendum est, quæcunque ex aquis uel terris nunc nascuntur in prima rerum conditione fuisse creata. Cætera uero quæ de uitris corporum uel lignorum uel cadauerum nascuntur putredine, non tunc creata sunt in specie, sed inerat in eorum corporibus præsens seminis origo, ut consequenter de eorum corruptionibus pro suo quoque genere exorirentur. Post hæc sexa die producit terra animam uiuam, quando caro nostra abstinens ab operibus mortuis uiua uirtutū germina parturit, secundum genus scilicet suum, id est, uitam imitando sanctorum, sicut apostolus ait, Imitatores mei estote. Secundum nostrum quippe genus uiuimus, quando in opere bono sanctos uiros quasi proximos imitatur. Deinde produxit terra bestias, homines in potentia rerum siue ferocitate superbiæ: similiter & pecora, fideles in simplicitate uitæ uiuentes: serpentes quoque innoxios, sanctos uidelicet uiros astutiæ uiuacitate bonum à malo discernentes, & in quantum fas est reptando scrutantes terrena, per quæ intelligant sempiterna, non illos uenenosos, qui se in huius mundi cupiditatibus terrenis collocant. Sequitur, Faciamus hominem ad imaginem & similitudinem nostram.) Quare de solo homine dictum est, Faciamus hominem: de alijs autem creaturis legitur, Dixit deus ut fierent, & facta sunt: Videlicet quia rationabilis creatura condebatur, ut cum consilio facta uideretur, & ut nobilitas eius ostenderetur. Nunquid angelis dictum est, Faciamus hominem? Sed quia sequitur, Ad imaginem nostram: nefas est credere ad imaginem angelorum hominem fuisse creatum, sed ad imaginem dei. Recte ergo intelligitur pluralitas trinitatis: quæ tamen trinitas quia unus est deus, etiā quum dixisset, Faciamus: addidit, Et fecit deus, inquit, hominem ad imaginem suam: ad imaginē dei creauit illum, non dixit, fecerunt. Ergo quia fiebat ad imaginē dei, id est, trinitatis: propterea dictum est, Ad imaginē & similitudinē nostram. Sed in

Item de pro/
ductione ani/
ma uiuentis in
genere suo
V II

De eo quod
scriptum est,
Faciamus ho/
minē ad ima/
ginē & simili/
tudinē nostrā
V III

interiore

interiore homine est conditoris sui imago: imago in immortalitate, similitudo in moribus. Rursus autem, ne in trinitate credentes, arbitrentur tres deos, quum sit eadem trinitas unus deus, Et fecit, inquit, deus hominem ad imaginem suam. Ac si diceret, ad imaginem dei. Inter similitudinem & imaginem hoc interest: Imago dei omnium, similitudo paucorum. Hæc namq; imago dei ab excellentia diuinæ similitudinis distat, quod imago dei, anima peccatrix esse desinit. Ad dei autem similitudinē, nisi anima sancta fuerit, non peruenit: quia illa anima creata est per naturam, hæc dabitur consummari per gratiam. Quoniam si nihil est aliud imago dei, quàm mens naturaliter animæ humanæ collata, quid aliud erit similitudo, nisi feliciter beatitudo conferenda? Et ideo quidem est magnum, quod hominis mens facta ad imaginem dei data sit in natura, cuius privilegio carent animalia cætera: sed illud est multo præstantius, quod ei similitudo danda sit sui creatoris in gloria, ut ibi sit suo creatori similis, ubi erit angelis sanctis æqualis. Quæri etiam potest, quur homo sexto die creatus est, dum constat, quod propter intelligentiam nobilior est cæteris creaturis, quæ in sex diebus factæ sunt? nisi ut primo creator, mundum quasi domum præpararet: & sic post introduceret habitatorem, id est, dominum domus. Fecit deus hominem ad imaginem & similitudinem suam. Non enim secundum formam corporis, homo factus est ad imaginem dei, sed secundum rationabilem mentem: iuxta quod ait apostolus, Renouamini spiritus mentis uestræ. Et, Induite nouum hominem, qui secundum deum creatus est. Et alibi, Exuentes uos, inquit, ueterem hominem, induite nouum, qui renouatur in agnitionem dei, secundum imaginem eius, qui creauit eum. Hinc apparet quod non secundum corpus, sed secundum intellectum mentis, ad imaginem dei factus est homo: quamuis & ipsum corpus nostrum ita sit fabricatum, ut ostendat nos meliores esse, quàm bestias, & propterea dissimiles. Illa enim omnia inclinata sunt ad terram: hominis autem corpus erectum est: quod significat animam nostram in supernis, id est, ad spiritalia debere semper esse erectam. Ad imaginem dei creauit illum.) Hic homo secundum animam, causali ratione creatur. Nam adhuc sequitur, ut de limo formetur.

Masculum & feminam fecit eos.) Necdum enim Eua facta describitur, quomodo hic masculus & femina perhibetur? Sed quia de eodem latere erat femina processura, in illo iam computatur per substantiam, à quo erat producenda per formam. Ergo secundum originem Adam & Eua simul facti sunt, secundum speciem uero formæ, postea femina de latere uiri formata est. Benedixitq; illis deus, & ait, Crescite & multiplicamini, & replete terram.) Quidam nostri non secundum carnalem fecunditatem uolunt intelligi, sed animæ: ut est illud, Multiplicabis in anima mea uirtutem, ut hic quod sequitur, Et implete terram. Terram intelligunt carnem, quam

quam implet anima, & dominatur, quum in uirtute multiplicatur. Carnalem autem foetum, non tunc nasci potuisse in paradiso, sed foris gignere, sicut factum est. Nos autem non dubitamus secundum benedictionem dei corporaliter potuisse illos in paradiso multiplicari, & si non peccassent coitu ros sine ulla libidinis perturbatione, ut membra sola uoluntas, non libido moueret. Illud tamen credendum est, quod tanta multitudo nasci potuit hominum, quo ad usque praedestinatorum sanctorum numerus compleretur, quanti & nunc per dei gratiam colliguntur. Et dominamini piscibus maris, & uolatilibus caeli, & uniuersis animalibus.) Saluo intellectu quo omnibus animantibus homo dominatur: spiritualiter uero omnes affectiones & motus animae, quos habemus istis animalibus similes, subditos haberent, & dominarentur eorum per temperantiam. Quomodo accepit potestatem bestiarum, dum uideamus ab eis multos occidi: Post peccatum enim primus homo damnatus amisit perfectionem illam qua ad imaginem dei fuerat factus ut omnibus dominaretur. Merito enim peccatorum actum est, ut naturaliter prospera efficerentur homini aduersa. Vidit deus omnia quae fecit, & erant ualde bona.) Attende uniuersalem creaturam ualde bonam uocari, singulariter uero tantum bonam. Quare ita, nisi quia omnis pulchritudo quae in partibus constat, minus est laudabilis in parte quam in toto: sicut & membra corporis quum sint singula bona, maius tamen faciunt bonum, dum unum ualde bonum corpus efficiunt & pulchritudinem suam uniuersaliter conferunt. Ante erant singula bona, propter hominem omnia ualde bona, quia omnia in decorem hominis creata sunt. Homo uero in gloriam & laudem conditoris sui factus est. Sequitur,

IGITUR perfecti sunt caeli & terra.) Bene pluraliter caelos posuit, siue illud coelum spiritale, quod non uidemus, per quod angeli significati sunt: siue hoc corporeum, quod uidemus, quod firmamentum est uocatum. Et omnis ornatus eorum.) Ornatus spiritualis caeli, angeli sunt, & principatus: huius corporei caeli ornatus, sydera, sol, & luna. Ornatus autem terrae, maria, erecta montium, subducta uallium, densa camporum, lapsus amnium, fontium iugitates, pratorum gemmae, frugum uarietates, umbrae arborum, genera seminum, diuersitas animalium specie atque genere inuicem differentium. Quod autem creatura hominis sexta die perfecta est, senario numero conuenit: & senarius numerus mundi est perfectio, quia in ipso die totius generis atque operis summa completa est. Vnde & specialem quandam tenet huius numeri perfectio dignitatem. Vnum enim & duo & tria, sex faciunt. Habet enim tres partes tales, sextam, tertiam, & dimidiam. Sexta eius unus est, tertia duo, dimidia tres. Haec trium partes in summa ducta, id est, unum, duo, & tria, simul eundem consummant, perficiuntque senarium numerum, quae est ratio in reliquarum partium numero. Igitur diuisio duorum, in unum est: diuisio trium, in unum est. Quid aliud hic numerus

CAP. II
De perfectio-
ne caeli & ter-
rae IX

numerus ostēdit, nisi trinitatem quæ deus est: Quæ quamuis tres sint personæ, in una tamen creduntur unitate naturæ. Vnum ergo & duo & tria, sex faciūt. Ideoq; propter eius numeri perfectionē, sex diebus operatus est omnem creaturam. Tres istæ partes senarij numeri, demonstrant nobis trinitatem domini. In trinitate numeri, mensuræ, & ponderis fecisse omnem creaturam: omnia in numero & mēsurā & pondere disposuit, idem quia omnia in se disposuit: quia omnia quæ fecit, numeros & mensuram & pondus habent. Post hæc fecit deus hominem ad imaginem suam, perfectum scilicet uirum, qui non quemlibet sanctorū uiroꝝ imitando sed ipsam ueritatem contēplabiliter intuen- do, operatur iustitiam, ut ipsam intelligat & sequatur, ad cuius imaginē factus est, ueritatem. Iste etiam accipit potestatem piscium maris & uolatiliū cœli, pecorum quoq; atq; serpētium: quia spiritalis quisq; effectus, & deo similis factus, secundum apostolū Iudicat omnia, ipse autem iudicatur à nemine. Quod uero sequitur, Masculum & feminā fecit eos in ecclesia spiritales & obediētes ostendit: quia sicut uiro subdita est mulier, sic & spiritali & perfecto uiro obediens est is qui minus perfectus est, sicut apostolus ait, Rogamus uos fratres, ut cognoscatis eos qui in uobis laborant, & præfunt uobis in domino. Dicitur enim eis, Crescite & multiplicamini: siue in linguis, siue in spiritalibus intelligentiæ gradibus, ut dominentur per rationis intellectum, omnium carnalium perturbationum, quasi insensibilium animantium. Omnis autem herba seminalis, & omne lignum fructuosum, quod datum est hominibus in escam, fideles sunt, de oblationibus sanctorum communicantes. Vnde & apostolus ait, Nam si in spiritalibus participes facti sunt gentiles, debent & in carnalibus ministrare eis. Hæc sunt ligna fructifera. In istis ergo gradibus tanquam in quibusdam diebus uespera est, ipsa perfectio singulorū operum: & mane, inchoatio sequentium. Sequitur, Compleuitq; deus die septimo opus suū quod fecerat. Arguitur Iudæi qui de otio sabbati gloriātur, cum & tunc in principio sabbatum dissolutū est, dum deus operatur in sabbato cōplens in eo opera sua. Requieuitq; deus ab uniuerso opere. Siue translato genere loquutionis, ipse requiescere creditur, quando nos in se facit requiescere: siue quod ipse, per quem omnia facta sunt, ipsa die in sepulchro quieuit: siue quia omniū creaturarum ita in ipsis sex diebus expleuit originem, ut nouam deinceps non conderet creaturam. Sed quomodo conueniat illud quod dominus in euangelio ait, Pater meus usq; modo operatur, & ego operor: cum hoc quod ait, Requieuit deus ab operibus suis. Requieuit scilicet, quia deinceps nullā nouam condidit creaturam, Operatur autem usq; nunc, quia omnia ex eis facit, quæ in illis sex diebus mysticis fecit. Ergo requieuit à condendis generibus creaturæ, non autem cessauit ab opere regendi uel administrandi omnia quæ creauit. Et benedixit diei septimo, & sanctificauit eum. Quare dominus sanctificauit diem quietis suæ, nisi quia se creaturæ quā fecit diligenter

De cōpletionē
operum in die
septimo

dum prapofuit, non fanctificās diem qua ea facienda inchoauit, nec illum in quo ea perfecit, ne illis aut faciendis uel factis augmento eius gaudere uidetur, fed tunc fanctificauit, quando ab ipsis in fe ipfo requieuit. Poft iftorum itaq; quali ſex dierum opera bona ualde ſperat homo quietē mentis, conſtitutus in paradifo ſpiritali, quo ſignificatur uita beata: ubi fons eſt ſapiētiæ diuiſus in quatuor partes uirtutum, ubi edat ligni uitæ gratiam, ubi utiles diſciplinas morum, quali fructus lignorum carpat. Eſt namq; paradifus uita beatorum, quatuor flumina quatuor uirtutes, ligna eius omnes utiles diſciplinæ, lignorum fructus mores piorum: lignum uitæ ipſa bonorum omnium mater ſapientia eſt, de qua ſcriptum eſt Salomone dicente, Lignum uitæ eſt hiſ qui apprehendunt eam, & qui tenuerit eam beatus. Lignum ſcientiæ boni & mali, tranſgreſſio eſt mādati. Expleta hæcenus ſex dierum opera, qualiter in eccleſia ſpiritualiter intelligantur expoſita ſunt. Deinde quid in figura ſeculi ſignificent, ſubſciendum eſt. Sex diebus conſummauit deus omnia opera ſua, & ſeptimo requieuit. Sex ætatibus humanum genus in hoc ſeculo per ſucceſſiones temporum dei opera inſinuant: quarum prima eſt ab Adam uſq; ad Noe, ſecunda à Noe uſq; ad Abraham, tertia ab Abraham uſq; ad Dauid, quarta à Dauid uſq; ad tranſmigrationem Babyloniz, quinta deinde uſq; ad humilem aduentum domini noſtri Jeſu Chriſti, ſexta quæ nunc agitur uſq; quo mundus finiatur, donec excellus ueniat ad iudicium: ſeptima uero intelligitur in requie ſanctorum, quæ ſcilicet ueſperā non habet, quia eam iam nullus terminus claudit. Pergamus ergo breuiter per has mundi omnes ætates, replicantes ordinem temporum earum, & myſtice eius differentias diſtinguamus. Primo enim ſeculo, factus eſt tanquā lux homo in paradifo. In qua ætate filios dei in lucis nomine diuiſit deus à filiis hominū quali à tenebris, fitq; huius diei ueſpera diluuiū. Secundum ſeculum eſt factum, quali firmamentum inter aquam & aquam. Arca utiq; illa quæ natauit inter pluuiam & maria, & anterioribus populis propter immanitatē ſcelerum finem impoſuit, & poſterioribus poſt Noe ac filiis eius principiū dedit. Huius ueſpera, fuit conſuſio linguarum. Tertium ſeculum factū eſt, quando ſeparauit populū ſuum à gentibus per Abraham uelut à ſaliſ & amariffimis aquis, quali aridam ab aquis, ut proferret germē herbarum atq; lignorum, id eſt, ſanctos, & fructus ſanctarum ſcripturarum. Huius ueſpera, fuit peccatū atq; malicia peſſimi regis Saul. Inde quartum coepit ſeculum à Dauid, quando cōſtituit deus luminaria in firmamento cœli: id eſt, ſplendorem regni tanquā ſolis excellentiam, & in ſpecie lunæ obtemperantē tanquam lunam ſynagogam, & ſtellas principes eius. Cuius ætatis fit ueſpera in peccatis regum, quibus gens illa meruit captuari. Porro quinto ſeculo, id eſt, in tranſmigratione Babyloniz, facta ſunt quali animalia in aquis & uolatilia cœli: quia tunc Iudæi inter gētes tanquam in mari uiuere cœperunt, nec habebant ſtabilem locum tanquā uolantes aues. Huius diei quali ueſpera eſt multiplicatio peccatorum in populo Iu-

daorum, quando sic excæcati sunt, ut etiam dominum Iesum non possent agnoscere. Iam seculū sextum sit, in aduentu domini nostri Iesu Christi. Nam sicut in illa sexta die primus homo Adam de limo terræ ad imaginē dei formatus est: sic in ista sexta seculi ætate secundus Adam, id est, Christus, in carne de Maria uirgine natus est. Ille in animam uiuentem, hic in spiritum uiuificantem. Et sicut in illa die fit anima uiua, sic & in isto seculo uitam desiderantes æternam. Et sicut in illa sexta die serpentium & ferarum genera terra produxit, ita & in hac sexta ætate seculi gentes uitam appetentes æternam ecclesia generauit: quem etiam sensum uas Petro ostensum manifestauit. Et quem admodum die sexta creatur masculus & femina, sic in ista sexta seculi ætate manifestatur Christus & ecclesia. Et sicuti præponitur homo in die illa pecoribus, serpentibus, & cœli uolatilibus: ita & Christus in hac ætate seculi gentibus, populis, & nationibus ut ab eo regantur: uel carnali concupiscentiæ dediti sicuti pecora: uel terrena curiositate obscurati, quasi serpentes: uel elati superbia, quasi aues. Et sicut in illa die pascitur homo, & animalia quæ cum illo sūt herbis seminalibus & lignis fructiferis & herbis uiridibus: sic & ista sexta seculi ætate, spiritalis homo, qui bonus minister est Iesu Christi, cum ipso populo spiritaliter pascitur sanctarum scripturarum alimentis, & lege diuina ad concupiscendam fecunditatē rationum atq; sermonum, tanquam herbis seminalibus: partim ad utilitatem morum cōuersationis humanæ, tanquam lignis fructiferis: partim ad uigorem fidei, spei, & charitatis in uitam æternam, tanquam herbis uiridibus, quæ nullo actu tribulationum arescunt: sic in istis spiritalibus cibis alimentisq; pascitur, ut multa intelligat. Carnales autem, id est, paruuli in Christo, tanquam pecus dei, ut multa credat quæ necdum intellegere ualeat, uel potest: tamen eosdem cibos omnes habent. Huius ætatis autem quasi uespera, utinam nos non inueniat. Illa est enim de qua dominus dicit. Putas ne ueniens filius hominis inueniet fidem super terram? Post illā uesperam fiet mane, quādo ipse dominus in claritate uenturus est. Tunc requiescent cum Christo ab omnibus operibus suis, ij quibus dictū est. Estote perfecti, sicut & pater uester qui in cœlis est. Tales enim faciunt opera bona ualde. Post talia enim opera, speranda est requies in die septimo, qui uesperam non habet. Sequitur. Istæ generationes cœli & terræ, quando creatæ sunt, in die qua fecit deus cœlū & terram. Qui enim superius per dies singulos distincte omnia condita retulit, qualiter nunc simul omnia uno die creatæ sint, subiunxit: ut aliquando ostenderet, quod creatura omnis simul per substantiam exitit, sed non simul per speciem processit. Rerum quippe origo simul creatæ est, sed simul specie formata non est: & quod simul exitit per substantiam materiæ, non simul apparuit per speciem formæ. Quum enim simul factum cœlum & terra scribitur, simul & spiritalia & corporalia, simul quicquid de cœlo oritur, simul factum quicquid de terra producit, indicatur. Sydera quippe, quarta die in cœlo facta perhibentur. Sed quod quarto die processit in specie,

De genera-
tione cœli &
terræ quando
creatæ sunt

XI

in specie, primo die in cœlis extitit per substantiæ conditionem. Sic & cætera. Scriptum est enim, Qui uiuit in æternum, creauit omnia simul. In die quo fecit omne uirgultum agri, antequàm oriretur in terra, omnemq; herbam regionis, prius quàm germinaret.) Quomodo herba & uiridia agri antequàm exorirentur condita sunt? Et si non erant exorta, quomodo erant facta? Nisi quia causaliter in illo die quando dictum est, Producat terra herbam uirentem: tunc eam producendi accepit uirtutem: & in ea tanquam in radicibus, ut ita dixerim, temporum facta erant, quæ per tempora futura erant. Non enim pluerat dominus deus super terram, & homo non erat qui operaretur eam.) Quir quod iam sexta die factum fuerat, hoc recapitulando commemorat? Nisi quia quando fecit deus uiridia agri nondum pluerat, nondum homo factus fuerat. Sed fons ascendebat de terra, irrigans uniuersam superficiem terræ.) Fontem, singularem numerum pro plurali posuit: quasi diceret, Nondum pluuia erat, sed fontes per uniuersam terram suis quibusq; locis erumpentes, regiones proprias irrigabant. Nolu it hic fontes appellare, sed fontem, propter naturæ unitatem. Vel certe, ut intelligeremus quantum prima terræ generatio à posteriore distet, quæ morulis ad pluuiarum irrigationem uix tandem & tarde perficitur. Illa uero ad iubentis imperium mox exorta apparuit. Istæ generationes cœli & terræ, quando creatæ sunt, in die quo fecit deus cœlum & terram, & omne uirgultum agri, omnemq; herbam regionis, antequàm esset super terram. Superius septem dies numerati sunt: nunc unus dies dicitur, Quo fecit cœlum & terram, & omne uirgultum agri, omnemq; herbam regionis. Huius diei nomine secundum prophetam, omne tempus huius uitæ significatur, in quo cœlum & terra factum, id est, in quo creaturæ uisibiles disponuntur. Sed quid sibi uult, quod nunc nominato cœlo & terra, adiecit, Virgultum agri, & herbam regionis: & tacuit cætera quæ sunt in cœlo & terra, uel etiam in mari? Nisi quia per uirgultum agri, inuisibilem creaturam demonstrat intelligi, sicut est anima: dicta autem uirgultum, propter uigorem uitæ: herba, propter eandem uitam nunquam marcescentem. Deinde quod addidit, Antequàm esset super terram: intelligitur antequàm anima peccaret: terrenis enim cupiditatibus sordidata, tanquam super terram nata, uel super terram esse, recte dicitur. Vnde & adiecit, Nondum enim pluerat dominus deus super terram. Quasi aperte diceret, Antequàm peccaret anima, nondum nubibus scripturarum pluuiam doctrinæ dominus ad animam irrigandam concesserat. Nondum propter hominem, qui est terra, dominus noster nubem carnis assumpserat: per quam imbrem sancti euangelij largissimum infudit. Quod uero subiunxit, Et homo non erat, qui operaretur terram: quia nullus homo operatus est in uirgine, unde natus est Christus. Ipse enim est lapis de monte sine manibus abscisus: id est, absq; coitu, & humano semine, de uirginali utero, quasi de monte humanæ naturæ & substantia carnis abscisus. Sed fons ascendebat de terra, irrigans uniuersam superfi-

ciem terræ. Terra, mater uirgo domini Maria rectissime accipitur, de qua scriptum est. Aperiat^r terra & germinet saluatorem. Quam terram irrigauit spiritus sanctus, qui fontis & aquæ nomine in euangelio significatur. Sequitur,

De formatione hominis ex limo terre

XII

Formauit igitur dominus hominem de limo terræ. Secundum causalem rationem in sex dierum operibus factus est, secundum originem uero temporum nunc formatus est. Nam quādo dictū est, quod factus est homo, ipsam causam fecerat deus, de qua erat suo tempore homo futurus; causa autem de qua in futurum formatetur, id est, terra, hæc præcesserat. Item nonnulli intelligunt ita, ut postquā dictum est, Formauit deus hominem de limo terræ: non est additum, Ad imaginem suam: quoniam de corporis formatione dicitur. Tunc autem interior homo significabatur, quando dictum est, Ad imaginem & similitudinem suam. Quæritur autem utrum uirili ætate formatus est homo: an per spatia temporum creuisset? & utrum fecisset eum deus suæ uoluntatis seruatore? Verumtamen si hoc hominum futurorum causa, uero de erant insiti atque præconditi in die quo factum est cælum & terra, quando creauit deus omnia simul: non aliter Adam de limo factum intelligimus, nisi perfectæ ætatis. Non enim eum tam paruum, quā infantes nostri sunt, factum fuisse credibile est: qui erat in illis causis iam conditus, ubi deus hominem in operibus sex dierum fecit. Et fecit deus hominem de limo terræ. Non uero tale erat corpus mortale iam factum, quale primo homini creatum uidetur ante peccatum: si hoc in quo nunc sumus tale est, quale aut fuit, aut erit: quia primi hominis corpus & si habuit in natura posse non mori, hoc etiam habuit, ut si peccasset, posset morte dissolui. Istud autē cuius corruptio de peccato facta, & ad mortem mortalitas ducit, postquā cecidit in hanc moriendi necessitatē, ita est ab illius primi hominis creatione corporis immutatum, ut ad immortalitatem transire non possit, nisi per mortem. Illud uero corpus quod in resurrectione credimus futurū, immortale semel effectum, mori ultra non poterit. Quod quum fuerit immortalis animæ corpus effectum, sicut ab illa, ita ab eo qualitas moriendi nunquam reparari poterit. Si primi hominis corpus uitale fuit, quod potuit etiam non mori: hoc mortale est, cui necessitas facta est moriendi: quod absolute in futurum immortale erit, iam mori omnino non poterit: ac per hoc illud corpus facultatem non moriendi habuit ex natura: hoc uero mortale, conditionem moriendi habet ex pœna: immortale illud, felicitatem nunquam moriendi habet in gloria. Sequitur, Et inspirauit in faciem eius spiritaculum uitæ, & factus est homo in animam uiuentem.) Spiritaculum uitæ: hoc in loco animam coniunctam corpori intelligimus. Si uero homo ille quādo factus est ex limo, corpus & anima erat, nunc ipsius anima ex suis est additum ad istam inspirationem, quando factus est homo in animam uiuentem, dum dicitur, Inspirauit in eum spiritum uitæ, & factus est homo in animam uiuentem: non est credendum, uelut partem naturæ dei in animam hominis fuisse conuersam, ut cogamur dicere, naturam dei

dei esse mutabilem, sicut anima, quæ modo proficit, modo deficit, modo sapit, modo desipit. Ergo non est anima, quæ mutabilis est, credēda natura, uel pars dei, propheta attestante, qui ait, Qui finxit spiritum hominis, & ipse scit omnia. & ipse spiritus est anima hominis, euāgelista testāte de anima, quam Christus in carne accepit, quum dixisset dominus, Potestatem habeo ponendi animam meam, quam tunc posuit, quādo inclinato capite emisit spiritum. Unde nullatenus dubitandum est, spiritum esse animam: quam etiam deus nec de se, nec de qualibet subiacente elementorum materia, sed de nihilo fecit. Nam si de semetipso eam fecisset, nunquam uitiosa aut mutabilis uel misera esse potuisset. Si uero ex elementis uisibilibus facta fuisset, haberet aut ex terra soliditatem, aut ex aqua humorē, aut flatum ex aere, aut calorem ex igne. Sed quia his omnibus caret, apparet eam inde non esse, quæ cum illis probatur nihil habere commune: & ideo anima, spiraculum dicta est, quia ex nihilo facta: corpori quod animaret, insufflata est. Ideo dicta est spiraculū uitæ, quia & iste aer plerumque dicitur spiritus. Sed tamen spiritus uitæ non dicitur, quia caret uita. Quæritur autem utrum deus animam insufflando fecit: An eam quam fecerat, corpori dando potius insufflauit? Vtrumque enim puto esse nec habere aliquid quæstionis, quomodo siue insufflando fecerit animam, siue creādo donauerit: nec de aliquo flatu suo, nec de seipso, sed ex nihilo aut sufflando creauit, aut creādo corpori insufflauit: non quia illud spiraculū conuersum est in animam uiuentem, sed operatus est animam uiuentem. Non dum tamen spiritalē hominē debemus intelligere, quia factus est in animam uiuentem, sed adhuc animalem. Tunc enim spiritalis effectus est, quum in paradiso cōstitutus est, & præceptum perfectionis accepit. Itaque postquam peccauit, & emissus est de paradiso, in eo remāsit ut animalis esset: & ideo animalem hominem prius gestamus omnes, qui de illo post peccatum nati sumus, donec assequamur spiritalē Adam, id est, Christum. Sic enim apostolus dicit, Non primum quod spiritale est, sed quod animale. Formauit igitur deus hominem de limo terræ: id est, factus est Christus, iuxta quod ait apostolus, Ex semine Dauid secundum carnem: tanquam de limo terræ. Et inspirauit in faciem eius spiraculum uitæ. Vtiq; infusionē spiritus sancti, qui operatus est hominem Christum. Et factus est homo in animam uiuentem. Scilicet ut qui perfectus erat deus, perfectus crederetur & homo. Sequitur, Plantauerat autem dominus deus paradysum uoluptatis à principio, in quo posuit hominem quem formauerat. (Paradisus, hortus, siue uoluptas, uel deliciae interpretatur. Tres sunt opinioniones de paradiso: una eorum, qui corporaliter tantummodo paradysum accipiunt: alia eorum, qui spiritaliter tantum: tertia eorum, qui utroque modo intelligunt. A principio significatur, ex quo manifestatur, quod quasi prius quam deus cælum & terram faceret, paradysum ante condiderat. Produxitque deus de humo omne lignum, pulchrum uisui, & ad uescendum suauē.) Non ut aliquod noui generis lignum condidit, sed ex his

De eo quod scriptum est, Plantauerat autem dominus deus paradysum, &c.
XIII

generibus quæ iam terra tertia die produxerat, exorta sunt postmodum, & ex illa uirtute, quam iam generandi terra acceperat. Lignum etiam uitæ in medio paradisi, quidam tantum allegorice intelligi uolunt, ad significandam sapientiam, quæ est lignum uitæ. Sed quia sicut petra percussa aquas præbuit, quanquā significauerit Christum, tamen erat historialiter petra: ita & lignum uitæ, quamuis significaret Christum, tamen erat & corporaliter & euidentissime lignum: quod propterea lignum uitæ nuncupatum est, ut dum illi homines inde gustarent, nec morbo, nec senectute deficerent. In cæteris enim erat alimentum, in isto sacramentum. Lignum quippe scientiæ boni & mali, Non quod ipsum lignum in sua natura rationale esset, uel scientiam boni & mali habuisset: sed propterea appellatum est boni & mali scientiæ, quia homo per experimentum ab ipso didicit, quid esset obedientiæ bonum, & inobedientiæ malum. Sequitur, Et fluuius egrediebatur de loco uoluptatis ad irrigandum paradysum, qui inde diuiditur in quatuor capita. Nomen uni Phison.) Ipse est Ganges, qui nunc dicitur Nilus, qui Æthiopiarum partes irrigat. Tygris uero & Euphrates, etiam nunc nomina eadem tenent. Sed Euphrates fluuius est Mesopotamiæ. Tygris uero contra Assyrios uadit, & post multum circuitum influit in mare rubrum. Vocatur autem hoc nomine propter uelocitatem, ad instar bestiarum nimia uelocitate currentis. Plantauerat autem dominus deus paradysum à principio. Paradysus, ecclesia est: sic enim de illa legitur in Canticis canticorum, Hortus conclusus soror mea. A principio autem paradysus plantatur, quia ecclesia catholica à Christo principio omnium condita esse cognoscitur. Fluuius de paradiso exiens, imaginem portat Christi de paterno fonte fluentis, qui irrigat ecclesiam suam uerbo prædicationis ex dono baptismi. Quatuor autem paradisi flumina, quatuor sunt euangelia ad prædicationem cunctis gentibus missa. Ligna fructifera, omnes sancti sunt. Fructus eorum, opera eorum. Lignum autem uitæ, sanctus sanctorum, Christus scilicet, ad quem quisque si porrexerit manum, uiuet in æternum. Lignum autem scientiæ boni & mali, proprium est uoluntatis arbitrium, quod in medio est positum; ad dignoscendum bonum & malum: de quo qui relicta gratia dei gustauerit, morte morietur. Sequitur, Tulit ergo dominus deus hominem, & posuit eum in paradiso uoluptatis, ut operaretur, & custodiret illum.) Hic res capitulando narrat, quomodo in paradiso posuerit deus hominem, ut operaretur & custodiret illum. Quid operaretur, quando non erat laboris defectio? Quid custodiret, ubi nullus erat aggressor uel prædator? Sed ut sic custodiret eundem paradysum sibiipso, ne aliquid admitteret, ut inde mereretur expelli. Vel certe, ut operaretur, ut iustus esset: custodiret, ut tutus esset. Tulit igitur deus hominem, & posuit eum in paradiso. Assumpsit deus carnem, & factus est caput ecclesiæ. Ut operaretur, & custodiret illum. Id est, uoluntatem patris ex omnibus gentibus ecclesiam impleret. Sequitur, Præcepitque

De fluuijs paradisi X LIII

*De collocatio-
ne hominis in
paradiso X V*

cepitq; et, dicens.) Quæri potest, quomodo loquebatur deus ad Adam, Vtrum sicut nunc angelis loquitur per cœlestem substantiam: An quomodo patriarchis, per corporalem speciem assumptam ex aere cœlesti: Vel quomodo prophetis, in mente, sicut scriptum est, Et dixit mihi angelus, qui loquebatur in me. Sequitur, Ex omni ligno paradisi comede, de ligno autem scientiæ boni & mali ne comedas.) Non quod ipsum lignum in sua natura rationale esset, uel scientiam boni & mali habuisset: sed quod in eo experiri & scire potuit, quid esset inter obedientiæ bonum & inobedientiæ malum: & ob hoc prohibetur, ut obseruaret præceptum, & obedientem se sub dei dominatione sciret, Ex hac ergo causa, ipsum lignum tale nomē accepit. Ligno uitæ utebatur, quasi ad medicinam, ut incorruptibilis esset: Ligno scientiæ boni & mali, quasi ueneno, ut moreretur: & ne tanto extolleretur dominio, sed in obseruatione mandati sciret se subiectum creatori suo. Sequitur, In quacunque die comederis ex eo, morte morieris.) Sic ergo intelligamus dominum denuntiasse mortem, in eo quod ait, Quacunque die edertis ex eo, morte moriemini: tanquam diceret, Qua die me deserueritis per inobedientiam, deferam uos per iustitiam. Quomodo poterat mortem timere, quam nullatenus sciebat experiendo? Sicut enim nos scimus resurrectionem, quam nunquam experti sumus, nec uidimus: ita & ille sciebat mortem, non adhuc per experientiam, sed per scientiam. Sciebat quippe quid esset. Et per priuationem uitæ sciebat, quod exiens anima à corpore facit mortem, & dum reuersa fuerit in corpore facit resurrectionem: ita & ille sciebat mortem per priuationem uitæ. Mortem dicit animæ, non corporis: quia non eo tempore mortui sunt quādo comederunt. Ergo hanc quam nunc deus homini minatus est mortem, non eam tantum debemus accipere, qua caro separatur ab anima, sed hanc qua hæc alienatur à deo, qui est uita sua. Sicut enim corpus uiuit ex anima, ita anima, ut beate uiuat, uiuit ex deo. Ergo deserta à deo anima, iure dicitur mortua: ex qua tres postea sequuntur mortes, prima in anima, secunda in carne, tertia in damnatione. Sed ut istæ sequerentur, prima præcessit desertio dei. Sequitur, Dixit quoque deus, Non est bonum hominem esse solum. Faciamus ei adiutorium simile sui.) In prima rerum conditione dictum fuerat, Masculum & foeminam fecit eos: & benedixit eis, dicens, Crescite & multiplicamini, & replete terram. Illa benedictio nuptiarum primorum hominum, ut crescerent & multiplicarentur, & implerent terram, quamuis & in delinquentibus manserit, tamen antequam delinquerent data est, ut cognosceretur procreatio filiorum ad gloriam connubij, non ad poenam pertinere peccati. Et quamuis emissi de paradiso genuisse commemorentur, credimus tamen eos sine ullo ardore libidinis, uel dolore pariendi gignere potuisse filios in paradiso. Et ex ligno uitæ, uigorem immortalitatis sumentes, perducerentur ad numerum sanctorum, quem expectat quantitas prædesti-

De ligno scientiæ boni & mali XVI

De eo quod scriptum est, Quacunque die comederis, morieris XVII

De eo quod scriptum est, Non est bonum esse solum XVIII

De impositione
nominum
animantium
XXI

natorum. Nec mirandum est, ut si non peccassent, semper uiuere potuissent: dum Enoch & Helias in Adam quidem mortui, haecenus tamē esse creduntur uiui in corpore. Dixit quoque deus, Non est bonum esse hominem solum. Arguuntur haeretici, qui Christum solum hominem putant, & non etiam deum. Faciamus ei adiutorium simile sui. Quia in ipso homine suscepto, ecclesia deo copulata est. Sequitur. Formatis igitur dominus deus de humo cunctis animantibus terrae, & uniuersis uolatilibus caeli, adduxit ea ad Adam, ut uideret, quid uocaret ea. Omne enim quod uocauit Adam animae uiuentis, ipsum est nomen eius. Appellauitque Adam nominibus suis cuncta animantia, & uniuersa uolatilia caeli, & omnes bestias terrae. Vt ostēderet quanto privilegio homo pecoribus antecellit, qui ratione sua cuncta distinguere, & nominatim secernere posset, adducta animalia ad Adam, non circuitu loci, sed occulto nutu diuina potentia uoluit ut uenirent, & homo intelligeret se ipsum quanto melior esset bestiis, dum cunctis nomina etymologiarum impotit: & eo magis conditorem suum diligeret, quo se meliorem cunctis uiuentibus, quibus nomina imposuit, esse sciret. Appellauit autem Adam nominibus suis cuncta animantia & uolatilia caeli, & bestias terrae, significans gentes quae saluae fierent in ecclesia, & per eundem dominum nomen Christianitatis erant accepturae, quod prius non habuerant, sicut scriptum est, Et uocabo seruos meos nomine alio. Sequitur. Adā uero non inueniebatur adiutorium simile eius. Quia inter omnia animantia terrae nullum rationale inueniebatur, nisi ille solus. Immisit ergo dominus deus soporem in Adam. Quumque obdormisset, tulit unam de costis eius, & repleuit carnem pro ea. Iste sopor ad hoc intelligitur emissus, ut ipse mens per eccliam participes fieret angelorum: & intrans in sanctuarium dei, intelligeret in nouissimis: & cuigilans, tanquam prophetia plenus, sacramentum quod commendat apostolus eructaret. Tulit unam de costis eius, & repleuit carnem pro ea. Ista omnia futura in Christo & ecclesia facta sunt, & sunt plena mysterijs & sacramentis, quae suo loco dicenda sunt. Adā uero non inueniebatur adiutor similis eius. Vtique quoniam quamuis fidelis aut iustus quisque sit, Christo tamen aequari non potest, quia nullus similis ei inter filios dei. Nemo enim poterat à morte genus hominum liberare, & ipsam mortem superare, nisi Christus.

De Adā quod
non inuenie-
batur adiutor
XX

De costis
extracta
XXI

Sequitur. Et aedificauit dominus deus costam quam tulerat de Adam in mulierem. Quomodo hic foeminam creauit deus, qui superius ab omni opere requieuit? Non eam creauit in materia, sed expressit in forma. Prius enim originaliter in uiri latere facta est, cuius postea detracta costa exinde mulier facta est. Quaeritur utrum foemina de latere uiri formata, ex eius anima acceperit animam? Et utrum sicut caro nascentium ex carne, sic animae ex animabus procreentur? An nouae semper creentur à deo ex nihilo? Quae quaestio in definiendo difficilis est: quia nihil à sanctis uiris, uel scripturarum auctoritate manifestius pronuntiatum est. Dormiuit Adam, & fit illi mulier de latere

latere: patitur Christus, sit eo moriente ecclesia de sacramento sanguinis, qui de latere mortui profluxit. Sequitur, Et adduxit eam ad Adam, ut uideret quid uocaret eam. Dixitq; Adam, Hoc nunc os ex ossibus meis, & caro de carne mea. Hæc uocabitur uirago, quoniam de uiro sumpta est.) Ut uocaret mulierem, uitam: sic enim interpretatur Eua, uita, siue calamitas. Alijs enim uita, alijs uero calamitas. Hæc uocabitur uirago, quoniam de uiro sumpta est. Nam uirago habet similitudinem cum uiro, mulier non habet. Et posuit carnem pro ea.) Ita & Christus posuit carnem suam moriendo in patibulo crucis, pro ecclesia. Dixitq; Adam, Hoc nunc os ex ossibus meis, & caro de carne mea. Quia siue sancti spirales & fortissimi in tentationibus, siue minus perfecti, utriq; unum corpus Christi sunt, & una ecclesia. Hæc uocabitur uirago, quoniam de uiro sumpta est. Sic & Christus ecclesiæ nomen dedit Christianum, quæ de latere eius sumpta est. Hæc igitur omnia facta sunt in figura, quæ erant in ecclesia proditura. Sequitur, Quamobrem relinquet homo patrem & matrem, & adhærebit uxori suæ, & erunt duo in carne una.) Beatus apostolus Paulus hoc capitulum ita exponit, dicens, Sacramentum hoc magnū est, ego autem dico in Christo & in ecclesia, Sed quomodo Christus reliquerit patrem, quum una substantia sit cum patre: aut ubi esse poterit pater sine filio, quum de ipso filio, qui est sapientia patris, dicatur: quod attingit à fine usq; ad finem fortiter, & disponit omnia suauiter? Totus ubi est filius, ibi est & pater: & nō potest esse pater sine filio, nec filius sine patre: quia scilicet sicut inseparabiles sunt in natura, ita & inseparabiles in persona. Sic enim ipse filius de patre dicit in euangelio, Qui me misit, mecum est. Quomodo igitur dereliquit patrem, ut adhereret uxori suæ, id est, ecclesiæ suæ? Nisi illo modo quo apostolus ait, Qui quum in forma dei esset, non rapinam arbitratus est esse se æqualem deo, sed semetipsum exinaniuit, formam serui accipiens. Ipsa igitur formæ seruilis acceptio, exinanitio est: & ipsa exinanitio, quam non sit diuinitatis abolitio, aut naturæ amissio, tamen propter formam serui in qua dignoscitur apparuisse, iure dicitur patrem dereliquisse. Dereliquit & matrem: synagogam scilicet, ueteri testamento carnaliter inhaerentem, Et adhæsit uxori suæ: id est, sanctæ ecclesiæ, ut pace noui testamēti essent duo in carne una. Sequitur, Erat autē uterq; nudus, Adam scilicet, & uxor eius, & non erubescabant.) Non quod eis nuditas esset incognita, sed turpitudinis nuditas nondum fuerat agnita, quia nondum libido membra illa extra arbitrium commouebat: quia nullam legem in membris suis senserant, repugnantem legi mentis suæ. Nihil enim uelandum putabant, quia nihil senserant refrenandum. Nam ex pœna peccati cœnit homini, ut sua ipsius ei rebellis esset caro, quia ipse rebellis extitit creatori suo in actibus suis: & idcirco erubuit postmodum de corpore suo. Sequitur,

SED & serpens erat callidior præ cunctis animantibus terræ, quæ fecerat dominus deus.) Non ex sua natura, sed ex diaboli spiritus inflatione,

De eo quod
scriptum est,
Hoc nunc os
XXII

De nuditate
protoplasto-
rum XXIII

CAP. III
De calliditate
serpentis
XXIIII

quæ

quæ in illo erat, & per illum dolum agebat. Vtebatur enim serpente diabolus, quasi organo, ad perpetranda calliditatis suæ maliciam. Quod uero ait, Præ cunctis animantibus terræ: ostendit, quod quamuis præuicacatores angeli per superbiam fuissent eiectionis, natura tamen excellentiores sunt, & astutiores omnibus animantibus terræ. Nam ille angelus de spiritali tantum paradiso cecidit: homo uero & de spiritali & de corporali. Erat enim ille corporalis paradysus, quo per exteriorem sensum corporis fruebatur: erat & spiritalis, in quo per mentis cōtemplationem interius letabatur. Dicitur ergo illi, Ex omni ligno paradisi comedes: de ligno autem scientiæ boni & mali ne comedas.) Præcipitur enim nobis, ut fruamur omni ligno paradisi, quo significatur spirituales deliciae, de quibus ait apostolus, Fructus autem spiritus est caritas, gaudium, pax, longanimitas, benignitas, bonitas, mansuetudo, continentia, castitas. Et non tangamus lignum in medio paradisi plantatum, scientiæ boni & mali: id est, non uelimus superbiere natura arbitrii nostri, quæ media est: ut decepti per scientiam, experiamur & malum. Serpens autem ille sapientior omnium bestiarum, indicat diabolum, qui inde serpens dicitur, quod uolubili uersetur astutia. Sequitur. Qui dixit ad mulierem, Quia præcepit uobis deus, ut non comederetis de omni ligno paradisi.) Quæri potest, si serpens bonus uerborum, quos per eum diabolus loquebatur intelligere potuit: neque enim credibile est, cum intelligere potuisse, quæ per eum diabolus agebat. Non itaque serpens uerborum sonos intelligebat, qui ex illo fiebant ad mulierem. Non enim conuersa credenda est anima eius in naturam rationalem: quandoquidē nec ipsi homines, quorum rationalis natura est, quum dæmon in eis loquitur, ea passione, quum ab exorcista requiruntur, sciunt quid loquantur, sed mente captus nescit quæ loquitur. Ita & serpens uerba edebat quæ non intelligebat: & idcirco suaserit, ut uoluntas diuina despiceretur, & propria teneretur. Sequitur. De lignorum fructu, quæ sunt in paradiso, uescimur: de fructu autem ligni, quod est in medio paradisi, præcepit nobis deus, ne comederemus, & ne tangeremus illud, ne forte moriamur. Dixit autē serpens ad mulierem, Nequaquam morte moriemini. Scit enim deus, quod in quacūque die comederitis ex eo, aperientur oculi uestri: & eritis sicut dii, scientes bonum & malum.) Quia mulier interrogata à serpente, respondit nisi ut præuicatio eius esset inexcusabilis: quum nullo modo dicere potuit, se oblita fuisse diuini mādatis: quatenus ex uoluntario libero arbitrio, seruando diuinum præceptū, laudabilis appareret, & in continendo damnabilis esset. In eo enim quod dixit, Aperientur oculi uestri: hoc persuadet, ut sub deo esse nollent: sed similes ei essent: non indigentes illius interno lumine, sed uiuentes propria prouidentia ad distinguendum bonum & malum, quod ille prohibuisset. Sequitur, Vidit igitur mulier, quod bonum esset lignum ad uescendum, & pulchrum oculis, aspectuque delectabile.) Quomodo potuit mulier credere serpenti, diuinitatem sibi promittenti: nisi forte iam inerat in mente illius antea amor quidā propriæ potestatis.

statis, & quædam de se superba præsumptio, quæ per illam tentationem fuerat uincenda & humilianda. Vidit igitur mulier, quod bonum esset lignum. Quomodo uidebant, si clausos oculos habebant? Sed considerauit lignum post serpentis peruersationem, ut exploraret, si quid in eo mortiferum esset: & dum nihil tale in eo prospexit, confidentius ex eo gustauit, comedit, deditque uiro suo. Merito scilicet animal lubricum, & tortuosis anfractibus mobile, operi suo congruum per quem loqueretur, elegit: eoque per angelicam præsentiam præstantioremque naturam spiritali nequitia sibi subiecta, & tanquam instructo abutens, fallacia sermocinatus est feminæ, à parte scilicet inferiore illius humanæ copulæ incipiens, ut gradatim perueniret ad totum, non existimans uirum facile credulum, nec errando posse decipi, sed dum alieno cedit errori: sicut & Aaron erranti populo ad idolum fabricandum non consensit inductus, sed cessit obstrictus: nec Salomonem credibile est errorem putasse: ita credendum est illum uirum suæ feminæ uni unum, hominem homini coniungi, ad dei legem transgrediendam non tanquam uerum loquenti credidisse seductum, sed sociali necessitudine paruissse. Non enim frustra dixit apostolus, Adam non est seductus, mulier autem seducta est: nisi quod illa quod ei serpens loquutus est, tanquam uerum esset, accepit, Ille autem ab unico noluit consortio dirimi, nec in comunione peccati, nec ideo minus reus si sciens prudensque peccauit. Sequitur, Et aperti sunt oculi amborum.) Neque enim cæci nati erant, ut imperitum uulgus opinatur, quando & ille uidit animalia, quibus nomina imposuit: & de illa legitur, Vidit mulier, quia bonum est lignum. Patebant enim oculi eorum: sed ad hoc non erant aperti, hoc est, non attentius, ut cognoscerent, quid eis indumentum gratiæ præstaret, quando membra eorum uoluntati repugnare nesciebant: qua gratia remota, ut poena reciproca, inobedientia plecteretur, extitit in motu corporis quædam impudens nouitas, unde esset indecens nuditas, & fecit attentos, reddiditque confusos. Sequitur, Quumque cognouissent se esse nudos.) A gratia scilicet, à qua illis fiebat, ut nuditas corporis, in illa lege peccati eorum mentes repugnando confunderet. Sed quid est, quod ipse per mulierem decipit, & non per uirum? quia non potest ratio nostra seduci ad peccandum, nisi præcedente delectatione in carnalis infirmitatis affectu, qui magis debet obtemperare rationi, tanquam uiro dominanti. Hoc enim in uno quoque homine geritur in occulto quodam secretoque coniugio. Suggestionem quippe serpentem accipimus, mulierem uero animalem corporis sensum, rationem autem uirum. Ergo quando occurrit mala suggestio, quasi serpens loquitur. Sed si sola cogitatio oblectatur illa suggestione, & refricante ratione consensus explendi operis non succedit, sola uidetur mulier comedisse illicitum. Quod si ipsum peccatum etiam & mens perpetrandum decernat, iam uir deceptus est, iam mulier cibum dedisse uiro uidetur. Illicito enim consentire, de ligno prohibito manducare est. Tunc quippe iure à uita beata tanquam à paradiso expellitur homo, peccatumque ei imputatur, etiam si non

De apertione
oculorum
XXV

De eorum
nuditate
XXVI

si non sequatur effectus: quia & si non est in factis culpa, in consensu tamen rea tenetur conscientia. Hæc secundum anagogen: caterū iuxta metaphoram poterit callidus serpens iste hæreticorum uersutiam designare. Nōnulli enim loquacius atq; subtilius promittunt illicita curiositate secretorum ad apertionem atq; scientiam boni & mali, & in ipso homine tanquam in arbore quæ plantata est in medio paradisi suam dinoscentiā nituntur demonstrare. Contra hunc serpentē damat apostolus, quū dicit, Metuo ne sicut serpens Euam seduxit astutia sua, sic sensus uestri corrumpantur. Seducitur uerbis huius serpentis carnalis nostra cōcupiscētia, & per illam decipitur Christianus Adam non Christus. Dicit ergo iste ad mulierē, Quir præcepit uobis deus, ut non comederetis ex omni ligno paradisi? Sic hæreticorū curiosa cupiditas, sic prædicatores prauī ad diligendam erroris fallaciam auditorum carnalium corda succendunt, dicentes, Quare fugitis sciētiā habere latentem? Noua semper exquirite, boni maliq; sciētiā penetrare. Vnde est illud in Salomone, quod mulier illa hæreticorum speciem tenens dicit, Aquæ furtiue dulciores sunt, & panis absconditus suauior. Subiecit deinde idem serpens, Quacumq; die comederitis statim aperientur oculi uestri, & eritis ut dii scientes bonum & malum. Sic & omnes hæretici diuinitatis meritum profitentur, atq; scientiæ pollicitatione decipiunt & reprehendunt eos quos simpliciter credentes inuenerint: & quia omnino carnalia persuadent, quasi ad carnalium oculorum adapertionem conātur adducere, ut interiores oculos obscurent. Vidit igitur mulier quod bonū esset lignum, tulitq; de fructu illius & comedit. Mulier comedit antea non uir, ideo quia carnales facilius persuadentur ad peccatum, nec tam uelociter spirituales decipiuntur. & dedit uiro suo, & comedit: utique quia post delectationem carnalis cōcupiscētiæ nostræ, etiam ratio nostra subiicitur ad peccādum. Sequitur. Consuerunt folia ficus, & fecerunt sibi perizonia. Quod nos campestria possumus nūcupare. Postquā cognouerunt miserabiliter se nudatos à gratia, qua fiebat, ut nuditas corporis nulla lege peccati mentem eorum repugnando confunderet: hoc postmodum cognouerunt, quod felicius ignorarent, si deo obediētes & credentes non cōmitterent quod cogeret experiri. Proinde confusi inobediētia carnis suæ, tanquam teste, poena inobediētiæ suæ consuerunt folia ficus, & fecerunt sibi perizonia, siue campestria, quod nos alio nomine succinctoria possumus appellare. Campestria autem ex eo dicta, quod iuvenes qui nudi exercebantur in campo, pudenda operiebant. Vnde qui ita succincti sunt, cāpestratos uulgus appellat. Quumq; cognouissent se esse nudos, cōsuerunt folia ficus, unde se contegerent. Qui seculum asperum amplectuntur, qui pro religione uoluptatis carnalis arctantur, quicq; decepti hæretica prauitate, & gratia dei nudati, tegimenta mendaciorum tanquam folia fici colligunt, faciunt sibi succinctoria uanitatis, quū de domino uel ecclesia mentiūtur. Sequitur. Et quum audisset uocem dei deambulantis in paradiso ad auram post meridiem. Quid est quod

De folijs ficus
XXVII

De uoce dei
XXVIII

est quod post peccatum hominis in paradiso, dominus iam non stat, sed ambulat: nisi quod irruente culpa à corde illorum remotū se demonstrabat, quos iam in suo præcepto stabiles non uidebat. Quid est quod ad auram post meridiem dicit: nisi quod lux seruētor ueritatis ab eis absceserat, & peccatrices animas constringebat frigus infidelitatis. Abscondit se Adam & uxor eius à facie domini dei, in medio ligni paradisi.) Hæc ei insipientia de peccati poena accessit, ei se latere posse uelle, quem latere nihil potest. Increpauit ergo dominus Adam deambulans, ut cæcis mentibus nequitia suam non solum sermonibus, sed etiam rebus aperiret: quatenus peccator homo per uerba quod fecerat, audiret: & per deambulationem amisso æternitatis statu, mutabilitatis suæ inconstantia cerneret: & per auram seruire charitatis à se expulso, torporem suum animaduertiret: & per declinationē solis cognosceret, quod ad tenebras propinquaret. Sequitur, Vocauitq; dominus deus Adam, & dixit ei, Adam ubi es?) Increpantis uox est, non ignorātis. Non utiq; ignorando quaesuit, sed increpando admonuit, ut attēderet ubi esset, & unde cecidisset, tanquam si diceret, Qualis fueras quando obediendo simpliciter incedebas, & qualis nunc appares quando præuaricator effectus es? Qui & si prius fortassis cum illis loquebatur sicut cum angelis, nunc autem per subiectā creaturam illis apparuisse credēdus est, & dicit, Adam ubi es? Vidit eum sub culpa lapsum, & iam suo peccato ueluti ab oculis ueritatis absconditum, quia tenebras erroris eius non approbat. Per hoc quod uocat dicēs, Vbi es? signum dat, quia ad poenitentiam reuocat. Per hoc quod requirit, aperte insinuat, quia peccatores iure damnantur. Sequitur, Qui ait, Vocem tuam audiui in paradiso, & timui, eo quod nudus essem, & abscondi me.) Iam miserrimo errore tergierando respondit, quasi ideo possit displicere, quod nudus esset, quum utiq; melius deo placeret, si sic maneret, sicuti eum ipse fecerat. Et timui. Hoc est quod scriptum est, Auertisti faciem tuam à me, & factus sum cōturbatus. Eo quod nudus essem. Ante peccatum enim ideo se nudum nō agnoscebat, quia eius intentio in supernis erat. Et abscondi me. Quare? Quia in illa nuditate iam non audebat apparere, de qua ipse cœperat erubescere. Sequitur,

Quis indicauit tibi, quod nudus esses? nisi quod ex ligno de quo præceperam tibi ne comederes, comedisti.) Tunc ille non ad se culpam retulit, sed ad mulierem, quam dominus dederat, & reatum suum oblique in authorem redegit, qui ei mulierem dederat, quæ ei talia persuaderet: ad cumulum peccati sui superbe respondit, non humiliter: quasi querimoniam in deum dirigeret, quur ei talem dedisset sociam, unde ei occasio peccati esset. Similiter & mulier suæ culpæ causam in creatorem refert, quare serpētem per quem deciperetur in paradiso creauerit, uel intrare permiserit. Serpens autem iam non requiritur, quia nec eius poenitentia quærebatur. Requisiti uero ad poenitentiam, uocem defensionis contra iustam correptionem protulerunt. Vnde nunc usque in usum peccātium trahitur, ut culpa quum agitur, defendatur, & unde finiri

reatus debuit, inde cūmuletur. Nam serpens non interrogatur, quia nec cōfiteri peccatum potest, nec habet unde se excuset. Prior tamē excepit pœnam, & non eam quæ ultimo iudicio reservatur ipsi & angelis eius. Sed pœna eius hoc in loco dicitur, ut in potestate habeat eos, qui dei prœcepta contemnunt, & inde maior pœna est illi, quia de tali infelicitate lætatur. Sequitur, Et ait dominus deus ad serpentem, Quia fecisti hoc, maledictus es inter omnia animalia & bestias terræ. Super pectus tuum gradieris, & terrā comes des cunctis diebus uitæ tuæ. Nunc quod ad serpentem dicitur, & ad eum qui opera tuus est per serpētem, pertinere noscitur: non ad animal irrationabile, qui hoc non in sua natura uel uoluntate habuit, ut faceret: sed diabolus hoc de illo & per illum est operatus. Super pectus tuum gradieris, & terrā comes des. Siqui dem in pectore calliditas nequitiarum eius indicatur, qui & terram deuorat dum luxuria & libidine peccantiū pascitur & delectatur. Quomōdō audissent uocem domini dei deambulantis in paradiso ad auram post meridiē. Deambulat deus in illis, & nō stat, qui stabiles in eius prœcepto non perseuerant. & bene, ad auram post meridiem: quia iam ab eis aufertur lux illa seruentior ueritatis appropinquātibz errorū tenebris. Absconderunt se à facie dei, in medio ligni paradisi. In medio namq; ligni se abscondit, qui auersus à prœcepto creatoris, in erroris atq; arbitrij sui uolūtātibz uiuit. Vocauitq; deus Adam dicens, Adā ubi es? Hic ostēdit quia si qui à fide uel bonis operibus ad mendacia sua desideriaq; labuntur, non despicit illos deus, sed adhuc ut redeāt ad pœnitentiam uocat, quia non uult mortem peccatoris, sed ut cōuertatur & uiuat. Ergo non est desperandū quibuslibet peccatoribus, dum & ipsi impij ad spem indulgentiæ prouocātur. Dicitur autem post hæc serpenti, Maledictus eris inter omnia animātia, super pectus tuum & uentrem gradieris. Nomine pectoris significatur superbia mentis, nomine autem uentris significātur desideria carnis. His enim duabus rebus serpit diabolus aduersus eos quos uult decipere, id est, aut terrena cupiditate & luxuria, aut superbię insana ruina. Et terram manducabis: id est, ad te pertinebunt quos terrena cupiditate deceperis. Omnibus diebus uitæ tuæ: id est, omni tēpore quo agis hanc potestatem, ante illam ultimā pœnam iudicij. Sequitur, Inimicitias ponam inter te & mulierem, & semen tuū & semen illius: ipsa conteret caput tuum, & tu insidiaberis calcaneo eius. Semen mulieris est totum genus humanū, semen serpentis carnalia desideria. Quæ duo semina, contrinū inter se gerere odiū debent, ut non faciamus ea quę diabolus uult. Quid est quod ait, Ipsa conteret caput tuum, & tu insidiaberis calcaneo eius? Caput serpētis est cogitatio illicitæ suggestionis, quod nos omni intentione conterere atq; allidere ad petrā quæ est Christus, debemus. Calcaneū mulieris, est extremū uitæ nostræ tempus, quo diabolus nos acrius impugnare satagit: cui si uiriliter resistimus, uictoriā perfeuerantiæ cum salute nostra percipiemus. Inimicitias ponam inter te & mulierem, semen tuū & semen illius. Semen diaboli, peruersa suggestio est. Semen mulieris

De inimicitijs
inter mulie-
rem & serp.
XXIX

mulieris, fructus est boni operis quo peruersa suggestioni resistit. Ipsa caput illius cõterit, si eum mens in ipso initio malæ suggestionis excludit. Ille insidiatur calcaneo eius: quia mentem quam in prima suggestionem non decipit, decipere in fine contẽdit. Quidam autem hoc quod dictum est, Inimicitias ponam inter te & mulierem, de uirgine unde natus est dominus intellexerunt, eo quod illo tempore ex ea dominus nasciturus ad inimicũ deuincendũ, & mortem cuius ille author erat destruendã promittebatur. Nam illud quod subiũctũ est Ipsa cõteret caput tuum, & tu insidiaberis calcaneo eius, hoc de fructu uentris Mariæ, qui est Christus, intelligunt: id est, tu eum supplantabis ut moriatur, ille autem uictor resurget, & caput tuum conteret, quod est mors: sicut & Dauid dixerat ex persona patris ad filium, Super aspidem & basiliscum ambula bis, & conculcabis leonem & draconem. Aspidem dixit mortem, basiliscũ peccatum, leonem antichristũ, draconem diabolũ. Sequitur, Sub uiri potestate eris, & ipse dominabitur tibi.) Queritur quũ dicit, Sub uiri potestate eris, si nõ peccasset mulier, si esset sub potestate uiri? Esset itaq; sed ea seruitute quæ per dilectionẽ operatur, & foras mittit timorem: post peccatũ uero conditiõnalis seruitutis timore qui per disciplinã operatur, ueniens de maledictionis pœna, & nõ potius de æqualitate naturæ. Appetitũ ergo eius uir habet subiugatum, ut iuxta hanc legem mulieri modum imponat. De pœna autẽ mulieris quid significat quod ei dicitur, In dolore paries filios: nisi quia carnalis uoluntas quum aliquã malam consuetudinẽ uult uincere, patitur in exordio dolores, atq; ita per meliorẽ cõsuetudinem parit bonũ opus quasi filios? Quod uero adiecit, Et conuersio tua ad uirũ tuum, & ipse tui dominabitur: hoc significat, quod illa uoluptas carnalis quæ cum dolore reluctauerat, ut faceret consuetudinẽ bonam, iam ipsis erudita doloribus cauior fit, & ne corruat obtemperat rationi, & libetẽr seruit, quasi uirõ iubenti. Sequitur, Adæ uero dixit, Quia audisti uocẽ uxoris tuæ.) Culpat itaq; uirum, quia præueniẽs dei mandatum, uxoris præposuit uoluntatẽ, cui debuit dominari. Et comedisti ex ligno de quo præceperã tibi ne comederes.) Denuo arguitur de gulæ concupiscentia, quæ in lapsu præuicationis pœna secunda post superbiam est. Maledicta terra in opere tuo.) Opera hic non ut ruris colendi sit, sed peccata significat, ut in Hebræo habetur. Hoc & in Aquila nõ discordat, dicẽs, Maledicta humus propter te. Spinæ & tribulos germinabit tibi.) Incenrua quodam modo uitiorum quæ in nobis nullo modo essent, si felicitatẽ paradisi primus homo non perdidisset. Sequitur, In sudore uultus tui uergeris pane tuo, donec reuertaris in terram de qua sumptus es.) Illum intelligi uoluit panem, qui se de coelo descendisse testatus est, qui dat uitam mundo. Hunc ergo panem cum maximo sudore & poenitentiæ satisfactione, accipiunt poenitẽtes. Quum uero dixisset deus, Adam ubi es, mortẽ significauit animæ quæ facta est illo deserente: & dicendo, Puluis es, & in puluerem reuerteris, mortem significauit corporis, quæ illi sit anima discedẽte. Propterea de morte secũda nihil dixisse

De tunicis pel-
liceis XXX

ctendus est, quia occultam esse uoluit propter dispensationē testamenti no-
ui, ubi secunda mors aperitissime declaratur, ut prius ista mors quæ cōmunis
est omnibus. Mors uero secūda non utiq; cōmunis est omnibus. Sequit̃, Fe-
cit quoq; dominus deus Adā & uxori eius tunicas pelliceas, & induit eos.) In
tunicis pelliceis mortis est intelligēda conditio, ut qui per inobedientiā dei si-
militudinē, id est, immortalitatē tenere noluerunt, per mortis conditionē simi-
litudinem susciperent iumentorū & pecudum. Ipsi sibi præcinctoria de folijs
fici, & deus illis tunicas pelliceas fecit: id est, ipsi appetierunt mentendi libidi-
nem relicta faciē ueritatis, & deus mutauit corpora eorum in ista mortalitate
carnis: quia quū homo per superbiā deus esse appetijt, usq; ad belluarū mor-
talitatem deiectus est. Sequitur, Ecce Adā quasi unus ex nobis factus est.)
Id est, quasi ipse dominus & creator eius, quod pertinet ad irrisiōē insultan-
tis: & nobis, ad exemplū timoris: quod non solū non ita fuit, ut fieri uoluit, sed
nec illud quod factus fuerat cōseruauit. Quod uero addidit, Quasi unus ex no-
bis: hoc propter trinitatē dictum est: sicut & illud, Faciamus hominē ad ima-
ginem & similitudinē nostram. Sequitur, Sciens bonū & malum.) Vt ipse
per experimentū malum disceret, quod deus per sapientiam nouit. Sequitur,

Nunc ergo uidete, ne fortē mittat manum suam, & sumat etiam de ligno uitæ,
& comedat, & uiuat in æternum.) Vere ut clemētissimus dominus eisdem
dignatus est consulere ad salutem, ne fortē per transgressionē indigni iam fa-
cti de ligno uitæ præsumerent edere, & ad perpetuū uiuerent cruciatum. Exu-
les itaq; sunt ab illius esu ad tempus effecti, ut per cōgruam pœnitentiæ satisf-
factionem, rursum illuc unde emissi fuerant reuerterentur. Potest ergo uideri
propterea in labore homo huius uitæ esse dimissus, ut aliquando manū por-
rigat ad arborē uitæ. Emisitq; eum dominus deus de paradiso uoluptatis,
ut operaretur terram de qua sumptus est.) Id est, in isto corpore laboraret, &
ibi posset collocare sibi meritū redeūdi. Et collocauit eum ante paradysum.)
Et hoc significantia factum est, ut contra paradysum in quo beata uita etiam
spiritaliter significabatur, habitaret peccator utiq; in miseria. Et ordinauit
Cherubin & flammeā rompbeam quæ uertitur, custodire uiam ligni uitæ.)
Hoc per cœlestes utiq; potestates etiam in paradiso uisibiliter factū esse cre-
dendum est, ut per angelicum ministeriū esset illic ignea quædam custodia,
Non tamen frustra factū est, nisi quia significati aliquid etiam de spiritali pa-
radiso non est utiq; dubitandū: sed alius sensus in Hebræo est, quam hic legi-
tur, ait enim, Eiecit Adam (haud dubium quin dominus) & habitare fecit ante
paradysum uoluptatis Cherubin & flammeum gladium qui uerteretur, & cu-
stodiret uiam ligni uitæ. Non quod ipsum Adam quē eiecerat deus habitare
fecerit contra paradysum uoluptatis: sed quod illo eiecto ante fores paradisi
Cherubin & flammeum gladium posuerit ad custodiendū paradisi uestibu-
lum, ne quis possit intrare. Vocaturq; dehinc Eua mater uiuorū, id est, recte
factorum: quibus contraria sunt peccata, quæ nomine mortuorum significan-
tur.

tur. Iam uero per sententiā quæ in uinum infertur, ratio nostra arguitur: quæ & supra peccati concupiscētia seducta, à paradiso beatitudinis remota, habet maledictiones tetrenę operationis, habet & dolores temporalium curarū, quasi spinas & tribulos. Sic tamen dimittit de paradiso beatitudinis, ut operaretur terram, id est, in corpore isto laboret, & colloceat sibi meritum redeundi ad uitam beatam, quæ paradisi nomine significatur: possitq; aliquando manū porrigere ad arbore uitæ, & uiuere in æternum. Manus autem porrectio bene significat crucem uel cruciatum poenitentiæ, per quem uita æterna recuperatur. Accipit etiam tunicam pelliceam diuino iudicio, quo nomine corporis mortalitas significatur in historia. In allegoria autē à carnalibus sensibus abstractæ uoluptates, quæ carnaliter uiuentem diuina lege consequuntur & contegunt: qui si aliquando ad deum conuertitur, per flammeam frameam, id est, per tribulationes temporales peccata sua agnoscendo & gemēdo: & per Cherubin, id est, per plenitudinē sciētiæ, quod est charitas, peruenit ad arbore uitę Christi, & uiuet in æternum. Cherubin namq; plenitudo sciētiæ interpretatur: framea uero uersatilis posita ad custodiendā uiam ligni uitæ, temporales poenæ intelliguntur. Nemo enim potest peruenire ad arborem uitæ, nisi per has duas res, tolerantiam scilicet molestiarū, & plenitudinē sciētiæ: id est, per charitatem dei & proximi. Plenitudo enim legis est charitas. Sequitur,

ADAM uero cognouit Euam uxore suam, quæ concepit & peperit Cain dicens, Possedi hominem per deum.) Cain autem interpretatur possessio, unde dictum est quando natus est, Acquisiui hominē per deum. Neq; enim illo nato dixisset Adam quod dixisse legitur, Acquisiui hominem per deum: nisi illis duobus ipse fuisset homo nascendo additus primus. Natus est igit prior Cain, ex illis duobus generis humani parentibus, pertinens ad hominū ciuitatem: posterior Abel, ad ciuitatē dei. Sicut enim in uno homine (quod dixit apostolus) experimur, quia nō primum quod spiritale est, sed quod animale, postea quod spiritale: unde unusquisq; quoniam ex damnata progenie exoritur, primo sit necesse est ex Adā malus atq; carnalis: quod si in Christū renascendo profecerit, poterit esse bonus & spiritalis. Sic in uniuerso genere humano quum primū istæ duæ cœperunt nascendo atq; moriendo procurrere ciuitates, prior est natus ciuis huius seculi, posterius autē isto peregrinus in seculo & pertinens ad ciuitatem dei. Sequitur, Fuit autem Abel pastor ouium, & Cain agricola. Factum est autem post multos dies, ut offerret Cain de fructibus terræ munera domino. Abel quoq; obtulit de primogenitis gregis sui, & de adipibus eorum, & respexit deus ad Abel & ad munera eius: ad Cain uero & ad munera eius non respexit. Iratusq; est Cain uehementer, & occidit uultus eius.) Vnde scire poterat Cain, quod fratris munera suscepisset deus, & sua repudiasset: nisi quod illa interpretatio uera est, quā Theodotion posuit, Et inflammauit dominus super Abel, & super sacrificiū eius: super Cain uero & super sacrificiū eius non inflammauit. Ignem autem ad sacrificiū deuorandū

CAP. IIII
De natiuitate
Cain XXXI

De munerib.
Abel & Cain
XXXII

solū uenire de cœlo, & in dedicatione tēpli sub Salomone legimus, & quando Helias in monte Carmelo cōstruxit altare. Sequitur, Dixitq; dominus ad eum, Quare iratus es? & quare cōcidit facies tua? Nōne si bene egeris, recipies: sin autem male, statim in foribus aderit peccatū tuum? Sed sub te erit appetitus eius, & tu dominaberis illius.) Hoc est, quare irasceris, & inuidiæ in fratrem liuore torqueris? quare iratum uultum dimittis in terram? nōne si bene egeris dimitteretur tibi omne delictum? siue, ut Theodotion ait, acceptabile erit: id est munus tuum suscipiā, ut suscepi fratris tui: quod si male egeris, illico peccatum tuū ante uestibulū tuum se debet, & tali ianitore comitaberis? Verū quia liberi arbitrij es, moneo ut nō tui peccatum, sed tu peccato domineris. Natiuitas duorum filiorū Adam, similitudinē habet duorū populorū qui erant diuersis temporibus ad fidem uerturi, pari opere & dissimili charitate ante deum. Fuit autē Abel pastor ouium, & Cain agricola. Sed sicut Cain sacrificiū ex terra fructibus reprobatur, Abel autē sacrificiū ex ouibus & earū adipe suscipitur: ita noui testamēti fides ex innocentia grata deum laudans, ueteris testamēti terrenis operibus antefertur. Sequitur, Dixitq; Cain ad Abel fratrem suum, Egrediamur foras in agrū. Quumq; essent in agro, cōsurrexit Cain aduersus fratrem suū, & interfecit eum. Et ait dominus ad Cain, Vbi est Abel frater tuus? Qui respondit, Nescio.) Interrogat non tanq; ignarus, sed tanq; iudex qui reum puniat. Vox, inquit, sanguinis fratris tui clamat ad me de terra.) Clamare autē sanguis Abel ad dominū dicitur, nō uoce, sed causa. Cui Cain ad cumulū peccati sui, fallaciter ac superbe respondit, putās deum latere quæ gesserat, Nescio. Nū custos fratris mei sum ego? Cui deus ait, Arbitraris me quod gessisti, nescire: qui cogitationē quam impie cōceperas inspiciens, ne opere cōsummares præmonui: Sed ne causeris iniuste me aduersū te proferre sententiā, ego tibi accusationē non infero: sed est testis qui te accusat, uox uidelicet sanguinis fratris tui, quæ clamat ad me de terra. Sequitur, Responditq; Cain ad dominū, Maior est iniquitas mea, q̃ ut ueniā merear.) Id est plus peccaui, q̃ ut merear absolui. Ecce eijs me hodie à facie tua, & à facie tua abscondar, ut latitem: & ero gemens super terrā: & erit, omnis qui inuenerit me, occidet me.) Eijcior, inquit, à conspectu tuo, & cōscientia sceleris lucem ipsam ferre non sustinēs, adiecit, Abscondar ut latitem: eritq; omnis qui inuenerit me, occidet me. Dum ex tremore corporis & furia mentis agitur, eū se esse intelligit qui mereat interfici. Verū deus nolens eum compedio mortis finire cruciatus, nec tradi poenæ qua ipse se dānauerat, ait, Non sic: id est nō ut tu æstimas morieris, & mortem pro remedio accipies: uerū uiues usq; ad septimā generationē, & conscientia tuæ igne torqueberis: ita ut quicūq; te occiderit, secundū duplicē intelligentiā, aut in septima generatione, aut magno te liberet cruciatu: nō quo ipse qui percussit Cain septē ultionibus subiiciendus sit: sed quod septē uindictas quæ in Cain tanto tēpore cucurrerūt, soluat interfecto, occidens eum qui uitæ fuerat derelictus ad poenā. Vt autē quod dicimus manifestius fiat, quotidiana consuetudinis

suetudinis ponamus exemplū. Loquit̃ inter uerba seruus ad dominū: quia incendi domū tuā & uniuersam substantiā dissipauī, interfice me: dominusq; respōdet, non ut tu uis morieris & finies morte supplicia, uerū longo tempore custodieris ad uitam, & tam infelicit̃ in hac luce uersaberis, ut quicūq; te occiderit, beneficiū præstet occiso, dum tā multis te liberat cruciatibus. & secundū Septuaginta quidem hic nobis sensus uidetur. De eo aut̃ quod Aquila posuit septēp̃citer, & Symmachus hebdomas, siue septimus ulciscetur, maioriū notronum ista sentētia est, quod putāt in septima generatione à Lamech interfectum Cain. Adam quippe genuit Cain, Cain genuit Enoch, porrō Enoch genuit Irad, & Irad genuit Mauiahel, & Mauiahel genuit Matusahel, & Matusahel genuit Lamech, qui est septimus ab Adam. nō sponte, ut in quodam Hebraico uolumine scribit̃, interfecit Cain, ut ipse postea cōfiteatur, Quoniam uirum occidi in uulnere meo, & iuuenem in liuore meo. Alij de septē uindictis Cain uaria suspicātur, & primū eius asserunt fuisse peccatū quod non recte diuiserit: secundū quod inuiderit fratri: tertiū quod dolose egerit, dicens, Transimus in campū: quartū quod occiderit: quintū quod procaciter negauerit: sextum quod seip̃s dānauerit, dicēs, Maior mea culpa est, q̃ ut ueniā merear: septimū quod nec dānatus egerit pœnitentiā. & dicūt illū a clemētissimo deo ideo usq; ad generationes septē fuisse dilatū, ut saltē malis ipsis & longatūq; uitæ mœrore cōpulsus pœnitentiā ageret, & mereret̃ absolui. Nonnulli septenarium numerū plenū & perfectū interpretātur, de multis scripturarū locis testimonia cōtrahentes: & hūc esse sensum quē supra præstrinximus, quod qui interfecerit Cain ab ingenti eū omnis suppliciū trāsitorij liberet pœna: quoniam septies uindictabitur de Cain, de Lamech aut̃ septuagies septies. Tradunt Hebræi LXXVII animas ex Lamech p̃genie repetiri, quæ diluuiο deletæ sunt: & in hoc numero de Lamech factā esse uindictā, quod genus ipsius usq; ad cataclysmū perseuerauerit: alij ab Adā usq; ad Christū LXXVII generationes asseuerant, secundū Lucæ euāgelistæ autoritatē. Sicut ergo septima generatione Cain peccatū est dissolutū: nō uindicaui quippe dñs bis in idipsum, & qui se mel recepit mala sua in uita sua, nō eosdē cruciatus patietur in morte quos est passus in uita: ita & Lamech peccatū, idest totius mūdi atq; sanguinis qui effusus est, Christi soluetur aduētū, qui tulit peccata mūdi, qui lauit amictū suū in sanguine uiuæ, & torcular calcauit solus, & in scēssione sua miraculū præbuit angelis. Posuitq; dñs in Cain signū ut nō eū interficeret omnis q̃ inuenisset eū) Ipsū uidelicet signū, quod tremēs & gemēs, uagus & profugus semp̃ uiueret: nec uspiam in orbe terrarū sedes posset habere quietas: atq; ideo ut saluari posset, ædificauit ciuitatē. Dixit deus ad Cain: si recte offeras, & recte nō diuidas, peccasti. utiq; q̃a & si antea Iudæi recte illa fecerūt, in eo tamē infidelitatis rei sūt, quia Christo ueniēte iā tēpus noui testamēti à tēpore ueteris testamēti nō distinxerūt, quod si obtēperasset Cain, deo dicēte, quiesce, sub te erit appetitus tuus, & tu dñaberis illius: ad se conuertisset peccatū suū, sibi hoc tribuēs & cōfi

tens deo: ac sic adiutus indulgētiā gratia ipse peccato suo dominaretur, non illo tibi domināte seruus esset peccati, nec fratrem occidisset innocentem. Sic & Iudaei in quorū figura haec gerebantur, si quiescerent à sua perturbatione, & tēpus salutis per gratiā in peccatorū remissionē cognoscentes audirent Christū dicentem, Non ueni uocare iustos, sed peccatores in pēnitentiā: tunc ad se conuerterent peccatū suum in confessione, sicut in psalmo XL scriptū est, medico dicentes, Ego dixi domine miserere mei, sana animā meā, quia peccauit tibi, eidēq; peccato quādiu in eorum corpore esset adhuc mortali, per spem gratiae liberi dominarentur. Nunc autē ignorantes dei iustitiā, & suam uolentes cōstituere, elati de operibus legis, nō humiliati de peccatis suis non quieuerūt, sed offenderunt in lapidem offensionis, & exarserunt iracūdia aduersus Christū, cuius opera uidentes, accepta deo esse doluerunt. Sequitur, Itaq; post haec occiditur Abel minor natus, à fratre Cain maiore natus. Occidit Christus caput populi minoris natus, à populo Iudeorū maiore natus: ille in campo, iste in Caluarię loco. Interrogat deus Cain, non tanq; ignarus eum à quo discar, sed tanquā iudex reum quem puniat: & dicit, ubi sis frater eius: respōditq; ille, se nescire, nec eius esse custodem. Usq; nunc quid nobis respondent Iudaei, quū eos sanctarum scripturarū uoce interrogamus de Christo: Illi nescire se Christū respondent. Fallax enim Cain ignorantia, Iudeorū est falsa negatio. Essent autē quo dammodo Christi custodes, si Christianā fidem accipere & custodire uoluissent. Sequitur, Dixit deus ad Cain, Quid fecisti: Vox sanguinis fratris tui clamat ad me de terra. Sic arguit in scripturis sanctis uox diuina Iudeos: habet enim uocem magnā sanguis Christi in terra. Quum enim accepto sacramento ab omnibus gentibus respōdetur, Amen: haec est uox clara, uox sanguinis, quam sanguis iste exprimit ex ore fidelium, eodem sanguine redemptorū. Dixit deus ad Cain, Maledictus eris à terra quae aperuit os suum, & suscepit sanguinem fratris tui de manu tua. Maledictus est enim populus Iudeorū infidelis à terra, id est, ab ecclesia, quae aperuit os suum in cōfessione peccatorum, accipere sanguinē Christi, qui effusus est in remissionem peccatorū omnium de manu persecutoris nolētis esse sub gratia, sed sub lege, ut esset ab ecclesia maledictus: id est, ut ostēderet eum ecclesia maledictū testificante apostolo, Quicūq; enim, inquit, ex operibus legis sunt, sub maledictō sunt legis. Quum operatus fueris terrā, non dabit tibi fructus suos. In ipsa enim terra quā Christus portauit: id est, in eius carne ipsi operati sunt salutē nostram crucifigēdo Christum, qui mortuus est propter delicta nostra: nec tamē eis dedit eadem terra uirtutem suam, quia nō iustificati sunt in uirtute resurrectionis eius, qui resurrexit propter iustificationē nostram: qui & si crucifixus est ex infirmitate nostra, sed uiuit ex uirtute dei. Haec est ergo uirtus terrae illius, quā non ostendit impijs & incredulis, unde nec resurgens eis à quibus erat crucifixus apparuit, tāquam Cain operante terram, ut granum illud seminaretur. Vagus & profugus, siue ut in Septuaginta scriptum est, Gemens & tremens eris super terram.

terram. Nunc ecce quis non uideat, quis non agnoscat in tota terra quacunq; dispersus est ille populus, quomodo sit uagus in gētib; & profugus ab Hierusalē: quomodo gemat merore amissi regni, & tremat tremore sub innumerabilibus populis Christianis. Ideoq; respondit, dicens, Maior est iniquitas mea, quā ut ueniam merear. Ecce eijcis me hodie à facie terræ, & à facie tua abscondar: & ero uagus & profugus in terra. Igitur ompis qui inuenerit me, occidet me. Vere inde uagus & profugus gemit & tremit, ne etiā regno terreno perditio, ista uisibili morte occidatur. Hanc dicit maiore causam, quā illam quod terra nostra nō dat uirtutē suam, ne spiritaliter moriat: carnaliter enim sapit & abscondit se à facie dei, id est, iratum habere deum graue non putat, sed hoc timet, ne inueniatur & occidatur. Carnaliter enim sapit, tanq; operās terram, cuius uirtutem non accepit. Sapere autem secundū carnem mors est, quam ille non intelligens amisso regno gemit & corporalem mortem tremit. Sed quid ei respondit deus? Nequaquā ita fiet: sed omnis qui occiderit Cain, septuplum punietur: siue ut Septuaginta transtulerunt, Septem uindictas exsoluet: id est, non sic quomodo dicis, non corporali morte interibit genus impiū carnaliū Iudæorum: quicūq; eos ita perdidit, septem uindictas exsoluet: id est, auferr ab eis septem uindictas quibus alligati sunt propter reatum occisi Christi. Hoc toto tempore quod septenario dierū numero uoluitur, magis quia non interijt gens Iudæorū satis apparet fidelibus Christianis, sed solum dispersionē meruerint, iuxta quod ait scriptura, Ne occideris eos ne quando obliuiscantur populi mei legis tuæ, disperge illos in uirtute tua & depone eos. Posuit dominus in Cain signum, ut non eum interficeret omnis qui inuenisset eum. Hoc reuera mirabile est, quemadmodū omnes gentes quæ à Romanis subiugatæ sunt, in ritum Romanorū sacrorū transierint, eaq; sacrilegia obseruanda & celebranda susceperunt: gens autem Iudæorū siue sub paganis regibus, siue sub Christianis non amisit signum legis & circūcisionis suæ, quod à cæteris gentibus populisq; distinguit: sed omnis imperator uel rex qui eos in regno suo inuenit, cū ipso signo eos inuenit & non occidit. Exijt ergo à facie domini, & habitauit in terra Naid, quod dicitur interpretatū cōmotio, siue instabilis & fluctuans & sedis incertæ, contra quod malū deus rogatur in psalmo, Ne dederis in motu pedes meos, & manus peccatorū non moueant me. Nunc uero & Iudæi & omnes qui diuersis erroribus cōtumaces sunt, resistenti do peritati uenundati exeunt à facie dei, id est, à misericordia dilectionis eius uel à participatione lucis eius: & habitant profugi in terra cōmotionis, id est, in carnali cōturbatione, contra iocunditatē dei, hoc est, contra Eden, quod interpretatur epulatio, ubi est plantatus paradysus. Sequit. Cognouit autem Cain uxore suam, quæ concepit & peperit Enoch: & edificauit ciuitatē, uocauitq; nomē eius ex nomine filij sui Enoch. Non est cōsequens quidē ut istum primū filiū genuisse credatur, neq; enim hoc ex eo putandū est, quia dictus est cognouisse uxore suā, quasi tunc se illi primitus concubendo miscuisset. Nā & de ipso

De Enoch
et eius posteritate
te XXXIII

de ipso patre omnium Adam, non tunc solum hoc dictum est, quando conceptus est Cain, quem primogenitū uidetur habuisse: uerum etiam posterius eadem scriptura, Cognouit, inquit, Adam Euam uxorem suam, & cōcepit & peperit filiū, & nominauit nomen illius Seth. Vnde intelligit ita solere etiam illam scripturā loqui, quāuis non semper, quum in ea legitur, factos homines fuisse cōceptos: non tamē solum quum primū sibi sexus uterq; misceretur, nec illo necessariū est argumēto, ut primogenitū patri existimemus Enoch, quod eius nomine illa ciuitas nuncupata est. Non enim abest ut propter aliquā causam, quū & alios haberet, diligeret eum pater ceteris amplius. Neq; enim & Iudas primogenitus fuit, à quo Iudæa cognominata est & Iudæi. Sed etiam si conditor ciuitatis istius, iste filius primus natus est, nō ideo putandū est, tūc à patre conditæ ciuitati nomen eius impositū quando natus est, quia nec constitui tunc ab uno poterat ciuitas, quæ nihil est aliud quàm hominū multitudo aliquo societatis uinculo colligata: sed quū illius hominis familia tanta numero sitate crederet, ut haberet etiam populi quantitatem, tunc potuit utiq; fieri ut ciuitatem constitueret, & nomen primogeniti sui cōstitutæ imponeret ciuitati. Quamobrē nullus prudens rerū existimator dubitauerit, Cain non solum aliquam, uerum etiā magnam potuisse condere ciuitatem, quādo in tam longum tempus protendebatur uita mortalium. Sequitur, Porro Enoch genuit Irad, & Irad genuit Mauiahel, & Mauiahel genuit Matufahel, & Matufahel genuit Lamech, qui accepit uxores duas, nomen uni Ada, & nomē alteri Sella, genuitq; Ada Iobal, qui fuit pater habitantium in tentorijs atq; pastorum: Sella quoq; genuit Tubalcain, qui fuit malleator & faber in cuncta opera æris & ferri. Soror uero Tubalcain, Noema.) Nō enim puto in cassum scriptum esse, quod in eis generationibus quæ propagantur ex illo qui est appellatus Seth, quū genuisse filios filiasq; dicatur, nulla ibi genita nominatim scemina expressa est: in his aut quæ propagantur ex Cain, in ipso fine quò pertingunt nouissima, scemina genita nominatur. Sic enim legit, Matufahel genuit Lamech. Et sumpsit sibi Lamech duas uxores, nomē uni Ada, & nomen secundæ Sella, quæ peperit Iobal, hic erat pater habitantium in tentorijs atq; pastorum, & nomen fratris eius Tubal, ipse fuit pater canentium cythara & organo. Sella quoq; genuit Tubalcain, qui fuit malleator & faber in cuncta opera æris & ferri. Soror uero Tubalcain, Noema. Huc usq; porrectæ sunt generationes ex Cain, quæ sunt omnes ab Adam, octo, annumerato ipso Adam, septem scilicet usq; ad Lamech, qui duarum maritus uxorū fuit, & octaua generatio est in filijs eius, in quibus cōmemoratur & scemina: ubi elegatè significatum est, terrenam ciuitatē usq; in sui finē carnales habiturā generationes, quæ mariū sceminarūq; coniūctione proueniunt. Vnde & ipsæ quod præter Euam nusq; reperit, ante diluuiū nominibus proprijs exprimunt uxores illius hominis, qui nominat hic nouissimus pater. Quū ergo esset utriusq; generis Adā pater, id est, & cuius series ad terrenā, & cuius series ad cōlestē pertineret ciuitatem

ciuitatem, occiso Abel, atq; in eius interfectione commendato mirabili sacramento, facti sunt duo patres singulorum generum in Cain & Seth. In quorum filijs commemorari oportebat duarum istarum ciuitatū generationem, & mortaliū euidentius indicia dare coeperunt. Cain quippe genuit Enoch. Enoch autem interpretatur dedicatio. Hic enim dedicatur terrena ciuitas, ubi conditur, quoniam hic habet eum quem & intēdit & appetit finem. Hunc sequutus Abel, quem maior frater occidit, præfigurationem quandam peregrinantis ciuitatis dei, quod esset ab impijs, & quodāmodo terrigenis, id est, terrenam originem diligentibus, & terrenæ ciuitatis terrena felicitate gaudentibus, persecutiones passura, primus ostēdit. Sed quot annorum erat Adam quum eos genuit non apparet, exinde digerūtur aliæ generationes ex Cain, aliæ de illo quem genuit Adam in eius successionem, quem frater occidit, appellauitq; nomen illius Seth, dicens (ut scriptū est) Suscitauit enim mihi deus semen aliud pro Abel, quē occidit Cain. Nullus de progenie Cain, quum di numerata sit cōmemorato Adam usq; ad octauam generationem, quot annorum fuisset expressus est, quādo genuit eum qui cōmemoratur post eum. Noluī enim spiritus dei in terrenæ ciuitatis generationibus tempora notare ante diluuium, sed in celestis maluit, tāquam essent memoriæ digniores. Sequitur, Cognouit quoq; Adam adhuc uxorem suam, & peperit filium, uocauitq; nomen illius Seth, dicens, Posuit mihi dominus semen aliud pro Abel, quem occidit Cain. Sed & Seth natus est filius, quē uocauit Enos: iste cepit inuocare nomē domini. Potuit quippe Adam diuinitus admonitus dicere, postea quā Seth natus est, suscitauit mihi deus semē aliud pro Abel, quem occidit Cain, quoniā talis erat futurus, qui impleret illius sanctitatem. Sed & Seth natus est filius, quē uocauit Enos: iste cepit inuocare nomen domini. Ex duobus namq; illis hominibus, Abel, quod interpretatur luctus, & eius fratre Seth, quod interpretatur resurrectio, mors Christi & uita eius ex mortuis figuratur: ex qua fide hic gignitur ciuitas dei, id est, homo qui cepit inuocare nomen domini. Spe enim salui facti sumus: ut ait apostolus. Nam quis uacare hoc existimet ab altitudine sacramēti? Nunquid enim Abel non cepit inuocare nomē domini dei: uel sicut in Septuaginta interpretibus habetur, Iste sperauit inuocare nomen domini dei, cuius sacrificiū scriptura tam acceptū deo fuisse cōmemorat? Nunquid ipse Seth non cepit uel sperauit inuocare nomen domini dei, de quo dictū est, Suscitauit mihi deus semē aliud pro Abel? Quare ergo huic proprie tribuitur, quod piorum omnīū intelligitur esse cōmune: nisi quia oportebat in eo qui de patre generationū in meliōre partē, hoc est, supemæ ciuitatis, primus cōmemoratur exortus, præfigurari hominē, id est, hominū societate, quæ non secūdum hominē in re felicitatis terrenæ, sed secūdum deum uiuit in spe felicitatis æternæ. Hoc ipsum enim quod dicit, Et nominauit nomē eius Enos, quod interpretatur homo: ac deinde addit, Hic sperauit uel cepit inuocare nomē domini dei: satis ostendit quod nō in seipso spem ponere

De Seth eiusq;
posteris
XXXIII

ponere debeat homo: Maledictus enim omnis (sicut alibi legitur) qui spem suam ponit in homine. ac per hoc nec in se, ut sit ciuis alterius ciuitatis, quæ non secundū filium Cain dedicatur hoc tempore, id est, mortalis huius seculi: sed in illa immortalitate beatitudinis sempiternæ. Nam & ista propago cuius pater Seth, in ea generatione habet dedicationis nomen, quæ septima est ex Adam, annumerato Adam: septimus enim ab illo natus est Enoch, quod interpretatur dedicatio, sed ipse est ille translatus quoniam placuit deo, & in signi numero in ordine generationum, quo sabbatum consecratum est, septimo scilicet ab Adam. Ab ipso autem patre istarum generationū quæ disceruntur à progenie Cain, id est, à Seth sextus est: quoto die factus est homo, & consummauit deus omnia opera sua. Sed huius Enoch translatio nostræ dedicationis est præfigurata dilatio, quæ quidem iam facta est in Christo capite nostro, qui sic resurrexit, ut non moriatur ulterius: & quod præcessit in capite, speratur in corpore. Sequitur,

CAP. V

HIC est liber generationis Adam, in die qua creauit deus hominem: ad similitudinem dei fecit illum: masculum & foeminam fecit eos deus, & benedixit illis, & uocauit nomen eorum Adam, in die quo creati sunt. Sed quare hinc redditur ad istam recapitulationem, postea quàm commemoratus est filius Seth, qui cepit, uel sperauit inuocare nomen domini dei: Sed sciendum est, quod Enos filius Seth interpretatur homo, nō sicut Adā: & ipsum enim nomen, homo interpretatur, sed cōmune perhibetur esse in illa lingua, id est, in Hebræa, masculo & foeminæ. Nam sic de illo scriptum est, Masculū & foeminam fecit illos, & benedixit illis, & uocauit nomen eorū Adam. Vnde non ambigitur sic appellatam fuisse foeminam Euam proprio nomine, ut tamen Adam, quod interpretatur homo, nomen esset amborum. Enos autem sic interpretatur, homo, ut hoc non posse foeminam nuncupari, periti linguæ illius asseuerent: tanquā filius resurrectionis, ubi non nubent, neq; uxores ducunt: non enim erit in resurrectione generatio, quum illuc perduxerit regeneratio. Sequitur, Vixit autem Adam centū triginta annis, & genuit filium ad imaginem & similitudinem suam, uocauitq; nomen eius Seth. Vixit quoq; Seth cētum quinq; annis, & genuit Enos. Vixit uero Enos nonaginta annis, & genuit Cainan. Dicit aliquis, Credendum ne est hominē filios generaturum, nec habentem propositū continentia, centum & amplius, uel certe secundum Hebræos non multo minus, id est, octuaginta, septuaginta, sexaginta annos à concumbēdi opere non uacare: aut si non uacarent, nihil prolis gignere potuisse? Hæc quæstio duobus modis soluitur. Aut enim tanto senior fuit pro portione pubertas, quāto uita: totius maior annositas: aut quod magis uideo esse credibile, non hic primogeniti filij commemorati sunt, sed quos successio nis ordo poscebat, ut perueniretur ad Noe, à quo rursus ad Abraham uideamus esse peruentum, ac deinde usq; ad certum articulum temporis: quantum oportebat signari, etiam generationibus cōmemoratis, cursum gloriosissimæ ciuitatis

civitatis in hoc mundo peregrinātis & supernam patriam requirētis. Quod enim negari non potest, prior omnibus Cain ex coniūctione maris & scēmi-
pæ natus est: hunc sequutus Abel, quem maior frater occidit: sed quot anno-
rum erat Adam quum eos genuit, non apparet. Porro autem Seth quando
natus est, non quidem taciti sunt anni patris eius, sed iam genuerat alios: &
utrum solos Cain & Abel. nō enim quia soli nominati sunt, propter ordines
generationum, quas commemorare oportebat: ideo cōsequens uideri debet
solos fuisse tunc generatos ex Adam. Quum enim silētio coopertis omnibus
nominibus cæterorum, legatur cum genuisse filios & filias, quota fuerit ista
proles eius, quis præsumat asseuerare, si culpam temeritatis euitat: Adam au-
tem quum esset centum triginta annorū genuit Seth. Seth autem quum cen-
tum quinq; esset annorum genuit Enos. Quis possit inconsideratus asseuera-
re hunc eius primogenitum fuisse, ut admirantes merito requiramus, quomo-
do per tot annos immunis fuerit à connubio sine ullo proposito continentie
uel non genuerit coniugatus, quando quidem etiam de ipso legitur, Et genuit
filios & filias, & fuerunt omnes dies Seth DCCCXII annorum, & mortuus
est: atq; ita deinceps quotum anni cōmemorantur, nec filios filiasq; genuisse
reticentur: ac per hoc non apparet omnino, utrū qui nominatur genitus, ipse
fuerit primogenitus. Immo uero quia credibile non est, patres illos ætate lon-
ga aut impuberes fuisse, aut coniugibus caruisse, uel scētib; nec illos eorum
filios primos eis natos fuisse credibile est, sed quum sacræ scriptor historie ad
ortum uitamq; Noe, cuius tempore diluuium factum est, per successiones ge-
nerationum notatis temporibus intēderet peruenire, eas utiq; commemora-
uit, non quæ primæ suis parentibus fuerint, sed quæ in propagationis ordinē
uenerint. Exempli gratia, quo ut id fiat apertius, aliquid interponā, unde nul-
lus ambigat fieri potuisse quod dico. Euangelista Matthæus generationē do-
minicæ incarnationis per seriem parentum uolens commēdare memoriæ, or-
dinem à patre Abraham, atq; ad Dauid primus ut petueniret intendens,
Abraham, inquit, genuit Isaac: & non ait Ismahel, qui primogenitus fuit. Isa-
ac autem genuit Iacob: & non dixit Esau, qui eius primogenitus fuit, quia sci-
licet per illos ad Dauid peruenire nō poterat. Deinde sequitur, Iacob autem
genuit Iudam, qui non eius primogenitus fuit. Iudas, inquit, genuit Phares:
sed ante illum iam tres genuerat. Eum itaq; tenuit in ordine generationū, per
quem ad Dauid atq; inde quō tenderet, perueniret. Ex quo intelligi potest,
ueteres quoq; homines ante diluuium non primogenitos, sed eos fuisse com-
memoratos per quos ordo succedētium generationum ad Noe patriarcham
duceretur: & hoc intendebat author huius historie in cōmemorandis gene-
rationibus ex Adam per filium eius Seth, ut per illas petueniret ad Noe, sub
quo factum est diluuium. Per Seth autem ab Adam usq; ad Noe, denarius
insinuatur legitimus numerus. Cui Noe adiunguntur tres filij, unde uno lapso
duo benedicuntur à patre, ut remoto reprobo & probatis filijs ad numerum
d additis,

additis, etiam duodenarius numerus intimetur, qui & in patriarchatum & in apostolorum numero insignis est propter septenarii partes, altera per alteram multiplicatis. Neque enim mirandum si uaria quantitate numerositatis annorum interposita, per tam longam ætatem ab Adam usque ad diluuium, non equalis numeri generationes habuit utraq; progenies, sed per Cain VII, per Seth autem X. Septimus est enim, ut iam dixi, ab Adam Lamech: decimus Noe: & ideo non unus filius Lamech, sicut in cæteris superius, sed plures cõmemorati sunt: quia incertum erat, qui ei fuerat mortuo successurus, si regnandi tempus inter ipsum & diluuium remanisset. Quod quum Lamech septimus ab Adam fuisset inuētus, tot eius annumerati sunt filij, donec undenarius numerus impleretur, quo significatur peccatū. Adduntur enim tres filij & una filia. Quoniã ergo lex denario numero prædicatur, unde est memorabilis ille decalogus, profecto undenarius numerus quoniã transgreditur denariū, transgressionem legis, ac per hoc peccatū significat. Progenies ergo ex Adam per Cain sceleratum homicidam undenario numero finitur, quo peccatum significatur: & ipse numerus femina clauditur, à quo sexu initium factum est peccati, per quod omnes morimur. Commissum est autem, ut & uoluptas carnis quæ spiritui resisteret, sequeretur. Nam & ipsa filia Lamech, Noëma, hoc est uoluptas interpretatur. Vnde potuit fieri, ut uiuente adhuc Lamech atque regnante, fieret diluuium, ut ipsum cum alijs omnibus hominibus, exceptis his qui in arca fuerunt, quem perderet, inueniret: impleteretq; illud quod de semetipso ipse ait, De Cain septuplum ultio dabitur, de Lamech uero septuagies septies. Sic enim oportebat istas duas proponere ciuitates: unam ab homicida usque ad homicidam, nam idem Lamech duabus uxoribus suis se perpetrasse homicidium confitetur: alteram per eum qui sperauit inuocare nomen domini dei. Sequitur. Porro Enoch uixit septuagintaquinque annos, & genuit Mathusalem.) Famosa quæstio & disputatione omnium ecclesiarum uentilata, quod iuxta supputationem diligentem XIII annos post diluuium Mathusalem uixisse feratur, quum supra DCCCCLXXIX annis sit dictus uixisse, Et quomodo uerum est, quod octo tantum animæ in arca saluæ factæ sunt? Restat ergo ut quomodo in plerisque, ita & in hoc sit error in numero: siquidē & in Hebræis & in Samaritanorum libris ita scriptum reperitur, Et uixit Mathusalem CLXXXVI annis, & genuit Lamech: & uixit Mathusalē postquam genuit Lamech DCCLXXXII annos: & fuerunt omnes dies Mathusalæ anni DCCCCLXIX: Et uixit Lamech CLXXXII annos, & genuit Noe. A die ergo natiuitatis Mathusalæ usque ad diem ortus Noe, sunt anni CCLXXIX. His adde DC annos Noe, quia in sexcentesimo uitæ eius anno diluuium factum est: atque ita fit, ut DCCCCLXIX anno uitæ suæ, Mathusalem mortuus sit: eo scilicet anno quo cepit esse diluuium. Sequitur. Dixit quoque Lamech uxoribus suis Adæ & Sellæ, Audite uocem meam uxores Lamech, auscultate sermonem meum, Quoniam occidi uirum in uolnus meum, & adolescentulū in

Quæstio de
annis Mathu-
sale XXXV

De uxoribus
Lamech
XXXVI

liuorem

liuorem meum, septuplū ultio dabitur de Cain: de Lamech uero septuagies septies.) Iam alibi secundū historiam dictum est, eo quod ab Adam usq; ad Christū LXXVII generationes inueniuntur, in quibus peccatū Lamech, idest totius mundi, sanguinis Christi effusione solutū est. Siquidem & in populo Iudæorū propter interfectionē Christi LXXVII uindictæ sunt statutæ: iuxta illud euāgelium in quo dictū est Petro apostolo, Nō solum septies, sed etiam septuagies septies, si poenituerit fratri remittendū: idest Iudæum reuertentem post LXXVII uindictas statutas recipiendum ad indulgentiam Christi.

NOE uero quum quingentorū esset annorum genuit Sem, Cham, & Iaphet. Quumq; cepissent homines multiplicari super terrā, & filias procreassent, uidētes filij dei filias hominum quod essent pulchre, acceperunt uxores ex omnibus quas elegerant.) Homines hoc in loco stirpem Cain diuina scriptura, licet tacite uoluit demonstrare, hoc est filios possessionis. Cuius, nisi terrenæ ciuitatis, quæ in eius nomine condita est, qui dicitur Enoch: Enoch uero interpretatur dedicatio, quoniam hic habet eum quem intendit & appetit finem. Quod uero adiecit, Et filias procreassent: ostendit malum à sexu scēminis rursus inuentum: non quidem illo modo quo ab initio, non enim cuiusq; etiam tunc fallacia seductæ illæ scēminæ persuaserunt peccatum uiris: sed ab initio, quæ prauis moribus fuerant in terrena ciuitate, idest in terrigenarū societate, amate sunt à filiis dei propter pulchritudinē corporis: quod bonum, dei quidem donum est: sed propterea id largitur etiam malis, ne magnū bonum uideatur bonis. Nam & alia trāslatio sic loquitur, Et factum est postq; ceperunt homines multi fieri super terram, & filiae nate sunt illis, uidētes angeli dei filias hominum quia bonæ sunt, sumpsērunt sibi ex omnibus uxores quas elegerāt. Deserto itaq; bono magno & bono proprio, lapsus est factus ad bonum minimū, non bonis proprium, sed bonis malisq; commune: ac sic filij dei filiarum hominum sunt amore capti, atq; ut eis coniugibus fruerētur in mores societatis terrigenæ defluerūt, deserta pietate quam in sancta societate setuabant. Sic enim corporis pulchritudo, à deo quidē facta, sed temporale carnale infimū bonum. Huius igit charitatis, hoc est dilectionis & amoris ordine perturbato, deum filij dei, idest filij Seth, filij resurrectionis neglexerunt: & filias hominū, idest Cain, dilexerunt. Certe & illi qui erāt filij Seth & dicti sunt filij dei, eisdem dicti sunt angeli dei: filij hominum erant per naturam, sed aliud nomen ceperant habere per gratiam. Nam in eadem scriptura ubi dicti sunt filij dei, ibi dicti sunt angeli dei. Sed queritur quæadmodum potuerint angeli cum filiabus hominum cōcumbere, unde gigantes nati esse perhibētur: quod quidē homines iustos fuisse credimus, qui potuerunt etiam angelorū nomine nuncupari. Nam de homine Ioanne scriptum est, Ecce ego mitto angelum meum ante faciē tuam, qui p̄parabit uiam tuam. Sed hoc mouet, quomodo ex hominum concubitu nati sunt gigantes: uel scēminis miſeri potuerint, si non homines, sed angeli fuerunt. Dei tamē angelos sanctos

CAP. VI
De tribus
filijs Noe
XXXVII

nullo modo illo tēpore sic labi potuisse crediderim: nec de hīs dixisse apostolum Petrum, Si enim deus angelis peccātibus non pepercit, sed carceribus caliginis inferi retrudens tradidit in iudicio puniēdos referuari. De gigantibus autem, idest nimīū grandibus atq; fortibus puto non esse mirādum, quod ex hominibus nasci potuerunt: quia & post diluuiū quidam tales fuisse reperiuntur. Vnde credibile est, homines iustos appellatos uel angelos uel filios dei, concupiscentia lapsos peccasse cum sceminis, q̄ angelos carnem non habētes usq; ad illud peccatū descendere potuisse. Sequitur, Dixit quoq; deus, Non permanebit spiritus meus in homine in aeternū, quia caro est, erūtq; dies eius CXX annorū. Gigantes autē erant super terram in diebus illis. Spiritu quippe dei fuerant facti angeli & filij dei, sed declinando ad inferiora dicuntur homines, nomine naturæ, non gratiæ. Dicūtur & caro desertores spiritus, & deserendo deserti. Quod autē dixit deus, Erunt dies eorum CXX anni: non sic accipiendum est, quasi prænuntiātū sit post hanc homines CXX annos uiuendo non transgredi: quum & post diluuiū etiam quingētos quosdam excessisse inueniamus: sed intelligēdum est hoc deum dixisse, quum circa finē quingentorum annorum esset Noe, idest CCCCLXXX uitæ annos ageret, quos more suo scriptura quingentos uocat, nomine totius maximā partem plerūq; significans. Sexcētesimo quippe anno uitæ Noe secūdo mense factū est diluuiū, ac sic CXX anni prædicti sunt futuræ uitæ hominū perituraorū, quibus transactis diluuiū deleretur. Siue aliter ut in Hebræo habetur, Non iudicabit spiritus meus homines istos in sempiternū, quoniā caro sunt, hoc est, quia fragilis est in homine conditio, non eos seruabo ab æterno cruciatus: sed hic illis restitutam quod merentur. Ergo non seueritatē, ut in nostris codicibus legitur: sed clementiā dei sonat, dum peccator hic pro suo scelere uisitur. Porro ne uideatur in eo esse crudelis, quod peccantibus locū poenitentiae non dedisset, adiecit. Sed erunt dies eorum CXX anni: hoc est, habebunt CXX annos ad agendam poenitentiam. Non igitur humana uita, ut multi errāt, in CXX annos contenta est: sed generationi illi CXX anni ad poenitentiam dati sunt. Siquidem inuenimus post diluuiū, quod Abrahā uixerit CLXXV annos. Noluit deus tempus expectare decretū, sed XX annorum spatij amputatis induxit diluuiū, anno DC, agenda poenitentiae destinato. Sequitur, Gigantes autē erant super terram in diebus illis. Hæc uerba diuini libri satis indicant iam illis diebus fuisse gigantes super terrā, quando filij dei acceperunt uxores filias hominum. Sequitur, Postq̄ enim ingressi sunt filij dei ad filias hominum, illæq; genuerunt, isti sunt potentes à seculo uiri famosi. Postq̄ hoc factum est, nati sunt gigātes. Sic enim ait, Gigantes autem erant super terram in diebus illis, quum eas amarent pulchras. Nam alia translatio nō pulchras, sed bonas: id est speciosas corpore, bonas uocat. Quod autē ait, Et genetabant, siue generabant sibi: satis ostēdit quod prius anteq̄ sic caderent filij dei, deo generabāt, non sibi: idest non domināte libidine coeundi, sed seruiente officio propagandi: non

De gigantibus
XXXVIII

di: non familiā fastus sui, sed ciues ciuitatis dei. Nec mirandū est, quod etiam de ipsis gigātes nasci potuerunt: neq; enim omnes gigantes, sed magis multi utiq; tunc fuerunt, q̃ post diluuiū temporibus cæteris, quos propterea creare placuit creatori, ut etiam hinc ostenderetur non solum pulchritudines, uerum etiā magnitudines & fortitudines corporū non magnipendēdas esse sapiēti.

Videns autē deus quod multa malitia hominū esset in terra, & cuncta cogitatio cordis intenta esset ad malū omni tempore, pœnituit eum quod hominem fecisset in terra: & tactus dolore cordis intrinsecus, Delebo, inquit, hominem quem creauī à facie terræ, ab homine usq; ad animantia, à reptili usq; ad uolucres cœli: pœnitet enim me fecisse eos) Neq; enim sicut hominē ita deum cuiusquā facti sui pœnitet, cuius est de omnibus omnino rebus tam fixa sententia, quā certa præscientia. Vnde tropica loquutione in scripturis etiā pœnituisse legitur deū: iuxta id ubi dicit, quod homo sperauerat, uel naturalium causarum ordo gestabat: non iuxta id, quod se omnipotēs facturū esse præsciuerat. Sed si non utatur scriptura talibus uerbis, non se quodāmodo familiārius insinuaret omni generi hominū, quibus uult esse consiliū, ut & puniat su perbiētes, & excitet negligētes, & exerceat quērentes, & alat intelligētes: quod non faceret, si non prius se inclinaret, & quodāmodo descenderet ad tacentes. Videns, inquit, deus, quia multiplicata est malitia hominū super terrā, & omnis cogitatio cordis illius intenta esset ad malū omni tempore, pœnituit eum quod hominē fecisset in terra. Pœnitudo dei, mutandarū rerum est immutabilis ratio. Quod autē intentum omnium animalium terrenorū, uolatiliumq; denunciat, magnitudinē futuræ cladis effatur, non animātibus rationis expectibus, tanq̃ & ipsa peccauerint, minatur exitium. Sequit̃, Noe uero inuenit gratiā corā domino. Noe uir iustus atq; perfectus fuit in generationibus suis) Si nullus sine peccato, quomodo aliquis pfectus esse potest: nisi quia perfecti hic aliqui dicuntur, non sicut perficiēdi sunt sancti in illa immortalitate, qua requabūtur angelis dei, sed sicut esse potest in hac peregrinatione peccati. Cum deo ambulauit: hoc est, illius uestigia sequebatur. Dixit deus ad Noe, Finis uniuersæ carnis uenit corā me: repleta est terra iniquitate.) Significat interiū omnium mortaliū, præter illos qui in arca saluandi erant. Illi igitur quasi seminatiū secūdx originis seruari sunt. Nec frustra sic creditur factū esse diluuium, iam non inuentis in terra qui non erant digni tali morte defungi, qua in impios uindicatū est: non quo quicquā bonis quandoq; morituris tale genus mortis faciat aliquid quod eis possit obesse post mortem. Verūtamen nullus eorum diluuiū mortuus est, quos de semine Seth propagatos sancta scriptura commemorat. Quod uero ait, Et ego disperdā eos cum terra: quomodo cum terra homines dicuntur esse perditī, dum illis pereūtibus materies terræ postea remāserit: nisi quod datur intelligi terræ speciē, uigorē, uel fecunditatē longe inferiorē post diluuium q̃ antea habuit: & fortassis idcirco hominibus carnes edere licentia postea cōcessa est. Nam ante diluuiū fructibus terræ tan-

De pœnitudo
dine dei
XXXX

De mensura
arca XL

tūmodo uiētābant. Sequitur. Fac tibi arcam de lignis leuigatis. Quid enim per ligna leuigata, de quibus arca præcipit fieri, nisi fortia & insolubilia: unde alia translatio, nō leuigata, sed quadrata præcepit fieri: ut arca nec uentorū uis, nec aquarū inūdatione solui, uel cuerti potuisset. Sequitur. Et bitumine linies. Bitumē est feruentissimū & uiolētissimū gluten, cuius est hæc uirtus, ut ligna quæ ex eo fuerint lita, nec uermibus exedi, nec solis ardore, uel uētorum flatibus, aut aquarū possint assiduitate dissolui. Sequitur. Trecentorum cubitorum erit longitudo arce, L cubitorū latitudo, & xxx cubitorū altitudo illius. Talem ergo arce speciem debemus intelligere, ut quatuor angulis eam ex imo ad summū surgētem, & iisdem paulatim usq; ad summū in angustū attractis, in spatium unius cubiti fuisse collectam: & in fundamēto CCC cubiti in longitudine & in latitudine L sint, & altitudine xxx, sed collecta in cacumen angustum, ut cubitus sit lōgitudinis & latitudinis. & uere nulla potuit tā cōueniens & cōgruens arce species dari, quā ut summo uelut ē tecto quodā angusto culmine diffunderet imbrīū ruinas: & in imo in aquis quadrata stabilitate consistens, nec impulsu uentorū, nec impetu fluctuū, nec inquietudine animalium quæ intrinsecus erant, aut inclinari posset, aut mergi. Dicere solent etiā quidā, non potuisse capere illius quantitatem animalīū genera tam multa in utroq; sexu, bina de immundis, septena de mundis: qui mihi uidentur non cōputare nisi CCC cubita lōgitudinis, & latitudinis L: nec cogitare tantū aliud esse in superioribus, itemq; aliud tantū in superioribus superiorū: ac per hoc ter ducta illa cubita fieri XC, & in latitudine CL. Si autē cogitemus quod Origenes nō in eleganter astruxit, Moysen scilicet hominē dei eruditū (sicut scriptū est) omni sapiētia Ægyptiorū, qui geometricā dilexerunt, geometrica cubita significare tuisse, ubi unum quantū sex nostra ualere asseuerent: quis nō uideat quantum rerū capere illa potuit magnitudo? Nam illud quod disputāt, tantæ magnitudinis arcā non potuisse cōpingi, ineptissime calumniātur, quū sciant immēsas urbes fuisse cōstructas: nec attendunt C annos, qbus arca illa est fabricata: nisi fortē lapis lapidi adhærere potest, sola calce coniūctus, ut murus per tot milia circūagatur, & lignum ligno cementatū, clauis solidatū, gluten bituminis non potest adhærere, ut fabricet arca: non curuis, sed rectis lineis longe lateq; porrecta, quam nullus in mare mittat conatus hominū, sed leuet unda quum uenerit naturali ordine ponderum, magisq; diuina prouidētia, quā humana prudentia natantē gubernet, ne incurrat ubicūq; naufragium. Sequitur. Fenestram in arca facies, & in cubito consummabis summitatē. Ostium autē arce pones ex latere deorsum. Cœnacula & tristega facies in ea. Idcirco fenestram in summitate arce iubet fieri, ut haberet unde emittere posset aues ad explorandā terræ siccitatē. Ostium autē quod in latere arce factum dicitur, eo loco fuisse credēdū est, ut & inferiora quæ dixit bicamerata inferiora haberet: & quæ dixit tricamerata superiora à loco ostij appellata sint: & inde ingressa sint uniuersa animalia per sua quæq; loca secundū cōgruam rationē, discreta cœnacula

coenacula & tritæga: quod alia trāslatio bicamerata & tricamerata uoluit nominare, ita ut quinque habitationes distinctas in ea esse aduertamus: inferiora loca stercoreibus esse deputata, ne animalia & præcipue homines simili sectore uexarentur: huic autē superior & cōtigua bicamerata, quæ cōseruaturæ seu stabulis animalium deputaretur. In hos ergo usus inferiores partes, quæ bicameratæ dicuntur, tradunt fuisse distinctas: superiores uero partes quæ tricameratæ dicuntur, ad habitaculum primo bestiis uel animalibus immitionibus uel serpētibz deputatas esse: ab his uero cōgrua in superioribus loca, imitionibus animantibus stabula fuisse: supra omnia uero in excelso, auiibus & hominibus sedem locatā, ut sicut sapiētia omnia antecedit, ita & homo cūcta præcelleret animalia: & sic quinque mansiones in eadē arca fuisse intelliguntur, prima stercorearia, secūda apothetica, tertia feris animantibus, quarta mansionis, quinta hominibus.

QVOD uero deus præcepit Noe, de animantibus mundis & immundis CAP. VII
bina inducere in arcā, masculini sexus & fœminini, de uolucris iuxta genus suū, & de iumētis in genere suo, & ex omni reptili terræ secūdem genus suum bina de omnibz ingredi præcepit. Postea uero addidit, De animantibus mundis tolles septena & septena, masculum & fœminā, de animantibus uero non mundis duo & duo, masculum & fœminā: sed & de uolatilibus cœli septena & septena, masculum & fœminā. non duo & duo, propter quatuor: sed tantummodo duo, propter masculū & fœminā. & de mundis solummodo septem: qui idcirco immūda pari numero posuit, propter genus cōseruandū: munda uero impari, ut Noe haberet unde hostias deo immolaret ex mundis: uel certe pluriora fuerunt munda, quā immūda, propter futurum humano generi usum, qui ex mundis debebatur hominibus, ut plura essent quæ prodesse, quā quæ nocere. Quod autem scrupulosissime quæri solet, & de minutissimis bestiolis, nō solum quales sunt mures & stelliones, uerum etiam quales locustæ, scarabei, muscæ deniq; & pulices: utrum non amplioris numeri in arca illa fuerint, quā qui est definitus, quum hoc imperaret deus: prius admonendi sunt quos hæc mouent, sic accipiendum esse quod dictum est, Quæ reppunt super terram: ut necesse non fuerit cōseruari in arca, quæ possunt in aquis uiuere, non solum merula, sicut pisces, uerum supernatantia, sicut multæ alites. Deinde quum dicitur, Masculus & fœmina erunt: profecto intelligitur ad reparandum genus dici: ac per hoc nec illa necesse fuerat ibi esse, quæ possunt sine concubitu de quibuscunq; rerum corruptionibus nasci: uel si fuerint, quæ in domibus esse cōsueuerūt, sine ullo numero definito esse potuisse. Aut si mysterium sacratissimum quod agebatur, & tanta figura etiam ueritate facti aliter non posset impleri: nisi ut omnia ibi certo illo numero essent, quæ uere in aquis natura prohibente non possent: non fuit ista cura illius hominis, uel illorum hominum, sed diuina: non enim ea Noe capta intromittebat, sed uenientia intrare permittebat. Ad hoc enim ualet quod dictum est, Intra bunt ad te: non scilicet hominis actu, sed dei nutu: ita sanē ut non illic
d 4 fuisse

fuisse credenda sint, quæ sexu carent. Præscriptum est enim atq; diffinitum est, masculus & femina erunt. Alia sunt quippe quæ de quibusq; rebus sine concubitu ita nascuntur, ut postea concubant & generent, sicut muscæ. Alia uero in quibus nihil sit maris & femina, sicut apes. Ea porro quæ sic habent sexum, ut non habeant foetum, sicut muli & mule, minù si fuerint ibi: ac si non potius parentes eorum ibi fuisse sufficeret, equinum uidelicet atq; asininum genus, & si qua alia sunt, quæ cõmixtione diuersi generis genus aliquod gignunt: sed si & hoc ad mysteriũ pertinebat, ibi erant. Habet enim & hoc genus masculũ & femina. Solent etiã mouere nonnullos genera escarũ, quæ illic habere poterant animalia, quæ non nisi carnibus uesci putantur, utrum præter numerũ ibi fuerint sine transgressione mādati, quæ aliorum alendorũ necessitas illic coegisset includi: an uero, quod potius est credendum, præter carnes aliqua alimēta esse poterunt, quæ omnibus cõuenirent. Nouimus enim q̃ multa animalia, quibus caro cibis est, quod frugibus pomisq; uescantur, & maxime fico atq; castaneis. Quid ergo minù, si uir ille sapiens & iustus, etiã diuinitus admonitus, qd cuiq; cõgrueret, sine carnibus aptam cuiq; generi alimonia præparauit & cõdidit? Quid est aut̃ quod uesci non cogetet fames? aut quid nõ suaue aut salubre facere posset deus, qui etiã ut sine cibo uiuerent, diuina facilitate donaret, nisi ut pascerentur etiã hoc implēdæ figuræ tanti mysterij cõueniret? Opinatur quidam tam magnum fieri nõ potuisse diluuiũ, ut altissimos montes xv cubitis aqua crescendo transcēderet, propter Olympi montis uerticē super quē perhibentur nubes non posse cõcrescere, quod tam sublime iam cœlũ sit, ut non ibi sit istæ aēr crassior, ubi uenti nebulae ignesq; gignuntur: nec attēdunt omniũ elementorũ crassissimã terrã ibi esse potuisse: an forte negant esse terrã in uertice montis. Quare igitur usq; ad illa cœli spatia terris exaltari licuisse, & aquis non licuisse contēdunt, quũ isti mēsores & pensores elementorũ aquas terris perhibeāt superiores atq; leuiotes? Quid itaq; rationis afferunt, quare terra grauior & inferior locũ cœli tranquillioris inuasit per uolumina tot annorũ, & aqua leuior ac superior permissa non sit hoc facere saltē ad tempus exiguũ? Quare etiam potest, quare in ingressu hominũ in arcã, seorsum uiri & seorsum nomina: sint femina: in egressu uero dictũ est ad Noe, Egredere tu & uxor tua, filij tui & uxores filiorũ tuorum cum eis. nisi quia dānato seculo, & peteunte omni genere mortaliũ, soli illi à periculo liberati usq; dum arca requiesceret, & exitia aquarũ cessarent, à concubitu cessarent: & sic denuo reuenterentur ad idipsum corpori debitũ nuptiarum, ut crescerent & multiplicarētur super terram: & ideo in ingressu diuisi, in egressu uero iugati sunt nominati. Computantur autem ab Adam usq; ad diluuiũ, secundũ additionem Septuaginta interpretũ, anni II M CCLXII: secundũ autem Hebræam, MDCLVI. Sequitur,

CAP. VIII
De recorda-
tione dei in
Noe XLI

RECORDATVS est autem dominus Noe, cūctorumq; animantiũ & omniũ iumentorũ quæ erant cum eo in arca. Neq; enim obliuio in deo est aliquando, ut recordetur quod obliuiscuerat: sed recordationē pro misericordia scriptor

scriptor posuit. Sequitur, Adduxit spiritum super terram, & imminuere sunt aquae. Bene enim de illo spiritu intelligi potest, de quo dictum est, Spiritus dei ferebatur super aquas. Tunc enim ferebatur, ut cōgregatis aquis in suū locum terra apparuisset. Nunc autē ductus dicitur, ut ablatis de medio aquis diluuij, faciē terrae reuelaret. Potest & spiritus nomine uetus intelligi, iuxta illud psal- mistae, Dixit & stetit spiritus procellae: cuius flatibus crebris aqua cogere se recedere de terra. Sequitur, Reuersae sunt aquae de terra, euntes & redeuntes. Quod reuersae sunt aquae euntes & redeuntes: nisi quod omnes fluuiorū ac riuorum decursus per occultas terrae uenas ad matricem abyssum redeūt: iuxta illud Salomonis, Ad locū unde exeunt flumina reuertuntur, ut iterum fluant. Sed hoc queri potest, quare columba ramum oliuae ad uesperū uirentibus folijs reportauerit in ore suo: nisi quod post mūdi crimina diluuiū quodāmodo expiata, effusa similitudine diuini muneris gratiā demonstrans, per oliuae ramum refectionis ac luminis pacem tetrīs redditā nuntiauit. Ecce ut potuimus & ut dominus dedit, de arcae fabrica iuxta historiam aliqua explanare conati sumus: nunc autē spiritalis intelligentiae uela pandamus, & quam à terra extulit aqua, super cōelum efferat spiritalis intelligentia. Imperat deus ut arcam faciat Noe de lignis nō putrescētibus, ita & ecclesia cōstituitur à Christo ex omnibus gentibus in aeternum uicturis. Arca enim ista, ecclesiam demonstrabat, quae natus in fluctibus mūdi huius: & sic Noe cum suis omnibus, idest uxore & filiis & nuriis, & cum animalibus quae ad illum ex dei praecepto in arcam ingressa sunt, ut liberaretur à diluuij uastitate, proculdubio figura est peregrinantis in hoc seculo ciuitatis dei, hoc est ecclesiae, quae fit salua per lignum in quo pependit mediator dei & hominum, homo Christus Iesus. Quod de lignis quadratis eadem arca fabricatur, undiq; stabilem uitam sanctorū significat, ad omne opus bonum paratam. Quadratum enim quocūq; impuleris, stantem inuenis. Quod sexies longa ad latitudinē suam, & decies ad altitudinem suā, humani corporis instar, ostendit: quia in corpore humano Christus apparuit. Nam & mensura ipsa longitudinis & altitudinis & latitudinis eius, significat corpus humanū, in cuius ueritate ad homines praenūtiatus est uenturus, & uenit. Humani quippe corporis longitudo à uertice usq; ad uestigia, sexies tantum habet, quantū latitudo quae est ab uno latere ad alterum latus: & decies tanquam altitudo, cuius altitudinis mensura est in latere à dorso ad uentrem: uelut si iacentem hominē metiaris supinum seu prouum, sexies tantum longus est à capite ad pedes, quā latus à dextera in sinistra, uel à sinistra in dexteram: & decies quā altus à terra. Quod cubitis quinquaginta latitudo eius expanditur: sicut dicit apostolus, Cor nostrum dilatatum est. Unde, nisi de charitate spiritali? Propter quod ipse item dicit, Charitas dei diffusa est in cordibus nostris, per spiritum sanctum qui datus est nobis. Quinquagesimo enim die post resurrectionem suam Christus spiritum sanctum misit, quo corda credentium dilatauit. Vnde facta est arca trecentorum in longitudine

longitudine cubitorū, & quinquaginta in latitudine, & xxx in altitudine, & deinde trecentis cubitis longa est, ut sexies quinquaginta cōpleantur: sicut sex ætatibus omne huius seculi tempus extenditur: in quibus omnibus Christus nunquam destitit prædicari: in quinque per prophetiam prænūtiatus, in sexta per euāgelium diffamatus. Quod eius altitudo in xxx cubitos surgit, quem numerum decies habet in trecentis longitudo: quia Christus altitudo nostra, qui xxx annorum ætatem gerens doctrinam euangelicā consecrauit, contestans legem nō se uenisse soluere, sed implere. Legis autem cor in x præceptis agnoscitur. Vnde decies tricenis arcæ longitudo perficitur. Vnde & ipse Noe ab Adam decimus computatur. Quod bitumine glutinātur arcæ ligna intrinsecus & extrinsecus, ut in compage unitatis significetur tolerātia charitatis: ne scandalis ecclesiam tentantibus, siue ab eis qui intus, siue ab eis qui foris sunt, cedat fraterna iunctura, & soluatur uinculum pacis. Est enim bitumen feruentissimum & uiolētissimum gluten, significans dilectionis ardorem, uel magnæ fortitudinis ad tenendam societate spiritali omnia tolerantem. Quod cuncta animalium genera in arca clauduntur, sic & omnes gentes, quas etiam Petro demonstratas discus ille significat quem ecclesia cōtinet. Quod munda & immunda ibi sunt animalia, sic & in ecclesiæ sacramētis & boni & mali uersantur. Quod septena sunt mūda, & bina immūda: non quia pauciores sunt mali quā boni, sed quia boni seruant unitatē spiritus in uinculo pacis. Sanctū autem spiritum diuina scriptura in septiformi operatione cōmendat, sapientiæ & intellectus, consilij & fortitudinis, scientiæ & pictariis & timoris dei. Vnde & ille numerus L dierum ad aduentū sancti spiritus pertinēs, in septies septenis qui fiunt XLIX, uno addito consummatur: propter quod dictū est, studentes seruare unitatem in uinculo pacis. Mali autem in binario numero ad schismata faciles & quodāmodo diuisibiles ostendūtur. Quod ipse Noe cum suis octauus enumerat: quia in Christo spes resurrectionis nostræ apparuit, qui octauo die, id est post sabbati septimū primo à mortuis resurrexit: qui dies à passionē tertius, in numero autē dierū qui per omne tempus uoluūtur, octauus & primus est. Quod arca collecta ad unū cubitū desuper consummatur, sic & ecclesia, quæ est corpus Christi in unitate collecta sublimatur & perficitur, unde dicit in euangelio, Qui mecum non cōgregat, spargit. Et quod ostium in latere accepit, profecto illud est uulnus, quādo latus Christi lancea perforatū est: hac quippe ad illū ueniētes ingrediunt, quia inde sacramēta manarūt quibus credētes initiātur. Nemo quippe intrat in ecclesiā, nisi per sacramētū remissionis peccatorū, quod de Christi latere aperto manauit. Quod inferiora arcæ bicamerata & tricamerata cōstruunt, ut ab imo sursum uersus tertia cōsurgeret habitatio: bicamerata dicta est propter duo genera hominū, circūcisionē scilicet & præputiū, quos apostolus alio modo dicit, Iudæos & Græcos: tricamerata uero, eo quod omnes gentes de tribus filiis Noe post diluuiū reparatæ sint. Possunt hinc intelligi & tria illa quæ commendat apostolus: fides, spes, chari-

tas. Possunt etiam multo conuenientiùs tres illæ ubertates euangelicæ: tricena, sexagena, cetera: ut in infimo habitet pudicitia cõiugalis, supra uidualis, atq; hac superior uirginalis. Et ideo arcæ inferiora dicta sunt, quia in hac terrena uita est diuersitas gentium, in summo autem omnes in unum consummântur, & non est uarietas, quia omnia & in omnibus Christus est, tanq; nos in uno cubito de super cœlesti unitate consummans. Quod post septem dies postq; ingressus est Noe in arcam factum est diluuiũ: quia in spe futuræ quies quæ septimo die significata est, baptizamur. Quod præter arcã omnis caro quam terra sustentabat, diluuiò cõsumpta est: quia præter ecclesiæ societatem, aqua baptismi quamuis eadem sit, non solum nõ ualet ad salutem, sed ualet potius ad perniciem. Quod XL diebus, & XL noctibus pluit: quia omnis reatus peccatorum qui in X præceptis admittitur per uniuersum orbem terrarũ, qui quatuor partibus cõtinetur: decem quippe quater ducta XL fiunt: siue ille reatus qui ad dies pertinet ex rerum prosperitate, siue qui ad noctes ex rerũ aduersitate contractus sit, sacramento baptismi cœlestis abluit. Quod Noe quingentorum erat annorũ quum ei loquutus est dominus, ut arcã sibi faceret, & sexcentos agebat annos quũ in eam est ingressus: unde intelligitur per C annos arca fabricata: quid aliud hic uidetur C anni significare, nisi ætates singulas seculi: unde ista sexta ætas quæ completis D usq; ad DC, significatur in manifestatione euangelica construi. Et ideo qui sibi ad uitã consulit, sit uelut quadra eum lignũ, paratus ad omne opus bonum: & intret in fabricam sanctã, quia secundus mensis anni DC, quo intrat Noe in arcam, eandem senariã ætatem significat. Duo enim menses, sexagenario numero claudũtur. A senario autem numero & LX cõmemoratur & DC & VI milia & LX milia & DC milia & sexcenties, & quicquid deinceps in maioribus summis per eundẽ articulũ numerus in infinita incrementa confurgit. Et quod XX & VII dies mensis cõmemorantur, ad eiusdem quadraturæ significationẽ pertinet, quæ iam in quadratis lignis exposita est: sed hic euidentius, quia nos ad omne opus bonum paratos, idest quodãmodo quadratos trinitas perficit, in memoria qua deum recolimus, in intelligentia qua cognoscimus, in uolũtate qua diligimus. Tria enim rer, & hoc ter, fiunt XXVII, qui est numeri ternarij quadratus. Quod VII mense arca sedit, hoc est requieuit: ad illam septimã requiẽ significatio recurrit, qua perfecti requiescũt. Ibi quoq; illius quadraturæ numerus iterat. Nam XXVII die secũdi mensis commendatũ est hoc sacramentũ, & rursus XXVII die septimi mensis eadem commendatio confirmata est, quum arca requieuit. Quod enim promittitur in spe, hoc exhibetur in re: quia ipsa septima requies cũ octa ua resurrectione coniũgitur. Neq; enim reddito corpore finitur requies, quæ post hanc uitã excipit sanctos: sed potius totũ hominẽ, non adhuc in spe, sed iam in re ipsa, omnia ex parte & spiritus & corporis perfecta, immortalis salute renouatum, in æternæ uitæ munus assumũt. Quia igitur septima requies cum octa ua resurrectione coniũgitur, & hoc in sacramento regenerationis nostræ,

idest

id est in baptismo, altum profundumq; mysterium est. Quod quindecim cubitis supercreuit aqua, excedens altitudinem montium, id est, hoc sacramentum transcendit omnem sapientiã superbiorum. Septem quippe & octo coniuncti, quindecim faciunt. Et quia septuaginta à septem, & octuaginta ab octo denominant, coniuncto utroq; numero centũ quinquaginta diebus exaltata est aqua, eandem nobis cõmendans atq; cõfirmans altitudinem baptismi, in sacrando nouo homine, ad tenendam quietis & resurrectionis fidem. Quod post dies quadraginta emissus coruus non est reuersus, aut aquis utiq; interceptus, aut aliquo supernatando cadauere illectus, significat homines in immunditiã cupiditatis teterrimos: & ob hoc ad ea quæ foris sunt in hoc mudo nimis intentos, aut rebaptizari, aut ab his quos præter arcam, id est, præter ecclesiam baptismus occidit, seduci & teneri. Quod columba emissã non inuenta requie reuersa est, ostendit per nouum testamentũ requiem sanctis in hoc mundo non esse promissam. Post quadraginta enim dies emissã est, qui numerus uitam quæ in hoc mudo agitur significat. Deniq; post septem dies dimissã, propter illam septenariam operationẽ spiritalem, oliuæ fructuosã succulum retulit: quo significaret nonnullos etiã extra ecclesiam baptizatos, si eis pinguedo nõ defuerit charitatis, posteriore tempore quasi uespere, in ore columbæ tanquam in osculo pacis, ad unitatis societate posse perducì. Quod post alios septem dies dimissã reuersa non est, significat finem seculi, quando erit sanctorum requies: non adhuc in sacramento spei, quo in hoc tempore satiatur ecclesia, quãdiu bibitur quod de Christi latere manauit: sed iam in ipsa perfectione salutis æternæ, quã traditur regnum deo & patri, ut in illa perpiscua contẽplatione incommutabilis ueritatis nullis mysterijs corporalibus egeamus. Nimis longum est, ut uel tam breuiter, quàm hæc cucurri, cuncta cõtingamus, cur sexcentesimo primo anno uitæ Noe, id est, peractis sexcentis annis, aperitur arcæ tectum, & tanquam reuelatur quod erat absconditum sacramentum: cur uigesimo septimo die secundi mensis dicitur sicasse terra, tanquam finita esset baptizandi necessitas, in numero dierum, quinquagesimo & septimo; ipse est enim dies secundi mensis uigessimus septimus, qui numerus ex illa coniunctione spiritus & corporis, septies octonos habet, uno addito propter unitatis uinculum. Quor de arca coniuncti exeunt, qui disuncti intra uerunt seorsum uiri & seorsum fœminæ? Exeunt autem Noe & uxor eius, filij eius & uxores filiorum eius: nunc coniuncti cõmemorati masculi & fœminæ. Quia in fine seculi, atq; in resurrectione iustorũ omnimoda & perfecta pace spiritui corpus adhærebit, nulla mortalitatis indigentia uel concupiscentia resistente. Sequitur. Edificauit autem Noe altare domino, & tollens de cunctis pecoribus & uolucris mundis obtulit holocausta super altare, odoratusq; est dominus odorem suauitatis. Si deus omnia fecerat bona, & etiã ualde bona, quid est quod tollens Noe de cunctis pecoribus & uolucris mundis, & sic obtulit holocausta? Nequaquam aliquid in sui natura immundum

De cõstru-
tione altaris
& pecoribus
mundis & im-
mundis XLII

dum creatum est, sed ad comparationem melioris, quod bonum in sua natura est, quasi immundum putatur. Constructio quippe altaris, sanctæ trinitatis confessio intelligenda est: de qua dominus ascendens ad cœlos apostolis tradidit, dicens, *Ite, docete omnes gentes, baptizantes eos in nomine patris & filij & spiritus sancti, docentes eos seruire omnia quæ præcepi uobis.* Super hoc altare fidei sumpsit ex omni pecore mûdo, & ex omni aue munda, & obtulit hostias sanctas domino placentes, rationabile obsequium sanctorum. Per pecus enim mundum illi significati sunt, qui simpliciter uiuunt in ecclesia, sensumq; retinent innocentiae, nec habent morsum malitiæ. Porro per auem mundâ illi intelliguntur, qui in lege domini meditantur die ac nocte, qui possunt dicere cum apostolo, *Nostra autem conuersatio in cœlis est, non quod naturaliter mûdi essent, in iniquitatibus cœcepti, & in delictis generati: sed quod iam renati ex aqua & spiritu sancto recte mundi appellantur: & sic postmodum super altare fidei oblati sint deo patri, mortificati carne, uiuificati autem spiritu.* Odoratusq; est dominus odorem suauitatis. Neq; enim deus odore carniū, aut sanguine irrationabilium pecorum delectatur: quod se utiq; nequaquam exquisisse per Esaïam prophetâ testatus est: sed odoratus est, hoc est delectatus, humani generis ad se conuersionem & salutem credentium. Sequitur, *Nequaquam ultra maledicam terræ propter homines.* Sensus enim & cogitatio humani cordis in malū prona sunt ab adolescentia sua. Non igitur ultra percutiam omnem animantē sicut feci.) Nequaquam enim post resurrectionem dominabuntur corporibus uitia atq; peccata, neq; corruptioni subiacebunt & morti corpora, quæ post resurrectionem ad gloriam immutata, incorruptionem & immortalitatem sunt acceptura. Sequitur, *Benedixitq; deus Noe & filiis eius, & dixit ad eos, Crescite & multiplicamini, & implete terram: & terror uester ac tremor sit super cuncta animalia terræ, & super omnes uolucres cœli, cum uniuersis quæ mouentur in terra.*) Quorū terror ac tremor super animalia terræ præcipitur, profecto esse super homines prohibetur. Homo quippe brutis animalibus, non autem hominibus ceteris, natura prælatus est: idcirco ei dicitur, ut ab animalibus, & non ab homine timeatur: quia cōtra naturam superbire est, ab æquali uelle timeri. Sequitur, *Omnes pisces maris manui uestre traditi sunt: & omne quod mouetur & uiuit, erit uobis in cibum, quasi holera uirentia tradidi uobis omnia, excepto quod carnem cum sanguine non comedetis.*) Morticinium autem ad escam hominum usui non admisit, eo quod non occisorum, sed mortuorum animalium, morbida caro est, nec apta ad salutem corporis, cuius causa sumimus alimentum. Illud uero quod in Actibus apostolorum præceptum ab apostolis gentibus impositum, ut abstinerent gentes tantum à fornicatione, & ab immolatione, & à sanguine: id est, non ederent carnem, cuius sanguis non esset effusus, quod alij non sic intelligunt: id est, ut ne quis homicidio se contamineat: quod quidem aut isto, aut alio quolibet modo: nam ista tantummodo obseruando

C A P. I X
De benedictio
ne Noe & fil.
XLIII

nullo modo esse poterant Christiani. Quis enim nesciat, Noe & eius filios significasse Iesum Christum & suos prædicatores, qui à deo patre benedictionem perceperunt in celestibus in omni benedictione spiritali? Qui tunc iussi sunt crescere & multiplicari, quando ueluti de arca egressi, de Hierusalem & Iudæa dispersi, quasi terram ingredi præcepti sunt, dum cunctes in mundum iussi sunt prædicare euangelium omni creaturæ: & tunc spiritaliter creuerunt in filijs, sanctis uidelicet discipulis, & copiosa multitudine cæterorum fidelium: & terror ac tremor eorum fuit super cuncta animalia terræ, gentes scilicet, quæ more irrationabilium pecorum uel animalium uersabantur in mundo: & super omnes uolucres cæli, sapientes utique mundi, qui more auium dum de creaturis uel elementis cæli & terræ disputare nitebatur, quasi aues in cælum uolare uidebantur. Tunc etiam pisces maris manui illorum traditi sunt, quando curiosi quique & actiones seculi sectantes, & qui infirmos quosque & pusillos qui se defendere non ualebant, dum expoliabatur, quasi more piscium eos deuorabant: sed postea ad prædicationem apostolorum, qui dudum aliena rapiebant, ceperunt etiam propria largiri. Impletumque est illud quod antea propheta eorum persona cecinit, dicens, Subiecit populos nobis, & gentes sub pedibus nostris. Et omne quod mouetur & uiuit, erit uobis in escam, quasi holera uirgentia tradidi uobis omnia: id est, ut eum qui ex circuncisione est, ita & qui ex gentibus pari modo ad finem recipietur, sicut Petro dictum est, Surge Petre, macta & manduca. Quumque ille renuendo diceret, non se aliquando manducasse commune & immundum, dictum est illi, Quæ deus purificauit, tu ne commune dixeris. id est, quos deus gratuita miseratione ex uasis iræ uasa misericordiae per spiritum sanctificationis remittendo præterita peccata fecit, tu noli uelut immundos renuere. Excepto quod carnem cum sanguine non comedetis: id est, cum præterito peccato eos ad fidem recipere non debetis: sed ipsi more aquæ per confessionem in conspectu domini effundere, aut certe in terra abscondere, in sua uidelicet carne ex qua ortum est, debet mortificare. Sed quia ista illis inter gentes agentibus, futurum erat illos persequutionem habituros ab infidelibus, mox ad consolationem eorum uerba respondent. Sanguinem enim animarum uestrarum, requiram de manu cunctarum bestiarum. Neque enim anima quæ res incorporea est in sua natura, sanguinem habet, uel bestia brutæ & absque ratione, pro quolibet facto aliquando deo reddituræ sunt rationem: sed per sanguinem animæ, uitam carnis uoluit demonstrare. Bestias autem hoc in loco persequutores ex gentibus debemus intelligere, qui more bestiarum aduersus dei sanctos suam malitiam exercuerunt. Quod uero addidit, de manu hominis: eosdem persequutores tam ex Iudæis quam ex gentibus uoluit demonstrare: quia & homines sunt per naturam, & bestia per sensum uitam. Deinde subsequutus est, De manu uiri & fratris eius requiram animam hominis. Saluo intellectu historiae, quo iustus iudex deus reddit unicuique iuxta opera sua, secundum conceptum ordinem allegoriæ, hominem quasi

ratio

rationabilem birum & fratrem sanctis prædicatoribus, id est, apostolis & comitibus eorum Iudæos debemus intelligere, qui ex uno patre orti sunt, & de Abraham prosapia descēderunt, qui eisdem prædicatoribus sanctos extra synagogā fecerunt: & dum eos occiderunt, uel persequuti sunt, arbitrati sunt se obsequium præstare deo. Quibus dominus promittit: id est, & persequentibus ex gētibz, quasi irrationabilibus bestiis: & hominibus, hoc est, Iudæis, quasi ratione utentibus, qui sibi secundum legem uidebantur persequi apostolos: utrisq; eos iniuste persequentibus, per iustum iudiciū puniendos esse promittit. Quicumq; effuderit humanum sanguinem, effundetur sanguis eius. Homines hoc in loco, sanctos uoluit demonstrare, utpote rationales. Quid enim dicere, Quicumq; effuderit humanū sanguinem, effundetur sanguis eius? Ac si aperte dicat, Quicumq; eos temporali morte iniuste mulctauerit, perpetua morte, hoc est, damnatione, punietur. Ad imaginem quippe dei factus est homo. Vere enim ad imaginem dei illi conditi sunt, qui student quotidie mortificare membra sua, quæ sunt super terrā, & renouari spiritu mentis, qui secundum deum creatus est, qui deponunt mendacium, & loquuntur ueritatem proximis suis, cum quibus sunt inuicē membra. Sequitur, Vos autem crescite & multiplicamini, & ingredimini super terrā, & implete eam. Ad eisdem sanctos prædicatoribus uerba exhortatoria sūt, ut postposito timore quo corpus occiditur, & anima nihil impeditur, crescāt, siue in uirtutibus, siue in numerositate credentiū multiplicentur: & ingrediant super terrā prædicando, & impleant eam docendo, & mirabile demonstrando Christi nomē in uniuersa terra: quia dū hoc in hominibus, hoc est, dei notitia, fides uel religio non erat, quasi absq; cultore terra deserta & inhabitabilis erat. Sequitur, Dixitq; deus, Hoc signum fœderis, quod do inter me & uos: Arcum meum ponam in nubibus: & erit signū fœderis inter me & inter terrā. Quumq; obduxero nubibus cœlū, apparebit arcus meus in nubibus: & recordabor fœderis mei, quod pepigi uobiscū. Arcus propter signum securitatis in cœlo positus est, ut ab omnibus inspicere potuisset. Et ipsum signū in igne & aqua ostenditur: quia ex parte est cœruleus & ex parte rubicundus: quia utriusq; iudicii testis est, unius uidelicet facti, & alterius faciendi. Quod testamentū posuit deus inter se & homines, atq; omnem animā uiuam, ne perdat eam diluuiō: arcus qui apparet in nubibus, qui nūquam nisi de sole resplendet. Illi enim non pereunt diluuiō separati ab ecclesia, qui in prophetis & omnibz diuinis scripturis, tanq; in nubibus dei agnoscunt Christi gloriā, non quærunt suam. Sex quippe ætatibus humana finitur uita, quatum prima infantia est, secūda pueritia, tertia adolescentia, quarta iuuentus, quinta senectus, sexta senii, quæ sola morte terminatur: & sex ætatibz finiendus est hic mūdus, cuius prima ætas fuit ab Adam usq; ad diluuiū, quæ recte infantie cōparatur, quæ hinc appellata est, quod fieri nō potest: quam profecto ætatem primā dimergit obliuio, sicut ætas prima generis humani est deleta diluuiō: ita & nūc nostri operis finiendus est liber.

De arcu
XLIIII

INDEX CAPITVM

LIBRI SECVNDI



| | |
|--|---------|
| DE EO QVOD scriptum est, Cœpit Noe uir agricola ex- ercere terram, plantauit uineam, bibensq; uinum inebria- tus est. | Caput I |
| De maledictione Chanaan, & benedictione duorum filio- rum | II |
| De genealogia filiorum Iaphet | III |
| Item de filijs Cham | III |
| De filijs Sem & eius posteritate | V |
| De constructione turris | VI |
| De eo quod scriptum est, Descendit dominus, ut uideret ciuitatem, & tūrrim quam ædificabant filij Adam | VII |
| De generationibus Sem | VIII |
| De generationibus Thare | IX |
| De morte Aran | X |
| De egressione Thare de terra Chaldæorum | XI |
| De annis Thare | XII |
| De egressione Abraham de terra sua, & de cognatione sua, & de domo pa- tris sui | XIII |
| De descensione Abraham in Ægyptum | XIII |
| De diuisione Abraham & Loth, & iurgio pastorum eorum | XV |
| De apparitione domini ad Abraham, postquàm diuisus est ab eo Loth, & ha- bitatione eius in conualle Mambrae | XVI |
| De prælio Amraphel regis Sennaar, & Arioch regis Ponti, & Chodorlao- mor regis Elamitarum, & Thadal regis gentium, contra Bara regem So- domorum | XVII |
| De Melchisedech sacerdote rege Salem | XVIII |
| De eo quod scriptū est, Factus est sermo domini ad Abraham per uisionem dicens, Noli timere, ego protector tuus, & merces tua magna nimis | XIX |
| De eo quod scriptum est, Sume, inquit, uaccam triennem & capram trimam & arietem annorum trium | XX |
| De ingressu Abraham ad Agar ancillam Sarai | XXI |
| De fuga Agar, & angelo qui apparuit ei | XXII |
| De alloquutione dei ad Abraham, & mutatione nominis eius | XXIII |
| De circumcisione Abraham & domus eius | XXIII |
| De mutatione nominis Sarai | XXV |
| De promissione natiuitatis Isaac | XXVI |
| De apparitione trium uirorum Abraham in conualle Mambrae | XXVII |
| De clamore Sodomorum & Gomorrae | XXVIII |
| De sub- | |

| | |
|---|---------|
| De subuersione Sodoma: | XXIX |
| De ebrietate Loth | XXX |
| De profectione Abraham in terram Australem, & peregrinatione eius in Geraris | XXXI |
| De muneribus Abimelech datis Abraham & Saræ | XXXII |
| De natiuitate Isaac | XXXIII |
| De lusu Isaac & Ismahel, & eiectione ancillæ cum filio suo | XXXIII |
| De eo quod scriptum est, Dixit Abimelech & Phicol princeps exercitus eius ad Abraham, Dominus tecum est in uniuersis quæ agis | XXXV |
| De nemore quod plantauit Abraham in Bersabee | XXXVI |
| De tentatione Abraham & immolatione filij sui | XXXVII |
| De eo quod scriptum est, Nuntiatum est Abraham, quod Melcha quoq; genuisset filios Nachor fratri suo | XXXVIII |
| De morte Saræ, & catalogo annorum eius | XXXIX |
| De eo quod scriptum est, Erat Abraham senex, dierumq; multorum, & de seruo seniore domus suæ, & de positione manus sub femore suo | XL |
| De Cethura uxore Abraham | XLI |
| De morte Abraham | XLII |
| De generationibus Ismahel | XLIII |
| De eo quod scriptum est, Deprecatus est Isaac dominum pro uxore sua, eo quod esset sterilis | XLIII |
| De eo quod dictum est ad Rebeccam, Duæ gentes & duo populi in utero tuo sunt | XLV |
| De natiuitate Esau & Iacob | XLVI |
| De eo quod scriptum est, Factus est Esau uir gnarus uenandi, Iacob autem uir simplex | XLVII |
| De coctione pulmenti, & uenditione primogenituræ Esau | XLVIII |
| De eo quod scriptum est, Orta autem fame super terram abiit Isaac ad Abimelech regem Palæstinarum in Gerara | XLIX |
| De eo quod scriptum est, Seminauit Isaac in terra illa, & inuenit in ipso anno centuplum | L |
| De puteis quos foderant pueri patris Isaac | LI |
| De senectute Isaac, & caligatione oculorum eius, & benedictionibus filiorum | LII |

DIVI EVCHERII LVGDVNENSIS

EPISCOPI COMMENTARIORVM IN GENESIM

ad Veranium & Salonium fratres episcopos

Liber Secundus.



De eo quod
scriptū est,
Cœpit Noe,
Ec. 1

SECUNDA NAMQVE SECVLI AETAS A Noe usq; ad ipsum Abrahā, uelut pueritia fuit: & sic post diluuium, nouum apparuit seculum, quasi secunda humani generis ætas: Ira & à nobis, deo iuuante, secundus incipiendus est liber. Sequitur, Cœpitq; Noe uir agricola exercere terram, & plantauit uineam: bibensq; uinum inebriatus est, & nudatus in tabernaculo suo. Quare uir iustus inebriatus est, nisi fortē inebriari uino posse nesciebat? Neq; enim ante diluuium leguntur homines uino uti: & ideo specialiter de Noe scriptum est, Plantauit Noe uineam. Vinea domini Sabaoth, domus Israel est. Bibit de uino eius. Site ille calix hic intelligitur, de quo idem dominus dicit, Potestis bibere calicem, quem ego bibiturus sum. Et, Pater si fieri potest, transeat à me calix iste. Quo suam, sine dubio, significat passionē: siue quia uinum fructus est uineæ, hoc potius illo significatum est, quod ex ipsa uineā, hoc est, ex genere Israelitarum, carnem pro nobis & sanguinem, ut pati posset, assumpsit: & inebriatus est, id est, passus est & nudatus est. Ibi namq; nudatus est, id est, apparuit eius infirmitas, de qua dicit apostolus, Et si crucifixus est ex infirmitate. Vnde item dicit, Infirmitum dei fortius est hominibus, & stultum dei sapientius est hominibus. Quod uero quum dictum esset, Et nudatus est: addit scriptura, In domo sua: eleganter ostendit quod à suæ carnis gente, & domesticis sanguinis sui, utiq; Iudæis, fuerat crucem mortemq; passurus. Sequitur, Quod quum uidisset Cham pater Chanaan, uerenda scilicet patris sui esse nudata, nūtiavit duobus fratribus suis foras. At uero Sem & Iaphet pallium imposuerunt humeris suis, & incedentes retrorsum operuerunt uerenda patris sui. Faciesq; eorum auersæ erant, ut patris sui uirilia nō uiderent. Proinde in duobus filiis, maximo & minimo, duo populi figurantur, scilicet circumcisio, & præputium: unam uestem à tergo portantes, sacramentum scilicet iam præteritæ dominicæ passionis: neq; nuditatem patris intuentur, quia in Christi necem non consentiunt: & tamen honorant uelamento, tanquam scientes unde sint nati; Medius autem filius, id est, populus Iudæorum: & ideo medius, quia nec primatum tenuit apostolorum, nec ultimus in gentibus credidit: uidit nuditatem patris, quia consensit in necem Christi: & nuntiavit foras fratribus: per eum quippe manifestatum est, & quodam modo publicatum, quod erat in prophetia secretum: ideoq; fit seruus fratrum suorum. Quid enim aliud hodieq; gens ipsa, nisi quædam scriniaria Christianorum, babilulans legem & prophetas ad testimonium assertionis ecclesiæ, ut nos bonoremus per sacramentum, quod nuntiat illa per literam? Sequitur, Euigilans autem

autem Noë à hino, quum didicisset quæ fecerat ei filius suus minor, ait, *Maledictus Chanaan, seruus seruatorum erit fratribus suis. Dixitq; Benedictus dominus deus Sem, sit Chanaan seruus eius. Dilatet deus Iaphet, & habitet in tabernaculis Sem.*) Quæritur quare peccans Cham in patris offensa, non in seipso, sed in filio suo Chanaan maledicitur: quia prophetatum est, terram Chanaan, eiectione inde Chanaanæ & debellatis, accepturos fuisse filios Israel, qui uenerunt de semine Sem, intuendo & præuidendo, quod longe fuerat post futurum. Vnde factum est, etiam illud, ut filium medium, hoc est, primo genito iuniorem ultimoq; maiorem, qui peccauetat in patrem, nō in ipso, sed in filio eius suo nepote malediceret his uerbis, *Maledictus Chanaan, sit seruus fratribus suis.* Chanaan porro natus fuerat ex Cham, qui patris dormientis nec texerat, sed potius prodiderat nuditatem. Vnde etiam sequutus adiungit benedictionem duorum filiorum, maximi, & minimi, dicens, *Benedictus dominus deus Sem, erit Chanaan puer eius: dilatet deus Iaphet, & habitet in tabernaculis Sem.* Quanquam enim sit deus omnium gentium, quodammodo tamen proprio uocabulo, & in ipsis iam gentibus dicitur Israel. Et unde hoc factum est, nisi ex benedictione Iaphet? In populo enim gentium, totum orbem terrarum occupauit ecclesia. Hoc prorsus hoc pronuntiabatur, quum diceretur, *Dilatet deus Iaphet, & habitet in tabernaculis Sem.* Sem quippe de cuius semine incarnatus est Christus, interpretatur nominatus. Quid autem nominatus Christo? cuius nomen iam ubiq; fragrat: ita ut in Cantico canticorum, etiam in se præcedente prophetia, unguento comparetur effuso: in cuius domibus, id est, ecclesijs, habitat gentium latitudo. Nam Iaphet, latitudo interpretatur. Ecce quomodo dilatatur deus Iaphet, & habitat in tabernaculis Sem, id est, in ecclesijs, quas filij prophetarum apostoli construxerunt, secundum quod Paulus apostolus fidelibus ex gentibus ait, Qui ætatis illo tempore, sine Christo alienati à societate Israel, & peregrini testamentorum, & promissionis spem non habentes, & sine deo in hoc mundo. Per hæc uerba ostenditur, quod nondum habitat Iaphet in domibus Sem. Sed paulo post quemadmodum concludatur aduertamus. Igitur iam, inquit, non estis hospites & peregrini, sed estis ciues sanctorum & domestici dei, superædificati supra fundamentum apostolorum & prophetarum, ipso summo angulari lapide existente Christo Iesu. Porro Cham, qui interpretatur callidus, medius Noë filius, tanquam se ab utroq; discernens, & inter utrumq; remanens, nec in primitijs Israelitarum, nec in plenitudine gentium, quid significat, nisi hæreticorum genus callidum, non spiritu sapietiae, sed impatientiae, quo solent hæreticorum feruere primordia, & pacem perturbare sanctorum? Multa quidem ad fidem catholicam pertinentia, dum hæreticorum callida inquietudine exagitantur, ut aduersus eos defendi possint, & considerantur diligentius, & intelliguntur clarius, & instatius prædicant, & ab aduersario mota quæstio discedi existit occasio: quamuis nō solū qui sunt apertissime separati, uerū omnes qui

Christiano nomine gloriantur & perditæ uiuunt, non absurde possunt uideri medio Noe filio figurari. Passiōē quippe Christi quæ illius hominis nuditate significata est, & annūtiāt profitendo, & male agendo exhonorant. De talibus ergo dictum est, Ex fructibus eorum cognoscetis eos. Ideo Cham in filio suo maledictus est, tanquam in fructu suo, id est, in opere suo. Vnde conuenienter & ipse filius eius Chanaā, interpretatur motus eorum. Quod quid aliud est, quā opus eorum. Sem uero & Iaphet, tanquam circuncisio & præputium: uel sicut alio modo eos appellat apostolus, Iudæos & Græcos, sed uocatos & iustificatos: cognita quodammodo nuditate patris, qua significabatur passio saluatoris, sumentes uestimentum posuerunt supra dorsa sua, & intrauerunt auersi, & operuerunt nuditatem patris sui, nec uidentur quod reuerendo tesserent. Quodam enim modo in passiōe Christi, & quod pro nobis factum est, honoramus, & Iudæorum facinus auersamur. Vestimentū significat sacramētum: dorsa, memoriā præteritorum, quia passiōem Christi eo scilicet tempore quo habitat Iaphet in domibus Sem, & malus frater in medio eorum, transactam celebrat ecclesia, non adhuc prospectat futuram. Sed malus frater in filio suo, hoc est, in opere suo: puer, id est, seruus est fratrum suorum, quum ad exercitacionē patientiæ, uel ad profectum sapientiæ, scienter utuntur boni malis. Sequitur, Vixit autem Noe post diluuium CCCCL annis, & impleti sūt omnes dies eius DCCCC annorū & mortuus est,

CAP. X
De genealogia
Iaphet
III

HABENT sunt generationes filiorum Noe: Sem, Cham, & Iaphet. Natiq̃ sunt eis filij post diluuium. Filij Iaphet: Gomer & Magog & Madai, Iauan, Tubal & Mosoch & Thyras. Hi septem filij Iaphet possederunt terram in Asia, ab Amano & Tauro Cœlesyriæ & Ciliciæ montibus, usq̃ ad fluuium Tanain. Porro filij Gomer: Aschenez & Riphath & Togorma. Filij autem Iauan: Elisa & Tharsis, Cethim & Dodanim. Ab his diuisæ sunt insulæ gentium in regionibus suis, unusquisq̃ secundum linguam & familias in nationibus suis: nomina locis & gentibus relinquentes, e quibus postea immutata sunt plurima: cætera permanent ut fuerunt. Sunt autem Gomer, Galathæ: Magog, Scythæ: Madai, Medi: Iauan, Iones, qui & Græci, unde & mare Ionicum appellatur: Tubal, Hiberi, qui & Hispani, à quibus postea Celtiberi nuncupati sunt: Mosoch, Cappadoces, unde & urbs eorū usq̃ hodie apud eos Mazecha dicitur: Thyras, Thraces, quorum non satis immutatum uocabulum est. Hæ itaq̃ septem gentes, quas de Iaphet stirpe uenientes memoraui, ad aquilonis partem habitant. Filij Gomer: Aschenez & Riphath & Togorma. Aschenez, Græci Rheginos uocant: Riphath, Paphlagonas: Togorma, Phrygas. Filij Iauā: Elisa & Tharsis, Cethim & Dodanim. Cethim sunt Citti, à quibus hodieq̃ urbs Cypri, Cittium nominatur: Dodanim, Rhodij. Omnes penē insulæ, & totius orbis littora, terraq̃ mari uicinæ Græciis acolis occupatæ sunt, qui (ut supra diximus) ab Amano & Tauro montibus, omnia maritima loca usq̃ ad Oceanum possederunt Britannicum. Sequitur, Filij

Filij Cham, Chus & Mesraim, Phuth & Chanaan.) Chus hodieq; ab Hebrais Æthiopia nuncupatur: Mesraim Ægyptus: Phuth Libyes, à quo & Mauritanie fluius usq; in præfens Phuth dicitur, omnisq; circa regio Phuthensis nuncupatur. Modo tamen in una tantū climatis eius parte antiquum Libyæ nomen residet, & reliqua terra uocatur Affrica. Porro Chanaan obtinuit terrā, quam Iudæi deinceps possederunt, eiectionis Chananæis. Filij Chus, Saba & Euila, Sabatha & Rema, Sabathacha. Saba à quo Sabæi: Euila Geethuli, in parte remotioris Affricæ, eremo coherētes. Sabatha Sabatheni, qui nunc Altauari nūcupantur. Rema uero & Sabathacha paulatim antiqua uocabula perdiderūt, & quæ nunc pro ueteribus habeant, ignoratur. Filij Saba, à quo diximus appellatos Sabæos: interpretatur autem nunc Saba, Arabia. In LXXI psalmo ubi nos habemus, Reges Arabum & Saba munera offerrent: in Hebræo scriptum est, Reges Saba. Dadai, gens est Æthiopiæ in occidentali plaga. Sequitur, Porro Chus genuit Nemroth, ipse cepit esse potens in terra, & erat robustus uenator coram domino. Ab hoc exiuit prouerbum, Quasi Nemroth robustus uenator coram domino. Sic ergo intelligendus est gigas iste uenator contra dominum. Quid autem hic significatur hoc nomine, quod est uenator, nisi animarum terrigenarum deceptor, oppressor, extinctor: Et idcirco dictus est, robustus uenator contra dominū: pro eo quod homines abstraheret à cultu diuino. Sequitur, Fuit autem principium regni eius Babylon & Aracha, & Achad & Chalanne in terra Sennaar. Nemroth filius Chus arripuit insuetam prior in populis tyrannidem, regnauitq; in Babylone, quæ ab eo quod ibi confusæ sunt linguæ turrim ædificantium, Babel appellata est. Babel enim interpretatur confusio. Aracha, hæc est Edissa ciuitas. Achar, quæ nunc dicitur Nisiben: Chalanne, postea uerso nomine à Seleuco rege dicta est Seleucia. Sequitur, De terra illa egressus est Assur, & ædificauit Niniuen, & plateas ciuitatis, & Cale: Resen quoq; inter Niniuen & Cale: hæc est ciuitas magna.) Quod uero dictum est, De terra Sennaar, quæ pertinebat ad regnum Nemroth, exiisse Assur, & ædificasse Niniuen, & alias quas construxit ciuitates: longe postea factum est, quod ex hac occasione præstrinxit propter nobilitatem regni Assyriorum, quod mirabiliter dilatauit Ninus, Beli filius, conditor ciuitatis magnæ, Niniuæ, cuius ciuitatis nomen ex illius nomine deriuatum est, ut à Nino Niniue uocaretur. Assur autem, unde Assyrij, non fuit in filiis Cham, sed in filiis Sem reperitur, qui fuit Noe maximus filius. Vnde apparet de progenie Sem exortos fuisse, qui postea regnum gigantis illius obtinerent, & inde procederent, atque alias conderent ciuitates. Sequitur, At uero Mesraim genuit Ludim & Ananin & Balaabim, Neptuim & Petrusim & Chasluim.) De quibus egressi sunt Philistij & Capturim: exceptis Labaim: à quibus Libyes postea uocati sunt, qui prius Phuthæi uocabantur: & Chasluim, qui deinceps Philistim appellati sunt, quos nos corrupte, Palæstinos dicimus: cæteræ sex gentes ignotæ

ignotæ nobis sunt, quia bello Æthiopico subuersæ, atq; ad obliuionē præteritorum nominum petuenerunt. Possederunt autem terram à Gaza usq; ad extremos fines Ægypti. Sequitur, Chanaan autem genuit primogenitum suum Sydonem & Cethæum & Iebusæum & Amorrem & Gergeætum & Euzum & Arachæum, Sinæum & Aradiū, Samariten & Amathæum.) De Chanaan primus natus est Sydon, à quo urbs in Phœnice Sydon uocatur. Arachus, qui Archas condidit, oppidum in radicibus Lybani situm. Aradij sunt, qui Aradum insulam possederunt angusto freto à Phœnice separatam. Samarij, à quibus Emissa nobilis Cœlesyriæ ciuitas: hanc Macedones, qui post Alexandrum morientem regnauerunt, Epiphaniam nuncupauerunt. Et fuit terminus Chananæorum à Sydōne, donec uenias in Gerara, & usq; ad Gazam pergētibus Sodomam & Gomorram & Adamam & Seboim usq; Lezen, quia cæteræ ciuitates Sydon uidelicet & Gerara & Sodoma & Gomorra & Adama & Seboim notæ sunt nominib. suis. Fiant itaq; omnes filij Chā, hoc est, medij filij Noe, quatuor, & nepotes quinque ex uno eius filio, pronepotes duo ex nepote uno, & sit eorum summa XI. Quibus enumeratis, hinc reditur ad alium filium Cham, qui uocabatur Mesraim: & commemorātur quos genuit, nō tanq; singuli homines, sed nationes VII, & de sexta uelut de sexto filio, gens cōmemoratur exisse, quæ appellat Philistim, unde fiunt VIII. Inde iterum ad Chanaā reditur, in quo filio maledictus est Cham, & quos genuit XI nominātur. Deinde usq; ad quos fines petuenerint, cōmemoratis quibusdam ciuitatibus dicitur, ac per hoc in filijs nepotibusq; computatis de progenie Cain XXXI geniti referuntur. Sequitur, De Sem quoq; nati sunt patre omnium filiorū Heber, fratre Iaphet maiore.) Restat cōmemorare filios Sem, maximi filij Noe, ad eum quippe gradatim generationū istarum petuenit, à minimo exorta narratio. Sed unde incipiunt commemorari filij Sem, habet quiddā obscuritatis, quod expositione illustrādum est, quia & multū ad rem pertinet quā requirimus. Sic enim legitur, Et Sem natus est, & ipsi patri omnium filiorum Heber fratri Iaphet maiori. Ordo uerborū est: Et Sem natus est Heber, qui Sem pater est omnium filiorum. Sem ergo patriarcham intelligi uoluit omnium, qui de stirpe eius exorti sunt, quos cōmemoraturus est, siue sint filij, siue sint nepotes & pronepotes. Sequitur, Filij Sem, Elam & Assur & Arphaxat & Lud & Haram.) Hi ab Euphrate fluuiō, partem Agæ usq; ad Indicum oceanum tenēt. Est autem Elam à quo Elamitæ principes Persidis, quod de Assur antea iam dictum est. Sequitur, Filij Haram, Hus & VI & Iecher & Mes. At uero Arphaxat genuit Sala, de quo ortus est Heber.) Arphaxat à quo Chaldaei, Lud à quo Lydij, Haram à quo Syri, quorum metropolis est ciuitas Damascus. Filij Haram, Hus & VI & Iezer & Mes. Hus Traconitidis & Damasci conditor inter Palæstinam & Cœlesyriam tenuit principatum, à quo Septuaginta interpretes in libro Iob, ubi in Hebræo scribitur terra Hus, regionem Auiūdē transulerunt. VI à quo Armeni, Iezes à quo

De posteris
Sem V

à quo Carmani seu Carij. Sequitur, At uero Arphaxat genuit Sala, de quo ortus est Heber. Non sanè istum Heber genuit Sem, sed ab illo quartus in progenitorū serie reperitur. Sem quippe inter alios filios genuit Arphaxat, Arphaxat autem genuit Sala de quo ortus est Heber. Non itaq; frustra ipse primus est natus in progenie ueniente de Sem, & prælatus est etiam filijs, quum sit quartus nepos: nisi quia uerū est quod traditur, ex illo Hebræos cognominatos esse, tanquam Hebercos: quum & alia possit esse opinio, ut ex Abraham, tāquam Abrahe dicti esse uideantur. Sed nimirū hoc uerum est, quod ex Heber, Heberei appellati sunt, ac deinde una detruncata litera, Hebraei: quam linguam solus Israel populus potuit obtinere, in quo dei ciuitas & in sanctis peregrinata est & in omnibus sacramento adumbrata. Igitur filij Sem prius nominātur: deinde ex uno eorum nati sunt quatuor nepotes eius. Itemq; alter filiorum Sem genuit eius nepotē, atq; inde abnepos, qui est Heber. Genuit autem Heber duos filios, quorū unum appellauit Phalec, quod interpretatur diuidens. Deinde scriptura subiūgens, rationemq; huius nominis reddens, Quia in diebus (inquit) eius, diuisa est terra. Hoc autem quid sit, post apparebit. Alius uero qui natus est ex Heber, genuit duodecim filios: ac per hoc sunt omnes geniti de Sem uiginti septē. In summa igitur omnes progeniti de tribus filijs Noe, id est, xv de Iaphet, xxxi de Cham, xxvii de Sem, sunt LXXIII. Deinde scriptura sequitur, dicens. Hi filij Sem in tribus suis, secundum linguas suas, in regionibus suis & in gentibus suis. Itemq; de omnibus: Ha, inquit, tribus filiorum Noe secundum generationes eorum & secundum gentes eorum. Ab his dispersæ sunt insulæ gentium super terram post diluuium. Vnde colligitur LXXIII, uel potius quod postea demonstrabitur LXXII gentes tunc fuisse, non homines. Nam & prius quum fuissent commemorati filij Phalec, ita cōclusum est. Ex his segregatæ sunt insulæ gentium in terras eorum, unusquisq; secundū linguam suam in tribubus suis & in gentibus suis. Iam uero in filijs Cham quodā loco apertius cōmemoratæ sunt, sicut superius ostendi: Mesruim genuit eos qui dicuntur Ludiim, & eodem modo cæteræ usq; ad VII gētes: & numeratis omnibus postea cōcludens, Hi filij Cham, inquit, in tribubus suis, secundum linguas suas in regionibus suis. Propterea ergo multorū filij non sunt cōmemorati, quia gentibus alijs nascendo accesserunt alij, ipsi autem facere gentes nequierūt. Nam qua alia causa cum filij Iaphet octo cōnumerētur, ex duobus eorum tantum filij nati commemorantur: & quum filij Cham quatuor nominētur, ex tribus tantū qui nati sunt adiunguntur: & quum filij Sem nominentur VI, duorum tantū posteritas attexitur? Nunquid cæteri sine filijs remanserunt? Absit hoc credere. Sed gentes propter quas cōmemorari digni essent, nō utiq; fecerunt: quia sicut nascebantur alijs gentibus addebātur. Quum ergo in suis linguis istæ gentes fuisse referantur, redit tamen narrator ad illud tēpus, quando una lingua omniū fuit, & inde iam exponit quid acciderit, ut linguarū diuersitas nascerec. Sequitur,

Erat

CAP. XI

De constru-
tione turris
VI

De eo quod
scriptum est,
Descendit do-
minus &c.
VII

ERAT autem terra labij unius, & sermonum eorundem. Quumq; profici-
scerentur de oriente inuenerunt campum in terra Sennaar, & habitauerunt
in eo. Dixitq; alter ad proximū suum, Venite, faciamus lateres, & coquamus
eos igni. Habueruntq; lateres pro saxis, & bitumen pro cemēto. Et dixerunt,
Venite, faciamus nobis ciuitatē & turrim, cuius culmen pertingat ad cælum;
& celebremus nomen nostrū, antequā diuidamur in uniuersas terras.) Ista
ciuitas quæ appellata est confusio, ipsa est Babylon, cuius mirabilem constru-
ctionem etiam gentium commendant historiæ. Babylon quippe interpreta-
tur confusio. Vnde colligitur gigantem illum Nemroth fuisse illius condito-
rem, quod superius fuerat intimatum. Vbi quum de illo scriptura loqueretur,
ait, Initium regni eius fuit Babylon: id est, quæ ciuitatum cæterarum gereret
principatum, ubi esset tanquam in metropoli habitaculū regni, quamuis per-
fecta non fuerit usq; in tantum modum, quantum superba cogitabat impie-
tas. Nam nimia disponebatur alitudo, quæ dicta est usq; ad cælū, siue unius
turris eius quam moliebantur inter alias esse præcipuam. Solet enim super-
biam stulticia sequi, & humilitatē sapientia. Sequitur, Descendit autem do-
minus ut uideret ciuitatem & turrim, quam ædificabant filij Adam: & dixit,
Ecce unus est populus, & unum labium omnibus: cœperuntq; hoc facere, nec
desistēt à cogitationibus suis, donec eas opere impleant.) Descēdit dominus
uidere ciuitatem & turrim, quam ædificabāt filij Adam: hoc est, non filij dei,
sed filij hominum: id est, illa societas secundum hominem uiuens, quam terre
nam dicimus ciuitatem. Non loco mouetur deus, qui ubiq; est totus semper:
sed descēdere dicitur, quum aliquid facit in terra: quod præter usitatum natu-
ræ cursum mirabiliter factum, præsentiam quodam modo eius ostendit. Nec
uidendo discit ad tempus, qui nunquam potest aliquid ignorare, sed ad tem-
pus uidere & cognoscere dicitur, quod uideri & cognosci faciat. Non sic ergo
uidebatur illa ciuitas, quomodo eam deus uidere fecit: quando sibi quantum
displiceret, ostendit: quamuis possit intelligi deus ad illam ciuitatem descen-
disse: quia descēderunt angeli eius, in quibus habitat: quia per angelos descen-
debat, qui in angelis descendētib; erat. Et bene, non ait, Venite, & descen-
dentes confundite: sed, Confundamus ibi linguā eorum. ostendens ita se ope-
rari per ministros suos, ut sint etiam ipsi cooperatores dei. Nec sic loquitur an-
gelis deus, quomodo nos inuicem nobis uel deo, uel angelis, uel ipsi angeli no-
bis, siue per illos dominus nobis: sed ineffabili suo modo, nobis autē indicatur
hoc nostro modo. Dei quippe sublimior ante suum factū loquutio, ipsius sui
facti est immutabilis ratio, quæ non habet sonū strepētē atq; transeuntem,
sed uim sempiternæ manentem, & temporaliter operantem. Hæc loquitur an-
gelis sanctis: nobis autem longe positis, per angelos, secundum modum no-
stræ capacitatis. Quando autem etiam nos aliquid talis loquutionis interiori
bus auribus capimus, angelis propinquamus. Illud sanē quod dictū est, Nec
desistēt à cogitationibus suis, donec eas opere impleant: nō est dictum con-
firmādo,

firmando, sed tanquam interrogando, sicut solet à comminantibus dici. Sic ergo accipiendum est, tanquam dixerit, Nonne omnia deficient ex illis quæ conati sunt facere? Sed si ita dicatur, non exprimet comminantem, quoniam uocem pronuntiantis non possumus scribere. Sequitur, Venite igitur descendamus & confundamus ibi linguas eorum, ut non audiat unusquisque uocem proximi sui. Atque ita diuisit eos dominus ex illo loco in uniuersas terras, & celsauerunt ædificare ciuitatem. Er idcirco uocatum est nomen eius Babel, quia ibi confusum est labiū uniuersæ terræ: & inde dispersit eos dominus super faciem cunctarum regionum. Merito autem malus punitur affectus, etiam cui non succedit effectus. Genus uero ipsius pœnæ quale fuit? Quoniam dominatio imperantis in lingua est, ibi damnata est superbia: ut non intelligeretur iubens homini, qui noluit intelligere, ut obediret deo iubenti. Sic illa conspiratio dissoluta est, quum quisque ab eo quem non intelligeret, abscederet: nec se, nisi ei cū quo loqui poterat, aggregaret. Et per linguas diuise sunt gentes, dispersæque per terras, sicut deo placuit, qui hoc modis occultis, nobisque incognitis, inuisibilibus fecit. Ex illis igitur tribus hominibus Noe filijs, septuaginta duarum linguarum per terras esse cœperunt, quæ crescēdo ad insulas peruenērunt. Auctus est numerus autem gētiū multo amplius, quàm linguarum. Primus autem post diluuium inter homines Nemroth, filius Chus, noua imperij cupiditate tyrannidem arripuit: regnauitque in Babylonia, quæ ab eo quod ibi confusæ sunt linguæ, Babel appellata est, quod interpretatur confusio: cuius ædificandæ turris idem Nemroth extitit author. Qui pro eo quod ultra naturam suam cœli alta penetrare contendit, non incongrue diabolo comparatur: qui cogitatione cordis sui intumescens, super sydera exaltare se uoluit: id est, super omnem potestatem angelorum deo se cœquare disponēs, dum dicit, Ascendam super altitudinem nubium, & ero similis altissimo. Quod autem dicitur, uenaror: quid significatur hoc nomine, nisi animarum terrigenarū deceptor, & capiens homines ad mortem? Turris eius, superbia huius mūdi est, uel impropia dogmata hæreticorum: qui postquàm moti sunt ab oriente, id est, à uero lumine recesserunt, & uenerunt in montem Sennaar, qui interpretatur excusio dentium, statim aduersus deum impietatis suæ ædificauerunt turtim, ac dogmatum superbiā nefario ausu confinxerunt, uolentes curiositate non licita ipsius cœli alta penetrare: sed sicut illi per superbiā ab una lingua in multas diuisi sunt, ita & hæretici ab unitate fidei & confessionis segregati, inter se diuersitate erroris quasi per dissonantiam linguarum inuicem secernuntur: & quos armat aduersus deum elatæ conspirationis perniciofa consensio, rursus intendente dogmatum discordia, diuidit oborta repente confusio. Quos quidem ipsa trinitas damnat in quam offendunt, ipsa eos dispergit, dum dicit, Venite, descendamus, & confundamus linguas eorum: in uarietate uicque erroris, siue schismatum. Eo autem tempore quando linguarum facta est uarietas, in sola domo Heber, quæ antea fuit lingua remansit. Ita & nunc in sola ecclesia, quæ

f est domus

est domus Christi, uniram esse confessionis & fidei pacem, diuisis omnibus reprobis, restat. Benedicis igitur duobus filiis Noe, atq; uno in medio eorum maledicto: deinceps usq; ad Abraham de iustorū aliquorū qui pie dēum colerent cōmemoratione silētium est. Nec eos defuisse crediderim, sed si omnes cōmemorarentur nimis longum fieret: & hæc esset historica magis diligētia, quā prophetica prouidentia. Illa itaq; exequitur literarū sacrarum scriptor istarum, uel potius per eum dei spiritus, quibus non solum narrentur praterita, uerum etiam p̄tēnūciētur, quæ tamen pertinent ad ciuitatem dei: quia & de hominibus qui non sunt ciues eius, quicquid hic dicitur ad hoc dicit, ut illa ex comparatione cōtraria uel proficiat uel emineat. Non sanē omnia quæ gesta narrantur, aliquid etiā significare putanda sunt: sed propter illa quæ aliqd significant, & illa quæ nihil significant attexunt. Solo enim uomere terra proscinditur: sed ut hoc fieri possit, etiā cætera aratri mēbra necessaria sunt: & soli nerui in cithara, atq; huiusmodi uasis musicis aptantur ad cantū: sed ut aptari possint & cætera in cōpaginibus organorū, quæ non percutiūtur à canētibus, his quæ percussa resonant connectūtur. Item in prophetica historia dicuntur & aliqua quæ nihil significant, sed quib. adharēat quæ significāt, & quodammodo religetur. Propter hoc ergo scriptura diuina quum tetrenā ciuitatem in Babylone, hoc est, in confusione, monstrasset, ad patriarcham Sem recapitulando reuertitur: & ordinantur inde generationes usq; ad Abraham, commemorato etiam numero annorum quanto quisq; ad hanc seriem pertinentem genuisset filium, quanto quisq; uiuisset. Vbi certe agnoscēdum est, quod ante promiseram, ut quare sit dictū de filio Heber, nomen eius Phalec, quia in diebus eius diuisa est terra. Quid enim aliud intelligendum est, terram esse diuisam, nisi diuersitatē linguarum? Omisissis ergo cæteris filiis Noe ad hanc rem non pertinentibus, illi connectuntur in ordine generationum, per quos possit ad Abraham perueniri, sicut illi connectebātur ante diluuium per quos perueniretur ad Noe generationib. quæ propagatæ sunt ex illo Adam filio, qui est appellatus Seth. Sic ergo incipit generationū istarum contextio. Sequitur,

De genera-
tionibus Sem
VIII

Hæ generationes Sem. Sem centum erat annorū quando genuit Arphaxat, biennio post diluuium. Porro Arphaxat quum esset xxxv annorū, genuit Sale. Sale quoq; trigésimo ætatis suæ anno genuit Heber.) Sicut supra memorauimus quum cœpissent enumerari filij Sem, qui singuli gentes singulas procreauerunt, primus est cōmendatus Heber, quum sit pronepos ipsius Sem, hoc est, quartus inueniatur ab illo exortus. Quia ergo in eius familia remāssi hæc lingua, diuisis per alias linguas gentibus cæteris, quæ lingua prius humano generi non immerito creditur fuisse communis, ideo deinceps Hebræa est nuncupata. Tunc enim opus erat eam distingui ab alijs linguis nomine proprio, sicut aliæ quoq; uocatæ sunt nominibus proprijs. Quando autē erat una nihil aliud quā humana lingua uel humana loquutio uocabatur, quæ sola uniuersum genus humanum loquebatur. Sequitur. Vixit autem Heber tri-
ginga

gintaquatuor annis, & genuit Phalec) Dixerit aliquis, Si in diebus Phalec filij Heber diuisa est terra per linguas, id est, homines, qui tunc erant in terra, ex eius nomine potius debuit appellari lingua illa, quæ fuit omnibus antea communis. Sed intelligendum est ipsum Heber propterea tale nomen imposuisse filio suo, ut uocaretur Phalec, quod interpretatur diuisio, quia tunc ei natus est, quando per linguas terra diuisa est, id est, ipso tēpote ut hoc sit quod dictum est, In diebus illius diuisa est terra. Nam nisi adhuc Heber uiueret, quādo linguarum facta est multitudo, non eius nomine nomen acciperet lingua, quæ apud ipsum potuit permanere. Et ideo credendum est, ipsam fuisse primā linguam quæ antea erat omnibus cōmunis, quoniam de pœna uenit illa multiplicatio, mutatioq; linguarum, & utiq; præter hanc pœnam debuit esse populus dei. Nec frustra lingua hæc est, quam tenuit Abraham, nec in omnes filios suos trāsmittere potuit, sed in eos tantū qui propagati per Jacob & insignius atq; eminentius in dei populū coalescentes, dei testamēta & stirpem Christi habere potuerunt. Nec Heber ipse eandem linguā in uniuersam progeniem suam refudit, sed in eam tantū, cuius generationes perducūt ad Abraham. Quapropter etiam si non euidenter expressum est, fuisse aliquod pium genus hominum, quando ab impijs Babylonia condebatur: non ad hoc ualuit hæc obscuritas, ut quærentis fraudaretur, sed potius exerceatur intētio. Quum ergo quærimus in illis septuagintaduabus gentibus ciuitatē dei, non possumus affirmare illo tempore quo erat eis labium unum, id est, loquela una, tūc iam genus humanum alienatū fuisse à cultu ueri dei, ita ut in solis istis generationibus pietas uera remaneret, quæ descendunt de semine Sem per Arphaxar, & tendunt ad Abraham: sed ab illa superbia ædificandæ turris usq; in cœlum, qua impia significatur elatio, apparuit ciuitas, hoc est, societas impiorum. uerum itaq; an antea latuerit, an fuerit, an potius utraq; permanerit: pia scilicet in duobus filijs Noe, qui benedicti sunt, eorūq; posteris: impia uero in eo qui maledictus est atq; eius progenie, ubi etiam exortus est gigas uenator cōtra dominū: non est dijudicatio facilis. Fortassis enim quod profecto est credibilis, & in filijs duorū illorum iam tūc, ante tēp. Babylonia cœpisset institui, fuerunt contēptores dei: & in filijs Cham cultores dei. Vtrūq; tamen hominum genus, terris nunq; defuisse credendū est. Quamobrē sicut lingua una quum esset omnium, non ideo filij pestilentie defuerunt: nam & ante diluuium una erat lingua, & tamen omnes præter unam Noe iusti domū deleri diluuiο meruerunt: ita quando merito elationis impietatis gentes linguarum diuersitate punite atq; diuise sunt, & ciuitas impiorū confusions nomen accepit, hoc est appellata est Babylon, nō defuit domus Heber, ubi ea quæ antea fuit omniū lingua remāsit. Quum enim legitur unam fuisse linguam primitus omniū, & ante omnes filios Sem commēdatur Heber, quāuis ex illo quartus oriatur: & Hebræa uocatur lingua, quam patriarcharū & prophetarū non solum in sermonibus uerū etiam in literis sacris custodiuit autoritas: profecto quū quæ-

f 2 ritur

De generatio
nibus Thare
IX

ritur in diuisione linguarum ubi lingua illa remanere potuerit, quæ fuit antea communis, quæ sine ulla dubitatione ubi remansit non ibi fuit illa poena quæ facta est mutatione linguarum, quid aliud occurrit, nisi quod in huius gente remanserit à cuius nomine nomē accepit, & hoc iustitiæ gentis huius non paruum apparuisse uestigium, quod quum aliæ gentes prætererentur mutatione linguarum, ad istam non peruenit tale supplicium. Sequitur, Hæ sunt generationes Thare. Thare genuit Abram & Nachor & Aran.) Ab adolescentia incipit homo posse generare. Propterea Matthæus ab ipso Abraham sumptit exordiū, & usq; ad Dauid perducere procurauit. Neq; enim frustra euangelista sic generationes commemorauit, ut hoc primum interuallum XIII generationibus commendaret, ab Abraham scilicet usq; ad Dauid. Ab adolescentia quippe incipit homo posse generare. Propterea generationum ordo ex Abraham sumptit exordiū, qui etiam pater gentium constitutus est, quando mutatū nomē accepit. Nunc iam uideamus procursum ciuitatis dei, etiam ab illo articulo temporis, qui factus est in patre Abraham: unde incipit esse notitia eius euidentior, & ubi clariora leguntur promissa diuina, quæ nunc uidemus in Christo impleri. Sicut ergo scriptura diuina indicāte didicimus, in regione Chaldæorum natus est Abraham, quæ terra ad regnum Assyriorum pertinebat. Apud Chaldæos autem iam tunc superstitiones impiæ præualebant, quemadmodum per cæteras gentes. Vna igitur Thare domus erat, de quo natus est Abraham, in qua unius ueri dei cultus, & quātum credibile est, in qua iam sola etiam Hebræa lingua remanserat: quāuis & ipsi, sicut iam manifestius dei populus in Ægypto, in Mesopotamia seruisse dijs alienis, Iesu Naue narrante referuntur, ex progenie illius Heber in linguas paulatim alias & in alias nationes defluentibus. Proinde sicut per aquarum diluuiū una domus Noe remanserat ad reparandum genus humanum, sic in diluuiō multa rum superstitionum per uniuersum mundum una remanserat domus Thare, in qua custodita est plantatio ciuitatis dei. Deniq; sicut illic enumeratis supra generationibus usq; ad Noe, simul cum annorū numeris, & exposita diluuij causa, priusq; deus inciperet de arca fabricanda loqui ad Noe dicitur, Hæ generationes Noe: ita & hic enumeratis generationibus ab illo, qui est appellatus Sem, filio Noe, usq; ad Abraham. Deinde in singulis articulis similiter ponitur, ut dicatur, Hæ sunt generationes Thare. Thare genuit Abram & Nachor & Aran. Sequitur, Porro Aran genuit Loth. Mortuusq; est Aran ante Thare patrem suum in terra natiuitatis suæ in Hur Chaldæorum.) Pro eo quod legimus in terra natiuitatis suæ: in Hebræo habetur in Hur Cefdim, id est, in igne Chaldæorum. Tradunt autem Hebræi ex hac occasione istiusmodi fabulam, quod Abraham in ignem missus sit, quia ignem adorare noluerit & quod Babylonio uallatus incendio, & dei auxilio liberatus de idololatriæ igne profugerit: quod in consequentibus scribitur egressum esse Thare cum sole sua de regione Chaldæorum, pro eo quod in Hebræo habetur de Hur, hoc est

De morte
Aran X

hoc est, de incendio Chaldaeorum: & hoc esse quod nunc dicitur, Mortuus est Aran ante conspectum Thare patris sui, in terra natiuitatis suae, in igne Chaldaeorum: quod uidelicet nolens ignem adorare, igne consumptus sit. Sequitur,

Duxerunt autem Abram & Nachor uxores, nomen uxoris Abram, Sarai, & nomen uxoris Nachor, Melcha, filia Aran, patris Melchae & patris Iescha.) Aran filius Thare, frater Abram & Nachor, duas filias genuit, Melcham, & Sarai cognomento Iescham, e quibus Melcham accepit uxorem Nachor, & Sarai Abram. Necdum quippe inter patruos & fratrum filias nuptiae fuerant lege prohibita, quae in primis hominibus, etiam inter fratres & sorores initiae sunt. Sequitur, Erat autem Sarai sterilis, nec habebat liberos. Tulit itaque Thare Abram filium suum, & Loth filium Aran filij sui, & Sarai nurum suam uxorem Abram filij sui, & eduxit eos de Hur Chaldaeorum, ut iret in terram Chanaa: ueneruntque usque Aram, & habitauerunt ibi.) Narratur enim quem admodum Thare cum suis reliquerit regionem Chaldaeorum, & uenerit in Mesopotamiam, & habitauerit ibi. Tacetur autem de uno eius filio, qui uocabatur Nachor, tanquam cum non duxerit secum, sed inueniemus postea. Quam scruum suum mitteret Abraham ad accipiendam uxorem filio suo Isaac, ita scriptum est, Et accepit puer decem camelos de camelis domini sui secum, & exurgens profectus est in Mesopotamiam in ciuitatem Nachor. Isto & alij sacrae huius historiae testimonijs ostenditur etiam Nachor exisse de regione Chaldaeorum, sedesque constituisse in Mesopotamia, ubi cum patre suo habitauerat Abraham. Quir ergo scriptura cum non commemorauit, quando ex gente Chaldaee cum suis profectus est Thare, & habitauit in Mesopotamia, ubi non solum Abraham filius eius, uerum etiam Sarai nurus, & Loth nepos eius commemorantur, quod eos duxerit secum? Quir putamus nisi forte quod a paterna & fraterna pietate descuerat, & superstitioni adhaeserat Chaldaeorum, & postea inde siue poenitendo, siue persecutione passus, quod suspectus haberetur, & ipse migrauit. Sequitur, Facti sunt autem omnes dies Thare ducentorum quinque annorum, & mortuus est in Aran.) Quod alia translatio in Carra nominare solet. Non sic autem accipiendum est, quasi omnes hos dies ibi egerit: sed quia omnes dies uitae suae, qui fuerunt anni ducenti quinque ibi compleuerit: alioquin nesciretur quot annos uiixerit Thara in Carra, quoniam non legitur quoto anno uitae suae in Carran uenerit: & absurdum est existimare in ista serie generationum, ubi diligenter commemoratur quot annos quisque uiixerit, huius solius numerum annorum uitae non commendatum esse memoriae. Quod enim quorundam quos eadem scriptura commemorat, tacentur anni, non sunt in hoc ordine in quo temporum dinumeratio discessione gignentium & genitorum successione contextitur. Iste autem ordo qui dirigitur ab Adam usque ad Noe, & inde usque ad Abraham, sine numero annorum uitae suae neminem continet. Quod uero commemorata morte Thare patris Abraham: deinde legitur, Et dixit dominus ad Abraham, Exi de terra tua, & de cognatione

De migratione Thare XI

De annis Thare XII

f ; tua,

tua, & de domo patris tui, & cætera: sed & beatus Stephanus in Actibus apostolorum quum ista narraret, inter cætera, sic ait, Deus gloriæ apparuit Abraham patri nostro, quum esset in Mesopotamia, prius quàm habitaret in Carra: & ait ad illum, Egredere de terra tua, & de cognatione tua, & de domo patris tui. Secundum hæc uerba beati Stephani, nõ post mortem patris eius loquutus est deus ad Abraham, qui utiq; in Carra mortuus est, ubi cum illo & ipse filius habitauit: sed prius quàm habitaret in eadem ciuitate, iam tamen quum esset in Mesopotamia: iam ergo exierat à Chaldæis. Quod itaq; adiungit beatus Stephanus, Tunc Abraham egressus est de terra Chaldæorum, & habitauit in Carra: non quod sit factum postea q̃ loquutus est illi deus: neq; enim post illa dei uerba egressus est de terra Chaldæorum: quum dicat ei loquutum dominum esse in Mesopotamia: sed ad totum illud tempus pertinet, quod ait, tunc: id est, ex quo egressus est à Chaldæis, & habitauit in Carra. Et item quod sequitur, Et inde postquàm mortuus est pater eius, collocauit illum in terra hac, in qua uos nunc habitatis & patres uestri. Non ait, Postquàm mortuus est pater eius exijt de Carra: sed inde quum cum hic collocauit, postea mortuus est pater eius. Intelligendum est igitur, loquutum deum fuisse ad Abraham, quum esset in Mesopotamia, prius q̃ habitaret in Carra: sed cum in Carran peruenisse cum patre, retento apud se præcepto dei: & inde exisse septuagesimo & quinto suo, patris autem sui ceterisimo quadragesimo & quinto anno. Collocatione uero eius in terra Chanaan, non profectio- nem de Carra, post mortem patris eius factam esse dicit: quia iam mortuus erat pater eius, quãdo emit terram, cuius sibi iam suæ cepit rei esse possessor. Quod autem iam in Mesopotamia constituto: hoc est, iam egresso de terra Chaldæorum dicit deus, Egredere de terra tua, & de cognatione tua, & de domo patris tui: non ut corpus inde eiiceret, quod iam fecerat, sed animum auerteret, dicitur: non enim inde exierat animo, si spe redeundi & desiderio tenebatur: quæ spes & desiderium, deo iubente ac iuuante, & illo obediente, fuerat amputandum. Non fanè incredibiliter existimatur, quum postea sequutus esset Nachor patrem suum, tunc Abraham præceptum domini implere, ut cum Sara coniuge sua, & Loth filio fratris sui exiret de Carra. Iam considerandæ sunt promissiones dei factæ ad Abraham. In his enim apertiora dei nostri, hoc est, dei ueri oracula apparere cœperunt de populo piorum, quem propheta prænuntiavit autoritas. Harum prima ita legitur,

CAP. XII
De migratione Abraham
XIII

ET dixit deus ad Abraham, Egredere de terra tua, & de cognatione tua, & de domo patris tui, & ueni in terram quam tibi monstrauero, & faciam te in gentem magnam, & benedicam tibi & magnificabo nomen tuum, erisq; benedictus. Benedicam benedicientibus tibi, & maledicam maledicentibus tibi, atq; in te benedicentur uniuersæ cognationes terræ. Aduertendum est igitur duas res promissas Abraham: unam scilicet, quod terram Chanaan possellurum fuerat semen eius: quod significatur, ubi dictum est, Vade in terram quam

quā tibi mōstrauero, & faciam te in gentem magnam. Aliam uero longe praeſtantiorem, non de carnali, ſed de ſpiritali ſemine; per quod pater eſt, non unius gentis Iſraeliticae, ſed omnium gentium, quae fidei eius ueſtigia conſe-
quuntur: quod promitti coepit his uerbis. Et benedicentur in te omnes tribus terrae. Hanc promiſſionem factam arbitrat̃ur Euſebius ſeptuageſimo quinto anno ætatis Abraham: tanquam mox ut facta eſt, de Carra exierit Abraham: quoniam ſcripturae contradici non poteſt, ubi legitur, Abraham erat ſeptua-
gintaquinque annorum quum exijt de Carra. Sed ſi eo anno facta eſt iſta pro-
miſſio, iam utiq; in Carra cum patre ſuo demorabatur Abraham. Neq; enim exire inde poſſet, niſi prius ibi habitaſſet. Nunquid nam ergo contradicitur Stephano dicenti, Deus gloriæ apparuit Abraham patri noſtro quum eſſet in Meſopotamia, prius quā habitaret in Carra: Sed intelligendum eſt, quod eodem anno facta ſint omnia: & dei promiſſio, antequā in Carra habita-
ret Abraham, & in Carra habitatio eius, & inde proſectio: non ſolum quia Euſebius in Chronicis ab anno huius promiſſionis cōputat & oſtendit poſt quadringentos & triginta annos exitum eſſe de Aegypto, quando lex data eſt: uerum etiam quia id commemorat apoſtolus Paulus. Egreſſus eſt ergo Abraham de Carra ſeptuageſimo quinto anno ætatis ſuae: & habebat in re-
gno Ninus Aſſyriorum rex quadragintres annos, quando natus eſt Abra-
ham, qui erat annus circiter milleſimus ducentiſimus ante conditā Romam, uelut alteram in occidente Babyloniam: centeſimo & quadageſimo quinto patris ſui, cum Loth filio ſiſtris ſui & Sara cōiuge perrexit in terram Chana-
an, & peruenit uſq; ad Sichem, ubi rurfus diuinū accepit oraculū. Quis autem alius exijt in Abraham de terra ſua & de cognatione ſua, ut apud cæteros lo-
cupletaretur, & eſſet in gentem magnam, niſi Chriſtus qui relicta terra & co-
gnatione Iudæorum præpollet nunc in gentibus. Item moralis expoſitio hæc habet: Eximus de terra noſtra, quādo diuitias mundi huius facultatesq; con-
temnimus: & de cognatione noſtra, id eſt, uitijſ prioribus, quæ nobis à natiui-
tate noſtra coherencia, uelut quadam affinitate & cōſanguinitate coniuncta ſunt: & de domo patris noſtri, id eſt, de omni memoria mūdi huius, quæ ocu-
lorū occurrit obtutibus. Sequitur, Et egreſſi ſunt ut irent in terrā Chanaan: quumq; ueniſſent in eam, pertrāſiuit Abraham terram uſq; ad locum Sichem, & uſq; ad conuallem illuſtrem) Sichem ipſa eſt quæ & Salem, quæ Latine & Græce Sicima uocata eſt, ciuitas Iacob, & ſita eſt in ſinib. tribus Eſſraim. Sed & filius Emor appellatus eſt Sichem, à quo locus nomen accepit. Fuit autē & alia Sichem in mōte Eſſraim, ciuitas fugitiuorū. Sequitur, Apparuitq; dñs Abraham, & dixit ei, Semini tuo dabo terrā hanc. Qui ædificauit ibi altare do-
mino, qui apparuit ei) Nihil hic de illo ſemine pmiſſū eſt, in quo pater factus eſt omniū gentiū: ſed de illo ſolo, de quo pater eſt unius Iſraeliticae gentis, Ab-
hoc ſemine terra ipſa poſſeſſa eſt. Deinde ædificato ibi altari, & innocato deo, Abraham pſectus eſt inde, & habitauit in eremo. Sequit̃, Facta eſt autē fames
f 4 in terra.

De deſcenſu
Abrahe in
Aegyptum
XIII

in terra, descenditq; Abram in Ægyptum, ut peregrinaretur ibi. Præualuerat enim fames in terra. Quumq; prope esset ut ingrederetur Ægyptum, dixit Sarai uxori suæ, Noui quod pulchra sis mulier, & quod quum uiderint te Ægyptij dicturi sint, Vxor ipsius est. Et interficient me, & te reseruabunt. Die ergo, obsecro te, quod soror mea sis, ut bene sit mihi propter te, & uiuat anima mea ob gratiam tui. Quum Abrahâ inter ignotos propter excellentissimam pulchritudinē Saræ & eius pudicitia & mariti uita esset in dubio, nec utrūq; tueri posset Abraham, coniugis pudicitiam tuendam committens deo, & humanas insidias cauens ut homo, quoniam si periculum quantum cauere poterat, non caueret, magis tentaret deum, quàm speraret in deum, fecit quod potuit: quod autem non potuit, illi commisit. Neq; enim deus ab illo mortē non poterat repellere, quam timebat: eumq; cum coniuge sua ab omni pernicie in illa peregrinatione tutari, ut nec uxor eius quamuis esset pulcherrima appetere retur ab aliquo, nec propter illam moteretur. Si interrogatus Abraham illam scēminam indicasset uxorem suam esse, duas res tuendas committeret deo, & suam uitam, & coniugis pudicitiam. Neq; enim utrum eius uxor esset, interrogatus non esse respondit, sed quum ab eo quæreretur quid ei esset illa mulier, indicauit sororē, non negauit uxorem. Erat enim & hoc, quia propinqua erat sanguine. Ita uxorem tacuit, non negauit. Sequitur, Quum itaq; ingressus esset Abram Ægyptum, uiderunt Ægyptij mulierem, quod esset pulchra nimis, & nuntiauerunt principes Pharaoni, & laudauerunt eam apud illum, & sublata est mulier in domum Pharaonis. Abram uero bene usi sunt propter illam. Flagellauit autem deus Pharaonem plagis maximis, & domum eius, propter Sarai uxorem Abram. Vocauitq; Pharao Abram, & dixit ei, Quidnam est quod fecisti mihi? Quare non indicasti, quod uxor tua esset? Quam ob causam dixisti esse sororem tuam, ut tollerē eam mihi in uxorem? Nunc igitur ecce uxor tua, accipe eam & uade. Deniq; factum est, quod de domino præsumpsit Abram. Nam Pharao rex Ægypti, qui eam sibi uxorem acceperat grauius afflictus, marito reddidit: ubi absit, ut credamus alieno cōcubitu fuisse pollutam, quia multo est credibilius hoc facere Pharaonem afflictionibus magnis non fuisse permissum. Tamen potest & aliter excusari, quod iuxta librum Hester, quæcūq; mulier placuisset regi, apud ueteres sex mensibus ungebatur oleo myrteo, & sex mensibus in pigmentis uarijs erat & curationibus scēminarum, & tunc demum ingrediebatur ad regem: atq; ita potest esse ut Sarai postquàm placuerat regi, dum per annū eius ad regem præparabatur introitus, & Abrahæ Pharao multa donauerit, & Pharao postea sit percussus à domino, illa adhuc intacta ab eius concubitu permanente. Sequitur,

CAP. XIII

De diuisione

Abraham &

Loth. XV

ASCENDIT ergo Abrahâ de Ægypto ipse & uxor eius & omnia quæ habebat, & Loth cum eo ad australē plagam. Erat autem diues ualde, in possessione auri & argenti. Sed & Loth qui erat cum Abraham fuerunt greges ouium & armēta, nec poterat eos capere terra, ut habitarent simul. Erat quip-

pe sub

pe substantia eorum multa.) Reuerso igitur Abraham ex Ægypto in locū unde uenerat, tunc Loth fratris filius ab illo in terram Sodomorum salua charitate secessit. Diuites quippe facti erant, pastoresq; pecorū multos habere ceperant, quibus inter se rixantibus, eo modo familiarū suarum pugnacem discordiā uitauerūt. Poterat quippe hinc, ut sunt humana, etiā inter ipsos aliqua rixa confluere. Proinde hoc malum præcauentis Abraham uerba ista sunt ad Loth. Non sit rixa inter me & te, & inter pastores meos & pastores tuos, quia omnes nos fratres sumus. Nonne ecce tota terra ante te est? Discede obsecro à me. Si tu in sinistram, ego in dexteram: uel si tu in dexterā, ego in sinistram.) Hinc fortassis effecta est inter homines pacifica consuetudo, ut quādo terrenorum aliquid partendum est, maior diuidat, minor eligat. Quum ergo digressi essent, separatimq; habitarent Abraham & Loth, necessitate sustentandæ familiæ, non fecerunt discordiæ, & Abraham in terra Chanaan, Loth uero habitare cepit in Sodomis: Abraham, qui interpretatur excelsus pater, quem alium significat, nisi dominū Iesum Christum, qui ait per prophetam, Patrem uocabis me, & post me ingredi non cessabis, & cui omnes fideles supplicant dicēdo, Pater noster qui es in cœlis. Qui rite excelsus dicitur, quia ipse habitat in cœlis, sicut psalmista de illo testatur, Ad te leuaui oculos meos, qui habitas in cœlis. Loth uero qui interpretatur declinans, significat populū Iudeorum, qui declinauerunt ab illo, qui est uia, ueritas, & uita, & claudicauerūt à semitis suis. Pastores Abraham, significauerūt sanctos apostolos: oues, ceteram multitudinem fidelium: de quibus ipse ait, Oues meæ uocem meam audiunt. Et iterum, Alias oues habeo, quæ nō sunt ex hoc ouili. Pastores autem Loth, præfigurauerunt scribas & pharisæos: non quia hoc erant, sed quod falso se hoc esse iactabant: quos dominus non appellat pastores, sed fures & latrones. Iurgium pastorum quid aliud significauit, nisi conflictū utriusq; partis, piæ & impiæ: substantia eorum, populi multitudo fidelium & infidelium, piorum & impiorum. Illud uero quod dixit Abraham ad Loth, Ne, quæso, sit iurgium inter me & te, & inter pastores meos & pastores tuos, recede à me obsecro: ecce uniuersa terra coram te est: si tu ad sinistram ieris, ego dexteram tenebo: si tu dexteram elegeris, ego ad sinistram pergā. Quid per dexteram & sinistram, nisi utrumq; significatur testamentum: de quo ait ecclesia in Canticis canticorum, Leua eius sub capite meo, & dextera illius amplexabit me. Quasi enim in dexteram partem declinauerunt Iudæi, quando ignorantes dei iustitiam, & suam nolentes constituere, iustitiæ dei non fuerunt subiecti. Sed ille quasi sinistram elegit, quando ait, Non ueni uocare iustos, sed peccatores. Et iterum, Amen dico uobis, quia gaudium erit in cœlis super uno peccatore penitentiam agente, quàm super nonaginta nouem iustis, qui non indigent penitentia. Sed ad sinistram iterum illi elegerunt, quando dixerunt, Hic homo non est à deo, qui sabbatum non custodit. Et ad Pilatum, Hic si non esset malefactor, non cum tibi tradidissemus. Sed dominus iterum in suis prædicatoribus

De appari-
tione domini

XVI

ribus dextera elegit, quando post suam resurrectionē praecepit, dicens, Eun-
tes in mundum uniuersum, praedicate euangelium omni creaturae. Et iterum,
In iudicium ego in hunc mundum ueni, ut qui non uident, uideant, & qui ui-
dent, caeci fiant. Quod uero idem Loth recessit ab oriente, & elegit sibi regio-
nem circa Iordanē, quid aliud significauit, nisi quod Iudaicus carnalis popu-
lus relicta pollicitatione coelestium, totam spem suam defixit in amore tempo-
ralium rerum? Et postmodum quod habitauit in Sodoma, hoc significauit,
quod peior effectus est, quam gentes, quae ignorāt deum: dum modo quem
illi ignorant, hi blasphemāt. Impletumque est illud quod psalmista ex eorum
persona cecinit, dicens, Et dimisi eos secundum desiderium carnis eorum, ibant
in adinuentationibus suis. Sequitur, Dixitque dominus ad Abraham postquam
diuisus est Loth ab eo, Leua oculos tuos, & uide a loco in quo nunc es ad aqui-
lonem & meridiem, & ad orientem & ad occidentem, omnem terram quam
conspicis, tibi dabo & semini tuo usque in sempiternum, faciamque semen tuum
sicut puluerem terrae. Si quis potest hominum numerare puluerem, semen quoque
tuum numerare poterit. Surge, & perambula terram in longitudine & in lati-
tudine sua: quia tibi daturus sum eam. Mouens igitur Abraham tabernacu-
lum suum, uenit & habitauit iuxta conuallē Mambrae, quod est Hebron, aedi-
ficauitque ibi altare domino.) In hac promissione utrum sit etiam illa qua pater
factus est omnium gentium, non euidenter apparet. Potest enim ad hoc uideri
pertinere, & faciam semen tuum, tamquam arenam terrae: quod ea loquutione
dictum est, quam Graeci uocant hyperbolē, quae utique tropica est non propria.
Quo tamen modo ut ceteris tropis uti solere scripturam, nullus qui eam didi-
cit, ambigit. Ille autem tropus, id est, modus loquutionis fit, quando id quod
dicitur, longe est amplius, quam quod eo dicto significatur. Quis enim non
uideat, quam sit incomparabiliter amplior arenae numerus, quam potest esse
hominum omnium genus ab ipso Adam usque ad terminum seculi? Quanto
ergo magis quam semen Abrahae, non solum quod pertinet ad Israeliticam
gentem, uerum etiam quod est, & futurum est, secundum imitationē fidei to-
to orbe terrarum in omnibus gentibus? Quod semen in comparatione multi-
tudinis impiorum profecto in paucis est, quamuis & ipsi pauci fiant, secundum
innumerabilem multitudinē suam, quae significata est secundum hyperbolen
per arenam terrae. Sanē ista multitudo quae promittitur Abrahae, non deo est
innumerabilis, sed hominibus: deo autem nec arena terrae. Proinde quia non
tantum gens Israelitica, sed uniuersum semen Abrahae, ubi esset promissio
non secundum carnem, sed secundum spiritum plurium filiorum, congruen-
tius arenae multitudini comparatur, potest hinc intelligi utriusque rei facta
promissio: sed ideo diximus, quod non euidenter appareat, quia & illius gen-
tis unius multitudo, quae secundum carnem nata est ex Abraham, per eius
nepotem Iacob in tantum creuit, ut penē omnes partes orbis impleuerit: &
ideo potuit & ipsa secundum hyperbolen arenae multitudini comparari, quia
& hac

& hæc sola innumerosa est homini, Terram certe illam solam significatam, quæ appellata est Chanaan, ambigit nemo. Sed quod dictum est, Tibi dabo eam & femini tuo usq; in seculum: potest mouere nonnullos, si usq; in seculum, intelligatur in æternum. Si autem seculum, hoc loco accipiat sic, quæm admodum fideliter tenemus initium futuri seculi à fine præsentis ordini, nihil eos mouebit: quia & si expulsi sunt Israelitæ de Hierosolymis, manent tamen in alijs ciuitatibus terræ Chanaan, & usq; in finem manebunt, & uniuersa illa terra quum à Christianis inhabitatur, etiam ipsum semen est Abraham. Hoc responso accepto promissionis, migravit Abraham, & mansit in alio eiusdem terræ loco: id est, iuxta quercū Mambra, quæ erat in Chebron. Chebrō quæ quondam uocabatur Arbe, corrupte in nostris codicibus Arbōch scribitur, quum in Hebræis legatur Arbe, id est, quatuor: eo quod ibi tres patriarchæ Abraham, Isaac, & Iacob sepulti sint, & Adam magnus, ut in Iesu Naue libro scriptum est: licet eum quidam condiū in loco Caluarie suspicetur. Hæc est autem eadem Chebron olim metropolis Philistinorum & habitaculū gigantum, regnumq; postea Dauid in tribu Iuda, ciuitas sacerdotalis & fugitiuorum: distat ad meridianam plagam ab Hierusalem millibus circiter uiginti duobus, & quercus Abraham quæ est Mambra permanens usq; ad Constantij regis imperium, & mansiucula eius in præsentiarum cernitur: quumq; à nostris ibidem ecclesia iam instructa sit, à cunctis in circuitu gentibus terebinthi locus superstitione colitur, eo quod sub eo Abraham angelos quondam hospitio suscepit. Fuit autem metropolis Enachim, quos gigantes intelligere debemus. Sequitur, Factum est illo in tempore, ut Amraphel rex Sennaar, & Arioch rex Ponti, & Chodorlaomor rex Elamitarum, & Thadal rex gentium, inirent bellum contra Bara regem Sodomorum, & contra Bersa regem Gomorrae, & contra Sennaab regē Adamæ, & contra Senneber regem Schoim, contraq; regem Balæ, ipsa est Segor. Omnes hi conuenerunt in uallem syluestrem, quæ nunc est mare salis. Duodecim annis seruiērūt Chodorlaomor, & XIII anno recesserunt ab eo. Igitur anno XIII uenit Chodorlaomor & reges qui erāt cum eo, percusseruntq; Raphat in Astaroth Camaim, & Suzim cum eis & Emim in Sabæ Cariathaim, & Chorraos in montibus Seir, usq; ad campestria Phatan, quæ est in solitudine: reuersiq; sunt & uenerunt ad fontem Mesphat, ipsa est Cades, & cōciderunt gigantes in Astaroth Camaim, & gentes fortes simul cum eis, & omnes eos in Sabæ ciuitate antiquam Sodomam peruenirent.) Quatuor reges profecti de Babylonia interfecerunt gigantes, hoc est, Raphaim, robustos quosq; Arabiæ: & Zozim & Emim in ciuitate Sabæ, quæ usq; hodie sic uocatur. Zozim autem & Emim, terribiles & horredī interpretantur. Et reuertentes uenerunt ad fontem Mesphat, ipsa est Cades. Per anticipationem hoc nomen dicitur, quod postea sic uocatum est: significat locū apud petram, qui fons iudicij nominatur, quia ibi deus populū iudicaret. Et percusserunt omnem regionem Amalechitarū, &

De prælio regis Sodomæ
XVII

Amor/

Amorrah qui habitabat in Asafonthamar.) Hoc oppidum est quod nunc uocatur Engaddi, balsami & palmarum fertile. Porro Asafonthamar, in lingua nostra resonat urbs palmarum: thamar quippe, palma dicitur. Astaroth pars est eremi, ubi Maria & Aaron contra Moysen loquuti sunt, ciuitas quondam Og regis Basan. Carnaim, Astaroth uicus est grandis trans fluentia Iordanis: traduntque ibi fuisse domum Iob. Et tulerunt omnem equitatum Sodomorum & Gomorrae: necnon & Loth, & suburbani eius. Et ecce unus qui euaserat, nuntiavit Abraham Hebraeo, qui habitabat in conualle Mambre Amorraci, fratris Escol & fratris Aner.) Ostendit Mambre & Escol & Aner Amorrhoeos atque germanos socios fuisse Abraham. Et percusserunt eos usque Dan ad Phoenices oppidum, quod nunc Paneas dicitur. Dan autem unus est de fontibus Iordanis. Nam & alter uocatur Iot, quod interpretatur Rithron, id est, riuus. Duobus ergo fontibus qui non procul à se distant, in unum riuulum federatis, Iordanis deinceps ducit. Deinde abductis his qui Sodomis irruerant, quum quinque reges aduersus quatuor bellum gererent, & uictis Sodomitis etiam Loth captus esset, liberauit eum Abraham, abductis secum in praedium CCCXVIII uernaculis suis, & uictoriam fecit regibus Sodomorum, nihilque spoliorum auferre uoluit, quum rex cui uicerat obtulisset. Sed quid hanc uictoriae Abraham de quinque regibus indicabat, quos ille fidei patet mysterio superauit: nisi quod fides nostra sic confirmata sit in spiritu principali, ut totidem corporis nostri sensus dei uerbo subigat. Nam sicut ille de proximo in regibus uictor, ita & fides per animam uictrix de exteriori homine triumphat. Quod uero ille non in multitudine, nec uirtute legionum, sed tantum in trecentis decem octo comitantibus, aduersarios principes debellauit: iam tunc in sacrae crucis figuram, quae per tau, litteram Graecam: & Iesu nomen, qui per iota & theta Graecis characteribus scribitur, qui saluator interpretatur, in numero trecentorum decem octo exprimitur: quod nos Christi passio liberaret à dominatu quinque carnalium sensuum, qui nos antea uarijs uitij captiuitates exsuperauerat. Sequitur. At uero Melchisedech rex Salem protulit panem & uinum, erat enim sacerdos dei excelsi, benedixitque illi, & ait, Benedictus Abraham deo excelsio, qui creauit coelum & terram, & benedictus deus altissimus, quo protegente hostes in manibus tuis sunt: qui tradidit ei decimas ex omnibus. Tradunt Hebraei hunc esse Sem primum filium Noc, & eo tempore quo ortus est Abraham habuisse aetatis annos CCCXC, qui ita supputantur. Post diluuium anno secundo quum centum esset annorum Sem, genuit Arphaxat. Post cuius octum uixit annos D, hoc est simul DC, Arphaxat anno natus trigesimo nono genuit Sale, qui & ipse natus tricenarius procreauit Heber, quem XXXIII annorum legimus genuisse Phalec, qui rursus expletis annis XXX genuit Rehu, qui & ipse post trigessimum & quintum annum edidit Seruch. De quo quum ad XXX peruenisset annos, ortus est Nachor, qui XXXIX annorum genuit Thare, quem legimus quod septuagenarius genuerit Abraham

rit Abraham & Nachor & Aran. Supputa per singulas ætates annorum numerum, & inuenies ab ortu Sem usq; ad generationem Abraham CCCXC annos. Mortuus est aut Abraham centesimo & septuagesimo quinto ætatis suæ anno. Hac ratione deducta, inuenietur Sem abnepoti suo decimi gradus Abraham superuixisse annos xxxv. Simulq; de hoc tradit, quod usq; ad sacerdotium Aaron omnes primogeniti ex istius genere, cuius series & ordo describitur, fuerint sacerdotes, & deo uictimas immolarint: & hæc esse primogenita, quæ Esau fratri suo Jacob uendiderit: nec esse mirum, si Melchisedech uictori Abraham processerit obuiam, & in refectione tam ipsius quam pugnantium eius, panem uinumq; protulerit, & benedixerit ei, cum abnepoti suo hoc iure deberet: & decimas prædæ atq; uictoriæ acceperit ab eo, siue quoniam habetur ambiguum utrum ipse dederit ei decimas substantiæ suæ, & habitam largitatem ostenderit in nepotem. Vtrumq; enim intelligi potest, & iuxta Hebraicum, & Septuaginta interpretes: quod & ipse acceperit decimas spoliiorum, & Abraham dederit decimas substantiæ suæ: quanquam apostolus in epistola ad Hebræos apertissime definiat, non Abraham suscepisse à Melchisedech decimas diuitiarum eius, sed de spolijs hostium partem accepisse pontificem. Salem autem non ut Egesippus & nostrorum omnes arbitrantur est Hierusalem, nomen ex Græco Hebræoq; compositum, quod absurdum esse peregrinæ linguae mixtura demonstrat: sed est oppidum iuxta Scythopolim, quod usq; hodie appellatur Salem. Ostenditur quoq; ibi palatium Melchisedech ex magnitudine ruinarum ueteris operis ostendens magnificentiam, de quo in exteriori parte quoq; Genesios scriptum est, Venit Jacob in Socho (id est, in tabernacula) & fecit sibi ibi domos atq; tentoria, & transiit in Salem ciuitatem regionis Sichem, quæ est in terra Chanaan. Considerandum quoq; quando Abraham à cæde hostium reuertenti, quos persequutus est usq; Dan, quæ hodie Paneas appellatur, non de uia Hierusalæ, sed de oppido metropoleos Sichem in itinere fuerit, de quo in euangelio legimus, Erat autem Ioannes baptizans in Arnon iuxta Salim, quia aquæ multæ erant ibi. Nec refert utrum Salem, an Salim nominetur, quia uocalibus in medio literis perraro utantur Hebræi, & pro uoluntate lectotum, ac uoluntate regionum eadem uerba diuersis sonis atq; accentibus proferant. Hæc ab eruditissimis gentis illius didicimus, qui intantum non recipiunt spiritum sanctum, uel angelum fuisse Melchisedech, ut etiam certissimum hominis nomen ascribant. Et reuera stultum est, id quod in typo dicitur, eo quod Christi sacerdotium finem non habcat, & ipse rex & sacerdos nobis utrumq; donauerit, ut simus genus regale & sacerdotale, & quasi angularis lapis utrumq; coniunxerit parietem, ut de duobus gregibus bonus pastor unum efficeret gregem: sic quosdam referre ad anagogè, ut historiæ auferant ueritatem, & dicant non fuisse regem, sed in imagine hominis angelum demonstratum: dum in tantum nitantur Hebræi Melchisedech regem Salem, filium Noe Sem ostendere, ut ante scriptum referant, Egressus

g est autem

De Melchisedech XVIII

est autem rex Sodomorū in occursum ei: haud dubium quā Abraham, post quā reuersus est à cæde Chodorlaomor & regum qui cum eo erant in ualle Sabæ, hæc est uallis regis. De quo statim sequitur, Et Melchisedech rex Salem protulit panem & uinum: & reliqua. Si ergo hæc ciuitas regis est, & uallis regis: siue ut Septuaginta transtulerūt, campus, quem hodie Aulonem, Palæstini uocant: Aulon uero nō Græcum, ut quidam putant, sed Hebræum cabulum est: appellatur autem uallis grandis & campestris, in immensam longitudinem se extendens, quæ circumdatur ex omni parte montibus sibi inuicem succedentibus & coherrentibus, qui incipientes à Libano & ultra eū, usq; ad desertum Pharan perueniunt: suntq; in ipso Aulone, id est, in ualle campestri urbes nobiles, Scythopolis, Tyberias, stagnum quoq; Genesareth, sed & Hiericho, mare mortuum, & regiones in circuitu, per quas mediū Iordanis fluit, oriens de fontibus Paneadis, & in mari mortuo interiens: manifestum est Melchisedech hominem fuisse, qui in terrena & ualle & urbe regnauit. Hic enim Melchisedech, qui interpretatur rex iustitiæ, ciuitatis uidelicet Salem, quæ interpretatur pax, sacerdosq; dei summi, panem & uinum in sacrificium offerens: cui & de præcipuis prædis Abraham patriarcha decimas legis obtulisse, à quo & benedictus est. Qui enim benedicit, maior est, quā qui benedicitur. Vnde & sacerdotes ex semine Abraham nati, fratres suos benedicebant, id est, filios Israel, quibus illi decimas dabant, secundū legis mandatum, uere ut maioribus & eminentioribus sibi. Sine patre, ut apostolus ait, sine matre, sine genealogia: nec initium dierum, nec finem uitæ habens: quod utiq; nulli hominū congruere potest, nisi domino soli. In eo enim quod subito nomen eius inducitur, & ex qua stirpe sit procreatus, nequaquam penitus indicatur: ac de initio uitæ eius, uel sine, nec ante, nec postmodum quicquam refertur: dei filio domino nostro assimilatur. Ipse est enim solus de patre, sine matre genitus per diuinitatē: ipse de matre sine patre per humanitatē: ipse quoq; sacerdos æternus, ad quem dicitur, Tu es sacerdos in æternum, secundum ordinem Melchisedech. ipse iustitia & pax, rex & sacerdos: rex uidelicet ex deo patre, sacerdos ex uirgine matre. Sine matre enim eū fuisse, manifestū est ex patre, quum dicitur ab euangelista, In principio erat uerbū, & uerbum erat apud deum, & deus erat uerbum: hoc erat in principio apud deum: omnia per ipsum facta sunt, & sine ipso factum est nihil. Sine patre quoq; eum extitisse ex matre euangelista pronuntiat, quum Mariæ angelus loquitur, Spiritus sanctus superueniet in te, & uirtus altissimi obumbrabit tibi: propterea quod nascetur ex te sanctum, uocabitur filius dei. Sine aliqua etiam sacerdotali genealogia homo extitit ex hominibus, utpote non ex tribu Leui ortus, sed ex tribu Iuda: ex qua tribu nihil de sacerdotali præcepto accepit: utq; propter mysterium sacramenti, quod Christianis celebrare præceptū est, ut non secundum Aaron pecudum uictimas, sed oblationem panis & uini, id est, corporis & sanguinis eius sacramentum in sacrificium offeramus. Ibi quippe pri-

mi

mun apparuit sacrificium, quod nunc à Christianis offertur deo toto orbe terrarum: impleturq; illud quod longe post hoc factum per prophetam dictum ad Christum, qui fuerat adhuc uenturus in carne, Tu es sacerdos in æternum secundum ordinem Melchisedech. non scilicet secundum Aaron, qui ordo fuerat auferendus, illucescentibus rebus, quæ illis umbris enotabantur. Quod uero patriarcha magnus decimas omnis substantiæ suæ Melchisedech sacerdoti post benedictionem dedit, sciens spiritualiter melius sacerdotium futurum in populo gentium, quàm Leviticum, quod in Israel de ipso erat nasciturum: futurumq; ut sacerdotium ecclesiæ habens præputium, benediceret in Abraham circumciso sacerdotium synagogæ. Sequitur,

HIS ita transactis, factus est sermo domini ad Abraham per uisionem, dicens, Noli timere Abraham, ego protector tuus sum, & merces tua magna nimis. Dixitq; Abraham, Domine deus quid dabis mihi? Ego uadam absq; liberis, & filius procuratoris domus meæ iste Damasus Eliczer. Addiditq; Abraham, Mihi autem non dedisti semen, & ecce uernaculus meus, hæres meus erit.) Semini Abrahâ iam facta erat promissio, & innumerabilis multitudinis abundantia: nondum tamen erat patefactum, quomodo illius seminis esset futura promissio: utrum ex carne Abrahæ, si de ipso generaret: an ex uoluntate, si aliquem fortè adoptaret. Itaq; Abraham quum sibi uideret non nasci filios, & tamen semini factam promissionem cerneret, primo de adoptione cogitabat. Hoc indicat quod cum deo loquens, ait de uernaculo suo, Hic hæres meus erit: tanquam diceret, Quia de memetipso mihi semen non dedisti: in isto comple, quod meo semini promissi. Si enim semen cuiusque non appellaretur, nisi quod de eius carne nasceretur: nec nos appellaret apostolus semen Abrahæ, qui certe originem carnis de illo non ducimus: sed imitatione fidei, semen eius facti sumus, credentes in Christo, cuius caro ex illius carne propagata est. Tunc Abrahâ audiuit à domino, Non hic erit hæres tuus: sed qui exiet de utero tuo, ipse erit hæres tuus.) Iam nunc adoptionis cogitatione sublata, quum de seipso semen speraret Abrahâ: restabat incertum utrum ex Sara, an ex alia. Quod illi deus occultare uoluit, donec prius ex illa uetus figuraretur testamentum. Sequitur, Eduxitq; illum foras, & ait illi, Suscipe cælum, & numera stellas, si potes. Et dixit ei, Sic erit semen tuum. Credidit Abraham deo, & reputatum est illi ad iusticiam.) Rursumq; semen innumerabile, nō sicut arena terræ, sed stellæ cæli: ubi mihi magis uidetur promissa posteritas cœlesti felicitate sublimis. Nam quantum ad multitudinē pertinet, quid sunt stellæ cæli ad arenam terræ, nisi quis & istam comparisonem intantum esse similem dicat, inquantum etiam stellæ dinumerari non possunt, quia nec eas omnes nideri posse credendum est. Nam quanto quisq; acutius intuetur, tanto plures uidet: unde & acerrime cernentibus, aliquas esse merito existimatur, exceptis eis syderibus, quæ in alia parte orbis à nobis remotissima oriri & occidere perhibentur. Sequitur, Credidit Abraham deo, & repu-

CAP. XV
De eo quod
scriptum est,
Factus est sermo
domini,
etc. XIX

De eo qđ scri-
ptū est, Sume,
Ec. XX

tatum est illi ad iustitiam. Hinc sanè illa sentētia ponitur, cuius apostolus m-
minit propter dei gratiam commendandam, ne circumcisio gloriaretur, gen-
tesq; incircūcīsas ad fidem Christi nollet admitti. Hoc enim quando factum
est, ut credenti Abraham deputaretur fides ad iustitiam, nōdum fuerat circum-
cisus. Sequitur, Dixitq; ad eū dominus, Ego dominus qui eduxi te de E-
Chaldæorum, ut darem tibi terram istam, & possideres eam.) Vbi quum in-
terrogasset Abraham, secundum quod sciret, quod possessorus esset eam, res-
spondens dominus ait illi, Sume, inquit, mihi uaccam triennem & capram
trimam, & arietem annorū trium, turturem quoq; & columbam. Qui tollens
uniuersa hæc, diuisit ea per medium, & utraq; partes contra se altrinsecus po-
suit: aues autem non diuisit.) Non enim ait, unde sciam, quasi adhuc non cre-
deret: sed ait, secundum quod sciam, ut ei rei quam crediderat aliqua similitu-
do adhiberetur, qua eius modus agnosceretur, sicut non est uirginis Mariæ
diffidentia, quod ait, Quomodo fiet istud, quoniam uirum non cognosco?
Quod enim futurum esset, certa erat: modum quo fieret, inquirebat: & hoc
quum quæsisset, audiuit. Deniq; & hic similitudo de animalibus, iuuenta &
capra & ariete, & duabus uolucibus, turture, & columba: ut secundum hæc fu-
turum sciret, quod futurum iam esse non ambigeret. Per uaccam significata
est plebs ipsa, posita sub iugo legis: per capram, eadem plebs peccatrix futu-
ra: per arietem, eadē plebs regnatura. Quæ animalia propterea trima dicun-
tur, quia quum sint insignes articuli temporum ab Adam usq; ad Noe, & in-
de usq; ad Abraham, & inde usq; ad Dauid, qui reprobato Saule primus in
regno gentis Israeliticæ domini est uoluntate fundatus: in hoc ordine tertio,
qui tenditur ex Abraham usq; ad Dauid, tanquam tertiam ætatem gerens,
ille populus adoleuit. In turture quoq; illi sunt intelligēdi, quos apostolus di-
cit, in solitudinibus errantes, ac montibus & spelūcis, seu in cauernis terræ, qui
bus dignus nō erat mundus. In columba præfigurati sunt propheta, qui san-
cto repleti spiritu, populis denūtiabant futura. Siue etiam per turturem & co-
lumbam, spirituales in illo populo figurati sunt, indiuidui filij promissionis &
hæredes regni futuri. Quorum ætas temporalis ideo tacetur, quia æterna me-
ditantes, transgressi sunt desideria temporalia: & ideo dictum est, Aues autem
non diuisit: quoniam canales inter se diuiduntur, spirituales autem nullo mo-
do, siue à negotiosis cōuersationibus hominum se remoueant, sicut turtur, si-
ue inter illas degant, ut columba. Vtraq; tamen avis est simplex & innoxia,
significans & in ipso Israelitico populo, cui terra danda erat, futuros indiuidu-
os filios promissionis, & hæredes regni, in æterna felicitate māsuri. Sequitur,
Descenderuntq; uolucres super cadauera, & abigebat eas Abraham.) Illi-
tus enim merito sæpe liberatus est Israeliticus populus, & defensatus ab infe-
statione gentium diuersarum. Aues autem descendentes supra corpora quæ
diuisa erant, non boni aliquid, sed spiritus indicant acris huius, pastum quen-
dam suum de carnalium diuisione quærentes. Quod autem illas abigebat
Abraham

Abraham, significat etiam inter illas carnaliū diuisiones, ueros usq; in finem perseveraturos fideles, Sequitur, Quumq; sol occuberet, sopor irruit super Abraham, & horror magnus & tenebrosus inuasit eum.) Significat circa huius finem seculi magnam perturbationē, ac tribulationem futuram fidelium, de qua dominus dicit in euangelio, Erit enim tunc tribulatio magna, qualis non fuit ab initio. Sequitur, Dictumq; est ad eum, Scito prænoscens quod peregrinum futurum sit semen tuum in terra nō sua, & subijcient eos seruituti, & affligent eos quadringentis annis: uerumtamē gentem cui seruituri sunt ego iudicabo, & post hæc egredientur cum magna substantia.) De populo Israel qui fuerat in Ægypto seruiturus apertissime prophetauit: non quod in eadem seruitute sub Ægyptijs affligentibus quadringentos annos ille populus fuerat peracturus, sed in ipsis quadringentis annis prænuntiatum est hoc futurum: quemadmodum scriptum est de Thare patre Abraham, Et fuerunt dies Thare in Carra ducenti quinque anni: non quia ibi omnes transacti sunt, sed quia ibi completi sunt. Ita & hic interpositū est, & in seruitutem redigent eos & affligent eos quadringentis annis, quoniam iste numerus in eadem afflictione completus est, non quia ibi uniuersus peractus est. Quadringenti sane dicuntur anni propter numeri plenitudinem, quamuis aliquanto amplius sint: siue ex hoc tempore computentur, quo ista promittebantur Abraham: siue ex quo natus est Isaac, propter semen Abraham, de quo ista prædicuntur. Computantur autē, sicut superius iam diximus, ab anno septuagesimo quinto Abraham, quando ad eum facta est ipsa promissio, usq; ad exitum Israel ex Ægypto quadringenti triginta anni: quorum apostolus ita meminit, Hoc autem dico, inquit, testamentum confirmatum à deo, quæ post quadringentos triginta annos facta est lex, non infirmat ad euacuandam promissionem. Iam ergo isti quadringenti triginta, cccc poterant nuncupari, quia non sunt multo amplius: quantomagis quā aliquot iam ex isto numero præterissent, quando illa in uisu demonstrata & dicta sunt Abraham: uel quando Isaac natus est centenarij patri suo, à prima promissione post uiginti quinque annos, quū iam ex istis quadringentis triginta, quadringenti quinque remanerent, quos dominus cccc uoluit nominare. Sequitur, Tu autē ibis ad patres tuos in pace, sepultus in senectute bona. Generatione autem quarta reuertentur hic. Nec dum enim completæ sunt iniquitates Amorrhæorū usq; ad præsens tempus.) Replica genealogiæ Levi. Levi genuit Chaath, Chaath genuit Amram, Amram genuit Aaron, Aaron genuit Eleazar, Eleazar genuit Phinees. Chaath cum patre suo Levi ingressus est Ægyptū. A Chaath usq; ad Eleazar computantur generationes quatuor: licet quidam uelint ab Amram incipere, & ad Phinees, ut nos in Eleazar fecimus, peruenire. Si uolueris disparē numerum ostendere, quomodo secundum quintam generationem egressi sunt filij Israel de terra Ægypti, tribus tibi Iudæ ordo numeretur. Iudas genuit Phares, Pha

res genuit Elsom, Elsom genuit Aram, Arā genuit Aminadab, Aminadab genuit Naafon, Naafon genuit Salmon. Phares cum patre suo Iuda ingressus est Ægyptum. Naafon princeps tribus Iuda in deserto describitur, cuius filius Salmon, terrā repromissionis introiuit. Cōputa à Phares usq; ad Naafon, & inuenies generationes quinq;. Sequitur, Quum ergo occubisset sol, facta est caligo tenebrosa, & apparuit clybanus fumans, & lampas ignis transiens inter diuisiones illas.) Significat iam in fine seculi per ignem iudicandos esse carnales. Sicut enim afflictio ciuitatis dei, qualis antea nūquam fuit, quæ sub antichristo futura speratur, significatur tenebroso timore Abrahamæ circa solis occasum, id est, propinquante iam fine seculi: sic ad solis occasum, id est, ad ipsum iam finem significatur isto igne dies iudicii, dirimens carnales, per ignem saluandos, & in igne damnandos. Sequitur, In illo die pepigit dominus cum Abrahamā fœdus, dicens, Semini tuo dabo terram hanc, à fluuiio Ægypti, usq; ad fluuium magnum Euphraten, Cinæos, & Zenezcos, & Cethmonæos, & Ethæos, & Pherezæos, Raphain quoq; & Amorrhæos, & Chanaanæos, & Gergesæos, & Hiebusæos.) Deinde testamētum factum ad Abraham, terram Chanaan proprie manifestat, & nominat in ea XI gentes à flumine Ægypti usq; ad flumen magnum Euphraten. Non ergo à flumine magno Ægypti, hoc est, Nilo: sed à paruo, qui diuidit inter Ægyptū & Palæstinam, ubi est ciuitas Rinocorura. Sequitur,

CAP. XVI

De congressu

Abrahæ cum

Agar XXI

IGITUR Sarai uxor Abram nō genuerat liberos, sed habens ancillam Ægyptiam, nomine Agar, dixit marito suo, Ecce conclusit me deus, ne paream, ingredi ad ancillā meam, si fortē saltem ex illa suscipiā filios. Quumq; ille acquiesceret deprecanti, tulit Agar Ægyptiam ancillam suam post annos decem quam habitare cœperat in terra Chanaan, & dedit eam uiro suo uxorem, qui ingressus est ad illam. At illa cōcepisse se uidens, despexit dominam suam.) Quod autem attinet ad rem gestam, nullo modo est inuendū de hac concubina crimen Abrahamæ, quia iam adoptionis cogitatione sublata, quum de seipso semen speraret Abraham: restabat incertum, utrum ex Sara, an ex alia: quod illi deus occultare uoluit, donec ex ancilla uetus testamentum figuraretur. Quid ergo mirum, si uidens sterilem uxorem ac cupientē sibi prolem, quā parere ipsa non potuit, ex famula sua & ex marito prouenire, non suæ cupiditati cessit, sed cōiugali potestati obtemperauit: Vltus est ea Abraham ad generandam prolem, non ad explendam libidinem, nec insultans, sed potius obediens: coniugiçp suæ sterilitatis credidit esse solatium, si secundum ancillæ uterum, quoniam natura non poterat, uoluntate faceret suum: & eo iure quod dicit apostolus, Similiter & uir non habeat sui corporis potestatem, sed mulier: uteretur ad pariendum ex altera, quod non poterat ex seipsa. Nulla est hic cupidō lasciuie, nulla nequitie turpitudine. Ab uxore causa prolis ancilla marito traditur, à marito causa prolis accipitur: ab utroq; nō culpa luxus, sed naturæ fructus exquiruntur. Sequitur, Dixitçp Sarai ad Abram, Inique agis contra me,

me. Ego dedi ancillam meam in sinum tuum, quæ uidens quod cõceperit, despectui me habet. Iudicet dominus inter me & te. Cui respõdit Abram, Ecce ancilla tua in manu tua est, utere ea ut libet. Deniq; cū ancilla grauida, domina sterili superbiret, & hoc Sara muliebri suspiciõne uiro potius imputaret: etiã sibi demonstrauit Abram, non se amarorẽ seruum, sed liberum fuisse genitorum; & in Agar Saræ coniugis pudiciã custodisse, nec uoluntatem suam, sed ipsius impleuisse, accepisse nec petisse, accessisse nec cessisse, seminalse nec amasse. Ait enim, Ecce ancilla tua in manib. tuis, utere ea ut libet. O uirum uiriliter utentem sceminis, coniuge temperanter, ancilla obtẽperanter, nulla intemperanter. Sequitur, Affligente igitur eam Sarai, fugã inijt. Quumq; inuenisset illam angelus domini iuxta fontem aquæ in solitudine, qui est in uia in deserto Sur.) Consequenter Ægyptia in uia Sur, quæ per eremum ducit ad Ægyptum, ire festinabat. Sur ubi inuenit angelus ancillã Saræ Agar, sitũ est inter Cades & Barath, extenditur aurem desertum usq; ad mare rubrum, quod ad Ægypti confinia petuenit. Porro Cades solitudo est super urbẽ Petram. Sed & scriptura desertũ Cades contra faciem Ægypti extẽdi memorat. Sequitur, Dixitq; angelus domini, Reuertere ad dominã tuam, & humiliare sub manu ipsius. Multiplicans, inquit, multiplicabo semẽ tuum, & non numerabitur prae multitudi- ne. Ecce, inquit, concepisti, & paries filiũ, uocabisq; nomen eius Ismahel; eo quod audierit deus afflictionẽ tuam. Hic erit ferus homo: manus eius cõtra omnes, & manus omniũ contra eum, & è regione fratrum suorum figet tabernacula. Ismahel interpretatur exauditiõ dei. Contra faciẽ fratrum suorum habitabit: significauit semen eius habitaturũ in eremo, id est, Saracenos uagos, incertisq; sedibus, qui uniuersas gentes, quibus desertum ex latere iungitur, incurfant, & impugnantur ab omnibus. Sequitur, Peperitq; Agar Abraham filium, qui uocauit nomẽ eius Ismahel. Septuaginta & sex annorum erat, quando peperit ei Agar Ismahelem.)

De fuga Agar
XXII

POST QUAM natus est Ismahel ex Agar, in quõ putare posset Abraham impletum quod promissum fuerat, quum sibi uernaculum suum adoprare uoluisset, deo dicente, Non hic erit hæres tuus, sed qui exiet de te, ille erit hæres tuus: hoc ergo promissum, ne in ancillæ filio putaret impletũ, iam quum esset annorũ XCIX apparuit ei deus, & dixit illi, Ego deus omnipotens. Ambula coram me, & esto perfectus: ponamq; fœdus meũ inter me & te: & multiplicabo te uehementer nimis. Cecidit Abraham pronus in faciem suam: dixitq; ei deus, Ego sum, & pactum meum tecum, erisq; pater multarũ gẽtium. Nec ultra uocabitur nomen tuum Abram, sed appellaberis Abraham, quia patrem multarum gentium constitui te, faciãq; te crescere uehementissime. Dicunt autẽ Hebræi, quod in nomine suo, deus, quod apud illos tetragrammatũ est, e literã, Abraham & Saræ addiderit. Dicebatur enim primũ, Abrã, quod interpretatur pater excelsus; & postea uocatus est Abraham, quod transfertur pater multorũ. Nam quod sequitur gentiũ, non habetur in nomine, sed subauditur,

CAP. XVII

*De mutatione
nominis Abr.*
XXIII

Nec mirandum quare quum apud Græcos & nos, a, litera uideatur addita, nos e, literam, Abraham additā dixerimus. Idioma enim lingue illius est, per e, quidem scribere, sed per a, legere: sicut e contrario, a literam, sæpe per e, pronuntiant. Sequitur, Et ponam in gentibus reges, qui ex te egrediētur: & sta tuam pactum inter me & te, & inter semen tuum post te in generationibus suis scedere sempiterno, ut sim deus tuus, & semini tuo post te: daboq; tibi & semini tuo post te, terram peregrinationis tuæ, omnē terram in possessionem æternam, eroq; deus eorum.) Si quem uero mouet quod dictum est, Et dabo tibi & semini tuo post te, terram peregrinationis tuæ in possessionē æternam, quomodo accipiatu r impletū, siue adhuc expectetur implēdum, quum possessio quacūq; terrena æterna cuilibet genti esse non possit: sciat æternum a nostris interpretari, quod Græce dicitur in illorū lingua *διαιων*, & aut non habet finem, aut usq; in huius seculi tenditur finem. Sequitur, Dixit iterum deus ad Abraham, Et tu custodies pactū meum, & semē tuum post te in generationibus suis. Hoc est pactum, quod obseruabitis inter me & uos, & semen tuum post te, Circuncidetur ex uobis omne masculinum, & circuncidētis carnem præputij uestri, ut sit in signū fœderis mei inter me & uos. Infans octo dierum circuncidetur in uobis, Omne masculinum in generationibus uestris, tam uernaculus, quā emptitiu s circuncidetur, & quicunq; non fuerit de stirpe uestra: eritq; pactum meum in carne uestra in scēdus æternum. Masculus cuius præputij caro non fuerit circuncisa, delebitur anima illa de populo suo: quia pactum meum irritum fecit.) Notandum quod ubicunq; in græco, Testamentum legimus, in hebraico sermone Fœdus, siue Pactum habetur. Multa quippe appellantur testamenta dei, exceptis illis duobus magnis, & uetere & nouo, quod licet cuique legendo cognoscere. Testamentum autem primum, quod factum est ad hominē primum, profecto illud est, Qua die edieritis, morte moriemini. Quum enim lex euidentior postea data sit, & dicat apostolus, Vbi autem non est lex, non est præuaricatio: quo pacto, quod in psalmo legitur, uerum est, Præuaricatores reputaui omnes peccatores terræ: nisi quia omnes legis alicuius præuaricatores sunt rei, qui aliquo pacto tenentur obstricti. Quamobrē si etiam paruuli, quod uera fides habet, nascuntur, non proprie, sed originaliter peccatores, unde illis gratiā remissionis peccatorum necessariā confitemur: profecto eo modo qui sunt peccatores, etiam præuaricatores legis illius quæ in paradiso data est, agnoscuntur: ut uerum sit utrūq; quod scriptū est, & Præuaricatores reputauit omnes peccatores terræ: &, Vbi lex non est, nec præuaricatio. Ac per hoc, quia circuncisio signum regenerationis fuit: & non immerito paruulum propter originale peccatū, quo primū dei dissipatū est testamentū, generatio disperdet, nisi regeneratio liberet: sic intelligēda sunt hæc uerba diuina, tanquā dictum sit, Qui non fuerit regeneratus, interibit anima illa de genere eius, quia testamentū dei dissipauit: quasi non

nisi de

nisi de ista circūcisiōe intelligi cogeret. Nunc uero quoniam expressit cuius modi pactum paruulus dissipauerit, liberum est intelligere de illo pacto dictum, cuius dissipatio pertinere possit ad paruulum. Si autem hoc quispiam non nisi de ista circūcisiōe dictum esse contendit, quod in ea pactum dei, quoniā non est circūcisus, dissipauerit paruulus: quærat loquutionis aliquem modum, quo non absurde possit intelligi, ideo dissipasse testamentum, quia licet non ab illo, tamē est in illo dissipatum. Verum sic quoq; animaduertendum est, nulla in se negligentia iniuste interire incircūcisi animam paruuli, nisi originalis obligatione peccati. Dixit quoq; deus ad Abraham, Sarai uxorem tuam non uocabis Sarai, sed Saram: & benedicam ei: & ex illa dabo tibi filiū, cui benedicturus sum.) Errant qui putāt primum Saram, per unam r, scriptam, & postea alteram r, additam: & quia r, apud Græcos centenarius numerus est, multas super eius nomine ineptias suspicantur: quum utiq; utriusq; uolunt ei uocabulum commutatum, non Græcam, sed Hebræam debere habere rationem, quum ipsum nomē Hebraicum sit. Nemo autem altera lingua quempiam uocans, etymologiam uocabuli sumit ex altera. Sarai igitur primum uocata est, per sin, res, ioth. Sublato ergo ioth, id est, i elemento, addita est e, litera, quæ per a, legitur: & uocata est Saraa. Causa autem nominis immutati hæc est, quod antea dicebatur, princeps mea, unius tantummodo domus mater familiæ: postea uero dicitur absolute, princeps: omnium quippe gentium futura iam princeps. Sequitur, Eritq; in nationes populorum, & reges gentium orientur ex eo.) Quomodo dictum est ad Abraham de filio eius, Et reges gentium ex illo erunt: Vtrum quia peruenit secundum regna terrena: uel secundum ecclesiam accipi debet? An propter Esau etiam ad literam contigit. Sequitur, Cecidit Abraham in faciem suam, & risit, dicens in corde suo, Putas si centenario nascetur filius, & Sara nagenaria pariet? Ambo enim seniores erant, sicut scriptura testatur: sed illa etiam sterilis, & cruore menstruo iam destituta: propter quod iam parere non posset, etiam si sterilis non fuisset. Porro si femina ita sit prouectionis ætatis, ut ei solita muliebria adhuc fluant: de iuvene parere potest, de seniore non potest: quamuis adhuc possit ille senior de adolescentula gignere, sicut Abraham post mortem Saræ de Cethura potuit, quia uiuidam eius inuenit ætatem. Hoc ergo est quod mirum commēdat apostolus, & ad hoc dicit Abraham iam fuisse corpus mortuum: quoniam non ex omni femina, cui esset adhuc aliquid patiendi tempus extremum, generare ipse in illa ætate adhuc posset. Ad aliquid emortuum corpus intelligere debemus, non ad omnia: nam si ad omnia, nō iam senectus uiui, sed cadauer est mortui: quamuis etiā sic solui possit quæstio ista, quod de Cethura postea genuit Abraham, quia donum gignendi, quod à domino accepit, etiam post obitum mansit uxoris. Sed propterea mihi uidetur illa, quam sequuti sumus, huius quæstionis solutio præferenda: quia centenarius quidem senex, sed temporis nostri de nulla

De mutatione
nominis Sarai
XXV

*De promissio-
ne natiuitatis
Isaac XXVI*

de nulla potest femina gignere, non tunc quando adhuc tamdiu uiuebant, ut centum anni nondum facerent hominem decrepitæ senectutis. Sequitur, Dixitq; Abraham ad dominum, Vtinam Ismahel uiuat coram te. Et ait dominus ad Abraham, Sara uxor tua pariet tibi filium, uocabisq; nomen eius Isaac. & statuam illi pactum meum in fœdus sempiternū, & semini eius post eum. Super Ismahel quoq; exaudiui te. Ecce benedicam ei, & augebo & multiplicabo eum ualde. Duodecim duces generabit, & faciam eum in gentē magnam. Pactum uero meum statuam ad Isaac, quem pariet tibi Sara tempore isto in anno altero.) Sciendum tamen quod quatuor in ueteri testamento absq; ullo uelamine nominibus suis ante quā nascerentur uocati sunt, Ismahel, Isaac, Sāpfon, & Iosias. Hic apertiora promissa sunt de uocatione gentiū in Isaac, id est, in filio promissionis, quo significatur gratia non natura: quia de sene & anu sterili promittitur filius. Quamuis enim & naturalem procreationis excursus deus operetur, ubi tamen evidens dei opus est, uitiata & cessante natura, ibi euidentius intelligitur gratia. Sequitur, Quumq; finitus esset sermo loquentis cum eo, ascendit deus ad Abraham. Tulit autem Abraham Ismahelem filium suum, & omnes uernaculos domus suæ, uniuersosq; quos emerat, cūctosq; mares ex omnibus uiris domus suæ, & circumcidit carnem præputij eorum. Statim in ipsa die, sicut præceperat ei deus. Nonaginta nouem erat annorum quando circumcidit carnem præputij sui, & Ismahel filius eius XIII annos impleuerat, tempore circūcisionis suæ. Eadem die circumcisus est Abraham & Ismahel filius eius, & omnes uiri domus illius, tam uernaculi, quā emptitij & alienigenæ pariter circūcisi sunt.) Si enim Adam pactum dei custodisset, non Abraham pactum hoc accepisset: sed quia ille in hoc membro culpam inobedientiæ primum agnouit, deuit ut iste in hoc membro signum obediētiæ secundo accepisset: ut ostenderet obedientes quandoq; generare filios ad uitam, dum olim præuicatores generauerint ad mortem: & quia hoc nō per generationem, sed per regenerationem futurum erat, ita & nunc imperata est circūcisio, quando de Sara promissus est filius: & quod omnes non solum filios, uerum etiam seruos uernaculos & emptitios circumcidi iubet, ad omnes istam gratiam pertinere testatur. Quid enim aliud circūcisio significat, quā naturam ex uetustate renouatam? & quid aliud, quā Christum octaua dies significat: qui hebdomada completa, hoc est, post sabbatum resurrexit: Parentum mutantur nomina: omnia resonant nouitatem, & in testamento ueteri, obumbratur nouum. Quid est enim quod dicitur, testamentum uetus, nisi occultatio? & quid est aliud quod dicitur, nouum, nisi ueteris reuelatio? Risus Abraham, exultatio est gratulantis, non irrisio diffidentis: uerba quoq; eius illa in animo suo, Si mihi centenarius nasceretur filius, & si Sara nonagenaria pariet: non sunt dubitantis, sed admirantis. Ideo pro gaudio ridentis Abraham, filius dictus est Isaac, id est, risus. Risus enim iste, in bono accipi debet. Sequitur,

Apparuit

APPARUIT autem ei deus in conualle Mambre, sedenti in ostio tabernaculi sui in ipso seruire dei. Quumq; leuasset oculos, apparuerunt ei tres uiri stantes prope eum. Quos quum uidisset, cucurrit in occursum eorum de ostio tabernaculi, & adorauit in terra, & dixit, Domine, si inueni gratiam in oculis tuis, ne transeas seruum tuum, sed afferam pauxillum aquæ, & leuate pedes uestros: requiescite sub arbore, ponam buccellam panis, & confortate cor uestrum, postea transibitis. Idcirco enim declinastis ad seruum uestrum. Qui responderunt, Fac ut loquutus es.) In tribus uiris, quos dubitadum non est angelos fuisse, quamuis quidam existiment unum in eis fuisse dominum Christum, asserentes eum etiam ante indumentum carnis fuisse uisibilem, Est quidem diuinæ potestatis, & inuisibilis, incorporalis, immutabilisq; natura; sine ulla etiam sui mutatione, etiam mortalibus aspectibus apparere: non per id quod est, sed per aliquid quod sibi subditum est. Quid autem sibi subditum non est? Verumtamen si propterea confirmant horum trium alium quem fuisse Christum: quia quum tres uidisset, ad deum singulariter est loquutus: quum non & illud aduertunt, duos ex eis uenisse, ut Sodomitæ delectarentur, quum adhuc Abraham ad unum loqueretur, dominum eum appellans: & intercedens, ne simul iustum cum impijs Sodomitæ perderet: illos autem duos sic suscepit Loth, ut etiam ipse in colloquio suo cum illis singulariter dominum appelleret? Nam quum illis pluraliter dixisset, Ecce domini declinate in domum pueri uestri: & cætera, quæ ibi dicuntur, Postea tamen ita legitur, Et tenuerunt angeli manum eius, & manum uxoris eius, & manus duarum filiarum eius: ideo quod dominus parceret illis. Sequitur, Festinauit Abraham in tabernaculum ad Saram, dixitq; ei, Accelera tria fata similia, commisce, & fac subcinericios panes. Ipse uero ad armentum cucurrit, & tulit inde uitulum tenerimum & optimum, deditq; puero, qui festinauit, & coxit illum: tulitq; butyrum & lac, & uitulum quem coxerat, & posuit coram eis: ipse uero stabat iuxta eos sub arbore.) Trias fata, tres amphoræ sunt: ut idem mysterium & hic & in euangelio, ubi mulier tria fata fermentare dicitur, cognoscamus. Queritur, si angelos intelligebat, quomodo eos potuit ad hanc humanitatem inuitare: quæ refectioni mortalis carnis necessaria est, non immortalitati angelorum? Quoniam certo & omnimodis inuiolabili munere immortalitatis induti, non, nisi uellent, possibilitate, non necessitate comederunt: non quia indigebant, sed quia uolebant, ut hominibus congruerent, quadam humanitate fecerunt. Neq; in phantasmate credendum est eos apparuisse, quando eos homines hospitio receperunt. Non enim potestas, sed egestas edendi ac bibendi talibus corporibus aufertur. Tabernaculum autem illud Abraham, typum habuit terrenæ Hierusalem: ubi pro tempore, prophætæ & apostoli habirauerunt: ubi & primum dominus adueniens à credentibus exceptus, ab incredulis in ligno suspensus est. In tribus autem uiris, qui uenerunt ad illum, domini Christi prænuntiabatur

nuntiabatur aduentus, cum quo duo angeli comitabatur, quos plerique Moy-
sen & Heliam accipiunt: unum prisce legis latorem, qui per eadem legem ad-
uentum domini indicauit: alium qui in fine mundi uenturus est, denuntiaturus
secundum aduentum Christi, atque eius euangelium Iudæis predicaturus. Unde
& in monte dum dominus fuisset transfiguratus, hi duo Moyse & Helias
cum eo ab apostolis uisi sunt. Quod uero Abraham tres uidentes unum adora-
uit, dominum scilicet & saluatorem ostendens, cuius iam aduentum est præsto-
latus, iuxta quod in euangelio dominus ait, Abraham pater uester exultauit,
ut uideret diem meum: uidit, & gauisus est. Tunc enim futurum aspexit my-
sterium sacramenti, unde & pedes eorum lauit, ut in extremo mundi, lauacri
purificationem demonstraret futuram. Pedes enim, nouissima significant. Si
quidem & cœuiuium præparat, uitulum scilicet saginatum. Iste autem uitulus
tener & saginatus, domini Iesu Christi est corpus. Iste est etiam domini uitu-
lus, qui propter salutem credentium ad arborem crucis est immolatus. Hic est ui-
tulus dominici corporis, qui in euangelio pro peccatore occiditur filio. Sed &
butyrum & lac cum carne uituli apposuit. Lac quippe legis habuisse figuram
apostolus noster annuntiat dicens, Lac uobis potum dedi, non escam. Non-
dum enim poteratis, nec adhuc quidem potestis. Tradiderat enim illis legis
mandatum, quasi lac de uberibus duarum tabularum expressum, hoc est, testa-
mentum fidei. Necdum enim poterant propter infantiam sensus, euangelicæ
doctrinæ solidam & robustam escam accipere. Butyrum autem tenerrimum
& pinguiissimum euangeliorum est testimonium, quod uelut oleum fidelibus
in signum datur. Sed proinde uitulum cum lacte & butyro Abraham ad eden-
dum apposuit: quia nec corpus domini, quod est uitulus, sine lacte legis: nec
lac legis sine butyro, hoc est, sine euangelij testimonio esse potest. Tria autem
fata, unde Sara panes subcinericios fecit, tres filios Noe indicauerunt, ex qui-
bus omne genus hominum natum est, qui diuinæ trinitati credentes, ex aqua
baptismatis per ecclesiam, cuius imago Sara erat, cōspargendi essent, & in uno
pane Christi corporis redigendi. Hæc sunt illa tria fata, quæ mulier in euan-
gelio dicitur fermentasse. Azymi autem panes idcirco, quod sine fermento ma-
litiæ, & sine languore nequitiae, sine fermento doctrinæ oporteat esse creden-
tium unitatem. Subcinericii autem ideo, ut per poenitentiam præteritorum de-
lictorum spiritus sancti uapore decocti, uelut esca beneplacita deo acceptabi-
les efficerentur. Sub arbore autem eos sedisse, passionis dominicæ erat signum,
cuius ipsi sunt prædicatores. Sequitur, Quumque comedissent, dixerunt ad
eum, Vbi est Sara uxor tua? At ille respondit, Ecce in tabernaculo est. Cui di-
xit, Reuertens ueniam ad te tempore isto, uita comite, & habebit filium Sara
uxor tua. Quo audito Sara, risit post ostium tabernaculi. Erant enim ambo
senes, prouecta ætatis, & desierant Saræ fieri muliebria. Quæ risit occulte,
dicens, Postquam consenui, & dominus meus uetulus est, uoluptati operam
dabo? Dixit autem dominus ad Abraham, Quare risit Sara, dicens, Num tue-
re paritura

re paritura sum anus: Nunquid deo est quicquam difficile? Iuxta cōdictum reuertar ad te hoc eodē tempore, uita comite, & habebir Sara filium.) Quæritur quare Saram redarguat dominus, quum & Abraham riserit: nisi quia illius risus admirationis & latitiæ fuit, Saræ autem dubitationis: & ab illo hoc diiudicari potuit, qui corda hominū nouit. Sequitur, Negauit Sara, dicens, Non risi, timore perterrita.) Quomodo intelligebat Abraham deum esse qui loquebatur cum eo, quum etiā negare ausa sit Sara, quod riserit: nisi fortē Sara homines eos esse putabat, Abraham uero deum intelligebat, quibusdam diuinæ maiestatis existentibus & apparentibus signis. Sequitur, Quum ergo exissent inde uiri, direxerunt oculos suos contra Sodomam, & Abraham simul gradiebatur deducēs eos, Dixitq; dominus, Num celare potero Abraham quæ gesturus sum, quum futurus sit in gentem magnam, & benedicti dæ sint in illo omnes nationes terræ? Et hic duo illa breuissime plenissimeq; promissa sunt, gens Israel secūdum carnem, & omnes gentes secūdū fidem.

Scio enim quod præcepturus sit filiis suis & domui suæ post se, ut custodiant uiam domini, & faciant iustitiā & iudicium, ut adducat dominus propter Abraham omnia quæ loquutus est ad eum.) Ecce ubi promittit dominus Abraham, non solum præmia, sed etiam obediētiā iustitiæ filiorum eius, ut circa eos etiam præmia promissa compleātur. Sequitur, Dixit itaq; dominus, Clamor Sodomorum & Gomorrhæorum multiplicatus est, & peccatum eorum grauatum est nimis: scēdam, & uidebo utrum clamorem, qui uenit ad me, opere compleuerint: an non est ita, ut sciam.) Verba hæc non dubitantis, quid horum potius euenturum sit, sed irascentis & minantis accipere debemus. Peccatum cum uoce, est culpa in actione: peccatum cum clamore, est culpa cum libertate & iactantia. Quod autem dixit, Descendam, & uidebo, & cætera huius modi: omnipotēs itaq; dominus omnia sciens, quur ante probationem quasi dubitat: nisi ut grauitatis nobis exemplum proponat, ne mala hominum ante præsumamus credere, quā probare? Er ecce per angelos ad cognoscenda mala descendit, mox facinorosos percutit: atq; ille patiens & mitis, ille de quo scriptum est, Tu autem domine cum tranquillitate iudicas omnia: quum in tanto crimine inuolutos inuenisset, quasi patientiam prætermisit, & diem extremi iudicij præuenit. Ecce malum quasi cum difficultate credidit, quum audiuit: & tamen sine tarditate percussit, quum cognoscendo reperiit: ut nobis uidelicet daret exemplum, quod maiora crimina, & tarde credenda sunt, quum audiuntur, & citius punienda, quum ueraciter agnoscuntur.

Conuerteruntq; se inde, & abierunt Sodomam, Abraham uero adhuc stabat coram domino. Et appropinquans ait, Nunquid perdes iustum cum impio. Si quinquaginta fuerint inuenti iusti in ciuitate, peribūt simul, & non parces loco illi propter quinquaginta iustos si fuerint in eo? Absit à te, ut rē hanc facias, & occidas iustum cum impio.) Quæri solet utrum quod de Sodomis dixit deus, non se perdere locum, si inuenirētur illic uel decem iusti, speciali quæ-

h dam

De clamore
Sodomorum
XXVIII

dam sententia de illa ciuitate, an de omnibus intelligendum sit generaliter, parcere deum loco in quo uel decem iusti fuerint. In qua quaestione non est quidem necesse, ut hoc de omni loco accipere compellamur. Verumtamē de Sodomis potuit sic dici: quia sciebat deus ibi non esse uel decem, & ideo sic respondebatur Abraham, ut significaretur, nec tot ibi posse inueniri, ad exag-
gerationem iniquitatis illorum. Non enim necesse erat deo tam sceleratis ho-
minibus parcere, nec cum illis perdere iustos, quā posset iustis inde liberatis
reddere impijs digna supplicia: sed, ut dixi, ad ostendendam malignitatem
multitudinis illorum, dixit, Si decem ibi inuenero, parcam uniuersæ ciuitati:
tanquam si diceret, Certe possum, nec pios cum impijs perdere, nec tamen
propterea impijs parcere: quia liberatis & sepatatis inde pijs, possum impijs
digna rependere. Quare Abraham se puluerem dixit esse, & cinerem, dum
tantas promissiones accepit à deo, nisi ut sublimitatem promissionum humi-
litate temperaret subiectione? Aperte enim intelligitur in quo loco se posue-
rat, qui puluerem se ac cinerē, etiam dum cum deo loqueretur, æstimabat. Si
igitur ita se despexit, qui usque ad honorem diuinæ colloquutionis ascendit,
sollicita intentione pensandum est, qua poena illi ferendi sunt, qui ad sum-
mum non proficiunt, & tamen de minimis extolluntur. Sed quid significat
quod à quinquaginta iustis usque ad decem, si inuenirentur in Sodomis, dixit
dominus urbem esse saluandam? Numerum quippe quinquagenarium pro-
pter poenitentia signum posuit, si fortè conuerterentur, & saluarentur. Quin-
quagenarius enim numerus, semper ad poenitentiam refertur. Vnde & Da-
uid in eodem numero psalmum scripsit poenitentia. Proinde quando aspici-
deus, delinquentium uitam nequaquam uelle reuerti ad poenitentiam, quam
quinquagenarius numerus figurat, cōfestim ardorem immoderate luxurie,
compescit igne gehennæ. Usque ad decem autem iustos non perire Sodo-
mam dixit: quasi in quolibet per decem præceptorum custodiam Christi no-
men inueniatur, iste non perit. Denarij enim numeri figura, crucem Christi
demonstrat. Sequitur,

CAP. XIX. VENERUNTQUE duo angeli Sodomam uespere, sedente Loth in
foribus ciuitatis. Quos quum uidisset, surrexit, & ibat obuiam eis: adorauit
pronus in terra, & dixit, Obsecro domini declinate in domum pueri uestri, &
manete ibi, lauate pedes uestros, & mane proficiscimini in uiam uestram.
Qui dixerunt, Minime: sed in platea manebimus. Compulit illos oppido, ut
diuerterent ad eum. Ingressisque domum illius, fecit conuiuium, coxit azyma,
& comederunt. Valde enim credendum est, quod & Abraham in tribus, &
Loth in duobus uiris, dominum agnoscebant: cui per singularem numerum
loquebantur, etiam quum eos homines esse arbitrantur. Neque enim aliam
ob causam sic eos susceperunt, ut tanquam mortalibus, & humana refectione
indigentibus ministrarent: sed erat profecto aliquid quo ita excelebant,
licet tanquam homines, ut in eis aliquid esset diuini fulgoris, sicut esse adsolet
in pro-

in prophetis, ut hi qui hospitalitatem illis exhibebant, dubitare non possent: atq; ideo & ipsos aliquando pluraliter, & in eis dominum aliquando singulariter adorarent. Angelos autem fuisse scriptura testatur, nō solum in hoc Genesio libro, ubi hæc gesta narrantur: uerum & in epistola ad Hebræos. Vbi quum hospitalitas laudaretur, Per hanc, inquit, etiam quidam nescientes, hospitio receperunt angelos. Idcirco autem angeli, quasi hospites coacti, domum Loth introisse dicuntur, ut tentata esset charitas Loth, probata, & remunerata: ut ostenderetur quantum esset hospitalitatis bonum. Hospitalē domum, angeli ingressi sunt ad liberandum. Clausas uero domos hospitibus, ignis in eis ingressus est ad perdendos peccatores: & idcirco hospites non sunt euitandi, sed ultro inuitandi. Sequitur, Prius autem quā irent cubitum, uiri ciuitatis uallauerunt domum, à puero usq; ad senem, omnis populus simul. Vocaueruntq; Loth, & dixerunt ei, Vbi sunt uiri, qui introierunt ad te nocte? Educ illos huc, ut cognoscamus eos. Egressus ad eos Loth, post tergum occultans ostium, ait, Nolite, quæso, fratres mei, nolite malum hoc facere: habeo duas filias, quæ necdum cognouerunt uirum, educam eas ad uos, & abutimini eis, sicut placuerit uobis: dum modo uiris istis nihil mali faciatis: quia ingressi sunt sub umbra culminis mei.) Quomodo prostituere uolebat filias suas ad compensationem: ut uiri hospites eius, nihil à Sodomitis tale paterentur: utrum admittenda sit compensatio flagitiorum, uel quorumcunq; peccatorum, ut nos faciamus mali aliquid, ne alius grauius malum faciat? an potius perturbationi Loth, non consilio tribuendum sit, quia hoc dixerit, merito queritur, & nimium periculosissime admittitur hæc compensatio: si autē perturbationi humanæ tribuitur, & menti tantum malum permotæ, nullo modo imitanda est. Sequitur, Vm̃q; faciebant Loth uehementissime. Iam prope erat, ut infringerent fores. Et ecce miserunt manum uiri, & introdixerunt ad se Loth, clausuruntq; ostium: & eos qui erant foras, perculserunt cecitate, à minimo usq; ad maximum, ita ut ostium inuenire non possent.) Non immerito mouet, quomodo potuerunt deficere querēdo ostium: si tali erant cecitate percussi, ut omnino nihil uiderent. Hoc enim modo sua calamitate turbati, ulterius ostium non requirebant. Hac aorasia & illi percussi sunt, qui quærebant Helisæum. Sequitur, Dixerunt autem ad Loth, Habes hic tuorum quempiam generum, aut filios, aut filias? Omnes qui tui sunt, educ de urbe hac. Delebimus enim locum istum, eo quod increuerit clamor eorum coram domino, qui misit nos, ut perdamus illos.) Quia clamor peccantium in cœlum ascendisse dicitur, idcirco de cœlo puniendi erant. Egressus est itaq; Loth, & loquutus est ad generos suos, qui accepturi erant filias eius, & dixit, Surgite, & egredimini de loco isto, quia delebit dominus ciuitatem hanc. Ex uisus est eis, quasi ludens loqui. Quumq; esset mane, cogebant eum angeli, dicentes, Surge, tolle uxorem tuam, & duas filias quas habes: ne & tu pariter

h 2 pcreas

pereas in scelere ciuitatis.) Quod querit, Et loquutus est ad generos suos, qui accepturi erant filias eius: quæ postea duæ filiæ Loth uirgines fuisse dicuntur, de quibus & ipse dudum ad Sodomenos dixerat, Ecce duæ filiæ meæ, quæ non cognouerunt uirum: & nunc scriptura commemorat cum habuisse generos: nonnulli arbitrantur illas quæ uiros habuerunt, in Sodomis remansisse, & eas exisse cum patre, quæ uirgines fuerunt. Quod quum scriptura non dicat, Hebræa ueritas exponenda est, in qua scribitur, Egressus est Loth, & loquutus est ad sponfos, qui accepturi erant filias eius. Nondum ergo uirgines filiæ, matrimonio fuerant copulatæ. Sequitur, Dissimulante illo apprehenderunt manum eius & manum uxoris ac duarum filiarum eius, eo quod dominus parceret illi, & eduxerunt eum, posueruntque extra ciuitatem, ibi loquuti sunt ad eum, Salua animam tuam. Noli respicere post tergum: nec stes in omni circa regione, sed in monte saluum te fac, ne & tu simul pereas. Dixitque Loth ad eos, Quæso domine mi, quia inuenit seruus tuus gratiâ coram te, & magnificasti misericordiam tuam, quam fecisti mecum, ut saluares animam meam, nec possum in monte saluari, ne forte apprehêdat me malû, est ciuitas hic iuxta, ad quam possum fugere, parua est, & saluabor in ea. Nunquid non modica est, & uiuet anima mea in ea? Dixitque ad eum, Etiam in hoc suscepi preces tuas, ut non subuertam urbem, pro qua loquutus es.) Ardentem quippe Sodomam fugere, est illicita carnis incendia dedinare. Altitudo uero est montium, mundicia continentium. Vel certe, quasi in monte sunt, qui etiam carnali copula inhaerent: sed tamen extra suscipiendæ prolis admixtionē debitam, nulla carnis uoluptate soluantur. In monte quippe stare quid est, nisi fructum propaginis in carne non querere? In monte stare est, non carni carnaliter adherere. Sed quia multi sunt, qui scelera quidem carnis deserunt: nec tamen in coniugio positi usu solummodo debiti iura cōseruant, exijt quidem Loth Sodomam, sed tamen mox ad montana non peruenit, quia iam damna nabilis uita relinquitur, sed adhuc celsitudo coniugalis continentia subtiliter non tenetur. Est uero in medio Segor ciuitas, quæ fugientem saluet infirmum, quia uidelicet quum sibi per incontinentiam miscentur coniuges, & lapsus solerum fugiunt, & tamen perueniam saluantur. Quasi paruam quippe ciuitatem inueniunt, in qua ab ignibus defendantur, quia coniugalis hæc uita non quidem in uirtutibus mira est, sed tamen à supplicijs secura. Vnde & isdem Loth ad angelum dicit, Est ciuitas hic iuxta ad quam possum fugere, parua, & saluabor in ea. Nunquid non modica est, & uiuet anima mea in ea? Iuxta igitur dicitur, & tamen ad salutem tuta perhibetur, quia coniugalis uita, nec à mundo longe diuisa est, nec tamen à gaudio salutis aliena. Sed tunc in actione hanc uitam suam coniuges quasi in paruâ ciuitate custodiunt, quando pro se assiduis deprecationibus intercedunt. Vnde recte per angelum ad eundem Loth dicitur, Ecce etiam in hoc suscepi preces tuas, ut non subuertam urbem pro qua

De subuersio-
ne Sodomorū
XXIX

pro qua loquutus es: quia uidelicet quā deo deprecatio funditur, nequaquam talium coniugum uita damnatur. Igitur dominus pluit super Sodomam & Gomorram sulphur & ignem à domino de cælo, & subuertit ciuitates has, & omnem circa regionem, uniuersos habitatores urbium, & cuncta terræ uirētia.) Quir sulphureo igne puniebantur, nisi ut putidissimus libidinis ardor, putidissimo flammarum ardore puniretur: ut ueniente imbreo igne de cælo, tota illa regio in cinerem uerteretur, ubi stupra in masculos in tantam consuetudinem conualuerant, quanta iam nostro tempore gentes impias licentet uideamus perpetrare. Verum & hoc eorum supplicium, specimen futuri iudicii diuini fuit. Quæritur etiam potest, quare diebus Noe peccatum mundi aqua ulciscitur, hoc uero Sodomitarum igne punitur: nisi quia illud naturale libidinis cum sceminis peccatum quasi leuiori elemento damnatur: hoc uero contra naturam cum uiris libidinis peccatum actioris elementi uindicatur incendio: & illic terra aquis abluta reuirescit, hic flāmis cremata, æterna sterilitate arefcit. Quod prohibiti sunt qui liberantur ab angelis retro respicere, scilicet quia non est animo redeundum ad ueterem uitam, qua per gratiam regeneratus exuiatur, si ultimum euadere iudicium cogitamus. Denique uxor Loth ubi respexit, remansit, & in salem conuersa omnibus fidelibus quoddam præstituit condicementum, quo sapiant aliquid, unde illud caueatur exemplū. Sequitur, Abraham uero mane cōsurgens ubi steterat prius cum domino, intuitus est Sodomam & Gomorram, & uniuersam terram regionis illius, uiditque ascendentem fauillam de terra, quasi fornacis fumum. Quum enim subuerteret deus ciuitates regionis illius, recordatus est Abraham, & liberauit Loth de subuersione urbium, in quibus habitauerat.) Commendat scriptura meritis magis Abraham liberatum esse Loth, ut intelligamus iustum Loth dictum secundū quendam modum, maxime quod unum uerum deum colebat, & propter compatationem scelerum Sodomorum, inter quos uiuens ad uitam similem non potuit inclinari. Sequitur, Ascenditque Loth de Segor, & mansit in monte, duæ quoque filiae eius cum eo: timuerat enim manere in Segor, & mansit in spelūca ipse & duæ filiae eius.) Mirū si ipse mons est, in quem sponte ascendit, quò monente domino ac imperāte ascendere noluit. Quæritur quare quū primū fugæ montis Segor prætulerit, & eam in habitaculū suū uoluerit liberari, nunc de Segor ad montē migret. Respondebimus uetam esse illam Hebræorū coniecturam de Segor, quod frequenter terræ motu subruta, Vale primū, postea Salisa appellata sit. Ipsa est & Vala, quæ nunc Zoara nuncupatur. Imminet autē mari mortuo, & apud eam gignitur balsamū, & poma palmarū, antiquæ ubertatis indicia. Nullum autem moueat, quod Segor eadē quæ Zoara dicitur, quum idem nomē sit paruulæ uel minoris: sed Segor Hebraice, Zoara Syriace nuncupatur, Vala autē interpretatur absorpta: timueritque Loth, dicens, Ne forte apprehendat me malum in ea: quia si quum cæteræ adhuc urbes starent, ista

De ebrietate
Loth XXX

sæpe subuersa est, quantomagis nunc in communi ruina non poterit liberari;
& hanc occasionē infidelitatis, etiam in filias coitus dedisse præcipitum. Qui:
enim cæteras uiderat subruī ciuitates, & hanc stare, scēq; dei auxilio erutum;
utiq; de eo quod sibi cōcessum audierat, ambigere non debuit. Sequit̃. *Dixit*
maior ad minorem, Pater noster senex est, nullusq; uiroꝝ remansit in
terra, qui possit ingredi ad nos iuxta morē uniuersæ terræ. Veni, inebriemus
eum uino, dormiamusq; cum eo, ut seruari possimus ex patre nostro semen.
Dederuntq; patri suo bibere uinum nocte illa, & ingressa est ad eum maior,
dormiuitq; cum patre. At ille non sensit, nec quando acubuit filia, nec quan-
do surrexit. Altera quoq; nocte dixit maior ad minorem, Ecce, dormiui heri
cum patre meo, demus ei bibere uinum etiam hac nocte, & dormies cum eo,
ut seruemus semen de patre nostro.) Videtur namq; filias Loth audisse quæ
dam de consummatione seculi, quæ immineret per ignem, sed tãquam puel-
las non intelligere perfecte quæ didicerant. Nescierunt quod Sodomitis igne-
uastatis multum adhuc spatium resideret in mundo, suspicatz sunt
tale aliquid factum quale audierant in temporibus Noe, & ob reparandam
mortalium posteritatem, solas se esse cum patre sene reseruatas. Recuperandi
igitur humani generis desiderii suum, atq; instaurandi seculi ex sese dandum
opinantur exordium: & quamuis grande eis crimen uideretur, furari concubi-
tum patris: grauior tamen eis uidebatur impietas, si humanæ, ut putabāt, po-
steritatis spes seruata castitate deleteretur. Propter hoc ergo consiliū incunt mi-
nore, ut arbitror, culpa, spe tamen argumētoq; maiore, patris mœstitiā uel
rigorem uino emolliunt & resoluunt. Singulis ingressæ noctibus singulæ: uel
cipiunt ab ignorante conceptū, nec ultra repetunt. Vbi hic libidinis culpa, ubi
incæstus crimē arguitur? Quomodo ergo dabitur uitio, quod non iteratur in
facto? Quum igitur illæ ad conseruationem generis prolem quærerent, qui
utiq; in eis humanus erat & naturalis affectus, nec se crederent posse inueni-
re alios uiros, uelut exusto illa conflagratione orbe terrarū cum patre dormie-
runt. Ab illo autem opere ita patrem abhorretere sentiebant, ut id se implere
ras esse non crederent, nisi eius ignorantiam procurarent: ut scriptum est, *Ine-*
briauerunt eū uino, & nescienti se miscuerunt. Quapropter culpandus est qui
dem, nec tamen quantum ille incæstus, sed quantum illa metetur ebrietas. Nam
& hanc lex æterna condemnat, quia cibum & potum ad ordinem naturalem
non nisi gratia conseruandæ salutis admittit. Quamuis ergo inter ebriosum
& ebrium plurimum intersit: nam nec ebriosus semper est ebrius, nec quisquis
aliquando ebrius, consequēter ebriosus est: tamen in homine iusto huius ipsi-
us, & si non ebriositatis, at certe ebrietatis causa quærenda est. Quid enim tan-
dem cogebat, ut filiab. suis crebra uina miscerentibus, aut fortasse nec mixta cre-
bro porrigentibus consentiret, aut crederet: nisi ut illius destitutionis & mater-
ni luctus dolor de cogitatione mentis ebriæ fugaretur, etiam ipsas tandem be-
bere,

bere existimans, & aliqua fraude agentes, ne biberent: sed etiam talem tristibus illis adhibere consolationem, quomodo uirum iustum decuerit, non uidemus: an aliqua Sodomitarum arte pessima, etiam paucis poculis patrem sic inebriare potuerunt, ut illud peccatum cum ignorante, uel potius de ignorante committerent. Nos tamen scripturas sanctas, non hominum peccata defendimus. Sequitur, Conceperunt ergo duæ filiæ Loth de patre suo, peperitq; maior filium, & uocauit nomen eius Moab: ipse est pater Moabitarum usq; in præsentem diem. Minor quoque peperit filium, & uocauit nomen eius Ammon: ipse est pater Ammonitarum usq; hodie.) Moab interpretatur, ex patre: Ammon uero, cuius quasi causa nominis redditur, filius generis mei, siue filius populi mei: sic deriuatur, ut ex parte sit sensus nominis, & ex parte ipse sit sermo. Ammon uero à quo dicti sunt Ammonitæ, uocatur populus meus. Deus ergo qui nouit & de hominis opere malo facere opera bona, gentes quas uoluit, ex illo semine propagauit. Prodidit quippe ista per scripturas suas, non facienda præcepit, & cauenda admonuit, non posuit imitanda. Nam & quinque ciuitates, quæ imbribus igneis conflagratae sunt, illud (nisi fallor) significant, quod omnes qui quinque sensus corporis sui libidine tractauerint, in illo futuro incendio crematuri sint. Loth autem fratet Abraham iustus & hospitalis in Sodomis, & ab omni Sodomitarum contaminatione purus, atq; integer, qui ex illo incendio, quod erat similitudo futuræ iudicii, meruit saluus euadere, typum gestauit corporis Christi: quod in omnibus sanctis, & nunc inter iniquos atque impios gemit, quorum factis non consentit, & à quorum commixtione in fine seculi liberabitur illis damnatis supplicio ignis æterni. Sed aliud genus hominum in eius uxore figuratum est, eorum scilicet qui per gratiam dei uocati, retro respiciunt, non sicut Paulus, qui ea quæ retro sunt obliuiscitur, & in ea quæ ante sunt, extenditur. Vnde & ipse dominus, Nemo, inquit, imponens manum suam super aratrum, & respiciens retro, aptus est regno cælorum. Neq; illud exemplum tacuit, quo nos tanquam sale condiret, ut non fatui negligeremus, sed prudentes caueremus hoc malum: Mementote uxoris Loth. Sic etiam in ipso Loth, quando cum eo filiæ concubuerunt: non illud, quod à Sodomis liberatus est, sed aliud aliquid figuratum est. Nam tunc ille ipse Loth futuræ legis uidetur gestasse personam, quum quidam ex illa procreati, & sub lege positi, male intelligendo, quodam modo inebriant eam, qua non legitime utendo, infidelitatis opera pariunt. Bona est enim lex ait Apostolus, si quis ea legitime utatur. Nec ideo tamen hoc factum, uel ipsius Loth, uel filiarum eius iustificamus, quia significauit aliquid, quod futuram quorundam peruersitatem prænuntiaret. Aliud enim illæ, ut hoc facerent, intenderunt. Aliud deus, qui hoc fieri permisit, ut etiam aliquid inde monstraret, pro significatione futurorum. Proinde illud factum quum in sancta scriptura

narratur, prophetia est: quum uero in illorum uita qui hoc commiserunt, consideratur, flagitium est. Sequitur,

CAP. XX

De peregrina

tione Abrahæ

in Geraris

XXXI

PROFECTVS inde Abrahā in terram Australem habitauit inter Ca-
des & Sur, & peregrinatus est in Geraris. Dixitq; de Sara uxore sua, soror
mea est. Misit ergo Abimelech rex Geraræ, & tulit eam. Venit autem deus
ad Abimelech per somnium noctis, & ait ei, En morieris propter mulierem
quam tulisti: habet enim uirum. Abimelech uero non tetigit eam. Et ait, Do-
mine, num gentem ignorantem & iustam interficies? Nonne ipse dixit, soror
mea est: & ipsa ait, frater meus est? In simplicitate cordis mei, & mundicia ma-
nuum feci hoc. Quæri potest, quomodo adhuc in illa ætate propter Saræ pul-
chritudinem Abraham periditari metuebat, sed magis formæ illius uis admi-
randa est, quæ adhuc adamari poterat: & ideo fecit in Geraris apud regē Abi-
melech, quod in Ægypto de coniuge sua fecerat, eiq; intacta similiter reddita
est. Sequitur, Dixitq; ad eum deus, Et ego scio quod simplici corde feceris:
& ideo custodiui te, ne peccares in me, & non dimisi ut trāgeres eam. Nunc igitur
redde uxorem uirō suo, quia propheta est, & orabit pro te, & uiues: si au-
tem nolueris reddere, scito quod morte morieris, tu & omnia quæ tua sunt.)
Quod ait deus ad Abimelech propter Saram, & peperi tibi, ut non peccares
in me, quando eum admonuit uxorem Abrahæ esse, quam putabat eius esse
sororem: aduertendum est & notandum in deum peccari, quando talia com-
mittuntur, quæ putant homines leuiter habenda tanta in carne peccata. Quod
autem dixit ei, Ecce tu morieris: etiam hoc notandum est, quomodo dicat deus
tanquam prædicens sine dubio futurum, quod admonendo dicit, ut à pecca-
to abstinendo caueatur. Sequitur, Statimq; de nocte confurgens Abime-
lech uocauit omnes seruos suos, & loquutus est uniuersa uerba hæc in auribus
eorum, timueruntq; omnes uiri ualde. Vocauit autem Abimelech etiā Abrahā,
& dixit ei, Quid fecisti nobis? Quid peccauimus in te, quia induxisti su-
per me, & super regnum meum peccatum grande: Quæ non debuisti facere,
fecisti nobis. Respondit Abraham, Cogitauit mecum, dicens, Forsitā non est
timor dei in loco isto, & interficient me propter uxorem meam. Aliās autem
uere soror mea est, filia patris mei, & non filia matris meæ.) Quia de patre so-
ror erat Abrahæ, de quo propinqua eius erat, id est, fratris filia erat non foro-
ris. Needum illo tempore tales nuptiæ lege prohibitiæ: uiri sorores suas con-
iuges acceperunt. Quod profecto quanto est antiquius compellente necessita-
te, tanto postea factum est damnabilius, religione prohibente. Tulit igitur
Abimelech oues & boues, seruos & ancillas, & dedit Abrahā: reddiditq; illi
Saram uxorem suam, & ait, Terra eorū uobis est, ubicūq; tibi placuerit, ha-
bita. Saræ autem dixit, Ecce dedi mille argēteos fratri tuo. Hoc erit tibi in ue-
lamen oculorū ad omnes qui tecum sunt, & quocūq; petreueris, memētoq; te
esse deprehensam. Quod aut iustū & fidelem uirū matrimonij sui infamosis-
simum

De munerib.

Abimelech

XXXII

simum nundinatorem appellat Fauſtus Manichæus: Abraham auaritiæ ac uentris cauſa duobus regibus Abimelech & Pharaoni diuerſis temporibus Saram coniugē ſuam, mentitū ſororem quia erat pulcherrima, ad cōcubitum aſſerit uenditaſſe: non ore ueridico à turpitudine ſeparat honeſtatem, ſed ore maledico totum uertit in crimen. Hoc enim Abraham factum lenocinio ſimile uidentur, ſed non ualētibus ex illius æternæ legiſ lumine à peccatis recta facta diſcernere: quibus & conſtancia pertinacia uideri poteſt: & uirtus fiducia, uirtutum putatur audaciæ: & quæcunq; ſimiliter obijciuntur, quaſi non recte agentibus, à non recte cernentibus. Neq; enim Abraham flagitio conſenſit uxoriſ, eiꝯq; uendidit adulterium: ſed ſicut illa famulam ſuam, non libidini mariti permiſit, ſed officio generandi ultro intulit, nequaquā turbato ordine naturali, ubi eiꝯ poteſtas erat, iubens potius obediēti, quā cedens concupiſcenti: ſic & ipſe coniugem caſtam, & caſto corde ſibi cohærentem, de cuiꝯ animo ubi pudicitia uirtus habitabat, nullo modo dubitabat: tacuit uxorem, dixit ſororem, ne ſe occiſo ab alienigeniſ atq; impijſ captiua poſſideretur: cætuſ de deo ſuo, quod nihil eam turpe ac flagitioſum perpeti ſineret, nec eum fides ac ſpes ſeſellit. Namq; Pharaon territuſ monſtriſ, multiſq; propter eam malis afflictuſ, ubi eiꝯ uxorem diuinituſ didicit, illaſam cum honore reſtituit. Abimelech autem in ſomno commonituſ & edoctuſ ſimiliter fecit. Iam uero in hac re geſta atq; in diuinis libriſ poſita, fideliterq; narrata, quem non delectet etiam factū prophetiꝯ perſcrutari, & ſacramēti oſtium pia fide ſtudioq; pulſare: ut aperiat dominu� & oſtēdat, quiſ tūc in illo figurabatur uiro, & cuiꝯ ſit uxor, quæ in hac peregrinatione, atq; inter alienigenaſ pollui maculatq; nō ſinitur, ut ſit uiro ſuo ſine macula aut ruga. In gloria quippe Chriſti recte uiuit eccleſia, ut pulchritudo eiꝯ, honor ſit uiro eiꝯ: ſicut Abraham propter Saræ pulchritudinē inter alienigenaſ honorabatur: eiꝯq; ipſi cui dicitur in Canticiſ canticorum, O pulchra inter muliereſ, ipſiuſ pulchritudinis merito reges offerant munera: ſicut Saræ obtulit rex Abimelech, pluſ in ea miranſ formæ decuſ, quod amare potuit, & uiolare non potuit. Eſt enim & ſancta eccleſia, domino Jeſu Chriſto in occulto uxor. Occulte quippe atq; inuſ in abſcondito ſecreto ſpiritali, anima humana inhæret uerbo dei: ut ſint duo in carne una, quod magnum coniugij ſacramentum in Chriſto & in eccleſia commendat Apoſtoluſ. Proinde regnuſ terrenuſ ſeculi huiꝯ, cuiꝯ figuram gerebant reges, qui Saram polluere permiſſi non ſunt, non expectuſ eſt, nec inuenit eccleſiam coniugem Chriſti, id eſt, quā fideliter illi tanquam præcipuo uiro ſuo cohæret ſubdita: niſi quum uiolare tentauit, & ut diuino teſtimonio per fidem matrimoniuſ ceſſit: correctuſq; etiam in poſterioribꝯ regibꝯ, muneribuſ hanc honorauit, quam corruptioni ſuæ ſubdere in prioribꝯ non eualuit. Nam quod tunc in eodem rege priuſ & poſteriꝯ figuratuſ eſt, hoc in iſto regno prioribꝯ & poſterioribꝯ regibꝯ adimpletur.

Quum

Quum autem dicitur de patre esse sororem Christi & ecclesiam, non de matre: non terrene generationis, quæ euacuabitur: sed gratiæ coelestis, quæ in æternum manebit, cognatio commendatur: secundum quam gratiam genus mortale non erimus, accepta potestate, ut filij dei uocemur, & simus. Neque enim hanc gratiam de synagoga matre Christi secundum carnem, sed de deo patre accepimus. Hanc uero cognitionem terrenam, quæ ad mortem temporaliter generat, uocans in aliam uitam ubi nullus moritur: negare nos Christus docuit, non fateri, quum discipulis ait, Ne uobis dicatis patrem in terra, unus est enim pater uester, qui in coelis est. Cuius rei præbuit exemplum, quando ipse ait, Quæ mihi mater? aut qui fratres? Et extendens manum super discipulos, ait, Hi sunt fratres mei. Et ne quisquam in hoc uocabulo terrenam cognitionem cogitaret, adiunxit, Et quicumque fecerit uoluntatem patris mei, ipse mihi frater & mater & soror est. Tanquam diceret, de deo patre hanc cognitionem appello, non de synagoga matre: ad æternam quippe uitam nunc uoco, ubi immortaliter natus sum: non ad temporalem, ut uocarem, mortalis effectus sum. Quod ergo ecclesia cuius uxor sit, occultatur alienigenis: cuius autem soror, non tacetur: hæc interim causa facile occurrit: quia occultum, & difficile ad intelligendum est: quomodo anima humana uerbo dei copuletur, siue misceatur, siue quid melius & apertius dici potest, quum sit illud deus, ista creatura. Secundum hoc enim sponsus & sponsa, uel uir & uxor, Christus & ecclesia dicuntur. Quæ uero cognitione coniuncti sunt Christus & omnes sancti, gratia scilicet diuina, non consanguinitate terrena: hoc est, de patre, non de matre: & effabilius dicitur, & cautius auditur. Nam & inter se, omnes sancti per eandem gratiam fratres sunt: sponsus autem in eorum societate nullus illorum est. Proinde Christum quàm excellentissimæ iustitiæ atque sapientiæ, tamen hominem, multo facilius & proclius alienigenæ crediderunt, non quidem falsò, quod homo esset: sed quomodo etiam deus esset, ignorauerunt. Hinc & Hieremias, Et homo est, inquit, & quis cognosket eum? Et homo est, quia proditur, quod frater est: & quis cognoscet eum? quia occultatur quod sponsus est.

CAP. XXI

De natiuitate
Isaac
XXXIII

VISITAVIT autem dominus Sarā, sicut promiserat, & implevit quæ loquutus est. Cōcepitque & peperit filium in senectute sua, tempore quo prædixerat ei deus. Vocauitque Abrahā filium suum, quem genuit ei Sara, Isaac: & circumcidit eum octaua die, sicut præceperat ei deus, quum centum esset annorum. Hæc quippe ætate patris, natus est Isaac. Natus est autem Abrahæ, secundum promissionem dei, de Sara filius: eumque nominauit Isaac. Riserat enim & pater, quando promissus est, admirans in gaudio: riserat & mater, quado per illos tres uiros iterum promissus est, dubitans in gaudio, quāuis exprobrante angelo: quod risus ille etiā si gaudij fuit, tamen plenæ fidei non fuit: post, ab eodem angelo in fide etiā confirmatus est. Ex hoc ergo puer nomen accepit. Significatum est

tum est autem magnum sacramentum in duobus filiis Abraham, quod unus de ancilla, quæ dicebatur Agar, secundum carnem natus est Ismahel: alter est autem de Sara libera secundum promissionem natus: uterque quidem de semine Abraham, sed illum genuit demonstrans consuetudo naturæ: illum uero dedit promissio significans gratiā. Ibi humanus usus ostenditur, hic diuinum beneficium commendatur. Sed ubi significandum fuerat dei donum, quod ingratum hominibus gratis gratia largiretur, sic oportuit filium dari, quemadmodum naturæ non debebatur excursus. Negat enim natura iam filios tali commixtione maris & feminae, qualis esse poterat Abraham & Sara in illa iam ætate, etiā mulieris accedente sterilitate, quæ nec tunc parere potuit, quando non ætas fecunditati, sed ætati fecunditas defuit. Quod ergo naturæ sic affectæ, fructus posteritatis non debebatur: significat quod natura generis humani peccato uiciata, ac per hoc iure damnata, nihil ueræ felicitatis in posterum merebatur. Recte igitur significat Isaac per repromissionem natus filius gratiæ, ciues ciuitatis liberæ, socios pacis æternæ. Sequitur, Dixitque Sara, Risum mihi fecit deus, quicumque audierit conridebit mihi. Rursumque ait, Quis auditurus crederet Abraham, quod Sara lactaret ei filium, quem peperit ei iam senio? Isaac interpretatur risus, non ad irridendi opprobrium, sed ad celebrandum gaudium pertinebat, quod nato Isaac, & eo nomine uocato Sara monstrauit, ait quippe, Risum mihi fecit dominus, quicumque enim audierit, congaudebit mihi. Sequitur, Creuit itaque puer, & ablactatus est, fecitque Abraham grande conuiuium in die ablactationis eius. Quæ Abraham nec die quo natus est filius, nec die quo circumcisus est, sed die quo ablactatus est, epulum fecit: quod nisi ad aliquam significationem spiritalem referatur, nulla solutio questionis est: tunc scilicet esse debere magnum gaudium spiritualis ætatis, quando fuerit factus homo nouus spiritualis, id est, non talis qualibus dicit apostolus, Lac uobis potum dedi, non escam: non dum enim poteratis, sed nec adhuc potestis, adhuc enim estis carnales. Sequitur, Quumque uidisset Sara filium Agar Ægyptiæ ludentem cum Isaac, dixit ad Abraham, Ecce ancillam hanc & filium eius, non enim erit hæres filius ancillæ cum filio meo Isaac. Duxit acceptum hoc Abraham pro filio suo. Cui dixit deus, Non tibi uideatur asperum super puerum & super ancillam tuam: omnia quæ dixerit tibi Sara, audi uocem eius, quia in Isaac uocabitur tibi semen. Dupliciter itaque hoc ab Hebræis exponitur, siue quod idola de luto fecerit, siue quod aduersum Isaac, quasi maioris ætatis loco sibi & ludo primogenita uendicaret, & ideo apparet illum ludum pugnam fuisse. Quod quidem Sara audiens, non tulit, & hoc ex ipsius approbatur sermone dicentis, Ecce ancillā hanc cum filio suo, non enim erit hæres filius ancillæ cum filio meo Isaac. Quare autē contristatus sit Abraham, quum ista fuerint prophetia: quam utique magis debuit nosse ipse, quam Sara: sed intelligendum est, uel ex reuelatione hoc dixisse Saram: quia prius illi fuerat reuelatum, illum uero quem de hoc postea dominus instruit pater-

De ludo Isaac
& Ismahelis
xxxiii

terno affectu pro filio fuisse commotum, uel ambos nescisse prius, quidnam illud esset, & per Saram nescientē hac prophetia doctum esse, quum illa mota esset muliebri animo propter ancillæ superbiam. Sequitur. Sed & filium ancillæ faciam in gentem magnam, quia semen tuum est.) Notandum quod & Ismahel dictus sit à deo, semē Abrahæ: sed aliter Ismahel, aliter Isaac: propter illud quod docet apostolus, quod dictum est, In Isaac uocabitur tibi semen: id est, nō filij carnis, sed filij promissionis deputabunt in semine. Sequit̃,

Surrexit itaq; Abraham mane, & tollens panem & utrem aquæ imposuit scapulæ eius, tradiditq; puerum, & dimisit eum.) Quādo Isaac natus est, XIII annorum erat Ismahel: & post ablactationē eius, iste cum matre expellitur, quinto ablactationis anno tempus statutum. Nos igitur post decem & octo annos, Ismahel supputamus eiectum esse cum matre, & non conuenire iam adulescentem iuuenem matris sedisse cetauicibus. Et hoc facto dedit puerum matri, hoc est, in manu eius eum tradidit, uel commendauit, & sic dimisit e domo. Quæ quum abiisset, errabat in solitudine Bersabæ. Quumq; consumpta esset aqua in utre, abiecit puerum subter unam arborem quæ ibi erat, & abiit, sed itq; e regione procul, quantum potest arcus iacere. Dixit enim, Non uidebo morientem puerum. Et sedens contra leuauit uocem, & fleuit. Exaudiuit autem deus uocem pueri.) Solet quæri quomodo quum puer esset annorum octodecim, proiecerit eum mater sub arbore, & ierit longe quantum potest arcus iacere, ne uideret eum morientem? Quasi enim quem portabat, proiecerit, ita uidetur sonare quod dicitur: maxime quia sequit̃, Fleuit puer. Sed intelligendum est, proiectū esse non à portante: sed, ut sit, ab animo tanquam moriturum. Neq; enim quod scriptum est, Proiectus sum à facie oculorū tuorum: portabatur, qui hoc dixit: & est in quotidiano loquendi usu, quum proijci dicitur aliquis ab aliquo cum quo erat, ne ab illo uideatur, aut cum illo maneat. Intelligendum est autem quod scriptura tacuit, ita discessisse matrem à filio, ut puer ignoraret, quò mater abierit: & eam in syluestribus stirpibus laetuisse, ne filium morientem sitū, deficientemq; uideret. Ille autē etiam illa ætate, quid mirum si matre diutius non uisa, & tanquam perdita, eo loco ubi solus remansit, fleuit. Quod ergo postea dicitur, Accipe puerum: non ut eum de terra uelut iacentem tolleret, dictum est: sed ut ei coniungeretur, & eum manu teneret deinceps comitem sicut erat, quod plerumq; faciunt simul ambulantes cuiuslibet ætatis. Nunc igitur querendum est, quid antea uoluit Sara matrem de ancilla suscipere filium? aut quid nunc cum matre iubet expelli domino? quod non zelo fecit accensa, sed mysterio prophetiæ cōpulsā. Agar quippe, secundum quod ait Apostolus, in seruitutem genuit populum carnalem: Sara uero libera populum genuit, qui nō est secundū carnem, sed in libertate uocatus est: qua libertate, liberauit eum Christus. Hoc igitur mysterio figura batur, priorem populum in seruitute peccatorum generatum, in domo Israel, id est in ecclesia, non manere in æternum: neq; esse hæredem uel consortem cultoribus

tutoribus Christi: nec cum filio nobili, id est fidei populo, regnum cœlestis gloriæ possessurum. Quum eijceret igitur Abraham Agar de domo, accepit panes & utrem aquæ dedit Agar, & imposuit super humeros eius infantem, & dimisit eam. Exiens autē Agar errabat in solitudine, & quum morientem siti filium proiecisset sub arbore, apparuit ei angelus domini, & demonstravit ei fontem aquæ, & potavit filium suū. Quid ergo significat, quod exiens Agar infantem in humeros suos posuit, nisi quod peccator populus & insipiens cervicem matris suæ synagogæ gravavit. quum dixit: Sanguis eius super nos, & super filios nostros. Panes autem hoc indicabant, quod vetus sacerdotium panes propositionis, sicut scriptum est, portaret secum, & ueterascerent. Vter vero aquæ qui defecit, Iudaica purificatio significabatur defutura: siue doctrina eorum carnalis in pelle mortua clausa, id est in carne ueteris hominis præuaricationis sententia damnata, quæ nec refrigerium præstat, nec satiat sitim, sed æstu tepido uomitum facit. Quod uero errat Agar in solitudine cum filio suo, significat synagogam cum populo suo expulsum de terra sua sine sacerdotio & sacrificio in toto orbe terræ, & uiuam quæ est Christus penitus ignorare. Quod filius illius siti deperit, ostendit eundē populum nullam habentem spirituales purificationem. Quod autem filium siti morientē sub arbore proiecit, & sic demonstrante angelo aspexit fontem, significat quosdam ex ipso populo ad umbram ligni crucis refugium petitores. Quod exclamat puer plorans, & exaudivit eum deus, & sic demonstrante angelo aspexit fontem, hoc pro illis dicitur, qui ex Iudæis ad Christum convertuntur, ac flentes retroactos errores exaudiuntur, referatisq; oculis cordis uident fontem aquæ uiuæ, id est Christum filiū dei, qui dicit: Ego sum fons aquæ uiuæ, qui sitit ueniat & bibat. Vnde Ismahel exauditio interpretatur. Angelus autem iste similitudo est Heliæ, per quem populus iste est crediturus, sicut per Malachiam dicitur: Ecce ego mittam uobis Heliā, qui cōuertat corda patrū in filios. Verū quod statim uocauit angelus domini Agar, dicens: Surge, tolle puerum, quia in gentem magnam faciam eum, hoc significabat: siue quod copiosius Iudæorum populus esset regnaturus in seculū: siue quia cœlestis regni gloriā consecuturi essent qui ex eis credidissent in Christo. Quod autem eundem angelum qui loquitur ad Agar, prius angelum scriptura pronunciat, deinde deum, filium dei eum fuisse credendū est: qui per legem & prophetas semper locutus est, qui propter obediētiam patrem uoluntatis angelus uocatur, deus autem secundum naturā patris, quia uere & ipse deus sicut & pater est. Sequitur, Eodē tempore dixit Abimelech & Fichol princeps exercitus eius ad Abraham: Deus tecum est in uniuersis quæ agis. Iura ergo per dominū ne noceas mihi & posteris meis, stirpibus meæ, sed iuxta misericordiam quam feci tibi facias mihi & terræ in qua uersatus es aduena. Dixitq; Abraham: Ego iurabo. Et increpauit Abimelech propter puteū aquæ, quem ui abstulerant serui illius. Responditq; Abimelech

De eo quod scriptū est, Dixit Abi. &c. XXXV

Nam sicut Abraham unicū & dilectum filiū deo uictimā obtulit, ita deus pater unicum filiū suum pro nobis omnibus tradidit. Et sicut Isaac ipse sibi ligna portabat, quibus erat imponendus, ita & Christus gestabat in humeris lignū crucis, in q̄ erat crucifigendus. Duo aut̄ serui illi dimissi, & nō perducti ad locū sacrificij Iudæos figurabant, qui quū seruiliter uiuerent, & carnaliter saperent, nō intelligebāt humilitatē Christi, nō intelligebant passionem Christi, ideo nō perueniunt ad locū sacrificij. Quir aut̄ duo serui, nisi quia ipse in duas partes diuidēdus erat, quod factū est Salomone peccante, quādo diuisus est idē populus loco regni, nō errore impietatis, quibus etiā saepe per prophetā dicit̄: Aduersatrix Israël, & prauaricatrix Iuda. Asinus aut̄ ille insensata est stultitia Iudæorū. Ista insensata stultitia portabat omnia sacramēta, & quod ferebat nesciebat. Iam quod dictū est eis, Expectate hic cum asino, post q̄p adorauerimus reuertemur ad uos, Apostolū audi dicentē: Cēcitās, inquit, ex parte facta est in Israël. Quid cēcitās est? Expectate hic cū asino, ut plenitudo gentiū intraret, inquit, hoc est post q̄p adorauerimus ubi sacrificiū crucis dominicæ impletū per gentes fuerit prædicatū, hoc est ut plenitudo gentiū intraret. Quid est, reuertemur ad uos? Et sic omnis Israël saluus fieret. Triduū aut̄ illud q̄ uenerūt ad locū immolationis, tres mūdi ætates significat: una ante legē, alia sub lege, tertia sub gratia. Ante legē ab Abraham usq̄ ad Moysen: sub lege, a Moysē usq̄ ad Ioannē: inde iā à domino & quicquid restat, tertius dies est gratiæ, in qua tertia ætate, quasi post triduū sacramentū sacrificij Christi cōpletū est. Deinde Isaac ligatis pedibus altari superponit̄, & dominus in ligno suspēsus cruci affigit̄. Sed illud quod figuratū est in Isaac, translātū est ad arietē. Quir hoc, nisi quia Christus ouis: ipse enim filius, ipse agnus: filius quia natus, aries quia immolatus. Sed quid est quod in uepribus hærebat aries ille? Crux cornua habet, sic enim duo ligna cōpinguntur in se, quū speciē crucis reddunt. Vnde scriptū est de eo: Cornua in manibus eius sunt. Cornibus ergo hærens aries, Christū significat crucifixū. Vepres aut̄ spinæ sunt. Spinæ iniquos & peccatores significāt, qui suspenderūt dominū in cruce. Inter spinas itaq̄ peccatorū Iudæorum suspēsus est dominus, sicut per Hieremiā idē dicit̄: Spinis peccatorū suorū circūdedit me populus hic. Alij hunc arietē cornibus in uepribus obligatū, runde senserūt Christum ante q̄p immolare spinis à Iudæis coronatū. Peraçto igit̄ sacrificio dicit̄ ad Abraham: In semine tuo benedicent omnes gētes. Quādo enim hoc factum est, nisi quādo dicit ille aries: Foderunt manus meas & pedes meos, dinumerauerunt omnia ossa mea. Hoc enim quādo factū est in psalmis sacrificium, tunc in ipso psalmo dictū est: Cōmemorabunt & cōuertent̄ ad dominum uniuersi fines terræ, & adorabunt in cōspectu eius omnes patriæ gētiū, quādo dominū est r. &c. Immolato igit̄ Abraham ariete pro Isaac filio suo, uocauit nomē loci illius, Dominus uidet, pro eo quod est dominus uideri se fecit, utiq̄ per incarnationē. Sequit̄, His ita gestis, nūciatū est Abraham, quod

De eo quod
scriptum est,
Nuntiatus est
Abraham.
XX.XVIII

Melcha quoque genuisset filios Nachor fratri suo, Hus primogenitum, & Buz fratrem eius, Camuel quoque patrem Syronum, & Chesdet, & Azau, Faldas quoque & Gethlafach, & Batuel, de qua nata est Rebecca. Istos octo genuit Melcha Nachor fratri Abraham.) De Melcha uxore Nachor, filia Aran, natus est Hus, de cuius stirpe Iob descendit, sicut scriptum est in exordio uoluminis huius. Vir fuit in terra Hus nomine Iob. Male igitur quidam aestimant Iob de genere esse Esau: siquidem illud quod in fine libri ipsius habetur, eo quod de Syro sermone translatus est, & quartus sit ab Esau, & reliqua quae ibi continentur, in Hebraeis uoluminibus non habentur. Secundus natus est de Melcha Buz, ex cuius genere fuit Balaam ille diuinus, ut Hebraei tradunt, qui in libro Iob dicitur Eliu, primum uir sanctus, & propheta dei, postea per inobedientiam & desiderium munerum, dum Israel maledicere cupit, diuino uocabulo priuatus. Dicitur in eodem libro: Et iratus Heliu filius Barachiel Buzitis. De huius uidelicet Buz radice descendit. Camuel uero pater est Damasci ipsa enim Ara uocatur, quae hic pro Syria scripta est, & ipso nomine legitur in Esaia. Non utique illi qui nuntiauerunt, nuntiare patrem Syronum potuerunt: ex origine quippe illius Syri Syronum genus longe postea propagatum est: sed dictum est a persona scribentis, qui post omnia illa tempora haec scribendo narrauit. Caseth quoque quatuor a quo Casdaim, id est Chaldei postea uocati sunt. Sequitur,

CAP. XXIII.
De morte Sara.
XX.XXIX

VIXIT autem Sara CXXVII annis, & mortua est in ciuitate Arbe, quae est Ebron in terra Chanaan.) Arbe in lingua Hebraea quatuor significat, quia ibi Abraham, Isaac, & Iacob conditi sunt, & ipse princeps humani generis Adae, ut in Iesu Naue libro apertius demonstratum est. Sequitur, Venitque Abraham, ut plangeret & fletet eam. Quumque surrexisset ab officio funeris, locutus est ad filios Heth dicens: Aduena sum, & peregrinus apud uos; date mihi ius sepulchri uobiscum, ut sepeliam mortuum meum. Responderuntque filij Heth: Audi nos domine, princeps dei es apud nos, in electis sepulchris nostris sepeli mortuum tuum, nullusque te prohibere poterit quin in monumento eius sepelias mortuum tuum. Surrexitque Abraham, & adorauit populum terrae, filios uidelicet Heth.) Queritur quomodo scriptum sit, Dominum deum tuum adorabis, & illi soli seruias, quum Abraham quendam populum gentium sic honorauerit, ut etiam adoraret. Sed animaduertendum est in eodem praeccepto non dictum, dominum deum tuum solum adorabis, sicut dictum est, illi soli seruias. Nec moueat quod in alio loco in quadam scriptura, phibet angelus homines adorare se, & admonet ut dominus potius adoretur. Talis enim apparuerat angelus, ut pro deo posset adorari, & ideo fuerat corrigendus adorator. Tunc emit agrum Abraham in quo sepeliuit uxorem suam Saram. Tunc ergo secundum narrationem Stephani in terra illa est collocatus, quando cepit ibi esse possessor, post mortem scilicet patris sui Thare, qui colligitur biennio ante Saram fuisse defunctus. Sed quid sibi uult, quod Sara in sepulchro duplici sepelitur: nisi quia anima, quae seculo moritur ut deo uiuat, gemina uitae requie suscipitur,

est: Et ceperunt ædificare templum in mense secundo in secunda die mensis in mōte Moria, qui idcirco illuminans interpretatur & luxens, quia ibi est Dabir, hoc est oraculum dei, & lex & spiritus qui docet hominē ueritatem, & inspirat prophetas. Quod uero ait, offer eum in holocaustum, ut ex charitatis admonitione, & nominis recordatione tentationis pondus accumularetur, & paternus affectus torqueretur ex memoria promissionis, dum ante deus dixit ad eum: In Isaac uocabitur tibi semen, quasi si ille occideretur tota spes promissionum frustraretur. Nunquam sanē crederet Abraham, quod uictimis deus delectaretur humanis, quamuis intonante diuino præcepto obediendum sit, non disputandum. Veruntamen Abrahā confestim filium quem fuisset immolaturus, resurrecturum credidisse, laudāus est: quia per hunc oportebant impleri promissiones dei, quem iubebat occidi. Sequitur,

Igitur Abraham de nocte confurgens, strauit asinū suum, ducens secum duos iuuenes, & Isaac filium suū. Quumq; cōcidisset ligna in holocaustum, abiit ad locum quem præcepit ei deus. Die autem tertio elcuiatis oculis uidit locum procul, dixitq; ad pueros suos: Expectate hic cū asino, ego & puer illuc usq; properātes postq; adorauerimus reuertemur ad uos.) Notādum quod de Getaris usq; ad montē Moria, id est sedem templi iter diērum trium sit, ut consequenter illuc die tertio peruenisse dicatur. Male igitur, qui Abraham putant illo tempore ad quercū Mambre habitasse, quum inde usq; ad mōtem Moria uix unius diei iter plēnū sit. Qui ideo tridui itineris morae eū immolaturus secū ducere iussus est, quatenus lōgitudine tēporis tentationis quoq; augetur incrementū. Nam per triduū iter protenditur, & per totum triduū crescentibus curis paterna uiscera cruciantur, ut omni hoc spacio tam prolixo intueretur pater filium, cibū cum eo sumeret, tot noctibus puer penderet in amplexibus patris, inhereret pectori, cubitaret in gremio, quatenus per singula momenta in paterno affectu dolor occidendi filij accumularetur. Sequitur. Tulit quoq; ligna holocausti, & imposuit super Isaac filium suū. Ipse uero portabat ignē & gladiū in manibus suis. Quumq; pergerent duo simul, dixit Isaac patri suo: Pater mi. At ille respondit: Quid uis fili? Ecce, inq; ignis & ligna, ubi est uictima holocausti? Dixit Abrahā: Deus prouidebit sibi uictimā holocausti fili mi. Pergebāt ergo pariter, uenerūtq; ad locū quē ostenderat ei deus, in q̄ edificauit altare, & desuper ligna cōposuit.) Si Abrahā indubitanter firmo animo cogitabat mactare domino puerū in holocaustū, quid est quod dixit pueris suis, Vos expectate hic, ego & puer postq; adorauerimus reuertemur ad uos? Vere indubitātī animo eū crederet resurrecturū, & ideo laudandus est, & in cōstantia offerendi, & in fide resuscitādi. Sciebat ceruissime deū falli nō posse, licet puer occideret, promissio nem tamē dei saluā permanere. Vnde & Paulus apostolus per spiritū dei didicerat, quid animi haberet Abrahā intra se, dum fidem eius laudādo dicit: Fide Abrahā nō hæsitaui, quū unicum offerret in quo acceperat promissio

nō neget, sicut scriptum est, Carnis curā ne feceritis in desiderijs. Qui enim hāc in desiderijs fieri prohibet, proculdubio in necessitate cōcedit, iuxta hoc quod rursum dicit: Nemo carnē suā odio habet, sed nutrit & fouet eā. Puer autē Rebecca in aures & armillas dedit, quia prädicator quisq; & auditū sanctę ecclesię per obediētiā, & manus per bonę operationis meritū exornat. Sed in aures duorū sistorū sunt, armille autē sistorū decem, quia prima uirtus obediētię in charitate est. Quę uidelicet charitas in duobus pręceptis distinguit, ut deus & proximus diligat. Et recta operatio ex decalogi completionē perficit, ut quā bona agi cōeperint, mala iam nulla perpetrent. Rebecca autē esse in domo patris sui locū spaciōsum ad manendū perhibuit: quia ā priori iam populo naturę legē sancta ecclesia se fuisse monstrauit, & prädicationis uerba in amplo charitatis gremio suscepit. Doctōri enim spaciōsus ad manendū locus est, in auditorū corde latitudo ueritatis. Vnde & quibusdam dicit: Capite nos, neminē læsimus, neminē corrupimus, nō angustamini in nobis, angustamini autē in uisceribus uestris. Ac si aperte eis diceret, Ad suscipiendā doctrinā spaciōsum locū mentis facite, sed ad cogitādā carnalia angustī remanete. Quod palearū ac feni plurimū habere indicauit, significat quia sancta ecclesia uerba uitę audiens, terrena stipēdia prädicatoribus reddidit, quę Paulus quasi pro nihilo accipere se dixit: Si nos, inquit, spiritualia uobis seminauimus, magnū est si ā uobis carnalia metamus. Frater autē Rebecca erat Laban. Qui cōcitus egressus, in aures & armillas sororis aspiciens intus puerum uocauit: quia sunt carnalia quicq; fidelibus cōiuncti: quidū spiritualiū dona cōspiciunt in admiratione positi, & si nō usq; ad opera, tamen in animā usq; ad suscipiendā fidē uerbū prädicationis admittunt. Quia enim bonos sæpe miraculis fulgere cōsiderāt, ea quę de æternitate audiunt nō recusant, quāuis sanctā electorū ecclesiā moribus non sequentes in carnali operatione remaneant. Qui Laban paleas, fenum, aquā, panē obtulit, sed puer nisi causam prius cōiugij obtineret, accepturum se esse recusauit: quia sunt pleriq; qui doctores suos ex tēporalibus stipendijs cōtinere parati sunt, sed prädicatores sancti recipere nolunt tēporalia, nisi prius obtineāt æterna. Si enim in animabus fructū nō inueniunt, sumere stipendia corporibus cōtemnunt: nec pedes aqua lauant, quia laborem sui desiderij nulla consolatione relcuāt. Mox ut causam cōiugij domini sui puer obtinuit, uasa aurea atq; argentea, ac uestes protulit, quas Rebecca dedit: quia doctores sanctę ecclesię tot ornamenta præbent, quot uirtutum dona docuerint. Quę enim prius in aures atq; armillas acceperat, iam nūc uasa aurea & argentea ac uestes accepit: quia sancta ecclesia, quę ante per fidem operationem & obediētiā percepit, excrefcens postmodum etiam ad spiritualia dona conualefcit, ut prophetię spiritu repleta & uirtutum gratia, ampliatis iam muneribus crescat. Puer uero matri eius ac fratribus dona obtulit, quia gentilitas ex quo ecclesia ad fidē uenit, post cōuersionem eius in gloria temporali conualuit

conualuit, sicut & nūc cernimus, quia ubiq; Christiani afflictionē sentiūt, & gentiles quiq; in terrena uirtute gloriant. Sed & fratres eius dona percipiūt, quia ij qui eam fidē uerbotenus tenent, sed tamen professionē suā moribus non sequentes carnaliter uiuunt, benigne à fidelibus honorari solent pro eo quod esse fideles uident. Mater ergo & fratres dona percipiūt, à sorte tamē hereditatis alieni: quia siue infideles, siue carnales, qui intra fidei professionē tenentur, ad hereditatis æternæ sortem nō ueniūt, sed tamē supernę largitatis gloriā temporalitē cōsequunt. Rebecca autē cū puellis suis significat, quia sancta ecclesia habet secū minoris meriti animas sodales suas. Nam & si in quibusdā per sensum mentis in toto cōtemplationē non habet, tales animæ quasi puellæ Rebecca sunt, quā sequunt moribus: sed tamen ad contemplationē istarum animæ ascendunt, & ex eisdem puer quasdā habuit in comitatu: quia cū sanctis prophetis fuerunt quidā, qui bene uiuerent, & prophetiæ spiritū nō haberent: & cū beatis apostolis atq; doctoribus fuisse pleriq;, qui uitam moribus tenerent, sed prædicatoris uerba nō promerent. Festinus autē puer ad domū redit, quia prædicatores sancti quū prædicando uitā audientium obtinent, illi mox gratias reddunt, de cuius hoc munere perceperūt: & sibi in ea operatione nihil tribuūt, sed auctori. Eo autē tēpore Isaac deambulabat per uia quæ ducit ad puteū, cuius nomē est uiuentis & uidentis. Quis est uiuens & uidens, nisi omnipotens deus, de quo scriptum est: *Viuo ego in æternū dicit dominus.* De quo rursum dicit: *Omnia nuda & aperta sunt oculis eius.* Puteus uero uiuentis & uidentis est hæc sacra scripturæ profunditas, quam nobis ad irrigationē mentis præbuit omnipotens deus. Quæ est uia quæ ducit ad puteum uiuentis & uidentis, nisi humilitas passionis unigeniti, per quam nobis apertū est hoc quod prius latenter scripturæ sacre fluente loquebantur. Nisi enim unigenitus dei filius incarnatus, tentatus, apprehensus, colaphis, caesus, sputis illusus, crucifixus, ac mortuus fuisset, nobis huius putei, id est scripturæ sacre profunditas nō pateret. Quid ergo fidelibus humilitas passionis eius facta est, nisi clauis apertionis, per quā mysteriorum dei puteum inuenimus, ut aquā scientiæ de profundo biberemus. Incarnationem quippe, passionem, mortē, resurrectionem, atq; ascensionem illius, sacri eloquiū paginæ testantur. Quæ quia facta cognouimus, iam nunc intelligimus audita. Hæc autem legi poterant, sed quia necdum euenerant, intelligi nō ualebant. Vnde & per Ioannē dicit: *Vicit leo de tribu Iudæ radix David aperire librū, & soluere signacula eius.* Ipse enim librū aperuit, & signacula eius soluit, qui nascēdo, moriēdo, resurgēdo, atq; ad cœlos ascēdēdo, scripturæ sacre nobis arcana patefecit. Et notandū, quod non dicit ambulabat per uiam quæ ducit ad puteum, sed deambulabat. Deambulat quippe, qui uia per quā ambulat eundo & redeundo cōculcat: in humilitate passionis dominus deambulauit, quādo à Iudæis uerborū cōtumelias, modo cōtra se falsum testimoniū, modo alapas, modo sputa, modo spineā coronā, modo cru-

id est actione boni operis, & contemplatione diuinitatis.

ERAT autem Abraham senex dierumque multorum, & dominus in cunctis benedixerat ei. Dixitque ad seruum suum seniore domus sue, qui præerat omnibus quæ habebat: Pone manum tuam sub femur meum, ut adiurem te per dominum deum cæli & terræ, ut non accipias uxorem filio meo de filiabus Chananeorum, inter quos habito, sed ad terram & ad cognationem meam profisciscaris.) Tradunt Hebræi, quod in sanctificatione Abraham, hoc est in eius circumcisione iurauerit seruus eius: nos autem dicimus iurasse eum in semine Abraham, hoc est in Christo, qui ex illo nasciturus erat iuxta Euangelistam Matthæum loquentem, Liber generationis Iesu Christi filij David, filij Abraham. Sequitur, Domine deus domini mei Abraham occurre mihi obsecro hodie, & fac misericordiam cum domino meo Abraham. Ecce ego sto super fontem aque, & filiarum habitatorum huius ciuitatis egredientur ad hauriendam aquam. Igitur puella cui dixero, Inclina hydriam tuam ut bibam, & illa responderit, Bibe, quin & camelis tuis dabo potum, ipsa est quam præparasti seruo tuo Isaac.) Aliud est enim, mirum aliquid petere, quod ipso miraculo signum sit non augurium: aliud, ea obseruare, quæ ita fiunt ut mira non sint, sed à coniectoribus superstitiosa uanitate interpretantur. Sed hoc ipsum etiam, quod mirum aliquid postulat, quod significetur quod quisque uult nosse, utrum audiendum sit, non parua quæstio est. Eò enim pertinet, quod dicuntur qui hoc non recte faciunt tentare dominum. Nam ipse dominus quum à diabolo tentaretur, testimonium de scripturis adhibuit, Non tentabis dominum deum tuum. Suggerebatur enim tãquam homini, ut signo aliquo exploraret ipse quantus esset, id est quàm multum apud deum posset, quod uiriose sit quum sit. Ab hoc autem discernitur quod Gedeon fecit, pugnae imminente periculo. Consultatio quippe illa magis quàm tentatio fuit. Sequitur, Dominus, ait, in cuius conspectu ambulo mittet angelum suum tecum, & diriget uiam tuam, accipiesque uxorem filio meo de cognatione mea, & de domo patris mei. Innocens eris à maledictione mea, quum ueneris ad propinquos meos, & non dederint tibi.) Quomodo illa cõiuratio maledictum possit intelligi, nisi maledictus esset, si contra eius coniurationem fecisset. Sequitur, Responderunt Laban & Batuel: A domino egressus est sermo, non possumus extra placitum eius aliud quicquam loqui tecum. En Rebecca coram te est, tolle eam & profisciscere, & sit uxor filij domini tui, sicut loquutus est dominus.) Queritur quando loquutus est dominus: nisi quia uel prophetam esse Abraham nouerant, & prophetice à domino dictum, quod per illum dictum fuerat agnoscebant: aut signum illud quod sibi datum seruus eius narrauit, loquutionem domini appellauerunt. Sequitur, Dimiserunt ergo eam & nutricem illius, seruumque Abraham & comites eius.) Decens quippe erat, ut ad nuptias absque parentibus uirgo profisciscens, nutricis auxilio frueretur. Sequitur, Soror nostra

Cap. XXIII
De Abraham
iuramentum à
seruo exigente.
XL

tem tolerando sustinuit. Deambulasse igitur in humilitate passionis est, tot aduersitates & probra diuersis modis iterando pertulisse. Qui Isaac ueniente Rebecca in terra australi habitabat, quia unigenitus dominus ac redemptor noster ueniente ad se ecclesia in illorū mentibus mansit, quos ex Iudæa editos non torporis frigus, sed feruor charitatis tenuit. Ex illo quippe populo Anna prophetissa, ex illo Simeon exiit, qui in ulnas dominum accepit. Egressus autem fuerat ad meditandum in agro. Quia ager mundus accipit ipse dominus per se exponit, dicens: Ager autē est mūdus. Qui in hoc egressus est, eo quod uisibilis apparere dignatus est, sicut scriptū est: Existi in salutem populi tui, ut saluos facias Christos tuos. Solēt exercendi iuuenes, in armorū ulū meditari: Isaac ergo ad meditandū in agro exiit, quia redēptor noster se sequentibus formā humilitatis præbens, per exercitiū longanimitatis suæ passionis in se & patiētiæ exempla mōstrauit. Meditatio armorū est frequentatio passionū. Qui enim uerbera manuū, lanceam, crucem pertulit, passionem suam usq; ad mortem in se frequētare pertulit. Passiones uero armadidimus, quia per ipsas ab aduersario occulto liberamur. Qui ad meditandū in agro inclinata iam die exiit, quia passionum exercitia iuxta finem mundi suscepit, sicut per Psalmistam de crucifixionis suæ passione loquitur, dicens: Eleuatio manuū meatum sacrificium uespertinum. Quid est autem quod Rebecca ad Isaac dorso cameli deducit, nisi quod per Rebeccam (sicut patet fati sumus) ecclesia: & per camelum cui præsidet, tortis moribus atq; inhonestis idolorum cultibus gentilium populus designatur. Qui enim ex semetipsis sibi inuenerunt deos quos colerent, quasi a semetipsis eis in dorso onus excreuerat quod portarent. Rebecca ergo ad Isaac ueniens, dorso cameli deducitur: quia ad Christū ex gentilitate ecclesia properans, in tortis uitiosisq; uitæ ueteris cōuersationibus inuenitur. Quæ ut Isaac uidit, de camelo descendit: quia sancta ecclesia quanto redemptorem suum subtilius agnoscit, tanto camalis uitæ studia humiliter deserit, atque in semetipsa tortitudini uitiosæ contradicit. Isaac ergo uiso descendit, quia domino cognito uitia sua gentilitas deseruit, & ab elationis celsitudine ima humilitatis petijt. Quid est autem, quod Isaac in camelo sedens Rebecca conspexit, nisi quod redemptorem suum ecclesia ex gentibus ueniens, dum adhuc uitijis esset innixa, & nec dum spiritualibus, sed animalibus motibus inhæreret, agnouit. Nec mouere debet, quod puer quoque cum camelis uenerat, in quibus diuitias domini sui ferebat: quia ipsi quoque prædicatores sancti, quamuis iam ad superiora intelligenda atque præferenda intellectu & uita emicent, adhuc tamen in semetipsis contradictionem carnis sentiunt. Nam uident aliam legem in membris suis, repugnantem legi mentis suæ, se seducentem in lege peccati: & diuitias in camelis portant, quia ne magnitudo reuelationum extollat eos, datur eis stimulus carnis suæ. Habent enim thesaurum istum in uasis fictilibus, ut sublimitas sit uirtutis dei, & nō ex ipsis. Qui enim per car-

nem celestia loquuntur, & tamen adhuc in carne cōtradictionē de uitio sentiunt, quid aliud quā super tortuosa camelonum dorsa insident? Rebecca uero Isaac uiso quis ille homo sit requisito puero cognoscit, quia quotidie sancta ecclesia adhuc per prophetarum atq; apostolorum dicta, quid de redemptore suo credere debeat intelligit: quæ sese mox pallio opetuit, quia quanto subtilius saluatoris sui mysteria penetrat, tanto altius de antea cta uita confunditur, & quia peruerse egerit uerecūdatur: pallio se operire curauit, quia uiso domino infirmitatis suæ actiones erubuit, & illa quæ prius in camelo libere gestabatur, descendens postmodum uerecundia tegitur. Vnde eidem ecclesiæ à priore electione cōuersæ per apostolicam uocem, quasi Rebecca de camelo descendenti, sibiq; palliū superducenti dicitur, Quem enim fructum habuistis tunc in illis, in quibus nunc erubescitis. Quam Isaac in tabernaculum suæ matris introduxit, atq; uxorem accepit: quia loco synagogæ dominus, ex qua per carnem natus, sanctam ecclesiam diligit, eamq; sibi in amore & contemplatione coniunxit: ut quæ prius proxima ex cognatione, id est cognata ex prædestinatione fuerat, postmodum iam coniuncta in amore continuo uxor fuit. Quam intantum dilexit, ut dolorem qui ex morte matris accesserat temperaret: quia ex luctu sanctæ ecclesiæ redemptor noster eam quæ ex perditione synagogæ accedere potuit, tristitiā detexit. Dū enim Rebecca coniungitur, dolor de morte matris amputatur, Quia dum sancta ecclesia ex gentilitate ueniens usq; ad thorum cōtemplationis perduciunt, Iudæa pro nihilo habetur. Qui si interpretare ipsa eorum nomina curabimus, Isaac risus, Rebecca autem patientia dicitur. Risus uero ex lætitia est, patientia autem de tribulatione. Et quamuis sancta ecclesia iam in celestis sit gaudij contemplatione suspensa, habet tamen adhuc quod triste de mortalis carnis pondere toleret. Isaac uero & Rebecca iunguntur, id est risus & patientia permiscetur: quia fit in sancta ecclesia hoc quod scriptū est, Spe gaudentes, in tribulatione patientes: ut hanc & prospera de cōtemplatione latifificent, & adhuc aduersa de tribulatione perturbent. Sequitur,

CAP. XXV

De Cethura
uxore Abra.

XLI

ABRAHAM uero aliam duxit uxorem, nomine Cethuram. Quæstio hic esset, si peccatum esset, maxime in antiquis dantibus operam propagandæ proli. Neq; incontinentia suspicanda est tanti uiri, in illa præsertim iam ætate. Quir autem de hac filios fecerit, qui cum miraculo de Sara iam fecerat, supra dictum est. Quid si enim & hoc prouisum est in ipso patre multarum gentium, post obitum coniugis iterū coniugari, ut demonstraretur non esse peccatum. Veruntamen hoc factum Abrahæ, quod post mortem Saræ de Cethura filios procreauit, non sic accipiendum est, quasi humana consuetudine & cogitatione tantummodo substituendæ numerosioris prolis hoc factum sit. Sic enim possent accipere homines etiam quod de Agar factum est, nisi Apostolus admoneret, illa fuisse facta prophetice in utriq; personis mulierum: earumq; filios duo testamenta ad futurorum prænunciationem allego,

allegorica significatione figurate. Vnde in ipso quoq; Abrahæ factio aliquid tale querendum est, & si non facile occurrat. Ergo interim munera quæ acceperunt filij concubinarum, uidentur mihi significare quædam dei dona, uel in sacramentis, uel in quibusq; signis, etiam carnali populo Iudæorum & hæreticis data, uelut filijs concubinarum, quum hæreditatis munus, quod est charitas & uita æterna, non nisi ad Isaac pertineat, hoc est, ad filios promissionis.

Fuerunt autem dies Abrahæ CLXXV anni, & deficiens mortuus est in senectute bona) Annorum ergo LXXV Isaac filium suum dereliquit, quem centenarius genuit. Iam ex hoc per posteros Abrahæ, id est, Isaac & Iacob, ciuitatis dei quò procurret tempora uideamus. Hæ sunt generationes Ismahel filij Abraham, quem peperit ei Agar Ægyptia famula Saræ, & hæc nomina filiorum eius in uocabulis & generationibus suis) Non enim satis elucet quæ additum sit secundum nomina generationum eorum, quum hi soli nominentur quos ille genuit, nō etiam qui ab ipsis geniti sunt: nisi fortè quia nationes ex illis propagatæ eorum nominib. sunt appellatæ, hoc significatū sit, quum dictum est, Secundum nomina generationū eorum: quamuis hoc modo illæ nationes secundum nomina istorum, non ista nomina secundum illas nationes, quia illæ posterius extiterunt. Vnde notanda loquutio est, quia & postea de illis dicitur, duodecim principes secundū gentes eorum, tanquam dixisset, secundum quæ nomina gentes eorum appellatæ sunt. Sequitur, Duodecim principes tribuū suarū. Et facti sunt anni uitæ Ismahel CXXXVII, deficiensq; mortuus est, & appositus ad populum suum. Habituauit autem ab Euila usq; Sur, quæ respicit Ægyptum introcuntibus Assyrijs: coram cunctis fratribus suis obiit.) Euila, est regio quam circuit fluuius Physon, exiens de paradiso. Dicta autem Euila, à quodam nepote Noe. Est & alia Euila solitudo contra faciem Ægypti. Sur quoq; solitudo est inter Cades & Barath, extendens desertum usq; ad mare rubrum, & Ægypti confinia. Duodecim filij nati sunt Ismahel, è quibus primogenitus fuit Nabaioth, à quo omnis regio ab Euphrate usq; ad mare rubrum, Nabathea usq; hodie dicitur, quæ pars Arabiæ est. Nam & familiæ eorum oppidaq; ac castella munita, & tribus horum appellatione celebrantur. Quod autem in extremo huius rei capitulo scriptum est, Coram omnibus fratribus suis occubuit: id est, in manibus omnium filiorum suorum mortuus est, superstitibus liberis, & nullo prius morte præcepto. Fratres autē pro filijs appellari, Iacob quoq; ad Laban demonstrat, dicens, Quod est peccatum meum, quia persequutus es post me, & quia scrutatus es omnia uasa mea, quid inuenisti de uniuersis domus tuæ? Ponatur coram fratribus meis, & fratribus tuis, & diiudicent inter nos. Nec enim possumus credere, ut scriptura cōmemorat, quod Iacob exceptis liberis secum fratres alios haberet. Sequitur, Deprecatusq; est dominum pro uxore sua, eo quod esset sterilis. Qui exaudiuit eum, & dedit conceptum Rebecce. Sed & collidebatur in utero eius paruuli. Quæ ait, Si sic mihi futurum erat, quid necesse fuit concipere

De morte A/
brahe XLII

De generatio/
nibus Ismahel
XLIII

De eo qd scri/
ptū est, Depre/
catus est Isaac
XLIIII

k re: Per/

res: Perrexitq; ut consuleret dominum.) Queritur quò ierit: non enim erant tunc prophetae, aut sacerdotes, secundum ordinem tabernaculi uel templi domini. Quò ergo ierit, merito mouet: nisi forte ad locum ubi aram construxerat Abraham. Sed illic quomodo responsa dentur, omnino tacet scriptura: utrum per aliquem sacerdotem: quod incredibile est, si erat, non fuisse nominatum: an erant aliqui tales, etiam illo tempore, homines dei, in quibus posset deus interrogari. Quicquid horum est, & si quid aliud quod me forte com

De dicto ad
Rebeccam,
Dux gentes
Ec. XLV

memorare præterierit, mentiri tamen scriptura non potest, quæ dixit Rebecca: cam isse ad interrogandum deum, cuius respondisse. Dux gentes in utero tuo sunt, & duo populi ex uentre tuo diuidentur, populusq; populum superabit, & maior seruiet minori.) Spirituali intelligentia carnales in populo dei significuntur per maiorem filium, & spirituales per minorem: quia sicut dicit Apostolus, Non prius quod spiritale est, sed quod animale: postea uero quod spiritale. Sic solet & hic intelligi hoc quod dictum est, ut in Esau figuratus sit maior populus dei: hoc est, Israeliticus secundum carnem: per Iacob autem figuratus sit ipse Iacob, secundum spiritalem progeniem. Sed & historica proprietate hoc responsum inuenitur esse completum, ubi populus Israel, hoc est, Iacob minor filius, superauit Idumæos, hoc est, gentem quam propagauit Esau: eosq; fecerunt tributarios per Dauid, quoadiu fuerunt usq; ad regem, sub quo Idumæi rebellauerunt, & iugum Israelitarum Idumæi à ceruice sua depoluerunt, secundum prophetiam ipsius Isaac, quando minorem pro maiore benedixit. Hoc enim dixit eidem maiori, quum & ipsum postea benediceret. Ego puto quod & de singulis nobis hoc dici potest, quia dux gentes & duo populi intra nos sunt. Nam & uirtutū populus & uitiorum nihilominus intra nos est. De corde enim nostro procedunt cogitationes malæ, adulteria, furta, falsa testimonia, doli, contentiones, hæreses, inuidiæ, comestiones, & his similia. Vides quantus malorum populus intra nos est. Si uero mereamur illam uocem dicere sanctorum, A timore tuo domine concepimus & peperimus, spiritum salutis tuæ fecimus super terram: tunc & alius intra nos populus inuenitur, in spiritu generatus. Fructus enim spiritus est charitas, gaudium, pax, letitia, patientia, bonitas, mansuetudo, continentia, castitas, & his similia. Vides alium populum, qui & ipse intra nos est: sed iste minor est, ille maior. Semper enim plures sunt mali, quam boni. & uitia numerosiora uirtutibus. Sed si tales simus, qualis Rebecca, & mereamur de Isaac, id est, de uerbo dei habere conceptum, etiam in nobis populus populum superabit, & maior seruiet minori: seruiet enim caro spiritui, & uitia uirtutibus cedent. Sequitur, Iamq; tempus pariendi uenerat, & ecce gemini in utero reperti sunt.) Hic sermo, id est, temporis completio, nunquam nisi de sanctis mulieribus scribitur, sicut de hac Rebecca, & Elisabeth matre Ioannis, & Maria matre domini nostri Iesu Christi. Vnde eximiū aliquid & præter ceteros homines huiusce modi partus ostenditur, & impletio dierum ortum perfectæ sobolis indicat.

Qui

De natiuitate
Esau & Iacob
XLVI

Qui primus egressus est, rufus erat, & totus in morem pellis hispidus, uocatumque est nomen eius Esau. Protinus alter egrediens, plantam fratris tenebat manu, & idcirco appellatus est Iacob.) Non ob aliud ante aduentum domini scripta sunt omnia, quæ in scripturis sanctis legimus, nisi ut domini commendaretur aduentus, & futura præsignaretur ecclesia, id est, populus dei per omnes gentes, quod est corpus eius, adiunctis atque adnumeratis omnibus sanctis, qui etiam ante aduentum eius in hoc seculo uixerunt, ita cum credentes uenturum esse, sicut nos uenisse. Sicut enim Iacob manum prius dum nascere tur emisit ex utero, quæ etiam pedem prænascentis fratris tenebat, deinde utique sequutum est caput, tunc demum necessario cætera membra: sed tamē caput non tantum ea membra quæ sequuta sunt, sed etiam ipsam manū quæ in nascendo præcessit, dignitate ac potestate præcedit: & quamuis nō tempore apparendi, tamē naturæ ordine prius est. Ita & dominus Iesus Christus, & si antequam appareret in carne, & quodammodo ex utero secreti sui ad hominū oculos mediator dei & hominum homo procederet, qui est super omnia deus benedictus in secula, præmisit in sanctis patriarchis & prophetis quandam partem corporis sui, qua uelut manu nasciturum se esse prænūtiāns, etiam populum superbe præcedentem, uinculis legis tanquam digitis quinque supplantat: quia & per temporū quinque articulos prænūtiari uenturus prophetarique non destitit: & huic rei consonātes per quos lex data est, libros quinque cōscripsit: & superbi carnaliter sapientes, & suam iustitiam uolentes constituere, non aperta manu Christi repleti sunt benedictione, sed constricta atque conclusa retenti sunt. Itaque illi obligati sunt pede, & ceciderūt: nos uero surreximus, & erecti sumus. Quamuis ergo (ut dixi) præmiserit dominus Christus quādam partem corporis sui in sanctis, qui cum nascendi tempore præcesserunt: tamē ipse est caput corporis ecclesiæ, illique omnes eidem corpori, cuius ille caput est, coheserunt, credēdo in eum quē prænūtiabant. Non enim præcurrēdo diuulsi sunt, sed adiuncti potius obsequēdo. Nā & si manus à capite præmitti potest, con nexio tamen eius sub capite est. Quapropter omnia quæ ante scripta sunt, ut nos doceremur scripta sunt, & figuræ nostræ fuerunt, & in figura cōtingebant illis: scripta sunt autem propter nos, in quos finis seculorū obuēnit. Qui enim primus egressus est, rufus erat, & totus in morem pellis hispidus, uocatumque est nomen eius Esau. Protinus alter egrediens, plantā fratris tenebat manu, & idcirco appellatus est Iacob. Quod Paulus apostolus magnū uult intelligi gratiæ documentū. Quia ille totus rufus & hispidus, nisi quia populus prior prophetarum & Christi fuit cruore pollutus, ac peccati & nequitie squalore extitit circumdatus: Cuius ideo minor calcaneū tenuit: quia mystice, maior minorē superatus erat. Planta enim Esau nouissimū præsignabat Israelitici populi tempus, in quo dominus noster aduenire dignatus est, ut eis conferret salutē. Sed in typo Ninuitarū gentium populus, ut Iacob Esau, Israel incredulū condemnauit. Vnde & Iacob, à luctando uel supplantando nomen accepit. Sequitur,

De diuersitate
ingeniorū
in geminis
XLVII

Sexagenarius erat Isaac, quando nati sunt paruuli. Sexta enim ætate mundi populum Iudæorum propter superbiam & incredulitatē uidemus esse abiectum, & gentium populū ad fidem Christi reuocatum. Sequitur, Quibus adultis, factus est Esau uir gnarus uenādi & homo agricola: Iacob autem uir simplex habitabat in tabernaculis. Isaac amabat Esau, eo quod de uenationibus illius uesceretur, & Rebecca diligebat Iacob.) In typo itaque Esau, carnalis populus Israel, ut de Nemroth legitur, uenaror fuit & agricola: id est, propriū derelinquens deum, externarum gentium dijs cultum sacrilegum exhibuit, & terrenis cupiditatibus ac desiderijs deditus est. Quod uero Iacob in domo simplex habitabat & sine dolo, non per dolum accepit primogeniti benedictionem, nec per fraudem subripuit, sed ut sibi debitam acciperet, quam concedere fratre de lentis mercede comparauit. Sequitur, Coxit autem Iacob pulmentum. Ad quem quū uenisset Esau lassus de agro, ait, Da mihi de coctione hac rusa, quia oppido lassus sum. Quamobrem uocatum est nomen eius Edom. Cui dixit Iacob, Vende mihi primogenita tua. At ille respondit, En morior: quid mihi proderunt primogenita? Ait Iacob, Iura ergo mihi. Iurauit Esau, & uendit primogenita, & sic accepto pane & lētis edulio comedit, & bibit, & abiit, paruipendens quod primogenita uendidisset.) Tradunt Hebræi omnes primogenitos sanctos officio sacerdotali antequā Aaron in sacerdotiū eligeretur, & habuisse uestimentum sacerdotale, quo induti uictimas deo offerebant: & hæc esse primogenita, hoc est, uestimenta Esau, quæ uendidit Iacob fratri suo. Nam quod iste Esau primogenita sua propter escam fratri suo iuniori uenundauit, ac postmodū paterna benedictione priuatus est: significat eundē Israeliticū populū, qui à deo, ut Exodi indicat liber, primogenitus filius nuncupatus est: qui propter præsentis seculi lucra, non solum primatus sui honorem amisit, uerum etiā & regni cœlestis præmium præparatū adipisci non meruit: domino quodam modo id eidem exprobrante, quum dicit, Auferetur à uobis regnum dei, & dabitur genti faciēti fructum eius. Primogenita autem ipsa, ut iam supra dictum est, uestis erat sacerdotalis, quam maiores nati cum benedictione patris induti, uictimas deo uelut pontifices offerebant: hoc dono terreni amoris desiderio caruerunt Iudæi cum gloria regni futuri. Sequitur,

CAP. XXVI
De peregrinatione
Isaac ad
Abimelech
XLIX

ORTA autem fame super terram post eam sterilitatem quæ acciderat in diebus Abraham, abiit Isaac ad Abimelech regem Palæstinorū in Gerara.) Queritur hoc quando sit factum: utrum postea quā Esau uendidit primogenita sua, post illam quippe narrationē hoc narrare incipit: an ut fieri solet, per recapitulationē narrator ad ea reuersus sit, quō progressus de filijs eius ad eum locum peruenisset, qui de lenticula cōmemoratus est. Mouet autem quia ipse inuenitur Abimelech, qui etiam Saram concupiuerat: ipsius enim paranymphus & princeps militiæ qui ibi cōmemorati sunt, etiam hic commemorantur: utrum uel uiuere potuerint. Quando enim amicus factus est Abraham, nondum natus erat Isaac, sed iam promissus. Ponamus autē annū quā nasceretur

Isaac.

Isaac, hoc fuisse factum. Deinde Isaac suscepit filios quū esset annorum LX. illi aut iuvenes erant, quando nēdidit Esau primogenita sua. Ponamus etiam ipsos circa XX annos fuisse. Fiunt anni ætatis Isaac usq; ad illud factum filiorum eius circiter LXXX. Adolescentem accipiamus fuisse Abimelech, quādo matrem ipsius concupivit, & Abrahæ amicus est factus. Potuit ergo iam esse quasi centenarius, si post illud factum filiorū suorum perrexerit in eam terram famis necessitate Isaac. Non ergo ex hoc cogit nulla necessitas per recapitulationem putare narratam profecctionē Isaac in Gerara: sed quia ibi diuturno tēpore fuisse Isaac scribitur, & puteos fodisse, & de his contendisse, & ditatum fuisse pecunia, mirum nisi recapitulando ista cōmemorant, quæ ideo fuerant prætermissa, ut primū de filijs eius, usq; ad illum locum de lenticula, narratio perveniret. Sequitur, Apparuitq; ei dominus, & ait, Ne descendas in Ægyptum, sed quiesce in terra quam dixero tibi, & peregrinare in ea, erōq; tecum, & benedicam tibi: tibi enim & semini tuo dabo uniuersas regiones has, complens iuramentum meum quod sponpondi Abraham patri tuo: & multiplicabo semen tuum sicut stellas cœli, daboq; posteris tuis uniuersas regiones has, & benedicentur in semine tuo omnes gentes terræ, eo quod obedierit Abraham uocī meæ. Iste patriarcha nec uxorem habuit aliam, nec aliquam cōubinam, nec ideo tamen istū patri eius præferre debemus. Erant enim procubio paternæ fidei & obedientiæ merita potiora, intātum ut propter illum dicat deus se huic facere bona quæ facit, quum illi dicat, Ego sum deus Abraham patris tui, noli timere, tecum enim sum, & benedixi te, & multiplicabo semen tuum: ut intelligamus q̄ caste Abraham fecerit, quod hominib; impudicis & nequitæ suæ de scripturis sanctis patrocinia quærētib; uidetur fecisse libidinose. Sequitur, Māsit itaq; Isaac in Geraris. Qui quum interrogaretur à uiris loci illius super uxore sua, respōdit, Soror mea est. Timuerat enim confiteri, quod sibi esset sociata coniugio, reputans ne fortē interficerent eum propter illius pulchritudinem. Quod Isaac Rebeccam quæ uxor erat, sororē sinxerit: genus enim Rebecce non tacitum est, & eam per notissimā propinquitatem sororem eius fuisse manifestum est. Vt autem taceret uxorem quid mirum, aut quid prauū si imitatus est patrem, quum eadem iustitia defendatur, qua pater eius de simili obiecto inculpatus inuētus est: Sequitur. Quumq; pertransissent dies plurimi, & ibidem moraretur, prospiciens Abimelech Palæstinorum rex per fenestram, uidit cum iocantem cum Rebecca uxore sua, & accersito eo ait, Perspicuum est quod uxor tua sit. Quir mentitus es, sororem tuam esse? Qui respondit, Timui ne morerer propter eam. Quæ igitur pro Abraham quod ad hanc rem attinet, eadem etiam pro Isaac filio eius ualent, quæ recensere non est difficile: nisi fortē studiosorum aliquis quærat, in cuius figuræ sacramento accipiendū sit, quod rex alienigena Rebecca uiri sui coniugem tunc esse cognouit, quando eum cū illa ludentē uidit, quod non cognouisset, nisi cum coniuge ille sic luderet, quomodo cū ea quæ coniunx non esset,

ludere non deceret. Quod quum sancti coniugati faciunt, nō inaniter faciunt, sed prudenter. Descendunt enim quodammodo ad scēminei sexus infirmitatem, ut aliquid blanda hilaritate uel dicant uel faciant, non eneruātes, sed temperantes uirilem uigorem. Quid autem sibi uelit in sacramento Christi & ecclesie, quod tantus patriarcha cum coniuge luserit, coniugiumq; illud inde sit cognitum: profecto quisquis ne aliquid errando in ecclesia peccet, secretum uiri huius in scripturis sanctis diligentet intuetur, inueniet eum maiestatem suam, qua in forma dei æqualis est, paulisper abscondisse in forma serui: ut eius, capax esse humana infirmitas posset, eoq; modo coniugi se congruēter aptaret. Quid enim absurdum, immo quid non conuenienter futurorum prænuntiationi accommodatū, si propheta dei carnaliter aliquid luserit, ut cum caperet affectus uxoris, quum ipsum uerbum dei cato factum est, ut habitaret in nobis? Sequitur. Seminavit autem Isaac in terra illa, & inuenit in ipso anno centuplum. Benedixitq; ei dominus, & locupletatus est homo, & ibat proficiens ac succrescens, donec magnus uehementer effectus est.) Secundum terrenam felicitatem dictum Isaac locupletatum, sequentia docent. Exequitur enim narrator easdem eius diuitias, quibus magnus factus est, & hinc motus est Abimelech. Timuit illum ibi esse, ne potentia eius sibi esset infesta. Quamquam ergo spiritale aliquid ista significant, tamen secundum id quod contigerunt, ideo præmissum est, Benedixit eum dominus: ut sana fide intelligamus etiam ista temporalia dona nec dari posse nec sperari debere, etiam quum ab infirmioribus appetuntur, nisi ab uno deo tribuantur: & qui in minimis fidelis est, & in magnis fidelis sit: & qui in Mammona iniquo fidelis est inueniunt, etiam uetum accipere mereatur: sicut dominus in euāgelio loquitur. Isaac, sermo domini est, qui sermo in lege dei ordeum seminat, in euangelij triticum. Illum enim cibum perfectionibus & spiritualibus, hunc imperfectiorib; & animalibus parat: quia scriptum est, Homines & iumenta saluos facies domine. Isaac ergo sermo legis, ordeum seminat, & tamen in ipso ordeo inuenit centesimum fructum. Inuenis & in lege martyres, quorum est centesimus fructus. Sed & dominus noster Isaac, euangeliorum perfectiora quæq; apostolis, turbis autem cōmunia planē loquebatur. Vis autem uidere, quia etiam ipse ordei cibos incipientibus exhibet? Scriptum est in euangelij, quia secundo paruerit turbas, sed illas quas primum pascit: postea ueto quum iam profecissent in uerbo & doctrina, triticeos eis exhibet panes. Sed post hoc dominus, inquit, benedixit Isaac & magnificatus est ualde. Paruus erat Isaac in lege, sed processu temporis fit magnus in prophetis. Nam quum in sola lege est, nondum magnus est, quippe quæ & uelamine tecta est. Crescit ergo in prophetis: iam quum peruenerit usque ad hoc, ut uelamen abijciat literæ, tunc erit magnus ualde, quum coeperit litera legis uelut palea ordei eius secerni, & apparuerit quod spiritualis est lex: tunc magnificabitur Isaac, & fiet magnus ualde. Vide enim quia & dominus in euāgelij paucos panes frāgit, & quot millia refecit populorum.

De prouentu
frugum Isaac
L

populorum, & quāti cophini reliquiarū superfunt. Dōnēc integri sunt panes. nemo saturatur, nemo reficitur: nec ipsi panes uidentur augeri. Considera ergo nunc, quomodo paucos panes frangimus in scripturā diuinis. Paucos sermones assumimus, & quot millia hominum saturantur? Sequitur, Habuit quoq; possessionem ouium & armentorum & familiā plurimum, & cœpit fodere puteos, quos foderant pueri patris eius Abrahæ, sed inuidentes eis Philistij obstruxerunt eos humo. Et reliqua.) Quis est iste Isaac, nisi saluator noster? Quis est iste, qui quum descendisset in istum torrentem Gerara, primo omnium illos puteos fodere uult, quos foderant pueri patris eius: id est, Moyse puteum legis foderat: Dauid, Salomon, & propheta, qui libros scripserunt ueteris testamenti: quos tamen terrena & sordida repleuerat intelligentia Iudæorum. Hos quum uellet purgare Isaac: id est, dominus noster, & saluator, cuius ille Isaac figuram gessit: ut ostenderet, quia quæcūq; propheta dixerūt, de se dixerunt: rixati sunt cum eo Philistij, id est Iudæi, à regno dei alieni: sed discedit ab eis: non enim esse potest cū his, qui in puteis aquam habere noluerūt, sed terram: & dicit eis, Ecce relinquetur uobis domus uestra deserta. Fodit ergo Isaac nouum puteum.) Immo pueri Isaac fodiunt. Pueri sunt Isaac, Matthæus, Marcus, Lucas, Ioannes. Pueri eius sunt, Petrus, Iacobus, Iudas: puer eius, apostolus Paulus: qui omnes noui testamenti puteos fodiunt. Sed & pro his altercātur illi, qui terrena sapiunt, nec noua condici patiuntur, nec uetera purgant, euangelicis puteis contradicunt, & apostolicis aduersantur: & quoniam in omnibus contradicunt, in omnibus litigant, dicitur ad eos, Quoniam indignos uos fecistis gratiæ dei, ex hoc iam ad gentes ibimus.

Post hæc fodit tertium puteum Isaac, & appellauit nomen loci illius, Latitudo, dicens, Nunc dilatauit nos dominus, & fecit crescere super terram.) Vere enim nunc dilatatus est Isaac, & auctum est nomen eius super uniuersam terram, quum adimpleuit in nobis scientiam trinitatis. Tunc enim tantum in Iudæa notus erat, & in Israel nomen eius nominabatur: nunc autem in omnem terram exiit sonus eorum, & in fines orbis terræ uerba eorum. Exeuntes enim pueri Isaac: hoc est, apostoli domini saluatoris, per uniuersum orbem terræ foderunt puteos, & aquam uiuam omnibus ostenderunt, baptizantes omnes gentes in nomine patris & filij & spiritus sancti. Sed quid est, quod puteos quos Abraham aperuit, Isaac sic uocauit eos, sicut & pater eius? Non enim immutauit uocabula puteorum. Et est mirum, quod Moyse, apud nos etiam Moyse appellatur: & propheta unusquisq; suo nomine appellatur. Non enim Christus in eis nomina, sed intelligentiam commutauit. Hæc mystice. Moralter autem, Isaac apud alienigenam gentem puteos fodisse describitur: quo uidelicet exemplo discimus, ut in hac peregrinationis erumna positi, cogitationum nostrarum profunda penetremus: & quo usq; nobis ueræ intelligentiæ aqua respōdeat, nequaquam nostræ inquisitionis manus ad exhauriendā cordis internā torpescat. Quos tamē puteos allo-

De puteis LI

phylī, id est, immundi spiritus insidiātes replent, quia nimirum immundi spiritus, quum nos studiosius fodere conspiciunt, molestas nobis tentationum cogitationes immergunt. Sequitur, Ascendit autem ab illo loco in Bersabee, ubi apparuit ei dominus in ipsa nocte, dicens, Ego sum deus Abraham patris tui. Usq; ad id quod dicit, Surgentes mane iurauerunt sibi mutuo, dimisitq; eos pacifice) Huius Isaac duas nobis figuras exposuit apostolus Paulus: unam qua dixit, quod Ismahel quidem filius Agar, populi secundum carnem: Isaac uero, populi qui ex fide est formā teneret. Aliam qua ait, Non dixit, Et seminibus, quasi in multis: sed, semini tuo, tāquam in uno, qui est Christus. Tenet ergo Isaac & populi figuram & Christi. Christū autem tanquam uerbum dei, non solum in euangelijs loqui, sed & in lege certum est, & in prophetis. Verum in lege incipientes, in euangelijs perfectos docet. Isaac ergo nunc uerbi formam, quod in lege uel prophetis est, tenet. Ascendit igitur Isaac ad puteum iuramenti, & apparuit illi dominus. Ascensionem legis dicimus ornatum esse templi, & eorum quæ ibi diuina gerebantur obsequia. Potest & augmentum prophetarum, legis ascensio nominari: & propterea fortē ad puteum iuramenti dicitur, & ibi apparuisse ei dominum: per prophetas enim iurauit dominus, & non poenitebit, quod ipse sit sacerdos in æternum secundum ordinem Melchisedech. Ad puteum ergo iuramenti uisus est ei deus, futura in eum promissa confirmans. Et ædificauit ibi altare domino, & inuocato nomine domini extendit ibi tabernaculum, præcepitq; seruis suis ut foderēt puteum.) Ædificat quidem Isaac altare etiam in lege, & figit tabernaculū suum: in euangelijs autem non figit tabernaculū, sed domum ædificat, & fundamentum collocat. Audi enim sapientiā dicentem de ecclesia, Sapientia, inquit, ædificauit sibi domū, & supposuit columnas septem. Audi de hoc etiam & Paulum dicentem, Fundamentū enim aliud nemo potest ponere, præter id quod positū est, quod est Christus Iesus. Vbi ergo tabernaculū est, etiam si figatur sine dubio resoluendū est ubi uero fundamenta sunt, & supra petram ædificatur domus, nunquā resoluitur domus illa, fundata est enim super petram. Fodit tamen & ibi Isaac puteum, nec unquam cessat puteos fodiēdo, donec oriatur fons aquæ uiuæ, & fluminis impetus latifiet ciuitatē dei. Sequitur, Sed & Abimelech ille qui dudum honorauerat Abraham, uenit nūc cum amicis suis de Geraris ad Isaac. Et dicit illis Isaac, Quid uenistis ad me? Vos enim odistis me, & eiecistis me a uobis. At illi responderunt, dicētes, Vidētes, inquit, uidimus, quia est dominus tecum: & diximus, Fiat cōiuratio inter nos & te, & constituamus tecum pactū, ne facias nobis malum) Iste Abimelech non semper pacem cum Isaac habet, sed aliquando dissidet, aliquando pacem requirit. Iste Abimelech personam tenet studioforum & sapientium seculi, qui per eruditionem philosophiæ multa etiam ex ueritate comprehenderunt. Intelligere possumus quomodo hic cum Isaac, qui uerbi dei quod in lege est tenet figuram, neq; in dissensione semper potest esse, neque semper in pace. Philo-

sophia enim mundi, neq; in omnibus legi dei contraria est, neq; in omnibus consona. Multi enim philosophorum unum esse deum qui cuncta creauerit, scripserunt. In hoc consentiunt legi dei. Ali quanti etiam hoc addiderunt, quod deus cuncta per uerbum suum & fecerit & regat, & uerbum dei sit, quo cuncta moderetur. In hoc non solum legi, sed & euangelij consona scribunt. Morali uero & physica quæ dicitur philosophia, penè omnia quæ nostra sunt sentit. Dissidet uero à nobis, quum deo dicit materiã coeternam: dissidet, quum negat deũ curare mortalia, sed prouidentia eius super lunaris globi spatia cohiberi. Dissident à nobis, quum uitam nascentiũ stellarum cursibus pēdunt: dissident, quum perpetuum dicunt hunc mundum, & nullo fine claudendum. Sed & alia plurima sunt, in quibus nobiscum uel dissident uel concordant. Et ideo Abimelech secundum hanc figuram, aliquādo dissidere describitur. Sed & hoc non puto q̃ otiose spiritui sancto, qui hæc scripsit, curæ fuerit comprehendere, quod duo alij cū Abimelech uenerunt, id est, Ochozat amicus eius, & Phicol dux exercitus eius. Interpretatur autem Ochozat tenens, & Phicol, os omnium: ipse autem Abimelech, pater meus rex. Hi tres imaginem totius philosophiæ tenent, quæ apud eos in tres partes diuiditur, logicam, physicam, & ethicam, id est, rationalem, naturalem, & moralem. Rationalis est illa, quæ deum patrem omniũ cōsistitur, id est, Abimelech. Naturalis illa est, quæ fixa est & tenet omnia, uelut naturæ ipsius uiribus nitens, quam proficitur Ochozat, qui dicitur tenens. Moralis est, quæ in ore est omnium, & ad omnes pertinet, & per communem similitudinem præceptorum in omnium ore uersatur, quam designat iste Phicol, qui os omnium interpretatur. Hi ergo omnes qui in huiusmodi eruditionibus sunt instituti, ueniunt ad legem dei, & dicunt, Videntes uidimus, quia est dominus tecũ: & diximus, Sit iuramentum inter nos, & iuramus fœdus, ut non facias nobis quicquid mali, sicut & nos nihil tuorũ attigimus, nec fecimus quod te læderet: sed cum pace dimissimus. auctũ benedictione domini. Possunt quidem hi tres qui pacẽ requirunt à uerbo dei, & præuenire cupiunt pacto societatem eius, figuram tenere magorum, qui ex orientis partibus ueniunt, eruditi paternis libris & institutione maiorum, & dicunt, quia uidentes uidimus natum regem, & uidimus quia deus est cum ipso, & uenimus adorare eum. Sed & si quis ille est huiusmodi eruditionibus institutus, uidens quia deus erat in Christo mundum reconcilians sibi, & attentus operum eius magnitudine dicat. Videntes uidimus, quia est dominus tecum, & diximus, Sit iuramentum inter nos. Accedens enim ad legem dei, necessario dicit, Iuravi, & statui custodire mandata tua. Sed quid petunt? Ne facias nobis quicquam mali, sicut & nos nihil tuorum attigimus: nec fecimus quod te læderet, sed cum pace dimissimus, auctum benedictione domini. Remissionem peccatorum per hoc deponere uidentur, ne recipiant mala, benedictionem postulant, non retributionem. Denique uide quid sequitur, Et fecit illis conuiuium magnum Isaac, & manducauerunt & biberunt, & post

post cibum & porum surgentes iurauerunt sibi mutuo, dimisitq; eos Isaac pacifice in locum suum.) Certum est enim quia qui ministrat uerbum, sapientibus & insipientibus debitor est. Quia ergo hic conuiuium sapientibus exhibet, idcirco dicitur, quia non paruum, sed magnum cōuiuium fecit. Sequitur,

Ecce autem uenerunt in ipso die serui Isaac, annūtiantes ei de puteo quem foderant, atq; dicentes, Inuenimus aquam. Vnde appellauit eum Abundantia: & nomen impositum est urbi, Bersabee.) Hoc significat quod inuenerint aquam, & propterea appellatus sit, Puteus saturitatis: & uocata ciuitas, Bersabee, hoc est, puteus saturitatis. Licet enim supra ex uerbo iuramenti, siue ex septenario ouium numero, quod Sabee dicitur, asseueremus Bersabee appellatam: tamen nunc ex eo quod aqua inuenta est, Isaac ad nomē ciuitatis, quæ ita uocabatur, adludens, declinauit paululū literam, & pro stridulo Hebræorum Sin, à quo Sabee incipitur, Græcum sigma, id est, Hebræum samech, posuit. Alioquin & iuxta allegoriæ legem, post tātōs puteos in fine uirtutum nequam congruit, ut Isaac aquam minime reperiret. Sequitur,

CA. XXVII
De senectute
Isaac LII

SENVIT autem Isaac, & caligauerunt oculi eius, & uidere non poterat. Vocauitq; Esau filium suum maiorem, & dixit ei, Fili mi. Qui respondit, Adsum. Cui pater, Vides, inquit, quod senuerim, & ignorem diem mortis meæ. Sume arma tua, pharetram & arcum, & egredere foras. Quumq; uenatu aliquid comprehendis, fac mihi inde pulmentum, sicut uelle me nosti, & affer, ut comedam, & benedicat tibi anima mea, anteq; moriar.) Plura sunt quàm ut exēplis debeamus docere, sanctos uiros & deo charos ea tantummodo scisse, quæ eis à domino reuelata sunt: ignorasse uero quæ reuelata eis nō fuerūt: sicut & Isaac uir iustus & deo charus, non illi cui uoluit, sed cui noluit deceptus errore benedixit. Vnde non mirū est, & Isaac in sua maxime uitiuitate nescisse quid faceret: quum magis eo tempore erraret, quo filium sanguinarium & delictum uoluptati, & eum qui postea uellet fratrem occidere, prætermisso illo qui innocēter habitabat domi, uellet efferre, & suam magis q̃ dei facere uoluntatem. Vnde dispensationis diuini iudicij fuit, ut oculis cæcetur: & quū ipse diceret, Vox, uox Iacob est: manus autē, manus sunt Esau: tamen intelligeret minorem esse filiū, qui benedictione fratris prærepta restiterat. Vnde intelligēdum in hoc factā esse spiritalem admonitionē, ut cōfirmaret benedictionē suam in filio minore, cui potius irascendū fuit, quod sefellerit patrem. Isaac portat imaginē dei patris, Rebecca spiritus sancti, Esau populi prioris & diaboli, Iacob ecclesiæ siue Christi. Senectus Isaac, consummationē orbis ostēdit: oculi illius qui caligauerūt, fidem defecisse & perisse de mundo, & religionis lumen anti quū neglectū esse significant. Quod filius maior uocatur, acceptio legis est. In deorū: quod escas eius atq; capturā diligit pater, homines sunt saluati ab errore, quos per doctrinā iustus quisq; uenatur. Sermo dei, benedictiōis est re promissio, & spes regni futuri, in quo cū Christo sancti regnaturi sunt, & uerū sabauū celebraturi. Sequit̃. Quod quū audisset Rebecca, & ille abisset in agro ut iussioneq;

ut iussuonem patris impleteret, dixit filio suo Iacob, Audiui patrem tuum loquentem cum Esau fratre tuo, & dicentem ei, Affer mihi de uenatione tua, & fac cibos, ut comedā, & benedicam tibi coram domino anteq̃ moriar. Nunc ergo fili mi acquiesce cōsilijs meis, & pergens ad gregem affer mihi duos hœdos optimos, ut faciam ex eis escas patri tuo, quibus libenter uestitur. Quos quū intuleris & comederit, benedicat tibi antequā moriatur.) Rebecca plena spiritu sancto, & sciens quid audisset anteq̃ pateret, quia maior seruiet minoriam agis autem forma spiritus sancti quæ futura nouerat in Christo, in Iacob ante meditabatur. Accipe mihi duos hœdos, inq̃t: præfigurans carneum saluatoris aduentum, in quo eos uel maxime liberaret, qui peccatis tenebātur obnoxij. Siquidem in omnibus scripturis, hœdi pro peccatoribus accipiūtur. Quod autem duos iubetur afferre, duorum populorū significatur assumptos quod teneros & bonos, dociles & innocentes animo. Siue aliter carnes hœdorum, ex quibus Isaac preparatus est cibus, peccantiū intelligenda est conuersio, ex duobus populis uenientium, Iudæis uidelicet & nationibus uniuersis. Panes autem, apostolorum accipienda est fides, & illorum qui in pentecoste adueniente spiritu sancto crediderunt de Iudaico populo. In uino autem intelligendus est martyrū cruor. Tali quippe cibo ac potu delectari intelligitur deus. Sequitur, Et uestibus Esau ualde bonis, quas apud se habebat domi, induit eum, pelliculasq̃ hœdorum circūdedit manibus, & colli nuda protexit. In hoc loco tradunt Hebræi primogenitos functos officio sacerdotum, & habuisse uestimentum sacerdotale, quo induti deo uictimas offerebant, antequā Aaron in sacerdotium eligeretur. Vestimētum Esau, fides, & scripturæ sunt Hebræorum, quibus gentilium indutus est populus: siue fides intelligenda est patriarcharū. Pelles hœdorum, quibus manus Iacob operæ sunt, collumq̃ contextum est, peccata sunt utriusq̃ plebis, quæ Christus in extensione manuum cruci secum affixit. Quod ex eisdem pellibus colli nuda protexit, significat quia quorum suscepit personam, eorum & propria uoce deplo-
rauit infirmitates, & fleuit peccata. Sequitur, Quomodo, inquit, tam cito inuenire potuisti, fili mi? Qui respondit, Voluntas dei fuit, ut cito mihi occurreret quod uolebam.) Quod Isaac querit ab Iacob, querit tam cito uenerit, admiratur uelocem credentium fidem. Quod cibi delectabiles offeruntur, hostia placens deo, & salus est peccatorum. Sequitur, Dixit Isaac, Accede huc ut tangam te, fili mi: & probem utrum tu sis filius meus Esau, an non. Accessit ille ad patrem, & palpato eo dixit Isaac, Vox quidē, uox Iacob est: manus autem, manus sunt Esau. Et non cognouit eum, quia pilosæ manus similitudinem maioris expresserant.) Hoc in loco Isaac, Iudaicum populum præfigurauit: Iacob filius eius, dominum Iesum Christum. Qui & caligans oculis, & prophetans, in præsentī filium non uidit, cui tam multa in posterum præu-
dit: quia nimirum Iudaicus populus prophetiæ spiritu plenus & cæcus, eum de quo multa in futuro prædixit, in præsentī positum non agnouit. Sequitur,
Statimq̃

Statimq; ut sensit uestimentorum eius fragrantiam, benedicens eum ait, Ecce odor filij mei, sicut odor agri pleni, cui benedixit deus. Der tibi deus de rore cœli, & de pinguedine terræ abundantiam frumenti, uini, & olei: & seruiant tibi populi & adorent te tribus. Esto dominus fratrum tuorum, & incuruentur ante te filij matris tuæ. Qui maledixerit tibi, sit ille maledictus: & qui benedixerit tibi, benedictionibus repleatur.) Benedictio Iacob, prædicatio Christi est in omnibus gentibus. Hoc fit, agitur: hoc lex & prophetia est. Isaac significat plebem Iudæorum, à qua Christus benedicitur, uelut à nesciēte, quia ab ipsa nescitur: odore nominis Christi, sicut ager, mundus impletur: uel certe odor agri pleni, bonorum operum accipienda sunt gesta. Eius est benedictio de rore cœli, hoc est, de uerborum pluuiā diuinorum: & de ubertate terræ, hoc est, de congregatione populorum uel apostolorum doctrina. Eius est multitudo frumenti & uini, hoc est, multitudo quæ colligit frumentum & uinum in sacramento corporis eius & sanguinis. Potest & per abundantiam frumenti & uini, sanctorū martyrum ac uirginum intelligi multitudo. Ei seruiūt gentes, ipsum adorant principes. Ipse est dominus fratrum suorum, quia populus eius dominatur Iudæis. Ipsum adorant filij patris eius, id est, filij Abraham secundum fidem, quia & ipse filius est Abraham secundum carnem. Ipsum qui maledixerit, maledictus erit, & qui benedixerit, benedictus est. Christus inquam noster ex ore Iudæorum, quamuis errantium, sed tamen legem prophetasq; canentium benedicitur, id est, ueraciter dicitur, & alius benedici putatur, qui ab eis errantibus expectatur. Sequitur, Vix Isaac sermonem impleuerat, & egresso Iacob foras uenit Esau, coctosq; de uenatione cibos intulit patri, dicens, Surge pater mi, & comede de uenatione filij tui, ut benedicat mihi anima tua.) In præfiguratione quippe horum fratrum congrue ualde illud aptabitur, quod euangelica indicat lectio, in qua dicitur, Venit quidam princeps synagogæ ad Iesum, & ait illi, Filia mea modo defuncta est: sed ueni, impone manum tuam super illam, & uiuat. Ad quam quum resuscitandā pergeret dominus, ecce (ait) mulier quæ fluxum sanguinis patiebatur: & typum gestabat ecclesiā: accessit retro, quasi ignorante domino, & tetigit fimbriam uestimenti eius, & statim sanata est. Cui ait dominus, Vade filia in pace: fides tua te saluam fecit. Sequitur, Dixitq; illi Isaac, Quis enim es tu? Qui respondit, Ego sum filius tuus primogenitus Esau. Expauit Isaac stupore uehementi, & ultra quā credi potest admirans ait, Quis igitur ille est, qui dudū captam uenationem attulit mihi, & comedi ex omnibus, prius quā tu uenires? Benedixitq; ei, & erit benedictus.) Ecce benedictionem promissam petente maiore expauescit Isaac, & alium pro alio se benedixisse cognoscens miratur, & quis nam ille sit percontatur: nec tamen se deceptum esse conqueritur, immo confestim reuelato sibi intus in corde magno sacramento deuitat indignationem, cōfirmat benedictionem, non maledictionem. Potius miraretur iratus, si hæc nō superna inspiratione, sed terreno more gererentur. O res gestas, sed prophetice:

propheticę gestas in terra, sed cœlitus: per homines, sed diuinitus. Si excutian tur singula tantis fecunda mysterijs, multa sunt implenda uolumina. Sed huic operi modus moderate imponendus, nos in alia festinare compellit. Sequitur, Auditis Esau sermonibus patris irruisse clamore magno, & con sternatus ait, Benedic etiam mihi pater. Qui ait, Venit germanus tuus fraudulenter, & accepit benedictionem tuam. At ille subiunxit, Iuste uocatum est nomen eius Jacob, supplantauit enim me en altera uice. Primogenita mea ante tulit, & nunc secundo subripuit benedictionem meam. Ecce secundo Jacob supplantator interpretatur. Ab eo igitur quod fratrem arte deceperit, adlusit ad nomen. Qui ideo Jacob ante uocatus est, eo quod in ortu plantam fratris apprehendat. Sequitur, Rursumque ait ad patrem, Nunquid non reseruasti, ait, & mihi benedictionem? Respondit Isaac, Dominum tuum illum constitui, & omnes fratres eius seruituti illius subiugauit. Frumento & uino stabiliui eum: & tibi post hæc, fili mi, ultra quid faciam? Cui Esau, Num unam, inquit, tantum benedictionem habes, pater? Mihi quoque obsecro, ut benedicas. Quumque eiulatu magno fleret, motus Isaac dixit ad eum, In pinguedine terræ, & in rore cœli desuper, erit benedictio tua. Viues gladio, & fratri tuo seruiues: tempusque ueniet quum excutias & soluas iugum eius de cervicebus tuis.) Significat quod Idumæi seruituri essent Iudæis: & tempus esse uenturum, quando de collo suo iugum seruitutis abicerent, eorumque imperio contradicerent. Neque enim maiorem filium penitus uidemus fuisse despectum, sed sicut ait Apostolus, Quum intrauerit plenitudo gentium, tunc omnis Israel saluus erit, Cuius tamen secundæ benedictionis prophetatio hæc est, In pinguedine terræ, & in rore cœli desuper, erit benedictio tua. id est, in fecunditate rerum, & potentia regni, quæ in illo populo fuit. uel certe, In pinguedine terræ, & rore cœli desuper: hoc est, in confessione dominicæ incarnationis, & fide deitatis illius, erit Israel benedicendus: siue etiam, in rore cœli erit benedictio eius, id est in eloquijs dei. Ipsi enim primum credita sunt eloquia dei, & legis testamentum. Viues gladio: id est, quia sanguini deditus populus ille necem in Christo uel prophetis exercuit. Et fratri tuo seruiues: scilicet populo Christiano. Tempusque ueniet, quando excutias & soluas iugum de cervicebus tuis: dum per cognitionem fidei, ad gratiam Christi conuersus, deposueris onus legis: quando iam non seruus populi minoris, sed per fidem frater uocaberis. Sequitur, Oderat autem semper Esau Jacob, pro benedictione qua benedixit ei pater: dixitque in corde suo, Venient dies luctus patris mei, ut occidam Jacob fratrem meum.) Quia igitur iniquitas inimica est iustitiæ, Esau in discordiam citatur, & necem fraudulentus excogitat, dicens in corde suo, Appropinquabunt dies luctus patris mei, ut occidam Jacob fratrem meum. Ita & diabolus fratriccas Iudæos in Cain ante præmeditans, in Esau manifestissime confitetur: tempus quoque interfectionis ostendens, malitiæ quam Iudæi exercuerunt in Christo. Sequitur, Quæ mittens & uocans Jacob filium suum, dixit

ad eum,

ad eum, Ecce Esau frater tuus minatur, ut occidat te.) Quomodo annuntiata sunt uerba Esau Rebecca, quod cominatus est occidere fratrem suum: quum scriptura dicat, hoc eum in sua cogitatione dixisse: nisi quia hinc datur nobis intelligere, quod diuinitus ei reuelabantur omnia: Vnde & ad magnum mysterium pertinet, quod filium suum minorem pro maiore uoluit benedici. Sequitur, Nunc ergo audi fili mi uocem meam, & confurgens fuge ad Laban fratrem meum in Aran, habitabisque cum eo dies paucos, donec quiescat furor fratris tui, & cesset indignatio eius, obliuiscaturque eorum quae fecisti in eum, & postea mittam & adducam te inde huc.

CA. XXVIII

VOCAVITQUE Isaac Iacob, & benedixit, praecepitque ei, dicens, Noli accipere coniugem de genere Chanaan: sed uade, & proficiscere in Mesopotamiam Syriam, ad domum Bathuel patris matris tuae, & accipe tibi inde uxorem de filiabus Laban auunculi tui. Deus autem omnipotens benedicat tibi & crescere te faciat atque multiplicet, ut sis in turbas populorum: & det tibi benedictiones Abraham & semini tuo post te, ut possideas terram peregrinationis tuae, quam pollicitus est aui tuo.) Hinc iam intelligimus segregatum semen Iacob ab alio semine Isaac, quod factum est per Esau. Quando enim dictum est, In Isaac uocabitur tibi semen, pertinens usque ad ciuitatem dei, separatum est inde aliud semine, quod erat in ancillae filio, & quod futurum erat in filiis Cethurae. Sed adhuc erat ambiguum de duobus geminis filiis Isaac, an ad utrumque, an ad unum eorum illa benedictio pertineret: & si ad unum eorum, quis nam esset illorum. Quod nunc declaratum est, quum prophetice a patre benedicitur Iacob, & dicitur ei, Sis in turbas populorum, & possideas benedictiones Abraham aui tui. Quomodo itaque Iacob fratris dolos fugiens Mesopotamiam tendit: ita & Christus, Iudaeorum incredulitate compulsus, proficiscitur in Galilaeam, inde sibi ex gentibus spoliis sumpturus ecclesiam. Et sicut Iacob dolos fugiens fratris, relicta domo, patria, uel parentibus, abiit in regionem longinquam, ut acciperet sibi uxorem: ita & Christus, relinquens parentes secundum carnem, id est populum Israel, & patriam, id est Hierosolimam & omnes regiones Iudaeae, abiit in gentes, accipiens sibi ecclesiam, ut impleretur quod dictum est per prophetam, Populus quem non cognoui seruauit mihi, obauditu auris obaudiuit mihi. Nos autem dicimus, non uenisse dominum nisi ad oues perditas domus Israel: nec uoluisse panem accipere filiorum, & dare canibus: & benedictionem primam Iudaeorum populo detulisse, quibus credita sunt eloquia dei, & repromissio, & legis datio, & consecratio testamenti. Verum quia illi credere noluerunt, ad Iacob, id est minorem populum, benedictionem cernimus esse translatae: neque tamen maiorem filium penitus uidemus esse despectum: quia quum subintrauit plenitudo gentium, tunc omnis Israel saluus erit.

INDEX CAPITVM

LIBRI TERTII

| | |
|--|---------|
| D E SOMNIO Iacob | Caput I |
| De aduentu Iacob ad terram orientalem, & quidit puteum in agro, & greges ouium accubantes iuxta eum | II |
| De seruitute Iacob, qua seruauit Laban pro Lia & Rachel | III |
| De natiuitate filiorum Lia & Rachel & ancillarum earum | IIII |
| De mercede Iacob | V |
| De reuerfione Iacob in terram Chanaan, & persequutione Laban post eum | VI |
| De nuncijs, quos misit Iacob ante se ad Esau fratrem suum in regione Edom | VII |
| De eo quod scriptum est, Leuans Iacob oculos suos, uidit uenientem Esau, & cum eo quadringentos uiros | VIII |
| De aduentu Iacob in Sochor | IX |
| De eo quod scriptum est, Egredia est Dina filia Lia, ut uideret mulieres regionis illius | X |
| De morte Debboræ nutricis Rebecca | XI |
| De morte Rachel ad terram quæ ducit Effrata | XII |
| De stupro Ruben in concubina patris sui | XIII |
| Catalogus duodecim filiorum Iacob | XIIII |
| De generationibus Esau | XV |
| De regibus qui regnauerunt in terra Edom | XVI |
| De odio fratrum in Ioseph | XVII |
| De somnijs Ioseph, & uenditione eius in Ægyptum | XVIII |
| De uxore & liberis Iudæ | XIX |
| De hero Ioseph | XX |
| De Ioseph misso in carcerem | XXI |
| De somnio eunuchorum Pharaonis, pincernæ, & pistoris | XXII |
| De somnio Pharaonis | XXIII |
| De principatu Ioseph super terram Ægypti | XXIIII |
| De eo quod scriptum est, Audiens Iacob quod alimenta uenderentur in Ægypto | XXV |
| De eo quod scriptum est, Recordatus est somniorum quæ aliquando uiderat: dure loquutus est fratribus suis, tradiditq; eos tribus diebus in custodia: tollensq; Simeon & ligans, illis præsentibus, iussit ministris ut imple- rent saccos eorum tritico | XXVI |
| De eo quod scriptum est, Narrauerunt omnia patri suo, dicentes, Loquutus est nobis | I 2 |

| | |
|---|---------|
| est nobis dominus terræ dure, & putauit nos exploratores esse promi- cia | XXVII |
| De eo quod scriptum est, Attollens autem Ioseph oculos, uidit Benjamin stan- tem fratrem suum uterinum | XXVIII |
| De eo quod scriptum est, Præcepit autem Ioseph dispensatori domus suæ, Imple saccos eorum frumēto quantum possunt capere, & pone pecuniam singulorum in summitate sacci, & scyphum meum argenteum | XXIX |
| De manifestatione Ioseph ad fratres suos, & munerum largitate | XXX |
| De profectione Iacob in Ægyptum | XXXI |
| Numerus filiorum Iacob, qui ingressi sunt Ægyptum | XXXII |
| De eo quod dixit Pharao ad Ioseph, Pater tuus & fratres tui uenerunt ad te, in optimo loco fac habitare eos | XXXIII |
| De eo quod ait Ioseph ad populum, En ut cernitis, & uos & terram uestram Pharao possidet, Accipite semina & serite | XXXIII |
| De eo quod scriptum est, Ait Iacob ad Ioseph, Si inueni gratiam in conspe- ctu tuo, pone manum tuam sub femur meum | XXXV |
| De eo quod scriptum est, Ait quoq; Iacob ad Ioseph, En morior, & erit deus uobiscum, & reducetis uos ad terram patrum uestrorum | XXXVI |
| De benedictionibus patriarcharum | XXXVII |
| De morte Iacob, & obsequio corporis eius | XXXVIII |
| De annis uitæ Ioseph & morte eius | XXXIX |
| De eo quod scriptum est, Nuntiatum est Ioseph, quod ægrotaret pater eius | XL |

DIVI EVCHERII LVGDVNENSIS

EPISCOPI COMMENTARIORVM IN GENESIM

ad Veranium & Salonium fratres episcopos

Liber Tertius.



DEVS SUMMAE BONITATIS. A QVO EST datum optimum & omne donum perfectum, defursum descendens à patre luminum, à quo & per quem bona uoluntas in homine præparatur, qui huius operis mihi dedit initium, ipse tribuat & bene sonantem sermonem ministrare. Dicamq; domino meo quod & sanctus Iacob patriarcha dixit, Si dominus deus meus fuerit mecum in

opus quod nunc adipui, & custodierit me, erit mihi in deum: & hæc sancta scriptura, quam in manibus habeo, in emolumentum: decimas & hostias & primitias offeram ei: id est, & initium bonæ uoluntatis, & perfectionem boni operis, illius sancto nomini consecrabo. Igitur egressus Iacob de Bersabee, pergebat Aran. Quumq; uenisset ad quendam locum, & uellet in eo requiescere post solis occubitum, tulit de lapidibus qui ibi iacebant, & supponens capiti suo dormiuit in eodem loco: uiditq; in somnis scalam stantē super terram, & cacumen illius tangens cælum, angelos quoq; dei ascendentes & descendentes per eam, & dominum innixum scalæ, & dicentem sibi, Ego sum deus Abraham & deus Isaac patris tui: terram in qua dormis tibi dabo & semini tuo, eritq; semen tuum quasi puluis terræ, dilataberis ad orientem & occidentem, septentrionem & meridiem, & benedicetur in te & semine tuo cumq; tribus terræ: & ero custos tuus quocunq; perrexeris, & reducam te in terram hanc, nec dimittam nisi compleuero uniuersa quæ dixi. Somnus iste Iacob, mors siue passio Christi est. Lapis ad caput eius, qui nominatim quodā modo dictus est etiam unctus, Christum significat. Caput enim uiri Christus est. Quis enim nesciat Christum ab unctione appellari? Domus autem dei, quia ibi natus est Christus, in Bethlehem. Porta uero cœli, quia ibi in terram descendit, inde iterum ad cælum ascendit. Erectio autem lapidis, resurrectio Christi est. Porro scala, Christus est, qui dixit, Ego sum uia. Per hanc ascendunt & descendunt angeli, in quibus significati sunt euangelistæ prædicatores Christi. Possunt & per scalam duo accipi testamenta, aut certe fides & opera, per quæ gētes hæredes effectæ sunt regni cœlestis. Per hæc enim ascensus ad deum est, & descensus dei ad homines. Angeli autem, id est, nuntij ecclesiæ sunt accipiendi doctores, ascendentes utiq; quū ad intelligendā eius supereminentissimam diuinitatem, excedunt uniuersam creaturam: ut eum inueniant in principio uerbum deum apud deum, per quem facta sunt omnia: descendentes autem, ut eum inueniāt factum ex muliere, factum sub lege, ut eos qui sub lege erant, redimeret. In illa enim scala à terra usq; in cælum, à car

De somnio
Iacob 1

1 3 ne usq;

ne usq; ad spiritū, carnales proficiēdo uelut ascendēdo spiritales sūt: ad quos lacte nutriendos, etiam ipsi spiritales descendunt quodam modo, quum eis non possunt loqui quasi spiritualibus, sed quasi carnalibus. Ipse est sursum in capite suo: ipse deorsum in corpore suo, quod est ecclesia. Ipsum ergo scalam intelligimus, quia ipse dixit, Nemo potest uenire ad patrem, nisi per me. Ad ipsum ergo ascenditur, ut in excelsis intelligatur: & ad ipsum descenditur, ut in membris suis paruulus nutriatur: & per illum se erigunt, ut sublimiter expectent: per ipsum etiam se humiliant, ut eum sublimiter ac temperāter annuntient. Sequitur, Surgens ergo mane tulit lapidem quem supposuerat capiti suo, & erexit in titulum fundens oleum desuper: appellauitq; nomen urbis illius Bethel, quæ prius Luza uocabatur.) Et uocauit nomen loci illius Bethel, cuius prius Luza, uocabulum erat ciuitatis antiquæ: quod nihil aliud significat, nisi ante, aut prius, uel uestibulum, siue superliminare, uel postes. Quod uero ait, Dominus est in loco isto, & ego nesciebā: & dixit, quā̃m terribilis est locus hic: nō est hic aliud, nisi domus dei, & porta cœli. hæc uerba ad prophetiam pertinent, quia ibi futurum erat tabernaculum, quod constituit deus in hominibus in primo populo suo. Portam autē cœli sic intelligere debemus, tanquam inde fiat aditus credentibus, ad capeſſendum regnum cœlorum. Quod statuit Iacob lapidem, quem sibi ad caput posuerat, & constituit eum titulum, & perfudit illum oleo, non aliquid idololatriæ simile fecit: non enim uel tunc uel postea frequentauit lapidem, adorando, uel sacrificando ei: sed signum fuit prophetiæ euidētissime constitutum, quæ pertinet ad unctionem, unde Christi nomen à chrismate est. Quod autem uouit uotum, si prosperaretur eundo & redeundo, & decimas promisit domui dei futuræ in loco illo, prophetia est domus dei: ubi & ipse rediens deo sacrificauit, non illum lapidem deum appellans, sed domum dei: id est, quia in eo loco futura erat domus dei. Sequitur,

CA. XXIX
De aduētū Iacobi
ad terrā
orientālē II

PROFECTVS QVE inde Iacob uenit ad terram orientalem, & uidit puteū in agro, tresq; greges ouium accubātes iuxta eum. Nam ex illo adaquabantur pecora, & os eius grandi lapide claudebatur. Morisq; erat, ut cunctis onibus congregatis deuoluerent lapidem, & reſectis gregibus rurſum super os putei ponerent.) Terra orientalis ad quā dominus noster profectus est, illos significat, qui uitiorū tenebras relinquentes, opera lucis quærebant. Apud Iudæam enim tantūmodo cognitus erat deus. Puteus autē quem illic reperit, Moſaica intelligēda est lex, iuxta quem tres greges accubasse ſcribitur, ſcribas uidelicet, Pharifæos & Sadducæos, quos dominus legiē arguiſſe. Oues quoq; Laban, quas ablato lapide grādi quo os putei claudebatur, dominus adaquauit, tunc uidelicet quando ſeorſum diſcipulis & ſeorſum turbis loquebatur. Tunc amouit umbras & imagines, quibus legis operiebatur hiſtoria, quando uniuerſa quæ de ſe fuerant ſcripta, in ſe expleri permiſit, uel expleta eſſe oſtēdit. A paſſione enim domini, cunctis fidelibus lex ſpirituali intelligētia patet. Nam ante licet

tea licet in scenopegia solennitate concurrentibus undiq; populis, liber Deuteronomij à sacerdotibus recenseretur: tamen rursus clauderetur, quia necdum aduenerat, in quo in ueritate expleta sunt omnia. Sequitur. Et ecce Rachel ueniebat cum ouibus patris sui. Nam gregem ipsa pascibat. Quam quum uidisset Jacob, & sciret consobrinam suam esse, ouesq; Laban auunculi sui, amouit lapidem, quo puteus clauderetur, & adaquato grege osculatus est eam: eleuataq; uoce fleuit: & indicauit ei, quod frater esset patris eius, & filius Rebecce.) Intelligitur enim, quod illi cum quibus prius loquebatur Jacob, interrogati quæ esset quæ ueniebat cum ouibus, ipsi dixerint, filiam esse Laban, quam utiq; non nouerat Jacob: sed illius interrogatione, illorumq; responsionem scriptura præmittens intelligi uoluit. Quod scriptum est, Osculatus est Jacob Rachel: & exclamans uoce sua fleuit, & indicauit ei, quod frater esset patris eius, & filius Rebecce: consuetudinis quidē fuit in illa simplicitate antiquorū, ut propinqui propinquas suas oscularetur, & hoc hodie fit in multis locis: sed quæri potest, quomodo ab incognito illa osculū acceperit, si postea Jacob indicauit propinquitatem suam. Ergo intelligendum est, aut illum qui iam audierat, quæ illa esset, fidenter in eius osculum irruisse: aut postea scripturam narraſſe per recapitulationem, quod primo factum erat, id est, ut indicaret quis esset. Sequitur. Auditis autem Laban causis itineris, respondit Jacob, Os meum es, & caro mea. Et postquam expleti sunt dies mensis unius, dixit ei, Num quia frater meus es, gratis seruius mihi? Dic quid mercedis accipies. Habebat uero duas filias, nomen maioris, Lia: minor autem appellabatur Rachel. Sed Lia, lippis erat oculis: Rachel, decora facie, & uenusto aspectu. Quam diligens Jacob, ait, Senniam tibi pro Rachel filia tua minore, septem annis. Respondit Laban, Melius est ut tibi eam dem, quàm uiro alteri. Seruiuit igitur Jacob pro Rachel septem annis, & uidebantur illi pauci dies, præ amoris magnitudine.) Quærendum est quomodo dictum sit, uidebantur in conspectu eius uelut pauci dies: quum magis etiam breue tempus longum soleat esse amantibus. Dictum est ergo propter laborem seruitutis, quem facilem & leuem amor faciebat. Dixitq; ad Laban, Da mihi uxorem meam, quia iam tempus expletum est, ut ingrediar ad eam. Qui uocatis multis amicorum turbis ad conuiuium fecit nuptias, & uespere filiam suam Liam introduxit ad eum, dans ancillam filie nomine Zelpham. Ad quam quum ex more Jacob fuisset ingressus, facto mane uidit Liam. Et dixit ad socerum, Quid est quod facere uoluisti? Nonne pro Rachel seruiui tibi? Respondit Laban, Non est moris in loco nostro, ut minores ante tradamus ad nuptias. Imple hebdomadam dierum copulæ huius, & hanc quoq; dabo tibi pro opere quo seruiturus es mihi septem annis alijs. Acquieuit placito: & hebdomada transacta, Rachel duxit uxorem: cui pater seruam Balam dederat. Tandemq; potius optatis nuptijs, amorem sequentis priori prætulit.) Si parum aduertatur rei huius narratio, putabitur quod posteaquam Liam

De seruitute
Jacob III

Iacob duxit uxorem, deinde seruiuit alios septem annos pro Rachel, & tunc eam duxit. Verum autem nō ita est, sed Laban ei dixit, Imple hebdomadam dierum copulæ huius, & hanc dabo tibi pro opere quo seruiturus es mihi septem annis alijs. Hoc itaq; ait, Imple dies nuptiarum septem, pertinentes ad istam quam duxisti, & dabo tibi & hæc pro eo quod operaberis apud me adhuc septem annos alios. Deinde sequitur, Fecit autem Iacob sic, & impleuit hebdomadā, & Rachel duxit uxorem. Dedit autem Laban Rachel filiæ suæ Balam ancillam suam, & intrauit ad Rachel. Dilexit autem Rachel magis q̃ Liam, & seruiuit illi septē annos alios.) Vtq; apparet, quia postea quā duxit Rachel, tunc seruiuit pro ea septem annos alios. Nimis enim durū & ualde iniquum fuit, ut deceptum adhuc differret alios septem annos, & tunc eam traderet quam primo debuit. Septem autem diebus solere nuptias celebrare etiam liber Iudicū ostendit in Sampson, quando fecit uotum septem diebus: & addidit scriptura, quod sic solerent facere iuuenes. Sequitur, Videns autem dominus quod despiceret Liam, aperuit uulua eius, sorore sterili permanente. Quæ conceptum genuit filium, uocauitq; nomen eius Ruben, dicens, Vidit deus humilitatem meam, nunc amabit me uir meus.) Ruben interpretatur uisionis filius. Rursumq; concepit, & peperit filium, & ait, Quoniā au diuit me dominus, eo quod odio me haberet uir meus, dedit mihi etiā hunc. Et uocauit nomē eius Simeon.) Ab eo quod est exaudita, Simeon nomen filio imposuit. Simeon quippe interpretatur auditio. Concepit tertio, & genuit filium, dixitq; Nunc quoq; copulabitur mihi uir meus, eo quod pepererim ei tres filios: & idcirco appellauit nomen eius Leui.) Leui interpretatur assumptio. Quarto concepit, & peperit filium, & ait, Modo confitebor domino: & ob hoc uocauit eum Iuda.) Iudas enim, confessio interpretatur. A confessio ne itaq; confessoris nomen eius dictum est. Verum tamen hic confessio pro gratiarum actione, aut pro laude accipitur, ut frequenter in psalmis est: & in euangelio, Confitebor tibi domine pater cœli & terræ, id est, gratias ago tibi, siue glorifico te. Sequitur,

De natiuitate
filiorū Iacob
III

CAP. XXX CERNENS autem Rachel quod infertunda esset, inuidit sorori suæ, & ait marito suo, Da mihi liberos, alioquin morior, Cui iratus respondit Iacob, Num pro deo ego sum, qui priuauit te fructu uentris tui? At illa, Habeo, inquit, famulam Balam, ingredi ad illam, ut pariat super genua mea, & habeam ex ea filios. Deditq; illi Balam in coniugium. Quæ ingresso ad se uiro, concepit & peperit filium, Dixitq; Rachel, Iudicauit mihi dominus, & exau diuit uocem meam, dans mihi filium. Et idcirco appellauit nomen eius Dan) Propterea uocauit nomē eius Dan. Causam nominis expressit, ut ex eo quod iudicasset dominus, filio ancillæ nomen imponeret. Dan quippe interpretatur iudicium. Rursumq; Bala cōcipiens, peperit filium. Pro quo ait Rachel, Comparauit me deus cum sorore mea, & inualui: uocauitq; eum Neptalim) Causa nominis Neptalim, alia hic exponitur, quā in libro Hebræorum scripta sit.

pta sit. Vnde: A conuersatione, siue comparatione: quia utrumq; sonat, com-
 parationem, siue cōuersationem, hoc est Neptalim. Sequitur, Sentiens Lia
 quod parere cessasset, Zelpham ancillā suam marito tradidit. Qua post con-
 ceptum adente filium dixit, Feliciter: & idcirco uocatum est nomē eius Gad.)
 Nos autē dicere possumus Impræcinctum, Gad enim potest & præpositio-
 nem sonare, & uenit ab euentu, siue præcinctu, qui Gad dicitur. Peperitq;
 Zelpha alterum. Dixitq; Lia, Hoc pro beatitudine mea. Beatam quippe me
 dicent mulieres. Propterea appellauit eū Aser.) Aser ergo nō diuitiæ, sed bea-
 tus dicitur, dumtaxat in præsentī loco: nam in alijs, secundum ambiguitatem
 uerbi, possunt & diuitiæ sic uocari. Sequitur, Egressus autē Ruben tempo-
 re messis triticeæ, in agro reperit mandragoras, quas matri Liæ detulit. Di-
 xitq; Rachel, Da mihi partem de mandragoris filij tui. At illa respondit, Pa-
 rum ne tibi uideatur, quod præripueris maritum mihi, nisi etiam mandrago-
 ras filij mei tuleris: Ait Rachel, Dormiat tecum hac nocte pro mandragoris
 filij tui. Redeuntiq; ad uesperam de agro Jacob, egressa est in occursum Lia,
 Et ad me, inquit, intrabis, quia mercede cōduxi te pro mandragoris filij mei.
 Dormiuitq; cum ea nocte illa, & exaudiuit deus preces eius, concepitq; & pe-
 perit filium quintum, & ait, Dedit deus mercedem mihi, quia dedi ancillam
 meam uiro meo. Appellauitq; nomen eius Isachar.) Totum nomen interpre-
 tatur, merces est.) Is quippe dicitur est: Sachar, merces. Hoc autem ideo quia
 mandragoris filij Ruben, introitum qui Racheli debebatur, ad se uiri emer-
 ret. Sequitur, Rursum Lia concipiens peperit sextum filium, & ait, Ditauit
 me deus dote bona, etiam hac uice mecum erit maritus meus, eo quod genuer-
 im ei sex filios. Et idcirco appellauit nomen huius Zabulon.) Et est sensus:
 Quia sex filios genui Jacob, propterea iam secura sum, habitabit enim me
 cum uir meus, unde & filius meus uocetur Habitatulum. Et post hæc pe-
 perit filiam, & uocauit nomen eius Dina.) Hæc transfertur in Causam, siue
 iurgium: iurgij enim in Sychemis causa extitit. Post filios, parentum ponen-
 da sunt nomina. Lia interpretatur laborans: Rachel ouis, cuius filius Ioseph,
 ab eo quod sibi mater alium addi optauerit. Iam uero Jacob, cui pro inge-
 ni crimine quatuor obijciuntur uxores, generali proloquutione purgatur.
 Quando enim mos erat, crimen non erat: & nunc propterea crimen est, quia
 mos non est. Alia sunt enim peccata contra naturam, alia contra mores, a-
 lia contra præceptum. Quæ quum ita sint, quid tandem criminis est, quod
 de pluribus simul habitis uxoribus obijciatur sancto uiro Jacob? Si naturam
 consulas, non lasciuiendi, sed gignendi causa illis mulieribus utebatur: si mo-
 res, illo tempore atque in illis terris hoc factitabatur: si præceptum, nulla le-
 ge prohibebatur. Nunc uero quur crimen est, si quis hoc faciat: nisi quia &
 moribus & legibus hoc non licet? Quæ duo si quis contempserit, etiam si
 tantummodo causa generandi uti possit sceminis pluribus, peccat tamen,
 & ipsam

& ipsam uiolat humanam societatem, cui necessaria est propagatio filiorum. Sed quia homines aliter se habentibus iam moribus & legibus, non possunt delectari uxoribus multitudine, nisi libidinis magnitudine: ideo errant, & putant omnino haberi non potuisse uxores multas, nisi flagrantia concupiscentiæ carnalis & sordidæ uoluptatis. Comparantes enim non alios, quorum uirtutem animi prorsus nosse non possunt, sed sicut ait Apostolus, semetipsos sibi metipsis non intelligunt: & quia ipsi, etiam si unam habuerint, ad eandem non solum generandi officio ducti uiriliter accedunt, sed sæpe coeundi stimulo uicti eneruiter pertrahuntur. Sicut ergo sancti apostoli auditoribus admittentibus doctrinam suam condelectabantur, non auaritia consequendæ laudis, sed charitate seminandæ ueritatis: ita sancti patriarchæ coniugibus excipientibus semen suum miscebantur, non concupiscentia percipiendæ uoluptatis, sed prouidentia propagandæ successionis. Nam & illud quod mendacissima criminatione Faustus obiecit, habuisse inter se uelut quatuor scorta certamen, quæ nam cum ad concubitum raperet: ubi hoc legerit, nescio: nisi forte in corde suo, atquam in libro nefariorum fallaciarum, ubi uere ipse scortabatur: sed cum serpente illo, de quo Apostolus timebat ecclesiæ, quam uirginem castam cupiebat uni uiro exhibere Christo: ne sicut Euam deceperat astutia sua, sic & illorum mentes à Christi castitate auertendo corrumperet. Ita enim huic serpenti amici sunt isti, ut eum præstitisse, potius quam nocuisse contendant. Ipse planè Fausti persuasit pectori adulterato, falsitatis semina infundens, ut has male conceptas calumnias ore immundissimo pareret, & stylo audacissimo etiam memoriæ commendaret. Nulla enim ancillarum uirum Iacob ab altera rapuit, nulla de illius concubitu cum altera litigauit. Ideo magis ordo erat, quia libido non erat: & tanto firmiter coniugalis seruabantur potestatis iura, quanto castius uitabatur carnalis cupiditatis iniuria. Quod enim & ab uxore conducitur, ibi uera nostra manifestatur assertio: ibi pro se aduersum maledicta Manichæorum ipsa ueritas clamat. Quid enim opus erat, ut eum altera cōduceret: nisi quia ordo alterius erat, ut ad eam maritus intraret? Neque enim ad aliam unquam accessisset, nisi eum conduxisset. Sed utique iustis ad eam uicibus accedebat, de qua tot filios procreauerat, & cui obedierat, ut etiam de ancilla procrearet, & de qua postea non conducente procreauit. Sed tunc Rachel noctem habebat in ordine, ut maneret cum uiro: tunc penes eam potestas illa erat, de qua Apostolus, uox certe noui testamenti, non tacuit dicens, Similiter & uir non habeat potestatem sui corporis, sed mulier. Ideo iam cum sorore pacta erat: cui facta debetrix, eam traderet ad debitorem suum. Nam hoc nomine id appellat Apostolus, Vxor, inquit, uir debitum reddat. Cui ergo uir debitor erat, iam acceperat à sorore quod elegerat uoluntate, ut ei daret, quod habebat in potestate. Hic uero ille, quem Faustus tanquam impudicum, clausis, uel potius extinctis oculis crim-

lis criminatur, si concupiscentiæ, non iustitiæ seruus esset, nonne per totum diem in uoluptatem illius noctis æstuarer, qui erat cum pulchriore cubiturus, quam certe amplius diligebat, & pro qua bis septenarium annorum laborem gratuitum impenderat. Quum ergo iam die peractò in eius iret amplexus, quando inde auerteretur, si talis esset qualem Manichæi nihil intelligentes opinantur, nonne placito contempto mulierum intraret potius ad speciosam, quæ illi noctem ipsam non solum coniugis more, uerumetiam ordinis iure debebat, uteretur; potius ipse potestate maritali: quia & uxor non habet potestatem sui corporis, sed uir: & pro eo tunc seruitutis illarum uicissitudo fiebat. Coniugali ergo potestate multo uincibilis uteretur, si formæ desiderio uinceretur: sed eo meliores scemina inuenirentur, si illæ pro concipiendis filiis, ipse autem pro concubitu suo & uoluptate certaret. Itaque uir temperantissimus, ut plane uir: quia tam uiriliter sceminis utebatur, ut delectationi carnali non subijceretur, sed dominaretur: magis quid deberet, quam quid ei debebatur, attendit. Nec ad propriam uoluntatem sua potestate abuti uoluit, sed illius debiti redditor, quam exactor esse maluit. Vnde & cōsequens erat, ut ei redderet, quam pro se, ut id acciperet, illa cui debebatur elegit. Quo earum placito comperto pactoq; quum repente atq; inopinate à pulcherrima coniuge reuocaretur, & ad minus decoram uocaretur, non ira incanduit, non tristitia nubilatus est, non eneruiter blandus, ut sibi potius Rachel noctem redderet, inter ambas sætigat. Sed maritus iustus & prouidus pater, quum illas prolis curam gerere uideret, & ipse nihil aliud de concubitu quæreret, earum uoluntati obtemperandum iudicauit, quæ sibi sigillatim filios optabant, sibi nihil minui cui ambæ pariebant, tanquam diceret, Vobis inter uos ut uultis, cedite atq; cōcedite, quæ nam uestrum fiat magis mater: ego quid contentam, quando siue inde siue inde nascenti non erit alius pater: Hanc profecto modestiam, hanc concupiscentiæ coercitationē, & in commixtione corporum coniugaliū solum appetitum posteritatis humanæ, ut erat acutus Faustus in illis literis & intelligeret & laudaret, nisi eius ingeniū detestabili secta deprauatum & quid reprehenderet quæreret, & unam nuptialis copulationis honestatem maris & sceminæ, qua liberorum procreādorū causa copulantur, crimen maximum reputaret. Nunc iam defensis patriarchæ moribus, resutatoq; crimine quod nefarius error obiecit, de reliquo ut possumus mysteriorum secreta rimemus: pulsemus fidei pietate, ut nobis aperiatur à domino, quid rerum figurauerint quatuor istæ uxores Iacob, quarum duæ liberæ, & duæ ancillæ fuerunt. Videmus enim Apostolum in libera & ancilla, quas habuit Abraham, duo testamenta intelligere: sed ibi una & una facilius apparet, quod dicitur, Hic autem duæ sunt & duæ. Deinde ibi ancillæ filius exheredatur, hic uero ancillarum filij simul cum filijs liberarum terram promissionis accipiunt. Vnde hic proculdubio aliquid aliud significatur. Quam enim duas liberas uxores Iacob ad nouum testamentum, per quod in libertatem

libertatem uocati sumus, existimem pertinere: non tamen frustra duæ sunt, nisi forte quia id quod in scripturis aduerti & inueniri potest, duæ uitæ nobis in Christi corpore prædicantur. una temporalis, in qua laboramus: alia æterna, in qua delectationem dei contemplamur. Istam dominus passione, illam resurrectione declarauit. Admonet nos ad hoc intelligendum, illarum etiam nomina sœminarum. Lia enim interpretatur Laboras: Rachel autem Visum principium, siue Verbum, ex quo uidetur principium. Actio ergo humanæ, mortalisq; uitæ, in qua uiuimus ex fide, multa laboriosa opera faciētes, incerti quo exitu proueniant, ad utilitatem eorum quibus consulere uolumus, ipsa est Lia prior uxor Iacob, ac per hoc & infirmis oculis fuisse commemoratur. Cogitationes enim mortalium timidæ, & incertæ providentiæ nostræ. Spes uero æternæ contemplationis dei, habens certam & delectabilem intelligentiam ueritatis, ipsa est Rachel, unde etiā pulchra facie & pulchra specie. Hanc enim amat omnis pie studiosus, & propter hanc seruit gratiæ dei, qua peccata nostra & si fuerint sicut phœnicium, tanquam nix dealbabitur. Laban quippe interpretatur Dealbatio, cui seruiuit Iacob pro Rachel. Neq; enim se quisq; conuertit sub gratia remissionis peccatorū seruire iustitiæ, nisi ut quiete uiuat in uerbo, ex quo uidetur principium, quod est deus. Ergo propter Rachel, non propter Liam seruiuit. Nam quis tandem amauerit in operibus iustitiæ laborem actionū atq; passionum, quis eam uitam propter seipsam expetierit, sicut nec Iacob Liam? Sed tamen sibi nocte suppositam in usum generandi, amplexus & fecunditatem illius expertus est. Dominus enim eam, quia per seipsam diligere non poterat, primo ut ad Rachel perueniretur, tolerari fecit: deinde propter filios commendauit. Ita enim unusquisq; utilis dei seruius sub dealbationis peccatorum suorum gratia cōstitutus, quid aliud in sua conuersatione meditatus est, quid aliud in corde gestauit, quid aliud in corde adamauit, nisi doctrinam sapientiæ? quam pleriq; se adepturos & percepturos putant statim, ut se in septem præceptis legis exercuerint, quæ sunt de dilectione proximi, ne cuiquam homini noceatur: id est, Honora patrem & matrem, Non mœchaberis, Non occides, Non furaberis, Non falsum testimonium dices, Non concupisces uxorem proximi tui, Non concupisces rem proximi tui. Quibus quantum potuerit obseruatis, postea quàm pro concupita & sperata pulcherrima delectatione doctrinæ, per tentationes uarias quasi per huius seculi noctem, tolerantia laboris adhaerere: uelut pro Rachel, Lia inopinante coniungitur: & hanc sustinet, ut ad illam perueniat, si perseveranter amat, acceptis alijs septem præceptis: ac si dicatur, Serui alios septem annos pro Rachel: ut sit pauper spiritu, mitis, lugens, esuriens, sitiensq; iustitiam, misericors, mundicordis, pacificus. Vellet enim homo, si fieri posset, sine ulla tolerantia laboris, quæ in agendo patiendocq; amplectenda est, statim ad pulchræ atq; perfectæ sapientiæ delicias peruenire: sed hoc non potest in terra morientium. Hoc enim significare uidetur quod dictum est ad Iacob, Non est moris

est moris in loco nostro, ut minor nubat prius q̄ maior: quia nō absurde maior appellatur, quæ tempore prior est. Prior est autem in recta hominis eruditione, labor operandi quæ iusta sunt, quàm uoluntas intelligendi quæ uera sunt. Ad hoc ualeat quod scriptum est, Concupisti sapientiam, serua mandata, & dominus præbebit illam tibi. Mandata utiq; ad iustitiam pertinentia, iustitiâ quæ ex fide est, quæ inter tentationum incerta uersatur: ut pie credendo quod nondum intelligit, etiam intelligentiæ meritum consequatur. Quantum enim ualeat, quod modo commemorauimus esse scriptum, Concupisti sapientiam, serua mandata, & dominus præbebit illam tibi: tantum & illud ualeat arbitror, Nisi credideritis, non intelligetis: ut iustitia ad fidem, ad sapientiam uero intelligentia pertinere monstretur. Proinde in his qui flagrant ingenti amore perspicuæ ueritatis, non est improbandū studium, sed ad ordinem reuocandum: ut à fide incipiant, & bonis moribus nitantur peruenire quò tendunt. In eo quippe quod aduersatur, uirtus est laboriosa: in eo uero quod appetitur, luminosa sapientia. Quid opus est, inq̄, credere? quid non mihi ostenditur manifestū aliquod uerbum, quo uideam rerum omnium scientiæ principium? Id enim est, in quod maxime ac primitus inardescit, si uel studiosus est animus rationalis. Cui respondeatur, Pulchrum est quidem quod desideras, & amari dignissimum: sed prius nubit Lia, & postea Rachel. Ardor ergo iste ad id ualeat, ut ordo non recusetur, sed potius toleretur: quum autem peruentum fuerit, simul habebitur in hoc seculo, non solum speciosa intelligentia, sed etiam laboriosa iustitia. Quilibet enim acute, syncrēterq; cernatur à mortalibus incommutabile bonū, adhuc corpus quod corruptitur aggrauat animam, & terrena inhabitatio deprimit sensum multa cogitatem. Ad unum ergo tenendum, multa ferenda sunt. Itaq; duæ sunt uxores Iacob liberæ, ambæ quippe sunt filiarum remissionis peccatorum, hoc est dealbationis, quod est Laban. Verum tamen una amatur, & altera toleratur. Sed quæ toleratur, ipsa prius & uberius fecundatur: ut si non propter seipsam, certe propter filios diligatur. Labor enim iustorum, maximū fructum habet, in eis quos regno dei generant, inter multas tentationes & tribulationes prædicando euangelium: & eos propter quos sunt, in laboribus abundantius, in plagis supra modum, in mortibus frequenter: propter quos habent foris pugnas, intus timores, gaudium & coronam suam uocant. Nascuntur autem eis facilius atq; copiosius ex illo sermone fidei, quo prædicant Christum crucifixum, & quicquid humanitatis eius citius humana cogitatione percipitur, & infirmos etiam Lia oculos non perturbat. Rachel autē clara aspectu mente excedit deo, & uidet in principio uerbum deum apud deum, & uult parere & non potest: quia generationem eius quis enarrabit? Proinde uita quæ studio contemplationis competit, ut ea quæ carni sunt inuisibilia, non infirmis oculis mentis, per ea quæ facta sunt, intellecta conspiciat, & sempiternā dei uirtutem ineffabiliter cernat, uacare uult ab omni negotio, & ideo sterilis: affectu quoque quæ sit

dia contemplationis ignescunt, non cōtemperatur infirmitati hominum, qui in uarijs pressuris sibi desiderant subueniri. Sed quia & ipsa procreandi charitate inardescit, uult docere quod nouit. Neq; enim inuidia tabescit, quū uidet sororem labore agendi atq; patiendi filijs abundantem: sed doler potius curare homines ad eam uirtutē, qua eorum infirmitatibus necessitantibusq; confulitur, quā ad illam unde diuinum & incōmutabile aliquid discitur. Hic dolor figuratus uidetur in eo quod scriptū est, Et zelauit Rachel sororem suam. Proinde quia liquidus purusq; intellectus, de illa substantia quæ corpus non est, ad carnis sensum nō pertinet, & uerbis carne editis exprimi nō potest: elegit doctrina sapientiæ per quaslibet corporeas imagines & similitudines, utrunq; cogitanda insinuare diuina, quā ab officio talia docendi cessare: sicut elegit Rachel ex uiro suo & ancilla suscipere filios, quā sine filijs omnino remanere. Bala quippe interpretari dicitur Inueterata. Hanc habuit ancillam Rachel. De ueteri quippe uita carnalibus sensibus dedica corporeæ cogitatur imagines: etiam quum aliquid de spiritali & incommutabili substantia diuinitatis auditur. Suscepit & Lia de ancilla sua filios, amore numerosioris prolis accensa. Inuenimus autem Zelpham eius ancillā interpretari, os hians, Quia propter ad prædicatores fidei euangelicæ, quorum os hiat, & cor non hiat, quum in scripturis aduerterimus, hæc intelligit ancilla Liæ. Scriptū est enim de quibusdam, Populus hic labijs me honorat, cor autem eorum longe est à me. Et talibus Apostolus dicit, Qui prædicas non furandum, furaris: qui dicis non mœchandum, mœcharis. Verumtamen ut etiam per hanc conditionem libera illa uxor Iacob laborans filios hæredes regni suscipiat, ideo dominus dicit, Quæ dicunt, facite: quæ autem faciunt, facere nolite. Vnde in labore uinculorū uita apostolica: siue, inquit, occasione, siue ueritate, Christus annuntietur, & in hoc gaudeo, sed & gaudebo: tanquam & ancilla pariente de prole numerosiore. Lætatus est quidē Liæ affectus ex beneficio Rachel editus, quū uirum suum secum debita nocte cubitutum, acceptis à filio Liæ mādragoniciis malis cum sorore cubitare permisit. De hoc autē pomi genere opinari quosdam scio, quod acceptum in escam sterilibus fœminis fœcunditatem pareret: ac per hoc putant omnimodo institisse Rachel, ut hoc à filio sororis acciperet cū piditate pariendi. Quod ego non arbitrarer, nec si tunc concepisset: nunc uero quū post Liæ duos alios ab illa nocte partus dominus ei prolem donauerit, nihil est quod de mandragora tale aliquid suspicemur, quale in nulla fœmina expecti sumus. Dicam ergo quid sentiam, dicāt hinc fortē meliora doctiores. Quum enim hæc mala ipse uidissem, & propter istū ipsum sacræ lectionis locum, id mihi obtrigisse gratularer, rara enim res est: naturam eorum diligēter quantum potui perscrutatus sum, non aliqua à cōmuni sensu remotiori scientia, quæ docet uirtutes radicum, & potestates herbarum, sed quātum mihi & cuilibet homini renūtiabat uisus, & olfactus, & gustus. Proinde rem comperi pulchram, & suauē olentem, sapore autem insipido: & ideo quæ eam mulier

tantopere

tantopere concupiuerit ignorare me fateor: nisi fortè propter pomi raritatem & odoris iocunditatem. Quur uero ipsam rem gestam sancta scriptura tacere noluerit, quæ non utiq; talia desideria muliercularum, nobis pro magno insinuare curaret, nisi aliquid in eis magnum quærere cõmoneret: nihil amplius conijcere ualeo, quàm quod ex illo cõmuni sensu mihi suggeritur: ut illo mandragorico pomo figurari intelligam famam bonam, non eam quæ confertur quum laudant hominem pauci iusti atq; sapientes, sed illam popularem, quæ etiam maior & clarior notitia comparatur: non ipsam per sese expetendâ, sed intentioni bonorum, quæ generi humano cõsultum, pernecessariam. Vnde dicit Apostolus, Oportet etiam testimoniũ habere bonũ ab eis qui foris sunt. Qui licet parum sapiant, reddunt tamẽ plerumq; labori eorum, per quos sibi consultitur, & splendore laudis, & odorem bonæ opinionis. Nec ad istam gloriam popularem primi perueniunt eorum qui sunt in ecclesia, nisi quicũq; in actionum periculis & labore uersantur. Propterea Lia filius mala mandragorica inuenit exiens in agrum, id est, honeste ambulans ad eos qui foris sunt. Dõctrina uero illa sapientiæ, quæ à uulgi strepitu remotissima in contemplatione ueritatis dulci delectatione defigitur, hanc popularem gloriam quantum lancunq; non assequeretur, nisi per eos qui in medijs turbis agẽdo ac suadendo populis præsunt: non ut præsint, sed ut prosint: quia dum isti actiuosi & negotiosi homines, per quos multitudinis administratur utilitas, & quorum auctoritas populis chara est, testimoniũ perhibent: etiam remotiori uitæ propter studium conquirendæ & cõtēplandæ ueritatis, otiose quodammodo mala mandragorica per Liam ueniunt ad Rachel. Ad ipsam uero Liam per filium primogenitũ, id est, per honorem fecunditatis eius, in qua est omnis fructus laboriosæ atq; inter incerta tentationum periclitantis actionis: quam pleniq; bono ingenio præditi, studioq; flagrant, quamuis idonei regendis populis esse possint, tamen uitant propter turbulentas occupationes: & in doctrinæ otio, tanquam speciosæ Rachel fruuntur amplexibus. Sed quia bonum est, ut etiam hæc uita latius innotescens popularem gloriam mereatur: iniustum est autem ut eam consequatur, si amatorem suum administrandis ecclesiasticis curis aptum & idoneum in otio detinet, nec gubernationi communis utilitatis impartit: propterea Lia sorori suæ dicit, Parum est tibi, quod uirum meum accepisti, insuper & mandragoras filij mei uis accipere: per unum uirum significans eos omnes, qui quum sint agendi uirtute habiles, & digni quibus regimen ecclesiæ committatur ad dispensandũ fidei sacramentum: illi accensio studio doctrinæ, atq; indagandæ & cõtēplandæ sapientiæ, se ab omnibus actionum molestijs remouere, atq; in otio discendi atq; docendi recondere uolunt. Ita ergo dictum est, Parum est tibi quod accepisti uirum meum, insuper & mandragoras filij mei uis accipere: ac si diceretur, Parum est quod homines fauore rerum gerendarum necessarios in otio detinet uita studiosorum, insuper & popularem gloriam requirit. Proinde ut eam iuste comparer,

impartit Rachel uirum suum forori suæ illa nocte: ut scilicet quæ uirtute laboriosa regimini populorum accommodati sunt, etiam si scientiæ uacare deligerent, suscipiant experientiam tentationum curarumque sarcinam pro utilitate cõmuni: ne ipsa doctrina sapientiæ, cui uacare statuerunt, blasphemetur, neque adipiscatur ab imperitoribus populis existimationem bonam, quod illa forma significant, & quod necessarium est ad exhortationem discipulorum. Sed planè ut hanc curam suscipiant, ui coguntur: satis & hoc significatum est, quod quum ueniret de agro Jacob, occurrit ei Lia, eumque detinens ait, Ad me intra bis, conduxisti enim te pro mandragoris filij mei: tanquam diceret, Doctrinæ quam diligis uis conferre bonam opinionem, noli defugere officij laborem. Hæc in ecclesia geri, quisquis aduerterit, cernit. Experimur in exemplis, quod intelligimus in libris. Quis non uideat geri toto orbe terrarum, uenire omnes ab operibus seculi, & ire in otium agnoscendæ ueritatis, tanquam in amplexum Rachel: & excipi de transuerso ecclesiastica necessitate, atque ordinari in labore tanquam Lia dicente, Ad me intrabis: quibus caste mysterium dei dispensantibus, ut in huius seculi nocte deo generent filios dei, laudantur à populis etiam in illa uita, cuius amore cõuersi spem seculi reliquerunt, & ex cuius professione ad ministerium regendæ plebis assumpti sunt. Id enim agunt in omnibus laboribus suis, ut illa professio à qua se conuerterant, quia tales rectores populis dedit, latius & clarius glorificetur: tanquam Jacob non recusante noctem Lia, ut Rachel pomis suæ uolentibus & clare nitentibus potiatur: quæ aliquando & ipsa præstante misericordia dei, per seipsam parit, uix tandè quidem: quia peccatum est, ut, In principio erat uerbum, & uerbum erat apud deum, & deus erat uerbum: & quicquid de hac re sapienter dicitur, sine phantasmate carnalis cogitationis & salubriter uel ex parte capiatur. Sequitur, Da mihi uxores & liberos meos, pro quibus seruiui tibi, ut abeam. Tu nosti seruitutem qua seruiui tibi. Ait ei Laban, Inueniā gratiam in conspectu tuo. Experimēto didici, quod benedixit mihi deus propter te. Constitue mercedem tuam, quā dem tibi. At ille, Tu nosti, inquit, quomodo seruiuerim tibi, & quanta in manibus meis fuerit possessio tua. Modicum habuisti antequam uenirem ad te, & nunc diues effectus es, benedixitque tibi deus ad introitum meum.) Satis aduertendum est & notandus scripturarum sensus, ne quum ita quisque loquutus fuerit, quasi gloriari uideatur. Multum enim interest, quod adiecit, Benedixit te deus in introitu meo. Ingressum enim uoluit intelligi, gratias hinc agens deo. Sequitur, Dixitque Laban, Quid dabo tibi? At ille ait, Nihil uolo. Sed si feceris quod postulo, iterum pascam & custodiā pecora tua. Gira omnes greges tuos, & separa cunctas oves uarias & sparso uel lere: & quodcumque fuluū & maculosum uariumque fuerit, tam in ouibus, quam in capris, erit merces mea. Respondebitque mihi cras iustitia mea, quando placiti tempus aduenerit coram te: & omnia quæ non fuerint uaria & maculosa & fulua, tam in ouibus, quam in capris furti me arguent. Dixitque Laban, Gra-

De mercede
Iacob V

tum

tum habeo quod petis. Et separauit in die illo capras & oues & hircos & arietes uarios & maculosos: cunctum autem gregem unius coloris, id est albi & nigri uelleris tradidit in manus filiorum suorum, & posuit spatium itineris inter generum & se dictum trium, qui pascebat reliquos greges eius. Tollens ergo Iacob uirgas populeas uirides & amygdalinas & ex platanis ex parte decorticauit eas, detractisq; corticibus in his quæ spoliata fuerant candor apparuit: illa uero quæ integra erant, uiridia permanserunt, atq; in hunc modum color effectus est uarius. Posuitq; eas in canalibus ubi effundebatur aqua, ut quum uenissent greges ad bibendum, ante oculos haberent uirgas, & in aspectu earum conciperent. Factumq; est in ipso calore coitus, ut oues intueretur uirgas & parerent maculosa & uaria, & diuerso colore sparsa. In facto Iacob quod uirgas excorticauit, detrahens ut album uarie appareret, sic in conspectu foetus pecorum uariarentur, quum matres in alueis aquarum biberent, & uisis uirgis illam uarietatem conciperent: ut ex duplici desiderio dum auide bibunt, & ascenduntur à maribus, tales foetus conciperent, quales umbras arietum desuper ascendentium in aquarum speculo contemplabantur. Ex uirgis enim in canalibus positis, uarius erat etiam imaginum color. Nec mirum hanc in conspectu foeminarum esse naturam, ut quales perspexerint, siue mente conceperint, in extremo uoluptatis aestu quæ concipiunt, talem sobolem procreent: quum hoc ipsum etiam in equarum gregibus apud Hispanos dicatur fieri. Multa dicuntur similiter fieri in animalium foetibus, & Quintilianus in ea controuersia in qua accusabatur matrona, quod Æthiopem peperit, pro defensione illius argumentatur, hanc concipientium esse naturam quam supra diximus. Sed & mulieri accidisse traditur, & scriptum reperitur in libris antiquissimi & peritissimi medici Hippocratis, quod suspitione adulterij fuerat punienda, quum pulcherrimum peperisset utriq; parenti generisq; dissimilem, nisi memoratus medicus soluisset questionem, illos admonens querere, ne forte aliqua talis pictura esset in cubiculo. Qua inuenta, mulier à suspitione liberata est. Sed ad hanc rem quam fecit Iacob, uirgarum ex diuersis arboribus trium copulario quid contulerit utilitatis, quod artinet ad uarias pecudes multiplicandas, non apparet omnino: nec aliquid ad hoc commodi interest, utrum ex unius generis ligno uariarentur uirgæ, an plura sint lignorum genera, quum sola quaratur lignorum uarietas. Ac per hoc cogit inquiri prophetiam aliquam res ista, quam sine dubio ut propheta fecit Iacob, & ideo nec fraudis arguendus est. Non enim tale aliquid, nisi reuelatione spiritali cum fecisse credendum est. Virgæ populeæ & amygdalinæ siue ex platanis, testimonia intelligenda sunt ex lege atq; prophetis & agiographis, quæ dominus noster ex parte decorticauit, & ex parte in proprio colore dimisit. Decorticauit enim quum dicit, Scriptum est oculum pro oculo, dentem pro dente: ego autem dico uobis, non reddere aduersario omnino rationem: uel quum interrogatus à Iudæis, si deberet uxorem quis iuxta præceptum Moysei quacunque ex causa

dimittere: respondisse scribitur, ad duritiam cordis eorum fuisse à Moyse præceptum: nam ab initio non ita fuisse. & iterum, Scriptum est enim, diliges proximum tuum, & odio habebis inimicum tuum: ego autem dico uobis, orate pro inimicis uestris, & benefacite his qui uos persequuntur: & cetera. Hunc enim uersiculum ex parte decoriare uisus est, qui dicit, debere diligere inimicum: ex parte uero in proprio colore dimisit, illud uidelicet quod de diligendo proximo ante præmisit. Oues enim accipiedi sunt ii, qui ad fidem ueniunt Christi: arietes uero, beati intelligendi sunt apostoli, seu ecclesiarum ministri: canales autem aquarum, euangeliorum accipiendi sunt libri: uirgæ uero testimonia sunt ueteris testamenti, quæ euangelij contexta noscuntur. Primum autem tempus conceptionis, aut pentecostes accipiedus est dies, in qua per prædicationem apostolorum, uelut primitiui tria millia uirorum scribuntur simul concepisse diuinum sermonem: aut certe tempus accipiendum est quadragesimæ aut paschæ, in quo poenitentibus & catechumenis iuxta intelligentiæ illorum mensurâ, aut spiritaliter scripturarum testimonia proferuntur, aut certe secundum historiarum textum: utriusque uidelicet apta, ex quibus ualeant auditu concipere, & fructus bonorum operum procreare. Decorticantur enim simul uirgæ, quum scripturarum testimonia, quæ secundum historiam nequaquam stare uidentur, spiritaliter à sacerdotibus explanantur, ut de lepra parietis & pelliculæ staminis & subtegminis in Leuitico scriptum est. Quod autem pro mercede sua Iacob uarium & fuluum siue maculosum tam in ouibus quam in capris sibi dicit dari, hoc significat, quod in euangelio scribis & phariseis legitur respondisse: non ueni uocare iustos, sed peccatores in poenitentiam. Quod uero ait, Respõdebit mihi cras iustitia mea, iudicij tempus indicat: quando fidelibus redditurus est beatitudinis sempiternam mercedem, & infidelibus ac peruariatoribus poenarum illaturus est ultionem. Intellectus sacri eloquij inter textum & mysterium tanta est libratione pefandus, ut utriusque partes laute moderata, hinc neque nimis discussionis pondus deprimat, neque rursus torpor incuriæ uacuum relinquat. Multæ quippe eius sententiæ iuxta allegoriarum conceptionem sunt grauidæ, ut quisquis eas ad solam historiam tenere nititur, earum notitia per suam incuriam priuetur. Nonnulli uero ita exterioribus præceptis inserviunt, ut si qui ea subtilius penetrare uoluerint, intus quidem nihil inueniant, sed hoc sibi etiâ quod foris loquuntur, abscondant. Unde bene quoque narratione historica per significationem dicitur, Tollens Iacob uirgas populeas uirides & amygdalinas & ex platanis, ex parte decorticauit eas: & reliqua. Quid est uirgas uirides & amygdalinas & ex platanis ante oculos gregum ponere, nisi per scripturarum seriem antiquorum patrum uitas atque sententias in exemplum populis præbere? Quæ nimirum quia iuxta rationis examen rectæ sunt, uirgæ nominantur. Quibus ex parte corticem subtrahit, ut in his quæ expoliantur inrimus candor appareat: & ex parte corticem seruat, ut sicut fuerant exterius in uiriditate permaneant: uariisque uirgarum color efficitur, dum cortex ex parte subtrahitur & ex parte retinetur. Ante considerationis enim

enim nostræ oculos, præcedentiū patrum sententiæ quasi uirgæ uariæ ponuntur. In quibusdam plerūq; intellectū literæ fugimus, & quasi corticem subtrahimus: & dum plerūq; intellectū literæ sequimur, quasi corticem reſeruamus: dumq; ab ipsis cortex literæ subducitur, allegoriæ candor interior demonstratur: & dum cortex relinquitur, exterioris intelligentiæ uirentia exempla monstrantur. Quas bene Iacob in aquæ canalibus posuit, quia & redēptor noster in libris eas sacræ scientiæ, quibus nos intrinsecus infundimur, fixit. Aspicientes arietes, cū ouibus coeunt: quia rationales nostri spiritus, dum in earū intentione defixi sunt, singulis quibusq; actionib. permiscenrur: ut tales fœtus operum procreent, qualia exēpla præcedentiū in uocibus præceptorū uidēt, & diuersum colorē proles boni operis habeāt: quia & nonnunq; subtrac̃to literæ cortice, altius interna cōsiderat: & reſeruato nonnunq; historiæ tegmine, bene se in exterioribus format. Igitur quando primo tēpore alcēdebant oues, ponebat Iacob uirgas in canalibus aquarū ante oculos arietū & ouium, ut in earum cōtēplatione conciperent: usq; in eum locū ubi, mutasti mercedē meam decem uicibus.) Hoc enim quādo & quomodo factū sit, scriptura non narrat: sed utiq; factū est quod iste cōmemorat. Nam dixit & hoc uxorib. suis, quando eas uocauit in campo. Conquerēs enim de patre illarū, ait inter cætera, Et mutauit mercedē meam decem uicibus: siue decem agnorū. Intelligitur ergo per singula tempora partus ouium, quū uideret Laban tales fœtus esse natos quales placuerat ut ad Iacob pertinerēt, fraude pactū mutasse: & dixisse, ut futuro fœtu alios pecudū colores in mercede haberet Iacob. Quū autē ille uirgas uarias nō supponebat, nō nascebātur uarij, sed unius coloris, quæ Iacob ex nouo pacto auferbat. Quod quū uidisset Labā, rursum pactū fraude mutauit, ut ad Iacob uariæ pertinerēt. Tunc illarum suppositione uirgarū, uaria nascebantur. Ergo quod ait Iacob uxorib. suis, Mutauit mercedē meam decem uicibus: & postea ipsi Labā similiter: nō ita dixit, quasi prouenerit focco eius ipsa fraus: ut enim ei nō proueniret, deum sibi dixit aduersū illum adfuisse. Decem uero uices pro decem tēporibus posuit, quibus oues quas pascēbat per sexennij pepererunt: bis quippe pariebant in anno. Contigerat enim ut primo anno quo inter se pacti sunt, & ad eas pascēdas placito huius mercedis accessit, semel parerent in fine anni: quia quum accessit, iam semel pepererāt: rursusq; sexto anno, id est ultimo, quū semel peperissent, exorta necessitate profectio- nis, prius recederet, tēp iterum parerent: ac per hoc quū primus annus atq; ultimus, duos ouij partus sub illo haberent, hoc est singulos, mediū uero quatuor anni binos, fiunt omnes decē. Nec mirū quod hæc decē tēpora nomine uicissitudinū appellauit, quia iisdē temporibus nascebātur: uelut si quisq; dicat, per tot uindemias aut tot messes, quib. intelligat numerus annorū. Pecudum autē illius regionis fœcūditas, sicut Italicarū tēra fertur, ut bis in anno pariāt. Seq̃.

CA. XXXI
De reditu Iacobi in terram Chanaan VI

SURREXIT itaq; Iacob, & impositis liberis & coniugibus super camelos abiit, tulitq; omnem substantiam & greges, & quicquid in Mesopotamia

m 4 acqui-

acquisierat, pergens ad Isaac patrem suum ad terram Chanaan. Eo tempore Laban ierat ad tondendas oues, & Rachel furata est idola patris sui. Noliq; Jacob confiteri socero suo quod fugeret. Quumq; abiisset tam ipse, quam omnia quæ iuris eius erant, & amne transmenso pergeret contra montem Galaath.) Non quod eo tempore Galaath mons diceretur, sed per anticipationem, ut frequenter diximus, illo uocatur nomine quo postea nuncupandus est. Nuntiatus est Laban die tertio quod fugeret Jacob. Qui assumptis fratribus suis, persequutus est eum diebus septem, & comprehedit eum in monte Galaath, uiditq; in somnis dicentem sibi deum, Caue ne quicquam asperè loquaris contra Jacob. Iamq; Jacob extenderat in monte tabernaculū, quando ille consequutus est eum cum fratribus suis. In eodem monte fixit tentorium, & dixit ad Jacob, Quorū ignorante me fugere uoluisti, nec indicare mihi, ut prosequer te cum gaudio & canticis & tympanis & citharis? Non es passus ut profecularer filios meos & filias? Stulte operatus es. Et nunc ualet quidem manus mea reddere tibi malum: sed deus patris tui heri dixit mihi, Caue ne loquaris cum Jacob quicquam durius. Esto, ad tuos ire cupiebas, & desiderio tibi erat domus patris tui, quorū furatus es deos meos? Notandum est, quod à principio libri nunc primum inuenimus deos gentium, superioribus quippe scripturæ locis deum nominabant. Sequitur, Tulit itaq; lapidem, & erexit illum in titulum.) Diligenter enim aduertendum est, quomodo istos titulos in rei cuiusq; testimonio cōstituebant, non ut eos pro dijs colerent, sed ut in eis aliquid significaretur. Sequitur, Quem uocauit Laban, tumulus testis, & Jacob, aceruum testimonij: uterq; iuxta proprietatē linguæ suæ.) Traditur ab eis qui & Syram & Hebræam linguā nouerūt, propter proprietates suæ cuiusq; factū. Fieri enim solet, ut alia lingua non dicatur uno uerbo quod alia dicitur, & uicinitate significationis quidq; appelletur. Erat enim Labā Syrus, & antiquam linguam parentū prouinciæ in qua habitabat, sermone non mutauerat. Hoc enim medie positū est, quod utriq; conueniret: & ei qui dixerat, aceruus testimonij, & ei qui dixerat, tumulus testis. Sequitur, Intueatur dominus & iudicet inter nos, quando recesserimus à nobis, si afflixeris filias meas, & si introduxeris uxores alienas super eas. Nullus sermonis nostri testis est, absq; deo qui præsens respicit.) Quod dicit Labā, Nullus sermonis nostri testis est absq; deo, qui præsens respicit: nullus extraneorum præter testificationem dei, quem ita habere deberent, tanquā nemo cum eis esset, quem testimonio eius iungerent. Post longam igitur seruitutē quam Jacob apud socrum suum pro uxoribus uelut mercenarius sustinuit, præcepit ei dominus, ut reuerteretur in patriam suam: tunc ignorāte socero cum uxoribus & comitatu properauit. Laban autem cōsequutus est eum in montē Galaath cum furore, atq; idola quæ Rachel furata erat apud eū requisit, nec reperit. Quid igitur ipsum hoc sibi figuraliter uelit, ingramus. Dum Labā superius aliā gerat personam, nunc tamē diaboli typū figurat. Laban quippe interpretat dealbatio.

Dealbatio

Dealbatio autem diabolus non inconuenienter accipitur, qui quum sit ex merito tenebrosus, transfigurat se in angelum lucis. Huic seruiuit Iacob ex patre reproborum Iudaicus populus, ex cuius carne incarnatus dominus uenit. Po-
test etiam per Laban mūdus exprimi, qui cum furore Iacob persequitur: quia electos quosq; qui redemptoris nostri membra sunt, persequendo opprimere conatur. Huius filiam, id est, seu mundi, seu diaboli, Iacob abstulit: quū sibi Christus ecclesiam ex gentilitate coniunxit, quam & de domo patris abstraxit: quia ei per prophetam dicit, Obluiscere populū tuum, & domum patris tui. Quid uero in idolis, nisi auaritia, designatur? Vnde per Paulum dicitur, Et auaritia quæ est idolorum seruitus. Laban ergo ueniens apud Iacob, idolum non inuenit: quia ostensis mundi thesauris diabolus, in redemptore nostro uestigia concupiscentiæ terrenæ non reperit. Sed quæ Iacob non habuit, ea Rachel sedendo cooperuit. Per Rachel quippe, quæ & ouis dicitur, ecclesia figuratur. Sedere autem, est humilitatem pœnitentiæ appetere: sicut scriptum est, Surgite postquā sederitis. Rachel ergo idola sedendo cooperuit, quia sancta ecclesia Christū sequens, uitium terrenæ concupiscentiæ per humilitatem pœnitentiæ cooperuit. De hac cooperatione per prophetā Dauid dicitur, Beati quorum remissæ sunt iniquitates, & quorū tecta sunt peccata. Nos quidem Rachel illa significabat, qui idola sedendo premimus, si culpas auaritiæ pœnitendo damnamus. Quæ auaritiæ immūditia, non illos qui uiriliter currunt impedit, quibus dicitur, Viriliter agite & confortetur cor uestrum: sed hos maxime impedit, qui quasi effœminato gressu gradientes, per blandimenta sensuali resoluuntur. Vnde illic eiusdem Rachelis hæc uerba sunt, Iuxta consuetudinem fœminarum nunc accedit mihi: id est, quasi muliebria se habere innouit. Laban autē postquā persequutus esset Iacob, & inuenisset eum, & loquuti essent inter se inientes fœdus, tulit Iacob lapidem, & crexit illum in titulum. Dixitq; fratribus suis, Afferte lapides. Qui congregantes fecerunt tumulum, quem uocabat Laban, tumulus testis: & Iacob, aceruum testimoniij.) Inter fideles enim tam Iudæos quā gentes, testis est lapis eminens similitudine Christi, & aceruus lapidum, quod est turba credentium. Sequitur,

IACOB quoq; abiit itinere quo cœperat, fuerūtq; ei obuiam angeli dei. Quos quum uidisset, ait, Castra dei sunt hæc. Et appellauit nomen loci illius Manaim: id est, castra.) Castra dei quæ uidit Iacob in itinere, nulla dubitatio est quod angelorum fuerit multitudo. Ea quippe in scripturis, cœli militia nominatur, Pulchre ad fratrem iturus inimicum, angelorum se comitantium excipitur choris. Misit autem nuntios ante se ad Esau fratrem suum in regionem Edom, præcepitq; eis, dicens, Sic loquimini domino meo, Hæc dicit frater tuus Iacob, Apud Laban peregrinatus sum, & fui usque in præsentem diem. Habeo boues & asinos, oues & seruos atq; ancillas, mittoq; legationem ad dominum meum, ut inueniam gratiam in conspectu tuo. Reuersi sunt ad Iacob nuntij, dicentes, Venimus ad Esau fratrem tuum, & ecce properat in occursum

CA. XXXII
De nuntijs Iacob ad Esau
VII

occursum tuum cum quadringentis uiris. Timuit Iacob ualde, & perterritus diuisit populum qui secum erat, greges quoque & oues & boues & camelos in duas turmas.) Quæri potest quomodo habuerit fidem promissionis dei, quandoquidem dixit, Si uenerit ad turmam primam frater meus, & percussere eam, alia turma quæ reliqua est, saluabitur. Sed etiam hoc fieri potuit, ut a uerteret castra eius Esau: & tamen deus post illam afflictionem adesset, ut liberaret eum, & quæ promisit, impleret. Et admonendi sumus hoc exemplo, ut quamuis credamus in deum, faciamus tamen quæ facienda sunt ab hominibus in præsidium salutis: ne prætermittentes ea, deum tentare uideamur. Denique post hæc quæ uerba dicat idem Iacob, considerandum est. Deus, inquit, patris mei Abraham, & deus patris mei Isaac, qui dixisti mihi, Reuertere in terram tuam, & in locum natiuitatis tuæ, & bene faciam tibi: minor sum cunctis miserationibus, & ueritate quæ explesti seruo tuo: in baculo meo transiui Iordanem istum, & nunc cum duabus turmis regredior: erue me de manu fratris mei, quia ualde eum timeo, ne fortè ueniens percutiat matrem cum filiis: tu loquutus es, quod bene faceres mihi, & dilatares semen meum sicut arenam maris, quæ præ multitudine numerari non potest.) Satis in his uerbis & humana infirmitas & fides pietatis apparet. Sequitur, Quumque dormisset ibi nocte illa, separabat de his quæ habebat munera Esau fratri suo, capras CC, hircos uiginti, oues CC, arietes uiginti, camelos foetas cum pullis suis triginta, uaccas quadraginta, & tauros uiginti, asinas uiginti, & pullos eorum decem: & misit per manus seruorum suorum singulos singulos greges. Dixitque pueris suis, Antecedite me, & sit spatium inter gregem & gregem. Et præcepit priori, dicens, Si obuium habueris Esau fratrem meum, & interroga ueritatem te, cuius es? aut, quò uadis? & cuius sunt ista quæ sequeris? respondebis. Serui tui Iacob: munera misit domino meo Esau: ipse quoque post nos uenit. Similiter mandata dedit secundo ac tertio, & cunctis qui sequebantur greges, dicens, Iisdem uerbis loquimini ad Esau, quum inueneritis eum: & addetis, Ipse quoque seruus tuus, iter nostrum insequitur. Dixit enim, Placabo illum muneribus quæ præcedunt, & postea cum uidebo: forsitan propitiabitur mihi. Præcesserunt itaque munera ante eum: ipse uero mansit nocte illa in castris. Dixit enim, Placabo uultum eius, in muneribus præcedentibus eum.) Scriptor libri narrat de Iacob, Dixit enim, Placabo uultum eius. Hucusque uerba Iacob dixisse intelligitur: cætera uero sua intulisse, quod ait, In muneribus præcedentibus eum: tanquam diceret, In muneribus quæ præcedebant Iacob, placabo uultum fratris mei. Ordo enim uerborum Iacob: Placabo uultum eius, & post hæc uidebo faciem eius, forsitan enim suscipiet faciem meam: interposita autem sunt uerba scriptoris, In muneribus præcedentibus eum. Sequitur, Quumque matutè surrexisset, tulit duas uxores suas & totidem famulas cum undecim filiis, & transiuit torrentem Iaboch: transiuitque omnibus quæ ad se pertinebant, remansit solus: & ecce uir luctabatur cum eo

cum eo usque mane. Qui quum uideret, quod eum superare non posset, tetigit neruum femoris eius, & statim emarcuit. Dixitque ad eum, Dimitte me; iam enim ascendit aurora. Respondit, Non dimittam te, nisi benedixeris mihi. Ait ergo, Quod nomen est tibi? Respondit, Iacob. At ille, Nequaquam, inquit, Iacob appellabitur nomen tuum, sed Israel: quoniam si contra deum fortis fuisti, quanto magis contra homines praeualebis? Interrogauit eum Iacob, Dic mihi quo appellaris nomine? Respondit, Quir quæris nomen meum, quod est mirabile? Et benedixit eum in eodem loco. Vocauitque Iacob nomen loci illius Phanuel, dicens, Vidi dominum facie ad faciem, & salua facta est anima mea.) Sensus itaque hic est: Non uocabitur nomen tuum supplantator, hoc est Iacob: sed uocabitur princeps cum deo, hoc est Israel. Quomodo enim ego princeps sum, sic & tu qui mecum luctare potuisti princeps uocaberis. Si autem mecum qui deus sum, siue angelus (quoniam plerique uarie interpretantur) pugnare potuisti, quanto magis cum hominibus: hoc est, cum Esau, quem formidare non debes; Illud autem quod in libro nominum interpretatur, Israel, uir uidens deum, siue mens uidens deum, omnium penè sermone detritum, non tam uere quam uolenter mihi interpretatum uidetur. Quamuis igitur grandis autoritatis sint, & eloquentiæ ipsorum nos umbra opprimat, qui Israel, uirum siue mentem uidentem deum, transtulerunt: nos magis scripturæ, & angeli uel dei, qui Israel ipsum uocauit, autoritate ducimur, quam cuiuslibet eloquentiæ secularis. Hoc autem nomen illi ab angelo impositum, qui cum illo fuit in itinere de Mesopotamia redeunte luctatus, typum Christi euidentissime gerit. Nam quod ei praeualuit Iacob utique uolenti, ut mysterium figuraret, significat passionem Christi, ubi uisi sunt ei praeualere Iudæi. Et tamē benedictionem ab eodem angelo quem superauerat, impetrauit: ac sic huius nominis impositio, benedictio fuit. Interpretatur autē Israel, princeps cum deo: siue ut alij uolunt, uir uidens deum: quod erit in fine, præmium sanctorum omnium. Festigit porro illi idem angelus, ueluti praeualenti, latitudinem femoris: eumque isto modo claudum reddidit. Erat itaque unus atque idem Iacob, & benedictus, & claudus: benedictus, in eis qui in Christum ex eodem populo crediderunt, atque in infidelibus claudus, Nam femoris latitudo, est generis multitudo. Plures quippe sunt in ea stirpe, de quibus prophetice prædictum est, & claudicauerunt à semitis suis. Sequitur,

LEVANS autem Iacob oculos, uidit uenientem Esau, & cum eo quadringentos uiros: diuisitque filios Liæ & Rachel, ambanimque famularum: & posuit utramque ancillam & liberos earum in principio, Liam uero & filios eius in secundo loco, Rachel autem & Ioseph nouissimos: & ipse progrediens adorauit pronus in terra septies, donec appropinquaret frater eius. Currens itaque obuiam Esau fratri suo, amplexatus est eum, stringensque collum & osculans, fleuit: leuatisque oculis uidit mulieres & liberos eorum, & ait, Quid sibi uolunt isti, & si ad te pertinent? Respondit, Paruuli sunt, quos donauit mihi deus

ad mensuram
Ca. XXXIII
De congressu
Iacob & Esau
VIII

deus seruo tuo. Et appropinquantibus ancillæ & filij earum, incuruati sunt. Accessit quoque Lia cum filiis suis, & similiter adorauerunt. Extremi Ioseph & Rachel adorauerunt. Dixitque Esau, Quæ nam sunt istæ turmæ quas obuiam habui? Respondit, Vt inuenirem gratiam coram domino meo. Et ille ait, Habeo plurima frater mi, sint tua tibi. Dixitque Iacob, Noli ita facere, obsecro: sed si inueni gratiam in oculis tuis, accipe munusculum de manu mea. Sic enim uidi faciem tuam, quasi uiderem uultum angeli dei, siue uultum dei.) Quid sibi uult quod Iacob ait fratri suo, Propter hoc uidi faciem tuam, quæadmodum quum uidet aliquis faciem dei: utrum pauētis & perturbati animi uerba usque in hanc adulationem proruperunt: an secundum aliquem intellectum sine peccato dicta accipi possunt? Fortassis enim quia dicti sunt & gentium dii, quæ sunt dæmonia, non præiudicetur ex his uerbis homini dei. Non enim dixit, Quemadmodum si uiderem faciem dei: sed, Quum uidet aliquis. Ipse autem aliquis quem significare possit, incertum est. Atque ita fortasse temperata sunt uerba, ut & ipse Esau sibi delatum tantum honorem grate acciperet: & qui hæc etiam aliter intelligeret, eum à quo dicta sunt nullo crimine impietatis argueret: quod sibi benigno animo dicta hæc uerba fraterna sunt, quoniam & post bonam susceptionem, metus ipse transierat. Potuit & sic dici quemadmodum & Moyses Pharaoni deus dictus est, secundum quod dicit Apostolus, Et si sunt qui dicuntur dii, siue in cælo, siue in terra, quemadmodum sunt dii multi & domini multi, maxime quia sine articulo in Græco dictum est, quo articulo euidentissime solet ueri dei unius fieri significatio. Non enim dixit, *θεῶν ὡς τοῦ θεοῦ*: sed dixit, *θεῶν ὡς τοῦ θεοῦ*. Facile autem hoc intelligunt quæ diuinitas dicatur, qui Græcum eloquium audire atque intelligere solent. Sequitur, Ait Esau ad Iacob, Gradiamur simul, & ero socius itineris tui. Dixit Iacob, Nosti domine mi, quod paruulos habeam teneros, & oues ac boues scætas mecum, quas si plus in ambulando fecero laborare, moriuntur una die cum æti greges. Præcedat dominus meus ante seruum suum, & ego sequar paulatim uestigia eius, sicut uidero posse paruulos meos, donec ueniam ad domum meum in Seir.) Hoc enim sicut scriptura diuina narrat, Iacob non fecit, ut ad Esau perueniret in Seir: sed eo perrexit itinere, quo dirigebat ad suos. An forte ueraci animo promiserat, sed aliud postea cogitando elegit. Sequitur, Et Iacob uenit in Sochoth, ubi ædificata domo, & fixis tentorijs, appellauit nomen loci illius Sochoth, id est tabernacula: transiuitque Salem urbem Syclimorum, quæ est in terra Chanaan, postquam reuersus est de Mesopotamia Syriæ, & habitauit iuxta oppidum, emitteque partem agri, in quo fixi tabernacula, à filiis Emor patris Sichem, centum agnis: & erecto ibi altari inuocauit super illud fortissimum deum Israel.) Est autem usque hodie ciuitas trans Iordanem hoc uocabulo, id est Sochoth, inter partes Scythopoleos. Et uenit Iacob Salem, ciuitatem Sichem, in terra Chanaan, quum uenisset de Mesopotamia Syriæ. Error oboritur quomodo Salem, Sichem ciuitas appelletur, quum

De aduentu Iacob in Sochoth

1X

fieri

Hierusalem in qua regnauit Melchisedech, Salem ante sit dicta. Aut enim unius nominis urbs utraque est, quod etiam de pluribus Iudee locis possumus inuenire, ut idem urbis & loci nomen in alia atque alia tribu sit: aut certe istam Salem, quae nunc pro Sichem nominatur, dicimus hic interpretari Consummatam, atque perfectam: & illam quae postea Hierusalem dicta est, pacificam, nostro sermone transferri. Vtrumque enim accentu paululum declinato hoc uocabulum sonat. Sequitur,

C. XXXIII
De stupro
Dinae X

EGRESSA est autem Dina filia Lia, ut uideret mulieres regionis illius. Quam quum uidisset Sichem filius Emor Ethei princeps terrae illius, adamauit, rapuit, & dormiuit cum illa, ui opprimens uirginē, & conglutinata est anima eius cum ea, tristēque blanditijs delinuiuit: & pergens ad patrem suum ait, Accipe mihi puellam hanc coniugem.) Si iam cum illa dormierat, eamque humiliauerat, quomodo postea uirginē uocat: nisi forte uirgo nomen ætatis est secundum Hebraeorum eloquium: an potius per recapitulationem postea commemoratur, quod primo factū est: Prius enim potuit intendere animę ipsius & adamare uirginem, & loqui secundum sensum uirginis: & deinde cum illa dormire, eamque humiliare. Dina quippe ut mulieres uideat extraneae regionis egreditur, quādo unaquaeque mens sua studia negligens, actiones alienas curans, extra habitum atque extra ordinē proprium euagatur. Quam Sichem princeps terrae uidit & adamauit: quia uidelicet inuentā in curis exterioribus, diabolus corrumpit: & adglutinata est anima eius cum ea, quia unitā sibi per iniquitatem efficit. Et quia quum mens peccare se cōspicit, admissum flere conatur: corrupta autem spes ac securitates uacuas ante oculos uocat, quatinus utilitatem tristitiæ subtrahat: recte illic adiungitur, Tristēque blanditijs delinuiuit. Modo enim aliorum facta grauiora, modo nihil esse quod perpetratum est, modo misericordem deum loquitur, modo tempus adhuc subsequens ad penitentiam pollicetur: ut dum per hoc decepta mens ducitur, ab intentione penitentiae suspendatur: quatenus tunc bona nulla suscipiat, quam nunc mala nulla cōtristat: & tunc plenius obsidatur supplicijs, quae nunc gaudet etiam in delictis. Sequitur. Et ecce die tertio quando grauissimus est dolor uulnerrum, arreptis duo Iacob filij, Simeon & Leui fratres Dinae, gladijs ingressi sunt confidenter: interfectisque omnibus masculis, Emor & Sichem patiter ne cauerunt, tollentes Dinam de domo Sichem sororem suam. Quibus egressis introierunt super occisos ceteri filij Iacob, & depopulati sunt urbem in ultionem stupri fororis suae.) Apparet ergo his uerbis, non transeūter sicut uiator solet, illic mansisse Iacob: sed agrum emisit, tabernaculum constituisse, aram instruxisse: ac per hoc diutius in Sichem mansisse, quae alio nomine dicitur Salem, quae est in terra Chanaan. Filiam uero eius quā in eam uenisset ætatem, ut amicas habere iam posset, uidere uoluisse filias ciuium loci, atque ita factam esse pro illa cruentissimam cadem & depredationem, quae iam ut puto, quæstionem non habet. Multitudo enim non parua fuit, quia plurimum ditatus

n erat.

erat. Sed filij eius in hoc facto nominantur, quia eiusdem facti principes atq; autores fuerunt. Sequitur,

CA. XXXV

INTEREA loquutus est deus ad Iacob, Surge, & ascende Bethel, & habitabis ibi: facq; altare deo, qui apparuit tibi, quando fugiebas fratrem tuum. Quare non dixit, Et fac ibi altare mihi, qui apparui tibi: sed deus dicit, Fac ibi aram deo qui apparuit tibi? Vtrū filius ibi apparuit, & deus pater hoc dicit? an in aliquo genere loquutionis adnumerandum, sicut est illud, Pluit dominus à domino? Sequitur, Ait, Abijcite deos alienos, qui in medio uestri sunt, & mundamini, & mutate uestimenta uestra. Surgite, & ascēdamus in Bethel, & faciamus ibi altare domino, qui exaudivit me in die tribulationis meæ, & fuit socius itineris mei. Dederunt ergo ei omnes deos alienos quos habebāt, & in aures quæ erāt in auribus eorum. Ac ille infodit ea subter terebinthū, quæ est post urbē Sichem. Quæritur quare in aures, quæ ornamenta erant, & ad idololatriam nō pertinebant, nisi quia intelligendū est, phylacteria fuisse demoniorum? Nam Rebecca à seruo Abrahæ in aures accepisse, scriptura testatur. Quod non fieret, si ei in aures ornamenti gratia non licerent. Ergo illæ in aures, quæ cum idolis datæ sunt, ut dictum est, idolorū phylacteria fuerunt. Sequitur, Quumq; profecti essent, terror domini inuasit omnes circa regiones, & non sunt ausi persequi recedētes. Incipiamus advertere, quomodo deus operetur in mentibus hominū. A quo enim timor dei factus est in illis ciuitatibus, nisi ab illō qui sua promissa in Iacob filiisq; eius tuebatur? Sequit̃, Venit igitur Iacob Luzam, quæ est in tetra Chanaan, cognomēto Bethel, ipse & omnis populus cum illo. Adificauitq; ibi altare, & appellauit nomen loci, domus dei: ibi enim apparuit ei deus, quum fugeret fratrem suum. Ecce manifestissime comprobatur Bethel, non Vlamau, ut Septuaginta interpretes dixerunt, sed Luzam, id est Attygdalum, ante uocitatum. Nec mirū debet uideri. Multis enim locis hoc accidit, & in ciuitatibus, & in fluminibus, & in quibuscq; terrarum locis, ut ex alijs atq; alijs causis uel adderentur uel mutarentur uocabula, sicut & hominibus. Sequitur, Eodē tempore mortua est Debbora nutritrix Rebecca, & sepulta ad radices Bethel subter quercū. Vocatumq; est nomen loci illius, quercus fletus. Debbora enim typum gerebat Mosaiq; legis, quæ ut apes mella diuinæ cognitionis & cultus populis præbuit, quæ ob hoc etiam domini nutricula fuit: quia ut Apostolus ait, Natus ex muliere, factus est sub lege. Umbra igitur & imagines legis tūc mortuæ atq; sepultæ noscuntur, quando dominus in passione sua legitur exclamasse, Consummatum est. Quercus uero sub qua Debbora sepulta esse pronuntiatur, crux intelligenda est domini: quæ ob hoc quercus est appellata fletus, quia in ea suspensa est uita, quæ Iudæis incredulis perpetuū intulit luctū. Sequitur, Apparuit autem iterū deus Iacob postq; reuersus est de Mesopotamia Syria, benedixitq; ei, dicens, Non uocaberis ultra Iacob, sed Israel erit nomen tuū. Et appellauit eū Israel. Dudum nequaquam ei ab angelo nomen imponitur, sed quod imponendum

De morte
Debbora XI

nendum à deo sit prædicitur. Quod igitur futurum ibi promittitur, hic docetur expletum. Hoc ergo ei dicit iterum deus in benedictione, quæ repetitio confirmat magnū promissum in hoc nomine. Nam hoc mirum est. Quibus enim semel dictum est, amplius eos non uocari quod uocabantur, sed quod eis nomen nouū imponebatur, omnino amplius aliquid non uocatos, nisi quod eis impositum sit: istum autem per totam uitam suam appellatum esse Iacob, cui semel deus dixerat, Non iam uocaberis Iacob, sed Israel erit nomē tuū. Nimirum ergo nomen hoc ad illam recte intelligitur pertinere promissionē, ubi sic uidebitur deus quomodo non est antea patribus uisus. Ibi enim non erit nomen uetus, quia nihil remanebit uel in ipso corpore uetustatis, & dei uisio sumum erit præmiū. Sequitur, Ego deus omnipotēs: crescere & multiplicare gentes & populi nationū erunt ex te, reges de lumbis tuis egrediētur. Vtrum gentes secundum carnem, congregationes autem gentium secundū fidem: an utrūq; propter fidem gentium dictum est. Sed gentes appellari nō possunt, una gens Israel secundum carnem. Sequitur, Ille uero erexit titulū lapideum in loco quo loquutus fuerat ei deus, libans super eum libamina, & effundens oleum, uocansq; nomen loci Bethel. Iterum factū est hoc loco quod factum fuerat, an iterum commemoratū est: Sed quodlibet horum sit, super lapidem libauit Iacob, non lapidi libauit: non sicut idololatæ solent, aras ante lapides constituere, & tanquam dñs libare lapidibus. Sequitur, Egressus autē inde, uenit uerno tempore ad terrā quæ ducit Efrata. In qua quum parturiret Rachel, ob difficultatem partus periclitari cœpit. Dixitq; ei obstetrix, Noli time re: quia & hunc habebis filium. Egrediēte autem anima præ dolore, & imminente iam morte uocauit nomē filij sui Benoni, id est, filius doloris mei. Pater uero appellauit eum Beniamin, id est, filius dextræ. Mortua est ergo Rachel, & sepulta in uia, quæ ducit Efrata, hæc est Bethlehem, erexitq; titulum super sepulchrum eius. Efrata uero & Bethlehem unius urbis uocabulum est, sub interpretatione consimili. Siquidem in frugiferam & in domū panis uertitur, propter eum panē qui de cœlo ibi descēdisse legitur. Sed quid sibi uult, quod quā eundē Beniamin Rachel pareret, uocauit nomen eius, filius doloris mei: nisi futurū prophetans ex eius tribu Paulum, qui affligeret filios ecclesiæ persequutionis suæ tempore? Siue aliter per Beniamin terrestris figurabat Hierusalem, quæ est in tribu eiusdem Beniamin, cuius populus graui matrem dolore affecit, effundendo sanguinem prophetarū, insuper etiam in necem Christi impijs acclamando uocibus, sanguis eius super nos & super filios nostros. Sequitur, Egressus inde, fixit tabernaculum trans torrentem gregis. Quod alia translatio dicit, Trans torrentem Hader. Hunc locum esse Hebræi uolunt, ubi postea templum ædificatū est: & turrim Hader, turrim gregis significari: hoc est, congregationis & cœtus: quod Micheas propheta testatur, dicens, Et tu turris gregis filia Sion, & cætera. illoq; tempore Iacob trans locū ubi postea templum ædificatū est, habuisse tentoria. Sed sequamur ordinem. Via pa-

De morte Ra
chel XII

De concubitu
Ruben cū Ba-
la XIII

Catalogus fi-
liorum Iacob
XIII

storum iuxta Bethlehem locus est, ubi uel angelorū grex in ortu domini cecidit, uel Iacob pecora sua pavit, loco nomen imponens: uel quod uerius est, uaticinio futurum iam tunc mysterium monstrabatur. Sequitur, Quomōq; habitaret in illa regione, abiit Ruben, & dormiuit cum Bala cōcubina patris sui, quod illum minime latuit. Ruben concupiscentia motus libidinis, in concubina patris sui praeceps efferbuit. Quod in cæsti crimen non scriberetur, nisi futura perueritas Israelitici populi prænuntiaretur. Quanquā & in illo qui hoc commisit, consideretur esse flagitium, in scripturis tamē est prophetia futurorum. Namq; per Ruben primogenitū, populus primogenitus Israel ex circūcisione significatur. Qui thorum concubinae polluit: id est, legem ueteris testamenti saepe prauaricando commaculauit. Quod autem in concubina lex ueteris testamenti ponatur, Paulus apostolus docuit, dicens, Abraham duos filios habuit, unum de ancilla, & unum de libera: hæc autē sunt duo testamenta: & cætera. In quo Agar quæ concubina fuit, ueteris testamenti ponitur typus: una est enim perfecta colūba genitricis suæ, quæ uirgo casta regina & sponsa Christi ecclesia per euangelium iungitur. Sequitur, Erant autem filij Iacob duodecim. Filij Liæ: primogenitus Ruben, & Simeon, & Leui, & Iudas, & Issachar, & Zabulon. Filij Rachel: Ioseph, & Benjamin. Filij Balæ ancillæ Rachelis: Dan, & Neptalim. Filij Zelfæ ancillæ Liæ: Gad, & Aser. Hi filij Iacob, qui nati sunt ei in Mesopotamia. Quomodo XII filij Israel computatūtur qui nati sunt, & dicitur, Hi sunt filij Israel, qui nati sunt ei in Mesopotamia: quum Benjamin longe postea natus sit, quum iam transisset Bethel, & appropinquaret Bethlehem? Hinc frustra quidam conātes istam soluere quæstionē dixerunt, non legendum, Nati sunt: sicut Latini pleriq; codices habent: sed, Facti sunt: Græce enim scriptū est, ἐγένοντο. Ita uolentes intelligi, etiam Benjamin quāuis ibi natus non fuerit, ibi factum tamen: quia iam fuerat in utero seminatus, ut prægnans inde Rachel exiisse credatur. Hoc aurem modo etiam si, Nati sunt, legeretur, possent dicere iam in utero natus erat, quia cōceptus erat: sicut & de sancta Maria dictum est ad Ioseph, Quod enim in ea natū est, de spiritu sancto est. Sed aliud est quod impedit hanc solutionē quæstionis huius: quia si iam Benjamin ibi conceptus erat, qui filij Iacob grandes inde exierant, uix annorum XII esse poterant. Viginti namq; annos illic expleuit, quorum primis VII, sine coniugio fuit, donec seruiēdo adipisceretur. Vt ergo primo anno quo duxit uxorem, ei filius nasceretur, XII annorum esse poterat primitiuus, quum inde profectus est. Proinde si iam conceptus fuerat Benjamin, intra X menses omnis illa uia peracta est, & quicquid in itinere adscriptum est. Vnde sequitur, ut filij eius tam paruuli, pro sorore sua Dina tantam stragem fecerint, tot homines trucidauerint, ita expugnaverint ciuitatem: in quibus Simeon & Leui, qui primi gladijs accincti intrauerunt ad illos, hominesq; peremerunt, unus undecim, alius autem decem annorum fuisse reperiatur: etiā si per annos singulos sine intermissione illa pepererat: quod utiq; incredibile est, ab illius

illius ætatis pueris, illa omnia fieri potuisse: quando & ipsa Dina uix adhuc sex annorum fuit. Proinde aliter soluenda quæstio est, ut ideo intelligatur dictum esse, cōmemoratis XII filijs, Hi sunt filij Iacob, qui nati sunt ei in Mesopotamia Syriæ: quia inter omnes, qui tam multi erant, unus tantum erat non ibi natus. Qui tamen inde habuit nascendi causam, quod ibi mater eius patri copulata est. Sed solutio ista quæstionis, aliquo exemplo loquutionis similis firmanda est. Nulla tamen facilius est solutio quæstionis huius, quàm ut per synecdochen accipiatur. Vbi enim pars maior est, aut potior, solet eius nomine etiam illud comprehēdi, quod ad ipsum nomen pertinet: sicut ad XII apostolos iam non pertinebat Iudas, qui etiam mortuus fuit, quū dominus resurrexit à mortuis: & tamen ipsius duodenarij numeri nomen. Apostolus in epistola sua tenuit, ubi ait, Quum apparuisset illis duodecim. Cum articulo enim hoc Græci codices habent, ut non possent intelligi quicunq; XII: sed illi, in eo numero insignes. Eo modo loquutionis puto & illud à domino dictū, Nonne ego uos duodecim elegi, & unus ex uobis diabolus est: ut non ad electionem ipse pertinere uideretur. Sic quia aptior erat numerus XII filiorum Iacob, qui nati fuerant in Mesopotamia, ipsorum cōmemoratione scriptura cōplexa est etiam Beniamin, qui non erat ibi natus, & dictum est, Hi filij Iacob qui nati sunt ei in Mesopotamia Syriæ. Sequitur,

HÆ SVNT autem generationes Esau: ipse est Edom. Esau accepit uxores de filiabus Chanaan: Ada, filiam Elom Ethæi: & Olibama, filiā Manæ filij Efebon Euzi: Basemath quoq; filiam Ismahel, sororem Nabaioth. peperit autem Ada, Eliphaz: Basemath genuit Raguel: Olibama addidit Heius, & Elom, & Chore. Hi filij Esau, qui nati sunt ei in terra Chanaan.) Quod post narrationē mortis Isaac, narratur quas uxores acceperit Esau, & qui ei filij nati sint, recapitulatio intelligēda est. Neq; enim post mortem Isaac fieri cepit, quum iam essent Esau & Iacob CXX annorum. Nam eos sexagenarius suscepit, & per omnes annos uitę suę CLXXXV. Iste est Eliphaz, cuius scriptura in Iob uolumine recordatur. Sequitur, Tulit autem Esau uxores suas, & filios & filias, & omnem animā domus suę, & substantiam, & pecora, & cuncta quę habere poterat in terra Chanaan, & abiit in alterā regionem, recessitq; à fratre suo Iacob. Diuitem enim erant ualde, & simul habitare non poterāt, nec sustinebat eos terra peregrinationis eorum prę multitudinem gregum. Habitauitq; Esau in monte Seir, ipse est Edom.) Esau & Edom & Seir, unius nomen est hominis: & quare uarie nuncupetur, supra dictū est. Sed quæstio est, quomodo scriptura dicat, post mortem Isaac patris sui, Esau abscessisse de terra Chanaan, & habitasse in monte Seir: quum ueniēte de Mesopotamia Iacob fratre eius, legat quod iam illic habitabat. Proinde quid fieri poterit, ut scriptura falli, uel fallere non credatur: in promptu est cogitare, quod scilicet Esau postea quàm in Mesopotamiam frater eius abscessit, noluit habitare cum parentibus suis: siue ex illa cōmotione, qua dolebat se benedictione fraudatum,

Ca. XXXVI
De generatio
nibus Esau
XV

De regibus
Edom XVII

sive alia aliqua causa, uel uxorū suarum quas odiosas uidebat esse parētibūs uel qualibet alia, & coeperat habitare in monte Seir: deinde post reditū Iacob fratris sui, facta inter eos cōcordia, reuersus est & ipse ad parentes: & quū mortuum patrem simul sepelissent, quia eos plurimum ditatos terra illa, sicut scriptum est, minime capiebat, abscessit rursus in Seir, & ibi propagauit gentem Idumeorū. Sequitur. Reges autem qui regnauerunt in terra Edom, anteq̃ haberent regem filij Israel, fuerunt hi: Bahale filius Beor, nomenq̃ urbis eius Denaba. Mortuus est autem Bahale, & regnauit pro eo Iobab filius Zaræ de Bosra.) Hunc quidam suspicantur esse Iob, ut in fine uoluminis ipsius additum est. Contrā Hebræi de Nachor eum stirpe generatū affirmant, ut iam supra dictum est. Quod aut scriptum est, Hi reges qui regnauerunt in Edom antequā regnaret rex in Israel, non sic accipiendum est, tanquā omnes reges nominati sint, usq̃ ad ea tempora quib. coeperunt reges Israel, quorū primus fuit Saul. Multi enim fuerunt in Edom usq̃ ad tempora Saul, sub tēporibus etiam iudicium, quorum tempora fuerunt ante reges. Sed ex his multis, eos solos potuit commemorare Moyses, qui fuerunt anteq̃ ipse moreretur. Nec mirum est, quod numerantibus ab Abraham per Esau patrem gentis Idumeorum, atque per Raguel filium Esau, & Zara filium Raguel, & Iobab filium Zaræ, cui Iobab successit in regnū Balach, qui primus in terra Edom rex fuisse commemoratur, usq̃ ad ultimum regem quem potuit nominare Moyses plures generationes inueniuntur, quā numerantur ab Abraham per Iacob usq̃ ad Moysen. Nam illic inueniuntur fere undecim, hic autē usq̃ ad Moysen ferme septem. Fieri enim potuit, ut ideo ibi plures nominarentur, quia citius moriendo plures alter alteri successerunt. Sic etiam contigit, ut alium ordinem sequens Matthæus, ab Abrahā usq̃ ad Ioseph quadragintaduas generationes numeret: Lucas autem in ordine alio numerās generationes, non per Salomonē sicut ille, sed per Nathan, ab Abraham usq̃ ad Ioseph quinquagintaquinq̃ commemoret. In illo quippe ordine ubi plures numerātur, citius mortui sunt, quā hic, ubi pauciores. Ne fortē autem moueat aliquem, quod inter reges Edom commemoratur Balach filius Beor, & de similitudine nominis existimet illum esse Balaach qui restitit Moysi ducenti populum Israel: sciat illum Balaach Moabiten fuisse, non Idumcū: fuisseq̃ filium Seiphor, non filium Beor: fuisse etiā ibi tunc filium Beor, Balaam, non Balaach: quem Balaam conduxerat idem Balaach, ad maledicendū populum Israel.

C. XXXXVII
De odio fratru
in Ioseph
XVII

IOSEPH quum sexdecim esset annorū, pascebat gregem cum fratribus suis, adhuc puer, & erat cum filijs Balæ, & Zelphæ, uxorū patris sui: accusauitq̃ fratres suos apud patrem, crimine pessimo. Israel autē diligebat Ioseph super omnes filios suos, eo quod in senectute genuisset eū, fecitq̃ ei tunicā polymitam. Videntes autē fratres eius, quod à patre plus cunctis fratribus amaretur, oderant eum, nec poterant ei quicquam pacifice loqui.) Si sextodecimo anno Ioseph in Ægyptum est uenditus, ante XIII annos q̃ moreretur auis eius

eius uenditus inuenitur: XVI enim annorum esse non potuit, nisi ante XIII an-
 nos mortis Isaac, CVII anno uitæ patris sui Iacob. His enim quā adiecerimus
 XXIII, quibus Ioseph usq; ad aduentum patris sui fuit in Ægypto, fient anni
 ætatis Ioseph XXXIX, & Iacob CXXX, & nulla erit quæstio. Sed quoniam
 scriptura post mortē Isaac ista narrauit, putatur Ioseph post eiusdē patris sui
 mortem XVI annorū fuisse. Quapropter intelligamus de uita Isaac tanquam
 multum decrepiti senis tacuisse scripturam, quum de Iacob & eius filijs loque-
 retur. Viuo tamen Isaac, XVI annorum esse cœpit Ioseph. Accidit quoq; ut
 uisum somnium referret fratribus suis, quæ causa maioris odij seminariū fuit.
 Dixitq; ad eos, Audite somniū meum, quod uidi. Putabam nos manipulos
 ligare in agro, & quasi confulgere manipulum meum, & stare, uestrosq; ma-
 nipulos circumstantes adorare manipulum meum. Responderunt ei fratres
 eius. Nunqd rex noster eris, aut subiiciemur ditioni tuæ? Hęc ergo causa som-
 niorum atq; sermonum, inuidiæ & odij fomitem ministravit. Aliud quoq; ui-
 dit somnium, quod narrās fratribus, ait, Vidi per somnium, quasi solem & lu-
 nam & stellas undecim adorare me. Quod cū patri suo & fratribus retulisset,
 increpauit eum pater, & dixit, Quid sibi uult hoc somniū, quod uidisti? Num
 ego & mater tua & fratres tui adorabimus te super terram? Inuidebāt igitur
 ei fratres sui, pater uero rem tacitus cōsiderabat. Quod dicit Iacob ad Ioseph
 Quod est somnium hoc quod somniasti? nunquid ueniētes ueniemus, ego &
 mater tua & fratres tui adorare te super terrā? nisi in aliquo mysterio dictum
 accipiat, quomodo intelligit de matre Ioseph, quæ iam erat mortua? Vnde
 nec in Ægypto quum sublimaretur putādum est hoc esse completū: quia nec
 pater eum adorauit, quando ad eum uenit in Ægyptū, nec mater olim defun-
 cta potuit. In Christi ergo persona facile intelligi potest etiam de mortuis, se-
 cundum quod dicit Apostolus, Quia donauit ei nomē, quod est super omne
 nomen, ut in nomine Iesu omne genu flectatur, cœlestium, terrestriū, & infer-
 norum. Sequit, Perrexit ergo Ioseph post fratres suos, & inuenit eos in Do-
 thaim. Qui quum uidissent eum procul antequam accederet ad eos, cogitaue-
 runt eum occidere, & mutuo loquebantur, Ecce somniator uenit, uenite, occi-
 damus eum, & mittamus in cisternam ueterem, dicemusq; fera pessima de-
 uorauit eum: & tunc apparebit, quid illi prosint somnia sua. Audiens autem
 hoc Ruben, nitebatur liberare eum de manibus eorum, & dicebat, Non in-
 terficiamus animam eius, nec effundamus eius sanguinem, sed proijcite eum
 in cisternam hanc, quæ est in solitudine, manusq; uestras seruate innoxias.
 Hoc autem dicebat, uolens eripere eum de manibus eorum, & reddere pa-
 tri suo. Confestim igitur ut peruenit ad fratres suos, nudaucrunt eum tuni-
 ca talari & polymita, miseruntq; in cisternam quæ non habebat aquam. Et
 sedentes, ut comederent panem, uiderunt Ismahelitas uenire de Galaath, &
 camelos eorum portantes aromata, & resinam, & stacten in Ægyptum. Di-
 xit ergo Iudas fratribus suis, Quid nobis prodest, si occiderimus fratrem no-

De somnijs Io-
 seph & uenditio-
 ne XVIII

strum, & celauerimus sanguinem illius: Melius est, ut uenūdetur Ismahelitis, & manus nostræ non polluat: frater enim & caro nostra est. Acquieuerunt fratres sermonibus eius, & prætereuntibus Madianitis negotiatoribus, extrahentes eum de cisterna, uendiderūt Ismahelitis triginta argenteis.) Quæritur quare Ismahelitas scriptura, quibus à fratribus uenditus est Ioseph, etiā Madianitas uocet: quum Ismahel sit de Agar filius Abraham, Madianitæ uero de Cethura: An quia scriptura dixerat de Abraham, quod munera dederit filiis concubinarum suarum Agar scilicet, & Cethura, & dimiserit eos ab Isaac filio suo in terram orientis, unam gentem fecisse intelligēdi sunt: Sequitur, Qui duxerunt eum in Ægyptum. Reuersusq̃ Ruben ad cisternā non inuenit puerum, & scissis uestibus pergens ad fratres, ait, Puer non comparet, & ego quō ibo: Tulerunt autem tunicam eius, & in sanguine hœdi quem occiderant, tinxerunt, mittētes qui ferret ad patrem, & diceret, Hanc inuenimus: uide utrum tunica filij tui sit, an non? Quam quum cognouisset pater eius, ait, Tunica filij mei est, sera pessima comedit eum, bestia deuorauit Ioseph. Scissisq̃ uestibus indutus est cilicio, lugens filium multo tempore. Congregatis autem liberis eius, ut lenirent dolorem patris, noluit consolationem recipere: sed ait, Descendam ad filium meum lugens in infernū.) Solet esse magna quæstio quomodo intelligatur esse infernum: utrum illic mali tantum, an etiam boni, mortui descendere soleant. Si ergo tantum mali, quomodo iste ad filium suum se dicit, lugendo uelle descendere? Non enim in pœnis inferni, cum esse credebatur, sed perturbati & dolentis uerba sunt, mala sua etiam hinc exaggerantis. Sequitur, Madianitæ uero uēdiderunt Ioseph in Ægyptum Putiphari eunuchō Pharaonis, magistro militiæ.) Quæritur quomodo postea isdem Eunuchus uxorem habere dicatur. Tradunt Hebræi emptū ab hoc Ioseph, ob nimiam pulchritudinem in turpe ministerium, & à domino uirilibus arefactus postea electum esse, iuxta morem Hierophantarū, in pontificatum Heliopolcos: & huius filiam esse Asenez, quam postea Ioseph uxorem acceperit. Ioseph unus ex XII filiis Iacob, quem pater præ cæteris filiis dilexit, Christū dominum figurauit: quem deus pater, secundū carnem natum, cæteris fratribus ex Abraham stirpe genitis prætulit. Vnde & ibi dicitur, Amabat eum Iacob, eo quod in senectute genuisset eum. Senescere enim mūdo, illucescere dei filius per Mariæ uirginis partum, serus aduenit, tanquā filius senectutis, secundum sacramentum suscepti corporis, qui erat ante per substantiam deitatis semper cum patre. Tunica uero polymita, quam fecit ei pater, uarietatem populorum ex omnibus gentibus in corpore Christi congregatam significauit. Somnium uero illud, per quod fratrum manipuli adorauerunt manipulum eius, illud est quod in Christo completū est, Adorabūt eum omnes reges terræ, omnes gentes seruiunt ei: scilicet per fidem, fructū bonorū operum afferentes. Ipse est, quem sol & luna adorant, & stellæ, de quo sole dictū est, Laudate eum sol & luna, laudate eum omnes stellæ. Ipsum enim excellētia sanctorū in solis

solis nomine, & ecclesie claritas sub imagine lunæ & omnium populorū numerositas in figura stellarū adorant. Vnde pater suus increpauit eum, dicens, Nunquid ego & mater tua & fratres tui adorabimus te? Obiurgatio ista patris, duritiā populi Israel significat: pro eo quod ex se natum Christum esse cognoscunt, & adorare contēnunt. Iacob mittit Ioseph filium suum, ut de fratribus sollicitudinem gereret: & deus pater misit filium suum unigenitū, ut genus humanū peccatis laquidum uisitare. Mittitur ab illo utiq; patre, de quo scriptum est, Misit deus filium suum in similitudine carnis peccati, ut uideret si recte ageretur oues. Et dominus ait in euāgelio, Non ueni, nisi ad oues perditas domus Israel. Inuenit ergo Ioseph fratres suos in Dotaim. Dotaim interpretatur, defectio. Vere in grandi defectione erant, qui de patricidio fratris cogitabant. Quomq; uidissent Ioseph fratres sui procul, occidere eum cogitauerunt: & Iudæi uidentes uerum Ioseph, dominum Iesum Christum, ut eum crucifigerent, unum omnes cōsiliū statuerunt, dicentes, Crucifige eum. Fera pessima deuorauit eum; id est, plebs Iudaica interfecit eum: de qua dominus in euāgelio dicit, Ecce ego mitto uos, sicut oues in medio luporum. Nudaauerunt Ioseph fratres sui tunica polymita & talari, & Iudæi Christum per mortē crucis expoliauerūt tunicam corporalem. Polymitam autem, id est, decoratam omnium uirtutum diuersitate. Respaserūt autem tunicam hædi sanguine, quia falsis eum testimonijs accusantes, in inuidiā deduxere populi, peccata donantem omnium. Mittitur dehinc in infernū, id est, in lacum: & Christus expoliatus carne humana descendit in infernum. De cisterna quoq; leuatus ille Ismahelitis, id est, gentilibus uenditur: & Christus postquā de inferno egreditur, ab omnibus gentibus fidei cōmercio comparatur. Ille per Iudæ cōsiliū, triginta argenteis distrahitur: & hic Christus per cōsiliū Iudæ Scariotis eodem numero uenundatus est. Dehinc Iacob posteritatis suæ deplorans dispēdia, quasi pater lugebat filium amissum, quasi propheta flebat interitum Iudæorum. Deniq; scidit uestimētum suum, quod in passione legimus factum à principe sacerdotū: sed & uelum templi scissum est: ut propheta & nudatum suum populum, & diuisum ostenderet regnum.

EO TEMPORE descendens Iudas à fratribus suis diuertit ad uirum Odollamitem nomine Hiram, uiditq; ibi filiam hominis Chananæi uocabulo Sue, & uxore accepta ingressus est ad eam. Quæ concepit & peperit filium, uocauitq; nomen eius Her. Rursus concepto foetu, natum filium nominauit Onan. Tertium quoq; peperit, quem appellauit Sela. Quo nato, parere ultra cessauit. Dedit autem Iudas uxorem primogenito suo Her, nomine Thamar. Fuitq; Her primogenitus Iudæ nequam in cōspectu domini, & ab eo occisus est. Dixit ergo Iudas ad Onan filium suum, Ingredere ad uxorem fratris tui, ut suscites semen fratri tuo. Ille sciens non sibi nasci filios, introiens ad uxorem fratris sui, semen fundebat in terram, ne liberi fratris nomine nascerentur. Et idcirco percussit eum dominus, quod rem detestabilem fecisset.

Quam

CAPVT

XXXVIII

De uxore &
liberis Iudæ

XIX

Quamobrem dixit Iudas nurui suę, Esto uidua in domo patris tui, donec cre-
 scat Sela filius meus. Timebat enim ne & ipse moreretur, sicut fratres eius.)
 Queritur quomodo ista fieri potuerint. Si enim postea quā Ioseph deue-
 nit in Ægyptum, quomodo intra uiginti ferme & tres annos: nam post tan-
 tum temporis colligitur eos uenisse ad eūdem Ioseph fratrem suum in Ægy-
 ptum cū patre suo. Fieri enim potuit, ut Iudas & filij eius iuxta ætatis annos
 possent ducere uxores. Nam Thamar nurū suam, mortuo primogenito suo
 alteri filio dedit: quo etiā mortuo, expectauit ut cresceret tertius: & quum cre-
 uisset, nec illi eam dedit, timens ne & ipse moreretur. Vnde factum est, ut ei-
 dem focero suo se illa supponeret. Quomodo ergo hæc omnia intra tam pau-
 cos annos fieri potuerint, merito mouet: nisi ut forte solet scriptura per recap-
 tulationem aliquos annos ante uenditū Ioseph, hoc fieri cepisse intelligi ue-
 lit: quoniam sic positū est, ut diceretur, factum est in illo tempore. Vbi tamen
 queritur, si XVI annorum erat Ioseph quando uenditus est, quot annorū esse
 Iudas potuerit quartus filius Jacob, quandoquidē ipse primogenitus Ruben
 ut plurimū fratrem suum Ioseph quinq; aut sex annos potuerit ætate præce-
 dere. Evidenter autem scriptura dicit xxx annorum fuisse Ioseph, quādo in-
 notuit Pharaoni. Quum ergo ipse anno XVI ætatis suæ uenditus fuisse creda-
 tur, XIII annos peregerat in Ægypto ignotus Pharaoni. Ad hos autē XIII
 annos accesserūt VII anni ubertatis, & facti sunt anni XXI. His addūt duo,
 quia secūdo anno famis intrauit Iacob in Ægyptū cum filiis suis, & inueniun-
 tur XXIII anni, quibus absuit Ioseph à patre & à fratrib. suis. Quo medio tem-
 pore quomodo fieri potuerint de uxore & filiis & nuru Iudæ omnia quæ nar-
 rant, indagare difficile est: nisi forte ut credamus, & hoc enim fieri potuit, mox
 ut adolescere Iudas cepit, eum incidisse in amorē eius quam duxit uxorem,
 nondum uendito Ioseph in Ægyptum. Sequitur. Euolutis autē multis die-
 bus, mortua est Sue uxor Iudæ. Qui post luctum consolatione recepta, ascen-
 debat ad tonfores ouium suarum, ipse, & Hiras opilio gregis Odollamita, in
 Thamnās. Nuntiātūq; est Thamar, quod socer eius ascenderet in Thamnās
 ad tondēdas oues. Quæ depositis uiduitatis uestibus, assumpsit theristrū, &
 mutato habitu sedit in biuiio itineris quod ducit Thāna, eo quod creuisset Se-
 la & non eam accepisset maritum. Quam quum uidisset Iudas, suspicatus est
 esse meretricem: operuerat enim uultum suum ne cognosceretur. Ingressūq;
 ad eam ait, Dimitte me ut coeam tecum. Nesciebat enim quod nurus sua es-
 set. Qua respondente, Quid mihi dabis, ut fruaris concubitu meo, dixit, Mit-
 tam tibi hæc de gregibus. Rursum illa dicente, Patiar quod uis si de-
 deris mihi arrabonem, donec mittas quod polliceris. Ait Iudas, Quid uis tibi
 pro arrabone dari? Respondit, Anulum tuum & armillam, & baculum quem
 manu tenes. Ad unum igitur coitum concepit mulier, ac surgens abiit, depō-
 sitūq; habitu quem assumpserat, induta est uiduitatis uestibus.) Si enim uir &
 uxor, sicut dominus dicit, non iam duo sed una caro est: non aliter nurus est,
 quā

quàm filia deputanda: tamen cum quantū in ipso erat deformiter cum meretrice cubasse, non dubium est. At illa quæ socerum se sellit, non carnis eius concupiscentia, nec meretricis mercedis cupiditate peccauit: sed ex ipso sanguine prolem requirens, ex quo duobus etiam fratribus nupta, tertio quoque denegato habere non potuit, patri eorum socero suo scetandum corpus fraude subiecit. Melius quidem sine filijs remaneret, quàm sine iure matrimonij mater fieret. Longe tamen alia intentione peccauit, quod filijs suis patrem prouidit socerum suū, quàm si eum sibi concupisset adulterū. Denique cum iussu eius prodiceretur ad mortem, & uirgam monile atque anulum protulisset, dicens ab eo se gravidatā cuius pignora illa essent: ubi ea quæ dederat ille cognouit, istam magis quàm se iustificatam esse, respondit, quod ei maritum suum coniungere nolisset: qua destitutione compulsa, illo modo potius quàm nullo modo, posteritatem non aliunde quàm ab eadem stirpe conquireret. In qua sententia non eam iustificatam, sed eam plus quàm se iustificatam dicens, nec ipsam laudat, sed in sui comparatione præposuit: desiderium scilicet habēdæ prolis, quoducta illa se socero supposuerat, minus culpans, quàm libidinosi concubitus ardorem, quo ipse uelut ad meretricem uictus intrauerat: sicut quibusdam dēcirque iustificastis Sodomam, id est tantū peccastis ut uobis Sodoma comparata iusta uideatur: quanquam etiam hæc mulier non in peioris facti comparatione minus culpata, sed omnino à socero laudata intelligatur. Quæ tamen consultata illa æterna lege iustitiæ, quæ naturalem ordinem perturbat uocat, non unquam tantummodo corporum, sed maxime ac primitus animorū, quia in procreandis filijs ordinatam societatem non custodiuit, merito culpabilis iuuenitur. Quid mirum si peccatrix à peccatore laudatur? quod ita nobis Faustus, uel ipsa Manichea peruersitas arbitratu aduersum esse, quasi nobis in huius scripturæ uerā ratione digno præconio uitia hominum, quæ ista commemorat, necesse sit approbare. Quin potius necesse est, ut quanto istam religiosius accipimus, tanto fidentius illa culpemus, quæ per eius ueritatem certius culpanda didicimus. Ibi enim fornicatio & omnis illicitus concubitus, diuini iure damnatur. Ac per hoc quum talia quorundam facta commemorat, de quibus eo loco suam taceat sententiā, iudicanda nobis permittit, non laudanda perscribit. Vnde hic expressius apparet, nō ad ipsum Iudam, sed ad Christum, qui ex eius tribu prænūtiabatur in carne uenturus, illam pertinere prophetiam, qua Jacob patriarcha sub nomine illius Iudæ taxatus est. Ex ideo magis flagitiū eius diuina scriptura tacere non debuit, sicut non tacuit in uerbis patris eius, quibus post illud dedecus ita laudatur. Quia ipse in prophetia non agnoscitur, alius requiratur. Neque enim Iudas, quum ad Thamar concupiscentia uictus intraret, hanc suæ libidinis intentionem gerebat, ut inde aliquid significaretur, quod ad salutem hominum pertineret: sicut nec Iudas ille qui deū tradidit, hoc intendit, ut aliquid inde gereretur quod ad eandem salutem hominū pertineret. Porro si de tā malo opere Iudæ illius, tam bonū opus dominus

dominus fecit, ut eiusdem suæ passionis sanguine nos redimeret: quid mirum si propheta eius, de quo ipse ait, De me enim ille scripsit, ex malefacto Iudæ istius boni aliquid significavit, ut suo mysterio nos doceret? Ea quippe hominum facta, sancto spiritu disponente atque inspirante collegit propheta narrator, quorum interpositio non uacaret, ad præsignationem rerum quas intendat prophetare. Ad significanda autem aliqua bona, nihil interest si facta illa quibus ea significatur, seu bona, seu mala sint. Quid enim interest quam uolo aliquid legendo cognoscere, utrum ex minio reperiam scriptos nigros Æthiopes, & ex atramento, candidos Gallos? Verumtamen si non scripta, sed scripturam talem uiderem, sine dubitatione reprehenderem. Ita in factis hominum, quæ ad imitandum uitandum ue proponuntur, magnum interest bona uel an mala sint: quæ autem ad significandum scribuntur, siue dicuntur, nihil referre in moribus facientium, quam laudem reprehensionem uel mercantur: si modo habent aliquam rem, qua de re agitur, necessariam præfigurandi congruentiam. Sicut enim Caiphæ uerba in euangelio, quantum ad eius noxium pernitiosumque animum pertinebat, quantum denique ad ipsa uerba, si in eis uoluntatem dicentis attendas, quibus aiebat, ut iustus iniuste necaretur, utique mala erant: tamen magnum bonum illo nesciente significabant, quando ait, Expectat uobis ut unus moriatur homo, & non tota gens pereat: dictumque est de illo: hoc autem non a se dixit, sed quum esset pontifex, prophetauit: quia oportebat Iesum mori pro gente: ita factum Iudæ, secundum illius libidinem malum fuit: sed illo nesciente, magnum bonum significauit. A seipso quippe malum fecit, sed non a seipso bonum significauit. Hoc autem quod necessario præloquendum putauimus, non ad hoc tantum Iudæ factum, sed etiam ad cætera ualeat, si qua occurrerint mala facta hominum, quibus bonum aliquid a narrante prophetatum est. In Thamar ergo nunc Iudæ intelligitur plebs regni Iudæorum, cui de tribu Iuda reges tanquam mariti adhibebantur. Merito nomen eius amaritudo interpretatur, ipsa enim domino fellis poculum dedit. Duo autem genera principum, qui non recte operabantur in plebe, unum eorum qui male operabantur, alterum eorum qui nihil proderant, significantur in duobus filiis Iudæ: quorum unus erat uir seuius ante dominum, alter in terram fundebat, ne semen daret ad fecundandam Thamar. Nec sunt amplius quam duo genera hominum inutilia generi humano: unum nocentium, alterum præstare nolentium: & si quid boni habent in hac terrena uita perdentium, tantumquam in terra fundentium. Et quoniam in malo prior est qui nocet, quam ille qui non prodest, ideo maior dicitur malignus: & ille sequens, qui fundebat semen in terram, mœror eorum. Nomen quoque maioris qui uocabatur Her, interpretatur pelliceus, qualibet tunicis induti sunt primi homines in poena damnationis suæ, dimissi ex paradiso. Sequentis autem nomen qui uocabatur Onan, interpretatur mœror eorum. Quorum, nisi quibus nihil prodest, quum habeat unde prodesse possit, atque id perdat in terra: Porro maius malum est ablatæ uitæ,

uitæ, quod significat pellis: quam non habuit; quod significat mœtor eorum. Deus tamen ambos occidisse dictus est, ubi figuratur regnum talibus hominibus abstulisse. Tertius uero filius Iudæ quod illi mulieri non iungitur, significat tempus ex quo reges plebis Iudæorum cœperunt de tribu Iudæ non fieri. Et ideo erat quidem filius Iudæ, sed cum maritum Thamar nō accipiebat, quia erat eadem tribus Iudæ, sed iam in populo inde nemo regnabat. Vnde & nomen eius, id est Sela, interpretatur dimissio eius. Non pertinent fauē ad hanc significationē uiri sancti & iusti, qui licet illo tempore fuerint, ad nouum tamen pertinebant testamentū: cui prophetando scienter utiles fuerunt, quālis Dauid fuit. Eo namq; tempore quo iam Iudæi ex tribu Iudæ cœperant reges non habere, non est computandus Herodes maior in regibus eius, tantūq; maritus Thamar, erat enim alienigena. Nec enim sacramēto illo mysticæ unctiōis tanquam coniugali fœdere cohærebat, sed tanquam extraneus domnabatur, quā potestātē à Romanis & à Cæsare acceperat: sic & filij eius tetrarchiæ, quorum erat unus Herodes patris nomine appellatus, qui cum Pilato in passione concordauit. Isti ergo alienigenæ usq; adeo non deputabantur in regno illo mystico Iudæorum, ut ipsi Iudæi publice clamarent, frendentes aduersus Christum. Nō habemus regem nisi Cæsarem: neq; hoc uerum nisi illa uniuersali dominatione Romanorum, quippe Cæsar etiam rex erat non propriè Iudæorū: sed ut Christū negarent, & huic adularentur, ideo se tali uocē damnauerūt. Illo ergo tempore quo iam de tribu Iudæ regnum defecerat, ueniendū erat ad Christum uerum saluatorem dominum nostrum, qui non obesset, multumq; prodesset. Sic enim fuerat prophetatū, Non deficiet princeps ex Iudæ, neq; dux de scemoribus eius, donec ueniat cui repromissum est, & ipse erit expectatio gentium. Iam isto tempore omne quoq; magisterium Iudæorum, & mystica unde Christi uocabantur unctio, ipsa defecerat secundum prophetiā etiam Danielis: tunc uenit cui repromissum erat, qui est expectatio gentium, & unctus est sanctus sanctorum oleo exultationis præ partibus suis. Natus est enim maioris Herodis tempore, passus est autem Herodis minoris tempore. Huius itaq; uenientis ad oues quæ perierant domus Israel, figuram gessit ipse Iudas, quum iret ad tendendas oues in Thamna, quod interpretatur deficientis. Iam enim defecerat princeps ex Iudæ, & omne magisterium atq; unctio Iudæorum, ut ueniret cui repositum erat. Venit autem cū suo pastore Odollamite, cui nomē erat Hiras. Et interpretatur Odollamites Testimonium in aqua. Cum hoc planè testimonio dominus uenit, habens quidem testimoniū maius Ioannē: sed tamen propter oues infirmas hoc testimonio est usus in aqua. Nam & ipse Hiras, quod nomen illius pastoris fuit, interpretatur Fratris mei uisio. Vidit omnino fratrem suum Ioannēs: fratrem secundum semen Abraham, secundū cognitionem Mariæ matris eius & Elisabeth matris suæ: eundemq; dominū & deum suum, quia sicut ipse ait, de plenitudine eius accepit. Vidit omnino, & ideo in natis mulierum maior

illo non exsurrexit, quia ex omnibus prænuntiantibus Christum ipse uidit, quod multi iusti & prophetae cupierunt uidere, & non uiderunt. Salutaui ex utero, agnouit perfectus ex columba, & ideo tanquam Odollamites uere testimonium perhibuit in aqua. Venit autem dominus ad oues tondendas: hoc est, ad exonerandas sarcinis laboriosis, ex quibus ecclesia in Canticis canticorum, dentes essent uelut grex detonsarum. Iam Thamar habitu mutet. Nam & Commutans interpretatur Thamar: sed in ea prorsus nomē amaritudinis maneat: non illius in qua domino sel ministravit, sed illius in qua Petrus amarē fleuit. Nam & Iudas, Latine Confessio est. Cōfessionī ergo amaritudo miscetur, ut uera poenitentia præsignetur. Hac poenitentia fecundatur ecclesia, in omnibus gentibus constituta. Oportebat enim Christum pati, & resurgere tertia die, & prædicari in nomine eius poenitentiam & remissionem peccatorum in omnes gentes, incipientibus ab Hierusalē. Nam & ipse habitus meretricius, cōfessio peccatorum est. Typum quippe iam ecclesiæ gerit Thamar, ex gentibus euocata, sedens cum hoc habitu ad portam Ahenā, uel Henaim, quod interpretatur Fontes. Cucurrit enim uelut ceruus ad fontes aquarū peruenire ad semen Abraham: illic à non agnoscente fortatur, quia de illa prædictum est, Populus quem non cognoui, seruiuit mihi. Accipit in occulto anulum, monile, & uirgam: quia uocatione signatur, iustificatione decoratur, glorificatione exaltatur. Quos enim prædestinauit, illos & uocauit: quos autē uocauit, illos & iustificauit: & quos iustificauit, illos & glorificauit: sed hæc, ut dixi, adhuc in occulto, ubi sit & conceptio sanctæ ubertatis. Mittitur autem promissus hædus, tanquam meretrici: hædus exprobratio peccati per eundem Odollamitam, tanquam increpationem & dicentem, Generatio uiperarum: sed non eam inuenit peccati exprobratio, quam mutauit cōfessionis amaritudo. Post uero iam publicatis signis, anuli, monilis, & uirgæ, uicit temere iudicantes Iudæos, quorum iam personam ipse Iudas gestabat, qui hodieq; dicunt, non hunc esse populum Christi, nec habere nos semen Abraham: sed prolatis certissimis documētis nostræ uocationis, iustificationis, & glorificationis, sine dubio confunduntur, & nos magis quā se iustificatos esse fatebuntur. Instante autem partu apparuerunt gemini in utero, atq; in ipsa effusione infantum unus protulit manum, in qua obstetrix ligauit coccinum, dicens, Iste egreditur prior. Illo uero retrahente manum, egressus est alter. Dixitq; mulier, Quare propter te diuisa est maceria? Et ob hanc causam uocauit nomen eius Phares. Postea egressus est alter, in cuius manu erat coccinum, quem appellauit Zara.) Quir patriarcha Iudas propriæ nurus post mortem filij sui legitur expetisse concubitum, quo geminorū partus est aditus: nisi ut figura præcederet de utroq; Iesu domini testamento, quorum alterum in typo futuræ mortis eius est conditum, alterum in euangelij ueritate, duos esse populos generandos, quorum posterior in crucis signo sæpe omnem munitionem populi superioris incideret: hic est populus manu prior, ortu posterior, de quo ipse dominus

dominus Iesus natus ex tribu Iuda, opera sua ante præmisit, quàm nobis ex uirgine nasceretur. Siue aliter, per manum significantur opera. Zara quippe interpretatur, oriens: significauit antiquum Israeliticum populum, sub lege constitutum, qui prior quasi manum misit, quãdo dictis prophetis, & legalibus sacrificijs, natiuitatem & passionem domini in carne prænuntiauit: sed instante partu manum subtraxit: quia adueniente plenitudine temporum, credere in dei filium noluit, & cum in præsentem positum despexit, de quo tam multa in postmodum prædixit. Phares uero qui interpretatur diuidens, prior egressus est: quia postquam caritas in Israel facta est, plenitudo gentium introiuit, & sic postmodum Israel saluus erit.

IGITUR Ioseph ductus est in Ægyptum.) Ad ordinem redit scriptura, unde recesserat ut illa narraret quæ supra digesta sunt. Emitq; cum Putiphar, eunuchus Pharaonis, princeps exercitus, uir Ægyptius, de manu Ismaelitarum, à quibus perductus erat: fuitq; dominus cum eo, & erat uir in cunctis prospere agens.) Sicut enim Ioseph descendit in Ægyptum, ita & Christus in mundum: emitq; eum eunuchus, id est castus in disciplinis euangelicis populus Christianus. Erat autem Ioseph pulchra facie & decorus aspectu.) Sic & de Christo Dauid ait, Speciosus forma præ filiis hominum, diffusa est gratia in labijs tuis. Post multos itaq; dies iniecit domina sua oculos suos in Ioseph, & ait, Dormi mecum. Qui nequaquam acquiescens operi nefario, dixit ad eam, Ecce, dominus meus omnibus mihi traditis, ignorat quid habeat in domo sua: nec quicquam est, quod non in mea sit potestate, uel non tradiderit mihi, præter te, quæ uxor eius es. Quomodo ergo possum malum hoc facere, & peccare in dominum meum?) Huiusmodi uerbis per singulos dies, & mulier molesta erat adolescenti, & ille recusabat stuprum. Quisquis mundi huius successibus eleuatur, lenocinante cordis lætitia, tentari se luxuriæ stimulis sentit, Ioseph factum ad memoriam reuocet, & in arce se castitatis seruet: qui dum sibi à domina conspiceret pudicitiae damna suaderi, ait ei, Ecce, dominus meus omnibus mihi traditis, ignorat quid habeat in domo sua: nec quicquid est, quod non in mea sit potestate, uel non tradiderit mihi, præter te, quæ uxor eius es. Quomodo ergo possum malum hoc facere, & peccare in dominum meum? Quibus uerbis ostenditur, quia bona quæ assuetus fuerat, repente memoria reuoluit: & malum quod se pulsabat, efficit: & quia perceptæ gratiæ meminit, uim culpæ imminuentis fregit. Quum enim uoluptas lubrica tentat in prosperis, hæc ipsa sunt prospera aculeo aduersitatis premenda: ut eo erubescamus praua committere, quo nos à deo meminimus gratuita bona percepisse: & illatam gratiam exteriorum, uertamus in arma uirtutum: ut sint ante oculos quæ percepimus, & quæcumq; nos illicunt subigamus. Quia enim uoluptas ex prosperitate nascitur, eiusdem prosperitatis est consideratione ferienda, quatinus hostis noster unde oritur, inde moriatur. Considerandum quippe est, ne acceptum munus uertamus in uirtutum, ne per

C. XXXIX
De hero 101
seph. XX

favorem uitæ nos absorbeat uorago nequitia. Iratam namq; contra nos super ni iudicis inextinguibiliter accendimus, si contra benignitatem illius, etiam ex ipsa sua largitate pugnemus. Sequitur. Accidit autem, ut quadam die intraret Ioseph domum, & operis quippiam absq; arbitris faceret, & illa apprehensa lacinia uestimēti eius, diceret, Dormi mecum. Qui relicto in manu eius pallio, fugit, & egressus est foras.) Dum mulier adultera Ioseph male uti uoluisset, relicto pallio fugit foras: quia dum synagoga dominum, purum hominem credens, quasi adulterino cōplexu constringere uoluit, ipse tantū literā legis eius oculis reliquit: & ad cognoscendā suæ diuinitatis potentiā, cōspicuum se gentibus præbuit. Vnde & Paulus dicit, Vsq; hodie dum legitur Moyses, uelamē est super cor eorum. Quæ uidelicet adultera mulier apud semetipsam pallium retinuit: & quem male tenebat, nudum amisit. Sequitur. Quumq; uidisset pallium mulier in manibus suis, & se esse contemptam, uocauit homines domus suæ, & dixit ad eos. En introduxit ad me uirum Hebræum, ut illa deret mihi. Quumq; ego subclamaassem, & audisset uocē meam, reliquit pallium quod tenebat, & fugit foras.) In argumentū fidei, retentū pallium, ostendit marito reuertenti domum. Ista mulier, ut iam dixi, figura erat synagogæ, quæ sæpe, sicut scriptum est, mœchata est post deos alienos. Similiter uolebat & Christū in adulterij sui scelere retinere, ut negaret se esse deum, & phariseorum magis & scribarum, quā legis præcepta seruaret, quæ illi uelut maritus erat. Christus autem non acquiescens illicitæ doctrinæ, id est, adulterio adulterinæ synagogæ, manu ueste corporis apprehensus, carne se exiit, & liber mortis ascendit ad cœlos. His auditis dominus, & nimium credulus uerbis coniugis, iratus est ualde: tradiditq; Ioseph in carcerem, ubi uincti regis custodiebantur, & erat ibi clausus. Fuit autem dominus cum Ioseph, & misertus est illius: deditq; ei gratiam in conspectu principis carceris, qui tradidit in manu eius uniuersos uinctos. Dominus enim erat cum illo, & omnia eius opera dirigebat.) Vxor Putiphar, plebem Iudaicam præsignabat, quam regendam à Romanis principibus Pilatus susceperat: quæ plebs legis traditionibus, sibi pro tempore traditis, dominum uolebat præbere consensum: ut sabbati otii custodiri, confirmaret: uxorem à uiro dimittendam quacunque ex causa, permitteret. Pro quibus, quum à domino fuisset certis responsionibus refutata, Pilato prædidi eum tradiderunt, malefactorum eum quodammodo proclamantes, & secundum legem debere puniri: eo quod se filium dei diceret, & æqualem patri pronuntiaret: à quibus obiectionibus Pilato traditus carceri mortis est: sed illum non carcer tenuit, non inferna tenuerunt, quum etiam ubi ueluti puniendus descenderat, inde alios liberauit. Sequitur,

De Ioseph mis-
so in carcerē
XXI

CAP. XL
De somnio eu-
nichorum
XXII

HIS ITA gestis, accidit ut peccaret duo eunuchi, pincerna regis Ægypti & pistor, domino suo. Iratusq; Pharaon contra eos: nam alter pincernis præerat, alter pistoribus: misit eos in carcerem principis militum, in quo erat Ioseph.

Ioseph. At custos carceris tradidit eos Ioseph, qui & ministrabat eis.) Denique inuenit Ioseph duos eunuchos de domo regis in carcere uinctos, duorum populorum credentium uel incredulorum figuram gestantes, qui cōclusi sub peccato Adæ, transgressionē obnoxij tenebantur. Hi ergo siue pro originali peccato, seu pro delictis proprijs, quia omnes debitores sunt deo, & nullus exceptus est, qui nō illius, iuxta Apostoli dictum, indigeat gratia: Omnes enim peccauerunt, & egent gratia dei: ob quod etiam omnes sancti conditione obnoxij fuerunt debito mortis, hoc ipsum Apostolo prædicāte, quum dicit, Reagnauit mors ab Adam usque Moysen, etiam in eos qui non peccauerunt, in similitudinem præuagationis Adæ. Qui ideo uterque populus eunuchi dicitur, uel intelliguntur, quia castam acceperant regulam disciplinæ. Eloquia, inquit, domini, eloquia casta. Sequitur, Aliquantum autem temporis fluxerat, & illi in custodia tenebantur, uiderunt per somnium nocte una iuxta interpretationem congruam sibi. Ad quos quum introisset Ioseph mane, & uidisset eos tristes, sciscitatus est, dicēs, Quare tristior est hodie solito facies uestra? Qui responderunt, Somnium uidimus, nec est qui interpretetur nobis. Dixitque ad eos Ioseph, Referte mihi quid uideritis. Respondit præpositus pincernarum, Videbam coram me uitam, in qua erāt tres propagines, crescere paulatim in gemas, & post flores uuas maturescere, calicemque Pharaonis in manu mea. Tuli ergo uuas & expressi in calicem quem tenebam, & dedi poculum Pharaoni.) Tres uero dies aut dominicæ passionis & resurrectionis accipiendum est tempus, in quo animæ sanctorum eductæ ab inferis leguntur à domino: aut certe tria intelligenda sunt tempora, ante legem, & sub lege, & sub euangelica gratia. In primo enim tempore clausæ fuerunt gemæ, quia ut de Abel, Seth, Enos, & Enoch, ac Noe, atque Melchisedech legitur, qui alij fuerint deo placentes scriptura minime refert. In secundo uero tempore, id est, sub lege, flores eruperunt sanctorum: quia qui sub lege deo placuerunt, sacris uoluminibus ostenduntur. Tertio uero tempore sub euangelica quodammodo prædicatione, uas ad maturitatem peruenerunt, quando credentium in Christo fides proficiendo in tantum roborata est, ut pro diuini nominis confessione uicem suam effundi à persecutoribus minime detrectauerint: aut certe pro Christi amore, seu castigatione membra sui corporis crucifigunt cum uitijs & concupiscentijs, castrantes se uidelicet à mundi delectationibus & carnalibus desiderijs, calicem uidelicet dominicæ passionis in memoria semper habentes, & sermonibus in mundo prædicantes poculum porrigunt Pharaoni. Sequitur, Hæc est interpretatio somnii: Tres propagines, tres adhuc dies sunt, post quos recordabitur Pharaon ministerij tui, & restituet te in gradum pristinum, dabisque ei calicem iuxta officium tuum, sicut facere ante consueueras.) Post trinam enim lucem domino ab inferis resurgente, & legis obscura, ut Ioseph somnia, reuelante: solutus est à peccatis credentium populus, & de inferni carcere, uel potestate demonum liberatus, redditusque est in ministerio

legis diuinæ. Sicut enim in pincerna, qui eductus de carcere & suo restitutus est ministerio, gentilis significatus est populus: ita in principe pistorū, sine dubio, gens intelligenda Iudaica est. Tria canistra super caput eius, & in uno canistro quod erat excelsius portate omnes cibos qui fiunt arte pistoria, auesq; comedere ex eo, quid aliud significat, nisi tripartita ipsi populo concessa diuinæ legis eloquia, legē uidelicet, & prophetas, & agiographa: Quæ omnia super caput portabat, quia mētem illorum excefferat spiritualis scientiæ plenitudo. Arte pistoria panes cocti, quid aliud significāt, nisi quod lex ueteris testamenti, non est humana inuenta astutia, sicut impij astutunt Marcionistæ, & hæretici Manichæi: sed spiritus sancti autoritate, antiquis patriarchis & sanctis prophetis est credita: Spiritum enim sanctum per ignem significari, multis locis in diuina legimus scriptura. Vnum enim canistrum, quod altius ceteris erat, nimirum lex intelligenda Mosaica est, propter densitatem mysteriorum & umbraticas significationes: ex quo cibū uolucres cœli percipiunt, dum animæ sanctæ, quæ per cœli significantur aues, spiritualiter aluntur, dum in lege domini meditātur die ac nocte, qui possunt dicere cum Apostolo, Nostra autē conuersatio in cœlis est, Pharaonē, qui eduxit Ioseph de carcere, eiq; potestatem in omni terra dedit Ægypti, priorisq; ministerio suum pincernam restituit, & pistorem suum die tertia patibulo suspēdit, dei patris habuisse figuram, nō dubium est: qui Iesum Christum dominum nostrum resuscitauit ab inferis, & fidelem noui testamēti populum à nexibus primæ præuaricationis & cæterorum omnium eripuit uinculis. Infidelem uero capite absciso, id est, Christo, qui est caput legis & prophetarum: & die tertia, hoc est tertio suspēdit tempore: quia in cruce nostri saluatoris, ubi fideles sunt à peccatorum uinculis absoluti, ibi ipsi impij Iudæi atq; ceteri ethnici, quorum ipse Pharaonis pistor figuram tenuit, sunt condemnati, qui in humilitate carnis positum, dominum despexerunt. Quod uero uolucres cœli lacerauerūt carnes eius, huius rei præsagium fuit, quod quadragesimosecundo anno post domini resurrectionem & ascensionem in cœlos, ex omni orbe terrarum populi ueniētes cum ducibus Romanorum Tito & Vespasiano, eos non solum uastitate & fame cruciauerunt, sed etiam multa in eis ludibria exercuerunt: digni quippe erant talia perpeti, qui talia in dei prophetis, & in ipso exercuerunt domino: & eos qui ex eis famem & gladium euaserunt, in toto mundo diuiserunt, atq; sibi sit isq; posteris in famulis iure perpetuo reliquerunt, usq; dum plenitudo gentium introeat, & sic postmodum & ipsi, non proprio merito, sed dei gratia salui fiant: qui in primo nostri saluatoris aduentu, ignorātes dei iustitiam, & suam quærentes statuere, iustitiæ dei non fuerunt subiecti: & impleatur illud quod beatus Iacob patriarcha ex eorum persona, Esau filio suo prædixit, Vives gladio, & fratri tuo serues, tempusq; ueniet quādo soluas & excutias iugum de ceruicibus tuis. Sequitur,

POST,

POST duos annos uidit Pharaon somniū. Putabat se stare super fluuium de quo ascendebant septem boues pulchræ & crassæ nimis, & pascebantur in locis palustribus. Aliæ quoque septem emergebant de flumine sordæ confectæq; maciæ, & pascebantur in ipsa amnis ripa, in locis uirentibus: deuoraueruntq; eas, quarum mira species & habitudo corporis erat.) Quod putabat se stare Pharaon super flumē, quemadmodum seruus Abrahæ dixit. Ecce ego sto super fontem aquæ: hæc loquutio si intelligatur, ita est ut in Psalmo scriptum est, Qui fundauit terram super aquas. Secundum hanc enim loquutionem recte intelligitur, quod altior sit terra, quàm aqua: altius quippe ab aquis sustollitur, ubi habitant terrena animalia. Sequitur, Expergefactus Pharaon, rursum dormiuit, & uidit alterum somnium. Septem spicæ pullulabant in culmo uno plenæ atq; formosæ. Aliæ quoq; totidem spicæ, tenues, & percussæ uredine oriebantur, deuorantes omnem priorum pulchritudinem. Euigilans post quietem, & facto mane, pauore perterritus, misit ad coniectores Ægypti, cunctosq; sapientes: & accersitis, narrauit somnium, nec erat qui interpretaretur. Tunc demum reminiscens pincernarum magister, ait, Iratus rex seruis suis, me & magistrum pistorum retrudi iussit in carcerem principis militum, ubi una nocte uterq; uidimus somnium prælagiū futurorum: eratq; ibi puer Hebræus, eiusdem ducis militum famulus, cui narrantes somnia, audiuius quicquid postea rei probauit euentus. Ego enim redditus sum officio meo, & ille suspensus est in cruce.) Somnium Pharaonis, legis & prophetarum præsignabat figuras, in quibus de conuersione omnium gentium, & antichristi persecutionibus, sancto spiritu reuelante loquuti sunt. Qui in septem spicis pleniss, seu in septem uaccis pinguibus ostendebatur: quia sunt septem charismatum spiritalium dona, quibus ubertas fidei diuinæ, in gratia noui testamenti larga pietate redundat. Fertilitatis autem hebdomada, tempus accipiendum est, quo ab uniuersis gentibus, fides confessionis nominis Christi, uel scientia trinitatis suscepta est: de qua ait propheta, Repleta est terra scientia domini, sicut aquis maris operientis. Intantum enim prædicationis diuinæ uerbum per totas orbis regiones in uniuersis gentibus fecit proficere, & suscepta fidei suæ gratia, per sanctam conuersationem ad perfectionem contendere, ut non solum cœlesti horreo fierent apti, uerum etiam & exemplo suo ad imitandum ceteros prouocarent. At contrā, septem sterilitatis anni, famem ueritatis & iustitiæ nouissimis temporibus significabāt, quæ fidelium consumptura est multitudinem temporibus antichristi. Sequitur,

Eccē anni septem ueniēt fertilitatis magnæ in uniuersa terra Ægypti, quos sequentur septem anni alij tantæ sterilitatis, ut cuncta obliuioni tradatur retro abundantia. Consumptura est enim fames omnē terram, & ubertatis magnitudinem perditura est inopiæ magnitudo.) Et est sensus: Vbertatis huius quam futurā significauerūt boues bonæ & spicæ bonæ, obliuiscētur homines in ea fame, quam significauerant boues & spicæ malæ. Potest & hebdomada

duorum annorum, significare tempus præsens & futurum. Qui enim fideliter ac pie uiuendo laborauerint in seculo præfenti, quod reperiant in futuro, beatitudinem consequentur perpetuæ uitæ. Qui autem infideles existunt, & nihil cogitant de futuro, otioſq; in præfenti seculo torpescunt, sterilitatis suæ in futuro reperient finem. Sequitur. Nunc ergo prouideat rex uirum sapientem & industrium, & præferat eum terræ Ægypti, qui constituat præpositos per singulas regiones, & quintam partem fructuum per septem annos fertilitatis, qui iam nunc futuri sunt, congreget in horrea, & omne frumentum sub Pharaonis potestate condat, setueturq; in urbibus, & paretur futuræ septem annorum fami, quæ pressura est Ægyptum, & non consumetur terra inopia. Placuit Pharaoni consilium & cunctis ministris eius, loquutusq; est ad eos. Num inuenire poterimus talem uirum, qui spiritu dei plenus sit?) Ecce iam nisi fallor, tertio insinuat nobis in hoc libro, spiritum sanctum esse spiritum dei: primo, ubi dictum est, Spiritus dei ferebatur super aquas. secundo, ubi dixit deus, Non permanebit spiritus meus in hominib; istis, propter quod carnes sunt. & tertio nunc, quod Pharaon dicit de Ioseph esse in illo spiritum dei. Nondum tamen legimus spiritum sanctum. Sequitur. Dixit Pharaon ad Ioseph, Quia ostendit tibi deus omnia quæ loquutus es, nunquid sapientiorum & similem tui inuenire potero? Tu eris super domum meam, & ad tui oris imperiũ, cunctus obediat populus: uno tantum regni folio te præcedam.) Idipsum in secundo psalmo a patre dicitur domino, Filius meus es tu, ego hodie genui te. Postula à me, & dabo tibi gentes hæreditatem tuam, & possessionem tuam terminos terræ. Et ipse dominus in euangelio discipulis ait, Data est mihi omnis potestas in cælo & in terra. Data quippe potestas est homini assumpto, nõ uerbo dei filio patri & spiritui cœterno, à quo creata sunt omnia. Vno tantum præcedit filium pater, paterni uidelicet nominis uocabulo: ut in confessione seu in laudibus, patris nomẽ semper anteponatur. Nam dignitate & potestate, natura atq; uirtute, æternitate uel origine, unum sunt, unius deitatis atq; substantiæ, nominibus enim tantummodo distinguuntur. Sequitur. Dixitq; rursum Pharaon ad Ioseph, Ecce constitui te super uniuersam terram Ægypti. Tulitq; anulum de manu sua, & dedit in manu eius, uestiuitq; stola byssina, & collo torquem auream circumposuit, fecitq; ascendere super currum suum, secundo clamante præcone, ut omnes eorũ eo genu flecterent, & præpositum esse scirent in uniuersa terra Ægypti.) Ioseph qui typum induit Christi, currum meruit ascendere: & præco clamauit ante eum, & constituit illum Pharaon super uniuersam terram Ægypti. Ita & dominus noster, postquam est distractus à Iuda, ut Ioseph à fratribus, & de inferorum carcere surrexit, ascendit currum regni celestis, de quo dictum est, Currus dei decem milium: & accepit potestatem prædicandi, & iudicandi, sicut Paulus apostolus ait, Et dedit ei nomen, quod est super omne nomen, ut in nomine Iesu omne genu flectatur, celestium, terrestrium, & in-

De principatu
Ioseph super
Ægyptum
xxxiii

femonum,

sermonum. Accepit quoque & anulum, id est, pontificatum fidei, quo credentium animæ saluatori signantur, ac frontibus & cordibus nostris per signum crucis, figura exprimitur æterni regis. Induiturque stola byssina, id est, carnem sanctam bysso splendidiore, & stola immortalitatis. Accepit quoque torquem auream, id est, intellectum bonum: præco ante eum præcedit, id est, Ioannes baptista, qui iter eius præcedens præconabatur, dicens, Parate uiam domini. Didicimus enim labores Christi in orbe gentium, quem significabat Ægyptus, per uarias passiones martyrum: & nunc uidemus honorem Christi in eodem orbe terrarum: erogatione frumenti, id est, uerbi diuini prædicatione, sibi omnia subiugantem. Sequitur, Dixitque rex ad Ioseph, Ego sum Pharao, absque tuo imperio non mouebit quisquam manum aut pedem in omni terra Ægypti. Vertitur nomen illius, & uocauit eum lingua Ægyptiaca Saluatorem mundi.) Quid manifestius de Christo, quando sub figura Ioseph, saluator ostenditur, non tantum unius terræ Ægypti, sed etiam totius mundi? Sequitur, Deditque illi uxorem Aseneth, filiam Putiphar sacerdotis Heliopoleos.) Quæri solet, cuius Putiphar Ioseph filiam acceperit uxorem: utrum illius, cuius seruus fuit, an alterius? Credat quisque quod placet, non est tamen quaestio quis fuerit: siue enim unus fuerit, siue duo, quodlibet horum quisque existimet, non est fidei periculosum, nec contrarium ueritati scripturarum dei. Sicut enim accepit Ioseph ex gentibus uxorem, ita & Christus ecclesiam: ex qua genuit duos filios, id est, duos populos, ex Iudæis & gentibus congregatos. Tringenta autem erat annorum, quando stetit Ioseph in conspectu regis Pharaonis. Totidemque annorum legitur fuisse Christus, quando sub typo Pharaonis in conspectu mundi apparuit reuelatus. Venitque fertilitas septem annorum, & in manipulos reductæ segetes congregatæ sunt in horrea Ægypti, omnisque frugum abundantia in singulis urbibus condita est, tantaque fuit multitudo tritici, ut arenæ maris coequaretur, & copia mensuram excederet. Pro eo dictum non erat numerus, quod nomen numeri usitati excederet illa copia, & quomodo appellaretur, non inueniebatur. Nam inde fieri potest, ut auiliber magnæ & infinitæ multitudini numerus non sit, quod congregauit Ioseph per septem annos omnem frugum abundantiam: id est, frumenta fidei sanctorum horreis condens, per illa scilicet septem charismata, quasi per septem annos: ut quum septem anni inopia esse cœperint, id est, quum iniquitas occurreret septem capitalium criminum sub antichristo, quando fames fidei fuerit saluatoris, tunc sancti pariter & fideles habeant copiosam iustitiæ frugem: ne fides eorum in opera sermonum uel prædicationis attenuata, deficiat. Sequitur,

AVDIENS autem Iacob, quod alimenta uenderetur in Ægypto, dixit filiis suis, Quare negligitis? Audiui quod tritici ueniret in Ægypto. Descendite, & emite nobis necessaria, ut possimus uiuere, & non consumamur inopia. Descendentes igitur fratres Ioseph decem, ut emerent frumenta ingressi sunt terram Ægypti,

CAP. XLII
De frumentatione filiorum Iacob XXV

Ægypti, & Ioseph princeps erat terræ Ægypti, atq; ad illius nūtum frumēta populis uendebātur. Quumq; adorassent eum fratres sui, & cognouisset eos, quasi ad alienos durius loquebatur, interrogans eos, Vnde uenistis? Qui respondērunt, De terra Chanaan, ut emamus frumenta. Et tamen fratres ipse cognoscens, nō est agnitus ab eis. Igitur post ubertatis annos in uniuerso orbe fames praualeuit merito, quia non erat qui faceret bonitatem. Post hæc Ioseph à penuria frumenti saluat Ægyptum, & Christus à fame uerbi dei liberat mundum. Aperuit enim horrea sua Christus, in omni orbe terrarū: & erogatione frumenti sui, omnia subiugauit. Nisi enim Ioseph fratres sui uēdidissent in Ægyptum, defecerat Ægyptus: & nisi Iudæi Christum crucifixissent, perierat mundus. Ioseph interpretatur Augmentatio, siue Ampliatio: sed in illo Ioseph ampliatiōem non habuit, nisi sola Ægyptus: in nostro autem Ioseph augmētum habere meruit uniuersus mundus. Ille erogauit triticum, noster erogauit dei uerbum. Dicit Iacob filiis suis, Est frumentum in Ægypto: dicit & deus pater, Ex Ægypto uocaui filiū meum. Descendunt igitur decem prouectiores fratres: id est, Iudæi, quasi sub decalogo legis & numero constituti: quos ipse cognoscens, non est agnitus ab eis. Cognoscuntur Hebræi à Christo, sed ipsi nō cognoscunt eum. Sequitur, Recordatusq; somniorum quæ aliquādo uiderat, ait, Vt uideatis infirmiora terræ uenistis. Qui dixerūt, Non est ita domine: sed serui tui uenerūt, ut emerent cibos. Omnes filij unius uiri sumus: nec quicquam famuli tui machinantur mali. Quibus ille ait, Alio est ista immunita terræ huius cōsiderare uenistis. Et illi, Duodecim, inquit, serui tui fratres sumus, filij uiri unius in terra Chanaan: minimus cum patre nostro est, alius non est super. Hoc est, ait, quod loquutus sum, exploratores estis. Iam nunc experimentū uestri capiam. Per salutem Pharaonis non egre dimini hinc, donec ueniat frater uester minimus. Mittite è uobis unum, & adducat cum: uos autem eritis in uinculis, donec probentur quæ dixistis, utrum falsa, an uera sint: alioquin per salutem Pharaonis exploratores estis.) Quid est quod Ioseph uir tam sapiens, atq; ita non solum hominum inter quos uiebat, sed ipsa etiam post scriptura teste laudatus, iurat per salutē Pharaonis non exituros de Ægypto fratres suos, nisi frater eorū iunior uenerit: an etiam bono & fideli uilis erat Pharaonis salus, qui fidem primitus domino suo seruabat in omnibus: quanto magis ipsi Pharaoni, qui cum in tanto honore locauerat, si illi seruauit, qui eum seruum emptitiū possidebat? Quod si non curabat salutem Pharaonis, nunquid & periurium pro cuiuslibet hominis salute uitare non debuit: an non est periurium? Tenuit enim unum ex eis, donec ueniret Benjamin: & uerum factum est quod dixerat, Non exhibitis hinc, nisi ueniat frater uester minimus. Ad omnes enim poterat pertinere quod dictum est. Neq; enim digne dicerentur redire ad patrem, quorum frater uinctus tenebatur in Ægypto, cum quo & ipsi mente & animo solliciti, uelut qui busdam charitatis uinculis tenebantur astricti. Nam quomodo & ille uentur

De eo qd scri
ptum est, Re-
cordatus som-
niorum, &c.

XXVI

rus esset, nisi ad eum adducendum aliqui redissent: Sed quod sequitur magis urget questionem, quum iterū iurauit, dicens, Mittite unum ē uobis, & adducite fratrem uestrum: uos autem eritis in uinculis, donec probentur quæ dixistis, utrum uera, an falsa sint: alioquin per salutem Pharaonis, exploratores estis. Huic sententiæ interposuit iurationem, quia si uera non dixissent, exploratores essent id est, exploratorum poena digni essent: quos tamen uera dicere sciebat, tanquam si dictum esset, Exploratores estis: exploratorū poena digni eritis. Sequitur, Tradidit eos in custodiam tribus diebus, tertia autem die eductis eis de carcere, ait, Facite quod dixi, & uiuetis, deum enim timeo. Si pacifici estis, frater uester unus ligetur in custodia: uos autem abite & ferte frumenta quæ emistis, in domum uestram: & fratrem uestrum minimum adducite ad me, ut possim uestros probare sermones, & non moriamini. Fecerunt ut dixerat, & loquuti sunt adinuicem, Merito hæc patimur, quia peccauimus in fratrem nostrum, uidētes angustiam animæ illius, dum deprecaretur nos, & non eum audiuius. Idcirco uenit super nos ista tribulatio. E quibus unus Ruben, ait, Nunquid non dixi uobis, Nolite peccare in puerum: Et non audistis me. En sanguis eius exquiritur. Nesciebant autem quod intelligeret Ioseph: eo quod per interpretem loqueretur eis.) Quid est quod quum inter se poenitentes filij Israel loquerentur de fratre suo Ioseph, quod in illo male egerint, & hoc eis diuino iudicio redderetur, quod se periclitari uiderēt, adiungit scriptura, & dicit, Ipsi ignorabāt quod intelligeret Ioseph, interpretes enim inter illos erat: hoc scilicet intelligendum est, ideo eos putasse quod ille non intelligeret quæ loquebantur: non ob aliud adhibitum putabant interpretem, nisi quod eorum linguam ille nesciret: nec cura erat interpretis ea dicere illi à quo positis fuerat, quæ non ad illum, sed inter se loquebātur. Sequitur, Auertitque se parumper, & fleuit, & reuersus loquutus est ad eos.) Nec adiungit quid illis dixerit. Vnde intelligitur hæc eadem dixisse, quæ dixerat. Sequitur, Tollens Simeon, & ligans illis præsentibus, iussit ministris, ut impleant saccos eorum tritico, & reponerent pecunias singulorum in sacculis suis, datis supra eis cibarijs in uia. Qui fecerunt ita. At illi portantes frumenta in asinis profecti sunt: apertoque unus sacco, ut daret iumentum pabulum in diuersorio, contemplatus pecuniam in ore sacculi, dixit fratribus suis, Reddita est mihi pecunia, en habetur in sacco. Et obstupefacti turbatique dixerunt mutuo, Quid nam est, quod fecit nobis deus? Si diligentius consideremus, inueniemus quia nunquam ferè in sanctum quis locum dicitur descendisse, uel ut superabilem conscendisse memoratur. Quæ obseruationes ostendunt diuinam scripturam, non ut plurimis uidetur, inerudito atque agresti sermone compositam: sed secundum disciplinam diuinæ eruditionis, aptatam: neque historicis narrationibus, quantum rebus & sensibus mysticis seruientem. Vnde quum detentus fuisset Simeon in Ægypto, & nouem fratres eius dimissi reuerterentur ad patrem, non est scriptum, quia ascenderunt ex Ægypto: sed

De eo quod
scriptum est,
Narrauerunt
sibi om. &c.
XXVII

sed imponentes, inquit, frumētum super alinos suos, abierunt. Quum autem recepto fratre & cognito Ioseph, sed & Benjamin in oculis eius oblato cum læticia reuertentur: tunc dicitur, Quia ascenderunt ex Ægypto; & uenerunt in terram Chanaā ad Iacob patrem suum. Sequitur, Et narrauerunt sibi omnia quæ accidissent eis, dicentes, Loquutus est nobis dominus terræ dure, & putauit nos exploratores prouinciæ: cui respondimus, Pacifici sumus, nec uilas molimur insidias: duodecim fratres uno patre geniti sumus, unus non est super, minimus cum patre uersatur in terra Chanaan. Qui ait nobis, Sic probabo quod pacifici sitis: fratrem uestrum unum dimitte apud me, & cibaria domibus uestris necessaria sumite, & abire: fratremq; uestrum minimum adducite ad me, ut sciam quod non sitis exploratores, & istum qui tenetur in uinculis recipere possitis, ac deinceps emendi quæ uultis habeatis licentiam. His dictis quum frumenta effunderent, singuli repererunt in ore saccorum ligatas pecunias.) Dederunt quidem illi pecuniam: sed Ioseph, id est Christus dominus triticum dedit, & argentum tribuit: quia nō argento emitur Christus, sed gratia. Sequitur, Dixit Iacob filiis suis, Absq; liberis me esse fecistis. Ioseph non est super, Simeon tenetur in uinculis, Benjamin auferetis, deducetisq; canos meos cum dolore ad inferos.) Vtrum ideo ad infernū, quia cum tristitia: an etiam si abesset tristitia, tanquam ad infernum moriēdo descenderet? De inferno autē magna quæstio est: & quid inde scriptura sentiat locis omnibus, ubi forte hoc commemoratum fuerit, obseruandum. Sequitur,

CAP. XLIII

IUDAS quoq; dixit patri suo, Mitte puerum ut proficiscamur, & possimus uiuere nos & paruuli nostri. Descenderuntq; in Ægyptum, & steterunt coram Ioseph. Quos quum ille uidisset & Benjamin simul, præcepit dispensa toti suo, dicens, Introduc uiros domum, & occide uictimas, & instrue conuiuium, quoniam mecum comessuri sunt meridie. Accedentes autem, ad dispensatorem loquuti sunt, Oramus domine ut audias, Iam ante descendimus, ut emeremus escas: quibus emptis, quum uenissemus ad diuerforium, aperuimus sacculos nostros, & inuenimus pecuniā in ore saccorum, quam nunc eodem ponere reportauimus. At ille respondit, Deus uester, & deus patris uestri dedit uobis thesauros in sacculis uestris: nam pecuniam quam dedistis mihi probatam, ego habeo.) Quod à præposito domus audiunt, Deus uester, & deus patrum uestrorum dedit uobis pecuniam in saccis uestris, argentum autem uestrum probatum habeo: mendacium uidetur quod non est, sed aliquid significare credendum est. Argentum enim quod datur & non minuitur, quod & probatum appellatū est, nimirum illud intelligitur de quo alibi legimus, Eloquia domini, eloquia casta, argentum igne exam. prob. terræ pur. septuplum: id est perfectos. Sequitur, Eduxitq; ad eos Simeon, & introductis domum attulit aquam, & lauerunt pedes suos, deditq; pabula iumentis eorum. Illi uero parauerunt mihra donec ingrederetur Ioseph meridie, audierant enim quod ibi comessuri essent panem. Igitur ingressus est Ioseph domum suam,

obtulit,

obtuleruntq; ei munera, & adorauerunt prout in terra. At ille dementer resalutatis eis, interrogauit dicens, Saluus ne est pater uester senex, de quo dixeratis mihi? Adhuc uiuit? Et incuruati adorauerunt eum. Astute namq; fratrem uendere ausi sunt, ut dei consilium mutaretur: sed diuino iudicio, quod declinare conati sunt, renitentes seruiuerunt. Inde quippe coacti sunt dei uoluntatem peragere, unde huic moliti sunt astute contraire. Sic diuinum consilium dum uiratur, completur: sic humana sapientia dum reluctatur, comprehenditur. Timuerunt fratres ne Ioseph super eos excreceret, sed hoc quod diuinitus dispositum fuerat, cauendo actum est ut ueniret. Humana ergo sapientia in se ipsa comprehensa est, quæ uoluntati dei unde per intentionem restitit, inde eius implezioni militauit. Quod sæpe nonnulli dum humana sapientia inflati, desiderijs suis diuina iudicia contraire conspiciunt, astutis eis machinationibus reluctari conantur: & quo ad uotum uim supernæ dispositionis intorqueant, callidis cogitationibus insistant, subtiliora consilia exquirunt: sed inde uoluntatem dei peragunt, unde hanc immutare contendunt: atq; omnipotentis consilio, dum resistere nituntur, obsequuntur: quia sæpe & hoc eius dispositioni apte militat, quod ei per humanum studium friuole resultat, sicut scriptum est, Comprehendit sapientes in astutia sua. In astutia namq; sua sapientes comprehendit, quando eius consilijs humana facta etiam tunc congrue seruiunt, quum resistunt, unde per Psalmistam dicitur, Nouit dominus cogitationes hominum, quoniam uanæ sunt. Pensamus igitur gestæ rei ordinem, pensamus quomodo cogitationes hominum in ipsa sua prouisione diuinitas comprehendat. Ideo ab eis Ioseph uenditus fuerat ne adoraretur, sed ideo est adoratus quia uenditus. Restat ergo ut in cunctis quæ agimus, uim supernæ uoluntatis inquiramus, cui uidelicet cognitæ debet nostra actio famulari, & quasi ducem sui itineris sequi: ne ei etiam nolens seruiat, si hanc superbiens declinat. Vitari enim uis superni consilij nequaquam potest, sed magna sibi uirtute hanc temperat, qui se sub eius nutibus refrenat, eiusq; sibi pondera leuiget, qui hæc ex subiecto cordis humero uolens, portat. Sequitur, Attollens autem oculos Ioseph uidit Benjamin fratrem suum uterinum, & ait, Iste est frater uester minimus de quo dixeratis mihi? Et rursus, Deus, inquit, misereatur tibi, fili mi. Festinauitq; quia commota fuerant uiscera eius super fratrem suum, & erumpebant lachrymæ, & introiens cubiculum fleuit: rursusq; lota facie egressus, continuit se. Vidit Ioseph Benjamin paruulum fratrem suum: mystice quoq; uidit dominus Iesus Paulum, quando lux circumfulsit eum. Qui idcirco minimus dicitur, quia nondum maturam in carne fidei gerebat ætatem: unde & adolescens legitur fuisse, quando lapidantium Stephanum uestimenta seruabat. Fleuit Ioseph super Benjamin: & cæcitas Pauli, fletus est Christi. Lauat faciem suam, ut ei lumen amissum restituatur: lauit faciem suam Christus, ubi baptizatus est Paulus, per quem dominus noster Iesus Christus à plurimis uideretur. Sequitur, Et ait, Ponite panes. Quibus ap-

De eo qd scri-
ptum est, At-
tollens, &c.
XXVIII

positis, seorsum Ioseph, & seorsum fratribus, Ægyptijs quoq; qui uescebantur simul seorsum (illicitum est enim Ægyptijs comedere cum eis, & prophetae putant huiusmodi conuiuium) sederunt coram eo primogenitus iuxta primogenita sua, & minimus iuxta primogenita sua, & mirabantur nimis, sumptibus partibus quas ab eo acceperunt: maioribus pars uenit Benjamin, ita ut in quinque partes excederet: biberuntq; & inebriati sunt cum eo.) Solent huic ebriosi adhibere testimonio patrocinium, non propter illos filios Israel, sed propter Ioseph, qui ualde sapiens commendabatur. Sed hoc uerbum & pro satietate solere poni in scripturis, qui diligenter aduertit, multis in locis inueniet. Vnde est illud, Visitasti terram, & inebriasti eam, multiplicare eam: eo quod in laude benedictionis hoc positum est, & donum dei commemoratur, apparet per hanc ebrietatem, satietatem significari. Nam ita inebriari, ut inebriantur ebriosi, nec ipsi terræ utile est. Sequitur,

CAP. XLIII
De scypho posito in sacco
Beniamin
XXIX

PRAECEPIT autem Ioseph dispensatori domus suae, Imple saccos eorum frumento, quantum possint capere, & pone pecuniam singulorum in summitate sacci, scyphum autem meum argenteum & precium quod dedit tritici, pone in ore sacci iunioris. Factūq; est ita.) Mouet quid sibi uelit hoc factum Ioseph, quo fratres suos donec eis aperiret quis esset, toties ludificauit, & tanta expectatione suspendit. Quod licet tanto sit suauius quam legitur, quanto illis sit inopinatus cum quibus agitur, tamē sapientiae illius grauitate, nisi magnum aliquid isto quasi ludo significaretur, nec ab illo fieret, nec ea scriptura contineretur, in qua est tanta sanctitatis autoritas, & prophetarum tanta intentio futurorum, quam modo exequi exponendo suscepimus. Sequitur,

Apud quemcumq; seruorum tuorum fuerit inuentum quod quaeris, moriatur, & nos serui erimus domini nostri, Qui dixit, Fiat iuxta sententiā uestram. Apud quem fuerit inuentum, ipse sit seruus meus, uos autem eritis innoxij. Itaq; festinato deponentes in terram saccos, aperuerunt singuli. Quos scrutatus, incipiens à maiore usq; ad minimū, inuenit scyphum in sacco Beniamin.) Sed quid sibi uult, quod scyphus Ioseph inuentus est in sacco Beniamin: nisi quia in corpore Pauli iam doctrinae coelestis praefulgebat eloquiū, dum esset eruditus in lege: sed quia subiectus non erat diuinæ gratiae, intra saccum erat scyphus, doctrina intra legem, lucerna sub modio. Missus tamē Ananias manum posuit, marsupium soluit: marsupio soluto, argentum resplenduit: & decidentibus squamis, uelut quibusdam sacci uinculis, soluto sacco, id est deposito legis uelamine, adeptus est gratiae libertatem, & reuelata facie sermones euangelij praedicauit. Sequitur, At illi scissis uestibus, operatisq; rursus alutis, reuersi sunt in oppidū: primusq; Iudas cum fratribus ingressus est ad Ioseph, necdum enim de loco abierat, omnesq; ante eum pariter in terram corruerunt. Quibus ille ait, Quare sic agere uoluistis? An ignoratis, quod non sit similis mei in augurandi scientia? Cui Iudas, Quid respondebimus, inquit, domino meo? uel quid loquemur? aut iuste poterimus obtendere? Deus inuenit

uenit iniquitatem in manibus seruorū tuorum. En omnes serui sumus domini mei, & nos & apud quem inuentus est scyphus.) O iaculum in corde, peregrini uenerunt, famis periculum fugiebant, frumenta querebant, non acceperunt, & ferri se in super criminis obiectione uidebant. Inter hæc ducuntur ad carcerem, & post triduum eduſti adhuc in eadem asperitate terrentur. Iam reditur ad cor, iam culpæ memoria pulsat animum, atq; inter se inuicem loquuntur. Merito hæc patimur, quia peccauimus in fratrem nostrum, uidētes angustiam animæ illius, quum deprecaretur nos, & non eum audiuiſſimus. In his autem uerbis cor Ioseph secessum petit, soluit flendo quod pietati debuit, seuerus ad fratres reuertitur, ut cruciatus eorum animus à culpa liberaretur. Post hæc unus religatur in uinculis, dimittuntur cæteri cum frumento ut unus frater ueniat, quem minimum se habere dixerant: ueniente postmodum fratre uincebat mentem pietas, quum frater innocens uideretur: sed permanebat in ostensione asperitas, ut fratres noxi purgarentur: frumenta dantur, scyphus in sacco iunioris fratris absconditur, fortis post eos quæstio mouetur, mittitur ut reducantur, addici in seruitutem decernitur, apud quem scyphus fuisse inuentus, in sacco ultimi fratris inuenitur. Tunc Benjamin reducit, afflicti omnes fratres secuntur. O tormēta misericordiæ, cruciat, & amat. Reuerſi igitur, in terra cum lachrymis prostrati ueniā postulant, memores enim quid de illo patri promiserāt, mœrore intolerabili tabescebāt. Tunc se ultra cohibere non ualens, pietas clauſa prorupit in medium, & excussit charitatis lachrymas de uultu serenitatis. De terrore est asperitas quæ apparebat, & non erat, quia misericordia erat, sed nō apparebat. Sic uir sanctus facinus fratrum & dimisit & uindicauit, sic ore dimentiam retinuit, ut delinquentibus fratribus nec sine uultione pius existeret, nec sine pietate districtus. Sequitur, Respōdit Ioseph, Absit à me, ut sic agam. Qui furatus est scyphum ipse sit seruus meus, uos autem abite liberi ad patrem uestrum.) Nonne clementer considerandum puto tantam miseriam in hac perturbatione fratrum suorū, quomodo Ioseph quam diu uoluit tenuit, ac quanta uoluit mora produxit, nō eos utiq; faciens calumniosos, quando tantæ etiam ipsorum futuræ lætitiæ exitum cogitabat: & rotum hoc quod agebat, ut eorum gaudium differretur, ad hoc cogitabat, ut ea dem dilatione cumlaretur: tanquam non essent condignæ passiōes eorum in toto illo tempore quo turbabantur, ad futuram gloriam exultationis quæ in eis fuit reuelanda fratre cognito, quem à se perditum esse arbitrabatur. Sequitur, Accedens propius Iudas, confidenter ait, Oro domine mi, loquatur seruus tuus uerbū in auribus tuis, & ne irascaris famulo tuo. Interrogasti prius seruos tuos, habetis patrem aut fratrem: & nos respondimus, Est nobis pater senex & puer paruulus, qui in senectute illius natus est, cuius uterinus frater est mortuus, & ipsum solū habet mater sua, pater uero tenere diligit eum. Dixisti seruis tuis, Adducite eum ad me, & ponam oculos meos super illum. Suggestimus domino meo, nō potest puer relinquere patrem suum. Si enim

illum dimiserit, morietur. Et dixisti seruis tuis, Nisi uenerit frater uester minimus uobiscum, nō uidebitis amplius faciem meam.) Multa in narratione Iudæ aliter dicta sunt, quàm cum illis egerat Ioseph, quamuis apud eum loque retur, ut omnino de illa simulatione quod exploratores essent nihil diceretur, quod utrum consulo tacitum sit, an id fecerit perturbationis obliuio, non apparet. Nam & illud quod dixerunt, se ab ipso Ioseph interrogatos de patre & fratre suo, se autem illa interroganti indicasse, mirum si uel ad sententiā possit ista peruenire narratio, ut eam constet esse ueracem: quanquam & si aliqua in ea falsa sunt, falli potius per obliuionē potuit, quàm auderent mentiri, apud eum præsertim, cui non sicut nescienti, sed etiam illa quæ nouerant eum scire, ad ostendā eius misericordiā narrationi inferebat. Sequitur, Manebo itaque seruus tuus pro puero in ministerio domini mei, & puer ascēdat cum fratribus suis.

CAP. XLV
De manifesta-
tione Ioseph
ad fratres
XXX

NON se poterat ultra cohibere Ioseph, eleuauitque uocem cum fletu, quam audierūt Ægyptij, & dixit fratribus suis, Ego sum Ioseph. Adhuc pater meus uiuit? Nec poterant respondere fratres, nimio timore perterriti. Ad quos ille clemēter, Accedite, inquit, ad me. Et quum accessissent prope, Ego sum, ait, Ioseph frater uester, quem uendidistis. Pro salute enim uestra milit me deus ante uos in Ægyptum, ut reseruemini super terram, & escas ad uiuendum habere possitis.) Quid est quod dicit Ioseph, Misi me deus ante uos in Ægyptū, ut seruemini super terram, & escas ad uiuendum habere possitis: nisi forte significat illud altum secretumque mysteriū, quod ait Apostolus, Reliquiæ per electionē gratiæ saluæ factæ sunt, quia propheta prædixerat, Si fuerit numerus filiorū Israel quasi arena maris, reliquiæ saluæ fient. Ad hoc enim occisus est Christus à Iudæis, & traditus gentibus, tanquam Ioseph Ægyptijs à fratribus, ut & reliquiæ Israel saluæ fierent: unde dicit Apostolus, Nam & ego Israel sum: & ut plenitudo gentium intraret, & sic omnis Israel saluus fieret, id est ex reliquijs Israel secundum carnem & plenitudine gentium, quæ in fide Christi secundum spiritum sunt Israel: aut si genti illius Israeliticæ restat fidei plenitudo, ex qua erāt reliquiæ, in quibus reliquijs tunc & apostoli salui facti sunt, hoc significat ea plenitudine liberationis Israel, qua per Moysen ex Ægypto liberati sunt. Sequitur, Dedit Ioseph fratribus suis plaustra secundum Pharaonis imperiū & cibaria in itinere, singulisque proferri iussit binas stolas: Beniamin uero dedit trecentos argenteos cum quinque stolis optimis, tantumdem pecuniæ & uestium mittens patri suo, addens ei asinos decem, qui subueherent ex omnibus diuitijs Ægypti, & totidem asinas triticum in itinere parantesque portantes.) Triginta argenteos à Christo accepit quicumque prædicat trinitatem siue Christi crucē: ideoque Paulus ait, Neque enim iudicaui me scire aliquid inter uos, nisi Christum Iesum, & hūc crucifixum. Quinque autem stolas accepit, id est sapientiæ, omniumque sensuum multiplicem in lege disciplinam. Præcellit igitur Paulus, & exuberat eius portio meritorum: sed tamē habent & fratres, id est alij prædicatores gratia sua binas stolas, id est ut consueantur

Christum

Christum & deum esse & hominē, iuxta quod in Prouerbijs legitur. Omnes domestici eius uestiti sunt duplicibus, id est mystica uel morali intelligentia. Mittuntur & patri munera. Filius honorat patrē suum, & Christus populum suum promissis inuitat muneribus. Portant hæc munera asini illi gentiles, inutiles, & laboriosi: nunc autem utiles portent in typū Christi munera, portent in euangelio munerum largitorem. Sequitur, Qui ascendentes uenerunt in terram Chanaan ad patrem suum Iacob, & nuntiauerunt ei, dicentes, Ioseph uiuit, & ipse dominatur in omni terra Ægypti. Si enim potuisset uinci à libidine & peccasset cum uxore domini sui, nō puto quod hoc à patriarchis nuntiātū de eo fuisset patri eius Iacob, quia filius eius uiueret. Hoc enim si fecisset, sine dubio non uiuebat. Anima enim quæ peccat, ipsa moritur. Tale ergo aliquid & in Iacob indicare uidetur hic sermo, quod donec lōge fuit ab Ioseph, & non est annūtiātum ei de uita eius, ueluti defecerat in eo spiritus eius, & lumen quod in ipso fuit fomentis deficientibus iam fuerat obscurātū: ubi uero uenerunt qui ei annūtiauerunt de uita eius, id est qui dicerent, quia uita erat lux hominum, reaccēdit in se spiritum suum, & reparatus est in eo fulgor luminis ueri, & qui mortuus uidebatur, fide resurrectionis uiuificatur. Sed & in nobis calcare libidinē, sugere luxuriā, omnesq; uoluptates corporis premere ac refrinare, hoc est principatū gerere totius Ægypti: & hoc est quod apud Israel magnum ducitur, & in admiratione habetur. Si quis uero est, qui aliqua quidem uitiā corporis subiiciat, alijs uero cedat & subiaceat, de isto nō integre dicitur, quia principatū agit totius terræ Ægypti, sed unius fortē aut duarū aut trium ciuitatum uidebitur gerere principatū. Sequitur, Quo audito, quasi de graui somno euigilans, tamen non credebat eis, illi econtra referebant ordinē rei) Vocatur ergo plebs incredula, id est Iacob, à filijs suis, id est Petro & Paulo & Ioanne, dum populus Iudæorum inuitatur ad gratiam. Sequitur, Quumq; uidisset uniuersa quæ miserat, reuixit spiritus eius, & ait, Sufficit mihi si adhuc Ioseph filius meus uiuit, uadam & uidebo illum ante q̃ moriar) Sed nec hoc quidem ociose relinquendū est, quod non animum sed spiritum, tanq̃ meliorem sui partē resuscitatū esse dicit. Splendor etenim lucis qui erat in eo, etiam si extinctus penitus non est, tunc quum obtulerunt filij eius tunicam Ioseph hœdi sanguine maculatam, & mendacio eorum decipi potuit, ita ut scinderet uestimēta sua & poneret saccum super lumbum suum & lugeret filium suum nec uellet omnino consolari, sed diceret Quia descendā ad filium meū lugens in infernum. Tunc etiam si, sicut diximus, nō erat penitus extinctum in eo lumen, maxima tamē ex parte fuerat obscurātū quod decipi potuit, quod uestimenta scindere, quod falsō lugere, quod implorare mortē, quod in infernum cuperet lugendo descendere. Propter hæc quoq; nunc resuscitatur & reuiuiscit spiritus eius, quia cōsequēs erat ut lumen quod in eo obscurauerat fraus mendacij, reaccenderet & refoveret ueritatis auditus. Sequitur,

PROFECTVS QVE Israel cū omnibus quæ habebat uenit ad puteum

P 3 iura

CAP. XLVI
De profectio-
ne Iacob in
Ægyptum
XXXI

iuramēti, & mactatis ibi victimis deo patris sui Isaac, addidit deum per huiusmodi nocte uocantem se, & dicentem sibi, Jacob, Jacob. Qui respondit, Adsum. Ait illi deus, Ego sum fortissimus deus patris tui. Noli timere descendere in Ægyptum, quia in gentem magnam faciam te ibi. Ego descendā tecum illuc, & ego inde adducam te reuertentem.) Quis est, qui factus est in gentem magnam in Ægypto, & in fine reuocatus est? Quantū ad Jacob illum spectat de quo dici putatur, non uidebitur uerū: non enim in fine reuocatus est ex Ægypto, quippe qui defunctus in Ægypto est. Absurdū autē erit, si quis in eo reuocatum dicat à deo Jacob, quia corpus eius reportatū est, quod si recipiat, non erit uerum: quia deus, non est deus mortuorū, sed uiuorum. Non enim conuenit hæc de corpore mortuo intelligi, sed super uiuos & in gentibus approbari. Videamus ergo domini descensum in hunc mundū, & in gentem magnam, hoc est, in ecclesiam ex gentibus factam, cōsummatisq; omnibus ad patrem regressum. In hoc ergo uerius q̄ in Jacob adimplebitur quod dictū est, Quia reuocabo te inde in fine. Sed & unusquisq; nostrū eodem ordine atq; eadem uia Ægyptum & agones ingreditur, si mereatur ut deus semper maneat cum eo, & faciat eum in gētem magnam. Magna enim gens, est uirtutū numerus, & iustitiæ multitudo, in qua sancti quicq; multiplicari dicunt & crescere. Completur in eo etiam illud quod dictū est, Quia reuocabo te in fine. Finis enim, perfectio rerum, & uirtutum cōsummatio ponitur. Sequitur, Ioseph quoq; ponet manū suam super oculos tuos.) Verus etenim Ioseph, dominus & saluator noster, sicut corporale manum suam posuit super oculos cæci & reddidit ei uisum, quem perdidit: ita etiā spirituales manus suas posuit super oculos legis, qui per corporalem intelligentiā scribarum & Phariseorum fuerant excecati, & reddidit ei uisum, ut his quibus aperit dominus scripturas, spiritalis in lege uisus, & intellectus appareat. Atq; utinā & nobis inſiciat dominus Iesus manus suas super oculos, ut incipiamus & nos respicere, non ea quæ uidentur, sed quæ nō uidentur: & aperiat nobis illos oculos qui non intuent præsentia, sed futura: & reuelet nobis cordis aspectū, quo deus uidetur in spiritu. Sequitur, Surrexit Jacob à puteo iuramēti, tuleruntq; eum filij cū paruulis & uxorib. suis in plaustris quæ miserat Pharao ad portandū senem, & omnia quæ possederat in terra Chanaan: uenitq; in Ægyptū cū semine suo, filij eius, & nepotes, filia, cunctaq; simul progenies. Quærendū est quomodo dicat, Filias eius cum eo: quum unā tantū filiam legatū habuisse. Superius autē filias eius dixeramus accipi posse, neptes eius, sicut filij Israel omnes dicuntur etiam uniuersus populus ab illo propagatus. Sed nunc quū dicit, filias filiarū, præter unam Dinam, pluralis numerus pro singulari positus est, sicut etiā pro plurali, singularis solet poni: nisi nutus eius quisq; asserat filias eius potuisse appellari. Sequit̃. Hi filij Lia, quos genuit in Mesopotamia Syriæ cū Dina filia. Omnes enim animæ filiorū & filiarū eius trigintatres.) Nunquid istæ omnes animæ ex Lia in Mesopotamia Syriæ natæ sūt: Sed utiq; sex filij &

Numerus filiorum Jacob ingressorū in Ægyptum
xxxii

xxxiii

una

una filia, ex quib. nepotes cōmemorati sunt. Si ergo de uno Bēiamin quæstio nata fuerat, quādo numeratis XII filijs Iacob, & nominatim cōmemoratis dictum est, Hi filij Iacob, qui nati sunt ei in Mesopotamia Syriæ: quanto maior nunc quæstio est, quomodo XXXIII animæ ex Lia in Mesopotamia Syriæ nate sint: nisi quia illa loquutio cōfirmatur, tanq̃ ibi omnes orti sint. Deinde & illud non dubiū iam est, in una filia filias nominari, plurali numero pro singulari posito. Sed tamen uidendū est, quid hic respōdeatur eis, qui hoc testimonio cōfirmare nituntur à parētibus simul animas cum corporibus propagari. Animas enim dictas pro hominib. à parte totū significāte loquutione, nullus ambigit: sed quomodo ipsam partem ex qua totū commemoratū est, hoc est animam, cuius nomine totus homo significatus est, alienemus ab eo quod dictum est. Exierunt de femorib. eius, ut carnes tantū ex illo natas, quāuis solæ animæ nominentur. Sequit̃, Cunctæ animæ quæ ingressæ sunt cū Iacob in Ægyptū, & egressæ de femore illius absq̃ uxoribus filiorū LXXVI. Filij aut̃ Ioseph qui nati sunt ei in terra Ægypti, animæ duæ. Omnes animæ domus Iacob, quæ ingressæ sunt Ægyptū, fuere LXX. Quod legi LXXVI animas intrasse cū Iacob in Ægyptū, exceptis uidelicet filijs Ioseph: & deinde illis annueratis infertur LXX animæ erant, cum quib. Iacob intrauit in Ægyptū, sic accipiendū est, in domo Iacob quādo intrauit in Ægyptum. Nam utiq̃ quos ibi inuenit, non cum eis intrauit: sed quādiligentius discussa ueritate reperiuntur duo nati iam fuisse quum intrauit, Effraim & Manasses: quod non solum Hebraei codices habere dicuntur, uerum etiā ipsa secundū Septuaginta interpretatio in Exodo declarat. Nec Septuaginta interpretes mihi uidentur errasse, dum dicūt LXXV animas cum Iacob intrasse Ægyptū: propter aliquā mysticam significatiōē, quādā uelut prophetica libertate hunc numerū complere uoluerunt, si adhuc uiuēte Iacob, illi ex duobus filijs Manasse & Effraim propagati sunt, quos eidem numero domus Iacob aggregandos iudicauere. Sed quia inuenitur Iacob XVII annos uixisse in Ægypto, quomodo potuerint filij Ioseph illo uiuo etiā nepotes habere non inueniē. Ingressus est enim Ægyptum Iacob secundo famis anno: nati sunt aut̃ filij Ioseph in annis abundantia. Quibuslibet annis ubertatis nati existiment, à primo anno ubertatis usq̃ ad secundum annum famis quo ingressus est in Ægyptum, IX anni sunt. His additis XVII, quibus ibi uixit Iacob, XXVI anni reperiuntur. Quomodo ergo minus q̃ XXVI annorum iuuenes, nepotes habere potuerunt: Sed neq̃ ulla Hebraica ueritate ista soluitur quæstio. Quēadmodū enim impleri potuit, ut tot nepotes susciperet Iacob ante q̃ intraret in Ægyptū, etiā de Beniamin, qui illa ætate uenit ad fratrem? Non solum aut̃ scriptura cum filios habuisse commemorat, sed & nepotes & pronepotē, qui omnes annuerantur LXXVI, cum quibus Iacob in Ægyptū, etiā secundū Hebraicā ueritatē perhibetur intrasse. Vidēdum est etiam quid sibi uelit, quod cum Ioseph & filij eius, non amplius q̃ octo commemorentur, Beniamin uero & eius filij simul undecim

reperiantur, non XIX omnes, sicut sunt VIII & XI, sed XVIII referantur in sum mam, & postea Ioseph cum filijs suis non animæ VIII, sed IX fuisse dicantur, quum VIII inueniantur. Hæc omnia quæ indissolubilia uidentur, magnâ continent sine dubitatione rationem: sed nescio utrum possint cuncta ad literam conuenire, præcipue in numeris, quos in scripturis sacratissimos esse & mysteriorum plenissimos, ex quibusdâ quos inde nosse potuimus dignissime credimus. Sequitur, Misit autem Iudam ante se ad Ioseph, ut nuntiaret ei, & illè occurreret ei in Gessen. Quò quum peruenisset, iuncto Ioseph curru suo ascendit Ioseph obuiam patri ad eundem locum, uidensq; eum irruit super collum eius, & inter amplexus fleuit. Occurrit illi Iudas, id est cõfessio, quia iam præcedit confessio, quos antea perfidia possidebat, & sic uero Christo occurrerunt: & sic Ioseph, hoc est uerus Christus illis occurrit impartiendo illis fidem. Quis enim hac ætate suscipit ultimis temporibus populum Iudæorum, non secundum illius merita, sed secundum electionis suæ gratiam, & imponit manus super oculos eius, & cæcitatem aufert, cuius ideo distulit cæcitatem, ut postremus crederet qui antea non putabat esse credendum in Christo. Vnde Apostolus ait, Quia cæcitas ex parte in Israel facta est, donec plenitudo gentiû intraret, & sic omnis Israel saluus fieret. Sequitur, Loquutus est autem Ioseph ad fratres suos, & ad omnem domum patris sui, Ascendam & nuntiabo Pharaoni, dicamq; ei, Fratres mei & domus patris mei qui erant in terra Chanaa uenerunt ad me, & sunt uiri pastores ouium, curamq; habent alèdorum gregum, pecora sua & armeta & omnia quæ habere poterunt, adduxerunt secû. Quicq; uocauerit uos Pharaon, & dixerit uobis, Quod est opus uestrû: respondebitis, Viri pastores serui tui, ab infantia nostra usq; in præsens, & nos & patres nostri. Cõmendatur in patriarchis, quod pecorû nutritores erant à pueritia sua & à parentib; suis, & merito. Nam hæc est sine ulla dubitatione iusta seruitus, & iusta dominatio, quâ pecora homini seruiunt, & homo pecorib; dominatur: sic enim dictû est quum homo crearetur, Faciamus hominẽ ad imaginẽ & similitudinẽ nostrâ, & habeat potestatem piscium maris & uolatiliû cœli, & omnium pecorû quæ sunt super terram. Vbi insinuat rationẽ debere dominari irrationabili uitæ. Seruum autem hominẽ homini, uel iniquitas, uel aduersitas fecit: iniquitas quidem sicut dictû est, Maledictus Chanaa, seruus erit fratribus suis, aduersitas uero sicut accidit Ioseph, ut uenditus à fratrib; seruus alienigenis fieret. Itaq; primos seruos, quibus hoc nomen in Latina lingua inditum est, bella fecerunt. Qui enim homo ab homine superatus, iure belli poterat occidi, quia seruatus est, seruus est appellatus. Inde & mancipia dicta, quia manu capta sunt. Est etiam ordo naturalis in hominibus, ut seruiant sceminae uiris, & filij parentibus: quia & illic hæc iustitia est, ut infirmior ratio seruiat fortiori. Hæc igitur in dominationibus & seruitutibus clara iustitia est, ut qui excellunt ratione, excellant dominatione. Quod quum in hoc seculo per iniquitatem hominum perturbatur, uel natura carnaliû aduersitatû, serunt iusti temporalem aduer-

diuersitatem, in fine habituri & ornatissimā & sempiternā felicitatem. Regna uerunt hic ergo patriarchæ & prophetæ, ut ista regna deum dare & auferre ostenderetur: non hic regnauerunt apostoli & martyres, ut regnū cœlorū desiderandum panderetur. Illi regia bella gesserunt, ut tales quoque uictorias appareret dei uoluntate præstari: isti non resistendo interfecti sunt, ut potius esse docerent uictoriam pro fide ueritatis occidi, quamquam & illic prophetæ nouerant mori pro ueritate. Hæc autem dicetis, ut habitare possitis in terra Gessen.) Interpretatur autem Gessen Propinquitas, uel proximitas. Per quod ostenditur, quia etiam si in Ægypto habitat Israel, non tamē longe est à deo, sed proximus est ei & coniunctus, sicut etiam ipse dicit, Quia ego descendam tecum in Ægyptū, & ero tecum. Et nos ergo etiam si uideamur in Ægyptum descendisse, etiam si in carne positi agones mundi huius & certamina sustinemus, etiam si inter eos habitamus qui deseruiūt Pharaoni, tamē si prope deo sumus, si in mandatorū eius meditatione uersamur, & præcepta eius ac iudicia perquirimus: hoc est enim esse prope deo, semper quæ dei sunt cogitare, quæ dei sunt querere: & deus semper erit nobiscum. Sequitur, Quia detestantur Ægyptij omnes pastores ouium. Abominatio est enim Ægyptijs omnis pastor ouium. Merito Ægyptijs in quibus est figura præsentis seculi, in quo abundat iniquitas, abominatio est omnis pastor pecorum: abominatio est enim iniquo uir iustus. Sequitur,

INGRESSVS ergo Ioseph, nūntiauit Pharaoni, dicens, Pater meus & fratres mei, oues eorum & armenta & cuncta quæ possident, uenerunt ad me de terra Chanaan, ecce cōsistunt in terra Gessen. Extremos quoque fratrum suorum quinque uiros, statuit corā rege. Quos ille interrogauit, Quid habetis operis? Responderunt, Pastores ouium sumus & nos & patres nostri, ad peregrinandum in terra tua uenimus, quoniā non est herba gregibus seruorum tuorum ingrauescente fame in terra Chanaā, petimusque ut esse nos iubeas in terra Gessen.) Quærit potest quum Ioseph frumenta colligeret, unde homines uiuerent, pecora unde uiuebant, dū tanta fames inualesceret, maxime quia fratres Ioseph Pharaoni dixerunt, Non sunt enim pascuæ gregibus seruorum tuorum in terra Chanaan inualescente fame, & propter hanc inopiā pascuarum se uenisse cōmemorauerunt. Pro eo si ea fame pascuæ defecerant in terra Chanaan, quid in Ægypto non defecerant, eadem nunc fame inualescente? Nam sicut perhibetur ab eis qui loca illa sciunt, in multis Ægypti paludibus poterant pascua non deesse, etiam quum fames esset frumentorū, quæ solent Nili fluminis inundatione prouenire. Magis enim dicuntur paludes illæ & feracius pascua gignere, quando aqua Nili fluminis minus excreuit. Sequitur,

Dixit itaque rex ad Ioseph, Pater tuus & fratres tui uenerunt ad te, terra Ægypti in conspectu tuo est, in optimo loco fac habitare eos, & trade eis terram Gessen. Tradidit post hæc Ioseph parentibus & fratribus optimam terram Gessen.) Sic & dominus eligens terram meliorem parentibus, id est prophetis

De dislo re/
gis, Pater tu
us & fr. &c.
XXXIII

prophetis & patriarchis, ex quibus secundum carnem nasci dignatus est: siue omnibus sanctis, de quibus in euangelio dicit, Hi sunt fratres mei, qui faciunt uoluntatem meam. His igitur daturus est terram repromissionis regni dei, de qua dicit propheta, Credo uidere bona domini in terra uiuentium. Sequitur,

Post hæc introduxit patrem suum ad regem, & statuit eum coram eo. Qui benedicens illi, & interrogatus ab eo, quot sunt dies annorū uitæ tuæ, respondit, Dies peregrinationis meæ centum triginta annorum sunt, parui & mali, & non peruenerunt usq; ad dies patrum meorum, quibus peregrinati sunt.) Dicimus autem, non tam seculum ipsum, quod die & nocte annis currit & mensibus, appellari malum, quàm ea quæ in seculo fiunt. Quomodo sufficere dicitur diei malitia sua, ita & dies Jacob modici dicuntur esse & mali, & quod ea quæ sustinuit per uaria eum exercuerunt tentamenta: unde & Ioannes ait, Mundus in maligno positus est: non quod mundus ipse sit malus, sed quod mala in mundo fiant ab hominibus. Sequitur, Et alebat omnem domū patris sui, præbens cibaria singulis) Verūtamen Jacob nec quando uidit Ioseph adorauit, nec quando ab illo triticum accipiebat. Quomodo ergo somniū Ioseph impletum putabimus, & non potius maioris rei continere prophetiam? Sequitur, In toto enim orbe panis deerat, & oppreserat fames terram maxime Ægypti & Chanaan, ex quibus omnem pecuniam cōgregauit, & intulit eam in ararium regis.) Pertinuit ad scripturam in hac etiam re commēdare fidem famuli dei. Emir igitur Ioseph omnem terram Ægypti nudentibus singulis possessiones suas præ magnitudine famis, subiecitq; eā Pharaoni, & cūctum populum eius à nouissimis terminis Ægypti usq; ad extremos fines eius.) Respice ad originē generis, & inuenies quod pater eorum Cham, qui nuditatem riserat patris, huiusmodi sententiā meruit, ut filius eius Chanaan seruus esset fratribus suis, quo in eo nequitiam morum argueret cōditio seruitutis. Non ergo immerito ignobilitatem generis decolor posteritas imitatur. Hæc ergo si intelligamus spiritaliter, quæ sit Ægyptiorū seruitus agnosceamus: quia seruire Ægyptijs non est aliud q̃ obnoxium esse carnalib. uitijs, & demonibus esse subiectū. In quod utiq; unumquēq; non extrinsecus illata necessitas cogit, sed segnitia animi, & libido ac uoluptas corporis subigit, cui se animus per socordiam subdit. Qui uero libertatis animæ curam gerit, & dignitatem mentis cœlesti cogitatione nobilitat, iste ex filiis Israel est, qui etiam si uiolenter opprimatur ad tempus, non tamen libertatē suam in perpetuum perdit. Sequitur, Præter terrā sacerdotū quæ à rege tradita fuerat eis, quibus & statuta cibaria ex horreis publicis præbebantur, & idcirco non sunt cōpulsī uēdere possessiones suas.) Deniq; uis scire quid intersit inter sacerdotes dei & sacerdotes Pharaonis? Pharaon concedit terrā sacerdotibus suis, dominus autem sacerdotibus suis partem non cōcedit in terra: sed dicit eis, Ego sum pars uestra. Obseruate ergo qui hæc legis, omnes domini sacerdotes, & uide te quæ sit differentia sacerdotum, ne fortē qui partem habent in terra, & terrenis

renis cultibus ac studijs iacant, non tam domini, quàm Pharaonis sacerdotēs esse uideantur. Ille est enim qui uult sacerdotes suos habere possessiones terrarum, & exercere agri non animæ culturam, nisi & non legibus operam dare. Christus autē dominus noster sacerdotibus suis quid præcipiat audiamus. Qui non, inquit, renuntiauerit omnibus quæ possidet, non potest meus esse discipulus. Contremisco hæc dicens, meus enim primo omnium, meus inquam ipse accusator existo, meas condemnationes loquor. Negat Christus suum esse discipulum, quem uiderit aliquid possidentem, & eum qui non renuntiat omnibus quæ possidet. Et quid agimus? Quomodo hæc aut ipsi legimus, aut populis prædicamus, qui non solum non renuntiamus his quæ possidemus, sed acquirere uolumus ea quæ nunquam habuimus, ante quàm ueniremus ad Christum? Nunquid nam quia nos redarguit conscientia tegere & non proferre quæ scripta sunt, possumus modo duplicati criminis esse rei? Confiteor palàm, & populo audiente confiteor hæc scripta esse: etiam si nondum impleſſe me noui. Sed hoc saltem commoniti festinemus implere, festinemus transire à sacerdotibus Pharaonis, quibus terrena possessio est, ad sacerdotes dei, quibus in terra pars non est, quibus portio dominus est. Sequitur, Dixit ergo Ioseph ad populum, En ut cernitis & uos & terram uestram Pharao possidet, accipite semina, & serite agros, ut fruges habere possitis. Quintam partem regi dabitis, quatuor reliquas permitto uobis in semen, & in cibos famulis & liberis uestris.) Contulimus sacerdotēs sacerdotibus, nunc si uidetur & populum Ægyptiū populo Israelitico conferamus. Dicitur enim in consequentibus, quia post famem & seruitutem populus Ægyptius quintam partem offerat Pharaoni, ecōtrario uero Israeliticus populus deferat decimas sacerdotibus. Vide & in hoc scripturam diuinam in generatione subnixā, uide Ægyptium populū quinario numero tributa pendentem. Quinq; enim sensibus corporalibus designantur, quibus carnalis populus seruit, semper enim Ægyptij uisibilibus rebus & corporalibus obsequuntur. At uero Israeliticus populus honorat decadā, perfectionis numerum. Decem enim uerba legis accepit, & decalogi uirtute constrictus, ignota mundo huic sacramenta largitione diuina suscepit. Sed & in nouo testamento similiter uenerabilis est denarius numerus, sicut & fructus spiritus diuinis exponit germinare uirtutibus, & seruus fidelis de negotiationib. sui lucri decē mnas offert domino, & decem ciuitatum accipit potestatem. Verum quia unus est autor omniū, & fons & initiū unus est Christus, idcirco populus decimas quidē ministris & sacerdotib. præstat: primo uero offert primogenito omnis creaturæ, & initia initio omniū, de quo scriptū est, Qui est initiū primogenitus omnis creaturæ. Vi de ergo ex his omnib. differentiā populi Ægyptiorū & populi Israel, & differentiam sacerdotū Pharaonis & sacerdotū domini, & discutens temetipsum præuide de quo populo sis, & cuius ordinis sacerdotum teneas: si adhuc carnalibus sensibus seruis, si adhuc quinario numero uetigal exsoluis, & respicis

De dicto Io/
seph, En ut
cernitis, &c.
XXXIII

ca quæ

De iuramen-
to Ioseph
XXXV

ea quæ uisibilia & temporalia sunt, & non respicias ea quæ inuisibilia & æterna sunt, de Ægyptio populo te esse cognosce. Si uero decalogum legis & decadam noui testamenti, quæ supra exposuimus, semper ante oculos habeas, & de his decimas offers, & primogenita sensus tui in fide immolas primogenito ex mortuis, & initia tua refers ad initium omnium, uerus Israelita es, in quo dolus nõ est. Sequitur, Quumq; appropinquare cerneret Israel diem mortis suæ, uocauit filium suum Ioseph, & dixit ad eum, Si inueni gratiam in conspectu tuo, pone manum tuam sub femur meum, & facies mecum misericordiam & ueritatem.) Ea filium adiuratione constringit, qua seruū constrinxerat Abraham: ille mandans unde uxor ducatur filio suo: iste sepulturā commendans corporis sui. In utramq; causam tamē nominata sunt duo illa, quæ magna habenda atq; pendenda sunt, in scripturis omnibus quæcumq; dispersim leguntur, misericordia & iustitia, uel misericordia & iudicium, uel misericordia & ueritas, sicut scriptum est, Vniuersæ uia: domini misericordia & ueritas. Hæc ergo duo commendata, multum considerāda sunt. Seruus Abraham dixerat, Si facitis cum domino meo misericordiam & iustitiam: & iste filio dicit, Vt facias in me misericordiam & ueritatem. Sequitur, Vt non sepelias me in Ægypto, sed dotiniam cum patribus meis, & auferas me de hac terra, condasq; in sepulchro maiorum.) Quid sibi autem uelit tanto uiro tam sollicita corporis commendatio, ut non in Ægypto sepeliatur, sed in terra Chana an iuxta patres suos: mirum uidetur & quasi absurdum, nec quasi conueniens tantæ excellentiæ mentis propheticæ, si hoc ex hominum consuetudine etiam curet: si autem in omnibus his sacramenta querantur, maioris admirationis gaudium ipsi qui inuenerit orietur. Cadaueribus mortuorum peccata signficari non dubium est, quum iubentur homines post eorum cōtactionem, siue qualicumq; contactu, tanquam ab immūdia purificari, & hinc illa sententia dicta est, qui baptizatur à mortuo, & iterum tangit illum, quid prodest lauitio eius? Sepultura ergo mortuorum, remissionem significat peccatorum, eò pertines quod dictum est, Beati quorum remissæ sunt iniquitates, & quorum tecta sunt peccata. Vbi ergo sepelienda erant hoc significantia cadauera patriarcharum: nisi in ea terra, ubi ille crucifixus est, per quem facta est remissio peccatorum: & si quid aliud de te tanta, uel hoc modo uel sublimius intelligi potest. Nec tamen frustra arbitremur tales ac tantos homines tantam gessisse curam pro sepeliendis corporibus suis, quum sit, atq; esse debeat fidelium ista securitas, quod ubicunq; corpora eorum sepeliantur, uel insepulta etiam per inimicorū rabiem relinquantur, aut pro eorum libitu dilacerata absumantur, nõ ideo uel minus integram, uel minus gloriosam eorum resurrectionem credimus esse futuram. Sequitur, Respondit Ioseph, Ego faciam quod iussisti. Et ille, Iura ergo, inquit, mihi. Quo iurante, orauit Israel deum, conuersus ad lectuli caput.) Merito queritur quid sit quod dictum est, Adorauit Israel deum, conuersus ad lectuli caput: in quo utiq; senex iacebat, & sic positum caput

caput habebat, ut in eo sine labore quando uellet, oraret, quod scilicet postquam iurauit filius, securus de petitione quam rogauerat, adoraret deum contra caput lectuli sui. Sanctus quippe & deo deditus uir, oppressus senectute sic habebat lectum positum, ut ipse iacentis habitus absque difficultate ulla ad orationem esset paratus. Sequitur,

HIS ita transactis, nuntiatum est Ioseph, quod aegrotaret pater eius. Qui assumptis duobus filiis suis, Manasse, & Effraim, ad eum perrexit. Dictumque est seni, Ecce Ioseph filius tuus uenit ad te. Qui confortatus sedit in lectulo, & ingressus ad se, ait, Deus omnipotens apparuit mihi in Luza, quae est in terra Chanaan, benedixitque mihi, & ait, Ego te augebo, & multiplicabo, & faciam in turbas populorum: daboque tibi terram hanc, & semini tuo post te, in possessionem sempiternam. Etiam hinc commemorat Iacob promissiones dei etiam se factas, dicitque sibi dictum, Faciam te in turbas populorum. Quibus uerbis magis fidelium uocationem significat, quam carnalis generis propagationem. Sequitur, Duo igitur filij tui, qui nati sunt tibi in terra Aegypti antequam huc uenirem ad te, mei erunt, Effraim, & Manasses, sicut Ruben & Benjamin reputabuntur mihi. Si quis autem ambigit, quod septuaginta animae introissent in Aegyptum filiorum Israel, & quod Ioseph eo tempore quo ingressus est Iacob, non nouem, sed duos tantum filios habuerit, praesenti capitulo confirmatur. Siquidem ipse Iacob loquitur, duos cum habuisse filios, non nouem. Quod si e contrario nobis illud opponit, quomodo in Actibus apostolorum in concione Stephani dicatur ad populum, septuaginta quinque animas ingressas esse Aegyptum, facilis excusatio est. Non enim debuit sanctus Lucas, ipsius scriptor historiae, ingens Actuum apostolorum uolumen emittens gentibus, contrarium aliquid scribere aduersus eam scripturam quae iam fuerat gentibus diuulgata: & utique maioris opinionis illo duxerat tempore Septuaginta interpretum habebatur autoritas, quam Lucas, qui ignotus & uilis & non magnae fidei in nationibus habebatur. Hoc autem generaliter obseruandum, quod ubicunque sancti apostoli aut apostolici uiri loquuntur ad populos, his plerumque testimonijs utuntur, quae iam fuerant in gentibus diuulgata. Quod autem dicit, Effraim & Manasses sicut Ruben & Simeon erunt mihi: illud significat, Sicut Ruben & Simeon duae tribus erunt, & ex suis uocabulis appellabuntur, duosque populos procreabunt: & sic haereditabunt repromissionis terram, sicut & ceteri filij mei. Sequitur, Reliquos autem quos genueris post eos, tui erunt, & nomine fratrum suorum uocabuntur in possessionibus suis. Non, inquit, accipient separatim terram, nec fundulos habebunt proprios, ut reliquae tribus, sed in tribubus Effraim & Manasse, quasi appendices populi commiscebuntur. Sequitur, Mihi enim quando ueniebam de Mesopotamia mortua est Rachel mater tua in terra Chanaa, in ipso itinere, eratque uernum tempus: & ingrediebar Effratam, & sepeliui eam iuxta uiam Effratae, quae alio nomine uocatur Bethlehem. Quod Iacob filio suo Ioseph itaquam nescienti

q uoluit

CA. XLVII
De aegritudine
Iacob
XXXVI.

uoluit indicare ubi & quando sepelierit matrem eius, quum & ipse simul fuerit cum fratribus suis: sed & si erat tam paruus etate erat, ut illud uel curare uel animo retinere non posset: quæ res cõpulis modo dici, nisi forte ad rem pertinuit cõmemorare ibi sepultam matrem Ioseph, ubi Christus erat nasciturus. Sicut autem duo filij Isaac, Iacob & Esau, figuram habuerunt duorum populorum in Iudæis & Christianis, quamuis quatum ad carnis propagationem pertineret, nec Iudæi uenerunt de semine Esau, sed Idumæi, nec Christianæ gentes de Iacob, sed potius Iudæi: ad hoc enim tantum figura qua dictum est, Maior seruiet minori: ita factum est etiam in duobus filiis Ioseph: nam maior gessit typum Iudæorum, Christianorum minor. Quos quum benediceret Iacob, manum dextram ponens super minorem quem habebat ad sinistram, sinistram uero super maiorem quem habebat ad dexteram: graue uisum est patri eorum, & admonuit patrem uelut corrigens eius errorem, & quis nam eorum maior esset ostendens. At ille noluit mutare manus, sed dixit, Scio fili mi, scio: & hic erit in populum & exaltabitur, sed frater eius iunior maior illo erit, & semen eius erit in multitudine gentium. Etiam hic duo illa promissa demonstrat, nam ille in populo, hic in multitudine gentium. Quid euidentius quam his duabus promissionibus contineri populum Israelitarum orbemque terrarum in semine Abraham, illum secundum carnem, istum secundum fidem: Sequitur, Ait quoque Iacob ad filium suum Ioseph, En ego morior, & deus erit uobiscum: reducetque uos ad terram patrum uestrorum. Do tibi partem unam extra fratres tuos, quam tuli de manu Amorrhæi in gladio & arcu meo. Sichyma iuxta Græcam & Latinam consuetudinem declinata est, alioquin Hebræe Sichem dicitur, ut Ioannes quoque euangelista testatur, licet uitiolose, ut Sychar dicatur, error inoleuit: & est nunc Neapolis, urbs Samaritanorum. Quia igitur Sichem ex lingua Hebræa transfertur in humerum, pulchre adludit ad nomen, dicens, Et ego tibi dabo humerum unum. Vnum autem pro præcipuum ponitur. Quod autem ait, se eam in arcu & gladio possedisse: arcum & gladium, iustitiam uocat: per quam meruit peregrinus & aduenæ, interfecto Sichem & Emor de periculo liberari. Timuit enim, ut supra diximus, ne uiciua oppida atque castella ob euerisionem fœderatæ urbis, aduersus se confugerent, & dominus non dedit eis, ut nocerent illi. Vel certe sic intelligendum est: Dabo tibi Sichymam, quam enim in fortitudine mea, hoc est in pecunia, quam multo labore & sudore acquisiui. Quod autem ait, Super fratres tuos: ostendit absque sorte dedisse eam tribui Ioseph, siquidem eo loco sepultus est Ioseph, & mausoleum eius usque in præsens cernitur. Proculdubio ergo aliquod hic latet propheticum sacramentum, quia & Ioseph quadam præcipua significatio ne Christum figurauit, & ei datur illa terra ubi disperdiderat obruendo deos alienos Iacob, ut Christus intelligatur possessurus gentes dijs patrum suorum renuntiantes & credentes in eum. Hæredem ergo bonorum operum sanctum Ioseph præ cæteris elegit, cuius opera fratres æquare non poterant: & ideoque

De uerbis Iacob, En morior, &c.
XXXVII

ideo locum stupri & flagitijs uacantem ad incolatum sanctorum uerbis coelestibus & gladio capiens spiritali, ut ubi habitatores antea lasciuia & princeps luxuria uersabantur, ubi fuerunt incentiua libidinis & fomenta nequitiae, ibi nunc sancti sacerdotes magisteria doceant castitatis, & plurima uinginalis integritatis exempla, quodam supernae lucis fulgore resplendeant. Sequitur,

VOCAVIT autem Jacob filios suos, & ait eis, Congregamini ut annuntiem quae uentura sunt uobis diebus nouissimis, congregamini & audite filij Iacob, audite Israel patrem uestrum.) Qui ante iuniorem seniori praelulerat, coepit à primo, ut in illo mysterij praeferret gratiam, in hoc ordinem seruaret aetatis. Sequitur, Ruben primogenitus meus, tu fortitudo mea & principium doloris mei, prior in donis, maior in imperio. Effusus es sicut aqua: nō crescas, quia ascendisti cubile patris tui, & maculasti stratum eius.) Est autem sensus hic: Tu es primogenitus meus, maior in liberis, debebas iuxta ordinē natiuitatis tuae, & haereditatem quae primogeniti iure debebatur, sacerdotium accipere & regnum. Hoc quippe in portādo onere, & praeluido robore demonstratur: uerum quia peccasti, & quasi aqua quae uasculo non tenetur, uoluptatibus effusus es impetu, idcirco praecipio tibi, ut ultra non pecces, sisq; in fratrum numero poenam ex peccato luens, quod primogeniti ordinem perdidisti. Secundum mysticam intelligentiam, Ruben prioris populi uidetur ferre personam: & ideo redargui magis quam benedici uidetur, qui & primogenitus est sicut propheta dicit, Israel primogenitus meus. Etenim iuxta quod primogenitis debebatur, ipse erat accipere sacerdotium & regnum. Additur, Tu uir tuus mea: utiq; quia ex ipso populo fundamētum fidei, ex ipso uirtus dei, quae est Christus, aduenit. Quomodo autem ipse sit principiū dolorum, nisi dum deo patri semper irrogaret iniuriam, dum conuertit ad eum dorsum & non facie? Ille prior in donis, quia primis ipsis credita sunt eloquia dei, primis ipsis legislatio & testamentum, siue promissio, Maior est hic in imperio, utiq; pro magnitudine uirium dixit, quia copiosius ceteris in hoc seculo idem populus regnauit. Effusus est autē sic peccādo in Christo, quasi aqua quae uasculo non tenetur, uoluptatis effusus est impetu: & idcirco addidit, Ultra nō crescas: quia populus ipse, postquam in uniuerso orbe dispersus est, ualde imminutus atq; abbreviatus est. Sed quare talia meruerit, subiungit, Quia ascendisti cubile patris tui, & maculasti stratum eius. Praedicat enim passionem domini & primogenitae plebis audaciam, quia ascendit cubile dei patris, & maculauit stratum eius, quādo corpus domini in quo plenitudo diuinitatis quiescebat, raptum in cruce suspendit, & ferro maculauit. Sequitur, Simeon & Levi, fratres, uasa iniquitatis bellantia, in consilio eorum ne ueniat anima mea, & in coetu illorum non sit gloriatio mea, quia in furore suo occiderunt uirum, & in uoluntate sua suffoderunt murum. Maledictus furor eorum, quia pertinax, & indignatio eorum, quia dura, Diuidam eos in Iacob, & dispergam illos in Israel.) Significat autem non sui fuisse consilij, quod Sichem & Emor, sceleratos uiros

CAP. XLIX
De benedictionibus patriarcharum.

XXXVIII

interfecerint, contra iusq; pacis & amicitiarum sanguinem fuderint innocentem, & quasi quodam furore sic crudeliter obstinari, muros & hospites urbis euerterint. Vnde sequitur, & dicit, Maledictus furor eorum, quia pertinax, & indignatio eorum, quia dura: diuidam eos in Iacob, & dispergam illos in Israel. Leui enim hereditatem propriam non accepit, sed in omnibus ceptis paucas urbes ad habitandum habuit. De Simeon uero, in libro Iesu Naue scriptum est, quod & ipse proprium funiculum non fuerit consequutus, sed de tribu Iuda quædam fuerit consequutus. In Paralipomenon autem libro manifestius scribitur, quod quum multiplicatus fuisset, & non habuerit possessio- nis locum, exierit in desertum. Per Simeon & Leui, scribæ & sacerdotes Iuda- ci populi intelliguntur. De Simeon enim, scribæ sunt Iudæorum. De tribu ue- ro Leui, principes sacerdotum: de quibus scriptum est, Quia consiliū fecerunt, ut Iesum morti traderent. De quo consilio iste patriarcha, qui iam mente de- um uidebat, dicit, In cōsilio eorum ne ueniat anima mea. Horrebat enim iam in illo tempore iste sanctus patriarcha uidere tantorū scelerum facinus, quod in nouissimis temporibus facturi erant Iudæi. Sequitur, Quia in furore suo oc- ciderunt uirum, id est, dominum Iesum Christum: & in dolore suo suffode- runt murum, quando lancea confoderunt illud spiritale & fortissimum propu- gnaculum, qui custodit Israel. Maledictus furor eorum, quia pertinax ad tan- tum facinus utiq; perpetrandū, quando furore accensis & ira obtulerunt Chri- stum Pontio Pilato, dicentes illi, Crucifige, crucifige: Et, Si hunc dimittis, non es amicus Cæsaris. Et indignatio eorū, quia dura: dum Barabban latronem dimittendum peterent, & principem uitæ crucifigendum postulerent. Diui- dam eos in Iacob, & dispergam illos in Israel. Hic duo nominantur, diuisio, & dispersio. Idcirco quia nonnulli ex ipsis in dominum crediderunt, quidam in infidelitate permanserunt. Diuisi enim dicuntur ij, qui ab eis separantur, & ue- niunt ad fidem: dispersi autem, ij quorū patria temploq; subuerso, per orbem terræ incredulum genus illorum spargitur. Sequitur, Iuda, te laudabunt fra- tres tui. Manus tuæ in ceruicibus inimicorum tuorum: adorabūt te filij patris tui. Catulus Leonis Iuda: ad prædam fili mi ascendisti, requiescens accubuiisti ut leo & quasi leena, quis suscitabit eum? Nō auferetur sceptrum de Iuda, nec dux de femoribus eius, donec ueniat qui mittendus est: & ipse erit expectatio gentium: ligans ad uineam pullum suum, & ad uitem, o fili mi, asinam suam. Lauabit in uino stolam suam, & in sanguine uuæ pallium suum. Pulchriores sunt oculi eius uino, & dentes eius lacte candidiores.) Licet de Christo myste- rium sit, tamen iuxta literam prophetatū est, quod reges ex Iuda per David stirpē generatūr, & quod adorarent eum omnes tribus. Non enim ait, Filij matris tuæ: sed, Filij patris tui. Et quod sequitur, Ex germine fili mi ascendisti: in Hebræo habet, De captiuitate fili mi ascendisti: ut ostēderet, eum captiuos populos esse ducturum. Hic certe nemo dubitat, prophetātis personam esse dilucidatam. Audiamus igitur quid dicat filio suo Iudæ, de cuius tribu Chri-
stus

stus uenit ex semine Dauid, secundum carnem, sicut apostolica doctrina testatur. Iuda, te laudabunt fratres tui. Per hunc enim Iudam, uetus cōfessor exprimitur Christus, quia ex eius tribu secundum carnē est genitus. Ipsum laudant fratres sui, apostoli scilicet, & omnes cohæredes eius: qui per adoptionem, filij deo patri effecti sunt, & Christi fratres per gratiā, quorum ipse est dominus per naturam. Manus tuæ in cervicebus inimicorum tuorum. Iisdem enim manibus, & eodem crucis trophæo, & suos exuit, & inimicos atq; aduersarias potestares curauit: iuxta quod & pater promittit ei, dicens, Sede ad dexteram meam, donec ponam inimicos tuos scabellum pedum tuorum. Adorabūt te filij patris tui, quoniam multi ex filijs Iacob adorauerūt eum, qui per electionem gratiæ salui facti sunt. Catulus Leonis Iuda, quoniā nascendo paruulus factus est, sicut scriptum est, Paruulus natus est nobis. Ad prædā fili mi ascendisti: id est, ascendens in crucē captiuos populos redemisti, & quos ille leo contrarius inuaserat, tu moriens eripuisti. Deniq; rediens ab inferis ascendisti in altum, captiuam duxisti captiuitatem. Requiescens accubuisti, ut leo. Manifestissime in passione Christus recubuit, quando inclinato capite tradidit spiritum, siue quādo in sepulchro securus, uelut quodam corporis somno quieuit. Sed quare ut leo, & uelut catulus leonis? In somno enim suo leo fuit: quia non necessitate, sed potestate hoc ipsum impleuit, iuxta quod & ipse dixerat, Potestatem habeo ponendi animā meā, & nemo eam a me aufert, sed ego eam ponam. Quod uero addidit, Et ut catulus leonis Iuda, quia inde mortuus unde natus. Physici autem de catulo leonis scribūt, quod quum natus fuerit tribus diebus & tribus noctib; dormiat, tunc deinde patris fremitu uel rugitu ueluti tremefactus cubilis locus suscitare dicitur catulum dormientem. Quod ualde congruenter de passione mortis aptatur in Christo, qui trib; diebus & tribus noctibus in cubili sepulchri iacens somnū mortis impleuit. Bene ergo Christus ut leo quieuit, quia non mortis acerbitatē timuit, sed etiam in ipsa morte mortis imperiū uicit. Bene idem iterū ut catulus leonis, quia die tertia resurrexit, unde & sic adiūgitur de resurrectione eius, quis suscitabit eum? Hoc est, quia nullus hominū, nisi ipse se, iuxta quod idem de corpore suo dixit, Soluite templum hoc, & post triduum suscitabo illud. Non deficiet princeps de Iuda, nec dux de femoribus eius, donec ueniat qui mittendus est, & ipse erit expectatio gentium. Hic locus manifestissime ad Iudā refertur. Tamdiu enim fuit ex semine eius apud Iudæos intemerata successio regni, donec Christus ad redēptionem mundi ex uirgine nasceretur. Probant hoc historiæ Iudæorū, quibus ostēditur primum alienigenam regem in gente Iudæorum fuisse Herodem, quo tempore natus est Christus. Quod si putāt Iudæi nō uenisse Christum, ergo de tribu Iuda usq; hodie Iudæorum permanet regnum. Itaq; nō defuit uel dux uel princeps de semine Iuda, donec ueniret cui repositū est. Sed quia non solum Iudæis profuit qui mittendus erat: ideo sequitur, Et ipse erit expectatio gentium. Alligans ad uineam pullum suum: quod uidelicet pullū asinæ,

cui superfedit Iesus, hoc est gentilium populum: uinea apostolorum qui ex Iudæis sunt, copulauerit, cui adhuc nunquam legis onus impositum est. Nam uinea domini, domus est Israel. Et ad uitem, o fili mi, asinam suam. Quod autem dicit, fili mi, apostropham ad ipsum Iudam facit, quod Christus hæc sit uniuersa facturus: nam ipse dixit, Ego sum uitis uera. Ad hæc ergo uitem alligauit asinam suam cui superfedit, id est ecclesiam ex gentibus congregatam. Hanc itaque ad uitem corporis sui alligauit in uinculo charitatis, & disciplinæ euangelicæ nexu, ut de imitatione illius uiuens efficiatur hæres dei, coheres autem Christi. Alij namque hanc asinam, synagogam interpretantur, tardigradam scilicet & graui pondere legis oppressam. Lauabit in uino stolam suam. Bona stola est caro Christi, quæ omnium peccata operuit, omnium delicta suscepit, omnium texit errores. Bona stola est, quæ uniuerso induit uestem iocunditatis. Hanc lauit in illo uino, quod pro multis effusum est in remissione peccatorum. Et in sanguine uuae pallium suum, hoc est, in passione corporis sui diluit gentes sanguine suo. Pallium enim eius sunt gentes quas corpori suo cõtexit, sicut scriptum est, Viuo ego dicit dominus, nisi hos omnes induam sicut uestimentum. Non ergo sanguine suo propria peccata quæ non erant, sed nostra quæ fecimus delicta munda uit. Et bene uuam dixit, quia sicut uua pependit in ligno. Ipse est uitis, ipse est uua: uitis ligno adhærens: uua, quia lancea militis apertum latus habuit, & emisit aquam & sanguinem: aquam ad lauacrum, sanguinem ad precium. Aqua nos abluit, sanguis redemit. Pulchriores oculi eius uino. Oculi Christi, apostoli sunt & euangelistæ, qui scientiæ lumen uniuerso corpori ecclesiæ præstant. Ii pulchriores uino probantur, quia eorum doctrina austeritate uini ueteris exuperat, id est præcæ legis traditionem. Euangelica enim præcepta, lōge clariora sunt quæ ueteris testamenti mandata. Et dentes lacte candidiores. Dentes, prædicatores sunt sancti, qui prædicunt ab erroribus homines, & eos quasi cōminuendo, in Christi corpore transferunt. Nomine autem lactis, doctrina legis significatur, quæ carnalem populum tantum paruos loco lactis alebat, Cuius quidem candidiores effecti sunt doctores ecclesiæ, quia forte & solidum cibum uerbi mandunt atque distribuunt. De quibus apostolus dicit in epistola ad Hebræos, Persectorum autem est solidus cibus. Et bene, candidiores lacte dentes dicit, Omnes enim qui perfecti sunt, & qui scripturarum cibos explanantes, subtilem & minutum intellectum qui spiritalis dicitur, corpori subministrant, candidi esse debent & puri, atque ab omni macula liberi. Sequitur, Zabulon in litore maris habitabit, & in statione nauium, pertingens usque ad Sidonem. Zabulon qui interpretatur, habitaculum pulchritudinis, ecclesiam significat, fortissimam ad omnem tolerantiam passionis. Hæc in litore maris inhabitat, ut uideat aliorum naufragia. Ipsa immunis periculi expectat alios, fluctuantes in freto istius mundi, qui circūferuntur omni ueto doctrinæ: ipsa fidei radice immobilis perseverat, expectans hæreticorum procellas & naufragia Iudæorum, quoniam gubernatorem quæ habuerunt, abnegauerunt. Circa fluctus igitur habitat, non fluctibus commo-

commouetur: magisq; ad subueniendū parata, q̄ periculo obnoxia, ut si qui tempestatib; acti grauib; confugere ad portū uelint, præsto sit ecclesia tanq̄ portus salutis, quæ expansis brachijs in gremiū tranquillitatis suæ uocet periclitantes, locū fidei stationis ostendens. Ecclesia igitur in hoc seculo tanq̄ portus maritimi per litora diffusi, occurrit laborantib; dicens esse credentibus refugium præparatum, quò uentis quassata nauigia possint subducere. In ijs ecclesijs sunt principes Zabulon & principes Neptalim, sicut docet David in psalmo: quorū alij liberatores sunt, ac tempestate nocturna clamātes, abijciamus opera tenebrarū, & induamur arma lucis: alij sunt latitudines apostolicæ, qui possunt dicere, Os nostrum patet ad uos o Corinthij, cor nostrum dilatatum est. Isti sunt ipsi, qui quum essent in tenebris, lucem uiderunt magnā, sicut propheta testatur, dicens, Terra Zabulon & terra Neptalim uia maris trans Iordanem, populus qui sedebat in tenebris uidit lucem magnā, habitantibus in regione umbræ mortis lux orta est eis. Exploratores igitur secus ascensus nauium posuit dominus deus noster patriarchæ huius hæredes, cuius cura per uigil & spiritalis successio pertendit usq; ad Sidonem, hoc est, usq; ad gentes peruenit, ut domini misericordia peccata ablueret nationū. Sidon enim primitius est filius Cham, illius utiq; qui propter irreuerentiam paternæ pietatis maledictione damnatus est. Patris ergo liberatio nocturna, tanquam in excubijs posita propugnaculū spiritale, ne quis scopulos uitæ huius possit incidere, pertendit usq; ad grauissimorum criminum peccatores & Sidonios ipsos, qui ante superstitione uehemēti, uenatores sceltrum nuncupabātur ut interpretatio docet: soluta hæreditate maledicti, donatam hæreditatē maledictioni ab soluit, ut ubi maior reatus erat, ibi nunc uberior sit gratia. Isachar, asinus fortis, accubans inter terminos: uidit requiem quod esset bona, & terrā quod optima, & supposuit humerum ad portandū, factusq; est tributis seruiens. Quia supra Zabulon dixerat, quia maris magni esset litora possessorus, Sidonem quoq; & reliquas Phœnicis urbes contingeret: nunc & ad mediterraneā prouinciam redit, & Isachar qui iuxta Neptalim pulcherrimā Galileæ regionem possessorus esset, benedictione sua habitatorem facit. Asinum autē cum fortem uocat, & humerum ad portandū deditum: quia in labore terræ & uehendis ad mare omnibus quæ in suis finibus nascebātur, plurimū laborarat, regibus quoq; tributa comportans. Aiunt Hebræi, quod per metaphorā cuncta hæc significaret, qui scripturas sanctas die ac nocte meditans studium suum dedit ad laborandū, & idcirco ei omnes tribus seruiert, quasi magistro dona portantes. Inter terminos accubare, est præstolato mundi sine requiescere, nihilq; de his quæ nūc in medio uersantur quærere, sed ultima desiderare. Ex fortis asinus requiem bonā & terram optimā uidet, quum simplex gentilitas idcirco se ad robur boni operis erigit, quia ad æternæ uitæ patriam redit. Qui & ad portandū humerum supponit, quia conspecta superna requie præceptis etiā grauib; in operatione se subijcit, & quicquid intolerabile pusillanimitas asserit, hoc ei leue ac facile spes remunerationis ostendit. Sequitur, Dan iu-

dicabit populū suū, sicut & alia trib. in Israel. Fiat Dan coluber in uia, cerasta in semita, mordēs unguis equi, ut cadat ascēsor eius retro. Salutare tuū expecta-
bo dñe; Sāpſon iudex Israel, de tribu Dan fuit. Hoc ergo dicit nūc uidēs in spi-
ritu nutrisse comā Sāpſon Nazareū, tum cæsis hostib. triūphare, qui in simili-
tudine colubri regulicq; obſidentis uias, nullū p terrā Israel trāsire pmittebat: q̄s
temerarius uirtute sua, quasi equi uelocitate cōſiſus, eā uoluerit prædonis more
populare, effugere nō ualebit: totū tamē p metaphorā ſerpētis & equi loquit̃.
Videns ergo tam fortē Nazareū, tū quod & ipse ppter meretricē mortuus est,
& moriens nostros occidit inimicos, putauī ō deus ipſū eſſe Chriſtū filiū tuum
uerū: sed quia mortuus est, & nō reſurrexit, & rurſū captiuus ductus eſt Israel,
alius mihi ſaluator mūdi & mei generis, præſtolādus eſt: ut ueniat cui repositū
eſt, & ipſe erit expectatio gētiū. Quid hoc loco, equi nomine: niſi præſens ſeculū
deſignat? Quo in teſtimonio, qd equus ſignificet, cuius unguis coluber mor-
det, melius oſtēdemus, ſi & ea quæ circūſtāt paulō ſubtilius exponamus. Non
nulli enim de tribu Dan uenire antichriſtū ſerūt, p eo qđ hoc loco Dan & colu-
ber aſſerit & mordens. Vnde nō immerito dū Iſraeliticus populus terras in ca-
ſtronū portione ſuſciperet, prius Dan ad aquilonē caſtrametatus eſt, illū ſigni-
ficās ſcilicet qui in corde ſuo dixerat, Sedebo in mōte teſtamēti in laterib. aquī-
lonis, aſcēdā ſup altitudinē nubiū, ſimilis ero altis. qui nō ſolū coluber, ſed etiā
cerastes uocat̃. cerata enim cornua dicūt̃ur, ſerpensq; hic cornutus eſſe phibeſ,
per quē digne antichriſti aduētus ſignificat̃, quia cōtra uitā fideliū cū morſu pe-
ſtiferæ prædicationis, armatus etiā uenit cū cornu poteſtatis. Quis aut̃ nesciat ſe-
mitā anguſtiorē eſſe, q̄ uia. Fit ergo Dan coluber in uia, quia in præſentis uitæ
latitudine eos ābulare puocat, quib. quaſi parcēdo blāditur: ſed in uia mordet,
quia eos q̄b. libertatē tribuit, erroris ſui ueneno cōſumit. Fit cerastes in ſemita,
quia quos fideles repit, & ſeſe ad præcepti coeleſtis anguſta itinera cōſtringen-
tes, nō ſolum nequitia callide perſuaſionis impedit, ſed etiā terrore poteſtatis
premit, & in perſequutionis angore poſt beneficia ſictæ dulcedinis exercet cor-
nua poteſtatis. Quo in loco equus etiā hūc mūdū ſignificat, qui p elationē ſuā
in curſū labētū tēporū ſpumat. Et q̄a antichriſtus extrema mūdi apprehēdere
nitit̃, cerastes iſte equi ungulā mordere phibeſ. Ungulā q̄ppe equi mordere,
eſt extrema ſeculi feriēdo cōtingere. Vt cad. aſc. eius re. Aſcēſor equi eſt, quiſq;
extollit̃ in dignitatib. mūdi. Qui retro cadere dicūt̃, & nō in faciē: ſicut Saulus ce-
cidiffe memorat̃. In faciē eīm cadere, eſt in hac uita ſua, unūquēq; culpas agno-
ſcere, eaſq; pœnitēdo deſlere. Retro uero cadere eſt ex hac uita quæ nō uidet̃,
repēte decidere, & ad quē ſupplicia ducat̃ ignorare. Et quia Iudæa erroris ſui la-
queis capta p Chriſto antichriſtū expectat, bene Iacob codē loco repēte in ele-
ctorū uocē cōuerſus eſt, dicēs, Salutare tuū exp. dñe: iſtēd nō ſicut in fideles anti-
chriſtū: ſed eū q ad redēptionē noſtrā uēturus eſt, uerū credo fideliter Chriſtū
Sequit̃. Gad accinctus præliabit̃ ante eū, & ipſe accinget̃ retrorſū. Totū aut̃
illud eſt q. añ Rubē & dimidiā tribū Manaſſe, ad filios quos trans Iordanē in
poſſeſſiōe dimiſerat poſt xiiii ānos reuertēs, præliū aduerſus eos gētiū uicina

rum grande repit, & uictis hostib. fortiter dimicauit. Iste Gad accinctus, psonā dñi exprimit, qui in prima aduētū sui humilitate añ aduētū antichristi praeliā dus occurrit, accinctus gladio uerbi sui circa femur potētissime, quo inimicos di uisit. i. filiū à patre, filiā à matre, nurū à focu, iuxta qđ legiſ in euāg. Nō ueni p. mit. sed gla. Qđ aut ait, Et ipse accing. retror. claritas dñi nostri in secūdo regno eius ostēdiť, quia quū uenerit antichristus itē occurret retrorsū. i. post eius uesti gia, Christus celeri aduētū progrediēs ut interficiat eū gladio oris sui. Vnde & bene idē Gad latrūculus interpretat, eo qđ posterius. i. secus pedes quasi latrū culus rapido atq; improviso aduētū exiliat, cōtra aptā antichristi oppugnatio nē. Christus uero añ & retro prēliare cōtra antichristū scribit. Ante eū nāq; in occulto aduētū hūilitatis, post eū uero manifestus in gloria maiestatis. Aser, pinguis panis eius, & præbebit delicias regib.) Aser cuius nomē significat deli cias siue diuitias, idē Christus est, cuius est altitudo diuitiarū sapiētiē & sciētiē, qui ppter nos paup factus est, quū esset diues: cuius panis, pinguis factus est, caro scilicet eius quæ est esca facta sanctorū, quā quisq; māducat, uiuet in æter nū. Iste etiā præb. delicias sapiētiē reg. i. qui sensus proprios bene regūt, qui do minant uictorū suorū, qui castigāt corpora sua, & animæ suæ in seruitute subij ciūt. Sequit, Neptalim, ceruus emissus, & dās eloquia pulchritudinis) Signifi cat q; aquæ calidæ in ipsa nascant tribu, siue q; sup lacū Genesareth & fluuenta Iordanis irrigua sit. Hebræi aut uolūt ppter Tyberiadē, quæ legis uideť habe re notitiā, agrū irriguū & eloquia pulchritudinis pphetari: quod potest ceruus emissus trāsferri ppter tēporaneas fruges uelocitatē terræ uberioris ostēdens, sed melius si ad doctrinā saluatoris referamus, Neptalim, qui interpretat lati tudo, apostolos & prædicatores significat, quorū doctrina in latitudine totius mūdi diffusa est. Ex hac enim tribu fuerūt apostoli qui sunt principes & duces ecclesiarū, & principes Zabulō & Neptalim, qui sine dubio ad psonā referunt apostolorū, ipsi sunt filij excussorū. i. pphetarū, qui in manu potētis dei positi sūt, & tāq; sagittæ excussæ puenērūt usq; ad fines terræ. Vñ & bene hic Nepta lim ceruus emissus scribit, qā nimirū apostoli siue prædicatores euāgelij ueloci saltu exiliētes, more ceruorū trāscēdūt implicamēta seculi huius, sicq; excelsa & sublimia meditātes dāt eloq; pulchritudinis. i. prædicāt cūctis gētib. doctrinā dñi saluatoris. Sequit, Filius accrescēs Ioseph, filius accrescēs & decorus aspe ctu, filia discurrent sup murū, sed exasperauerūt eū & iurgati sūt, inuiderūtq; illi habētes iacula. Sedit in forti arcus eius, & dissoluta sunt uincula brachiorū eius, & manū illius p manū potētis dei Iacob, inde pastor egressus est lapis Is rael) Iuxta literā aut iste est scūs capituli huius. O Ioseph q; ideo sic uocaris, qā adduxit te mihi dñs, siue qā iter fratres tuos maior futurus es. Fortissima siqđē trib. fuit Effraim, ut in Regū & Paral. libris legimus. O iquā fili mi Ioseph q; tā pulcher es, ut te rota de muris & turnib. ac fenestris puellarū Ægypti turba, pſpe ctet, inuiderūt tibi, & ad iracūdiā puocauerūt fratres tui, habētes liuoris sagit tas, & zeli iaculis uulnerati, uerū tu arcū tuū & arma pugnādi posuisti in deo, q; fortis est ppu gnator: & uincula tua q; b. te fratres ligauerūt, ab ipso soluta sūt &

dirupta, ut ex tuo semine tribus nascat Effraim, fortis & stabilis & instar lapidis durioris inuicta, imperans quoque x tribus Israel. Hec in prophetia post passionem domini paternae uocis imagine praeulit: quo redeunte in coelum post uictoriam Christum adloquitur, dicens, Filius accrescens Ioseph, filius accrescens utique in gentibus, quia ob incredulitatem synagogae populum reliquisset, innumeram sibi plebem ecclesiae ex omnibus gentibus. ampliavit. Quod & David cecinit dicens, Reminiscetur & c. ad d. u. f. terrae. Filius accrescens & decorus aspectu. Omnes enim superat illius pulchritudo, iuxta quod & psalmista de illo testatur, dicens, Speciosus f. prae f. h. Filiae discurrunt super murum: id est gentes, uel ecclesiae quae crediderunt in Christo. Haec super soliditatem fidei, quasi super murum amore pulchritudinis Christi accense discunt, ut uirum sponsumque per contemplationem aspiciant, & osculo charitatis illi copulentur atque adhaereant. Sed obiurgati sunt eum, subauditur Christum, quando falsis eum testimoniis calumniantes sanctum domini opprimere synagogae populi tentauerunt. Inuidebantque illi habentes iacula. Neque enim quisque in Ioseph coniecit sagittam, uel aliquid quod uulneris telum: sed hoc specialiter euenit in Christo. Sedit in forti arcus eius. Christus enim arcum suum & arma pugnandi posuit in deum, qui fortis est propugnator: cuius uirtute euertitur omnis nequitia perfidorum. Et dissoluta sunt uincula brachiorum eius, quibus fratres, hoc est Iudaei, cum uincti Pontio Pilato tradiderunt, uel quibus eum suspensum ligno crucifixerunt. Recifa enim sunt per manus omnipotentis Iacob, hoc est per manus omnipotentis dei Iacob, ex cuius ore ipse Christus bonus pastor, egressus est lapis & firmitas credentium in Israel. Deus patris tui erit adiutor tuus. Quis audiuit filium, nisi solus pater qui dixit, Iacob puer meus suscipiet cum anima mea: Et omnipotens benedixit tibi benedictionibus coeli de super, benedictionibus abyssi iacentis deorsum. Vniuersa enim subiecit ei, coelestia per benedictionem coeli, & terrena per benedictionem abyssi iacentis deorsum, ut omnibus angelis & hominibus dominetur: benedictionibus uberum, id est duorum testamentorum, quorum altero nuntiatus est altero demonstratus: siue benedictionibus Mariae uberum quae uere benedicta est, quia eadem sancta uirgo domino potum lactis immulsit. Unde & illa mulier in euangelio ait, Beatus u. q. te p. & u. q. f. Benedictionibus uberum & uuluae. Etiam hic benedicitur uulua eiusdem matris, illa utique uirginalis quae nobis Christum dominum edidit, de qua patet per Hieremiam, qui eiusdem personam gestauit, sub ipsius figura ad se dictum audiuit, Priusquam te for, in u. noui te, & antequam exires de u. f. te. Benedictiones patris tui confortatae sunt benedictionibus patrum tuorum. Benedictiones, inquit, patris tui coelestis, quae datae sunt tibi a summo coeli & abyssi, confortatae sunt, id est praeualere benedictionibus patrum tuorum. Ultra enim omne sanctorum meritum prophetarum, siue patriarcharum conualuit benedictio omnipotentis patris in filium, ita ut ei nullus sanctorum aequaretur. Donec ueniat desiderium collum aeternorum. Colles isti, sancti sunt, qui Christi aduentum prophetantes, magno cum desiderio incarnationem eius expectauerunt, de quibus dominus dicit, Quia multi iusti & prophetae cupierunt uidere quae

re quæ uideretis. Hi ergo sancti dicti sunt colles propter excellentiâ sanctitatis. Qui etiam æterni uocantur, quia uitam consequuntur æternam, nec intereunt cum mûdo, sed esse credunt æterni. Fiant in capite Ioseph: omnes scilicet istæ benedictiones super caput Christi ponuntur, quas incarnatus accepit. & super uerticem Nazarei, de quo scriptum est, Quoniam Nazareus uocabitur, hoc est sanctus dei. Inter fratres suos, quia ipse est caput omnium eminens uniuersorum sanctorum, quos & fratres uocat in Psalmis. Sequitur, Benjamin, lupus rapax. Mane comedet prædam, & uespere diuidet spolia. Hoc capitulum ita Hebræi edisserunt, ut altare quo immolabantur hostiæ & uictimarum sanguis ad basim illius fundebatur, in parte tribus Benjamin fuerit. Hoc, inquit, significat, quod sacerdotes mane immolarent hostias, & ad uesperam diuiderent ea quæ sibi à populo ex lege collata erant. Lupum sanguinariū uel rapacem super altaris interpretatione ponentes, & spoliolum interpretationem super sacerdotibus, qui seruientes altari uiuebant de altari. Benjamin, lupus rapax, mane comedet prædam, & uespere diuidet spolia. Quibus dictis Paulus apostolus designatur, de Benjamin stirpe progenitus. Qui mane rapuit prædam: id est, in primordiis fideles quos potuit, deuastauit. Vespere autem spolia diuisit, quia fidelis postmodum factus, sacra eloquia audientibus, discretionem mirifica dispensauit. Legimus quendam ex doctoribus, ad urbem Hierusalē ea quæ de Benjamin scripta sunt referentem. Benjamin, inquit, filius doloris interpretatur. Hic forte hæreditatis eum locum accepit, in quo terrena est Hierusalē, quæ nunc propter incredulitatē abiecta est atque repulsa. Hæc enim in filiis suis sub persona Benjamin designatur. Nam sicut Benjamin ultimam consequutus est benedictionē, ita & idem populus ultimus est saluandus, postea quā plenitudo gentium introierit. Dicit enim Benjamin lupus rapax: lupus scilicet, quia ipse populus effudit sanguinem prophetarum: rapax autem propter auaritatē dicitur. Ex multa enim fame uerbi dei & inedia, ueniet rapax, quia & ipse uolenter diripiet regnum dei. Hic autem mane comedet prædā. Mane, illud tempus creditur significari quo legem accepit: tunc enim primo quædam illuminatio scientiæ data est. Comedet autem mane, quia legem quam mane accepit, edit adhuc meditatur & legit, sequens legis iustitiā, in legem fidei non peruenit. Ad uesperam autem diuidet spolia. Vespere erit illud tempus nouissimum quo couertetur. Tunc diuidet spolia, id est tunc intelliget diuidendam esse literam à spiritu: & tunc cognoscat, quia litera occidit, spiritus autem uiuificat. Quia ergo iam per gratiam domini illuminatus, incipit legis spiritualia à corporalibus diuidere & separare: ideo dicitur, ad uesperam diuidet spolia, siue escā, eo quod tota die in lege meditans ante non fecit. Quare autem de Iacob, quorū omnes quos de liberis & de ancillis genuit, æquali honore filios & hæredes constituerit, nisi ut ostenderet quod Christus dominus omnibus gentibus quæ per fidem corpori eius conciliantur, cunctos pari honore & gloria habens, cœlestia præmia largiatur: nec est distinctio, Iudæus an Græcus, Barbarus & Scythæ, seruus an liber sit: quia per omnia & in omnibus, Christus est. Propterea enim figuram

figuram setui saluator noster & dominus induit, & pro libero & pro seruo seruauit, ut omnibus credentibus in se, æquale donum bonorum celestium largiatur: nec præfertur apud illam, quis secundum carnem nobilior sit. Quicumque enim fidem domini promerent, nullis maculis carnalis natiuitatis obscurantur. Nam & hoc ita futurum etiam per prophetam promittitur, dicente domino. Erit in nouissimis diebus effundam de spiritu meo super omnem carnem. Sequitur,

De morte
Iacob
XXXIX

Finitisq; mandatis, quibus filios instruebat, collegit pedes suos super lectulum, & obiit, appositusq; est ad populum suum. Quod cernēs Ioseph, ruit super faciem patris, flens & deosculans eum.) Videndum quomodo dicant scripturæ, quod assidue dicunt de mortuis, Et appositus est ad patres suos: uel, Appositus est ad populum suum: sicut de Iacob dicitur, iam quidem mortuo, sed non dum sepulto. Sed ad quem populum apponatur, non in promptu est uidere. Ex illo enim populus prior natus est, qui dictus est populus Israel. Qui uero eum præcessere tam pauci iusti nominantur, ut eos populū appellare cunctemur. Nam si dictum esset, Appositus est ad patres suos: nulla quaestio fieret. An fortè populus est, non solum hominum sanctorum, uerum etiam angelorum, populus ciuitatis illius unde dicitur ad Hebræos, Accessistis ad montem Sion, & ciuitatem Hierusalem, & milia angelorum exultantium. Huic populo apponuntur, qui hanc uitam placentes deo finiunt. Tunc enim dicuntur apponi, quando nulla iam remanet sollicitudo tentationum & periculum peccatorum. Sequitur, Præcepitq; seruis suis medicis, ut aromatibus condirent patrem. Quibus iussa explentibus, transferunt quadraginta dies. Iste quippe mos erat cadauerum conditorum. Fleuitq; eum Ægyptus septuaginta dies.) Quadraginta dies sepultura, quos commemorat scriptura, fortè significat aliquid poenitentiae, qua peccata sepeliuntur. Non enim frustra etiā XL dies ieiuniorum sunt constituti, quibus Moyses & Elias & ipse dominus ieiunauit, & ecclesia precipuam obseruationem ieiuniorum, quadagesimam uocat: & Ionas propheta Niniuitis prædicauit, Adhuc XL dies, & Niniue subuertetur, ut per tot dies accōmodatos, humiliatio poenitentium, & accepta remissio peccatorum intelligatur. Sequitur,

CAP. L

EXPLETO planctus tempore, loquutus est Ioseph ad familiam Pharaonis. Si inueni gratiam in conspectu uestro loquimini in auribus Pharaonis, eo quod pater meus adiurauit me, dicens, En morior: in sepulchro meo, quod fodi mihi in terra Chanaan sepelies me. Ascendam igitur & sepeliā patrē meum, ac reuertar. Dixitq; ei Pharaon, Ascende, & sepeli patrem tuum. Quo ascendente, ierunt cum eo omnes senes.) Quod ait Ioseph ad potentes Ægypti, ut dicerent Pharaoni ex nomine eius, Pater meus adiurauit me, dicens, In monumento meo quod ego fodi mihi in terra Chanaan, ibi me sepelies: queri potest quomodo sit uerum, quum hæc uerba patris eius, quādo de sua sepultura mandauit, non legantur. Sed ad sententiā uerba referre debemus, sicut in alijs supra similiter iteratis uerbis uel narrationibus admonuimus. Fodisse autē sibi Iacob sepulchrū, nūq; superius in hac scriptura legit: sed nisi fieret quā in eis-

dem

dem tetrīs esset, modo nō diceretur. Sequitur. Veneruntq; ad aream Achar, quæ sita est trans Iordanem. Quid sibi uult, quod quum pergerent ad sepeliendum Iacob, scriptura dicit, Et uenerunt ad aream, quæ est trans Iordanem. Prætergressi sunt enim locū, in quo erat mortuus sepeliendus, milia sicut perhibent qui nouere plus quàm quingenta: tātum quippe spatij est plus minus ab eo loco ubi sepulti sunt patriarchæ, usq; ad hunc locum, quō eos aduenisse narratur. Nam post factum ibi luctum & planctum magnum, redierunt ad locum quem præterierant, rursus Iordane transiecto. Nisi fortè quis dicat aliorum hostium uitandorū causa per eremum eos uenisse cum corpore, quæ etiam uia populus Israel ductus est, per Moysen ab Ægypto liberatus. Illo quippe itinere, & plurimū circuitur, & per Iordanem uenitur ad Abramium, ubi sunt corpora patriarcharum, id est, ad terram Chanaā. Sed quomodo factum sit, ut trans illa loca uersus ad orientem tantum itetur, & inde ad ea per Iordanem ueniretur, significationis causa factum esse credendū est, quod per Iordanem uerturus erat ad eas terras postea Israel in filijs suis. Sequitur. Vbi celebrantes exequias planctu magno atq; uehementi, impleuerunt VII dies. Quod quū uidissent habitatores terræ illius (id est, Chanaan) dixerunt, Planctus magnus est iste Ægyptijs. Et idcirco appellauerūt nomē loci illius, Planctus Ægypti. Fecerunt ergo filij Iacob, sicut præceperat eis: & portantes eum in terram Chanaan, sepelierunt in spelunca duplici. Nescio utrum inueniatur alicui sanctorū in scripturis celebratum luctum esse per nouem dies, quod apud Latinos nouemdiū appellatur. Vnde euidenter apparet ab hac consuetudine prohibitos Christianos istum in mortuis numerū seruare, qui magis est in gentiliū consuetudine. Septimus uero dies autoritatē in scripturis habet. Vnde alio in loco scriptū est, Luctus mortui, septem dies: fatui autem, omnes dies uitæ eius. Septenarius autem numerus propter sabbati sacramentum, præcipue quietis indicium est. Vnde merito mortuis, tantū requiescentibus exhibetur. Quem tamen numerum in luctu Iacob decuplauerunt Ægyptij, qui cum LXX diebus luxerunt. Sequitur. Vixitq; Ioseph centum & decem annos, & uidit Effraim filios usq; ad tertiā generationē. Filij quoq; Machir, filij Manasse, nati sūt in genibus Ioseph. Mortuusq; est expletis centum & decem uitæ suæ annis, & conditus aromatibus, sepultusq; est in Ægypto. Quum hos filios filiorum uel nepotes filiorū dicat scriptura Ioseph uiuendo uidisse, quomodo eos iūgit illis LXX hominibus, cū quibus Iacob Ægyptum dicitur intrasse, quādoquidē Ioseph senescēdo peruenit, ut eos natos uideret? Iacob autē quando ingressus est Ægyptum, iuuenis erat Ioseph: & eum pater moriens L & VI ferè ætatis annum agentem reliquit. Vnde constat certi mysterij causā illum numerum, id est septuagenariū, scripturam commendare uoluisse. Si autem quisquam exigit, quomodo etiam secundū historiam fidem uerum sit, Iacob cum LXX animabus in Ægyptum intrasse: non illo uno die quo uenit, eius ingressum oportet intelligi. Sed quia in filijs suis plerumque appel-

De morte Ioseph XL

appellatur Iacob, hoc est in posteris suis, & per Ioseph cum constat in Ægyptum intrasse, introitus eius accipiendus est, quamdiu uixit Ioseph, per quem factum est ut intraret. Toto quippe illo tempore nasci & uiuere potuerunt, omnes qui commemorantur, ut septuaginta, uel iuxta Septuaginta interpretes, septuagintaquinque animæ compleantur, usque ad nepotes Benjamin. Sicut enim dicit, Hi filij Liæ, quos peperit Iacob in Mesopotamia Syriæ, loquens etiam de his qui nondum erant nati: quia illic parentes eorum de quibus nati sunt, pepererant, ibi eos perhibet natos, quoniam causa quæ nascerentur ibi nata est, id est parentes eorum quos ibi Liæ peperit: ita quoniam causam intrandi in Ægyptum Iacob in Ioseph habuit, totum tempus quo in Ægypto uixit Ioseph, ingressio erat Iacob in Ægyptum per suam progeniē, quæ illo uiuo propagabatur, per quem factum est ut ingrederetur.

DIVI EYCHERII LVGDVNENSIS EPISCOPI
COMMENTARIORVM IN GENESIM
FINIS





D. EVCHERII LVG-

DVNENSIS EPISCOPI COMMENTARIORVM IN

libros Regum ad Veranium & Salonium

fratres episcopos Libri

quatuor.



D. EVCHINRI LVI.

PUBLISHED BY THE
AUTHOR, 1845.

VERE NOBILI AC

ERVITO VIRO D. IANO A SVOLLA EQVI

ti ac iureconsulto suo Dño & amico præcipuo

Ioannes Alexander Brassicanus

iureconsultus S D P.



ARCHIMEDES ille Syracusanus, quem ueteres arbitrati sunt plus ualuisse in imitandis sphaerarum conuersionibus, quàm naturam in efficiendis: siquando difficilis alicuius rei feliciter explicatam inuenisset, solebat & gaudio exilire, & identidem exclamare, *εὕρηκα, εὕρηκα*, hoc est reperi tandem reperi: & Pythagoras, quum inuenisset τὸν τετράγωνον ὀρθογώνιον, Musis à quibus admonitum esse se significabat hecatomben sacrificauit,

Archimedes
Syracusanus

Pythagora
hecatombe

Id quod uetus & elegantissimum hoc Epigramma comprobat,

*ἡνίκα πωθαγόρας ἢ πωθιδεύς ἔνθαβ' ἡράμμε
κλφός ἐφ' ὧ λαμπρὴν ἦγαγε βεθυσίλιν*

Citat Plutarchus
aduersus
Epicurum.
Aegyptiorum
Osyris

Sed & Aegyptij inuento illo tam diu quaesito Osyri, nusquam non exclamabant, Inuenimus, laetamur. Ego uero siquando in ueterem aliquem & maiorum gentium autorem, necdum in lucem prolatum incido, longe uerius omnium istorum uoces usurpauero, ac rectius etiam dijs immortalibus eiusmodi thesaurorum adseruatoribus, gratissimæ mētis sacrificiū obtulero: neque enim alia ratione pro beneficijs istis inæstimandis nos gratos exhibere possumus, quàm si & seruatos & inuentos à nobis meliores illos libros uni ac unico deo acceptos feramus, Qui ut maximus, ita etiam uere optimus est, Quoniā non tantum abunde potest, uerum etiam perpetuo & ubique prodesse uult: & mea quidem sententia, nūquam ille uniuerso mortalium generi, uel praesentis aetatis, uel felicitis consulit, uel amicitias etiam prospicit, quàm quum ueterum autorum scripta (praesertim ea quae quum sacra enarrant, merito etiam sacra existimari debeant) non patitur interire, sed quasi postliminio ad nos arcana sui consilij maiestate reuocat. Id quod in Eucherio Episcopo Lugdunensi factum esse nemo inficiabitur, qui saltem rem ipsam diligentius animaduernerit. Nam anno superiore quum immanissimi Turcae Viennam inaudita obsidione premerent, & omnia circumiecta, nimirum urbes, arces, caenobia, uillas, pagos, agros, uineas, ferro ac igne uastarent, exusserunt etiam regionum hoc, instituti Diui Bernardi Caenobium, quod ad S. Crucem Diuo Leopoldo Archiduci Austriae, appellare placuit: & quum hoc ita miseris modis acceperant, ut iam Caenobium quereretur in caenobio, libros tamen omnes & ueteres, & adhuc minime uulgaros, incorruptos, & ex nulla parte deminutos reliquerunt. Ita

Gratitudo
erga deum

Deus Opt.
Max.

Veterum
autorū scripta
à deo conseruata

Obsidio
Viennae per
immanissimos
Turcas

Caenobium
S. Crucis in
Austria

aa 1 ut ignis

Aeneas peper ut ignis ijs non aliter pepercisse uideatur, quàm Aeneas Anchisem patrem hu
cit ignis meris effrenti, nec flammam uis, nec hostium infelix occurfus obesse potuit,
 aur Aethna incendium, pios illos adulescentes, parentum suorum latera clau
 dentes, saluos ac incolumes abire permisit. Pepercit igitur incendiū hoc atro
 cissimum Eucherio, & ab eo libris isthic omnibus omne ius belli Turcae absti
 nuerunt. Cum in retea nostri milites, intra moenia, libros omnes discerperent,
Germanorum omnia uolumina corrumpere. Ita ut uix à publicis etiam bibliothecis diri
militū atrox piendis aut ui prohibiti, aut auctoritate submoti fuerint. Vides optime uir, &
facinus unico nomine tantum non etiam moribus à Turcis hæ belluæ differunt. Cer
 re non minus periculi fuit ab imposito praesidio, quàm ab extremo & eo qui
T. Liiij exclamatio dem perniciosissimo hoste. Vnde recte Liius exclamat, Id quidem cauē
 dum semper Rhomanis ducibus erit, exemplaq; hæc uere pro documentis
 habenda, ne ita externis credant auxilijs, ut non plus sui roboris, suarūq; pro
 prie uitium habeant, Sed hæc alterius instituti sunt. Nunc tibi muneri mitto
 Diui Eucherij in Reges commentariorum libros quatuor, partim quidem ut
 tuæ prorsus in me incredibili benignitati, liberalitati, ac amoris, uel aliqua ex
 parte respondeam, nam satisfaciendi ullo unquam tempore mihi spem om
 nem praecidisti: partim autem, ut iudicium hoc tuum singulare comprobare
 uidear, quo rectissime existimas uix unum aut alterum esse, qui tam exactam
 in interpretandis sacris literis rationem obseruarit, atq; Diuus Eucherius at
 canis quibusdam & reconditis notis iam inde ex Dionysij Areopagitæ disci
 plina repetitis, usus sit. Illum igitur quem tātōpere deprædicasti, quē tam ple
 nis uelis extulisti simul, & exornasti, tuū tibi habeto. In eoq; rursum ac pro
 sum euoluendo, animum tuum eiusmodi epularum amantissimum quàm lau
 tissime pasciro. Scimus enim te sacris literis ita deditum esse, Ita bonas horas
 omnes in ijs consumere, ut Zoroastris aliquo illicio adductus & incitatus es
 se uidearis. is enim antiquissimis ijs uersiculis sacrarum rerum studiosos com
 monefacere solitus est:

Zoroastris
uersiculi

μὴ Μοῦν οὐρεθεῖς ἰσθὺν πρὸς ἀφ' ὧν ἀνοίγῃ
 τὴν ἀπὸ τῆς σοφίας τε καὶ διανοίας συνανθότα.

Vale bene, uir & uera nobilitate ac eruditione præstantissime, & me cum stu
 dijs meis tibi bene cognitis, commēdatum habere perge. Ego certe quod ad
 me pertinet, eiusmodi ueterum monumentis ornare te nunquam desinam.
 Quanquā ut uerum fatear longe plus splendoris à te nostra accipiunt, quàm
 uicissim possint reponere. Pro tua tamen incomparabili modestia, scio, quàm
 sis & hoc æqui boniq; facturus: quādo nostrum animum ita perspectum ha
 beas, ut ab eo planè nihil ad re proficisci scias, nisi quod ingenuè
 candidum atq; sincerū fuerit. Id quod in posterum ap
 probare tibi rebus ipsis, quàm uerbosioribus
 promissis malo. Viennæ,

Ex collegio Regio, Anno à nato Iesu M D XXX. mense Decembri.

INDEX CAPITVM

LIBRI PRIMI



DE HELCHANA, & duabus uxoribus eius, & natiuitate Samuelis . I

De cantico Annæ II

De propheta ad Heli destinato, & malo filiorum eius, atq; morte ipsorum III

De sacerdote fidele quem spondet deus, qui iuxta cor suum & animam suam faciebat IIII

De caligine oculorum Heli, & augmento Samuelis, & uerbis domini quæ non ceciderunt in terram V

De arca captiuitate & idolo Dagon, necnon & morte Heli, & nuru sua VI

De reuersione arca domini ad terram Israelitarum VII

De percussione Bethsamitarum VIII

De eo quod scriptum est, Ex qua die mansit arca domini in Cariathiarim, multiplicati sunt dies IX

De eo quod scriptum, Congregato omni populo Israel orauit Samuel dominum pro Israel, & exaudiuit eum X

De filiis Samuel qui declinauerunt post avaritiam & acceperunt munera. XI

De unctione Saul regis & aduentu Samuelis in Galgalis XII

De ieiunio indicto a Saule XIII

De prælio Saul contra Amalech & Agag rege, & de eo quod scriptum est, Poenitere deum quod constituerit Saul regem XIII

De oburgatione Samuelis in Saul, quæ non audisset uocem domini & scissione pallij Samuelis, necnon & morte Agag regis XV

De spiritu maligno qui irruerat in Saul XVI

De Dauid & unctione eius XVII

De certamine Dauid & Goliath XVIII

De eo quod Saul pro centum præputijs Philistinorum, Dauid filiam suam promittit dare uxorem XIX

De fuga Dauid, & salute eius, & simulachro quod in lecto eius inuentum est XX

De aduentu Dauid ad Samuelem & nuntijs Saul, qui missi sunt ut apprehenderent Dauid, qui accepto spiritu domini prophetauerunt XXI

De coniuratione Dauid & Jonathan XXII

Vbi Dauid ad Abimelech sacerdotem uenit, & gladium Goliath sustulit, seu panes propositionis accepit XXIII

Vbi Dauid ad regem Achis fugit, & mutauit os suum XXIII

Vbi in spelunca Dauid Saulis chlamydem abscidit XXV

De descensione Dauid in solitudinem Ahon, ubi habitabat Nabal XXVI

aa ; Vbi

| | |
|--|--------|
| Vbi David dormiente Saul & exercitu eius hastam scyphumq; eius abstulit | xxvii |
| De praelio David in Amalech | xxviii |
| De pythonissa quam consuluit Saul & suscitatione Samuelis | xxix |
| De praelio Philistinorum, & plaga in Israel, morteq; Saul & Ionathæ filij eius | xxx |
| De luctu David pro morte Saul & Ionathæ ex interemptione in Israel | xxxi |

FINIS

D. EVCHERII LVGDV

NENSIS EPISCOPI COMMENTARIORVM IN LIBROS
Regum ad Veraniū & Saloniū fratres episcopos Liber primus.



EGVM tēpora post iudices quādo Dauid Saule reprobato cōpit regnare, incipiunt. Vnde & liber ubi res gestæ continētur, quem nunc aggredimur, Malachim, idest Regum uocitatur, quod tertio & quarto uolumine continet. Meliusq̃ est multo malachim, idest regum, q̃ malachot, idest regnorū dicere. Non enim multarū gentium regna describit, sed unius Israelitici populi, qui tribubus XII continetur. Plus tamē in terrena Hierusalē, tribus Iuda,

unus ex XII, diuturna successione regnauit. In qua ciuitate reprobato Saule, prior Dauid regnauit. In quibus temporib. multa uaria sacramēta Christi & ecclesiæ figurātur. Nam in ipso exordio regum, commutātū sacerdotiū in Samuele reprobato Heli, & commutātū regnū in Dauid reprobato Saule, exclamat prænūtiari nouū sacerdotiū nouūq̃ regnū, reprobato uetere, quod umbra erat futuri in dño Iesu Christo nenturi. Nonne ipse Dauid quum panes propositionis māducauit, quos nō licebat manducare nisi solis sacerdotib. in una eademq̃ persona utrūq̃ futurū, idest in uno Iesu Christo regnū & sacerdotium figurauit? Et aspice regū tempora, quia primo iudicū, postea regum. Sic erit iudiciū, postea regnū. Huius autē libri tale principiū est: Fuit uir unus de Ramatha Sophim, de monte Effraim, & nomē eius Helchana, filius Hieroboam, filij Helij, filij Tau, filij Suph Effrateus) Helchana non de Amrā ortus, sed de Isaac, qui & ipse filius fuit Caath, & Caath filius Leui. Hic Isaac pater fuit Chore, quo pereūte filij eius remāserunt. De cuius stirpe fuit Samuel, quorū posteritas postea temporib. Dauid & Salōmon, cantatores & prophete in populo & templo dei fuerunt. Huius Caath familię acceperunt urbes & suburbana ad inhabitandū, ut liber Iesu Naue testatur, in monte Effraim, ubi fuerunt ciuitates Sichē & Gazer & Cethsain & Bethoron. Fuit enim Helchana filius Hieroboā, filij Helij, filij Tau, filij Suph, filij Helcana, filij Iohel, filij Azaria, filij Sophonia, filij Thaat, filij Aſir, filij Abisaph, filij Chore, filij Isaac, filij Caath, filij Leui, filij Israel, ut uerba dierū narrāt. Et habuit duas uxores, nomē unī Anna, & nomen secūda Phenenna. Feceruntq̃ Phenennæ filij, Annæ autē nō erant liberi: &c.) Iste ergo laudabilis uir habuit duas uxores, nomen unī Anna, & nomē secūda Phenēna. Habebat autē filios de secūda Phenenna, sterilis uero erat prior illa quæ & nobilior erat. Similia inuenies etiā in Genesi, cognata quippe sibi est scriptura diuina. Inuenies ibi primā uxorē Abraham Sarā nobiliore: secūda uero Ægyptiā Agar, ignobilē fuisse: & ante patrē effectū Abraham de ignobili q̃ de nobili. Fuit tamen postmodū etiā de nobili

De Helchana

1

coniuget pater. Ita ergo etiam nunc Helchana hic qui est possessio dei, prius de secunda uxore efficitur pater: quoniam quidem conduserat deus uulvam Annæ, sicut & prius conduserat uulvam Saræ. Post plurimos uero partus Phenenna, etiam Annæ uulua orationibus & precibus aperitur, & efficitur etiam ipsa mater filij eius, quem obtulit deo. Quid ergo hæc in se sacramenti contineant, uideamus. Phenenna interpretatur conuersio, Anna autem interpretatur gratia. Vnusquisque ergo nostrum, qui uult effici possessio dei, istas sibi duas iungat uxores, & cum ipsis sibi nuptias celebret. Primam sibi iungat, quæ nobilior est & generosior, gratiam: hæc enim nobis per fidem prima coniungitur, sicut & Apostolus dicit, Gratia salui facti estis per fidem. Secunda uero coniugimur Phenennæ, idest conuersioni, quia post gratiæ credulitatis, emendatio fit moris, & uitæ conuersio. Sed quum ista sit ordo nuptiarum, alius ordo procreationis efficitur. Prima nobis filios parit Phenenna, quia primos fructus de conuersione proferimus, & prima iustitiæ germina de actibus & operibus procreamus. Primum namque iustitiæ opus est, conuerti à peccatis: quia nisi ante conuertamur & dedinemus à malo, non poterimus de Anna effici patres, nec de gratia liberos generare. Videamus ergo nunc uniuscuiusque differentias. Phenenna filios habet sed qui non assident deo, neque enim tales filij possunt esse conuersionis, ut assistant & adhæreant deo. Nec tamen inanes & penitus alieni sunt à rebus dei. Accipiunt namque partes de sacrificijs diuinis, & edunt de hostijs dei. Vnusquisque ergo nostrum primo conuertitur à peccato, & ex conuersione generat opera iustitiæ: postea uero excitata in nobis Anna, per zelum & amulationem boni precè fundat ad deum, ut & ipsa filios generet. Quales ergo Anna, quæ est gratia, filios generat, qui assideant deo? Gratia enim & ueritas per Iesum Christum facta est. Hic ergo filius gratiæ, qui uerbo dei & deo uacat. Post hæc orauit Anna, & ait, Confirmatum est cor meum in domino, & exaltatum est cornu meum in deo salutari meo. Dilatum est os meum super inimicos meos, latata sum in salutari tuo: &c.) Ita ne uero uerba hæc unius putabuntur esse mulierculæ, de nato sibi filio gratulantis? Tantum mens hominum à luce ueritatis auersa est, ut non sentiat supregredi modum sceminae huius dicta quæ fudit: Porro qui rebus ipsis quæ iam coeperant etiam in hac terrena peregrinatione compleri conuenienter mouet, nonne intendit & aspicit & cognoscit per hanc mulierem, cuius etiam nomen, idest Anna, gratia eius interpretatur: ipsam religionem Christianam, ipsam ciuitatem dei, cuius rex est & conditor Christus, ipsam postremo dei gratiæ prophetico spiritu sic loquentem: à qua superbi alienantur ut cadant, qua humiles implentur ut surgant, quod maxime hymnus iste personuit: nisi forte quisque dicturus est, nihil istam prophetasse mulierem, sed deum tantummodo propter filium, quæ precata impetravit, exultanti laudatione laudasse? Quid ergo sibi uult quod ait, Arcus fortium superatus est, & infirmi accincti sunt uirtute, pleni panibus, minorati sunt, & esurientes transierunt terram, quia sterilis peperit septem, & multa in filiis infirmata est? Nunquid VII ipsa pepererat? Quamuis sterilis fuerit, unicū habebat quando

De cantico
Anne II

quādo ista dicebat: sed nec postea VII peperit, siue sex, q̄b. septimus esset ipse Samuel, sed tres mares & duas fœminas. Deinde illo in populo quum adhuc nemo regnaret, quod in extremo posuit, Dat uirtutē regibus nostris, & exaltauit cornu Christi sui: unde dicebat, si non prophetabat: Dicat ergo ecclesia Christi, ciuitas regis magni, gratia plena, prole fecūda dicat, quod tāto ante de se prophetatū per os huius piæ matris agnoscit. Confirmatū est cor meū in dño, & exaltatū est cornu meū in deo meo) Vere cōfirmatū est cor, & cornu exaltatū: quia nō in se, sed in dño deo suo. Dilatatū est super inimicos meos. os meū) Quia & in angustijs pressurārū sermo dei non est alligatus, nec in precorib. alligatis. Lætata sum, inq̄t, in salutari tuo) Christus est iste Iesus quē Si meon sicut in euāgelio legitur senex, amplectens paruulū, agnoscens magnū. Nunc dimittis, inq̄t, dñe ser. t. in pace, q. ui. o. m. f. t. Dicat ita q̄ ecclesia, Lætata sum in salu. t. Quoniā non est sanctus ut est dñs, & non est iustus sicut deus noster) Tanq̄ sanctus & sanctificās, iustus & iustificās. Non est sanctus præter te, quia nemo fit nisi abs te. Deniq̄ sequit̄. Nolite gloriari superbi, & nolite loqui excelsa) Neq̄ exeat magniloquiū de ore uestro, quoniā deus sciētiarū dñs. Ipse uos scit, & ubi nemo scit: quoniā qui putat se aliquid esse, quum nihil sit, seipsum seducit. Hæc dicuntur aduersarijs ciuitatis dei, ad Babyloniam pertinentib. de sua uirtute præsumētib. in se, non in dño gloriantib. ex quibus sunt etiā carnales Israelitæ terrenæ Hierusalē ciues terrigenæ: qui ut dicit Apoklis. Ignorātes dei iustitiā. i. quam dat deus homini, qui solus est iustus atq̄ iustificās, & suam uolentes cōstituere. i. uelut à se sibi paratā, non ab illo impartitam: iustitiæ dei non sunt subiecti: utiq̄ quia superbi, de suo putantes, nō de dei placere se deo: qui est deus scientiarū, atq̄ ideo & arbiter conscientiarum, ibi uidens cogitationes hominū, quoniā uanæ sunt, si hominū sunt, & ab illo non sunt. Et præparans, inq̄t, adinuētiōnes suas) Quas adinuētiōnes putamus, nisi ut superbi cadant, & humiles surgant: Has quippe adinuētiōnes exequit̄, dicens, Arcus potentiū infirmatus est, & infirmi præcincti sunt uirtute) Infirmatus est arcus. i. intentio eorū, qui tam potentes sibi uidētur, ut sine dei dono atq̄ adiutorio, humana sufficiētia diuina possint implere mādara. Et præcinguntur uirtute quorū in terra uox est, Miserere mei dñe, q. inf. f. Pleni panibus, inq̄t, minorati sunt, esurientes transierunt terrā.) Qui sunt intelligēdi pleni panib. nisi idem ipsi quasi potentes. i. Israelitæ, quib. credita sunt eloquia dei: Sed in eo populo ancillæ filij minorati sunt, quod uerbo minus, bene tamen expressum est, q̄ ex maiore, minores facti sunt, quia & in ipsis panibus. i. diuinis uerbis, quæ Israelitæ soli tunc ex omnib. gentib. acceperūt, terrena sapient. Gentes aut̄ quib. lex illa nō erat data, postea q̄ per nouū testamentū ad illa eloquia tenerūt, multū esuriendo terrā transierūt, quia in eis non terrena, sed cœlestia sapuerūt. Et hoc uelut quærere causa quorū factum sit, Quia sterilib. peperit VII, & multa in filijs infirmata est. Hic totū quod prophetabat eluxit agnoscētib. numerū septenariū, quo est uniuersæ ecclesiæ significata perse
Et io.

etio. Propter quod & Ioannes apostolus ad septem scribit ecclesias: eo modo se ostēdens ad unius plenitudinem scribere: & in Prouerbijs Salomonis hoc antea praefigurans, Sapientia aedificauit sibi domum, & suffulsi columnas se ptem. Sterilis enim erat in omnib. gentibus dei ciuitas, antequā iste foetus quem cernimus, oriretur. Cernimus etiam quae multa in filijs erat, nunc infirmatam terrenam Hierusalem, quoniam quicūq; filij liberē in ea erant, uirtus eius erat. Nunc uero quoniam ibi libera est, & spiritus non est, amissa uirtute infirmata est. Dominus mortificat & uiuificat, deducit ad inferos & reducit.) Mortificauit illam quae multa erat in filijs, & uiuificauit hanc sterilem, quae peperit septem: quamuis cōmodius possit intelligi eisdem uiuificare quos mortificauerit: id enim uelut repetiuit, addēdo, Deducit ad inferos, & reducit. Quibus enim dicit Apostolus, Si mortui estis cum Christo, quae sursum sunt quae rite, ubi Christus est in dextera dei sedens: salubriter utiq; mortificatur à domino, quibus adiungit, Quae sursum sunt, sapite, non quae super terram: ut ipsi sint illi, qui esurientes transierunt terram. Mortui enim estis, inquit. Ecce quomodo salubriter mortificat deus. Deinde sequitur, Et uita pēstra abscondita est cum Christo in deo. Ecce quomodo eisdem ipsos uiuificat deus. Sed nunc quid eisdem deduxit ad inferos, & reduxit? Hoc utrumq; sine controuersia fidelium, in illo potius uidemus impletum capite scilicet nostro, cum quo uitam nostram Apostolus dixit absconditam in deo. Nam qui proprio filio non pepercit, sed pro nobis omnibus tradidit eum, isto modo utiq; mortificauit eum: & quia resuscitauit à mortuis, eundem rursus uiuificauit: & quia in prophetia uox eius agnoscitur, Non derelinques animam meam in inferno, eundem deduxit ad inferos, & reduxit. Hac eius paupertate ditati sumus.

Dominus enim pauperes facit, & ditat.) Nā quid hoc sit ut sciamus, quod sequitur audiamus: Humiliat, & exaltat.) Vtiq; superbos humiliat, & humiles exaltat. Quod enim alibi legitur, Deus superbis resistit, humilibus autem dat gratiā: hoc totum habet sermo huius, cuius nomen interpretatur, gratia eius. Iam uero quod adiūgitur, Suscitāt à terra pauperem, de nullo melius quā de illo, intelligo, qui propter nos pauper factus est, quum diues esset: ut eius paupertate, sicut paulo ante dictum est, ditaremur. Ipsum enim de terra suscitauit, tam cito ut caro eius non uideret corruptionem. Nec illud ab illo alienabo quod additū est, Et de stercore erigit inopem. Inops quippe, idem qui pauper. Stercus uero, unde erectus est: rectissime intelliguntur Iudaei persequutores. in quorū numero quum se dixisset Apostolus ecclesiā persequutum, Quae mihi fuerunt, inquit, luctra, haec propter Christum damna esse dixi: nec solum detrimenta, uerum etiam stercore existimaui esse, ut Christum lucrifacerē. De terra ergo suscitatus est ille, supra omnes diuites pauper: & de illo stercore erectus supra omnes opulentos, ille inops. Et sedeat cum principibus populi.) Quibus ait, Sedebitis super duodecim sedes, sed sedē gloriæ dans eis hereditatem. Dixerant potētes illi, Ecce nos dimisimus omnia, & se-

quati

quiti sumus te. Hoc uotū potentissimi uouerunt. Sed unde hoc eis, nisi ab illo de quo cōtinuo dictum est, Dans uotum uouenti. Alioquin ex illis exi potētibz, quorum arcus infirmatus est. Dans, inquit, uotū uouenti.) Non enim quisq; domino quid rectū uoueret, nisi quia ab illo acciperet, quod uoueret. Sequit̃. Et benedixit dans annos iusti.) Vt cum illo scilicet sine fine uiuat, cui dictum est, Et anni tui non deficient. Ibi enim stant anni, hic autem trāseunt, immo pereunt. Ante enim q̃ ueniant, nō sunt. Quū enim uenerint, nō erunt; quia cum suo fine ueniunt. Horum autem duorum, id est dans uotum uouenti, & benedixit annos iusti: unū est quod facimus, alterū quod sumimus. Sed hoc alterū deo largitore non sumitur, nisi cum ipso adiutore primum illud efficiatur. Quia non in uirtute potens est uir. Dominus enim infirmum facit aduersarium suum, illum scilicet qui homini uouenti inuidet, & resistit, ne ualeat implere quod uouit. Potest ex ambiguo Græco intelligi, & aduersariū suum. Quū enim dominus possidere nos cōperit, profecto aduersarius qui noster fuerat, ipse fit, & uincetur à nobis, sed non in uiribus nostris, quia non in uirtute sua potens est uir. Dominus ergo infirmū facit aduersariū suū, dominus sanctus: ut uincatur à sanctis, quos dominus sanctus sanctorū efficit sanctos. Ac per hoc non gloriatur prudens in prudētia sua, & non gloriatur potens in potentia sua, & nō gloriatur diues in diuitijs suis, sed in hoc gloriatur qui gloriatur, intelligere & scire deum, & facere iudiciū & iustitiā in medio terræ. Non parua ex parte intelligit & scit dominū, qui intelligit & scit etiā hoc à domino sibi dari, ut intelligat & sciat dominū. Quid enim habes, ait Apostolus, quod non accepisti? Si autē accepisti, quid gloriaris, quasi non acceperis? id est quasi à teipso tibi sūt unde gloriaris. Facit autē iudiciū & iustitiā, qui recte uiuit. Recte autē uiuit, qui obtemperat prācipiēti deo: & finis prācepti, id est ad quod refertur prāceptū, charitas est de corde puro & cōscientia bona, & fide non ficta. Porro ista charitas sicut Ioānes apostolus testat̃, ex deo est. Facere igitur iudiciū & iustitiā ex deo est. Sed quid est in medio terræ? Neq; enim non debent facere iudiciū & iustitiā qui habitāt in extremis terræ. Quis hoc dixerit? Quis ergo addidit est. In medio terræ? Quod si non adderet, & tātummodo diceretur, Facere iudiciū & iustitiā: magis hoc prāceptū ad homines utrosq; pertineret & mediterraneos & maritimos. Sed ne quisq; putaret, post finē uitæ quæ in hoc agitur corpore superesse tēpus iudiciū iustitiāq; faciēdi, quam dum esset in carne nō fecit, & sic diuinū euadi posse iudiciū: in medio terræ mihi uidetur dictū, quum quisq; uiuit in corpore. In hac quippe uita, suā terram quisq; circūfert, quam moriente homine recipit terra, confluenti utiq; redditura. Proinde in medio terræ, id est quum anima nostra isto terreno clauditur corpore, faciendum est iudiciū atq; iustitiā, quod nobis prosit in posterum quando recipit quisq; secūdum ea quæ per corpus gessit, siue bonum siue malum. Per corpus quippe ibi dixit Apostolus, per tempus quo uiuit in corpore. Neq; enim si quis maligna mēte atq; impia cogitatione blasphemet, neq; id ullis

ullis membris corporis operetur, ideo nō erit reus, quia id motu corporis non gessit, quū hoc per illud tempus gesserit, quo gessit & corpus. Isto modo congrueret intelligi potest etiam illud quod in psalmo legitur, Deus autem rex noster ante secula operatus est salutem in medio terrarum: ut dominus Iesus accipiat deus noster, qui est ante secula, quia per ipsum facta sunt secula: operatus est salutem in medio terrarum, quum uerbum caro factum est, & terreno habitauit in corpore. Deinde posteaquā prophetatū est in his uerbis Annæ, quomodo gloriari debeat, qui gloriatur, non in se utiq; sed in domino, propter retributionē, quæ in die iudicii futura est. Dominus ascendit, inquit, in coelos, & intonuit: ipse iudicabit extrema terrarum, quia iustus est.) Profus ordinem tenuit cōfessionis fidelium. Ascendit enim in cœlum dominus Christus, & inde uenturus est ad uiuos & mortuos iudicandos. Nam quis ascēdit, sicut dicit Apostolus, nisi qui descendit in inferiores partes terrarum? Qui descendit, ipse est & qui ascendit super omnes coelos, ut adimpleret omnia. Per nubes et go suas tonuit, quia spiritu sancto quum ascendisset, impleuit. De quibus hoc illi Hierusalem, hoc est, ingrata uinea comminatus est apud Esaiam propheta, ne pluant super eam imbrem. Sic autem dictum est, Ipse iudicabit extrema terrarum: ac si diceretur, etiā extrema hominis. Nō enim alias partes non iudicabit, qui omnes homines proculdubio iudicabit. Sed melius intelliguntur extrema terrarum, extrema hominis: quoniam non iudicabuntur, quæ in melius uel in deterius, medio terrarum commutantur, sed in quibus extremis inuentus fuerit qui iudicabitur. Propter quod dictū est, Qui perseuerauerit usq; in finem, hic saluus erit. Qui ergo perseuerāter facit iudicium & iustitiam in medio terrarum, non damnabitur, quum iudicabuntur extrema terrarum. Et dat, inquit, uirtutem regibus nostris, ut non eos iudicando condemnet. Dat eis uirtutem qua carnem sicut reges regant, & in illo mūdum qui propter eos fudit sanguinem, uincat. Et exaltauit cornu Christi sui. Quomodo Christus exaltauit cornu Christi sui? De quo enim supra dictum est, Dominus ascendit in coelos, & intellectus est dominus Christus, ipse sicut hic dicitur, Exaltabit cornu Christi sui. Quis ergo est Christus Christi? An cornu exaltabit uniuscuiusq; fidelis sui, sicut ista ipsa in principio huius hymni ait, Exaltatū est cornu meum in deo meo? Omnes quippe unctos eius chrismate, recte Christos possumus dicere. Quod tamen totū cum suo capite corpus, unus est Christus. Hæc Anna prophetauit, Samuelis mater, sancti uiri, multūq; laudati. In quo quidē tunc figurata est mutatio ueteris sacerdotiū: & nunc impleta, quando infirmata est quæ multa erat in filiis, ut nouum haberet sacerdotiū in Christo, sterilis quippe peperit septem. Hoc canticum iuxta Septuaginta interpretum translationem inferere compulsi sumus, ut à beato Augustino positi est: pro eo quod in ipsa translatione ampliorem & uetorem continet historiam. Interea Samuel erat ministrās in templo dei, accinctus ephor. Porro filij Heli diuina sacrificia temerantes peccabant coram domino, & deridebant per eos multi sa-

crificia

crificia domini. Vnde Heli sacerdos pro eorum iniquitate dānatus est, quod eos peccantes minus seuera animaduersione plecebat. Equidē coercuit, equidem corripuit, sed lenitate & māsuētudine patris, non seueritate & autoritate pontificis. Qua sentētia discant sacerdotes quomodo filiorum etiam propter scelera puniantur quicq; & quamuis sancti sint, culpa tamen subditorum eisdem, si nō coerceant, imputatur. Post hęc euidentius ad ipsum Heli sacerdotem missus loquitur homo dei, cuius quidē nomen tacetur, sed intelligitur officio ministerioq; suo sine dubitatione esse propheta. Sic enim scriptum est,

Venit autē uir dei ad Heli, & ait ad eum: Hęc dicit dominus, Nunquid non aperte reuelatus sum domui patris tui, cū esset in Ægypto in domo Pharaonis, & elegi eum ex omnib. filijs Israel mihi in sacerdotē, ut ascenderet ad altare meum & adoleret mihi incensum & portaret ephod coram me, & dedi domui patris tui omnia de sacrificijs filiorum Israel: Quare calce abiicistis uictimam meā, & munera quę pręcepi ut offerrentur in templo. Er magis honorasti filios tuos, q̃p me, ut comederetis primitias omnis sacrificij Israel populi mei. Propterea ait dominus deus Israel, Loquēs locutus sum, ut domus tua & domus patris tui ministraret in conspectu meo usq; in sempiternū. Nunc autē dicit dominus, Absit hoc à me: sed quicūq; glorificauerit me, glorificabo eum: qui autem contēnuunt me, erunt ignobiles. Ecce dies ueniunt & pręcidam brachium tuum & brachium domus patris tui, ut non sit senex in domo tua, & uidebis Christum amulū tuum in templo in uniuersis prosperis Israel, & non erit senex in domo tua omnibus diebus. Verū tamen non auferam penitus uirum ex te ab altari meo, sed ut deficiāt oculi tui & tabescat anima tua: & pars magna domus tuę morietur, quum ad uirilem ætatem uenerit. Hoc autē erit tibi signum quod uēturum est duob. filijs tuis Ophni & Phinees. In die uno morietur ambo, & suscitabo mihi sacerdotem fidelem, qui iuxta cor meum & animam meam faciat. Non est ut dicatur ista prophetia, ubi sacerdotij ueteris tantā manifestatione pręnūtiata mutatio est, in Samuele fuisse completa. Quamquam enim esset de tali tribu Samuel quę cōstituta fuerat à domino, ut seruiret altari, tamen non erat de filijs Aaron, cuius progenies fuerat deputata unde fierēt sacerdotes: ac per hoc in ea quoq; re gesta eadē mutatio quę per Christum Iesum futura erat, adumbrata est, & ad uetus testamentū proprie pertinebat, figurate uero ad nouū, prophetia facti etiam ipsa non uerbi, id scilicet facti significans quod uerbo ad Heli sacerdotē dictum est per prophetam. Nam fuerunt postea sacerdotes regnante Dauid ex genere Aaron, sicut Sadoch & Abiathar, & alij deinceps ante q̃p tēpus ueniret, quo ista quę de sacerdotio mutando tanto ante prędicta sunt, effici per Christum oportebat. Quis autē nunc fideli oculo hęc intuens non uideat esse completa, quandoquidem nullum tabernaculū, nullum templū, nullum altare, nullum sacrificium, & ideo nec ullus sacerdos remansit Iudæis, quibus ut de semine Aaron ordinaretur, in dei fuerat lege mandatum: quod & hic commemoratū est, illo

De prophetia
ad Heli, & fili
ijs eius III

b b dicente

dicente propheta, Hæc dicit dominus deus Israel, Loquēs locutus sum, ut domus tua & domus patris tui ministret in cōspectu meo usq; in æternū. Nunc autem dicit dominus, Absit hoc a me: sed quicumq; glorificauerit me, glorificabo eum: qui autem contemnunt me, erunt ignobiles. Quod enim nominat domum patris eius, non eum de proximo patre dicere, sed de illo Aaron, qui primus sacerdos est institutus, de cuius progenie cæteri sequerētur, superiora demonstrant, ubi ait, Reuelatus sum domui patris tui, cum esset in Ægypto in domo Pharaonis, & elegi eum ex omnibus tribubus Israel mihi in sacerdotem. Quis patrum fuit huius in illa Ægyptia seruitute? Vnde cum liberati essent, quis electus est ad sacerdotium, nisi Aaron? De huius ergo stirpe isto loco dixit futurū fuisse, ut non essent ulterius sacerdotes, quod iam uidemus impletum. Vigilet fides, præsto sunt res, cernuntur, tenentur, & uidere nolētium oculis ingeruntur. Ecce, inquit, dies ueniunt, & præcidam brachiū tuum & brachium domus tuæ, ut non sit senex in domo tua, & uidebis Christum æmulum tuum in templo, in uniuersis prosperis Israel. Ecce dies, qui prænuntiati sunt, iam uenerunt: nullus sacerdos secundum ordinem Aaron: & quicumq; ex eius genere est homo, cum uidet sacrificium Christianorum toto orbe polle re, sibi autem honorem illum magnum esse subtractum, deficiūt oculi eius, & defluit anima eius tæbe mœoris. Proprie autem ad huius domum Heli, cui hæc dicebantur, quod sequitur pertinet: & pars magna domus tuæ morietur, cum ad uirilem ætatem uenerit. Hoc autem erit tibi signum, quod uenturum est duobus filiis tuis, Ophni, & Phinees, in die una morientur ambo. Hoc ergo signum factū est mutandi sacerdotij domui huius, quo signo significatum est mutādum sacerdotium domus Aaron: mors quippe filiorum huius significauit mortem non hominum, sed ipsius sacerdotij de filiis Aaron. Quod autem sequitur, ad illum iam pertinet sacerdotē, cuius figuram gessit huic succedendo Samuel. Proinde quæ sequuntur, de Christo Iesu noui testamenti uero sacerdote dicuntur, Suscitabo mihi sacerdotē fidelem, qui iuxta cor meum & animā meam faciat. Sub figura Samuelis, de domino saluatore, summo uidelicet ac uero pontifice debet intelligi, qui nimirū sicut Samuel defuncto Heli successit in sacerdotium, non de stirpe Aaron, sed de alia Leui familia electus. Fuit enim, ut iam supra meminimus, filius Helchana, filij Hierobeam, filij Thau, filij Suph, filij Helchana, filij Iohel, filij Azariae, filij Sophoniae, filij Thaat, filij Agir, filij Abiasaph, filij Chore, filij Isaac, filij Chaath, filij Leui, filij Israel, ut uerba dierum narrant. Ita mediator dei & hominum, ut esset nobis pontifex, non de Leui, sed de alia utiq; tribu, idest à Iuda carnis originem sumpsit: aliam q̃q; legalem hostiam, idest ipsam suam carnē obtulit patri pro nobis: alios quā de genere Aaron pontificatus sui reliquit hæredes, filios uidelicet gratiæ noui testamenti de uniuersa gentium natione collectos. Quod uero quasi humano more eloquens deus dicit, Qui iuxta cor meum & animā meam faciat: de Samuele quidem recte potest intelligi, quod in omnibus

De sacerdote
fidei III

bus eius uoluntati, sicut homo deo paruerit, De domino ac saluatore, quod si
 cur filius unigenitus patrum sit in omnibus conscius arcanorum, iuxta
 quod de seipso manifeste testatur, dicens, Et à meipso facio nihil, sed sicut do-
 cuit me pater, hæc loquor, & qui misit me, mecum est, & non reliquit me so-
 lum, quia quæ placita sunt ei, facio semper. In hoc uero quod ait deus, qui om-
 nia quæ in corde meo, & quæ in anima mea sunt, faciat, non arbitramur ani-
 mam habere deum, cum sit conditor animæ: sed ita hoc de deo tropice, non
 proprie dicitur, sicut manus, pes, & alia corporis membra. Et ne secundum hoc
 credatur homo in carnis huius effigie factus ad imaginem dei, adduntur &
 alæ, quas utiq; non habet homo: & dicitur deo, Sub umbra alarum tuarum
 protege me, ut intelligant homines, de illa ineffabili natura non proprijs sed
 translatis rerum uocabulis ista dici. Et ædificabo ei domum fidelem, & am-
 bulabit coram Christo meo cunctis diebus.) Ipsa est domus, quam ædificat
 pater de qua apostolus ait, Quæ domus sumus nos si fiduciâ & gloriam spei
 usq; in finem firmam retineamus: & hæc domus ambulabit coram Christo
 eius, ipso uidelicet summo pontifice. Ambulabit dixit conuersabitur, sicut su-
 perius dixerat de domo Aaron. Loquens locutus sum, ut domus tua, & do-
 mus patris tui, ministraret in conspectu meo, usq; in sempiternum. Quod au-
 tem ait, Coram Christo meo ambulabit: de ipsa domo utiq; intelligendum
 est, nõ de illo sacerdote qui est Christus ipse mediator atq; saluator. Domus
 ergo eius coram illo ambulabit. Potest, & ambulabit, intelligi de morte ad ui-
 tam, omnibus diebus quibus peragitur usq; in finem seculi huius ista mortali-
 tas. Alioquin quomodo de Samuele potest accipi, quod ædificata sit ei do-
 mus fidelis, quæ coram Christo domini, idest ipso Samuele cunctis diebus
 incederet, cum legamus in sequentibus, quod filij illius aucti de uis eius post
 avariciam declinauerint & peruerterint iudicium: nisi forte domum eius hoc
 loco plebem Israeliticam intelligamus, quæ cunctis diebus sacerdotij eius do-
 mino seruiert, de qua scriptum est, Et requieuit omnis domus Israel post do-
 minum: & paulopost, Abstulerunt filij Israel Baalim & Astaroth, & seruiert
 domino soli. Quod uero adiungitur, Futurum est autem, ut quicumq; reman-
 serit in domo tua, ueniat, ut oretur pro eo: non proprie de domo dicitur hu-
 ius Heli, sed illius Aaron, de quo usq; ad aduentum Iesu Christi homines re-
 manserunt, de quo genere etiam nunc usq; nõ defunt. Nam de illa domo hu-
 ius Heli, iam supra dictum erat, Et omnis qui supererit domus tuæ, deciderit in
 gladio uirorum. Quomodo ergo hic uere dici potuit, & erit qui remanserit in
 domo tua, ueniat ut oretur pro eo: si illud est uerũ, quod ultore gladio nemo
 inde supererit: nisi quia illos intelligi uoluit, qui pertinent ad stirpem, scilicet il-
 lius totius sacerdotij secundum ordinem Aaron. Ergo si de illis est prædesti-
 natis reliquijs, de quibus alius propheta dixit, Reliquiæ saluæ fient: unde &
 Apostolus, Sic ergo, inquit, & in hoc tempore, reliquiæ per electionem gratiæ
 saluæ factæ sunt: quia de talibus reliquijs bene intelligi esse, de quo dictum

est, qui remanserint in domo tua: profecto credit in Christum, sicut temporibus apostolorum ex ipsa gente plurimi crediderunt, nec nunc desunt, qui licet rarissimi, tamen credant, & impletur in eo quod hic iste homo dei continuo secutus adiunxit. Et offerat nummum argenteum, & tortam panis, dicatq; Dimitte me obsecro ad unam partem sacerdotalem, ut comedam buccellam panis. Quid per nummum argenteum, nisi oris confessio designatur, quæ fit credentibus ad salutem? Argentum enim pro eloquio poni solet, psalmista testante ubi canitur, eloquia domini eloquia casta, argentum igne examinatum, probatum terræ purgatum. Sed quod dicit iste qui uenit, Dimitte me obsecro ad unam partem sacerdotalem, ut comedam buccellam panis: sacerdotalem partem corpus Christi, id est, ecclesiam dicit, cuius plebs ille sacerdos est mediator dei & hominum, homo Christus Iesus, cui plebs dicit apostolus Petrus, Plebs sancta, regale sacerdotium. In hanc partem sacerdotalem, postulat comedere buccellam panis. Quibus uerbis ipsum sacrificium Christianorum eleganter expressum est, de quo dicit sacerdos ipse: panis quem ego dabo, caro mea est pro mundi uita: ipsum quippe est sacrificium, non secundum ordinem Aaron, sed secundum ordinem Melchisedech. Factum est autem in die quodam Heli iacebat in loco suo, & oculi eius caligauerunt, nec poterat uidere lucernam dei antequam extingueretur. In tabernaculo foederis erat candelabrum, ubi à uespere usque mane summo pontifice lucernas uespere concinnante iugiter extra uelum præparatæ lucebant, ut dominus iussisset: isto pontifice intrante in tabernaculo iam grandæua senectute confecto oculi eius intantum caligauerant, ut nec incensam lucernam potuisset aspicere, quanto magis extinctam? Figuraliter uero lucerna dei Heli fuerat, quando dignitate sacerdotali pollens iustitia claritatis fulgebat, quam extinctam propheta asserit, dum ob scelera filiorum sacerdotum potestatem, meritorumque lumen amisit. Creuit autem Samuel & dominus erat cum eo, & non cecidit ex omnibus uerbis eius in terra. Significat, quia nihil ex ijs, quæ loquutus est irritum fuit, sed omnia sunt rebus completa quæ dixit. Cadunt namque in terra uerba superuacua, quæ pro nihilo habenda, & uniuersum sunt calcanda despectu, sicut & beatus Iob dixit, Et lux uultus mei non cadebat in terra: qui nimirum in tanta grauitate uultum tenere consueuerat, ut nunquam contemptibili lætitiâ resolueretur, sed quotienscumque hilarior se presentibus exhiberet, certa semper hoc causa utilitatis eorum faceret. Igitur postea quàm hæc in figura mutationis ueteris testamenti à propheta illo prænuntiata sunt ad Heli, offendente dominum Israel, instruxerunt aciem Philistei contra eos: tollunt autem Israelitæ arcam ad stationem suam, capta est ab hostibus arca, ipsi non solum uicti sunt, & in fugam uersi, immo etiã magna strages facta est occisorum. Nonnulla tamē futurorum, significat res gesta hæc. In prophetia enim arca illa ab alienigenis capta, indicabat testamentum dei transiturum ad gentes. Quando enim nuntiatus est Heli sacerdoti captam fuisse arcam domini, cecidit de sella,

& mori

De caligine
oculorum Heli
V

De captiuitate
arce VI

& mortuus est.) Transcunte arca domini ad gentes, periit atq; interiit sacerdotium Iudæorum. Duo quoq; filij Heli corruerunt, unius uxor uideata, & mox in partu mortua est, propter eandem perturbationē.) Quod euidenti signo præfiguratum est, post extinctum sacerdotium Iudæorum, carnalem interiisse synagogam, illi carnaliter adhaerentem: prostratoq; Heli de sella, pontifices Iudæorum sedem habuere uacuam, & gloriam sacerdotij, regniq; extinctam. Sed quid est, quod dum posuissent Philistij arcam domini in templo Dagonis dei sui, intrauerūt templum, & inuenerunt deum suum prostratum atq; confractum, caput eius duarūq; manus abscissæ? Statim enim ut testamentum domini peruenit in gentibus, confestim idola quæ deceptū possidebant orbem destructa sunt, omnisq; error simulachrorum corruit, præsentiam dei ferre non sustinens. Nam in manibus præcis Dagon, potest idololatricæ finis agnosci: limen enim finem itineris significat, etiam & illud ad magnam pertinet significationē in ipsa ruina Dagon dei sui atq; fractura, quod dorsum illius solum inuenerūt, fractis omnibus eius membris. Dorsum quippe fugam significat. Quicunq; enim fugiunt, persequentibus dorsum dant. Vnde scriptum est de hostibus, Quoniam pones eos dorsum. Vbi enim idola perierunt, & si aliqua remanentia ab aliquibus absconduntur, fugerunt. Quod autem percussi sunt in posteriora, ij qui arcam dei captiuauerunt, hac poena significatum uidetur: quia si qui susceperint testamentum dei, & posteriora uitæ dilexerint, ex ipsis iustissime cruciabuntur, quæ sicut Apostolus, exstimare debent sicut stercore. Qui enim sic assumunt testamentum diuinum, ut in posteriora respicientes ueteri se uanitate non exuant, similes sunt hostibus illis, qui arcam testamenti captiuam, iuxta idola sua posuerunt, & illa qui dem ueraciter etiam nolentibus cadunt, quia omnis caro scænum, & claritas omnis, ut flos scæni: aruit scænum, & flos decidit: arca autem domini manet in æternum: secretum scilicet testamentum regni cælorum, ubi manet dei uerbum. Cum uero de terra Philistij arca domini ad terram Israelitarum rediret, plastro superposita est, & uaccæ plastro subiunctæ sunt, quæ foetæ fuisse memorantur, quatum filios clauseraut domi, ut scriptum est, Ibant autem in directum uaccæ per uiam quæ ducit Bethsamis, uno itinere gradiebantur pergentes, & mugientes, & non declinabant neq; ad dexteram neq; ad sinistram.) Quid igitur uaccæ, nisi fideles quosq; in ecclesia signant, qui dum sacri eloquij præcepta considerant, quasi superimpositam domini arcam portant. De quibus hoc est etiam notandum, quod fuisse foetæ memorantur, quia sunt pleriq; qui in uia dei intrinsecus positi, foris carnalibus affectibus ligantur: sed non declinat à recto itinere, qui arcam dei portant in mente. Ecce enim uaccæ, Bethsamis pergunt, Bethsamis quippe dicitur domus solis: & propheta ait, Vobis autem qui timetis dominū orietur sol iustitiæ. Si igitur ad æterni solis habitationem redimus, dignum profecto est, ut de dei itinere pro carnalibus

*De reuersione
ne arce VII*

bb ; nalibus

nalibus affectibus non declinemus. Tota enim uirtute pensandum est, quod uacæ dei plauistro suppositæ pergunt & gemunt. Dant ab intimis mugitus, & tamen de itinere nō detorquent gressus. Amorem quidem per compassiōnem sentiunt, sed colla posteriori non defleunt. Sic nimirum prædicatores, sic fideles quiq; intra sanctam ecclesiam debent, ut & compatiatur proximis per charitatem, & tamen de uia dei non exorbitent per compassionem. Arca quippe superposita Bethsamis est pergere, cum suprema sciētia ad internæ lucis habitaculum appropinquare. Sed tunc uere Bethsamis tendimus, cum uiam rectitudinis gradientes, ad uicina erroris latera ne pro affectu pignorum declinamus. Sic namq; sic necesse est ut incedere debeant, qui sacilegijs suppositi, iam per internam scientiam domini arcam portant, quatenus per hoc quod propinquoꝝ necessitatibus condolent, accepto rectitudinis itinere non declinent. Quorum nimirum gratia mentem nostram tenere debet, ne hæc eadem mens aut si affectu non tangitur dura sit; aut plus tacta, si inflectitur, remissa. Percussit autem de uiris Bethsamitis, eo quod uidissent arcam domini, percussit de populo septuaginta uiros, & quinquaginta milia plebis.) Populus & plebs pro una eademq; re indifferenter accipit. Nam & ex uno Græco quod est laos, solet utrumque transferri. Sed in hoc uidetur esse distantia, quod in priore commate uersiculi additum est uiros. Viros enim maiores natu significat, ut sit sensus: Quia de optimatibus populi septuaginta sunt percussi; de ipsa autem turba uulgari hominū quinquaginta milia. Quod ne pareretur in Exodo populus à longe stabat & orabat, solusq; Moyses ascendit ad dominum. Isti ob hoc à deo percussi sunt, quia non solum appropinquauerunt, sed etiam, ut alia translatio habet, despexerunt, quod rationi plus congruum est. Nam in Exodo, uiderunt, & audierunt, perspicua diuinæ potētiae inspexerunt, nec perierunt: & ideo isti, non de uisione, sed de despectione & temeritate multati sunt. Ex factum est, ex qua die mansit arca domini in Cariathiarim, multiplicati sunt dies. Erat quippe iam annus uicesimus, & requieuit omnis domus Israel post dominum.) Non ita intelligendum est, quasi uiginti anni, quibus arca maneret in Cariathiarim, ad octauum usq; annum regni Dauid, quo eam congregata frequentia populi in Hierusalē adduxit, sint computandi. Inuenitur namq; in sequentibus, quod temporibus Saulis fuerit elata de hac ciuitate, & allata in castra, pugnante eo aduersus Philisteos. Sic etenim scriptū est, Et ait Saul ad Ahaim, Applica arcam dei. Erat enim arca dei in die illa cum filijs Israel. Et quia constat quod Dauid eam in Hierusalem adduxerit de domo Aminadab, in quam nunc illata esse perhibetur, restat intelligi quod in diebus Saulis relata de castris, & in prefatam sit illata ciuitatem, unde denuo regnante Dauid assertur in Hierusalem. Est ergo sensus temeritate sententiæ, quia ex quo mansit arca in Cariathiarim, erat annus uicesimus, cum eam inde transferri temporibus Saul causa belli contingeret;

uel

De percussio-
ne Bethsamit-
arum VIII

De eo qđ scri-
ptum est, Ex
qua die, &c.
IX

uel certe ultimus annus, cum adhuc omnis domus Israel post dominum re-
quieuit, abiectis uidelicet idolis illi soli seruiens: quod eam fecisse toto tempore
præfulatus Samuelis, qui Iosepho teste duodecim annis completus est, & pri-
mo tempore regni Saul, quod eodē historico affirmante uiginti annis tenuit,
nullus sanctæ historiæ curiosus ignorat. Namq; postmodum cum recessisset
à Saule spiritus domini, & agigaret eum spiritus nequam, maxime ad perse-
quendum Dauid innoxium & iustum, necesse erat partem militiæ uel plebis
eius nonnullam, malitiæ illius extitisse complicem. Cariathiarim ipsa est quæ
alio nomine Cariath Baal uocatur, ciuitas saltuum, una de urbibus Gabaoni-
tatum, pertinens ad tribum Iuda euntibus ab Hierusalem Diospolim milia-
rio nono. De hac fuit Vrias propheta, quē interfecit Ioachim in Hierusalem,
sicut scribitur. Samuel autem post mortem Heli regebat Israel. Cōgregato
autem omni populo exclamauit ad dominū pro Israel, & exaudiuit eum. Et
cum offerret holocaustum accedentibus alienigenis ad pugnam cōtra popu-
lum dei, intonuit dominus super eos & confusi sunt, & offenderunt coram Is-
rael, atq; superati sunt. Tunc assumpsit Samuel lapidem unum & posuit eum
inter Masphat & Sicelech: & ut interpretes Septuaginta transtulerunt, inter
Masphat nouam & ueterem uocauit nomen eius, lapis adiutorij, & dixit, *Us-
q; adhuc auxiliatus est nobis deus.*) Masphat interpretatur Intentio. Lapis
ille adiutorij, medietas est saluatoris, per quem transeundum est à Masphat
ueterem ad nouam: idest ab intentione quæ expectabat in carnale regnum,
quod erat beatitudo falsa: ad intentionem quæ per nouum testamentum ex-
pectaretur in regnū cōclorū, ubi est beatitudo uerissima spiritalis: qua quo-
niam nihil est melius, huc usq; auxiliatur deus. Iste Samuel inuocato nomine
domini exaudiuit eum deus, & in tempore messis pluuiam impetrauit. Plu-
uia enim in sanctis scripturis, uerba sunt euangelij siue legis, sicut & Moyses
dicit, Expectetur sicut pluuia eloquium meum, & descendant sicut ros uerba
mea. Hanc igitur pluuiam dedit mundo Christus in tempore messis, idest
quando gentes colligi oportebat, ut sicut frumentum in horreis, sic intra ec-
clesiæ sinum congregentur. Iudicauit autem Samuel Israel omnibus die-
bus uitæ suæ, fueruntq; usq; ad eum iudices & principes super Israel. Porro
filij Samuel declinauerunt post auariciam & accipiebant munera, & tam ini-
qui iudices extiterunt, ut populus nequaquam ferens, regem sibi in similitu-
dinem gentium ceterarum postulare: quibus dedit dominus Saul regem,
cum quæterer asinas patris sui, & ueniret ad Samuelem in Ramatha: inter
cetera quæ loquuti sunt simul prædicens ei signa Samuel, quæ uentura erant
ei eo die, cum recederet ab eo. Cumq; ab eo recessisset, uenit ad collem do-
mini, ubi erat statio Philistinorum, iam primum peractum sicut loquutus
fuerat homo dei. Et ecce cuneus prophetarum obuius ei, & insiluit super
eum spiritus dei, & prophetauit in medio eorum. Videntes autem omnes

De precib. Sa-
muelis pro po-
pulo X.

De filijs Sa-
muelis XI

qui nouerant cum heri & nudius tertius, quod esset cum prophetis, dixerunt ad inuicem, Quæ nam res accidit filio Cisi? Num & Saul inter prophetas? Hoc quidem non puto habere aliquid questionis, spiritus enim ubi uult spirat, & spiritum prophetiæ nullarum animarum potest maculare contactus, attingit enim ubiq; propter suam mundiciâ: afficit enim omnes non eodem modo, sed alios per informationem spiritus eorundem hominum, ubi rerum demonstrantur imagines, alios per fructum mentis ad intelligentiam, alios utraq; inspiratione: alios etiam nescientes per informationem spiritus duobus modis: aut per somnia, sicut non solum pleriq; sancti, sed & Pharaô & Nabuchodonosor rex uidit, quod nemo eorum intelligere ualebat, sed tamen uideri uterq; poterant: aut demonstratione in ecstasi, quod Latini nonnulli pauore interpretantur, mirum si proprie, sed uicine: & tamen cum sit mentis alienatio à sensibus corporis, ut spiritus hominis diuino spiritu absumptus capiendis atq; intuendis imaginibus uacet, sicut Danieli demonstratum est, quod non intelligebat: & Petro illud uas submissum est de cælo quatuor lineis. Nam & ipse quid illa demonstratio figuraret, postea cognouit. Per fructum autem mentis ad intelligentiâ, uno modo cum hæc ipsa quæ demonstrantur in imaginibus, quid significant, & quò pertineant, reuelantur, quæ certior prophetia est. Nam magis ipsam uocat Apostolus prophetiam, sicut Ioseph meruit intelligere, quod Pharaô non nisi uidere: & Daniel exponit regi, quod ille ceruinit, & nescit. Cum uero mens ita afficitur, ut non rerum imagines coniecturali examinatione intelligat, sed res ipsas intueatur, sicut intelligitur sapientia & iustitia, omnisq; incommutabilis & diuina species, ad prophetiam non pertinet, de qua nunc agimus. Vtroq; autem munere prophetiæ donantur, qui & rerum imagines in spiritu uident, & quid ualeant, simul intelligunt: aut certe manifestis locutionibus in ipsa demonstratione informantur, sicut in Apocalypsi quædam exponuntur. Nescientes autem afficit prophetiæ spiritus, sicut Caiphas cum esset pontifex prophetauit de domino, quod expediret unum mori pro tota gente, cum aliud in uerbis quæ dicebat, attenderet, quæ non à seipso dicere nesciebat. Abundant in sanctis libris exempla. Hoc autem uerbo quod positum est, Insiluit in eum spiritus, tanquam ex abdito diuinitatis secreto, repetitus significatur afflatus. Horum igitur modorum quoniam potius affectum esse intelligamus Saul, satis apparet ex eo quod ibi scriptum est, Conuertit deus in Saul cor aliud. Sic enim aliam cordis affectionem significat, quam conuertendo fecit deus, ut imaginum significantium & præfigurantium capax fieret ad propheticam diuinationem. Tantum autem distat inter prophetiam prophetarum, sicut Elaias, sicut Hieremias, & cæteri huiusmodi fuerunt, atq; istam transitoriam quæ in Saul apparuit: quantum distat inter loquelam humanam, cum loquuntur homines, & cum eadem loquela propter necessarium prodigiū aſina loquuta est, in qua sedebat Balaam propheta

pheta. Accepit enim hoc ad tempus illud iumentum, ut deus quod statuerat demonstraret, non ut habitu perpetuo bestia loqueretur. Aut si hoc exemplum maiore differentia remotum est, multo minus mirandum est homini reprobo datam fuisse ad momentum temporis affectu transitorio prophetiam, quando ille dederat, qui & asinam cum uoluit loqui fecit. Magis enim distat pecus ab homine, quam homo reprobus ab electis etiam hominibus. Non enim si quisquam dixerit aliquid, quod ad sapientiam pertinet, continuo sapiens existimandus est: sic nec quisquam, si aliquando prophetauit, iam inter prophetas numerabitur, cum & dominus in euangelio dicat, quosdam cum gaudio uerbum excipere, & radices altitudinem non habere, sed esse temporales. Ideo quod sicut consequens indicat lectio, factum est in parabola. Et Saul inter prophetas. Hoc igitur mirari desinamus, cum in hominibus appareat diuinitus aliquid, quorum uel meritum uel habitum excedit, cum forte uult deus cuiusdam significationis gratia, tale aliquid demonstrari. Si autem hoc mouet, quod postea Saul malo spiritu inuadente praeoccupabatur, qui prophetiae prius spiritum acceperat: neque hoc mirandum est. Illud enim factum est ex dispensatione aliquid significandi, hoc ex merito uindicandi. Nec mouere nos debent hae alternantia in animo humano, hoc est in creatura mutabili: praesertim eodem tempore quo caro corruptibilis mortaliscum portatur. Aut non uidemus in ipso Petro quantum indicat euangelium extitisse tantam confessionem, ut audire meruerit. Beatus es Simon Bariona, quia non tibi reuelauit carum & sanguis, sed pater meus qui in caelis est: & paulo post tam carnaliter eum de domini passione sensisse, ut statim audiret, Vade post me Satanas, scandalum mihi es. Non enim sapis quae dei sunt, sed quae hominum. Et fortasse aliquanto interius intelligentibus tantum ualet ad illa uisa mentis hae differentia, qua Petrus intellexit, deo patre reuelante, quod filius dei esset Christus, & postea ne moreretur extimuit: quantum ualet ad distinguenda uisa, quae in spiritu hominis alienata mente imaginarie sunt, reuelatio prophetiae, qua primo afflatus est Saul, & commixtio spiritus mali, quo postea premebatur. Vngitur post haec iubente domino, rex prior a propheta in regnum. Qui & ipse quidem, in id quod unctus est, imaginem Christi portauit. Vnde & beatus David, & ipse Christus nuncupatus, ait ad eum qui se finxerat Saulum occidisse, Quomodo non timuisti iniicere manum tuam in Christum domini? Hinc est quod ab humero sursum Saul supereminebat omnibus: quia caput nostrum sursum est supra nos quod est Christus. In id autem quod reprobatus postea & reiectus est succedente in regnum David, populi, ut praedictum est, Israel personam gestauit: qui populus regnum adeptum fuerat amissurus, Christo domino nostro per nouum testamentum, non carnaliter, sed spiritualiter regnaturo. Filius unius anni erat Saul cum regnare coepisset, duobus autem annis regnauit super Israel. Vno anno postquam

De unctioe
Saul XII

quàm rex electus est à Samuele, in domestica domo sedēs dissimulauit se esse regem, reliquis duobus annis publice iudicauit omnem Israel, tenens obedientiam cum humilitate: & hoc fuit illud tempus antequàm mandatum domini transgredetur in Amalech: reliquo uero tempore quo uixit & imperauit, transgressor mandati domini exiit. Post hæc expectans Saul Samuelem in Galgalis, uidens quod tardaret, obtulit holocaustum. Veniensq; Samuel, inter cætera ait ad Saul, Sulte egisti, nec custodisti mandatum domini quod præcepit tibi. Quod si non fecisses, iam nunc parasset dominus regnum tuum super Israel in sempiternum, Sed nequaquam regnum tuum ultra conseruet. Quæsiuit sibi dominus uirū iuxta cor suum, & præcepit ei, ut esset dux super populum suum, eo quod non seruaueris quæ præcepit dominus. Non sic accipiendum est, ac si ipsum Saulē in æternum deus præparauerit regnaturum, & hoc postea noluerit seruare peccanti, neq; enim eum nesciebat, sed præparauerit regnum eius, in quo figura esset regni æterni. Ideo addidit, Es nunc regnum tuum non stabit tibi. Stetit ergo, & stabit quod in illo significatum est, sed non huic: quia non in æternum ipse fuerat regnaturus, nec progenies eius, ut saltem per posteros alter alteri succedentes, uideretur impleri quod dictum est, In æternum. Et quæret, inquit, dominus, sibi hominem. Siue Dauid, siue ipsum mediatorem significans noui testamenti, qui præfigurabatur in chrismate, etiam quo unctus est ipse Dauid & progenies eius. Non autem quasi nesciat ista, sibi hominem deus quærit, sed hominibus more hominum loquitur, quia sic loquendo nos quærit. Non solum enim deo patri, uerum ipsi quoque unigenito eius, qui uenit quærere quod perierat, usq; adeo iam eramus noti, ut in ipso essemus electi ante constitutionem mundi. Quæret sibi, ergo dixit, suum habebit. Vnde in Latina lingua hoc uerbum accipit præpositionem, & Acquirat dicitur, quod satis apertum est, quid significet: quanquam & sine additamento præpositionis, quærere intelligatur acquirere: ex quo lucra uocantur & quæstus. Porro faber ferrarius non inueniebatur in omni Israel. Cauent enim Philistini, ne forte facerent Hebræi gladium aut lanceam. Sicut enim tunc Philistini cauerrant ne forte facerent Hebræi gladium aut lanceam, & ne haberent fabros ferrarios, qui arma ad repugnandum facerent: ita Chaldæi destructa Hierusalem, & uastata omni terra repromissionis, satagebant ut nullus in ea remaneret artifex, nullus clusor, qui uel sedata urbis incenia componere, uel posset resarcire dirupta: quin potius quicquid apud gentem exterminatam artis inuenerant, totum in Babyloniam transferunt, ut uel ad nihilum ultra ualeat, uel illius ciuitatis utilitatibus proficiat. Arma quibus contra diabolum repugnantes, libertatem à domino nobis donatam defendamus, quid sunt alia, nisi eloquia scripturarum, in quibus & ipsius domini, & sanctorum eius exemplis, quo ordine bella uitiorum superari debeant, luce clarius discimus. Sed Philistæi filios Israel fabris armorum priuant, cum maligni spiritus

spiritus animos fidelium à meditatione sacræ lectionis, secularia illis negotia inferendo retardant: ne uel ipsi per huius exercitium resistendi fiduciam sumant: uel alios fortè qui legere nesciunt, ad resistendum uitrijs exhortando aut corripiendo accendant. Tollunt fabros armorum, cum eos qui sacra eloquia norunt, in tantis scelerib; obruunt, ut dicere bona quæ didicerant, prorsus erubescant. Saul autem post hæc dum pergeret dimicaturus aduersus Philistim, indixit cuncto exercitui ieiunium, quousq; reuerterentur à prælio: sed Ionathan filius eius uidens supra faciem agri mel, extendit summitatem uirgæ, & intinxit in fauum mellis, & gustauit, & illuminati sunt oculi eius.) Non utiq; ad uidendum illuminati, quia antea uidebat: sed ad discernendum, quia uerita tetigerat. Tunc enim casus ille, sicut & Adam, fecit illum attentum, reddiditq; confusum: quo facto admoneremur omnes illecebras uoluptatum in seculo debere continere, qui deo nitimur militare. Non enim potest contra Ablophyls spiritales, idest aduersus principes tenebrarū uiribus animi concurrere, qui adhuc huius mundi negligit dulcedinem declinare. Mel enim distillant labia meretricis, quod est delectatio uoluptatis carnalis. De quo putatur iuxta mysticos intellectus hunc gustasse Ionatham, & fortè deprehensum uix precibus populi liberatum. Inijt iterum Saul prælium aduersus Amalech, interfectis cunctis hostibus ab Euila usq; Sur.) Est una Euilath regio, quam circuit fluius Phison, exiens de paradiso, quæ hodie India uocatur: dicta autem Euilath à quodam nepote Noe. Est & alia Euilath, solitudo cõtra faciem Ægypti. Hæc enim Euila, illa Euilath debet nuncupari. Sur quoq; est solitudo inter Cades & Barath, extendens desertum usq; ad mare rubrum, & Ægypti confinia. Percussus hunc terminum pepercit Agag regi, nec uoluit perdere omnia iuxta præceptum domini, irasciturq; ei dominus. Factum est autem uerbum domini ad Samuel, dicens, Pœnitet me quod constituerim Saul regem, quia dereliquit me, & uerba mea opere nõ impleuit.) Neq; enim sicut hominem, ita deum, cuiusq; facti sui pœnitet, cuius est de omnibus omnino rebus tam fixa sententia, quàm certa præscientia. Nos uero cum de deo hoc in diuinis scripturis audimus, indignū arbitramur hoc de illo sentire: sed necesse est, ut aliquid dicatur, per quod hoc aliquo modo demonstretur. Cum uerba omnia quibus humana colloquia conferuntur, illius sempiterna uirtus & diuinitas mirabiliter atq; incũctanter excedat, quicquid de illo humaniter dicitur, quod etiã hominibus aspernabile uideatur, ipsa humana admonetur infirmitas, etiã illa quæ congruenter in scripturis sanctis de deo dicta existimat, humanæ capacitati aptiora esse, q̃ diuinæ sublimitati: ac per hoc etiã ipsa esse transcendenda, est sanior intellectus, sicut ista qualicũq; modo transensa sunt. Quis est enim hominū, cui non occurrat in deo cuncta præscientia pœnitentiam esse non posse: & cettæ tamẽ hæc duo uerba sunt, pœnitentia, & præscientia, quorū quia unū congruere credimus deo, idest præscientiã, negamus in eo esse pœnitentiã. Cũ uero alius liquidior consideratione ista petra

De ieiunio in
dicto à Saul
XIII

De prælio Sa/
ul cõtra Ama/
lech XIII

ctans

etans quæserit quemadmodū uel ipsa præscientia deo congruat, & inuenierit
 huius etiam uerbi notionem illius ineffabili diuinitate longe altēq̃ superari,
 non miratur utrūq; de illo propter homines dici potuisse, de quo utrunq; pro
 pter ipsum incongrue diceretur. Quid est enim præsciētia, nisi scientia futuro
 rum? Quid est autem futurū deo, qui omnia tempora supergreditur? Si enim
 scientia dei res ipsas habet, & nō sunt ei futuræ, sed præsentēs, ac per hoc non
 iam præscientia, sed scientia dici potest: si autem sicut in ordine temporalium
 creaturarum, ita & apud eum nondum sunt quæ futura sunt, sed ea præuenit
 sciendo: bis ergo ea sentit, uno quidem modo secundū futurorū præscientiam,
 altero uero secundum præsentīū scientiam. Aliquid ergo temporaliter accidit
 scientiæ dei, quod absurdissimū atq; falsissimū est. Nec enim potest quæ uen
 tura prænosceat nosse, nisi cum uenerint, nisi bis innotescant, & prænoscendo
 anteq̃ sint, & cognoscēdo cum iam sunt: ita fit ut quod longe à ueritate secul
 sum est, temporaliter aliquid accadat scientiæ dei, cum temporalia quæ præsci
 untur, etiam præsentia sentiuntur quæ non sentiebātur. Si uero etiam cum ue
 nerint quæ præsciebantur esse uentura nihil noui accidet scientiæ dei, sed ma
 nebit illa præscientia sicut erat, etiā priusq̃ uenirent quæ præsciebantur, quo
 modo iam præscientia diceretur quādo non est rerum futurarum? Iam enim
 præsentia sunt quæ futura cernebat, & paulopost erunt præterita. Præterita
 rum autem rerum sicut præsentium, nullomodo potest dici præscientia. Redi
 tur ergo ad id ut fiat rebus iam præsentibus sciētia, quæ eisdem rebus futuris
 erat præscientia, & cum ea quæ præsciētia erat prius, postea sciētia fiat in deo,
 admittit mutabilitatē, & temporalis est, cum sit deus, qui uere summeq̃ est,
 nec ulla ex parte mutabilis, nec ullo motu nouitio temporalis. Placet igitur ut
 non dicamus præsciētiā, sed tantūmodo scientiam. Queramus & hoc quo
 modo. Non enim scientiā solemus dicere in nobis, nisi cum sensa & intellecta
 memoria retinemus, cum meminimus aliquid sensisse nos uel intellexisse, ut
 id quod uolumus, recolamus. Quod si ita in deo est, ut possit proprie dici in
 telligit & intellexit, sentit & sensit, admittit tēpus, & subrepat nihilominus illa
 mutabilitas quæ longe à dei substantia remouenda est, & tamen & scit deus
 & præscit deus ineffabili modo, sic eū & poenitet ineffabili modo. Cum enim
 scientia dei longe distet ab humana scientia, ita ut irridenda sit comparatio,
 utraq; tamē scientia uocatur: & hæc quidem humana talis est, ut de illa dicat
 Apostolus, etiam scientia destruetur: quod nullo modo de scientia dei recte
 dici potest, sic & ira hominis turbida est, & non sine cruciatu animi: ira uero
 dei, de qua dicitur in euangelio, Sed ira dei manet super eum: & Apostolus,
 Reuelatur enim dei ira de coelo super omnem impietatem: illo in tranquillita
 te iugiter manente, in creatura subdita exercet admirabili æquitate uindictā.
 Misericordiā quoq; hominis nonnulla cordis sequitur miseria. Vnde etiā in La
 tina lingua nomē accepit. Nam inde est etiam, q̃ non solū gaudere cum gau
 dentib, sed etiam flere cum flentib, hortatur Apostolus. Quis autē sano capite
 dixerit

dixerit ulla miseria tangi deum: quem tamē ubiq; scriptura misericordē esse testatur. Ita zelum humanum non sine peste liuoris intelligimus, zelum uero deum non ita, sed eodem uerbo, non eodem modo. Longum est percurrere cetera, & sunt innumetabilia quibus ostenduntur, multa diuina eisdem nominibus appellari quibus humana, cum incomparabili diuersitate seiuncta sint. Nec tamen frustra eadem sunt tibus utriq; indita uocabula, nisi quia hæc cognita quæ in cottidiana consuetudine uersantur, & experimentis usitationibus innotescunt, nonnulla ad intelligenda illa sublimia præbent uiam, cum enim de mpsero de humana sciētia mutabilitatē, qua transitus quosdam à cogitatione in cogitationem recolimus, ut cernamus animo quod in contuitu eius paulo ante non erat, atq; ita de parte in partem crebris recordationibus transilimus, unde etiam ex parte dicit esse Apostolus nostram scientiam: quum ergo hæc cuncta detraxero, & reliquero solam uiuacitatē certē atq; inconcussæ ueritatis, una atq; æterna contemplatione conlustrantis: imò non reliquero, non enim habet hoc humana scientia, si pro uiribus cogitauero: insinuatur mihi utiq; scientia dei, quod tamen nomen ex eo quod sciendo aliquid nō latet hominē, potuit esse rei utriq; commune: quanquam & in ipsis hominibus solet discerni à sapientia scientia, ut etiam Apostolus dicit. Alij quidem datur per spiritū sermo sapientiæ, alij sermo scientiæ secundum eundem spiritū. In deo autem non sunt hæc duo, sed unum. & in hominibus quidem ita discerni probabiliter solēt, ut sapientia pertineat ad intellectum æternorum, sciētia uero ad ea quæ sensibus corporis experimur. Sed licet alius aliam differentiam proferat, nisi tamen diuersa essent, non sic ab Apostolo distingueretur. Quod sane si ita est, ut nomen scientiæ rebus quas per sensum corporis experimur deputandum sit, nulla est omnino sciētia dei. Non enim deus per se ipsum ex corpore & anima constat sicut homo: sed melius dicitur aliam esse scientiā dei, & nō eiusdem generis cuius ista est quæ hominum dicitur: sicut etiā id ipsum quod deus dicitur, longe aliud est quā quemadmodum est dictum, quod stetit in synagoga deorum: tamē ad nō latere quoquo modo pertinet cōmunicatio ipsa uocabuli, sic etiam de ira hominis detraho turbulentum motum ut remaneat uindictæ uigor, atque ita utcunque surgo ad innotescentiā illius, quæ adpellatur ira dei. Item de misericordia si auferas cōpassionem de eo quod miseraris, participatus es miseriæ, ut remaneat tranquilla bonitas subueniendi, & à miseria liberandi, insinuatur misericordiæ diuinæ qualiscunq; cognitio. Zelum quoq; non repudiemus & aspernemur, quum scriptum inuenimus: sed auferamus de humano zelo pallidam tabem doloris, & morbidam perturbationē animi, remaneatq; illud solum iudicium, quo corruptio castitatis impunita esse nō sinit, & assurgimus ut incipiamus aliquo modo capere zelum dei. Qua propter quum legimus etiam deum dicentem, poenitet me: consideremus quod id esse soleat in hominibus opus poeniten-

di, cum proculdubio reperit uoluntas mutandi, sed in homine cū dolore aut mi est. Reprehēdit enim in se quod temere fecerit. Auferamus ergo ista quæ de humana infirmitate atq; ignorātia ueniunt, & remaneat solū, uelle ut nō ita sit aliquid, quēadmodū erat. Sic potest aliquantū intimari menti nostræ, qua regula intelligat quod pœnitet deū. Quū enim pœnitere dicit, uult non esse aliquid sicut fecerat ut esset, sed tamen cum ita esset, ut ita esse debeat, & cum ita esse iam nō finitur, iam nō esse debet, ita perpetuo quodam & tranquillo æquitatis iudicio, quo deus cuncta mutabilia incōmutabili uoluntate disponit. Sed quomodo præsentiā & scientiā cum laude solemus in hominibus appellare, iramēp̄ ipsam solet humanū genus in magnis potestatibus tremere potius q̄ reprehēdere, congruenter putamus talia dici de deo. Qui autē zelat, & quē aliquid pœnitet, quoniam uel culpari solet, uel culpā in se corrigere, atq; ideo cū reprehensione ista de hominibus dici, propterea mox et cū legimus esse aliquid in deo eiusmodi. Sed illa scriptura omnibus consulens, propterea magis & ista ponit, ne illa quæ placet sic intelligant in deo, quomodo consueuerūt in hominibus intelligi. Per hæc enim quæ displicēt, cum ea nō uideamus sic intelligere, ut inueniunt in homine, discimus etiā illa sic quærere, quæ apta esse atq; cōuenientia putabamus. Nam si p̄pterea nō est illud de deo dicendū, quia in homine displicet, nō dicamus incōmutabilē deū, quia de hominibus cum reprehensione dictū est, nō enim est illis cōmutatio. Item sunt quædam quæ in homine laudabilia sunt, in deo autē esse nō possunt, sicut pudor quod ætatū uiridiorū magnū est ornamentū, sicut timor dei, nō tantū in ueteribus libris laudat, sed Apostolus etiā dicit, Perficientes sanctificationē in timore dei, qui utiq; nullus in deo est. Sicut ergo quædam laudabilia hominū recte intelligunt in deo, nō ita in hominibus, sed uocabulis tantūmodo cōmunibus, longe alia ratione & modo. Nam paulopost idē Samuel, cui dixerat dominus, pœnitet me quod constituerim regē Saul, ipsi Sauli ait de deo: quoniam nō est sicut homo, ut pœniteat eū. Vbi uidelicet satis ostendit etiā cum dicit deus, pœnitet me, nō humano more accipiendū esse, sicut iam quantū ualuimus disputauimus. Veniens autē Samuel ad Saul, ait ad Saul: Sine me, & indicabo tibi quæ locutus sit ad me dominus nocte. Dixitq; ei. Loquere. Et ait Samuel: Nonne cum paruulus esses in oculis tuis, caput in tribus Israel factus es? Paruulus in oculis suis est, qui in eo quod semetipsum considerat, imparō se alienis meritis pensat. Nam quasi grandem se cōspicit, quisquis se super aliena merita elatione cogitationis extendit. Saul autē reprobis in bono quod cœperat nō permansit, quia fastu susceptæ potestatis intumuit. At contra Dauid semper de sese humilia sentiens, eiusdemq; Saul se cōparatione postponēs, postq; ferendi locum reperit & peperit, eidem sauenti aduersario humili se professione substrauit dicens, Quē persequeris rex Israel, quē persequeris? canem mortuū & pulicem unū. Et certe iam unctus in regē fuerat, iam exorante Samuele, & cornu su-

De oburgati
one Samuelis
in Saul.

XV

per se oleo fundēte didicerat, & eum diuina gratia Saul reprobato ad regni gubernacula possidenda seruabat: & tamē persequēti aduersario mente se humili substernebat, cui diuino iudicio praelatū esse se nouerat. Illi itaq; se postponebat humilē, cui per gratiā electionis incōparabiliter se nouerat esse meliorē. Increpans Samuel Saul, cur nō audisset uocē domini, sed uersus ad prædam, fecisset malū in oculis domini, parcendo & nō interficiēdo Amalech, ait Samuel, Nun quid uult dominus holocausta & uictimas, & nō potius obediat uoci domini? Melior est enim obedientia q̄ uictimæ, & auscultare magis q̄ offerre adipem arietū. quoniā quasi peccatū ariolandi est repugnare, & quasi scelus idololatriæ nolle adquiescere. Pro eo ergo quod abiecasti sermonē domini, abiecit te ne sis rex. Obedientia uictimis iure præponit, quia per uictimas aliena caro, per obedientiā uero uoluntas propria mactat. Tanto igitur quisq; deum citius placat, quanto antē eius oculos repressa arbitrij sui superbia, gladio præcepti se immolat. Quo cōtra ariolandi peccatū inobediētia dicit, ut quanta sit uirtus obedientiæ dēmonstretur. Ex aduerso ergo melius ostendit, quid de eius laude sentiat. Si enim quasi ariolandi peccatū est repugnare, & quasi scelus idololatriæ nolle adquiescere, sola est quæ fidei meritū possidet, sine qua quisq; infidelis cōuincit, etiāsi fidelis esse uideatur. Hinc per Salomōnē in ostensione obedientiæ dicit: Vir obediēs loquitur uictorias. Vit obediēs uictorias loquit: quia dum alienæ uoci humiliter subdimur, nos metipso in corde superamus. Hinc in Euangelio ueritas dicit. Eum qui uenit ad me non eijciam foras, quia de cœlo descendit, nō ut faciā uoluntatē meā, sed uoluntatē eius qui misit me. Quid enim si suā faceret, eos qui ad eum ueniūt repulisset? Quis autē nesciat quod uoluntas filij à patris uoluntate non discrepet? Sed quoniā primus homo qui suā facere uoluntatem uoluit, à paradisi gaudio exiuit, secundus ad redemptionē hominū uenit, dum uoluntatē se patris & non suam facere ostendit, permanere nos intus docuit: quum igitur non suā sed patris uoluntatē facit, eos qui ad se ueniunt, foras non eijcit: quia dum exēplo suo nos obedientiæ subdit, uiam nobis egressionis claudit. Conuersus est autē Samuel ut abiret. Saul autē apprehendit summitatē pallij eius, quæ & scissa est. Et ait ad eum Samuel. Scidit dominus regnū Israel hodie à te, & tradidit illud proximo tuo meliori te. Compellimur iuxta LXX interpretū translationem hanc ponere sententiā, quia multo amplius habētur illi. Ita enim illic scriptū est. Non reuertar tecum, quia spreuisti uerbū domini, & spernet te dominus, ne sis rex super Israel. Et cōuertit Samuel faciē suā, ut abiret, & tenuit Saul pinnam diploidis eius, & dirupit eam. Et dixit ad eum Samuel. Dirumpet dominus regnū Israel de manu tua hodie, & dabit proximo tuo bono super te, & diuidetur Israel in duo, & non conuertetur, neque poenitebit eum, quoniam non est sicut homo, ut poeniteat eum: ipse minatur & non permanet. Ille cui dicitur, spernet te dominus, ne sis rex super Israel, & dirumpet dominus regnū ab Israel de manu tua hodie, x l. annos regnauit super Israel, tanto scilicet spacio temporis, quāto & ipse Dauid, & audiuit hoc primo tempore regni sui: ut intelligamus ideo dictum, quia nullus de stirpe

eius fuerat regnaturus, & respiciamus ad stirpē Dauid, unde exortus est secundum carnē, mediator dei & hominū, homo Christus Iesus. Non autē habet scriptura, quod in plerisq; latinis codicibus legitur, Disrumpet dominus regnū israel de manu tua, sicut à nobis positū est, & inuentū in Græcis. Disrumpet dominus regnū ab Israel de manu tua, ut hoc intelligatur de manu, quod est ab Israel. Populi ergo Israel personā figurate gerebat homo iste. Qui populus regnū fuerat amissurus, Christo Iesu domino nostro per nouū testamentum non carnaliter, sed spiritualiter regnatura. De quo cum dicitur, & dabit illud proximo tuo, ad carnis cognitionē refertur: ex Israel enim Christus secundū carnē, unde & Saul. Quod uero additum est, bono super te, potest quidem intelligi meliori te, ut quia ille bonus est, ideo sit super te, iuxta illud propheticum, Donec ponā inimicos tuos sub pedibus tuis, in quibus est Israel, cui suo persecutori regnū abstulit Christus, quāuis fuerit illic & Israel, in quo dolus non erat, quoddā quasi frumentū illarum palearum. Nam utiq; inde erant Apostoli, inde tot martyres, quorum prior Stephanus, inde tot ecclesiæ, quas Apostolus Paulus cōmemorat, in conuersione eius magnificātes deū. De qua te nō dubito intelligendū esse quod sequitur, & Israel diuidetur in duo, in Israel scilicet inimicum Christo, in Israel ad ancillā, & Israel ad liberā pertinentē. Nam ista duo genera primum simul erāt, uelut Abrahā adhuc adhereret ancillæ, donec sterilis per Christi gratiā fecundata clamaret, Eice ancillā & filiū eius. Propter peccatū Salomonis regnāte filio eius Roboam, scimus Israel in duo diuisum esse, atq; ita perseuerasse, habentibus singulis partibus reges suos, donec illa gens tota à Chaldeis esset ingenti uastatiōe subuersa, atq; translata. Sed quid hoc ad Saulē? Si tale aliquid cōminandum esset, ipsi Dauid fuerat potius cōminandum, cuius erat filius Salomon. Postremo nunc inter se gens hebræa diuisa nō est, sed indifferenter in eiusdē erroris societate dispersa per terras. Diuisio uero illa quā deus sub persona Saulis, illius populi & regni figurā gerentis, eidē regno & populo cōminatus est, æterna atq; immutabilis significata est, per hoc quod adiunctum est, & nō cōuertetur, neq; pœnitebit eum, quoniā nō est sicut homo, ut pœniteat eū: ipse minatur & nō permanet, id est, homo minatur & nō permanet. Non autē sic deus, quē nō pœnitet sicut hominē. Vbi enim legitur, quod pœniteat eum, mutatio recti significatur, immutabiliter manēte præscientia diuina: ubi uero nō pœnitere dicitur, nō mutare intelligitur. Prorsus insolubile uidemus per hæc uerba prolata diuinitus fuisse sententiā de ista diuisione populi Israel, & omnino perpetuā. Quicunq; enim ad Christū transierunt, uel transierunt, inde nō erāt, nisi secundū dei præscientiā, nō secundū humani generis unā eandēq; naturā. Propterea quicunq; ex Israelitis adherentes Christo, perseuerāt in illo, nunq̃ erunt cum Israelitis, qui eius inimici usq; in finem uitæ huius esse persistunt, sed in diuisione quæ hic prænuntiata est, perpetuo permanebunt. Nihil enim prodest testamentū uetus de monte Sina in seruitutē generans, nisi quia testimonium perhibet testamento nouo. Alioquin quādiu legitur Moyles uelamen supra corda

corda eorum positum est, cum quisque transierit ad Christum, auferatur uelamen. Transientium quippe intentio ipsa mutatur de uetere ad nouum, ut non quisque intendat accipere carnalem, sed spirituale felicitatem. Sumpsit ergo Samuel gladium, & in frustra concidit Agag. Quod faciendo Samuel uisusque adeo non peccauit, ut non faciendo peccaret. Dominus enim iusserat interfici Amalechitas, qui utique nouit non solum secundum facta, uerum etiam secundum cor hominis, quid unusquisque uel peti que perpeti debeat. Dignus ergo erat Saul cui talia iniungerentur, atque Amalechitarum, ut talia paterentur, qui diuino nomini honorē non dederunt, sed populū dei qui sicco uestigio mare transierunt, interire uoluerūt. Igitur recedēte à Saul domino propter inobedientiā, arreptus est maligno spiritu à domino, imbutusque spiritus domini in eo malignus. Iam uero illud quod etiam malus appellatus est spiritus domini, sic intelligitur, quomodo dictum est, domini est terra, tanquam creatura, & in eius posita potestate. Aut si propterea non congruit hoc locutionis exemplum, quia terra non est mala, omnis enim creatura dei bona est, illud congruat quod ipse Saul iam reprobus & sceleratus, atque iratus factus David, persecutor etiam eius, cum saeuissimæ inuidiæ facibus agigaretur, tamen adhuc christus domini dicebatur, sic eum appellauit ipse David, cum uindicauit extinctum. Sed magis arbitror malignum spiritum, à quo uexabatur Saul, & ideo dictum domini, quod occulto iudicio domini Saulem uexabat. Vult enim deus ministris, etiam spiritibus malis ad uindictam malorum, uel ad bonorum probationem, alio modo ad illam rem, alio ad istam. Quamuis enim inde quisque sit malignus spiritus, quia uoluntate nocere appetit, tamen nocendi potestatem non accipit, nisi ab illo sub quo sunt omnia, certis & iustis meritum gradibus ordinata: quia sicut non est mala uoluntas à deo, sic non est potestas nisi à deo. Quamuis enim sit in cuiusque potestate quid uelit, non est tamen in cuiusque quid possit, uel facere cuiquam, uel à quoquam pati. Nam & ipse filius unicus dei passurus ad tempus, humiliter superbe loquenti homini & dicenti, quod potestatem haberet occidendi eum & dimittendi, non haberes, inquit, in me potestatem, nisi tibi data esset de super. Diabolus etiam uolens nocere iusto uiro Iob, nocendi quidem uoluntate diabolus erat, sed tamen à domino deo potestatem petebat dicens, Mitte manum tuam & tange carnem eius, quamuis & ipse hoc si permitteretur, esset facturus. Ipsam enim permissionem petebat hoc modo, & manum domini appellabat permissam à domino manum suam, id est, ipsam potestatem, quam uolebat accipere. Cui congruit illud in Euangelio, quod dominus discipulis ait. Hac nocte postulauit sathanas uexare uos sicut triticum. Dictus est ergo spiritus dei malus, hoc est minister dei ad faciendū in Saul, quod eum iudex omnipotentissimus pati iudicabat, quoniam spiritus ille uoluntate qua malus erat, non erat dei, creatura uero qua conditus erat, dei erat, potestas autem quam non sua, sed domini omnium æquitate acceperat, dei erat. Verba etiam ipsa scripturam ita se habent. Et perrexit Sa-

De Demonio
Sauli. XVI

muel, & abiit in Ramatha, & spiritus domini recessit à Saul, & cōprehendit eum spiritus malignus à domino, & suffocabat eum. Et dixerunt pueri Saul ad eum. Ecce spiritus domini malus suffocat te. Hoc igitur à pueris eius quo modo sit dictū spūs domini malignus, superiora uerba indicant narrantis scripturæ & dicētis, spiritus malignus à domino. secundū hoc enim domini, quod à domino: quia per se ipsum necare uelle habebat, id est cōprehendere Saul: posse autē nō habebat, nisi summa iusticia lineretur. Si enim iuste uindicat deus, quēadmodū ipse dicit Apostolus, cum tradit homines ad concupiscentias cordis eorū, nō mirū si nihilominus iuste uindicans tradit eos etiā in concupiscentias aliorū nocere uolētium, sua semper incōmutabili æquitate seruata. Animaduertendū sanē cū additamēto dici, spūs domini malus. Cū autē tantūmodo dicitur, spiritus domini, etiā si nō addatur bonus, ex hoc intelligit bonus: unde apparet, bonū spūm secundum substantiā, malum autē secundum ministeriū dici spiritū dei: quanquā queri adhuc possit, utrum cum spiritus dei dicitur, & ex ipso ita & si nihil addat, intelligit bonus ille qui est in trinitate cōsubstantialis patri & filio, spiritus sanctus: de quo dicitur, ubi autē spiritus domini, ibi libertas: & iterum, nobis autē reuelauit deus per spiritum suū: & illud, sic & qui dei sunt, nemo scit nisi spiritus dei: & multis hoc modis dicitur spūs dei, & intelligit spūs sanctus, etiā si nō addat, quoniā ea quæ circumstant satis indicāt de quo dicatur, ita ut aliquādo nec dei addat, & tamē intelligatur ille spiritus dei principaliter sanctus. Nam quem alium cōmemorat ubi dicit, ipse spiritus dat testimoniū spiritui nostro, quia sumus filii dei, & ipse spūs adiuuat infirmitatē nostrā, & omnia hæc operatur unus atque idē spiritus, diuidēs singulis prout uult. Et diuisiones donationū idem autem spiritus. In his enim omnibus sententijs, nec dei nec sanctus est additum, & tamē ipse intelligit. Sed nescio utrū manifesto aliquo exemplo probari possit, alicubi dictū spiritū dei sine additamēto, ubi spiritus ille sanctus nō significet: sed aliquis quāuis bonus, creatus tamē & cōditus. Quæ enim proferuntur dubia, indigent clariore documēto, sicut illud quod scriptū est, Spiritus dei ferebatur super aquā. Nā & ibi spiritū sanctum accipere quid impediat nō inuenio. Quum enim aquarū nomine illa materies insinuares informis, quæ de nihilo facta est, unde omnia fierēt, quid prohibet intelligere spiritū sanctū cōditoris, qui superferebatur huic materiei nō locorum gradibus interuallisquē spaciōrū, quod nequaquā de ulla re incorporea recte dicitur, sed excellentia & eminētia dominātis supra omnia uoluntatis, ut omnia cōderentur: præferentem cum ea locutio, sicut illarum scripturarū mos est, etiā propheticum quoddā sonet mysterium, quo futuri baptismatis ex aqua & spū sancto populi præfiguraretur. Non ergo cogit quod dictū est, & spiritus dei ferebatur super aquā, illum intelligere spiritū, sicut nōnulli intelligūt, quo mundi moles uniuersa ista corporea uelut animatur ad ministeriū quorūque gignentū, & in sua specie cōtinendarū corporaliū creaturarū. Creatura est enim quicquid est tale. Illud etiā quod scriptū est, quoniā spūs dñi repleuit orbē terrarum

terrarum, non defunt qui eundē spiritum uelint accipere, inuisibilem scilicet creaturam, cuncta uisibilia uniuersali quadā aspiratione uegetantē atq; continentē. Sed neq; hic uideo quid impediāt spiritū sanctum intelligere, cum ipse deus dicat apud prophetā, Caelū & terram ego impleo. Nō enim sine suo spiritu sancto implet deus cœlū & terrā. Quid ergo mirū si de spiritu sancto eius dictū est, repleuit orbē terrarū. Aliter etiā replet sanctificando, sicut de Stephano dicitur, repletus est spū sancto, & de cæteris talibus: aliter replet sanctificante gratia, sicut quosdā sanctos: aliter astante atq; ordinātē præsentiā, sicut omnia. Quā ob rem nescio utrū certo aliquo documēto scripturarū possit ostendi, cum sine ullo additamēto dicitur spiritus dei, uel spiritus domini, aliquid aliud significari q̄ spiritū sanctum. Sed & si est fortē quod in præsentiā nō occurrat, illud certe arbitror nō temere dici, quoties in sanctis eloquijs cōmemoratur spiritus dei, nec additur aliquid, siue ille patri & filio cōsubstantialis spiritus sanctus, siue aliqua creatura inuisibilis intelligatur, malum autē nō posse intelligi nisi addatur etiā malus. malo enim quia bene utitur deus ad ministerium iudicij sui, appellatur etiā ipse spiritus dei ad uindictā malorū, & disciplinam uel probationē bonorum. Nec illud iam mouere nos debet, quod postea scriptū est eundē Saulem spiritu dei super se facto prophetaſſe, quomodo post bonū spiritū spiritus malus, & rurſus post malū bonus. Hoc enim fit nō mutabilitate spiritus sancti, qui est incommutabilis cum patre & filio: sed mutabilitate animi humani, deo cuncta distribuente, siue malis pro merito damnationis uel emendationis, siue bonis pro largitate gratiæ suæ: quanq̄ uideri possit etiā idem fuisse dei spiritus semper in Saul, malus autē illi quod eius substantiā capax nō esset, sed nō recte hoc uidetur. Tutior est enim ille sensus & uerior, ut pro mutabilitate affectionis humanæ, spiritus dei bonus bene afficiat, uel ad prophetiam, uel ad opus quodlibet in munere diuino: afficiat autē malus qui propter mysteriū diuinæ æquitatis omnia distribuētis, & omnia recte utentis, dicitur & ipse spiritus dei: præsertim quia dictū est, recessit ab eo spiritus dei, & cōprehendit eum spiritus malignus à domino. Nullo pacto enim potest idem uideri recessisse & adprehendisse. Porro in nōnullis exemplaribus, & eis maxime quæ de lingua hebræa ad uerbū uidētur expressā, inuenitur spiritus dei sine additamēto positus, & intelligi malus ex eo quod arripiebat Saul, & reſciebat eum Dauid tangendo citharā. Manifestū est tamē ideo nō additū malus, quia paulo superius iam dictū erat, & de uicinitate scripturæ subaudiri & intelligi poterat. Ita enim in eiusmodi exemplaribus legitur. Igitur quanq̄ spiritus dei arripiebat Saul, tollebat Dauid citharā, & percutiebat manu sua, & refocillabatur Saul, & leuius habebat. Recedebat enim ab eo spūs malus. Siue ergo quod dictū hic non est, spūs dei, sed tantūmodo spūs malus, quod ibi minus dictū erat, tanq̄ redditū apparet: siue quia superius ita positū erat, Et dixerūt serui Saul ad eū, Ecce spūs dei malus exagitat te, iubeat dominus noster, ut serui tui qui corā te sunt, quærant hominē scientē

De unctione
David. XVII

psallere cithara, ut quando te arripuerit spiritus dei malus, psallat manu sua, & lenius feras. Nō opuserat cū rursus dicere, quādoquē spūs dei arripiebat Saul, addere malū, quia notū erat de quo tūc diceretur. Itaq; Saul propter inobediētiā reprobato, mittit dominus Samuel ad Isai, & sumpto cornu olei, unxit in regē David. Sed uideamus David quomodo Christum prophetice signauerit. David enim interpretatur manu fortis, siue desiderabilis. Et quid fortius leone illo de tribu Iuda, qui uicit mundū, & quid desiderabilis illo, de quo dicitur, Veniet desideratus cunctis gētibus. Vngitur iste David in regē futurū, denunciāns per unctionē illā Christū. Christus enim à chrismate appellat. David ab officio pastoralis ad hominū regimē trāsferatur, noster autem David ipse Iesus ab ouibus Iudaicæ plebis ablati, in regno gentium trāslatus est. A Iudea enim plebe modo Christus ablati est, unde nūc gētiū greges pascit. Erat autē David in canticis musicus eruditus, Diuersorū enim sonorū rationabilis moderatusq; cōcensus, cōcordi uarietate cōpactā ordinatā ecclesiæ insinuat unitatē, quæ uarijs modis quotidie resonat, & suauitate mystica modulatur. Iste adhuc puer in cithara suauit imō fortiter canēs, malignū spiritū qui opabatur in Saule cōpescuit, nō quod citharæ illius tāta uirtus erat, sed figura crucis Christi, quæ de ligno & extēsiōne neruorū, mystice gerebat, ipsaq; passio cantabatur, in hoc tribuens moraliter exemplū, ut fastū diuitū sermone humili ad aliquod bonū puocemus. Plerūq; enim supbus diues exhortationis blandimēto placādius est, quia & plerūq; dura uulnera per lenia fomenta mollescūt, & furor insanorū sepe ad salutē medico blandiēte reduciuntur. Cumq; eis in dulcedine cōdescendit, languor infanīæ mitigatur. Neq; enim negligēter intuendū est, quod cū Saulem spūs aduersus inuaderet, apprehensa David cithara eius uesaniā mitigabat. Quid enim per Saulē nisi elatio potentiū, & quid p David innuitur nisi humilis uita sanctorū. Cū ergo Saul ab immūdo spū arripit, David carente eius uesania tēperatur, quia cū sensus potentiū per elationē in furorem uertit, dignū est ut ad salutē mētis quasi dulcedine citharæ, locutiōis nostræ trāquillitate reuocet. Post hęc David in prēlio gigātē superauit, cū aduersus populū dei alienigenæ dimicaret. Prouocauit diabolus Christū, accepit arma bellica sanctus David, ut aduersus Goliā pcederet. Hic arma per atātē & paruā staturā corporis portare nō ualuit, abiicit onerātia, accepit quinque lapides de flumine, & posuit in uase pastoralis. His armatus pcessit & uicit. Hoc quidē ille David. Sed si mysteria pscrutemur, in David Christus intelligit, qui tēpore reuelationis noui testamēti, insinuādæ & cōmodandæ gratiæ prauidēs arma deposuit, quinque lapides tulit. Deposuit ergo corporalia sacramēta legis, quæ nō sunt imposita gentibus. Deposuit quæ nō obseruamus, quia ueterē legē legimus, & nō obseruamus, sed tamē ad aliquā significationē pmissa & posita intelligimus. Deniq; hæc arma deposuit tanq; onera sacramentorū ueteris legis, & ipsam legē accepit. Quinque enim lapides, quinque libros Moysi significant. Tulit ergo illos quinque lapides de flumine, id est,

De certamine
David & Goliath. XVIII

id est, de seculo. Labitur enim mortale seculū, & præterfuit quicquid uenit in mundū. Erant enim in flumine tantū in populo illo primo lapides, erant illic inutiles & uacabāt. Nihil proderant, transiebant sicut fluuius. Sed quid fecit Dauid, ut lex ipsa utilis esset? Accepit gratiā. Lex enim sine gratia impleri non potest. Plenitudo enim legis charitas. Quia ergo gratia facit impleri legē, significatur gratia lacte. Hoc enim est in carne gratuitū, ubi mater nō querit accipere, sed satagit dare. Hoc mater gratis dat, & contristatur, si desit qui accipiat. Quomodo ergo ostendit Dauid legē sine gratia operari nō posse, nisi cum illos lapides quinque, quibus significabatur lex in libris quinque, quos coniungere uoluit gratiā, posuit in uase pastoralis, quo lac mulgere cōsueuerat? His armatus processit aduersus Goliā superbū, se iactantē, de se præsumentē, tulit unū lapidē, & deiecit Diabolū: in frontē percussit, & cecidit ex eo loco corporis, ubi signū Christi nō habuit. Hoc quoque licet attendas. Quinque lapides deposuit, unū misit. Quinque libri legis sunt, sed unitas uicit. Plenitudo enim legis charitas, ut ait Apostolus, Sufferentes inuicē in dilectione, studentes seruare unitatem spiritus in uinculo pacis. Deinde illo percusso atque deiecto, gladiū eius abstulit, & deinde illi caput absceidit. Et hoc facit noster Dauid. Deiecit diabolū de suis, qui credunt magis ei, quos ille in manu habebat, & de quibus certas animas trucidabat. Cōuertunt linguas suas cōtra diabolū, & sic Goliā de gladio suo caput inciditur. Cōuenit etiā & hoc illi uiro, qui recta fide plenus, quæ sanctis solet ad iusticiā deputari, cum ea ipsa scripturæ sacræ quam hæreticus affert, testimonia colligit, & erroris eius pertinaciam inde cōuincit. Contra nos namque dum sacræ legis testimonia apportant, secum nobis afferunt unde uincantur. Vnde & Dauid typū domini, qui uidelicet manu fortis interpretatur, Goliās uero hæreticorū superbiā signans, hoc rebus locuti sunt, quod nos uerbis aperimus. Goliās quippe cum gladio, Dauid uero cū uirga pastoralis uenit ad præliū, sed eundē Goliā Dauid superans, suo occidit gladio. Quod nos quoque agimus, qui præmissi Dauid mēbra, ex eius fieri dignatiōe menuimus. Nā cum superbiētes hæreticos, & sacræ scripturæ sentētiās deferentes, eisdem uerbis atque sentētijs quas proferūt uincimus, quasi elatū Goliā suo gladio detrumcamus. Interea uictoria Dauid animū Saul regis offendit, indignans quod Saul in mille, & Dauid in decē milibus, cōclamantiū publicæ gratulationis ora insonaret. Hinc inuidia Saulis & semen odiorū aduersus Dauid, quē dissimulato callidus, ut sine insidijs suis posset offerre discrimini, statuit cū Michol filiæ suæ nuptijs alligari, si centū sibi allophylorū præputia uictor offerret, pro quibus centum ducenta dedit. Et unde creditus est regio perire uoto, inde auctus est gloriosiori tropheo. Ita & Iudæi dum cōtra uoluntatē dei Christum occidere nituntur, per id salutem gentium egerunt, per quod crediderunt extingueri. Quod uero Dauid prius alienigenarum præputia attulit, & sic denuo filiæ Saul nuptus hæsit, significabat quod Christus nō prius synagogā cōuubio suo sponderet, nisi ante gloriosus in gentibus fieret. Prius enim in nationibus resecauit carnis pollutionē, & postea copulatus est synagoga. Postquam enim

De eo quod
Saul pro C.
præputijs Phil
isthorū Da
uid generum
esceisset. XIX

enim sicut scriptum est, introierit plenitudo gentium, tunc omnis Israel saluus fiet. Dupla autem, id est, et c. præputia attulit, siue p. Iudæis & gentibus adquisitis, siue quia maior est numerus adquisitiōis populi gentium, q̃p̃ credentiū Iudæorū. Auxit deinde odiū Saul aduersus Dauid in tantū ut rex ad medelā sui spiritus Dauid de more pfallentē, iaculo conaret cōfigere. Sed quid est qd' dum Saulē spiritus aduersus inuaderet, apprehensa Dauid cithara, eius uesaniā mitigabat? Per Saulē enim Iudæorū elatio, per Dauid autem humilitas Christi significatur. Quū ergo Saul ab immundo spiritu arripitur, Dauid canēte, eius uesania temperatur: quia quum sensus Iudæorū per blasphemiam in furorem uertitur, dignū est ut ad salutē mētes eorū quasi dulcedine citharæ locutionis euangelicæ tranquillitate reuocentur. Mittit Saul custodes ad domū Dauid, ut custodirēt eū, & interficeretur. Abcessit autem Dauid nocte & fugit, atq; saluatus est. Quūq; uenissent nuncij Saul, inuenerūt statuā in lecto Dauid positā, & pellē pilosā caprarū ad caput eius. Audiamus ergo quid hoc significet, quod miserit Saul ad custodiendā domū Dauid, ut eum interficeret. Hoc nō ad crucē domini, sed tamē ad passionē eius pertinet. Cruci fixus enim Christus & mortuus & sepultus est. Erat ergo illa sepultura tanq̃p̃ domus, ad quā tanq̃p̃ ad custodiendū misit regnū Iudæorū, quādo custodes adhibiti sunt sepulchro Christi. Quomodo ergo custodita est domus, si Dauid figurabat Christū, ut Christus interficeret, dum nō in sepultura Christus, sed in cruce sit interfectus? Refertur ergo ad corpus Christi, quia interficere Christū, erat tollere nomē Christi, Neq; enim crederetur in Christū, si mendaciū præualeret custodiū, qui corrupti sunt ut dicerēt, quia dormiētib; nobis uenerūt discipuli eius, & abstulerūt eū. Hoc est itaq; uelle Christū interficere, nomē resurrectionis eius extinguere, ut mendaciū euangelio pferret. Sed sicut illud nō ualuit Saul, ut interficeret Dauid, sic nec hoc potuit regnū Iudæorū efficere, ut memoriā Christi deleteret. Isti autē qui de Saul uirtute, id est, de regno Iudæorū in Christū præsumere uoluerūt, offenderunt lapidē offensionis tanquā in statuam, & hedus uisus eis erat agnus, quia in quo peccatū nō inuenerūt, quasi peccatorem persecuti sunt.

De fuga Dauid ad Samuel.
XXI

Igitur Dauid regiæ manus ictum euitās, eiusq; persecutionē declinans fugit, uenitq; ad Samuelē, & misit Saul nuntios qui adprehenderēt Dauid. Samuel autē erat inter prophetas, & ceteros prophetarū, qui illo tēpore pphetabāt. Nuntij autē qui missi sunt accepto eiusdē spū prophetauerunt, missisq; alijs hoc contigit, & tertijs nihilominus. Postea uero cum & ipse Saul uenisset, factus est super eum spiritus domini, & ambulabat ingrediēs & prophetabat. Nō enim potest hic nisi spūs bonus intelligi, per quē sancti prophetæ futurarum rerū imagines & uisa cernebāt, nō ex eo tantū quia dictū est, & prophetabat. Nam in exemplaribus quæ sunt ex Hebræo hoc quoq; inuenitur de spiritu malo dictum ita. Post diem autē alterū inuasit spiritus dei malus Saul, & pphetabat in medio domus suæ. Et in alijs scripturarum locis sepe inueniē, quod prophetia nō tantū bona, sed & mala diciē, & prophetæ dicti sunt Baalim, & exprobratum est quibusdā qui prophetabant in Baal. Nō ergo prop-
terea

terea necesse est intelligi bonus spiritus qui factus est postea super Saul, quia dictum est, & ambulabat ingrediens & prophetabat: sed quia sine additamento positum est, & factus est dei spiritus super eum. Non enim sicut in illo loco dictum erat supra dei spiritus malus, ut ex hoc posset & in consequentibus subaudiri, quinimo superiora magis magisque attestantur, illum spiritum dei bonum fuisse & vere propheticum. David enim erat cum Samuele, & misit Saul nuntios qui apprehenderet David. Quomodo autem Samuel erat inter prophetas & coetus prophetarum, qui illo tempore prophetabar, & nuntij qui missi sunt, accepto ab eodem spiritu prophetauerunt, missisque alijs hoc contigit, & tertijs nihilominus. Postea quum & ipse Saul uenisset, factus est & super eum spiritus dei, & ambulabat ingrediens & prophetabat. Quum enim dicitur, factus est & super ipsos spiritus domini, & prophetabant & ipsi, idem utique spiritus erat, qui erat in prophetis. Inter quos & Samuel inuentus est, & ex hoc utique necesse est intelligi illum spiritum bonum: atque ideo quaestio diligenter discutienda est, quomodo & illi cum missi essent ad tenendum hominem, & ad necem ducendum, tali spiritu affici meruerunt: & Saul ipse qui miserat ueniens & ipse, & sanguinem innocentem querens effundere, accipere meruit spiritum illum, & prophetare. Hic nimirum illud occurrit, quod apostolus Paulus exponit, supereminentem uiam demonstrans. Si linguis hominum inquit loquar & angelorum, charitatem autem non habeam, factus sum uelut atramentum sonans, aut cymbalum tinniens. Et si habuero prophetiam, & sciero omnia sacramenta, & omnem scientiam, & si habuero omnem fidem, ita ut montes transferam, charitatem autem non habeam, nihil sum: & si distribuero omnem substantiam meam, & si tradidero corpus meum ut ardeam, charitatem autem non habeam, nihil mihi prodest. Quo in loco manifestum est, eum munera illa commemorasse, quae sancti spiritus diuisionibus dantur, sicut superius dicit. Unicusque autem datur manifestatio spiritus, ad utilitatem. Alij autem datur per spiritum sermo scientiae, alij sermo sapientiae, secundum eundem spiritum, alteri autem fides in eodem spiritu, alij donatio curationum in uno spiritu, alij operatio uirtutum, alij prophetia, alij dijudicatio spirituum, alij genera linguarum. Omnia autem haec operatur unus atque idem spiritus, diuidens propria unicuique prout uult. Satis igitur apparet inter dona spiritus sancti esse prophetiam, quam tamen si quis habeat & charitatem non habeat nihil est. Ex quo intelligitur, fieri posse, ut quidam etiam indigni uita aeterna regnoque caelorum aspergantur quibusdam spiritus sancti muneribus, non habentes charitatem, sine qua illa munera nonnihil sunt, sed illis nihil prosunt. Prophetia quippe sine charitate, sicut iam demonstratum est, non perducit ad regnum dei. Charitas uero sine prophetia utique perducit. Quum enim loquens de membris Christi ait, Numquid omnes apostoli, nunquid omnes prophetae, indubitata ostendit, etiam eum qui prophetiam non habet, posse in membris Christi numerari, ubi quod locum haberet sine charitate, sine qua homo nihil est, si non habet. Nullo modo autem ita diceret, quando de membris agebat, quibus corpus Christi impletur, nunquid omnes habent charitatem

charitatē, quē admodū dicit, nunquid omnes apostoli, nunquid omnes prophetae, nunquid omnes uirtutes, nūquid omnes dona habēt curationū: Et cetera huiusmodi. Sed dicit aliquis posse quidē fieri, ut prophetiā quisq; nō habeat. Nihil est homo habens prophetiā, sine charitate. Ita fortasse quem admodū possumus dicere, nihil esse hominē habentē animā sine mente: nō quia potest inueniri homo: qui mentē nō habeat, habens animā, sed quia nihil esset si inueniri posset: sic etiā dici potest corp⁹, si figurā habeat, colorē nō habeat, uideri nō potest, nō quia est corpus, cui desit color, sed quia si deesset, cerni nō posset. Ita fortasse dictū est, quod si quisq; habeat prophetiā, & charitatē nō habeat, nihil est: nō quia potest in quoquā esse prophetia sine caritate, sed quia si esset, prodesse non potest. Opus igitur est ad soluēdum istam quæstionem, ut ostendamus aliquem reprobū hoc donum habuissē prophetiā. Quod si neminem inueniremus, hoc iste ipse Saul satis ostenderet. Sed tamen & ille Balaam reprobū apparet. Nō enim eum tacet scriptura diuino iudicio esse damnatum, & tamen prophetiam habebat. quia ei charitas deerat, inerat uoluntas maledicendi populo Israelitico, quam hostis precio comparauerat, qui cum ad maledicendum mercede conduxerat. Dono tamē ille prophetizandi, quo aspergebatur, benedicebat inuitis. nec illa uerba parum adtestantur huic sententiā, quæ in Euangelio scripta sunt, multos dictūros in illa die, Domine domine, in nomine tuo māducauimus & bibimus: & in nomine tuo prophetauimus: in nomine tuo multas uirtutes fecimus. Quibus tamen dicturus est, Non noui uos, recedite ā me operarij iniquitatis. Non enim eos mentientes putabimus ista dictūros in illo iudicio, ubi nullus erit fallēdi locus: aut ullam uocem talium legimus, dicens, dileximus te. Poterunt ergo dicere, in nomine tuo prophetauimus, cū sint improbi & reprobi, non autem poterunt dicere, dilectionem quā mandasti tenuimus. Nam si dicunt, tūc eis respondebitur, non noui uos. In hoc enim cognoscitur, inquit, quia discipuli mei estis, si uos inuicem diligatis. Exemplum itaq; huius Saul resistit superbis nōnullis hæreticis, qui uel aliquid boni de muneribus sancti spiritus negant posse dari eis, qui ad sortem sanctorum non pertinent, quum eis dicimus habere posse illos baptismi sacramentum, quod cum ad ecclesiam catholicam ueniunt, non est in eis ullo modo uiolandum, aut quasi non habeant tradendum. Sed tamen eos nō ideo saluti debere confidere, quia non improbamus quod illos accepisse concedimus, sed oportere cognoscere unitatis societate uinculo charitatis inuēdam, sine qua omnino quicquid habere poterunt, quamuis per se sanctum atq; uenerandū, ipsi tamen nihil sunt, tāto indigniores effecti premio uitæ æternæ, quanto illis donis non bene usi sunt, quæ in hac uita quæ transiura est acceperunt. Non autem bene utitur nisi charitas, & charitas omnia tolerat, atq; ideo non scindit unitatem, cuius ipsa est fortissimum uinculum. Nō enim & seruus ille non accepit talentum, aut aliquid aliud intelligit talentū, quā

quàm munus utiq; aliquod diuinum. Sed qui habet dabitur ei, qui autem non habet, & quod habet auferetur ab eo. Quod non habet auferri non potest, sed aliud non habet, ut merito auferatur quod habet. Non habet charitatem utendi, ut auferatur quicquid aliud habet, quod sine charitate non prodest. Non igitur mirum regem Saul & eo tempore quo primum unctus est, accepisse spiritum prophetandi, & postea quum esset propter inobedientiam reprobatus, recedente ab eo spiritu dei, arreptum esse maligno spiritu à domino: qui etiam ipse spiritus domini appellatus est propter ministeriū, quia omnibus, & spiritibus malis bene utitur dominus, uel ad damnationē quorundam, uel ad probationem: & quamuis non sit malignitas à deo, non est tamen potestas nisi à deo. Dictum est etiam sopor domini, qui occupauerat eiusdem Saul milites, cum Dauid hastam & cyphum abstulisset, à capite dormientis: non quia tunc sopor in domino erat, ut ipse dormiret, sed quia ille sopor qui tunc homines adprehenderat, nutu dei erat infusus, ne Dauid & serui eius in eo loco præsentia sentiretur. Neq; illud mirū est, rursum eundem Saul accepisse spiritum prophetiæ cum persequeretur iustum, & cum comprehensus & necaturus uenisset in locum ubi erat congregatio prophetarum. Sic enim satis demonstratum est, neminem de tali munere securum esse debere, tanquam sit acceptissimus deo, si non habeat charitatem: quandoquidem illud donum, & Sauli dari potuit, propter archanū quidem alicuius sacramenti, sed tamen dari potuit reprobato & inuido & ingrato & reddenti mala pro bonis, & ne post ipsam quidem acceptionem spiritus correcto in melius & mutato. Iuit autem Ionathas ad Dauid, quem in persequutionibus patris sui non iustus dolebat fatigari. Si uixero, facies mihi misericordiam domini: si autem mortuus fuero, non auferes misericordiā tuam à domo mea usq; in sempiternum, quando eradicauerit dominus inimicos Dauid unum quēq; de terra. Cum adiūgeret scriptura, pepigit ergo fœdus Ionathas cum domo Dauid, continuo subintulit dicens, Et requisit dominus de manu inimicorum Dauid. Per anticipationem utiq; fecit, prius historiæ interferendo, quod multo post tempore factum est, cum interfecto Saule, regnum ad domum Dauid translatum est, & qui innocentem eum iniuste persequébatur, iuste sunt diuinitus ultione mulctati. Tunc enim requisit dominus de manu inimicorum Dauid, quare uirum sanctū affligerint: tunc cogebantur rationem reddere odiorum, quibus cōtra illum tanto tempore sauerant. Quod & de Absalon, & de Seba filio Bochri, & de cæteris hostibus Dauid æque potest intelligi. Aliter. Si scire uis quid de manu inimicorum Dauid requisierit Dominus, potes ni fallor à supetiore sententia, qua dictum est, quod fœdus pepigerit Ionathas: requisit enim, quare non & ipsi fœdus cum eo pacis inire uoluerint, cum quo esse dominum uident. Idcirco autem scriptura hic sententiam hanc præoccupando interponere uidetur, ut testimonium Ionathæ quo dixerat, quando eradicauerit do-

De fœdere
Dauid & Io-
nathæ. XXII

d d minus

De aduentu
David ad Abi
melech.
XXIII

minus inimicos David unumquemque de terra: non ipso David se de aduersarijs ulciscente, sed iudicante domino pro illo. Bene autem subiungitur, Ex addidit Ionathas iurare David, eo quod diligeret illum. Sicut animam enim suam ita diligebat eum: ut ille nimirum qui tam perfecto iuxta legem dei amore complectebatur David, à perditione inimicorum eius uideretur inimicis, qui & si sit ita morte præreptus, ut regnum cum eo, ut sperabat, habere nequiuisset commune, absque ulla tamen contradictione regni celestis consortium cum eo, quem pro gloria uirtutum tantopere dilexit, cum esset & ipse uirtutum, accepit. Surrexit itaque David iterum, ut fugeret in die illa à facie Saul, uenitque ad sacerdotem Abimelech, à quo & gladium Goliath sustulit, & panes propositionis accepit. Ex qua re & sacerdoti mortem intulit, & animaduersionem religiosæ ciuitati. Hæc itaque gestorum fides est. Sed quantum ad sacramentum prophetiæ pertinet, in Christo domino nostro impletum est, qui positus in carne, dum infectionem declinaret Iudaicam ad Apostolos transiit, cum quibus & desideratum sibi cibum sumpsit. Desiderio enim inquit desideravi hoc pascha manducare uobiscum, ex quibus Goliath, id est, diaboli arma sustulit, fortis enim spolia ipse diripuit. His ergo à quibus receptus est Christus, tribulationes induxit diabolus, & mortem. Omnes enim, ut ait Apostolus, qui in Christo pie uolunt uiuere, persecutiones patiuntur. Et dominus ait, Si me persecuti sunt, & uos persequentur. Quod uero dominus in euangelio Abiathar principem sacerdotum Abimelech appellat, nihil habet dissonantiæ. Ambo & enim fuerunt illi, cum ueniens David panes petijt & accepit: Abimelech uidelicet princeps sacerdotum, & Abiathar filius eius. Occiso autem Abimelech à Saule cum uiris domus suæ generis sacerdotalis LXXXV fugit Abiathar ad David, & comes factus totius exilij eius, postea regnante eo summi sacerdotij gradum & ipse accepit, ac toto tempore regni illius in pontificatu perseverans, multo maioris excellentiæ, quam pater suus effectus est, ideoque dignus fuit, cuius memoriâ dominus etiam uiuente patre, quasi summi sacerdotis faceret. In Doech autem Idumeo qui sacerdotes domini prodidit, Iudæ proditoris persona signatur, per quem ista operatus est diabolus, ut eius proditione facta in Christo persecutione postea ecclesia pateretur, & occiderentur multi discipuli Christi & sacerdotes, & pro nomine eius persecutionis exitia paterentur. Quidam dicunt Doech antichristum significasse, cuius membrum Iudas exitit: quia sicut ille sacerdos LXXX peremit, sic & iste martyres, qui fidem resurrectionis tenent, sit occisurus. Interea David cum fugeret Saul, latere uoluit apud regem quandam Geth nomine Achis: sed cum gloria eius fuisset commemorata, ne per liuorem rex, ad quem fugerat, aliquid in eum machinaretur, sinxit in saniam, & quasi furore correptus, mutauit os suum, defluebantque saluæ in barbam eius, conlabebaturque in manibus eorum, & procidebat ad ostia portæ. Et dixit Achis rex ad seruos suos, Quid huc mihi adduxistis istum?

Nunquid

De fuga David
ad Achis.
XXIII

Nunquid deerunt nobis furiosi: Et sic eum dimisit) Achis interpretatur quo modo est, per quod significatur ignorantia, & uerbum mirantis & nō agnoscantis: quod in gente Iudæorum impletum est, qui dum uiderunt Christū, non agnouerunt, coram quibus mutauit os suum, & abiit. Erant enim præcepta legis carnalia, erat sacrificium secundum ordinē Aaron, & postea ipse de corpore & sanguine suo instituit sacrificium secundū ordinem Melchisedech. Mutauit ergo os suum in sacerdotio, mutauit in præceptis, dāns aliud testamentū euacuata carnali operatione: atq; inde collapsus est in manibus eorum, quando eum comprehendentes crucifixerūt: & procidebat ad ostia portæ, hoc est, humiliabat se, hoc est, procidere ad ostium fidei nostræ. Ostium enim portæ initiū fidei, inde incipit ecclesia, & peruenit usq; ad speciem, ut cum credit ea quæ non uidet, mereatur perfrui cum ea uidere facie ad faciem cœperit. Quod uero in illo quasi furore saluæ decurrebāt super barbam eius, Apostolus hæc aperit dicens: Iudæi signa petunt, & Græci sapiētiā quærunt, nos autem prædicamus Christum crucifixum, Iudæis quidē scandalum, gentibus autē stulticiā, ipsis uero Iudæis uocatis & Græcis Christū dei uirtutem, & dei sapiētiā, quia quod stultum est dei, sapiētius est hominibus, & quod infirmū est dei, fortius est hominibus. Saluæ enim significant infirmitatem, sed quod infirmum est dei, fortius est hominibus: non tantum saluæ adtendantur, sed adtende quod super barbā decurrunt. Quo modo enim in saluiis infirmitas, sic in barba uirtus ostenditur. Texit ergo uirtutem suā corpore infirmitatis suæ, & quod forinsecus infirmabatur tanquam in salua apparebat, intus autem diuina uirtus tanquam barba tegebatur. De hinc in heremo Engaddi cum persequendum Dauid Saul appeteret, ingressus est Dauid in spelūcam, & ibi latebat. Sed & rex improuis exceptus insidijs, quod innocuo moliebatur inciderat. Scriptū est enim qui fodit foueam, incidit in eam. Dauid autem bona pro malis retribuens inimicum non occidit, sed pro testimonio oram clamidis regis abstulit, cum facilius esset exceptum insidijs aduersarium perdere magis quā fallere. Quid ergo est quod iste fugiens à facie Saul in spelunca latuit? Quare autē latuit? nisi ut occultaretur, & non inueniretur. Quid est contegi spelunca, nisi contegi terra? Qui enim fugit in spelunca, terra tegitur ne uideatur. Potabat autem terram Iesus, carnem quam acceperat de terra, & in ea se occultabat, ne à Iudæis inueniretur deus. Si enim cognouissent, nunquam dominum gloriæ crucifixissent. Quare ergo dominum gloriæ non inuenerunt? Quia in spelunca se texerat, id est, carnis infirmitatem solū obiciebat, & maiestatem diuinitatis corporis tegmine tanquam speluncæ abdito contegebatur. Illi ergo non cognoscentes persecuti sunt hominem, nec mori potuit nisi in homine, nec crucifigi potuit nisi in homine, quia nec teneri potuit nisi in homine. Opposuit ergo male quærentibus terram, seruauit bene quærentibus uitam. fugit ergo secundum carnem in speluncam à facie Saul, quia pas-

Quod in spelunca Dauid
Saulis eblamā
dem abscondit.
XXV

sus est, usq; adeo se occultans Iudæis, ut moreretur. Sed quare usq; ad mortem uoluit esse patiens, ut fugeret à facie Saul in speluncâ. Etenim spelunca inferior pars terræ potest accipi, & certe quod manifestum est, & notum omnibus, corpus eius in monumēto positum est, quod erat excisum in petra. Hoc ergo monumentum spelunca erat, illuc fugit noster Dauid à facie Saul. Tam diu enim persecuti sunt illū Iudæi, quo ad usq; poneret in spelūca. Sed quid est quod Saul persecutor ad purgandū uentrē speluncâ ingredit, nisi quod Iudæi in Christū conceptā mentis maliciā, quasi odorē foetidū emisērūt, & cogitata noxia factis deterioribus, dū Christū perimūt ostēderūt, sed tamē Dauid Saulē occidere noluit, & cū eū in abdito occultatus antro haberet in potestate, reseruare potius q̃ occidere maluit: ita & Christus dū esset in spelunca carnis, persecutorē populū in potestate habuit, & nō occidit. Scriptum enim erat de his p̃ prophetā, ne occideris eos. Tamē deniq; Dauid summitatē clamidis eius silēter abscidit, ut ostenderet p̃phetia Christū Iudæos nō occidisse, sed tamē eius regni gloriā abstulisse, sicq; eos persecutiōe sua uacuos sede, uel imperio reliquisse: clamidis enim abscisio, regni est amputatio. In eo autē quod tantū ueneratus est Saul ipse Dauid, ut p̃cusso corde penituerit, quādo in tenebroso occultatus antro, quō etiā Saul urgēte intrauerat necessitate naturæ, exiguā particulā uestis eius retrorsum latēter abscidit, ut haberet unde mōstraret quomodo ei pepercerit, cū posset occidere, atq; ita suspiciōē de animo eius, qua sanctū Dauid putās inimicū suū uehementē persequeretur, auferret: futuri regni erat umbra in eternitate māsuri. Oleū quippe illud quo unctus est pro christmāte, ab eo Christus est dictus. Ne itaq; reus esset tanti sacramenti in Saule uiolati, quia uel indumentū eius sic attrētauit, extimuit. Ita enim scriptū est. Et p̃cussit cor Dauid super eū, quia abstulit pinnā clamidis eius. Viri autē qui cū illo erāt, ut Saulē in manus suas traditū interimeret, suadebāt. Non mihi, inquit, cōtingat à domino, ut faciā uerbū hoc dño meo Christo domini, inferre manū meā super eū, quia Christus domini hic est. Huic ergo umbræ futuri nō propter ipsam, sed propter illud qd̃ præfigurabat, tāta ueneratio exhibebat. Moraliter uero quid per Saul nisi mali rectores, quid p̃ Dauid nisi boni subditi designant? Saul igit̃ uentrem purgare, est prauos præpositos conceptā in corde maliciā usq; ad operam miseri odoris extendere, & cogitata apud se noxia factis deterioribus exsequendo mōstrare. Quē tamē Dauid ferire metuit, quia subditorū mentes ab omni se peste obtreccationis abstinentes, præpositorū uitā nullo linguæ gladiō percutiūt, etiā cū de imperfectione reprehendūt. Qui & si quādo propter infirmitatē sese uix abstinere possunt, ut extrema quædā atq; exteriora præpositorū mala, sed tamē humiliter loquātur, quasi orā clamidis silēter incidunt: quia uidelicet dū prælatē dignitati saltē innoxie & latenter derogāt, quasi regis superpositi uestē fœdāt. Sed tamē ad semetipsos redeūt, seq; uehemētissime uel de tenuissima uerbi laceratiōe reprehendūt. Vnde bene &

illic

illie scriptū est. Post hæc Dauid percussit cor suū, eo q̄ abscessisset orā clamidis Saul: facta quippe præpositorum oris gladio ferienda non sunt, etiam cum reprehendenda recte iudicantur. Si quando uero contra eos uel in minimis lingua labitur, necesse est ut per afflictionem poenitentia cor prematur, quatenus ad semetipsum redeat, & cum præposita potestati deliquerit, eius contra se iudicium a quo sibi prælatus est perhorrescat. Nam cum præpositis deinquimus, eius ordini qui nobis eos prætulit obuiamus. Vide Moyses quoq; cum contra se & Aaron conqueri populū cognouisset, ait. Nos enim quid sumus? Nec contra nos est murmur uestrum, sed contra dominum.

*De aduentu
Dauid ad Na-
bal. xxxyi*

Post hæc Dauid descendit in solitudinem Aon, ubi Nabal habitabat, nomenq; uxoris eius Abigail. Ad quem Dauid mittens pueros suos, ut quod cumq; inuenisset, manus eius misisset Dauid & pueris suis. Quos ille stulte repellens, nuntiauerunt Dauid. Tūc Dauid accinctus armis, uoluit eū deprædare. At Abigail abiit obuiam Dauid, interpellans pro se & pro domo sua, quem uir eius stulticia & ebrietate sopitus offenderat. Si enim surrexit homo aliquando persequens te, & querens animam tuam, erit anima domini mei custodita, quasi in fasciculo uiuentium apud dominum deum tuū. Porro anima inimicorum tuorum rotabitur quasi in impetum, & circulo fundæ. Pulcherrima comparatione statum iustorum à reproborum sorte discernit. Horum quippe animas appellat uiuentes, ut illorum e contrario spiritali morte præoccupatas insinuet: iuxta illud propheta. Anima quæ peccauerit ipsa morietur. Hos fasciculo, illos lapidi fundæ assimilat. Fasciculus enim constringitur, ut integer maneat, & conseruetur: lapis in funda expeditus ponitur, ut abiciatur. Sic etenim in hoc seculo electi pressuris tribulationum conangustantur, ut his admoniti artius se adinuicem manu sui redemptoris in perpetuum conseruent. At uero reprobi quanto latius in hac uita uoluptatibus proprijs uelut liberi dimituntur, tanto longius in futuro à diuinæ uisionis gloria proiciuntur, ut de eis merito dicatur, Equidem ipsi de manu tua repulsi sunt. Mire autem omnipotentem providentiam describit superni protectoris cum dicit, animam uiri sancti quasi in fasciculo uiuentium, apud eum esse custoditam. Sicut enim facillimum est cuilibet fasciculum herbarum uel foeni sua manu retentum conseruare, ita uirtus domini & saluatoris nostri omnes per orbem electos ab initio usque in finem seculi, ne quis ex eis ulla ratione pereat, sine labore tuetur, iuxta quod ipse in Euangelio sub figura ouium de eis loquens, & sequuntur me, inquit, & ego uitam æternam doceis, & non peribunt in æternum, nec rapiet eas quisquam de manu mea. Sicut fasciculus unus, quibuslibet uinculis alligatur, ita omnes cœtus sanctorum una eademq; fide, spe & charitate adinuicem constringitur, uno diuinæ protectionis munimine circundatur. Patet sanè literæ sensus, quia anima Dauid persequentibus licet hostibus custodita semper fuit in sorte uiuentium. Porro inimici eius insistentibus sibi aduersitatibus sicut lapis funda circumactus, sic instabili motu perturbandi, & suis de finibus essent ex-

dd 3 pellendi

pellendi, uel etiā ab humanis rebus auferendi. Et in hoc facto Abigail, quid nobis per renuntiatiōē suā innuit, nisi quod iracundos melius corrigimus, si in ipsa ira suā à cōmonitiōe declinamus? Perturbati quippe quid audiāt ignorāt, sed ad se reducti, tanto libentius exhortationis uerba recipiūt, quanto se tranquillius toleratos erubescunt. Menti autē furore ebria, omne rectū quod dicitur, peruersum uidetur. Vnde & recte Nabal ebrio culpā suā laudabiliter tacuit, quam digesto uino laudabiliter dixit. Idcirco enim malum

*Quod Dauid
dormienti Sa-
ul hastam se-
phūq; abstul-
lit. XXXVII*

quod fecerat cognoscere potuit, quia hoc ebrius non audiuit. Item Dauid fugiens à facie Saul, castra regis ingressus est, & cum dormientē inuenisset, non percussit, non occidit, sed solam lanceam quæ erat ad caput eius fixa, & cyphum aquæ, qui erat ad caput eius, sustulit. Dormientibus cunctis egressus de castris, transiit in cacumine mōtis. Quid ergo est hoc? Persequēbatur namq; Christum Iudæi, sed persequendo dormiebant, quia non uigilabant corde. Duricia enim cordis obdormitio est: dormiunt in uitam ueterem, non euigilant in nouam. Venit Christus nō eos occidit, sed tulit ab eis cyphum aquæ, id est, gratiam legis: tulit & sceptrum regale, regni scilicet potestatem, quam pro magno habebant, & unde se protegebāt temporaliter, & quam aduersus deum per incredulitatem gerebant. Deinde uictor noster Dauid de castris eorū regressus, transcendit in altitudinem montis cœlorum.

*De prælio Da-
uid in Ama-
lech. XXXVIII*

Interea fugiens Dauid dum pergeret ad Achis regem philistinorum, in præliū aduersus Israel insurrexerūt Amalechitæ, & intrerūt in Si- celech, succendētes eā, & captiuātes omnia quæ erāt Dauid & puerorū eius. Reuersus ergo Dauid ad persequēdos Amalechitas, inuenit Aegyptiū puerum lassescētē, quē Amalechitæ agrotū in itinere reliquerāt. Hūc autē Dauid inuentū, cibo reficit, ducem sui itineris fecit: sicq; Amalechitas persequitur, epulantesq; reperit, & funditus extinguit. Quid est quod Aegyptius Amalechita puer in itinere lassatus residet, nisi quod amator præsentis seculi peccati sui nigredine opertus, sepe ab eodem seculo infirmus despectus, quæ relinquitur, ut cum eo nequaquā currere ualeat, sed fractus aduersitate torpescat. Hos ergo eligit deus, quos despiciit mundus, quia plerunq; ipsa despectio hominem reuocat ad semetipsum. Is enim qui patrem reliquit, & partē substantiæ quā perceperat prodige expendit, postquā esurire cœpit, in se reuersus dixit, Quā multi mercenarij patris mei abundant panibus. Longe quippe à se recesserat, quando peccauit: & si non esurisset, in se minime redisset. Qui postquam terrenis rebus indiguit, tūc cogitare cœpit, quid de spiritualibus amisit. Infirmi quiq; atq; in hoc mundo despecti, plerunq; tanto celerius uocē dei audiunt, quanto & in hoc mundo non habent ubi delectentur. Quod bene iam dictus Amalechitarum puer ille designat, qui Amalechitis prædantibus atq; currentibus æger remansit in uia, fame sitiq; aruit, quem tamen Dauid inuenit, ei cibum potumq; præbuit, qui ilico conualescens dux Dauid factus est, conuiuantes Amalechitas reperit, & eos qui se debilem reliquerāt, cum magna fortitudine prostrauit. Amalechitæ quip-
pe po-

pe populus lambens uocatur. Et quid per lambentem populum, nisi mentem secularem designatur. Quæ terrena cuncta ambiendo quasi lambit, dum solis temporalibus delectatur. Quasi enim populus lambens prædam facit, dum terrena diligentes lucra de alienis damnis congregant. Sed puer Aegyptius æger in uia relinquitur, quia peccator quisque dum infirmari ab huius mundi statu cœperit, mox secularibus mentibus in despectum uenit. Quem tamen Dauid inuenit, eiꝑ cibum & potum præbuit, quia manu fortis dominus abiecta mundi non despicit, & plerunque eos qui mundum se qui minime ualent, quasi in uia remanent, ad amoris sui gratiam conuertit, eisꝑ uerbi sui cibum porrigit, & quasi duces sibi in uia dirigit, dum furcos etiam prædicatores facit. Dum enim Christum peccatorum cordibus inferunt, quasi Dauid super hostes ducit. Qui cōiuuantes Amalechitas uelut Dauid gladio feriunt, quia superbos quosque qui se in mundo despexerāt, domini uirtute prosternunt. Puer ergo Aegyptius qui in uia remanserāt, Amalechitas interfecit, quia plerunque ipsi mentes secularium prædicando superant, qui prius cum secularibus in hunc mundum currere non ualebāt.

Post mortem autē Samuelis congregati sunt Philistij cōtra Israel, confulitꝑ Saul dominum, & non respondit ei. Quæsiuit autem Saul Pythonissam, quæ suscitaret illi Samuelem, statimꝑ suscitatus ait ad eum. Quare inquietasti me ut suscitarem? & cætera. Quæritur secundum historiam, utrū Pythonissa ipsum prophetam de inferno euocauerit, an aliquam imaginariam illusionem fallacia dæmonum fictam. De qua quæstione beate memoræ Augustinus Mediolanensi episcopo. Simpliciano ita scripsit. Inquiris inquā, utrum spiritus immundus qui erat in Pythonissa, potuerit agere ut Samuel à Saule uideretur, & loqueretur cum eo: sed multo maioris miraculi est, quod ipse sathanas princeps immundorum spirituum potuit loqui cum deo, & petere tentandum Iob iustissimum uitrum, qui etiam apostolos tentandos petijt. Aut si hoc ideo non habet difficilem quæstionem, quia per quam uoluerit creaturam, cui uoluerit creaturæ, ubiq; præsens ueritas loquitur, nec propterea magni meriti est, cui loquitur deus. Interest enim quid loquitur, quia & imperator cum multis innocentibus nō loquitur, quibus pro uidentissime consulit ad salutem: & cum multis nocentibus loquitur, quos iubet interfici. Si ergo propterea hinc nulla quæstio est, nulla sit quæstio, quomodo etiam immundus spiritus cum anima sancti uiri loqui potuerit: omnibus enim sanctis deus creator & sanctificator longe utique maior est. Quod si hoc mouet, quod licuerit maligno spūi excitare animā iusti, & tanquā de abditiis mortuorum receptaculis reuocare, nōne magis mirādū, quod sathanas ipsum dominū assumpsit, & cōstituit super pinnam templi: Quolibet enim modo fecerit hoc ille, & modus quo Samueli factū est, ut excitaretur, similiter latet: nisi forte quis dixerit faciliore fuisse diabolo licentiā ad dominū uiuū, unde uoluit assumendum, & ubi uoluit constituendum, q̃ ad Samuelis defuncti spiritum à suis sedibus excitandū. Quod si illud in euan-

De Saul cōsar
lente Python
nissam.

XXIX

gelio nos ideo non perturbat, quia dominus uoluit atq; permittit, nulla diminutione suæ potestatis & diuinitatis id fieri, sicut ab ipsis Iudæis, quanquā peruersis atq; immundis, & facta diaboli facientibus, & teneri se & uinci & illudi & crucifigi atq; intetfici passus est: non est absurdū credere ex aliqua dispensatione diuinæ uoluntatis permittum fuisse, ut non inuitus nec domi-
nante atq; subiugante magica potentia, sed uolens atq; obtemperās occultæ dispensationi dei, quæ pythoniſſam illam & Samuelē latebat, cōſentiret spiritus prophete sancti se ostendi aspectibus regis, diuina eum ſententia percussurus. Cur enim anima boni hominis à malis uiuis euocata, si uenerit amittere uideatur dignitatem suam, cum uiui plerunq; boni uocati ad malos ueniant, & agant cum eis quod officium postulat æquitatis, seruato atq; inconcusso decore uirtutis suæ, & illorum uictis pro rerum præſentium uel usu uel necessitate tractatis: quanquam in hoc facto potest esse alius facilius exitus, & expeditior intellectus, ut non uere spiritum Samuelis excitatum à requie sua credamus, sed aliquod phantasma & imaginariā illusione diaboli machinationibus factam: quam propterea scriptura nomine Samuelis appellat, quia solent imagines earum rerum nominibus appellari, quarum imagines sunt: sicut omnia quæ pinguntur atq; finguntur ex aliqua parte materiæ metalli aut ligni, uel cuiusq; rei aptæ ad opera huiusmodi, quæq; etiam uidentur & in ſomnis, & omnes ferè imagines earum rerū quarū imagines sunt, appellari nominibus solent. Quis enim est qui hominē pictum dubitet uocare hominem, quandoquidē & singulorum quorumq; picturā cum aspiciamus proprie incunctanter quæq; nomina adhibemus: uelut cū intuentes tabulā aut patietē, dicimus ille Cicero est, ille Salustius, ille Achilles, ille Hector: hoc flumen Simois, illa Roma, cum aliud nihil sint, quàm pictæ imagines. Vnde cherubin, cum sint cœlestes potestates, sicut tamen ex metallo, quod imperauit deus super archā testamenti magnæ rei significandæ gratia, non aliud q̃ cherubin illæ quoq; effigies uocantur. Itē quisquis uidet ſomnium, non dicit uidi imaginē Augustini, aut Simpliciani, sed uidi Augustinū, aut Simplicianū, cum eo tēpore quo tale aliquid uidit nos ignoraremus, usq; ad eò manifestum est non ipsos homines, sed imagines uideri. Et Pharaō se spicas dixit uidisse in ſomnis, & boues, non spicarū aut bouum imagines. Si ergo liquido constat nominibus eorum quorū imagines sunt, easdem imagines appellari, non mirū est quod scriptura dicit Samuelē uisum, etiā si forte imago Samuelis apparuit, machinamēto eius qui trāsfigerat se in angelū lucis, & ministros suos uelut ministros iusticiæ. Iam uero si illud mouet, quomodo à maligno spiritu Sauli uera prædicta sint, potest & illud mirū uideri, quomodo dæmones agnouerunt Christū, quē Iudæi non agnoscebāt. Cū enim uult deus etiā per infimos supremosq; spūs aliquē cognoscere temporalia duntaxat atq; ad istā mortalitatē pertinentia, facile est & nō incōgruū, ut omnipotēs & iustus ad eorū poenā, quibus ista prædicat ut malū quod imminet eis anteq̃ ueniat prænoſcendo patiātur, occulto ap-
paratu

paratu ministrorū suorū, etiā spiritibus talibus aliquid diuinatiōis impartiri
 at, ut quod audiūt ab angelis, denuntient hominibus. Tantū autē audiūt,
 quantum omniū dominus atq; moderator, uel iubet uel finit. Vnde etiā spūs
 pythonicus in actibus Apostolorū attestatus Paulo apostolo, euāgelizare
 est conatus. Miscēt tamē isti fallacias, & uerū quod nosse potuerūt, nō docen-
 di magis q̄ decipiēdi sine prænuntiāt, & forte hoc est quod cum illa imago
 Samuelis Saulē prædicaret moriturū, dixit etiā secū futurū, quod utiq; fal-
 sum est. Magno quippe interuallo post mortem separari bonos à malis in
 euāgelio legimus, cum dominus inter superbū illū diuitē, cum iam apud infe-
 ros tormēta pateret, & illū qui ad eius ianuā ulcerosus iacebat, iā in requie
 cōstitutus, magnū chaos interiectum esse testatur. Aut si propterea Samuel
 Sauli dixit, mecū eris, ut nō ad æqualitatē felicitatis, sed ad parē cōditionem
 mortis referat, ut uterq; homo fuerit, & uterq; mori potuerit, iamq; mortu-
 us, mortē uiuo prænuntiabat: perspicit quantū opinor prudentia tua, secun-
 dum utrunq; intellectū habere exitū iam lectionē, quæ nō sit cōtra fidē: nisi
 forte profundiore & perplexiore inquisitione, quæ uel uiriū mearū, uel tēpo-
 ris excedit angustias, inueniat ad liquidū, uel posse uel nō posse animā hu-
 manā cū ex hac uita migrauerit, magicis carminibus euocatā, uiuorū appa-
 rere cōspectibus, etiā corporis liniāmēta gestātē, ut nō solū uideri ualeat, sed
 & agnosci: & si potest, utrū etiā iusti anima nō qdē cogat magicis, sed digne
 ut ostēdi, occultationibus imperijs summæ legis obtēperās: ut si fieri nō posse
 clauerit, nō uterq; sensus in hui⁹ scripturæ tractatiōe atq; expositiōe admit-
 tatur, sed illo excluso imaginario, simulatio Samuelis diabolico ritu facta in-
 telligat. Sed quoniā siue illud fieri possit, siue nō possit, tamē fallacia sathā-
 næ atq; imaginū simulandarū callida operatio decipiendis humanis sensu-
 bus multiformis inuigilat, pedetentim quidē ne inquisitionibus diligentiori-
 bus p̄scribamus, sed tamen potius existimemus tale aliquid factū maligno
 spū pythoniis illius ministerio, q̄ diu nobis aliquid amplius excogitate, atq;
 que explicare nō datur. Igitur exorto prælīo percuſserunt Philistei Israel
 plaga magna, mortuusq; est Saul & Ionathas fili⁹ eius, Euadēs autē quidā,
 uenit ad Dauid in Sicelech, & nūtiavit Dauid plagā magnā, quæ facta est
 in populo, insuper etiā mētiēdo addidit, quod ille pcuſſisset Saul. At Dauid
 christū dñi uindicans, iussit eū occidi. Et planxit Dauid planctū huius-
 cemodi super Saul & super Jonathan filiū eius, & præcepit ut docerēt filios
 Iuda, sicut scriptū est in libro iustorū. Hoc ideo fecit ut quia Philisteos sagi-
 tarijs abundare iam nouerat, unde & Saul maxime horum ictibus perierat,
 eandem bellandī artē & sui milites ad reuincēdos eos discerent. Quod uero
 sequitur, sicut scriptū est in libro iustorum, ipsum librum hodie nusq; , neq;
 apud ipsos Hebræos inueniri posse asseuerāt, sicut nec librum bellorum do-
 mini, cuius in libro Numerorum mentio est, neq; carmina Salomonis, neq;
 disputationes eius sapientissimas de lignorū natura herbarumq; omnium,
 itemq;

De cede Saul
 li. XXX

De lusu Da-
uid pro clade
Israel.
XXXI

itemq; iumentorum, uolucrum, reptilium & piscium: uel quod in libro dierum dicitur, reliqua uero operum Salomonis priorum & nouissimorum scripta sunt in uerbis Nathan prophetae, & Abia Salonitis, in uisione quoque Addo uidentis contra Hieroboam filium Nabath: & multa huiusmodi uolumina, quae scriptura quidem probat, sed hodie constar non esse. Vastata namque à Chaldaeis Iudaea, etiã bibliotheca antiquitus cõgregata inter alias prouinciæ opes hostili est igne consumpta, ex qua pauci qui nunc in sancta scriptura continentur libri, postmodum Elsdrae pontificis & prophetae sunt industria restaurati. Vnde scriptum est de eo. Ascendit Elsdra de Babylone, & ipse scribe uelox in lege Moyse: uelox uidelicet quod promptiores literarum figuras quàm eatenus Hebraei habebant, reperit: & in epistola regis Persarum Artaxerxis, Elsdrae sacerdoti Scribae legis dei cõmississimo, salus. Montes Gelboe nec rores nec pluuia ueniãt super uos, neque sint agri primitiarum, quia ibi abiectus est clypeus fortium, clypeus Saul, quasi non esset unctus oleo. Scire debes quia ueraciter Saul, qui post unctiõnem sancti chrismae, à quo & christus domini uocatus est, occidi meruit, mortem ueri Christi, quam sine culpa subire dignatus est insinuat. Montes quoq; Gelboe in quibus interijt, superbos Iudaicæ plebis conatus, quibus contra autorem uitæ rebellabant, insinuant. Vnde bene Gelboe uolutatio siue decursus interpretatur. Volutabantur enim in sorde peccatorum, iuxta illud prouerbium, & sus lota in uolutabro luti: atq; à rectitudine uitæ salutaris aberrantes, iam iamq; ad inferiora, hoc est, huius seculi desideria in sima decurrebant, ob quorũ desiderium regẽ cœli & terræ in mortem tradere nõ dubitabant: propter quod eis merito optatur, ne rore de cœlo pluuiam uel suscipiant: quod hodie rebus ipsis uidemus expletũ, in eo quod illos gratia cœlestis deferens ad plebẽ gentiũ translata est. Quod etiã Isaias sub figura uineæ futurũ illis ex persona domini cõminatus est dicens, & nubibus mandabo, ne pluant super eam hymbrem. Quod est aperte dicere, Et Apostolis atq; apostolicis uiris omnibus mandabo, ne illis ultra uerbũ uitæ prædicẽt, sed irrigatione uerbi cœlestis, quod à se protulerunt repulerunt, indignos in sua sterilitate uacuos, ac perpetuo igni combutendos relinquunt. De quibus & bene dicitur, ut agri primitiarum esse non possint. Superbe quippe Hebraeorum mentes primitiuos fructus non ferũt, quia in redemptoris fidei sequi noluerunt. Sancta namq; ecclesia in primitijs suis multitudine gentium fecundata, uix in mundi fine Iudæos, quos inuenierit, suscipit: & extrema colligens, eos quasi reliquias frugum ponit. De quibus nimirum reliquijs Isaias dicit. Si fuerit numerus filiorũ Israel quasi arena maris, reliquiae saluae fient. Possunt tamẽ idcirco Gelboe montes ore prophetae maledici, ut dum fructus exarescens à terra non oritur, possessores terræ sterilitatis damno feriantur, quatinus ipsi maledictionis sententiam accipiant, qui apud se mortem regis suscipere iniqui

iniquitate sua exigente meruissent. Nec tibi absurdum uideri debet, ut mala reproborum acta boni aliquid significant, aut rursus bona iustorum opera in contraria significatione ponantur. Lege moralia sancti papæ Gregorij, ubi exposuit quomodo beatus Iob maledixit diei suo dicens, pereat dies in qua natus sum, & cætera, & uidebis quia usitatissimum est in scripturis, ut & bona in malorum significatione accipiantur, & econuerso. Denique Uriam si delissimum David regis militem, ac pijsima atque innocentissima eius opera uel dicta in mala significatione, & contra ipsum David in maximo suo scelere in bono accipiendum interpretantur. Alioquin si non per bona malum, & bona per malum significari possent, nunquam liceret nigro atramento nomen dei, sed semper lucido auro deberet scribi, quia deus lux est, & tenebræ in eo non sunt ullæ: nec rursus in titulis psalmorum nomen Absalon & Doech hominū reprobatorum minio fulgēte, sed solo atramento deberet scribi. Sicut ergo in paginis librorum quouis colore, & mala posunt & bona absque ulla reprehensione figurari: ita & in parte significationū per quælibet hominum gesta, & bona rectissime & mala possunt exprimi: quamuis & multo sæpius contingat, & multo dulcius audiatur, bona per bona, & mala figurari per mala. Sicut autem in pictura parietum neque obscurum æthiope candido, neque candidi corporis siue capilli Saxonem atramento decet depingi: ita in retributione meritorum iuxta suū quisque opus recipiet, & qualis erit actu, talis etiam uultu apparebit in iudicio, neque omnino ad rem quid quisque figurabit, sed quid egerit pertinebit.

INDEX CAPITVM

LIBRI SECVNDI



RAEFATIO libri secundi

I

De eo quod scriptum est, Quod post mortem Saul uenerunt uiri Iuda, & unxerunt Dauid regem in Ebron, & de Abner filio Ner, qui constituit Isboseth filium Saul regem super Israel.

II

De filijs Remon Berothitar, qui interfecerunt Isboseth

III

De laude Dauid qui congregauit x x milia ex electis Israel, ut adduceret archam dei, atq; morte Oza

IIII

Admonitio Dauid, ubi instruitur à propheta, ne ipse ædificaret templum domino, sed filius eius, & actio gratiarum eius.

V

De nuntijs quos misit ad Anon regem Amanitarum.

VI

De peccato Dauid in Bethsabee, & morte Uriæ.

VII

Vbi Nathan uenit ad Dauid, & proposuit ei similitudinem de diuite & paupere.

VIII

De fuga Dauid pro Absalon, quando nudis pedibus incedens, reliquit ciuitatem Hierusalem.

IX

De Psalmo XVII.

X

De siti Dauid.

XI

De peccato Dauid, quando peccauit populum numerando.

XII

FINIS

DIVI EVCHERII LVGDVNENSIS

EPISCOPI COMMENTARIORVM IN LIBROS RE/
gum, ad Veranium & Salonium fratres epi/
scopos, Liber secundus.



PROMISSIONES dei quæ factæ sunt ad Abraham, cuius semini & gentem Israeliticam secundum carnem, & omnes gentes deberi secundum fidem, deo pollicente didicimus, quemadmodum compleantur per ordinem temporum procurrens dei ciuitas indicauit. Quoniam ergo superioris libri usque ad regnum Dauid factus est finis, nunc ab eodem regno quantum suscepto operi sufficere uideatur, cætera que sequuntur attingimus. Hoc itaque tempus, ex quo sanctus Samuel prophetare cepit, & deinceps donec populus Israel captiuus in Babyloniâ duceretur, atque inde secundum sancti Hieremiam prophetiam, post LXX annos reuersis Israelitis domus dei instauraretur, totum tempus est prophetarum. Quauis enim & ipsum Noe patriarcham, in cuius diebus diluuium uniuersa terra deleta est, & alios supra & infra usque ad hoc tempus, quo reges in dei populo esse ceperunt, propter quædam per eos futura, siue quoquo modo significata siue prædicata, quæ pertinerent ad ciuitatem dei regnumque celorum, non immerito possumus appellare prophetas, præsertim quia nonnullos eorum expressius legimus nuncupatos, sicut Abraham, sicut Moysen: tamē dies prophetarum præcipue maximeque hijs dicti sunt, ex quo cepit prophetare Samuel, qui & Saul prius, & eo reprobato, ipsum Dauid deo præcipiente unxit in regem, de cuius stirpe cæteri procederent, quousque illos succedere sic oporteret. Quæ igitur à prophetis sunt prædicta de Christo, cum moriendo decedentibus, & nascendo succedentibus suis membris ciuitas dei per ista curretet tempora, si omnia uelim commemorare in immensum pergitur: primum quia ipsa scriptura quæ per ordinem reges eorumque facta & euenta differens uidetur tanquam historica diligentia rebus gestis occupata esse narrandis, si adiuuante dei spiritu considerata tractetur, uel magis uel certe non minus prænuntiandis futuris quam præteritis enuntiandis inuenietur intentio: & hoc perscrutando indagare ac differendo monstrare, quam sit operosum atque prolixum, & quam multis indigeat uoluminibus, quis ignorat, qui hæc uel mediocriter cogitat? Deinde quia ea ipsa quæ ad prophetiam non ambiguntur pertinere, ita sunt multa de Christo regnoque celorum, quæ ciuitas dei est, ut ad hoc aperiendum maior sit disputatio necessaria, quam huius operis modus flagitat. Proinde ita si potuero stilum moderabo meum, ut huic operi in dei uoluntate peragendo, nec ea quæ supersunt dicam, nec ea quæ satis sunt prætermittam. Erat igitur iam in terra promissionis semen Abraham, id est, populus Israel secundum carnem, atque ibi non solum tenendo ac possidendo ciuitates aduersariorum uerum etiam

reges habendo regnare iam coeperat, impletis de ipso populo promissionibus dei magna iam ex parte, non solū quæ tribus illis patribus, Abraham, Isaac & Iacob, & quæcūq; alia temporibus eorū, uenit etiam quæ per ipsum Moysen, per quē populus idem de seruitute Aegyptia est liberatus, & per quē cuncta præterita reuelata sunt temporibus eius, cum populum per here mum duceret, facta fuerant. Neq; autem per insignem ducem Iesum Naue per quem populus ille in promissionis inductus est terrā, expugnatiscq; gen tibus eam XII tribubus, quibus iusserat deus, diuisit, & mortuus est; neque post ullū tāto tempore iudicem impleta fuerat promissio dei de terra Cha naan, à quodā flumine Aegypti, usq; ad flumen magnū Eufraten: nec tamē adhuc prophetabatur futurū, sed expectabatur implendum. Impletum est autē per Dauid, & eius filium Salomonē, cuius regnū tanto quāto promissum fuerat spacio dilatātū est. Vniuersos quippe illos subdiderunt, tributari oscq; fecerunt. Sic igitur in terra promissionis secundū carnē, hoc est, in terra Chanaan, sub regibus semen Abraham fuerat constitutū, ut nihil inde super esset, quo terrena illa promissio dei nō cōpleretur: nisi ut in eadē terra quan tum ad prosperitatē attinet tēporalē, posteritatis successionū incōcussio sta tu usq; ad mortalis huius seculi terminū gens permaneret Hebræa, si domi ni dei sui legibus obediret. Sed quoniā deus nouerat, hoc eam nō esse factu ram, usus est eius etiā temporalibus pœnis ad exercendos in ea paucos fide les suos, & admonēdos qui postea futuri erāt in omnibus gētibus, quod eos admoneri oportebat, in quibus alterā promissionē reuelato nouo testamen to per incarnationē Christi fuerat impleturus. Quo circa sicut oracula illa di uina ad Abraham, Isaac, & Iacob, & quæcūq; alia signa uel dicta prophetica in sacris literis præcedētib; facta sunt: ita etiā cæteræ ab isto regū tempore prophetiæ partim pertinet ad gentē carnis Abraham, partim uero ad semē il lud eius, in quo benedicent omnes gētes cohēredes Christi per testamentū nouū, ad possidendū uitā æternā regnumq; cœlorū. Partim ergo ad ancillā quæ in seruitute generat, id est, terrenā Hierusalē, quæ seruit cū filiis suis: par tim uero ad liberā ciuitatē dei, id est, uerā Hierusalē æternā in cœlis, cuius fi lii omnes secundū deū uiuentes peregrinant in terris. Sed sunt in eis quædā quæ ad utranq; pertinere intelligant, ad ancillā proprie, ad liberā figurate. Tripartita itaq; reperitur pphetarū eloquia. Siquidē aliqua sunt ad terre nam Hierusalē spectātia, aliqua ad cœlestē, nonnulla ad utraq;. Post mor tem Saul, uenerūt uiri Iuda, & unxerūt Dauid in Hebron, ut regnaret super domū Iuda. Et nūtiatū est Dauid quod uiri Iabes Galaad sepelissent Saul. Misit ergo Dauid nuntios ad uiros Iabes galaad, dixitq; ad eos. Benedicti uos domino, quia fecistis misericordiā hāc cū domino uestro Saul, & sepeli stis eū. Et nūc retribuet quidē uobis dominus misericordiā & ueritatē. Cur ergo isti qui Saulē & eius filiū sepelierūt, misericordiā fecisse dicuntur, & ob hoc à rege pio benedicuntur: nisi quia bene afficiunt corda miserantiū, quan do cōdolēt mortuorū corporib; alienis, quæ illo affectu, quo nemo carnem suam

suā unq̃ odio habuit, uolunt fieri post mortē suā corporibus suis: & quod sibi exhiberi uolūt, quādo sensui nō sunt, alijs nō sentientibus curāt exhibere dum sentiunt. Dauid uncto super domū Iuda rege, Abner filius Ner, Hisboseth filiū Saul regē constituit super uniuersum Irael. Egressusq̃ est Abner filius Ner cū pueris Hisboseth, de castris Gabaon. Porro Ioab filius Saruiz cū pueris Dauid egressi de Hebron, cōcitrauerūt bellū iuxta piscinā Gabaon, & persequēbatur Asahel Abner. Locutus est Abner ad Asahel dicens. Recede noli me sequi, ne cōpellar confodere te in terra. Qui cōtempnit, & noluit declinare. Percussit ergo eū Abner auersa hasta in inguine, & transfodit eū, & mortuus est. Cuius Asahel typū tenuit, nisi eorū quos uehementer arripens furor, in praeceptis ducit: qui in eodem furoris impetu tanto cauitus declinādi sunt, quāto & insanius rapiunt. Vnde & Abner qui sermone nostro patris lucerna dicitur, fugit: quia doctorū lingua quā supernū dei lumen indicat, cum per abrupta furoris mentē cuiuspiam ferri cōspicit, cumq̃ cōtra irascentē dissimulat uerborū iacula reddere, quasi persequentē nō uult ferire. Sed cum iracundi nulla cōsideratione se mitigant, quasi Asahel persequi & insanire nō cessat, necesse est ut hij qui furētes reprimere conantur, nequaquā se in furore erigant, sed quicquid est tranquillitatis ostendāt: quādam uero subtiliter proferant, in quibus ex obliquo furentis animū pungāt. Vnde & Abner cū cōtra persequentē subsistit, nō eū recta, sed auersa hasta transforauit. Ex mucrone quippe percutere, est impetu apertē increpationis obuiare: auersa uero hasta persequentē ferire, est furentē tranquille ex quibusdā tāgere, & quasi parcēdo superare. Asahel autē protinus occubuit, quia cōmotae mētes dum parci sibi sentiunt, & tamē responforū ratiōe in intimis sub tranquillitate tangunt, ab eo quod se exēxerāt, statim cadūt. Qui ergo à feruoris sui impetu sub lenitatis percussioe resiliūt, quasi sine ferro moriunt.

Igitur ueniētes filij Remon Berothitae, Rechab, & Bahana, ingressi sūt feruēte die, in domū Hisboseth, q̃ dormiebat supra stratū suū meridie. Ingressi sunt autē domū, & hostiaria dom⁹ purgās triticū obdormiuit: assumētes spicas tritici latēter ingressi sunt, & percusserūt eū in inguine. Ostiaria triticū purgat, cum mentis custodia discernēdo uirtutes à uitijs separat. Quae si obdormierit, in mortē proprii domini insidiatores admittit: quia cum discretionis sollicitudo cessauerit, ad interficiendū animū malignis spiritibus iter pandit. Qui ingressi spicas tollūt, quia mox bonarū cogitationū germina auferunt: atq̃ in inguine feriunt, quia uirtutē cordis delectatione carnis occidūt. In inguine quippe ferire est, uitā mentis carnis delectatione perforare. Nequaquā uero Hisboseth iste morti succūberet, si nō ad ingressum domus mulierem, id est, ad mentis aditū mollē custodiā deputasset. Fortis nāq̃ uigilq̃ sensus praeponi cordis foribus debet, quē nec negligentiae somnus opprimat, nec error ignorantiae fallat: unde & bene Hisboseth appellatus est, qui custode foemina hostium gladijs nudatur. Hisboseth quippe, uir cōfusiōis dicitur,

De adducta
archa per Da
uid. IIII

uir autē confusionis est, qui forti mentis custodia munitus nō est: quia dum uirtutes se agere existimat, subintrantia uitia nescientem necant. Tota igitur uirtute muniendus est aditus mētis, ne quādo eam insidiantes hostes pene- trent foramine neglecta cogitationis. Congregauit autē Dauid omnes electos ex Israel xxx milia. Surrexit itaq; & abiit, & uniuersus populus qui erat cum eo de uiris Iuda, ut adduceret archā dei super qua inuocatum est nomē domini exercitū, sedente cherubin super eam) Congregauit Dauid omnes electos ex Israel xxx milia, quia dominus ecclesiā primitiua ex Israel instituit, nō quidē omnē Israel, sed electos quosq; sibi cōsocians. Non enim omnes qui ex Israel, hī sunt Israelitæ, sed filij promissionis deputātur in semine. Qui xxx milia fuisse referuntur, id est, fidei, operis, & spei firmitate perfecti. Tria enim propter cōfessionē sanctæ trinitatis ad fidem perti- nent, decē propter decalogū legis ad opera, mille propter sui perfectionem ad spem uitæ æternæ, qua superius aliquid nō est, sicut numero millenatio maior nullus est. Si enim x milia, si xxx milia, si etiam mille milia dixeris, nō ipsum mille numerādo transcendēdo, sed per se, uel per minores nume- ros sæpius ducendo multiplicas. Tria ergo per decē multiplica, ne fides sine operibus mortua sit. Item triginta per mille multiplica, ut fides quæ per di- lectionē operatur, nō alibi q̃ in cœlis retributionē speret. Electi igitur ex Is- rael, populos recte credentes, operātes, sperantes insinuant. Viri autē Iuda qui erant cū Dauid, ipsos populos & doctores, qui lateri Christi quasi fami- liaribus adhærebāt, indicant: quo utroq; stipatus exercitu, domini archā ad- ducere, id est, ecclesiā dilatare, & in eorū qui nō crediderūt cordibus inferere gaudet. Imponit autē archa plaustro nouo, ut noui testamēti gratia renoua- tis in baptismo mētibus infundat, uinumq; nouū nouis utribus mandetur. Erat quidē prius archa in domo Amminadab, qui erat in Gabaa: quia ea- dem quæ nūc prædicatur ecclesiæ fides, & ante incarnationis dominicæ tem- pus florebat in his qui patriarcharū prophetarumq; sunt deuotionē secuti. Amminadab enim qui interpretat pater meus spontaneus, uel Abrahā pa- trem fidei, uel Moysen legislatorē significat, qui utiq; in Gabaa custodit ar- chā, quia sublimi uirtutis exēplo credentiū pectora munit. Vnde & Gabaa collis interpretat, qui est locus in ciuitate Cariathiarim. Allata ergo foris archa, ludebat Dauid & omnis Israel corā domino diuersis musicorū gene- ribus: quia mox inchoante nouæ gratiæ præconio, dominus ad exhibendas deo patri laudes humilitatis omnes inuitat dicēs, Qui mihi ministrat, me se- quatur: alij dando per spūm sermonē sapiētiae, alij sermonē sciētiae, alij gene- ra linguarū, alij gratiā curationū, & cetera. Sed his atq; huiusmodi charisma- tum generibus progrediēte archa, id est, crescēte ecclesia primitiua, uentū est ad arcē Naor, id est, aream præparatā, gentiū uidelicet ecclesiā fidei uerita- te cōsecrandā: de qua Ioānes ait, & permūdabit aream suā. Ibi sacerdos qui archā incautius quasi corrigēdo tetigit, mox à domino percussus, occubuit: quia

quia Iudæorū populus dū gētibz inuideret, salutis se munere priuat, dumq; legē uult euāgelio miscere, utriusq; sibi gratiā tollit. Et tenuit, inquit, eā quoniam calcitrabāt boues. Boues quippe calcitrare est, prædicatores euāgelij liberiori circa fidē agere, neq; secundū cōsuetudinē legis ingredi, sed sabbata, neomenias, circumciōnē, uictimasq; spūaliter interpretari. Quos uelut errantes corrigere tentabant, qui descendētes de Iudæa docebāt fratres, quia nisi circūcidamini secundū morē Moysi, nō potestis salui fieri: & de quibus Iacobus ad Paulū, Vides, inquit, frater, quot milia sunt in Iudæis, qui crediderunt, & omnes æmulatores sunt legis? Ob causam igitur sacerdotis occisi, noluit Dauid ad se diuertere archā domini in ciuitatē Dauid, sed diuertit eā in domo Obetedom Gethi, Quia respicientibus uerbū Iudæis, ne amplius audita & nō suscepta prædicatio noceret, Apostoli ab eis ablati, & ad gētes imbuēdas missi sunt. Vnde & locus areæ Naor, quę gentiū fidē domini gratiæ præparatā demōstrat, percussio Oza nūcupat, uidelicet quia illorū delicto salus gētibz aduenit. Obetedom nāq; interpretat seruiens homo, ille est utiq; de quo dominus ad patrē, Cōstitues, inquit, me in caput gentiū, populus quē nō cognoui seruiuit mihi. Vbi & Iudæorū abiectiōnē, quasi Oza mortē præmittens, ait: Eripies me de cōtradictionibus populi. Nomē quoq; urbis cōgruit, Hæc enim interpretat torcular, significās crucē, in qua uitis uera talcari & exprimi dignata est, à qua cunctus gentiū populus merito Gethi appellari potest, cū dicitur: Mihi autē absit gloriari, nisi in cruce domini nostri Iesu Christi. Tres autē menses, quibus ibidē arca demoratur: fides, spes & charitas est. Sicut enim dieb. adimplet mēsis, ita singulæ uirtutes suis quæq; passibus ad perfectionē ueniūt. Hī mēses quousq; plenitudo gentium intret, currere nō cessant. Tandē rediens Dauid, arcā in ciuitatē Dauid inducet, quia dominus Enoch & Helia prædicantibus, conuertet corda patrum in filios. Boues & arietes immolās, hoc est, eos qui aream domini tritulant, & ouīū eius ducatū gerunt, martyrij sanguine coronās, & ipse quoq; suę incarnationis & passionis exemplū eatenus Iudæis nō creditū palam manifestans. Hoc enim significat, quod & ipse Dauid accinctus erat ephor lineo, quod de terra procreatū multiplici labore ad candorē uestis peruenit, ueritatem humanæ carnis inter flagellā triūphantis ostēdit. Verū cūctis exultantibus: & ad arcæ celestis introitum hymnos resonantibus: sola Michol filia Saul arcā ducentibus abest, quin etiā per speculū Dauid humiliatū despiciat: quia credentibus in mūdi fine Iudæis, erunt nōnulli qui Christū professi one, sed opere sequantur antichristū: quibus merito cōgruit, quod eadē Michol, quæ ob figurandā instabilitatē carnaliū, aqua omnis interpretatur, nō uxor Dauid, sed filia Saul appellatur: quia qui fidentenus Christo seruiūt, nō illius regno coronandi, sed persecutorū eius, quos imitatur, anathematizant sunt damnandi. Verū si despiciant humilitatē ecclesiæ, cōdemnātur: nihilominus arca domini suū locū ingreditur, & ponit in medio tabernaculi, quod

retenderat ei Dauid, id est, fides ecclesiæ prædicatur, proficit, inseritur cordibus omnium, quos dominus ad uitam præordinauerat æternam.

Offert Dauid holocausta & pacifica coram domino, fidem deuotionemque ecclesiæ commendat patri Christo qui est ad dexteram dei, qui etiam interpellat pro nobis, qui in exemplum Dauid fideles humilesque benedicens, salubris mysterij pascit alimentis, partitur singulis collyridam panis unam, illius utique qui de coelo descendit, & dat uitam mundo. Et assaturam bubulæ carnis unam, illius scilicet uituli saginati, qui pro reuertente ad patrem filio iuniore mactatus, & igne passionis assatus est dicens, Exaruit uelut testa uirtus mea. Et simillam frixam oleo, carnem uidelicet à peccati labe mundissimam, sed ob humanæ salutis uberrimam dilectionem, crucis sartagine tortam. Et merito una panis collyrida, & una carnis assatura datur, quia unus dominus, una fides, unum baptisma, unus deus & pater omnium. Aliter hæc munera fideles accipiunt, quando unus panis, & unum corpus multi sumus in Christo, & suæ carnis singuli lasciuia castigantes, ac seruituti subiicientes, spiritus sancti igne decoquunt, nec non & fructus operum bonorum oleo misericordiarum pinguisimos compassionem proximi feruere faciunt. At contra filia Saul frustra cubiculum regis ingressa, nullus concepti seminis fetus datur, quia qui uerbum Dei auretenu percipiunt, absque boni operis prole diem perpetuæ mortis expectant. In hac historia beati regis & prophetæ Dauid, qua arcam dei adduxisse narratur: moraliter humilitas adprobata, superbia damnata, & temeritas uindicta monstratur: quia & ipse Dauid coram arca domini humiliter saltando non erubuit, mox promissionem filij dei ex sua stirpe nascituri suscipere promeruit: & coniunx quæ eandem illius humilitatem despexit, eius semine fecundari non merita, perpetuæ sterilitatis poenam luit. Intueri enim libet, quanta uirtutum munera Dauid perceperat, atque in his omnibus quàm forti se humilitate seruabat. Quem enim non extolleret ora leonum frangere, urforum brachia dissipare, despectis prioribus fratribus eligi, reprobo rege ad regni gubernacula ungi, timentum cunctis uno lapide Goliath exterminare, a rege proposita extinctis allophylis numerosa præputia reportare, promissum tandem regnum percipere, cunctumque Israeliticum populum sine ulla contradictione possidere? Et tamen cum arcam dei Hierusalem reuocat, quasi oblitus prælatum se hominibus, admixtus populis ante arcam saltat: & quia coram arca saltare, ut creditur, uulgi mos fuerat, rex se in diuino obsequio per saltatum rotat. Ecce quem dominus cunctis singulariter prætulit, sic se sub domino & exequando minimis & abiecta exhibendo contemnit: non pntestas regni ad memoriam ducitur, non subiectorum oculis saltando uilescere metuit, non se honore prælatum cæteris ante eius arcam qui honorem dederat recognoscere coram deo egit debilia uel extrema, ut illa ex humilitate

militate solidaret, quæ corâ hominibus gesserat fortia. Quid decius factis
 ab alijs sentiatur ignoro, ego Dauid plus saltantem stupeo quàm pugnan-
 tem. Pugnando quippe hostem subdidit, saltando autem coram domino
 semet ipsum uicit. Quem Michol Saul filia adhuc ex tumore regij generis
 insana, cum humiliatum despiceret dicens, quàm gloriosus fuit hodie rex Is-
 rael, discooperiens se ante ancillas seruorum suorum, & nudatus est, quasi
 nudetur unus de scutris: protinus audiuit: Ante dominum qui elegit me po-
 tius quàm patrem tuû: ac paulopost ait: & ludam & uilior fiam, plus quàm
 factus sum, eroq; humilis in oculis meis. Ac si aperte dicat. Vilescere coram
 hominibus appeto, quia me coram deo ingenuum per humilitatem quato.
 Sunt uero nonnulli qui de semetipsis humilia sentiunt, quia in honoribus
 positi, nihil se esse nisi puluerem saullamq; perpendunt: sed tamen coram
 hominibus uiles apparere refugiunt, & contra hoc quod de se interius cogi-
 tant, quasi rigida exterius uenustate palliantur. Et sunt nonnulli qui uiles
 uideri ab hominibus appetunt, atque omne quod sunt deiectos se exhiben-
 do contemnunt: sed tamen apud se intorsus quasi ex ipso merito ostense
 utilitatis intumescunt, & tanto magis in corde elati sunt, quanto amplius in
 specie elationem premunt: quæ utraque elationis bella, magna Dauid
 circumspectione deprehendit, mira uirtute superauit. Quia enim de semet-
 ipso intus humilia sentiens, honorem exterius non quatit, insinuat dicens,
 Ludam & uilior fiam. Et quia per hoc quod uilem se exterius præbuit, ne-
 quaquam interius intumescit, adiungit, Eroq; humilis in oculis meis. Ac si
 dicat, Qualem me exterius despiciens exhibeo, talem me interius adtendo.
 Quid ergo acturi sunt quos doctrina eleuat, si Dauid ex carne sua uentur-
 rum redemptorem nouerat, eiusq; gaudia prophetando nuntiabat, & ta-
 men in semetipso ceruicem cordis ualida discretionis calce deprimebat di-
 cens: eroq; humilis in oculis meis? Sacerdos quoque qui arcam inconsi-
 derata temeritate tetigit, ausus sui reatum immatura morte purgauit, mi-
 nores deterioresq; demonstrat, qui intelligere non ualent, & despiciunt
 uel facta uel dicta meliorum: sed eo ab eis nõ temere reprehendenda sunt,
 quò adprehendi nequaquam ueraciter possunt. Sæpe aliquid à maiorib;
 dispensatorie agitur, quod à minoribus error putatur: sæpe multa à for-
 tibus dicuntur, quæ idcirco infirmi dijudicant, quia ignorant. Quod be-
 ne bubus calcitrantibus inclinata illa testamenti arca signauit, quam lei-
 uites qui casuram credens erigere uoluit, mox sententiam mortis exce-
 pit. Quid est namque mens iusti, nisi arca testamenti? Quæ gestata bu-
 bus calcitrantibus inclinatur, quia nonnunquam etiam qui bene præest,
 dum subiectorum populorum confessione concutitur, ad dispensatio-
 nis condescensionem ex sola dilectione permouetur. Sed in hoc quod
 dispensatorie agitur, inclinatio ipsa fortitudinis, casus putatur imperi-
 tis. Vnde & nonnulli subditi contra hanc manum reprehensionis mittunt

sed ad uicia ipsa sua temeritate deficiunt. Leuitēs ergo quasi manū adiuvās tetendit, sed delinquens uitam perdidit: quia dum infirmi quicq; fortū facta corripiunt, ipsi à uiuentium sorte reprobandur. Aliquando etiam sancti uiri quadā minimis condescendentes dicunt, quadā uero summa contemplantes proferunt, dumq; uim uel cōdescensionis uel altitudinis nesciunt, audacter hęc stulti reprehendūt. Et quid est iustū de sua cōdescensione uelle corrigere, nisi inclinatā archā superba reprehensionis manu releuare? Quid est iustum de incondita locutione reprehēdere, nisi motū eius fortitudinis lapsum putare. Sed perdit uitā qui arcam dei tumide subleuat, quia nequaquā sanctorum recta corrigere præsumeret, nisi de se prius meliora sensisset. Vnde & leuitēs isdem recte Oza dicitur, quod uidelicet robustus domini interpretatur, quia præsumptores quicq; nisi audaci mente robustos se in domino crederent, nequaquam meliorum facta uel dicta uelut infirma iudicārēt.

David à propheta uertatur aedificare templū. V

Post hęc cum regi David multa prospera prouenissent, cogitauit facere deo domum, templum scilicet illud excellentissimum diffamatum, quod à rege Salomone filio eius postea fabricatum est. Hoc eo cogitante, factum est uerbum domini ad Nathan prophetam, quod perferret ad regē. Vbi cum dixisset dominus, quod non ab ipso David sibi aedificaretur domus, neq; per tantum tempus se mandasse cuiquā in populo suo, ut sibi fieret domus cedrina, & nūc inquit hęc dices seruo meo David. Hęc dicit dominus. Cum completi fuerint dies tui, & dormieris cum patribus tuis, suscitabo semen tuum post te, quod egredietur de utero tuo, & firmabo regnum eius: ipse aedificabit domum nomini meo, & stabiliam thronum regni eius usq; in sempiternum: ego ero illi in patrem, & ipse erit mihi in filium. Hanc tam grandem promissionem qui putat in Salomone completam, multum errat. Adtendit enim quod dictum est, hic aedificabit mihi domum, quoniā Salomon templum illud nobile struxit: & non adtendit, fidelis erit domus eius, & regnū eius usq; in æternum coram me. Adtendat ergo & aspiciat Salomonis domum plenam mulieribus alienigenis, colentibus deos falsos, & ipsum ab eis regem aliquando sapientem in eandem idololatriam seductum atq; deiectum: & non audeat existimare deum, uel hoc promississe mendaciter, uel ealem Salomonem domumq; eius futuram non potuisse præsire. Non hinc autem deberemus ambigere, nec si non in Christo Iesu domino nostro, qui factus est ex femine David secundum carnem, iam uidetū: ista complerine uane atq; inaniter hic alium aliquem requiramus, sicut carnales Iudei. Nam & ipsi usq; adeo filium quem loco isto regi David promissum legūt, dicunt non fuisse Salomonem, ut eo qui promissus est, tanta tam manifestatione declarato, adhuc mirabili cæcitate aliū se sperare dicant. Facta est quidem nonnulla imago rei futuræ etiam in Salomone, in eo quod templum aedificauit, & pacem habuit secundum nomen suum: Salomon quippe pacificus latine: & in exordio regni sui mirabiliter laudabilis fuit: sed eadem
sua

sua persona per umbrā futuri prænūtiābat etiā ipsum Christū dominū , nō exhibebat. Vnde quædā de illo ita scripta sunt, quasi de ipso ista prædicta sint, dū scriptura sancta etiā rebus gestis prophetis, quodāmodo in eo figurā deliniat futurorū. Nā præter libros diuinæ historiæ, ubi regnasse narratur, psalmus etiā LXXI titulo nominis eius inscriptus est: in quo rā multa dicunt, quæ omnino ei cōuenire nō possunt, domino autē Christo apriissima perspicuitate cōueniūt, ut euidenter appareat, quod in illo figura qualiscūq; adumbrata sit, in isto ueritas præsentata. Notū est enim quibus terminis regnū cōclusum fuerat Salomonis, & ramē in eo psalmo legi, ut alia taceā, dominabitur à mari usq; ad mare, & à flumine usq; ad terminos orbis terræ, quod in Christo uidemus impleri. A flumine quippe dominādī sumpsit exordiū, ubi baptizatus à Ioāne, eodē mōstrāte cepit agnosci à discipulis, qui eū nō solū magistrū, uerū etiā dominū appellauerunt. Nec ob aliud uiuente adhuc patre suo Dauid, regnare Salomon cepit, quod nulli regū illorū contigit, nisi ut hinc quoq; satis eluceat, nō esse ipsum quē prophetia præsignat, ista quæ ad patrē eius loquitur dicens. Et erit cū cōpleti fuerint dies tui, & dormieris cū patribus tuis, suscitabo semē tuū post te, qui exiet de uentre tuo, & præparabo regnū illius. Quomodo ergo propter id quod sequitur. Hic ædificabit mihi domū, iste Salomō putabit prophetatus: & nō potius propter id quod præcedit, cum cōpleti fuerint dies tui, & dormies cū patribus tuis, suscitabo semē tuū post te, alius pacificus intelligit esse promissus, qui nō ante sicut iste, sed post mortē Dauid prænuntiatus est suscitandus. Cū enim longo interposito tēpore Iesus Christus ueniret, proculdubio post mortē regis Dauid, cui sic est promissus, eū uenire oportebat, qui ædificaret domū deo, nō de lignis & lapidibus, sed de hominibus, qualē illū ædificare gaudemus. Huc enim domui dicit Apostolus, hoc est, fidelibus Christi: Templū enim dei sanctū est, quod estis uos. Propter quod in psalmo LXXXVIII, cuius titulus est, intellectus ipsi Ethan Israelitæ, cōmemorant promissiones dei factę regi Dauid, sicut & in hoc regū libro positæ sunt, ita & ibi quædā similia dicuntur: sicut illud. Iuravi Dauid seruo meo usq; in æternū, præparabo semen tuū, & cætera. Illud uero quod dicit, si quid inique aliquid gesserit, arguam eum in uirga uirorum, & in plagis filiorum hominum, misericordiam aurē meā non auferam ab eo, sicut abstuli à Saul, quē amoui à facie mea: nō dixit ab eis, sed dixit ab eo. Non enim Christi ipsius, qui est caput ecclesiæ, possunt inueniri ulla peccata, quæ opus esset humana correptiōe seruata misericordia diuinē coerceri, sed in eius corpore ac mēbris quod populus eius est. Illud uero quod locutus est deus p̄ Nathan ad Dauid, nullo modo præmittendū est ubi ait, Et ponā locū populo meo Israel, & plantabo illū, & inhabitabit seorsum, & nō sollicitus erit ultra, & nō apponet filius iniquitatis humiliare eū sicut ab initio, à diebus quibus cōstitui iudices super populum meū Israel. Hoc tam magnum bonum quisquis in hoc seculo & in hac terra sperat

sperat, inspiēter facit. An quispiam putabit in pace regis Salomonis id esse completū. Pacem quippe illam, scriptura in umbra futuri excellenti prädicatione cōmendat. Sed huic suspicioni uigilanter occursum est, cum postea q̄ dictū est, & nō apponet filius iniquitatis humiliare eum, cōtinuo subiunctū est, sicut ab initio a diebus, quibus cōstitui iudices super populū meum Israel. Iudices namq; priusq̄ reges ibi esse cōpissent, super populū illum fuerāt cōstituti, ex quo terrā promissionis accepit: & utiq; humiliabat eū filius iniquitatis, id est, hostis alienigena per interualla temporū, quibus leguntur pacem alternasse cum bellis, & inueniuntur illiē pacis tēpora prolixiora, q̄ Salomon habuit, qui x l. regnauit annos. Nā sub eo iudice, qui est appellatus Aoth, lxx x pacis anni fuerunt. Absit ergo ut Salomonis tempora in hac promissioe prēdicta esse credant, multo minus cuiuslibet regis alterius. Nō enim quisq̄ eorū in tanta, quanta ille pace regnauit, nec unq̄ omnino gens illa regnum tenuit, ut sollicita nō fuerit, ne hostibus subderetur: quia in tāta mutabilitate rerum humanarū nulli aliquādo populo cōcessa est tanta securitas, ut huius uitæ hostiles nō formidaret incursum. Locus ergo iste qui promittitur tam pacatæ ac securæ habitationis, æternus est, æternisq; debet in illa Hierusalē libera, ubi erit ueraciter populus Israel. Hoc enim nomē interpretatur, uidens deū, cuius prēmij desiderio, pia per fidē uita in hac erumnoſa peregrinatione ducenda est. Nuntiantē uerba hæc Nathan ad Dauid, ingressus est rex Dauid, & sedit coram domino. Quid in hac sessioe intelligendum est, nisi quia sedit in cōspectu domini, siue ubi erat archa testamēti per quā iam secretior & cōmendatior præsētia quedā domini accipi potest: siue quia oraturus sedit, quod nō sit recte nisi in cōspectu dei, hoc est, in intimis cordis? Potest enim sic accipi quod dictū est ante dominū, ubi nūlus esset hominum, qui audiret orantē. Siue ergo propter archam testamenti, siue propter secretum remotis arbitris, siue propter intīmū cordis, ubi erat orantis affectus, cōuenienter dictum est, sedit ante dominū: nisi forte quod sedens orauit, hoc mouet, cum & sanctus Helias hoc fecerit, quando pluuiam orando impetrauit. Quibus ammonemur exemplis, non esse præsēriptum, quomodo corpus cōstituatur ad orandum, dum animus deo præsens peragat intentionem suam. Nam & stantes oramus, sicut scriptū est, Publicanus autem de longe stabat. Et fixis genibus, sicut in actibus Apostolorū legimus. Et sedentes, ut ecce Dauid & Helias. Nisi autem etiam iacētes oraremus, non scriptum esset in psalmis, Lauabo per singulas noctes lectū meum lachrymis meis strātū meū rigabo. Cum enim quisq; orationē querit, collocat membra, sicut ei occurrerit, pro tempore positi corporis ad mouendum animū: cum autē nō querit, sed infertur appetitus orandi, & aliquid repente uenit in mentē, quo supplicandi moueatur affectus, gemitibus inenarrabilibus, quocunq; modo inuenierit hominē, nō est utiq; differenda oratio, ut quæramus quō secedamus, aut ubi stemus, aut ubi p̄stemamur. Gignit enim

enim sibi mētis intentio solitudinē, & saepe etiā obliuiscit se, uel quā coeli partem, uel in qua positione corporis mēbra illud tēpus inuenerit. Fecit quoque Dauid sibi nomē, cum reuerteretur capta Syria in ualle Salinarū cēsis & I I milibus) Quid per percussam multitudinē à Dauid in Salinarū ualle signatur, nisi quia redemptor noster suo uidelicet discretionis examine, in his qui de illo praua sentiūt, stulticiā immoderati saporis extinguit? Factum est post hæc, ut moreret rex filiorū Ammon, & regnaret Annon filius eius pro eo. Dixitq; Dauid, Faciam misericordiā cū Annon filio Naas, sicut fecit pater eius mecū misericordiā. Misit ergo Dauid cōsolans eum per seruos suos super patris interitū. Cum autē uenissent serui Dauid in terrā filiorū Ammon, dixerunt principes filiorū Ammon ad Annon dominū suum. Putas quod propter honorē patris tui Dauid miserit ad te cōsolatores, & nō potius ut inuestigaret & exploraret ciuitatem, & euerteret eam, misit seruos suos Dauid ad te? Tulit itaq; Annon seruos Dauid, rasiq; dimidiam partē barbæ eorū, & præcidit uestes eorū medias usq; ad nates, & dimisit eos. Quod cū nuntiātū fuisset Dauid, misit in occursum eorū. Erāt enim uiri consuli turpiter ualde. Et mandauit eis Dauid. Manete in Iericho donec crescat barba uestra, & tunc reuertimini) Sicut enim Annon rex Ammon seruos Dauid ad se misissos deturpauit, atq; ludibriter fœdatos ad eundē Dauid remisit, ita & diabolus princeps huius mundi plerosq; religiosos per subripientia uitia deturpate cōsueuit. Qui dū eorū latētia mala in aperta & flagitiosa perpetrataq; luxuria detegit, quasi eorū indumentis usq; ad nates abscis, nudos à dignitate castitatis relinquit, & dum pristinā eorū fortitudinē eripit, uelut barbam radit: quos tamen uerus Dauid, dominus scilicet & saluator noster clementi respectu à pœnitentiā indulgentia nō exclusit. Quos & in Iericho, hoc est, sub anathemate pœnitentiæ residere iubet, donec sacramēta spiritus alia, & fortitudinē mentis, quæ peccando perdiderūt, satisfaciendo recipiāt, & sic demū in conspectu eius stare ualeāt. Factum est autē, dum surgeret Dauid de stratu suo post meridiem, & deambulare in solario domus regię, uidit mulierē se lauante, mittensq; tulit eam, & dormiuit cum ea, & concepit. Cumq; cognouisset Dauid, misit ad Ioab dicēs. Mitte ad me Vriam Etheum. Veniens Vrias ad Dauid, misit epistolam Dauid per Vriam ad Ioab, ut poneret Vriam, ubi fortissimum prælium esset, fecitq; Ioab ita, & mortuus est Vrias Etheus) Plerunq; quædam res per historiam uirtus est, per significationem culpa: sicut aliquando res gesta in causa facta damnatio est, in scripto autem prophetia uirtutis. Quod utrunque citius ostendimus, cum huius sacræ scripturæ testimonium ad utraq; adprobanda ad medium deducimus. Quis namque audiens non solum fidelium, sed etiam infidelium non omnimodis detestetur: quod Dauid in solario deambulans, Bersabee Vriæ concupiuit uxorem. Quem tamen à prælio reuertentem ire ad domum admonet, pedes lauare: qui protinus respondit, dicens, arca domini sub pellibus est, & ego in domo mea requiescam? Quem Dauid

De iniuria
Ammonitarū
in legatos Dauid. VI

De adulterio
Dauid. VII

David ad mensam propriā suscepit, eiꝑ epistolas per quas mori debeat, tradidit. Cuius David in solario deambulans, typū tenuit, nisi eius de quo scriptum est, in sole posuit tabernaculū suum: Et quid est Bersabec ad le prode cere, nisi legē literarū carnali populo coniunctā, spiritali sibi intellectu sociare? Bersabec enim puteus septimus dicitur, quia nimirū per cognitionē legis infusione spiritalis gratiæ perfecta nobis sapiētia ministratur. Quē uero Vrias nisi Iudaicū populū signat, cuius nomē interpretatū dicit, lux mea dominus. Iudaicus autē populus, quia de accepta legis sciētia extollitur, quasi de dei luce gloriatur. Sed huic David uxore abstulit, sibiꝑ cōiunxit, quia uidelicet manu fortis quod David dicitur, in carne redemptor noster apparet, dum spiritaliter loqui legē innotuit, per hoc quod iuxta literā tenebatur, hāc à Iudaico populo extraneā monstrauit, sibiꝑ cōiunxit, quia semper illā prædicando declarauit. Vriā tamē ad domū David ire admonet, pedes lauare: quia incarnatus dominus ueniēs Iudaico populo præcipit ut ad conscientiā redeat, & sordes operū fletibus tergat, ut spiritaliter mandata legis intelligat, ut post tantā duritiā præceptorū fontē baptismatis inueniens, ad aquā post laborē decurrat. Sed Vrias qui archā dñi esse sub pellibus meminit, respōdit, quod domū suā intrare nō possit. Ac si Iudaicus populus dicat: Ego mādata dei in sacrificijs carnalibus uideo, & redire ad cōscientiā per spiritualem intelligentiā non requiro. Quasi enim archā sub pellibus dicit esse, quia præceptis dei nō nisi adhibendū ministeriū sacrificij carnalis intelligit. Hūc tamē etiā redire ad domū nolentē David ad mensam uocat, quia quāuis Iudaicus populus ad cōscientiā reuerti cōtemnat, ei tamē redemptor ueniens, mādata spūalia prædicat, dicens, Si crederetis Moysi, crederetis forsitan & mihi, de me enim ille scripsit. Legē itaq; Iudaicus populus tenet, quæ eius diuinitatē loquitur, cui isdem populus credere designat. Vnde & Vrias ad Ioab cū epistolis, ex quibus occidi debeat, mittitur: quia idem ipse Iudaicus populus legē portat, qua cōuincēte moriatur. Dum enim mandata legis retinēs implere nititur, ipse nimirū defert iudiciū, unde damnet. Quid ergo perfecto isto David scelestius, quid Vria mundius dici potest? Sed tunc per mysteriū quid David sacratius, quid Vria infidelius inuenitur: quando & ille per uitæ culpā prophetiæ signat innocentia, & iste per uitæ innocentia, in prophetia exprimit culpā? Virtus nāq; sacri eloquij sic transacta narrat, ut uentura exprimat: sic in facta re adprobat, ut in mysterio contradicat, sic gesta dānat, ut hæc mystice gerenda persuadeat. Ad hoc enim in scriptura sacra uironū taliū, id est David & Petri, peccata sunt indita, ut cautela minorū sit ruina maiorū. Ad hoc uero utrorūq; illic etiā poenitētia insinuat, & uenia, ut spes pereunū sit recuperatio perditorū. De statu ergo suo David cadēte nemo superbiat, de lapsu etiā suo David surgēte nemo desperet. Ecce tꝑ mirabiliter scriptura sacra eodē uerbo supbos premit, quo humiles leuat, unamquamq; rem gestam retulit, & diuerso modo superbos quidem ad humilitatis formidinem, humiles uero ad fiduciā reuocauit. Q inestimabile

bile noui generis medicamētum, quod uno eodemq; ordine positum, & pre-
 mendo tumentia exsiccat, & subleuando arentia infundit. De maiorum nos
 lapsu terruit, sed de reparatione roborauit. Sic quippe semper sic nos diuinæ
 dispensationis misericordia & superbientes reprimat, & ne ad desperationem
 corruamus fulcit. Sed quia exigente causa Dauid ad medium deducto tanti
 facinoris memoriam fecimus, lectoris fortasse animus mouetur, cur omnipo-
 tens deus eos quos in perpetuum elegit, quos ad donorum quoq; spiritualium
 culmen assumpsit, illesos à corporalibus uitijs non custodit. Vnde quia satis
 fieri citius credimus, breuiter respōdemus. Nonnulli enim percepto dono ui-
 tutum per impensam gratiam bonorum operum in superbiæ uitium cadunt,
 sed tamen quomodo ceciderint nō agnoscunt. Proinde contra eos hostis an-
 tiquus, qui iam interius dominatur, exterius etiam scire permittitur, ut qui
 in cogitatione elati sunt, per carnis luxuriam prosternantur. Scimus autem,
 quia aliquando minus est in corporis corruptione cadere, quàm cogitatione
 tacita ex deliberata elatione peccare. Sed cū minus turpis superbia creditur,
 minus uitaf: luxuriā uero eo magis erubescūt homines, quo simul omnes tur-
 pem nouerunt. Vnde fit plerūq; ut nonnulli per superbiam in luxuriam cor-
 ruentes, ex aperto casu malum culpæ latentis erubescant, & tunc etiam maio-
 ra corrigunt, cum prostrati in minimis grauius confunduntur. Reos enim se
 inter minora conspiciunt, qui se liberos inter grauiora crediderant. Pia enim
 domini dispensatione laxatus nonnunquā malignus spiritus de culpa ad cul-
 pam trahit: & dum plus percutit, inde eum quem ceperat amittit: atq; unde
 uicisse cernitur, inde superatur. Cōsiderare libet, intra munitum gratiæ sinum
 quanto deus misericordiæ fauore nos continet. Ecce qui de uirtute se extollit,
 per uitium ad humilitatem redit: & qui de acceptis uirtutibus extollitur, non
 gladio, sed (ut ita dixerim) medicamēto uulneratur. Quid est enim uirtus, nisi
 medicamentum? & quid uitium, nisi uulnus? Quia ergo nos de medicamēto
 uulnus facimus, facit ille de uulnere medicamētum, ut qui uirtute percutimur,
 uitio curemur. Nos namq; uirtutum dona retorquemus in usum uitiorum, il-
 le uitiorum illecebras assumit in arce uirtutū, & salutis statum percutit, ut ser-
 uet: ut qui humilitatem curantis fugimus, saluti cædētis hæreamus. Sed inter
 hæc sciendum quod plerūq; hominū, quo in multis corruunt, artius ligantur:
 cumq; eos antiquus hostis ex uitio uirtutis percutit, ut concidant, ex alio quoq; li-
 gat, ne surgant. Consideret itaq; homo cum quo aduersario bellum gerat, &
 si iam in se aliquid deliquisse perpendit, saltem per culpam pertrahi ad cul-
 pam pertimescat, ut studiose uitentur uulnera, quibus frequenter interficitur:
 quia ualde rarum est, quod hostis noster electorum salutem etiam uulneri-
 bus seruet. Erudiendos enim, sicut diximus, electos suos dominus sæpe ten-
 tatori subiicit, sicut post paradisi claustra, post tertia cœli secreta, ne reuelatio-
 num magnitudine Paulus extolli potuisset, ei Satana: angelus datus est: sed
 ut præfati sumus, ipsa hac tentatione disponitur, ut qui elati perire poterant,

ff humi,

Nathā ad Da-
uid missus
VIII

humiliati à petditione seruentur. Secreto ergo dispensationis ordine unde scire petmittitur iniquitas diaboli, inde pie perficitur benignitas dei: quia aduersarius noster inde obtemperat nutibus supernæ gratiæ, unde exercet iram nequissimæ uoluntatis suæ. His ita gestis, misit dominus Nathan ad Dauid. Et ueniens Nathan proposuit similitudinem de diuite & pauere: unus habens oues & boues, alter tantūmodo ouem unam, hanc unam ouem pauperis tulit diues. Audito hoc Dauid, indignatus ait aduersus hominē illum; Viuit dominus, quia filius mortis est, uir qui fecit hoc. Dixit autem Nathan ad Dauid, Tu es ille uir. Et dixit Dauid ad Nathā, Peccaui domino. Dixitq; Nathan ad Dauid, Dominus quoq; transtulit peccatum tuum, non morieris. Si peccatum Dauid tam detestabile dominus transtulit, quid est quod omnia quæ de eodem peccato pet prophetā ei à domino dicta sunt postmodum toletauit? Sed proculdubio dominus delictum sine ultione non deferens aut enim ipse hoc homo in se pœnitens punit, aut hoc deus cum homine uiuicāns percutit. Nequaquam igitur peccato parcat, quod nullatenus sine uindicta dimittit. Sic enim Dauid audire post confessionem meruit. Dominus transtulit peccatum tuum: & tamen post cruciatibus afflictus ac fugiens, reatum culpæ quam perpetrauerat exsoluit. Sic nos salutis unda à culpa primi parentis absoluit, sed tamen reatum eiusdem culpæ diluentes, absoluti quoq; adhuc carnaliter obimus: quia delicta nostra siue per nos, siue per semetipsum refecat, etiam cum relaxat. Ab electis enim suis iniquitatum studet maculas temporali afflictione tergere, quas in perpetuum non uult uindicare. Quod uero dicit, Duo hominēs erant in ciuitate una, Vrias & Dauid intelligitur. Et addisce personas. Pauperculi ouem meliorem dicit, hoc est uxorem eius quæ adulterata est, quæ de mēsa eius uescebatur, & de calice eius potabatur, & in gremio eius cubabat. Considera pauperem incentiua pietatis habere fulmina, in diuitib; autem multa superbia. Apud pauperes uxor & ancilla & ministra est, & procreat filios, & ipsa mater & nutrix est: apud diuites autē non est ita, sed cum generauerit filiū, statim eum tradit foris: & pietatis insignia, abscidit superbia. Erubescit fieri nutrix, quæ facta est mater. Ouis ergo in gremio eius cubabat. Auxit parabolā, narratione pietatis. Venit ergo peregrinus homo ad regem illum. Quis itaq; est peregrinus? Concupiscentia uidelicet. Vt ergo illius ostenderet castitatem, peregrinam concupiscentiam nominauit. Nunq̃ enim alienas nuptias dissipauit, neq; iniquis conspexit oculos, sed percussus in illa muliere perdidit castitatem, quia paululum se reddiderat remissiorem securitate pacis. Venit peregrinus, iniqua & agrestis concupiscentia ad illum diuitem. Venit & ille, accepit non de gregibus suis uel armētis, ut peregrino pararet epulas, sed misit & rapuit ouem pauperis quē in sinu eius cubabat, & de mensa edebat. Hæc igitur cum audisset Dauid, itatus est ualde aduersus hominem illum, & dixit ad Nathan, Viuit dominus, quoniam filius mortis est, uir qui fecit hoc. Ouem reddet in quadruplum, & ipse gladio punitur. O. iū dicij

dicij superfluentem iustitiam. Non enim erat illa amoris fibra, ut iuste non diceret. Iubet quidem in quadruplum secundum legem, lex enim præcepit su-
rantem quadrupli restitutione uinciri: iste autem & legem est prætergressus. Iubet quidem & ipsum interimi, & in quadruplū obnoxium detineri. Prom-
psit itaq; sententiam, & iudicium elimatum. Cum hoc audisset propheta, ias-
ctat omnem umbram imaginis, & in medium profert gladium, & cum fidu-
cia dicit, Tu es rex, qui hoc opus fecisti. O' sectura non gladio secans sensum
doloris, sed compendio accusationis. Cum enim oportuit, occultauit narratio-
nem: cum uero tempus inuenit, statim percussit & abscidit, sine grandi plagæ
uulnere, hoc solummodo dicens, Tu es rex. At ille uelociter ad conscientiam
rediens, tanquam fidelis & idoneus seruus, culpam simpliciter cōfiteatur, & di-
cit, Peccaui domino: & propheta respondit, Et dominus transtulit peccatum
tuum. Velox cōfessio, uelocior medicina. Facto peccauit, uerbo pœnituit. An-
nuuit deus, & correctio facta est: uulnus apparuit, & sanitas rediit. Sed nō fuit
his propheta contentus. Nam post correctionem, post pœnitentiā, post pec-
catorum absolutionem, psalmum ob causam scripsit: ita ut etiam posteræ ge-
nerationi fiat illius passio medicina, & illius naufragium sit alijs portus, & qui
bus ille uulneratus est & emendauit, alijs in iisdem incidentibus ipsa possint
uti medicina, & emédatione sanari. Fugiens Dauid Absalon filium suum,
nudisq; pedibus incedens transgressus est torrentem Cedron, & cunctus po-
pulus cum eo, & peruenierunt usq; Baurim. Et ecce egressus Semei filius Gera
de cōgnatione domus Saul, mittens lapides maledicebat regem, dicens, Egre-
dere, egredere uir sanguinum & uir Belial. Quisquis fidelium diuinæ gratiæ
illustratione cōpungitur, & sancto desiderio de imis ad summa supernæ con-
templationis penna festinat, hæc gesta beati Dauid, & aliorum sanctorum
præcedentiū patrum, ubi aliquid iniuste perpeffi sunt, ante mentis oculos po-
nat: atq; in eis se imitatione exercendo proficiat, & quod in præfenti titillat ex
uitio, uel præteritorum malorum memoria reprimat, uel donorum præceden-
tium consolatione restinguat, uel etiam imitatione, ut dictum est, patrū præ-
cedentiū retundat. Quod necesse est, ut sicut proposuimus, exemplis euiden-
tioribus approbemus. Vt enim unum de multis loquar, quatenus studiosus
lector multa in uno intelligat, quisquis uerborū contumelijs pressus cum uir-
tute patiētiā seruare non sufficit, Dauid factum ad memoriā reducat. Qui
cum Semei tot conuiitijs urgeretur, & armati proceres ulcisci contēderent, ait,
Quid mihi & uobis fili j Saruiaz? Dimittite eū ut maledicat. Dominus enim
præcepit ei, ut malediceret Dauid. Et quis est qui audeat dicere, quare sic fe-
cit? Et paulopost, Dimittite eum, ut maledicat iuxta præceptū domini, si forte
respiciat dominus afflictionem meam, & reddat mihi bonum pro maledi-
ctione hac hodierna. Quibus profecto uerbis indicat, quia pro perpetrato
Berfabeæ scelere, exsurgentem contra se filium fugiens, reduxit ad animum
malum quod perpetrauit, & cōtumeliōsa uerba non tam conuiitia, quā ad-

De Dauid fu-
gato per fili-
um IX

iutoria credidit, quibus se purgari sibiq; misereri posse iudicauit. Tunc enim illata conuicia bene toleramus, cum in secreto mentis ad male perpetrata recurrimus. Leue quippe uidebitur, quod iniuria percutimur, dū in actione concipimus, quia peius est quod meremur. Sicq; fit ut contumelijs gratia, q̄ ira debeatur, quarum interuentu deo iudice poena grauior declinari posse confiditur. Illud uero quid significet, quod parricida filius Absalon patrē insequēs, primo patet eius dedinans fugit ante faciem eius, securus de uictoria: qui aspicebat impium perire, quem etiam fleuit magno luctu, & deplorauit exitum parricidæ. Scribitur enim fugisse Dauid à facie bellantis aduersum se filiū: & quoniam scriptum est de populo Hierusalem, Filios enutriui & exaltaui, ipsi autem contemnentes spreuerunt me: filius ipsius significatur tropice, idest populus Iudaicus, qui cum tradidit. Absalon autem, sicut quidam interpretantur, intelligitur patris pax. Quod mirum uidetur in historia, quemadmodum patris pax possit intelligi, qui patrem bello persequutus est. Sed qui diligenter ad allegoriam intendunt, inspiciunt Absalon esse Hierusalem: quia etiam & ipsa, pax interpretatur, à cuius facie Christus fugit, quando eam patiendo deserens in gentibus per fidem successit. Alij Absalon, Iudam traditorem accipiunt, quem tanta & tam miranda patientia Christus pertulit tanquam bonum, cum eius cogitationes non ignoraret, cum adhibuit conuiuio, in quo corporis & sanguinis sui figuram discipulis commendauit & tradidit. Quod deniq; & in ipsa traditione osculum accepit, bene intelligi Christū pacem exhibuisse traditori suo, quāuis ille tam sceleratæ cogitationis interno bello uastaretur. Et ideo Absalon patris pax dicitur, quia pater habuit pacem, quam ille non habuit. Sed fortasse quis dicat, si Dauid imaginem Christi gerebat, quomodo multas uxores habuisse & concubinas scribitur, cum has res Christus & horrescat & damnet? Hoc enim in prophetia fiebat. Multæ enim uxores Dauid, multarum gentium & nationum imaginem indicabant, quæ per fidem Christi consortio iungerentur: concubinæ uero eius significant hæreticorū ecclesias, quæ sub Christi nominis titulo se manere gloriantur. Sed quia propter carnalia lucra Christum sectantur, non coniuges, sed concubinæ uocantur. Deniq; nunc reges si plures habeant uxores uel cōcubinas crimen est, quia iam transierunt si guræ, pro quibus uxorum uel concubināru uenia concedebatur. At nunc quia figuræ transierunt, uenia nulla datur. Percusso Absalon cum redisset Dauid in Hierusalem, dixit Amasæ, ut congregaret omnes uiros Iuda in diem tertium, & constitueret eum principem pro Ioab. Qui moratus extra placitum, præcepit Dauid Ioab & Abisai, ut irent & apprehenderent Siba filium Bochri. Cumq; uenisset Ioab in Gabaon, Ioab tenuit manu dextra mentū Amasæ, quasi osculans eum, percussit eum in latere, & mortuus est.) Quid est quod Ioab Amasæ mentum manu dextra tenuit, & sinistram ad gladium latenter mittens, eius uiscera effudit: nisi hoc quod patēter datur intelligi? Dextera namq; manu tenete, est quasi ex benignitate blandire: sed

Gnistram

Psalmus decimus septimus.
X

sinistram ad gladiū mittit, qui latenter ex malicia percutit. Sequitur psalmus XVII. Et merito quæritur, cur solus iste psalmus in libris Regū reperiatur conscriptus. Nec immerito psalmus iste in Regum libris solus inuenitur, quia regnum illud significat, ubi aduersarium nō habebimus. Titulus enim eius est, In die qua eripuit eum dominus de manu inimicorum eius, & de manu Saul. Quis enim figuratur in Dauid, nisi ille qui uenit secundum carnem ex femine Dauid? Qui utiq; in corpore suo, quod est ecclesia, adhuc patitur inimicos, unde illi persecutori quē uoce prostrauit, & in suum corpus traiciens quodāmodo manducauit, insonuit de cælo, Saule, Saule, quid me persequeris? Quādo autem metetur eripi hoc corpus de manu inimicorū eius, nisi cum illa nouissima inimica destruetur mors, ut perueniat ad regnum dei? Diligam te dñe, uirtus mea) Diligā te dñe, per quem fortis sum. Dñe firmamentū meum, & refugiū meum, & liberator meus) Domine qui me firmasti, quia refugi ad te: refugi ad te, quia liberaisti me. Deus meus adiutor meus, & sperabo in eum) Deus meus qui mihi adiutoriū prius uocationis tuæ præstitisti, ut sperare in te possim. Protector meus, & cornu salutis meæ, & liberator m.) Protector meus, quia non de me præsumpsi, quasi erigens aduersum te cornu superbiæ: sed te ipsum cornu, hoc est firmā celsitudinē salutis inueni, quod ut inuenirem redemisti me. Laudans inuocabo dñm, & ab ini. meis saluus ero) Non meā gloriam, sed domini, quærens inuocabo dñm: & non erit unde mihi noceant iniquitatis errores. Circūdederunt me dolores mortis) Hoc est dolores carnis. Et torrentes iniqui. contur. me) Turbæ iniquæ ad tempus cōmotæ uelut flumina pluuiæ cito desitura, egerunt ut cōturbarent me. Dolores inferni circūdederunt me) In his qui me circūdederunt ut perderent, erant dolores inuidiæ, qui mortem operantur, perducuntq; ad infernū peccati. Præuenerunt me laquei mortis) Præuenerunt me ut priores nocere uellent, quod eis postea redderetur. Tales autem homines capiunt in perditionē, quib. mala persuaserint iactatione iustitiæ, cuius non re sed nomine aduersus gentes gloriantur. Et in pressura mea inuocaui do. & ad deum me. cla. Et exaudiuit de templo sancto suo u. m.) Et exaudiuit de corde meo in quo habitat, uocē meam. Et clamor m. in conspectu eius) Et clamor meus, quem non in aurib. hominū, sed coram ipso intus habeo, introiuit in aures eius. Et cōmota est & contremuit terra) Ita clarificato filio, cōmoti sunt & contremuerunt peccatores. Et fundamenta montiū conturb. sunt) Et spes superborū quæ in hoc fuerant seculo conturbatæ sunt. Et cōmota sunt, quoniā iratus est eis d.) Ut scilicet iam fundamentum non haberet in cordib. hominū, spes temporalium bonorum. Ascendit fumus in ira eius) Ascēdit lachrymosa deprecatio poenitentium, cum cognouissent quid minetur deus impijs. Et ignis a facie eius exardescit) Et flagrantia charitatis post poenitentiam de notitia eius exardescet. Carbores succensī sunt ab eo) Quia iam mortui erant deserti ab igne boni desiderij ac luce iustitiæ, & frigidi tenebrosiq; remanserant, tursus accensi & illuminati reuixerunt.

ff 3 Et in

Et inclinavit cœlum, & descendit) Er humiliavit iustū ut descenderet ad hor-
 minum infirmitatem. Et caligo sub pe.c.) Caligo ei sub pedib. est, quia non
 ea claritate ab inferiorib. cernit, quæ in superiorib. dominatur. Impij enim qui
 terrena sapiunt, caligine maliciæ suæ non cognouerunt eū. Terra enim sub pe-
 dib. eius, tanq̃ scabellū pedum eius. Et ascendit super Cherubin & volauit)
 Cherubin quippe plenitudo scientiæ dicitur. Proinde super plenitudinē scien-
 tiæ ascēdisse & volasse perhibet, quia maiestatis eius celsitudinē scientia nulla
 cōprehendit. Volauit ergo qui longe in altum ab intellectu nostro se rapuit,
 ut nemo ad deū perueniret, nisi per charitatē. Plenitudo enim legis charitas.
 Et cito se incomprehensibile monstrauit dilectorib. suis, ne illū corporeis ima-
 ginationib. cōprehendi arbitrentur. Super Cherubin dñs ascendit & uola-
 uir, quia super plenitudinē scientiæ quæ esse in hominib. potuit, incarnationis
 suæ gloriā exaltare dignatus est: ut hoc eius uolare, sit potētiae suæ mysterium
 ab intellectu humano subducere. Quantalibet enim plenitudine scientiæ uita
 spiritaliū fulgeat, apprehendere non ualet, quomodo factum sit, ut qui extitit
 conciperetur, & ante secula autor hominū, nasceretur homo in fine seculorum,
 deus caro, uerbū infans fieret. Vnde & recte illic additur, Volauit super pen-
 nas uetorum) Quia uidelicet trāscendit omnes intellectus animarum. Vento
 quippe animā figurari pro uelocitate suæ cogitationis, non inconueniēter acci-
 pimus. Illa aut̃ celeritas qua se incomprehensibile esse monstrauit super uirtu-
 tes animarum est, quib. se uelut pennis, æternis timorib. in auras libertatis ex-
 tollunt. Et posuit teneb. latibulū suum) Er posuit obscuritatē sacramētorum
 & occultam spem in corde credentium, ubi lateret ipse non eos deserens: quia
 dum caligine nostræ infirmitatis obscuramur, per ignorātiā nostram nobis
 abscondit, ne à nobis modo in æterna & firma claritate uideatur. In his etiam
 tenebris ubi per fidē adhuc ambulamus non per speciem, q̃d diu quod non ui-
 demus speramus, per patientiā expectamus. Quia uero autor noster nobis in
 hoc exilio deiectis, lucem suæ uisionis abstulit, se se nostris oculis quasi in tene-
 bratum latibula abscondit, quas nimirum cæcitatē nostræ tenebras cum stu-
 diose conspiciamus, mentem ad lamenta reuocamus. Flet enim cæcitatē quam
 foris patitur, si humiliter meminit quo de interiori lumine priuat. Cumq̃ te-
 nebras quib. circūdatur respicit, per splendoris intima ardenti se desiderio af-
 fligit, omniq̃ intentionis nisu semetipsam cōcutit, & supernam lucem quam
 condita deseruit, repulsa quærit. Vnde fit plerūq̃ ut in ipsīs p̃ijs fletib. illa in-
 terni gaudij claritas erumpat, & mens quæ in corpore prius caeca iacuerat, ad
 inspectionē fulgoris intimi superius uegetata conualescat. In circuitu eius ta-
 bernac. eius) Conuersi tamē ad ipsū ambiunt, qui credunt ei, quia in medio
 ipsorum est cum omnib. equaliter fauet, in quib. tanq̃ in tabernaculo habitat
 in hoc tēpore. Tenebrosa aqua in nu. aeris) Nec propterea quisq̃ in illa luce
 quæ futura est, cum ex fide ad speciē uenerimus, iam se esse arbitret, si scriptu-
 ras recte intelligit. In p̃phetis enim atq̃ in omnib. diuini uerbi prædicatorib.
 doctrina

doctrina obscura est, quia ante aduentum dñi dum occultis sacramētis grauidi in ministerijs mensam gestarent, intuentium oculi eorum intelligentia caligabant. Præ fulgore in consp. eius) In cōparatione fulgoris, qui est in cōspectu manifestationis eius. Nubes ipsius trāsierunt) Prædicatores uerbi eius non iam in Iudææ sinib. continentur, sed trāsierunt ad gentes, & uniuersa mundi spacia miraculorū claritate percurrunt. Grando & carb. ignis) Obiurgationes figuratas, quib. uelut grandine corda dura tundunt, si terra dura & mitis, id est pius animus exceperit, duricia grandinis in aquam, id est terror fulguratæ & quasi cōgelatæ obiurgationis, in doctrinā satiantem resoluitur, igne aut charitatis accēsa corda reuiuiscunt. Hæc omnia in nubib. ipsius ad gentes trāsierunt, quia uidelicet sancti uiri corda audientium & terrentes feriunt, & blandientes in fundunt. Nam quēadmodum feriant, propheta testat, dicens, Virtutem terribilium tuorum dicent, & mag. tuam n. Et quēadmodum blandientes rigent, securus adiunxit, Memoriā abundantiæ suauitatis tuæ eructabunt, & iustitia tua exultabunt. Et into. de cœlo dñs) Et euangelica tuba de corde iusti sonuit. Et altiss. dedit uocem suam) Vt haberemus eam, & in pfundo rerum humanarū audiremus cœlestia. Et emisit sagittas, & dissipauit eos) Et emisit euangelistas pennis uirtutū recta itinera transuolantes, non suis, sed eius à quo missi sunt, ut alijs essent odor uitæ in uitā, alijs odor mortis in mortem. Et coruscationes multiplicauit, & cōturbauit eos, & apparuerunt fontes aquarum) Et apparuerunt qui facti erant in prædicantib. fontes aquarum, salientium in uitā æternam. Et reuelata sunt fundamenta orbis terrarum) Reuelati sunt prophætæ qui non intelligebant super quos ædificaretur orbis terrarum credens domino. Ab increpatione tua dñe) Clamatis, appropinquit super uos regnum dei. Ab inspiratione spiritus itæ t.) Dicentis, Nisi poenitentia egeritis, omnes similiter moriemini. Misit de summo, & accepit me) Vocando ex gentib. in hæreditatem gloriosam ecclesiam, non habentem maculam aut rugam. Assumpsit me de multitudine aquarū) Assumpsit me de multitudine populorum. Eruit me de inimicis meis fortissimis) Eruit me de inimicis meis, qui præualuerunt ad affligēdam & ad peruertendā istam temporalē uitam meam. Et ab his qui oderunt me, quoniā confortati sunt super me) Ab his qui oderunt me, quoniā conf. sunt super me, quamdiu sub ipsis sum ignorans deum. Præuenerunt me in die afflictionis meæ) Priores mihi nocuerunt in tēpore, quo mortale & laboriosum corpus gero. Et factus est dominus firmam. meum) Et quoniā amaritudine miseriarum firmamentum terrenæ uoluptatis contribulatum atq; conuulsum est, factus est dominus firmamentum meum. Et eduxit me in latitudinem) Et quia carnales patiebar angustias, eduxit me in spiritalem fidei latitudinem. Eruit me quoniā uoluit me) Quoniā uol. me, anteq̃ illum ego uellem. Eruit me de inimicis me. potentis.) Qui mihi inuidēt iam uolenti eum. Et ab his qui oderunt me) Quia uolo eum. Et retribuet mihi dominus secūdam iusticiam bonæ uoluntatis)

Qui prior præbuit misericordiā, anteq̃ haberem bonam uolūtatem. Et secundum puritatem manuum mearum retribuet mihi) Et secundum puritatem factorum meorum retribuet mihi, qui tribuit mihi ut bene facerem, educēdo me in latitudinem fidei. Quia custodiui uias domini) Vt latitudinem bonorum operum quæ per fidem sunt, longanimitas perseverantiæ consequatur.

Nec impie gelli à deo m. quoniam omnia iu. eius in c. m. sunt semper) Quoniam omnia iudicia eius, id est præmia iustorum, & pœnas impiorum, & flagella corrigendorum, & tentationes probandorum, perseveranti contemplatione considero. Et iustitias eius non repuli à me) Quod faciunt deficientes sub sarcina earum, & reuertētes ad uomitum suum. Et ero immaculatus coram eo, & ob. me ab in. mea. Et retribuet mihi d. secundū iu. meam) Itaq̃ non solum propter latitudinem fidei, quæ per dilectionē operatur, sed etiam propter longitudinem perseverantiæ retribuet mihi dominus secundum iustitiam meam. Et secundum punit. ma. mearum retribuet mihi in consp. oculorū eius) Non quod homines uident, sed in conspectu oculorū eius, quoniā quæ uidentur tēporalia sunt, quæ autē non uidentur æterna sunt, quō pertinet altitudo spel.

Cum san. sanctus eris) Est etiā occulta p̃funditas qua intelligeris, cū sancto sanctus eris, quia tu sanctificas. Et cū uiro in. innocēs c.) Quia nulli nocēs, sed crinicalis peccatorū suorū unusquisq̃ cōstringit. Et cum electo e. l. e.) Et ab eo quē eligis eligeris. Et cū peruer. subuerteris) Et cū peruerso uideris peruersus, ob quod eis non faues, peruersus esse uideris, quoniā dicunt, non est recta uia dñi, & ipsorum uia non est recta. Quoniam tu populū humilem sal. facies) Hoc autē peruersum uidetur peruersis, quod cōfidentes peccata sua saluos facis.

Et oculos sup̃borū humil.) Ignorantes autem dei iustitiā, & suam uolētes constituere, humiliabis. Quoniam tu illuminas lucern. m. dñe) Quoniā non est nostrum lumen ex nobis, sed tu illuminabis lucernā m. dñe. Deus m. ill. ten. meas) Nos enim in peccatis nostris tenebræ sumus, sed deus meus illuminabit ten. meas. Quoniam à te eripiar à tentatione) Quoniā non à me, sed à te eruar à tent. Et in deo meo transgr. murum) Et non in me, sed in deo meo transgr. murū, quem inter homines & cœlestem Hierusalem peccata erexerūt.

Deus meus immacul. uia eius) Deus meus non uenit in homines, nisi mun dauerint uia fidei, qua ueniat ad eos, quia immaculata uia eius. Eloquia dñi igne exami.) Eloquia dñi igne examinationis probantur. Protector est om. speran. in se) Et omnes qui nō in seip̃s, sed in illo sperant, eadem tribulatione non consumūtur: spes enim sequitur fidem. Quoniā quis deus præter dñm cui seruimus? Et quis deus præter d. nostrū? Et quis deus præter dñm, quem post bonam seruitutem tanq̃ hæreditatē sperātes filij possidebimus? Deus qui præcinxit me uirt.) Deus q̃ præcingit ut fortis sim, ne defluētes sintus cupiditatis impediāt opera & gressus meos. Et posuit imma. uia m.) Et posuit imma. uia charitatis qua ad illū ueniā, sicut est immaculata uia fidei qua uenit ad me. Qui perfecit pedes m. tanq̃ cerui) Qui perfecit amorē meū ad transcenda

denda spinosa & umbrosa implicamenta huius seculi. Cernos, spiritales uiros appellat, propter alacritatem uelocis cursus. Robustorum enim mētes in deo immobiliter fixæ tanto aduersa quæq; despiciunt, quanto cernunt quod contra præcepta cōditoris excrescunt. Æternitatis quoq; præmi præstolātes, uires ex aduersitatibus sumunt; quia crescente pugna, gloriosiores sibi non ambigunt manere uictoriam. Sic itaq; electorum desideria dum premuntur aduersitate proficiūt, sicut ignis flatu premitur ut crescat, & unde quasi extingui cernitur, inde roboratur. In eo namq; ostendimus, quanta ad deum cupiditate flagramus, si non solum ad eum per tranquilla & mollia, sed etiā per aspera & dura transimus. Bene ergo per Psalmistam dicitur, Qui perfecit pedes meos tanquam cerui. Ceruus enim cum montium iōga conscendit, quæq; aspera, quæq; se obijciunt sentibus illigata, dato saltu transgreditur, etiam absq; ullo cursus sui obstaculo in superioribus eleuatur. Ita etiam electorū mentes quæq; sibi in hoc mundo obfistere atq; obuiare conspiciunt, contemplationis saltu transcendunt, & more ceruorum despectis terrenarum rerum sentibus in superna se euehunt. Et super excelsa statuit me.) Et super cœlestem habitationem figet intentionē meam, ut impleatur in omnem plenitudinem dei. Qui docet manus meas ad prælum.) Qui docet me operari ad superandos inimicos, qui nobis intercludere regna cœlestia conantur. Et posuit ut arcum æreum brachia mea.) Et posuisti infatigabilem intentionem bonorum operum. Et dedisti mihi protectionē salutis t. & dextera t. suscepit me.) Idest fauor gratiæ tuæ suscepit me. Et disciplina tua direxit me in finem.) Et correctio tua me deuiare non sinens direxit, ut quicquid ago, in eum finem referam qui coheret mihi. Et disciplina tua ipsa me d.) Et eadē correctio tua ipsa me docebit peruenire, quō direxi. Dilatasti gressus meos subter me.) Nec impediēt carnales angustia, quoniā latam fecisti charitatē meam operantem hilariter, etiam de ipsīs quæ subter me sunt, mortalib. rebus & membris. Et non sunt infir, uestigia mea.) Et non sunt infirmata siue itinera mea, siue signa, quæ impressi ad imitandum sequentibus. Persequar inimi. meos & compr. illos.) Persequar affectus carnales meos, ne ab eis comprehendar: sed apprehendam illos ut absumantur. Et non conuertar donec desi.) Et ab ista intentione non conuertar ad quietē, donec deficient qui obstrepūt mihi. Et confrin. illos, nec poterunt st.) Confringam illos, nec durabunt aduersum me. Cadent sub pedes m.) Dilectos illis præponam amores, quibus ambulo in æternum. Et præcixi me uirtute ad bel.) Et constrixisti fluentia desideria carnis meæ uirtute, ne in tali pugna præpediret. Supplantasti insurg. in me subter me.) Decipi fecisti eos qui me insequēbātur, ut subter me fierent, qui super me esse cōpiebant. Et ini. m. ded. mihi dorsum.) Et inimicos meos conuertisti, & dorsum mihi eos fecisti esse, idest ut sequerentur me. Et odio ha. me disper.) Alios aut eorū qui in odio perdurarunt, disperdidisti. Clama. nec erat qui sal. fa.) Quis enim saluos faceret, quos tu non faceres? Ad dñm nec

exaudiuit eos.) Nec ad quemlibet, sed ad dominum clamauerunt, nec exauditione dignos iudicauit, non recedentes à malicia sua. Et comminuam illos ut puluerem iuxta faciem uenti.) Et comminuam illos, aridi enim sunt non recipientes imbrem misericordiae dei: ut elati & inflati superbia, ab spe firma & inconcussa, tanquam terrae soliditate & stabilitate raptantur. Ut lutum platearum delebo eos.) Per latas quàm multi ambulant uias perditionis, luxuriantes, & lubricos delebo eos. Erues me de contradictionibus populi.) Erues me de contradictionibus eorum qui dixerunt, Si dimiserimus eum uiuum, seculum post illum abit. Constitues me in caput gentium. Populus què non cognoui, seruiet mihi.) Populus gentium quem corporali praesentia non uisitaui, seruiuit mihi, neque oculis me uidit, sed recipiens praedicatores meos, in obauditu auris obaudiuit mihi. Filij alieni mentiti sunt me.) Filij non mei dicendi, sed potius alieni, quibus recte dicebatur, Vos à patre diabolo estis, mentiti sunt mihi.

Filij alieni inu. sunt, & clau. à semi. suis.) Et tanquam uno pede debiles, quia uetus tenentes, nouum respuerunt. Filij alieni quibus ut renouarentur nouum testamentum attuli, in ueteri homine remanserunt. Claudii effecti sunt etiam in ipsa ueteri lege, potius suas traditiones sequentes quàm dei. Calumniabantur enim de manibus nò lotis, quibus tales erant semitae quas ipsi fecerant, & consuetudinè tribuerant, errando ab itinere praeceptorum dei. Viuit dominus & benedictus d. m.) Secundum carnem autem sapere, mors est, uiuit dominus & bene. d. m. Et exaltetur deus salu. meae.) Et non terrena consuetudine de deo salutis meae sentiam, sed aeternam ipsam salutem, in excelso de illo sperem. Deus qui das uindictas mi.) Deus qui uindicas me, subdendo sub me populos. Liberatore meus de inimi. in. iracundis) Clamantibus, Crucifige, crucifige. Ab insurgentibus in me exal. me) Ab insurgentibus in me Iudaeis exaltabis me, resurgentem à morte. A uiro iniquo erip. me) A regno eorum iniquo erues. Propterea confi. t. in g. domine) Propterea per me tibi confitebuntur gentes domine. Et nomini tuo psallam.) Et latius innotescas bonis operibus meis. Magnificas salutes regis ipsius) Deus qui magnificat, ut amabiles faciat salutes, quas eius filius dat credentibus. Et faciens misericordiam Christo suo.) Deus qui facit misericordiam Christo suo. Dauid, & semini eius usque in seculum.) Ipsi liberatori manu potenti, qui uicit hunc mundum, & eos quos credentes in euangelio genuit in aeternum. Quaecumque in hoc psalmo dicta sunt, quae ipsi domino non proprie, idest capiti ecclesiae congruere non possunt, ad ecclesiam referenda sunt. Totus enim Christus hic loquitur, in quo sunt omnia membra eius. Haec autem sunt uerba nouissima, quae dixit Dauid filius Isai) Verba nouissima Dauid non finienda dicit, sed perficienda: non consumenda, sed quae cunctis fidelibus perfectionis plenitudinem conferant. Spiritus domini locutus est super me, & sermo eius per linguam meam.) Spiritum domini, spiritum sanctum dicit: sermo dei, Christus filius dei accipitur, ipse est enim Christus dei Iacob. Praeuaricatores autem quasi spinæ

Spinæ euellentur uniuerſi. Præuicatores Iudæi atq; hæretici, uelut spinæ de eccleſia quæ eſt terra uiuētium euulſi atq; incendio æterno cōbuſti penbunt. Hæc nomina fortium Dauid: ſedens in cathedra ſapientiſſimus, princeps inter tres. Ipſe eſt qualiſi tenerrimus ligni uermiculus, qui octingentos interfecit impetu uiuo. Non Iſbaa, ut quidam putant, ſed ipſe Dauid eſt dictus qualiſi tenerrimus ligni uermiculus, per quod uirtus ſimul bellica, & modèſta uiri deſignatur ciuilitas: quia uidelicet ſicut ligni uermiculus, tener quidem & fragilis toto ſuo corpore, nec non & permodicus apparet, nihilominus tamen fortiſſimum robur exedens conſumit & corroſum reddit, unde & à terendo ligna te redonis nomen habet: ſic ille affabilis omnibus domi & quietus atq; humilis uidebatur, & in certamine publico robuſtum ſe ac intolerabilem hoſtibus exhibebat. Abſurdum non eſt, ut ij tres fortiſſimi Dauid & Eleazar & Sama, intelligantur trinitas, deus pater, & filius, & ſpiritus ſanctus, ad quorum æqualitatem cæteri fortiſſimi non peruenerunt. Item ipſe Dauid in prælio Philitiſtinorum cum ſitiens uerſaretur in bello, & aquā quæreretur, Quis mihi potum dabit, ait, de lacu qui eſt in Bethlehem: & ad portas erat iter cisternæ, & Dauid interfuſus hoſtibus, & media hoſtiliū cinxerat ſepta caſtrorum: præciderunt tres uiri multitudinem aduerſariorum, & hauſerunt aquam de lacu qui erat in Bethlehem, & obtulerunt regi bibēdam, ſed rex noluit bibere, ſed proſudit illam domino, dixitq; Non contingat mihi hoc facere, ut ſanguinem uirorum qui abierunt, exanimis bibam. Vicit ergo naturam, ut ſitiens nō biberet, & exemplum de ſe præbuit, quo omnis exercitus tolerare ſitim diſceret. Quod ſi alius uelis ſpectare & introſpicere myſterium, ſtiebat Dauid, non aquam, quæ eſt in Bethlehem, ſed oriundum in eadem Bethlehem ex uirgine Chriſtum in ſpiritu præuidebat. Ergo uolebat bibere, non aquam fluminis, ſed lauacrum ex latere Chriſti fluens: hoc eſt, non aquarum ſtiebat elementum, ſed ſanguinem Chriſti. Vnde etiam non bibit oblatam aquam, ſed domino ſudit, ſignificans ſe ſitire ſacrificiū, non naturæ fluentum, ſed illud ſacrificium in quo eſſet remiſſio peccatorū: illum ſitire fontem æternum, nō quiſi periculis quæreretur alienis, ſed pericula aliena deleteret. In hoc factō cogitandum ſummopere eſt, quantum ad mores hominum pertinet, ut qui ſe illicita meminere commiſiſſe, à quibuſdam etiam licitis ſtudeat abſtinere, quatenus per hoc conditori ſuo ſatisfaciat: ut qui commiſit prohibita, à ſemetipſo abſcindre debeat etiam cōceſſa, & ſe reprehendat in minimis, qui ſe meminit in maximis deliquiſſe. Lex certe ueteris teſtamenti alienam uxorem concupiſci prohibet, regi uero fortia iubere militibus uel aquam deſiderare non pœnaliter uetat. Et cuncti nouimus quod Dauid concupiſcentiæ muctone transfixus, alienam uxorem & concupiuit & abſtulit, cuius culpam digna uerbera ſunt ſequuta, & malum quod perpetravit, per pœnitentiæ lamenta correxit. Qui quum longe poſt contra hoſtium cuneos ſe daret, aquam bibere ex cisterna ex deſiderio uoluit, cuius electi milites inter cateruas aduerſantium medias

De ſiti Dauid
221

medias erumpentes, aquam quam desiderauerat illasi detulerunt. Sed uir do-
mini flagellis eruditus, semetipsum protinus cum periculo militum aquam se
desiderasse reprehēdit, eamq; domino fundens libauit, sicut hic scriptum est,
Libauit eam domino. In sacrificio quippe domini aqua effusa conuersa est,
quia culpam concupiscentiæ macstauit per pœnitentiam reprehensionis suæ.
Qui ergo quondam concupiscere alienam coniugem nequaquā timuit, post
ea etiam quia aquam concupisset, expauit. Qui enim se illicita perpetrasse me-
minerat, contra semetipsum iam rigidus etiam à licitis abstinebat. Ad hanc
aquam hauriendam irruerunt tres fortes, Abisai frater Ioab, & Banaia filius
Ioiaðæ. Ille Banaia percussit duos leones Moab, & ipse descendit & per-
cussit leonem in media cisterna diebus niui. Quomodo sit factum, Iosephus
narrat apertius: quia uidelicet cisterna fuerit nimium profunda, quæ tempore
hyemis cum essent omnia niuib. plena, ipsa quoq; nimio niuiū aggestu fuerit
coæquata: quā cum leo superueniens periculi nescius incidisset, ibidemq; con-
clusus grandi rugitu clamaret, accurrebāt homines uidere quid esset: & dum
cum alijs ad tale spectaculū adueniret Banaia, desiliuit statim in cisternam,
& aggestum medijs in niuib. percussit & interfecit leonem. Dehinc textitur
catalogus uirorum fortium in figura sanctorum, qui fortitudine uirtutum bo-
ni operis & scientia diuinæ trinitatis fulti, non tantummodo seipsos ab hosti-
bus malignis defendunt, uerum infirmos quoslibet protegunt. Peccat post
hæc Dauid populum numerando. Præcepit enim Dauid Ioab, ut perambu-
laret totum Israel, & afferret populi numerū. Et hoc ideo scriptura dicit, Quia
furor domini cepit irasci contra Israel. Quid in hoc facto aliud demonstra-
tur, nisi quia sic pro qualitatibus subditorum disponuntur acta regentium, ut
sæpe pro malo gregis etiam uiri boni delinquant in uita pastoris? Ille enim
deo attestante laudatus, iste supernorum mysteriorum conscius Dauid pro-
pheta, tumore repentinæ elationis inflatus populum numerando peccauit, &
tamen uindictam populus Dauid peccante suscepit. Cur hoc? Quia uidelicet
secundum meritū plebis, disponuntur corda rectorum. Iustus uero iudex pec-
cantis uitium ex ipsorum animaduersione corripuit, ex quorum causa pecca-
uit. Sed quia ipse sua scilicet uoluntate superbiens, à culpa alienus nō fuit: uin-
dictam culpæ etiam ipse suscepit. Nam ira sæuies quæ corporaliter populum
perculit, rectorem quoq; populi intimo cordis dolore prostrauit: certum uero
est, quod ita sibi inuicem & rectorum merita cōnectantur & plebeium, ut sæ-
pe ex culpa pastorum, deterior fiat uita plebeiu: & sæpe ex merito plebeium,
mutetur uita pastorum. Sed quia rectores habent iudicem suum, magna cau-
tela subditorum est, non temere uitam iudicare regētium. Neq; enim frustra
per semetipsum dominus æs nummulariorum effudit, & cathedras uenden-
tium columbas euertit: nimirum significans, quia per magistros quidem uita
iudicatur plebeium, sed per semetipsum facta examinat magistrorum: quam-
uis etiam subditorum uitia, quæ à magistris modo uel dissimulantur, uel iudi-
cari

De peccato
Dauid in po-
pulo numerā-
do XII

cari nequeunt, eius proculdubio iudicio referuantur. Igitur dum salua fide res agitur, uirtutis est meritum, si quicquid prioris est toleratur: debet tamen humiliter suggeri, si fortasse ualeat quod displicet emendari: sed curandum sum moperere est, ne in superbiâ transeat iustitiæ inordinata defensio: & dum rectitudo incaute diligitur, ipsa magistra rectitudinis humilitas amittat: nec cum sibi præesse quisq; despiciat, quem fortasse contingit ut in aliqua actione reprehendat. contra hunc tumore superbiæ, subditorum mens ad custodiam humilitatis edomatur, si infirmitas propria incessanter attēditur. Nam uires nostras ueraciter examinare negligimus, & quia de nobis fortia credimus, idcirco eos qui nobis prælati sunt, districte iudicamus. Quo enim nosmetipsos minus agnoscimus, eo illos quos reprehendere nitimur, plus uidemus. Singula hæc mala sunt, quæ sæpe a subditis in prælatos, sæpe a prælatis in subditos committuntur: quia & subditos omnes ij qui præfunt, minus quàm ipsi sunt sapientes arbitrantur: & rursum qui subiecti sunt, rectorum suorum actiones iudicant: & si ipsos regimen tenere contingeret, se potuisse agere melius putant. Vnde plerumq; fit ut & rectores minus prudenter ea quæ agenda sunt uideant, quia eorum oculos ipsa nebula elationis obscurat: & nonnunquam is qui subiectus est, hoc cum prælatus fuerit faciat, quod dudū fieri subiectus arguebat: & pro eo quod illa quæ iudicauerat perpetrat, saltem quia iudicauit erubescat. Igitur sicut prælatis curādum est, ne eorum corda æstimationis singularis sapientiæ locus superior extollat: ita subiectis prouidēdum est, ne sibi rectorum facta displiceant. Si autem magistrorum uira iure reprehenditur, oportet ut eos subditi, etiam cum disciplina uenerentur. Sed hoc est solerter intueudum, ne aut quem uenerari necesse est, imitari appetas: aut quem imitari despicias, uenerari contemnas. Subtilis etenim uia tenenda est,

uia rectitudinis & humilitatis, ut sic reprehensibilia magistrorum facta displiceant, quatenus subditorum mens a seruanda magistrorum reuerentia non recedat.

INDEX CAPITVM

LIBRI TERTII

| | |
|---|--------|
| D E SENECTVTE Dauid, & successione Salomonis atq; nomine eius | I |
| De uisione quam uidit in Gabaon, & sapientia ei collata, & iudicio duarum mulierum | II |
| De eo quod scriptum est, quod Salomon tria milia parabo- larum addidit, & fuerint carmina eius quinque milia, disputaueritq; à cedro usq; ad hyssopum | III |
| Quomodo Iram rex Salomonem in opere templi iuuerit | IIII |
| Quot operarios Salomon in opere templi habuerit | V |
| De quali lapide templum sit factum | VI |
| Quando uel ubi templum sit factum | VII |
| Cuius mensuræ sit factum | VIII |
| De fenestris & tabulis eius per girum | IX |
| De ascensu & factura medijs ac tertij tabernaculi | X |
| De laquearibus cedrinis | XI |
| De distincta mensura templi ipsius & oraculi | XII |
| Quod omnis domus sit cedro uestita & auro | XIII |
| Quod altare cedro & auro | XIIII |
| De factura Cherubin | XV |
| Quod parietes sculpti & pauimentum sit auro uestitum | XVI |
| De ingressu oraculi siue templi | XVII |
| De attrijs domus domini | XVIII |
| Quot annis sit templum ædificatum | XIX |
| De columnis æreis | XX |
| De mari æreo | XXI |
| De basibus decem & luteribus | XXII |
| Quod in regione Iordanis facta sunt uasa domus domini | XXIII |
| De altari utroq; | XXIIII |
| De mensis decem aureis domus domini | XXV |
| De decem candelabris | XXVI |
| De cardinibus ostiorum & perfectione domus domini | XXVII |
| Vbi uenerunt cuncti senes domus Israel ad regem Salomonem in Hierusa- lem, & tulerunt arcæ de Sion, & tulerunt sacerdotes arcam fœderis domi- ni in otaculo tēpli: & post hæc dicit, quod eminentes uestes, apparerentq; summitates eorum foris sanctuarij ante oraculum | XXVIII |
| Dicit etiam, quod non esset aliud in arca testamenti, nisi duæ tabulæ lapideæ quas posuerat in ea Moyse in Oreb, | XXIX |
| De nebula quæ apparuit in domo domini | XXX |
| De classe | |

| | |
|---|----------|
| De classe Salomonis atq; Hiram quæ ibant annis singulis in Ophir deferre aurum, simias, & pavos, & ligna thyina | XXXXI |
| De regina Saba | XXXXII |
| De throno Salomonis, & abundantia argenti & auri in Hierusalem. | XXXXIII |
| De casu Salomonis & fine malo eius | XXXXXIII |

FINIS

DIVI EVCHERII LVGDVNENSIS

EPISCOPI COMMENTARIORVM IN LIBROS

Regum, ad Veranium & Salonium fratres

episcopos, Liber Tertius.



SENVIT David, ungiturq; Salomon in regem super Israel in Gion, ut impleteretur in illo illa promissio quæ facta est ad David, Non tu ædificabis mihi domum, sed filius tuus qui egredietur de utero tuo. In quo quidē futuræ rei imago facta est, in eo quod templū ædificauit, & pacem habuit secundū nomen suum. Salomon quippe interpretatur pacificus, ac per hoc illud uocabulū illi uerissime congruit, per quem mediator ex inimicis, accepta remissione peccatorum, reconciliamur deo. Etenim cum inimici essemus, reconciliati sumus deo per mortem filij eius. Idem ipse est pacificus, ille qui sedit utraq; unum, & medium parietē soluens inimicitias in carne sua, legemq; mædatorum decretis euacuans, ut duos conderet in se unum nouū hominē, faciens pacem his qui longe, & pacem his qui prope. Ipse in euangelio dicit, Pacem meam do uobis, pacem relinquo uobis. His & alijs multis testimonijs, dominus Christus pacificus esse mōstratur. Nam id quod ædificauit templum excellentissimum domino, & ibi Christum significat, qui ædificauit domum deo in cœlestibus, nō de lignis & lapidibus, sed de omnibus sanctis, hoc est fidelibus, quibus dicit Apostolus, Templum dei sanctum est, quod estis uos. Tribus nominibus uocatum fuisse Salomonem scripturæ manifestissime docent: pacificum, id est Salomonē; & Ididam, id est dilectum domini; & Coēleth, id est Ecclesiasten. Ecclesiastes autē Græco sermone appellatur, qui cœtum, id est ecclesiā congregat, quem nos nuncupare possumus Concionatorem, qui loquitur ad populum, & sermo eius non specialiter ad unū, sed ad uniuersos generaliter dirigitur. Porro pacificus & dilectus domini, ab eo quod in regno eius pax fuerit, & eū dominus dilexerit, appellatus est. Nam & psalmus XLIII, & LXXI, dilecti & pacifici titulo prænotantur, qui tamen ad prophetiam Christi & ecclesiæ pertinentes, felicitatem & uires Salomonis excedant, tamen secundū historiam, super Salomonem conscripti sunt. Abijt itaq; Salomon in Gabaon, & immolauit ibi holocaustū domino, ubi apparuit ei dominus per noctem, & exaudiuit deprecationē quam pos-

De successio-
ne Salomonis
1

De sapientia
collata Salo-
moni & iudi-
cio eius II

stulauit, deditq; ei sapientiam & scientiam, in tantum ut nullus ante similis illi fuerit, nec post illum surrecturus sit.) Post acceptam autem diuinitu sapientiam, mox turpium mulierum de causa iudicio tentatur. Vbi notandum quod postq; dominus erroris nostri tenebras, lucis suae cognitione illustrat, mox tentationis aculeo uisitando probat: quia & accedendo corda nostra ad uirtutes prouehit, & recedendo concuti tentatione permittit. Si enim post uirtutu mura nulla tentatione concuteretur, hoc iam se habere animus ex seipso gloria retur. Vt ergo ea infirmitatis dona habeat, & infirmitate sua humiliter agnoscat, per accessum gratiae ad alta sustollitur, & per recessum quid ex seipso sit probatur. Quod bene nobis ex historia sacrae huius lectionis innotuit, quia Salomon & diuinitu accepisse sapientiam, & tamen post acceptam eandem sapientiam, metetricum statim pulsatus quaestione memoratur. Mox enim ut gratiam tanta reuelationis accepit, certam turpium mulierum pertulit: quia nimirum cum saepe mentem nostram concessis uirtutibus, respectus intimae claritatis illuminat, hanc protinus lubricae cogitationes turbant: ut quae subleuata immenso munere exultat, etiam tentatione pulsata quid sit inueniat. Sic Helias & uisitatus desuper sermone coelos aperuit, & tamen probatus subito infirmus per desertum fugiens nimium mulierem expauit: sic Paulus ad tertium coelum ducitur, paradisi penetrans secreta considerat: & tamen ad semetipsum rediens contra carnis bellum laborat, legem aliam in membris sustinet, cuius rei bello fatigati spiritus lege dolet. Et post dationem ergo muneris idcirco deus hominem probat, quia & collato munere subleuat, & abstracto paululum, ipsum sibi hominem monstrat. Quod cuiusque proculdubio patimur, donec de terra funditus & labe peccati ad promissae incorruptionis substantiam reformemur. In isto iudicio Salomonis, ubi primum habuisse iudicium inter duas mulieres describitur de pietate certantes, quarum in una dilectio ardebat, in altera simulatio subripiebat, Christi figura fuit: ubi improba plebs, scilicet synagoga, uel haereticorum, uerae matris, hoc est ecclesiae filium appetebat: quem non ut referuaret, sed reuera ut interimeret, cupiebat. Sed sicut gladio Salomonis dirimere, propriae matris gemitu iste uerus repertus est partus: ita & spiritu Iesu Christi docente, plerumque hi qui a matre seducti & capti sunt errore haereticorum, non nunc merentur pro semetipsis gementem recognoscere ecclesiam matrem. Unde satis conuenienter apparet, hanc mulierem haereticorum uel synagoga figurasse impietate: qui & suos nequiter nutriendo interimunt, & alienos quousque perdant illiciendo persuadent. Moraliter uero in hac sententia quid aliud per matres lactentium, nisi doctorum ordo: quid uero per eorum filios, nisi discipulorum persona signatur? Nam magistri nimirum uigilantes quidem scientia, sed uira dormientes, auditores suos quos per uigilias praedicationis nutriunt, dum quod dicunt facere negligunt, per somnum torporis occidunt: & negligendo opprimunt, quos alere uerborum lacte uidebantur. Unde plerumque dum ipsi reprehensibiliter uiuant, & habere discipulos uitae laudabilis nequeunt, alienos

sibi attrahere conantur: quatinus dum bonos se habere sequaces ostendunt apud iudicia hominum excusent mala quę agunt, & quasi subditorum uitam mortifera negligētia tegant. Vnde & illic mulier quę filiū extinxit proprium, quęsiuit alienum: sed tamen ueram matrem Salomon inuenit, quia uidelicet cuius fructus uiuar, uel cuius intreat, in extremo examine ira districti iudicis demonstrat. Vbi & illud solerter est intuendū, quod uiuens filius prius diuidi precipitur, ut soli postmodū matri reddatur: quia in hac uita quasi partiri conceditur uita discipuli, dum ex illa nonnunquā alter apud deum meritum, alter apud homines laudē habere permittitur. Sed falsa mater eum quem non genuit, occidi non metuit quia arrogātes magistri & charitatis ignari, si plenissimum nomen laudis ex alienis discipulis consequi nequeunt, eorum uitam crudeliter insequuntur. Inuidiæ enim face succēsi, nolunt alijs uiuere, quos se conspiciunt non posse possidere. Vnde & illic peruersa mulier clamat, Nec meus sit, nec istius. Vt enim diximus, quos sibi obsequi non uident, ad gloriam temporalem, eos alijs inuidēt uiuere per ueritatem. Vera autem mater fatagitur, ut eius filius saltem apud extraneā sit & uiuat, quia concedunt ueraces magistri discipulos, ut ex eorum discipulis alij quidem magisterij laudē habeant, si tamen integritatē uitę iidem discipuli non amittant, per quę pietatis uiscera uera mater agnoscitur: quia omne magisterium in examine charitatis approbatur, & sola totum recipere meruit, quę quasi totum concessit: quia fideles præpositi pro eo quod ex bonis discipulis suis, non solum alijs laudem non inuident, sed utilitatem eis etiam prouectius exorant, ipsi & integros & uiuentes filios recipiunt, quando in superno examine ex eorū uita perfectę retributionis gaudia consequuntur. Loquutus ē Salomon tria milia parabolas, & fuerunt carmina eius quinq; milia) Quid enim per tria milia parabolas, nisi plenitudo fidei in lege & euangelijs à Christo tradita designatur: Quę dum tota multipliciter per allegorię sensum sub mysterio trinitatis dissleritur, quasi tria milia parabolę nuncupantur. Carmina eius quinq; milia, pro quinq; sensibus corporis intelligūtur, quos qui in diuersis uirtutibus bene egerit beatus est, & per eos quasi quinq; milia carmina domino canit. Disputauit autem Salomō à cedro usq; ad hyssopum) Cedri nomine, celsitudo gratiæ in electis accipitur, sicut & propheta testatur, dicens, Iustus ut palma florebit, & sicut c, quę est in l.m. Hyssopus autem herba est humilis saxo hærens, qua signatur humilitas Christi. Redemptor quippe noster à cedro usq; ad hyssopum disputauit, quia ab alta excellentia glorię cœli usq; ad carnis humilitatē descendendo peruenit. Siquidē & cedri nomine prauorū superba elatio designatur, sicut per David dicitur, Vox domini cōfringentis cedros. A cedro itaq; Christus usq; ad hyssopum disputat, quia ipse prauorum corda & humilium iudicat. Super ligna autem disputauit, dum in cruce pepēdit. Tunc enim in cedro seculi arrogāciam inclinauit, quam etiam ad hyssopi humilitatem, id est usq; ad crucis stultitiā ac contemptibilē fidem deduxit. Sequitur dehinc historia

De parabolis,
carminibus,
& disputatio
nibus Salomo
nis III

Quomodo Hi-
ram Salomo-
nem in opere
templi iuuit.
III

quādo Salomon ædificaturus domum dñi quæſierit auxilium ab Hiram re-
ge Tyri, qui erat amicus David omni tēpore, & cum ipſo Salomone, poſtq̃
regno poſitus eſt, pacē habere iam cœperat, promptumq̃ mox ad adiuvan-
dum ſe omnibus eius inuenerit animum, ita ut artiſces illi & ligna & aurum,
prout opus habebat, dederit, cuius beneficij gratia Salomon ei per annos ſin-
gulos plurimos tritici & hordei choros, in cibum domui eius dabat. Nulli au-
tem dubium quod Salomon qui interpretatur pacificus, & ipſo nomine & ſe-
reniſſimo regni ſui ſtatu, illum ſignificet de quo Eſaias dixit, Multiplicabitur
eius imperiū, & pacis non erit ſinis. Hiram uero qui Latine dicitur uiuens ex-
celſe, credentes ex gentibus & uita ſimul cum fide glorioſo ſiguraliter expri-
mit. Neq̃ aliquid prohiber, quin Hiram, quia rex erat regaliq̃ potētia Salo-
monem in ædificio domus domini iuuabat, conuerſos ad fidem ipſos rerum
dominos typice denuntiet, quorum ope conſtat eccleſiam ſæpius adiutam ac
nobiliter augmentatā, & eius hæreticos, ſchiſmaticos & paganos, principalib;
erectos eſſe decretis. Petit ergo Salomon in opere templi auxiliū ab Hiram;
quia cum ueniens in carne dominus dilectam ſibi domum uidelicet eccleſiam
ædificare diſponeret, non de Iudeis tantūmodo, uerum etiam de gentib; adiu-
tores operis elegit. Nā de utroq̃ populo miniſtros ſermonis aſſumpſit. Mi-
ſit Hiram Salomoni præciſa de Libano ligna cedrina & abiegna, quæ in do-
mum dñi ponerentur: quia conuerſa gentilitas miſit ad dñm uiros quondam
ad ſeculum claros, ſed ſecuri dominicæ increpationis de monte ſuæ ſuperbiæ
iam deiectos & humiliatos, qui ad normā euāgelicę ueritatis inſtituti, in ædifi-
cio eccleſiæ pro ſuo quicq̃ merito & tēpore collocarent. Miſit etiā artiſces, quia
conuerſos ad uerā ſapientiā philoſophos, qui gratia eruditionis populis quoq̃
regendis iure præponerētur, dño gentilitas obtulit: qualis ipſis apoſtolorum
temporib; Dionyſius Anopagita, qualis deinceps doctor ſuauiſſimus & for-
tiſſimus martyr Cyprianus, aliq̃q̃ plurimi. Miſit & aurū quod in eadē ſigni-
ficatione accipitur, quia nimirū uiros ſapientia & ingenio præclaros oſtendit:
pro quib; oblationib; cunctis gentilitas à dño dona expectat gratiæ cœleſtis,
tritici uidelicet uerbi dei, & oleum charitatis & unctiōis atq̃ illuminationis
ſpiritus ſancti. Conuenit apte reb; eccleſiæ, quod auxilium operis ſancti flagi-
tans, ait ad Hiram Salomon, Præcipe igitur ut præcidār mihi cedros de Li-
bano, & ſerui mei ſint cum ſeruis tuis) Serui quippe Hiram qui præcidebāt ce-
dros Salomoni de Libano, doctores ſunt electi de gentib; quorum officiū eſt,
eos qui in hoc mundo rebus & gloria letabātur, à ſuperbiæ ſaſtu corrigendo
ſtemere, atq̃ ad hoc ſecundū ſui redemptoris eorū uora transferre, cum quib;
uidelicet ſeruis erant & ſerui Salomonis, ac pariter memorato inſtabāt operis
quia primi doctores ex gentib; neceſſe habebāt ipſorū apoſtolorū, qui à dño
didicerunt, eruditione in uerbo fidei inſtitui, ne ſi abſq̃ magiſtris docere inci-
perent, magiſtri exiſtente erroris. Idcirco etenim Salomon ſeruos Hiræ cæde-
re ſibi uoluit ligna de Libano, quia doctiores erāt ſeruis ſuis ad cædendū: ſed
idcirco

Idcirco etiā seruos suos simul adesse uoluit, ut ostēderent cædentib. cuius men-
suræ ligna fieri debetēt. Cuius rei figura in promptu est, quia nimirū apostoli
certius uerbū euāgelij qui a dño audire nouerūt, sed gētiles ab errore cōuersi
atq; ad ueritatē euāgelij transformati, melius ipsos gentiū errores nouerāt: &
quo certius nouerūt, eo artificiosius hos expugnare atq; euacuare didicerunt.
Paulus qd6 sacramētū euāgelij quod per reuelationē didicerat melius nouit,
sed Dionysius melius reuincere poterat falsa ethnicorū dogmata, quorū cum
errorib. syllogismos à puero & argumēta cuncta nouerat. Cui sensui cōuenit
apte quod sequit̃. Scis enim q; non est in populo meo uir, qui nouerit ligna
cædere, sicut Sidonij.) Nō enim erat in populo Iudæorū ubi dñs corporaliter
præsens docebat, ullus uiroꝝ qui tam doctē nosset refellere errores gētilium,
q̃ ipsi ad fidem conuersi gentiles, & ex gentib. facti Christiani, Sidonij nāq;
& Tyrij, quia gentiliū fuerunt populi, merito in figura gentiū accipiunt. Quod
autem seruos suos Salomon noster in hoc opus miserit, in sequentib. mystico
sermone designat, cum dicitur, Elegitq; Salomon operarios de omni Israhel,
& erat in dictio xxx milia uiroꝝ, mittebatq; eos in Libanū x milia per men-
ses singulos uicissim, ita ut duob. mensib. essent in domib. suis) Vbi primo no-
tandum q; nō frustra Salomon operarios de omni Israhel elegit, neq; erat ulla
portio populi, de qua nō digni tanto opere uiri assumerētur: quia nimirū non
nunc de una stirpe Aaron sacerdotes eligendi, sed de omni sunt ecclesia quæ
rendi, qui ædificare domum dñi uel exemplo suo uel dicto sufficiant, & ubi
cunq; inuenti fuerint mox in officium doctorum absq; ulla personarum acce-
ptione promouendi: taleq; cum ad erudiendos infideles atq; in collegium ec-
clesiæ uocandos ordinantur, quasi ad cædendas in Libano materias tēpli uiri
strenui atq; electi mittuntur. Equidem numerus xxx milia, quo ijdem ligni
cæsores censebantur, potest ad eorum figuram apte referri, qui in fide sanctæ
trinitatis sunt perfecti, quod doctorib. maxime congruit. Verū quia xxx ita
erant ordinata, ut dena milia per menses singulos operi suo instarent, magis
denarij numeri sacramentum perpendere debemus. Dena namq; milia uiroꝝ
rum de Israhel ad cædenda ligna in opus domus domini mittuntur: quia qui-
cunq; doctores atq; insipientium eruditores sunt ordinandi, decem præcepta
legis, & ipsi per omnia obseruare, & auditoribus suis debent obseruanda mon-
strare, sed & præmia in caelis futura quæ denario solent figurari, & ipsi spera-
re, & auditorib. suis speranda semper intimare. Terni autem menses, quorum
distantia singulis erat lignorum cæsoꝝbus imposita, perfectionē trium uirtu-
tum euangelicarū typice denūtiāt, elemosynæ uidelicet, orationis, & ieiunij.
Cum enim dixisset dominus in euāgelio, Attēdite ne iustitiā uestram facia-
tis coram hominib. ut uideamini ab eis: in prosecutione eiusdē sententiæ non
aliud q̃ elemosynæ, orationis, & ieiunij, fecit mentionem, quæ non ad homi-
num ostētationem, sed ad solam interni inspectoris essent gloriā facienda,
alioquin à fructu æternitatis uacua manerent. Quib. uerbis aperte docuit, om-

nes uirtutū fructus his tribus quasi ramis de una charitatis radice procedētib.
 insinuari. Per eleemosynā namq; comprehenduntur omnia quæ ad dilectio-
 nem proximi explemus beniuole in fratres operantes, per orationem omnia
 quib. per internā compunctionē nostro conditori coniungimur, per ieiunium
 omnia quib. nos à contagione uitiorū & illecebris seculi obseruamus, ut libera
 mente & corpore casto dilectioni ualeamus inhaerere, & nostri conditoris &
 proximi. Et isti sunt tres mēses operariorū templi. Nam quia mēsis plenitū-
 dine dierū lunaris circuli perficitur, per illū plenitudo uirtutis cuiusq; spiritalis
 ostenditur, in qua mens fidelīū à domino quotidiana illustratione quasi luna
 à sole respicitur. Vnus uero mēsis quo ligna ad opus templi cædebātur, elee-
 mosyna est, id est opera misericordiæ, quæ erga salutē proximi & in unitatem
 sanctæ ecclesiæ bene proficiēdo proueniant, docendo, castigādo, tēporalia bo-
 na impendēdo, uitæ exempla monstrando. Duo tamen reliqui menses, quib.
 in domib. suis manere, ac suis sunt necessitatib. uacare permīssi, oratio est & ie-
 iunium, quib. præter ea quæ erga necessitatē fratrum foris operamur, nostræ sa-
 lutis propriæ curam intus cōuersa ad dominū mente gerimus. & quoniam illi
 solum perfecte uel suæ uel fraternæ salutis curā gerunt, qui se in tuitione diuī-
 næ gratiæ humiliter subdūt, recte sequit̃. Et Adonirā erat super huiusmodi
 indictione) Adoniram, qui Latine dicitur dñs meus excelsus, quem melius t̃p̃
 ipsum nomine insinuat dominū saluatore: Et tunc Adonirā operarijs templi
 præponit, ut sua p̃uisione rite ordinet, quib. mētib. singuli ad operandū ex-
 eant, quib. denuo ad curandā domum suam redeāt, cum dominus & saluator
 noster mentes sanctorū prædicatorū sua familiaris illustratione informat ad
 discernendū, quando oporteat ædificādi ecclesiā opus inire prædicādo, uel alia
 pietatis officia præstādo, & quando rursus cōueniat ad suā ipsorū conscien-
 tiam examinandā, quasi ad inspiciendā domū suam reuerti, & hāc orationib.
 ac ieiunijs superno inspectore ac uisitatore dignā reddere. Fuerunt itaq; Sa-
 lomoni LXX milia eorum qui onera portabāt, & LXXX milia latomorum in
 monte, absq; prepositis qui præerant singulis operib. numero triū miliū CCC
 præcipientiū populo, & his qui faciebāt opus) Latomos dicit lapidū cæfores.
 Idem autē lapidum cæfores, quod & lignorum figurate designant, hoc est san-
 ctos prædicatores, qui mentes insipientiū de labore uerbi dei exercent, & eas
 ab ea qua inquinati sunt turpitudine ac deformitate trāsmutare cōtendant, ac
 regulariter institutos unitati fidelīū, ædificio uidelicet domus dei aptos redde-
 re curant. Quod autem & ligna & lapides in monte cædunt, & cæsa ac præpa-
 rata utraq; materia ad montē domus dñi transfert̃, patet sensus q; omnes ho-
 mines in monte superbiæ nati sumus, quia de præuicatione primi hominis
 quam superbia fecit, originē carnis traximus. Quicunq; autē gratia dei præor-
 dinati ad uitā excidimur, catechizando & sacramēta fidei percipiēdo, de mōte
 superbiæ ad montē domus dñi transferimur, qui eruti de potestate tenebrarū
 ad arcem uirtutū, quæ est in unitate sanctæ ecclesiæ peruenimus. Notandum
 autem

De numero
 operariorum
 templi v

autem quod iſdem operarij ita erāt diſtributi, ut pars in monte lapides cæderet, pars item onera portaret. Diuerſa namq; ſunt dona ſpiritus, & quidā maiorem dicendi ac proteruos arguendi conſtantiā habent, quidam mitiores ad conſolandos puſillanimes & infirmos ſubleuandos exiſtunt, quidam utriuſq; uirtutis munere præditi ad opus domus domini conueniunt, quales fieri uoluit eos quibus loquitur Apoſtolus, dicens, Corripite inquietos, conſolamini puſillanimes, ſuſcipite infirmos, patientes eſtote ad omnes. Præpoſiti autem qui præerant ſingulis operibus, ipſi ſunt conditores ſacræ ſcripturæ, quorum magiſterio in omnibus erudimur, quomodo in ſciis docere & contemptores corripere, quomodo nos inuicem onera noſtra portare, ut impleamus legem Chriſti, conueniat. Quanto autem quiſq; plus in ſuſtentandis proximorū neceſſitatibus, ſive in caſtigandis eorum erratibus laborat: tanto certiora in futuro præmia, uel quietis animarum poſt mortem, uel beatæ corporū immortalitatis expectat. Vnde recte præfati operarij LXX milia & LXXX milia eſſe perhibentur: LXX uidelicet propter ſabbatum animarum, ſeptimus enim dies in ſabbatum, id eſt requiem conſecratus eſt: LXXX, propter ſpem reſurrectionis quæ octaua die, id eſt poſt ſabbatum in domino præceſſit, & in nobis quoq; octaua die ſimul & ætate octaua, futura ſperatur. Præpoſiti autem erant tria milia trecenti, propter fidem nimirū ſanctæ trinitatis, quam ſancta nobis eloquia prædicant. Quod uero pro tribus milib. trecentis præpoſitis, in libro Paralipomenon tria milia ſexcenti ſunt ſcripti, ad eandem proſus ſublimiū uiro- rum perfectionem reſpicit. Nam quia in ſenario numero dominus mundi or- natum compleuit, recte in eo perfecta bonorum opera ſolent figurari. Et quia ſancta ſcriptura cum fide ueritatis & iuſtiæ opera docet habēda, recte præpoſiti operum templi tria milia & ſexcenti fuiſſe perhibentur. Nec prætereun- dum quod hæc LXX & LXXX milia portantium onera & latomorū cum præpoſitis ſuis nō fuerunt de Iſrael, ſed de proſelytis, id eſt aduenis, qui moraban- tur inter eos. Scriptum namq; eſt in libro Paralipomenon: Numerauit igitur Salomon omnes uiros proſelytos qui erant in terra Iſrael, poſt dinumeratio- nem quam dinumerauit Dauid pater eius, & inuenti ſunt CL milia, & tria mi- lia ſexcenti, fecitq; eos LXX milia qui onera portarent: & cætera. Proſelyti autē uocabantur Græce, qui ex alijs nationibus progeniti, in fidem & conſortium populi dei, accepta circūciſione tranſierunt. Fuerunt itaq; operarij domus do- mini de filijs Iſrael, fuerūt de proſelytis, fuerūt de gentibus. De filijs uidelicet Iſrael xxx milia, qui ad præcidendas de Libano cedros miſſi ſunt: de proſe- lytis, iſti de quibus loquuti ſumus, lapidum cæſores: de gentibus, ipſe Hiram & ſerui eius, qui cum ſeruis Salomonis ligna cædebāt de Libano. Omne igitur hominum genus per quos ædificanda erat eccleſia, in ædificatione templi præceſſit. Iudæi namq; proſelyti & gentiles cōuerſi ad ueritatē euangelij, unam eandemq; Chriſti eccleſiā, ſive recte uiuendo, ſive etiam docēdo conſtruunt.

Præcepitq; rex, ut tollerent lapides grandes preciosos in fundamentū tem- pli, &

De lapidibus
templi VI

pli, & quadrarent eos.) Fundamentum templi nullum est aliud intelligendum mystice, cū illud quod ostendit Paulus, dicens, Fundamentum enim aliud nemo potest ponere, præter id quod positum est, Christus Iesus. Qui propterea recte fundamentum domus domini potest uocari, quia sicut ait Petrus, Non est aliud sub cælo datum hominibus nomen, in quo oporteat nos saluos fieri. In quod fundamentum lapides grandes & preciosi ponuntur, cum præcipui factis ac sanctitate uiri familiari mētis sanctitate suo adherent cōditori, ut quo firmius in illo spem suam ponunt, eo fortius aliorum uitam dirigere, quod est altitudinē portare sufficiant. Lapidēs ergo qui in fundamentum templi ad portandum ædificium omne ponebātur, propriæ sunt prophetæ & apostoli, qui uerbum & sacramenta ueritatis siue uisibiliter siue inuisibiliter ab ipsa dei sapientia perceperunt. Vnde & nobis qui eorum uitam siue doctrinā studemus pro nostro modulo imitari, fundatos dicit Apostolus super fundamentum apostolorum & prophetarū. Sed & generaliter perfecti quicquid fideliter ipsi domino adherere, & impositas sibi fratrum necessitates fortiter ferre didicerunt, hi possunt lapidibus gradibus ac preciosis indicari. Qui bene lapides primo quadrati, ac sic in fundamento poni iubentur. Quadratum namque omne quo cuncta uertitur, fixum stare consuevit. Cui nimirum figuræ corda assimilantur doctorū, quæ ita in fidei firmitate consistere didicerunt, ut nulla occurrentium rerum aduersitate, nec ipsa etiā sua morte à sui status rectitudine possint inclinari, quales uidelicet doctores ecclesiæ nō solum de Iudæa, uerum etiam de gentibus perplures suscepit. Vnde bene de lapidibus huiusmodi grandibus preciosis & quadratis subditur, Quos dolauerunt cæmentarij Salomonis & cæmentarij Hiram. Dolantur namque lapides preciosi, cum electi quicquid præcedentium sanctorum instructione & instantia, quicquid in se habent noxium & inane relinquunt, atque ante conspectum sui conditoris, solam insitæ iustitiæ regulam, quasi stabilem quadraturæ formā ostendunt. Dolauerunt autem lapides non solum cæmentarij Salomonis, sed etiā cæmentarij Hirā: quia ex utroque populo fuerunt doctores sanctæ ecclesiæ, immo tam sublimes ex utroque dei populo fuerunt nonnulli, qui ipsorum quoque doctorum sublimiū iure doctores existerent, & quasi quadrantos eos ad subleuandū domus domini ædificium pararent. Neque enim soli Hieremias & Esaias, & cæteri ex circūcisione prophetæ, uerum etiā beatus Iob cum filijs suis, qui erāt ex gentib. maximā uitæ suæ patientiæ formā, maxima doctrinæ salutaris præconia sequētis æui doctoribus ministrarūt, quo abiectis uerbis, actibus, cogitationibus, superuacuis, ad portandū onus sanctæ ecclesiæ digni & apti inuenti sunt. Porro Byblii præparauerunt ligna & lapides ad ædificandū domū dñi. Byblus est ciuitas in Syria Phœnicis, à qua Byblii sunt uocati, cuius meminit Ezechiel, dicēs, Sapiētes tui Tyrii facti sunt gubernatores tui, senes Bybli & prudētes eius. Pro quo in Hebræo continet Gobel, siue Gebal, qui interpretat definit siue determinans. Quod uocabulum conuenit eis, qui corda hominū ad ædificiū spiritale, quod ex uirtutibus

tutibus animæ conſtruitur, parant. Sic enim ſolū ſuos auditores fidem & opera iuſtitie docere ſufficiunt, dū ipſi prius ſacris paginis edocti, diligenter quæ ſit fides tenenda, quo uirtutum calle inceden dū, certa diffinitione ueritatis didicerunt. Nam fruſtra ſibi officium doctoris uſurpat, qui diſſertionē fidei catholicæ ignorat. Neq; ſanctuariū domino, ſed ruinam ſibi ædificant, qui docere alios regulam quam ipſi non didicerunt conantur. In ædificanda domo domini, primo ſunt ligna & lapides de monte cædendi: quia eos quos in fide ueritatis inſtruere quærimus, primo neceſſe eſt ut renūtiare diabolo, ac de ſorte primæ præuicationis in qua nati ſunt, doceamus renaſcēdo etui. Deinde quærendi ſunt lapides precioſi & grandes, atq; in fundamentum templi ponendi, ut meminerimus abdicata conuerſatione priori, eorum uitam in omnibus moresq; inſpicere, eosq; noſtris auditoribus imitandos proponere, quos per uirtutē humilitatis ſpiritualiter domino adherere nouerimus: quos inuincibili mentis ſtabilitate, quaſi quadratos quodammodo atq; ad omnes tentationū incurſus immobiles perdurare conſpicimus, quos precioſos & grandes merito hac fama comperimus. Poſt fundamentum uero talibus ac tantis lapidibus compoſitum ædificanda eſt domus, præparatis diligēt lignis ac lapidibus, ac decēti ordine collocatis, quæ olim de priſco ſuo ſtatu uel radice fuerant abſtracta: quia poſt prima fidei rudimēta collocata in nobis iuxta exemplum ſublimium uiuorum humilitate, addēdus eſt in altum paries bonorum quaſi ſuperimpoſitis ſibi inuicem ordinibus lapidum, ambulando ac proficiendo de uirtute in uirtutem. Vel certe lapides fundamenti grandes, precioſi, quadrati, primi ſunt (ut ſupra diximus) eccleſiarum magiſtri, qui ab ipſo domino uerbum audierunt ſalutis. Superpoſiti autem ordines lapidū uel lignorum, ſequētes ſuo quoſq; tempore designant ſacerdotes ac doctores, quorum uel prædicatione ac miniſterio fabrica creſcit eccleſiæ, uel ordinatur uirtutibus. Quales autem colore fuerint lapides, quib. factum eſt templū, in libro Paralipomenon aperte declaratū eſt, dicente Dauid ad Salomonem cum ei imperiſſas templi quas præparauerat oſtenderet: Omnem precioſum lapidē & marmor Parium abundantiffime præparauī. Marmor aut Parium, marmor candidum dicitur, quale eadem inſula gignere conſueuit. Vnde poeta de illa, Olearon, niueamq; Paron, ſparſaq; per æquor Cycladas, & crebris legimus freta concita uentis. Niuea ergo Paros dicitur, eo quod candidiſſimi generis marmor mittat. Eſt autem una de Cycladibus inſula, quo uidelicet lapide templū fuiſſe factum, Iosephus inſinuat, dicēs, Eleuauit itaq; templum uſq; ad cameram, ex lapide conſtructum albo. Altitudo fuit uiginti cubitorū, & cētum. Nec myſterij ſenſus in abdito eſt. Cuius enim patet, quia marmor candidū ex quo domus domini conſtructa eſt mundam electorum actionem, ſimul & conſcientiam ab omni nauo corruptionis caſtigatam designat, quales uoluit eſſe ſapiens ille architectus, eos quos ſuper fundamentum Chriſti locabat lapides precioſos, auro argenteoq; redimitos.

Chav

*Quando uel
ubi templum
sit factū VII*

Charissimī, inquit, mundemus nos ab omni inquinamento carnis & spiritus, perficientes sanctificationem in timore dei. Factum est igitur quadringentesimo & octogesimo anno egressionis filiorum Israel de terra Ægypti, in anno quarto, mense Zio, ipse est mensis secundus, regis Salomonis super Israel, & ædificare cœpit domum domino. Domus domini quam ædificauit rex Salomon in Hierusalem, in figura facta est sanctæ uniuersalis ecclesiæ, quæ à primo electo usq; ad ultimum, qui in fine mundi nasciturus est, quotidie per gratiam regis pacifici sui, uidelicet redemptoris ædificatur: quæ partim adhuc peregrinatur ab illo in terris, partim euasis peregrinandi erūnis, cum illo iam regnat in cœlis, ubi peractō ultimo iudicio tota est regnatura cum illo. Ad hanc domum pertinent electi angeli, quorum nobis similitudo in futura uita promittitur, dicente domino, Illi autem qui digni habentur seculo illo & resurrectione ex mortuis, neq; nubunt, neq; ducunt uxores. Neq; enim ultra mori poterunt, æquales enim angelis sunt, & filij sunt dei, & filij resurrectionis. Ad hanc pertinet ipse mediator dei & hominum, homo Christus Iesus, ipso attestante cum ait, Soluite templū hoc, & in tribus diebus excitabo illud. Quod exponens euangelista subiunxit, Hoc autem dicebat de templo corporis sui. Dicit autem Apostolus de nobis, Nescitis quia templum dei estis, & spiritus dei habitat in uobis? Si ergo ille templum dei per assumptam humanitatem factus est, & nos templum eius per inhabitatē eius spiritum efficimur: constat utiq; quia figuram omnium nostrum, & ipsius domini uidelicet, & membrorum eius, quæ nos sumus, templum illud materiale tenuit: sed ipsius tanquam lapidis angularis singulariter electi & preciosi in fundamento fundati: nostri autem tanquam lapidum uiuorum superædificatorum super fundamentum apostolorum & prophetarū, hoc est super ipsum dominum. Quod melius cōsiderata ex ordine ipsius templi ædificatione patebit, ut in quibusdam uidelicet figura ad ipsum dominum, in quibusdā uero ad omnes electos pertineat: in quibusdam intemeratam in cœlis angelorum felicitatem, in quibusdam inuictam in terris hominum patientiam describat: in quibusdam collata hominibus angelorum auxilia, in quibusdam remunerata cum angelis hominum certamina demonstret. Designat eādem domum domini spiritalem, etiam tabernaculum quondam factum in cremo per Moysen. Verum quia illa domus in itinere quo ad terrā repromissionis ueniebatur, hæc autem ædificabatur in ipsa terra repromissionis, & in ciuitate Hierusalem: illud ut de loco ad locum crebro Leuitarum ministerio portatum, tandem in terram repromissæ hæreditatis induceretur, hæc ut mox in patria ipsa & in ciuitate regia constructa, inuiolabili semper fundamento consisteret, donec inditum sibi figurarum cœlestium munus imple-ret: potest in illa præsentis ecclesiæ labor & exilium, in hac futura quies & beatitudo figurari. Vel certe quia illa à solis filiis Israel, hæc autē à profelytis etiam & gentibus facta est, possunt in illa principaliter patres ueteris testamenti, & antiquus ille dei populus: in hac autē con-

gregata

gregata de gentibus ecclesia figuratiter exprimi: quamvis ædificium utriusque domus enucleatius spirituali sensu discursum, & labores præsentis ecclesiæ quotidianos, & præmia in futuro perennia, gaudiaque regni cælestis, & electionem primæ de Israel ecclesiæ, & salutem omnium gentium in Christo, multis modis ostendatur insinuare in figuris. Quod autem dicit in anno quarto, mense Zio, ipse est mensis secundus regis Salomonis super Israel, ordo sensus est: In anno quarto regis Salomonis, mense Zio, ipse est mensis secundus: mensē autem secundum maium dicit. Nam Aprilis quo pascha celebratur principium, apud Hebræos primus erat in mensibus anni. Ex quo manifeste claret, quia mox peracto pascha, cœpit ædificare domum domino, & consecratus mystica solennitate populus, manus ad mysticū opus misit. Fit autem commemoratio egressionis de Aegypto, quando tabernaculū ædificari cœptum est, ut admonetur lector, quot annorum tempus inter ædificationem utriusque domus transierit, & huius quoque summæ temporis sacramentum spirituale cognoscat. Quater namque centeni & uiceni quadringentos & octoginta faciunt: quatuor autem euangelicæ perfectioni apte conueniunt propter ipsum Euangelistarum numerū: CXX, doctrinæ legali propter annos totidem legislatoris: in quo etiam numero uirorum gratiam spiritus sancti primæ uel suscepit ecclesia, patenter ostendens, quia qui lege legitime utuntur, id est, qui Christi in ea gratiam cognoscentes amplectuntur, iure spiritus eius gratia replentur, quia in charitate eius amplius ignescunt. Diximus autem per tabernaculum quod fecit Moyses & filij Israel in deserto synagogam, per templum uero quod Salomon & filij Israel cum profetorum & gentium auxilio construxit, ecclesiam gentium posse designari. Permanens autē cultus & religio tabernaculi, annos CCCC & LXXX, ac sic templum ædificari incipit: quia scriptura ueteris testamenti tanta perfectione redundat, ut si quis eam bene intellexerit, cuncta in se noui testamenti mysteria contineat: patres quoque ueteris testamenti tanta perfectione arcem perfectionis tenuerūt, ut in nullo apostolis uirisque apostolicis putandi sint esse minores. Permanebat tabernaculum usque ad constructionem templi in populo dei per annos CCCC, & LXXX, id est CXX per quatuor multiplicatos: quia ex tempore datæ legis usque ad incarnationem dominicam, & tempus reuelatæ gratiæ, non defuerunt uiri qui in lege constituti euangelicam per omnia perfectionem mente & opere seruarent: non defuit scriptura quæ gratiam noui testamenti, in ueteri prophetis intimaret eloquijs. Quod autem quarto anno regis Salomonis ædificari cœpta est domus domini, potest eò referri mystice, quod post expletam dispensationem dominicæ incarnationis, quæ in quatuor euangelij libris scripta est, misso de cælis spiritu sancto ecclesiæ structura cœperit: & quod mense secundo cœpta est, potest ad electionem gentium referri, quæ secundo loco post Israel ædificationem in se suscepit creatoris. Vnde & secundus mensis in lege con-

cessus est ad faciendum pascha, his qui immundi super anima uel in uia procul positi, ad faciendū in primo mense pascha occurrere nequirent. Vbi nos apertissime designati sumus, qui immūdi super morte animæ nostræ, & procul adhuc positi à populo dei, nō potuimus primum pascha facere, quod in carne agni & sanguine fiebat. Celebramus autē hoc pascha secundū, quod in corpore & sanguine redemptoris nostri, à quo quæsitī sumus & mundati, actum est. In quo autem loco templum sit ædificatum manifestius in libro Paralipomenon ostenditur, ubi scriptum est, Et cepit Salomon ædificare domum domini in Hierusalem in monte Moria, qui demonstratus fuerat Dauid patri eius, in loco quē parauerat Dauid in area Ornā lebusei. Aedificatur ergo domus domini in uisione pacis, quia dilatata per orbem ecclesiā in una eademq; fide & ueritatis catholicæ societate consistit. Nam in scissura mentiū deus non est, sed factus est in pace locus eius, & habitatio eius in Sion. Aedificatur in monte, uidelicet in ipso domino saluatore, de quo Isaias ait. Et erit in nouissimis diebus præparatus mons domus domini in uertice montium. Et ipse de se in euangelio. Non potest, inquit, ciuitas abscondi super montem posita. Ipse enim est mons montiū, qui de terra quidem per originem carnis assumptæ ortus est, sed omnium tetrigenarum potentiā ac sanctitatē singularis culmine dignitatis transcendit. In quo nimirum monte ciuitas siue domus domini constructa est, quia si non in illo radicem figat, spes & fides nostra, nulla est. Qui recte mons Moria uocatur, id est, uisionis, quia electos suos quos ad æternam suæ claritatis uisionem cōseruat, in hac interim uita laborantes uidere & adiuuare dignatur. Ipse est enim locus, in quo obtulit Abraham Isaac filium suum domino, ac deuotione obedienciæ uideri ab illo meruit. Vnde & nomen accepit, de quo dominus ait. Tolle filium tuum unigenitum, quem diligis Isaac, & uade in terram uisionis, atq; offer eum in holocaustum. Pro terra uisionis, in Hebræo terrā Moria habet. Et quia immolatio Isaac typus dominicæ passionis extitit, recte in loco eiusdem immolationis templum ædificatur, quia per fidem & mysterium dominicæ passionis ecclesiā dedicata, crescit in templum sanctū in domino. De quo monte bene subditur, Qui demonstratus fuerat Dauid patri eius. Ostensus namq; fuerat Dauid, sicut & cæteris prophetis uenturus in carne dominus, qui uocatam de gentibus ecclesiam, per sacramenta eiusdem suæ incarnationis ablueret à peccatis, atq; in domum sibi fidem dilectamq; consecraret. Bene autem additur, in loco quem parauerat Dauid. Parauerat namq; Dauid pfallendo, parauerunt alij prophete uaticinando locum domino, uero utiq; Salomoni, in quo domum ædificaret, quia corda auditorum suorum fide ueritatis instituerunt, sedulo admonentes, ut uenientem in carne dei filium fideli ac deuota mente susciperēt. Hinc & enim dominus de paratis ad credendum sibi populis, ait discipulis, Leuate oculos uestros, & uidete regiones, quia albæ sunt iam ad messem: & qui metit mercedem

redem accipit, & congregat fructum in uitam æternā, ut qui seminat simul gaudeat, & qui metit. Quali alijs uerbis de ædificatione templi diceret. Leuate oculos uestros, & uidete locum, quia paratus est iam ad ædificandum domum domini, & qui ædificat, docendo mercedem accipit, & congregat lapides preciosos in uitam æternam: ut & qui parat locum ædificio simul gaudeat, & qui ædificat, id est, propheta prædicans uenturum, & Apostolus uenientem prædicans dominum, una simul in illo mercede potiantur. Bene autem idem locus in area erat Ornan Iebusei, quia ecclesia uocabulo areæ solet designari, dicente Ioanne de domino, cuius uentilabrum in manu sua, & per mundabit aream suam. Ornan qui interpretatur illuminatus, & erat natione Iebuseus, natione quidem gentiles significat, nomine autem eisdem illustrandos à domino atq; in filios ecclesiæ cōmutandos ostendit, quibus merito dicat Apostolus. Fuiſtis aliquando tenebræ: nunc autem lux in domino. Iebus eadem est ciuitas, quæ & Hierusalem. Et Iebus quidē dicitur conculcata. Hierusalem autem uisio pacis. In qua quamdiu Ornan gentilis regnabat, Iebus dicta est: cum uero in ea Dauid locum holocausti emeret, & cum Salomon in ea templum domino ædificaret, non iam Iebus, sed Hierusalem uocata est: quia nimirum gentilitas quamdiu diuini cultus nescia perdurabat, conculcabatur, & illudebatur ab immundis spiritibus, simulachra mura prout ducebatur sequens: cum uero illam gratia sui conditoris respexit, continuo pacis in se & locum inuenit & nomen, dicente de ipsa domino: Beati pacifici, quoniam filij dei uocabuntur. Cum ergo Ornan in hac ciuitate regnum adhuc haberet, Iebus uocabatur: at cum locum areæ suæ cum bubus ac tribulis uenderet Dauid regi, nomen Hierusalem accepit: quia perſistens in sua adhuc obstinatione gentilitas, conculcabatur quasi uilis & abiecta à malignis spiritibus. Porro cum omnia sua uendere, ac uero regi offerre dicit, non ultra conculcari à dæmonibus ac uitijs potuit, sed internæ pacis quam cum suo conditore haberet, magis compos effecta est. Domus autem tertiū quam ædificabat Salomon domino, habebat L X cubitos in longitudine, & X X cubitos in latitudine, & X X X cubitos in altitudine. Quod in constructione templi dicitur in libro regum, quia habebat X X X cubitos in altitudine, cum in libro Paralipomenon scriptū sit, porro altitudo C X X cubitorum erat, nequaquam discrepare, sed utrumq; uerum esse noscendū est. Nam ut Iosephi refert historia, X X X erant cubiti à pauimento usq; ad medium coenaculum, X X X rursus à medio usq; ad tertium, quo usq; portico: rum quæ templo ab australi & occidentali & septentrionali latere cohererant, altitudo pertingebat, id est simul L X: deinde alij L X usq; ad supremū domus tectum. Itaq; tota eius altitudo, C X X cubitis implebatur. Longitudo autem domus, longanimitatem designat sanctæ ecclesiæ, quæ in exilio peregrinationis huius patienter aduersa quæq; tolerat, donec ad patriam; quam expectat perueniat. Latitudo insinuat charitatem, quæ dilatato sinu

De mensura
templi. viii

mentis non solum amicos in deo, sed & inimicos gaudet diligere propter deum, donec ueniat tempus, quando siue ad pacem suam conuersis siue funditus extinctis, cum solis gaudeat amicis in deo. Altitudo spem denuntiat futura retributionis, cuius intuitu libenter infima quæq; siue quæ demulcent, seu quæ aduersantur contemnit, usq; dum utrisq; transiens, sola mereatur uidere bona domini in terra uiuentium. Vnde apte longitudo domus, sexagenario cubitorum numero comprehenditur: senarius namq; numerus, in quo mundus factus est, perfectionem solet designare bonorum operum. Ex necesse est nos ita per longanimitatem molestias ferre nostræ peregrinationis, ut merito bonæ operationis, promissam patriam cum apparuerit ualeamus intrare. Latitudo uicenario numero determinatur, propter geminam eiusdem charitatis, qua deum & proximum amamus, distantiam. Altitudo tricenarij propter fidem sanctæ trinitatis, quæ unus est deus, in cuius uisione cuncta spei nostræ desideria suspenduntur. Sex ergo ad opetis perfectionem, duo ad dilectionem dei & proximi, tria pertinent ad spem diuinæ uisionis. Singuli autem numeri recte per x multiplicantur, quia non nisi per fidem & custodiam decalogi legis uel patientia nostra salubriter exerceatur, uel charitas utiliter accrescit, uel spes sublimiter ad æterna desideria raptatur. Et porticus erat ante templum xx cubitorum longitudinis iuxta mensuram latitudinis templi, & habebat x cubitos latitudinis ante faciem templi. De hac porticu in libro Paralipomenon ita scriptum est. Porticus uero ante frontem quæ tendebatur in longum iuxta mensuram latitudinis domus, cubitorum xx. Patet ergo quia porticus hæc ad orientalem templi partem facta est. Templum namq; conuersum erat ad orientem sicut & tabernaculū, habebatq; ostium porticus ante ostium templi, iuxta quod historicus Iudæorum Iosephus apertissime docet, ita ut sol æquinoctialis oriens directis radiis suorum lineis per ostia tria, portici uidelicet & templi & oraculi arcam testamenti perfundere posset. Quia uero templum sanctam ecclesiam designat, porticus quæ erat ante templum & prior lumen solis accipere solebat, quid aptius quam illam eius partem, quæ dominicæ incarnationis tempora præcessit, typice denūtiat: in qua sunt patriarchæ & prophetæ, qui orientem huic mundo solem iusticiæ susceperunt primi, & nascenti domino in carne testimonium siue uiuendo, siue prædicando, siue nascendo, seu etiam moriendo præbuerunt. Ostium ergo templi dominus est, quia nemo uenit ad patrem, nisi per ipsum, & qui alibi dicit, Ego sum ostium, per me si quis introierit, saluabitur. Ostium porticus sermo propheticus est, qui quasi recto calle ingredienti ad ostium templi perducebat, & gratiā domini saluatoris, quam mundum erat redempturus prædicabat. Factura ergo porticus tota, fideles illius temporis signat. Ostium uero in porticu, doctores qui cæteris lucem uite ianuamq; intrandi ad dominum pandebant exprimere. Ex bene unū ostium, propter consonam in omnibus sanctis fidem ac dilectionem ueritatis,

Quæ

Quæ uidelicet porticus iuxta latitudinem templi xx cubitis longa erat, quia nimirum antiqui iusti multa diu patientia & longanimitate expectabant, quando apparens in carne dominus, nouam euangelij gratiam mundo afferret, non acceptis ipsi promissionibus, sed à longe eas aspicientes & saluantes. Ac quabant ergo longitudine sua latitudinem templi, quia per longanimitatem mentis deuota desiderabant uidere dilationem ecclesiæ in charitate dei, quæ est in Christo Iesu domino nostro. Qui quamuis tempore adhuc fuerint à sacramentis dominicæ incarnationis separati, fide tamen ac prædicatione fuerunt proximi. In huius sacratissimæ porticus prima fronte fuerunt beatus protomartyr Abel, & Seth & Enos, ceterique iusti mundi originalis. In intimo autem penetrali & quasi prope murum templi mysticum obtinuerunt locum parentes beati præcursoris domini, Simeon & Anna, ceterique qui & si natiuitatem eius uidere meruerunt, ad auditionem tamen doctrinæ eius, & ad perceptionem sacramentorum eius peruenire nequieuerunt. Quæ bene porticus decem cubitis erat lata, quia tales & si nec dum uerba siue mysteria euangelij, quæ erant per dominum tradenda receperunt, præcepta tamen decalogi quæ perceperunt perfecta dilectione dilatati in domino seruabant. Fecitque in templo fenestras obliquas) Fenestræ templi doctores sunt docti, & spirituales quique in ecclesia, quibus mente excedentibus deo, arcana secretorum cœlestium specialius cæteris uidere conceditur, qui dum ea quæ in occulto uident, publice fidelibus pandunt, quasi suscepto lumine solis fenestræ cuncta templi penetralia replent. Vnde bene eadem fenestræ obliquæ, id est, intus latiores & foris angustiores fuisse perhibetur, quia nimirum necesse est ut quisquis iubar supernæ contemplationis uel ad momentum percepit, mox sinum cordis amplius castigando dilatet, atque ad maiora capessenda solerti exercitatione præparet. Et ædificauit super partem templi tabulata per gyrum, & in parietibus domus per circuitum templi & oraculi, & fecit latera in circuitu. Tabulatum quod super erat v cubitos habebat latitudinis, & medium tabulatum vi cubitorum latitudinis, & tertium tabulatum vii habens cubitos latitudinis) Hæc tabulata in euangelio, ubi dominus tentatur à diabolo, pinnacula templi uocantur. Sed & Iacobum fratrem domini apostolum in pinnacula templi, unde ad populum concionaretur, leuatum esse audiuius. Vtrum autem moris fuerit doctoribus, ut in his sedentes tabulatis ad circumstantem inferius turbam fecerint sermonem, nusquam in scripturis inuenimus. Patet ergo ratio sacramenti, quia tabulata hæc tria, totidem fidelium gradus, coniugatorum uidelicet, continentium, & uirginum designant: distinctos quidem altitudine professionis, sed societate fidei & ueritatis omnes ad domum domini pertinentes, eisque fixa mente inhærentes: ubi pulchre dicitur, quia tabulatum quod super erat v cubitos habebat latitudinis, medium vi , tertium vii . Supremum ergo tabulatum erat cæteris angustius, quia nimirum altior professio uirtutis, al-

De fenestris
& tabulatis
templi. 126

tiorem debet uiam tenere uiuendi. Nam quicunq; abrenūtiato uinculo coniugali, uirginitatem suam domino consecrauerunt, mores simul oportet uirginitati condignos ostendant, abstineant ab ociosis eloquijs, ira, rixa, detractatione, habitu impudico, comestationibus, potationibus, contentionibus & amulatione: & contrario uigilijs sanctis, orationibus, lectionibus diuinis, & psalmis, doctrinæ & elemosynis, cæterisq; sanctis fructibus operam impendant, ut qui futuræ statum uitæ in professione tenent, in qua non nubent, nec nubentur, sed sunt sicut angeli in cælo: huius quoq; statû quantum mortalibus possibile est, in præsentî contendant imitari. At uero infimum tabulatum amplioris erat latitudinis, quia non deus coniugatis. Vade uen- de quæ habes, & da pauperibus: Sed si uis, inquit, ad uitam ingredi, serua mandata, non homicidium facies, non adulterabis, non facies furtû, non falsum testimonium dices, & cætera. Medium inter hos locum tenet continen- tes: qui quantum uirginibus inferiores tantû eminentiores coniugatis: quorum postea gloriosissimam primitiuam in Hierosolymis edificabat ecclesiâ, scribente beato Luca, quia multitudinis credentium erat cor unum, & anima una, & cætera: quorum maximam partem eos reliquisse cõplexus, testatur historia sancti Stephani, ubi sceminas eadem religione pollentes non coniuges, sed uiduas appellat eorum. Singula autem tabulata in circuitu habebant latera, id est, luriculas, ne quis in eisdem tabulatis cõsistens, siue residens posset ad inferiora decidere, quod Ozîæ regi contigisse legimus in Samaria. Quæ nimirum latera, non incongrue quotidiana diuinæ protectionis erga nos munimina designât. De quibus psalmista, Immittit, inquit, angelus domini in circuitu timentium eum, & eripiet eos. Ascendit quidem in cænaculum Ozias rex Samariæ, qui se à domo Dauid separauerat, sed per cancellos decidit: quia & si hæretici siue schismatici aliquam bonæ actionis arcem conscendere uidentur, ramen compagem unitatis ecclesiæ non habent, quasi patentibus & non solidis laterum præsidijs, semper ad uiciorum infima relabuntur, dum diuino destituti auxilio suæ pertinaciæ fastu intereunt. Quæ autem arte præfata tabulata parietibus templi sint affixa, declaratur cum sub- dicitur. Trabes autem posuit in domo per circuitû forinsecus, ut non hæ- rent muris templi. Trabes ergo quæ intrinsecus domum munebant & or- nabant, tantæ erant longitudinis, ut capita earum forinsecus prominere- nt, in infimo quidem ordine cubitorum VII, in medio VI, in supremo V: atq; in eisdem capitibus earum tabulata componerentur, nequaquam muris templi infixæ, sed iuxta muros trabibus quæ de muris exierant superpositæ. Quid itaque per trabes domus quæ tabulata portabant, nisi prædicatores sunt typice designati: Qui dum ipsi sublimem atq; honotabilem in ecclesia dei locum tenent, infirmiores quoque ac fragiles suis prædicationibus ab infirmorum appetitu sustollunt, atque ad cœlestia desideranda ac speranda suspendunt, suis etiam intercessionibus, ut in cœptis persistât adiuuant. Le- gimus

gimus autem in libro Paralipomenon, quod trabes templi, sicut & cetera eius interiora fuerint auro uestitæ. Quod ita factum esse non dubium est, ut illæ trabium partes, quæ intus in templo, aureis essent laminis uestitæ: quæ uero foris parebant, hæc minime deauratæ ipsam cedri speciem formamq; cunctis ostenderet. In qua tamē imposita sibi met tabulata gestabāt. Quod ergo extrinsecus eminebat trabium, uitam sanctorū, quæ nobis in terris innotescere potuit designat: quod intus in templo deauratum fulgebat, claritatem illam qua in cœlesti patria in aspectu sui creatoris iusti gaudent, figurate denuntiat. Quæ nimirū claritas trabiū aurearum illis solūmodo qui templum intrabant, patebat: quia t̄p sit magna multitudo dulcedinis dei quā abscondit timentibus se, & perfectit sperantibus in se, soli norūt illi qui regnū cœleste meruerunt intrare. Et tamen cum nos uitæ, passionis, doctrinæ sanctorum cernentes, siue in scripturis legentes, ad benefaciendum exemplo eorum excitamur, quasi in capitibus trabium foris apparentium à terra subleuamur: quia quamuis internam sanctorum gloriam perspicere necdum ualeamus, ex eo tamen quod exterius uidere ualuimus, sublimibus ecclesiæ membris fideliter adhæremus. Possumus hæc etiā de sanctis in hac uita ad huc positis intelligere, quorum puritatē dilectionis, qua in secreto cordis coram domino resurgit, inspicere nequimus. Attamen ex eis quæ loquendo uel agendo uel patiando foris ostendunt, auxiliū nostræ salutis inuenimus.

Domum autem cum ædificaretur de lapidibus dolatis atq; perfectis ædificata est, & malleus & securis, & omne ferramentum non sunt audita in domo cum ædificaretur. Hæc ad illā ecclesiæ partem, quæ post huius seculi labores & certamina ad æterna præmia meruit introduci, proprie pertinent. Ibi etenim nemo aliquid coinquinatum faciet, uel abominationem & mendacium: sicut in Apocalypsi scripsit Ioannes. Malleus & securis & omne ferramentum nō auditur, quia hic tundimur aduersitatibus, & disciplina ueritatis exerceamur, ut illic locis iuxta meritū congruis disponamur, & castigatio ne cessante solo amoris glutino, quo adinice[m] copulemur, uno impleti spiritu perfundamur. Hic enim foris tundimur, ut illic sine reprehensione inueniamur. Hic malleus, hic securis, hic omnia tusionum resonant ferramenta: in domo autem dei nulli ictus audiuntur, quia in æterna patria omnes iam percussionum strepitus connescunt. Nequaquā ibi malleus percutit, quia nulla animaduersio affligit: nequaquā securis incidit, quia receptos interius nulla foris sententia seueritatis proijcit. Nequaquā ibi ferramenta perstrepunt, quia nec quælibet minima ultra iam flagella sentiūtur. Lapidēs ergo extra tūsi sunt, ut in constructione templi domini absq; mallei sonitu ponerent: quia uidelicet nunc foris per flagella tundimur, ut iotus in templū dei postmodum sine disciplinæ percussione disponamur: quatinus quicquid in nobis est superfluum modo percussio refecet, & tunc sola nos in ædificatione cōcordia charitatis liget: ut hic diuersis aduersitatibus extra confusus atq;

De cochleâ
templi. X

expiatus homo erroribus meritorum, ita iam ibi purus purû uidcat deum, quo ornamentis ipsius ciuitatis mereatur affigi, post transitû habens locum sibi solûmodo à domino præparatû. Ostium lateris medi j in parte erat domus dextrę, & per cochleâ ascendebat in mediû coenaculû, & à medio in tertiû) Quidâ hunc locû male intelligētes, putât ostiû templi à meridie fuisse, nō adiedētes quod si hoc significare uoluisset scriptura, nō ita diceret, ostiû lateris medi j in parte erat domus dextrę, sed ita potius simpliciter, Er ha bebat domus ostiû ad meridiē. Nūc autē longe aliud significat. Partē nāq; domus dextrę latus templi meridianû dicit, in cuius parte oriēti ostiû erat in ipso angulo factû, iuxta terrâ, in quod introeuntes statim ad altiora grâ datim ascendebât, habentes uia ascensum, per ipsa parietis interiora. Vnde cōsequēter adiūgitur, & per cochleâ ascendebât in mediû coenaculû, & à medio in tertiû. Nec dubitandû quālibet scriptura nō dicat, quia sic ascendētes creberrimas habebât à meridie fenestras, quarû luce certû per omnia, & sine offensione iter agerēt. Ostiû uero quo ad quotidiana tēpli ministeria ingre diebat, erat ad oriēte, sicut iam meminimus, ut Iosephus refert: & porticus ante faciē illius, & ipsa patēs ad oriēte: ita ut exoriēs sol æquinoctialis sine ullo obstaculo radios suos per ostia tēpli & oraculi in ipsam arcâ quę erat in sanctis sanctorû mitteret. Porro ascēsus qui in domû superiorem, & à superio re ducebat in tertiû, australi erat tēpli latere: cuius dispositio ascensus, myste rium nobis multû memorabile cōmendat. Claret namq; quia templû hoc quod Salomō fecit, corpus pacifici regis Christi nō solû illud quod est ecclē sia eius tota, uerû etiâ ipsum quod sacrosanctû de uirgine, ut esset caput ecclē się, suscepit: figurate insinuat. Erat autē ostiû lateris medi j, in pariete domus dextrę. De quo occultē ab inferiorib⁹ in mediû coenaculû, & à medio ascen deretur in tertium, quia passo in cruce domino unus militû lancea latus eius aperuit. Et bene in parte domus dextrę: quia dextrum ei latus à milite aper tum sancta credit ecclēsia. Vbi & apto uerbo usus euāgelista est, ut nō dice ret, percussit latus eius aut uulnerauit, sed aperuit, uidelicet quasi ostiû lateris medi j, per quod nobis iter ad cœlestiâ pāderet. Deniq; ita subiunxit, Et con tinuo exiuit sanguis & aqua, aqua scilicet qua abluimur in baptismo, & san guis quo cōsecramur in calice sancto. Per hoc nāq; ostiû nobis est ascensus in mediû coenaculû, & à medio inde in tertiû: quia per fidē & mysteria no stri redēptoris, de præsentī ecclēsię cōuersatiōe ad requiē animarû post mor tē ascendimus, rursumq; de requiē animarû adueniēte die iudici, ad immor talitatē q; corporû quasi in tertiû coenaculû sublimiore pfectu penetrabi mus, ex quo & magna amborû corporis uidelicet & animę beatitudine per petuo uiuamus. Quod quidē iter inuisibiliter agebat, ita ut soli hoc qui intra uerūt nossent, q̄uis ipsum ostiû etiâ foris positi uiderēt: quia nimirû actus si deliû in hoc seculo, & celebratiōes sacramētorû etiam reprobi possunt intue ri: uerum arcana fidei & intimæ gratiam dilectionis nullus, nisi qui per hæc domino

domino duce ad cœlestia ducitur, agnoscit. Qui enim se dicit nosse deum, & mandata eius non custodit, mendax est. Notandū sanē quod $\times \times \times$ cubiti altitudinis, de quibus supra legitur, usq; ad medium cœnaculum pertingebant; deinde alij $\times \times \times$ cubiti usq; ad tertium cœnaculum addebantur, quo usq; porticus quæ erant circa templum ab austro & aquilone & occasu ad eundem perueniebant, ut Iosepho narrante didicimus. Deinde usq; ad superiorem tēpli tectū alij \times cubiti numerabātur, & sic tota altitudo domus iuxta librum Paralipomenon in $\text{C} \times \times$ cubitos consummata est. Porticus quoq; quæ erat ante frontem templi ad orientem iuxta fidem præfati uoluminis, eandem cubitorum summā in altitudine habebat, qui uidelicet illas, de quibus supra diximus porticus circa templum cellaria uocat, & cubicula. Dedit inquit, David Salomoni filio suo descriptionem porticus & templi & cellariorum & cœnaculi & cubiculorum in abditis, & domus propitiationis. Vbi etiam exteriorum domorum, quæ erant extra atrium sacerdotum in circuitu templi, fecit mentionem, cum protinus adiunxit, Nec non & omniū quæ cōgicauerat, atriorum, exhedrarum per circuitū in thesauris domus domini, & in thesauris sanctorum. Quod autē omnis altitudo templi $\text{C} \times \times$ cubitorū, ad idem sacramentū respicit, quo & primitiua in Hierosolymis ecclesia post passionem & resurrectionem & ascensionem domini in cœlos, in hoc numero uirorum gratiam spiritus sancti accepit: $\times \vee$, namq; quæ ex VII & octo constant, solent nonnunquam ad significationem referri uitæ quæ nunc in sabbatismo geritur animarum fidelium, perficietur autē in fine seculi resurrectione corporum immortalium. Ipsa autem $\times \vee$ in trigonum ducta, id est cum omnibus suis partibus annumerata, $\text{C} \times \times$ efficiunt. Quapropter apte numero centenatio & uicenario, magna electorum beatitudo in futura uita designatur. Apte in hoc tertium domus domini cœnaculum consummatur, quia per præsentis fidelium labores, post acceptam in futuro requiem animarum, plena totius ecclesiæ felicitas in resurrectionis gloria complebitur. Ad quod mysterium æque pertinet, ut diximus, quod resurgens à mortuis dominus, atq; ad cœlos ascendens, huic numero uirorū spiritū sanctū in linguis igneis misit, qui eos diuersitate linguarū adinuicē cognitione loquelarū cōmunē in laude fecit habere sermonē. Nam & ecclesia suo tēpore resurgēs à morte, atq; ad cœlos in carne incorruptibili ascendēs, plene ac perfectē domino spiritus sancti illustratur, quādo iuxta promissum Apostoli erit deus omnia in omnibus. Tunc plena erit adunatio linguarū in omnibus, ad prædicanda magnalia dei, quia cōsona mente ac uoce omnes gloriā diuinæ maiestatis, quia præsentē uident, collaudāt. Et ædificauit domū & cōsummauit eam, texitq; domū laquearibus cedrinis) Laquearia sunt tabulata, quæ magno decore composita & ornata, ab inferiori parte trabibus affiguntur clauis. Et quia ter geminæ altitudinis domus dñi facta erat, æterna nimirū habebat laquearia: prima uidelicet post $\times \times \times$ cubitos à pavimento, secunda post cubitos

cubitos LX contra summitatem porticorū, tertia post cubitos CXX in summitate totius domus. Quid autem aptius per laquearia, quam sublimiores quosq; in sancta ecclesia iustos significari credamus, quorum opus & doctrina cunctis in exemplo proposita quasi longius in alto preminet, quicq; suis intercessionibus & exhortationibus animos infirmorum, ne in tentationibus deficiant, protegunt. Quæ nimirū laquearia, recte cedrina esse describuntur. Cedrus namq; arbor est, imputribilis omnino nature, odoris iocundi, aspectus nitidi, serpentes accensa nidore fugans ac perimens: quæ perfectis quibusq; conueniunt, quorum insuperabilis est patientia, fama uirtutū eximia, præ cunctis gratissima bonis, autoritas ad reuincendos confutandosq; eos qui ueritati resistunt, constantissima, qui & in hac uita, & in futura singulari præ cæteris sanctis eminentia fulgent. Et ædificauit tabulatum super omnem domum, v. cubitorum altitudinis. Hoc est enim quod in Deuteronomio præcepit Moyses, fieri in omni domo, quam quisq; ædificauerit: cum ædificaueris, inquit, domum nouam, facies murum tecti per circuitum, ne effundatur sanguis in domo tua, & sis reus labente alio, & in præceps ruente. Hoc enim tabulatum in supremo domus tecto per circuitum, in extremo murorum uice cancellorum erat erectum, ne quis ad superiora cōscendens, dum ad terminum tecti perueniret, incaute progrediendo dilaberetur ad ima. Quod esse passus rex Ozias in sequentibus inuenitur, qui per cancellos cœnaculi decidens, letiferum incidit in languorem. Quibus tabulatis seu muris uel cancellis, cum ad tutelam uiæ ponuntur, uulgus luricularum nomen indidit. Hæc autem tabulata siue luriculæ, supra sunt latera uocata. Vbi cum dictum est, & ædificauit super parietē templi tabulata per gyrum in parietibus domus per circuitum templi & oraculi: cōtinuo subiunctum est, & fecit latera in circuitu. In quibus nimirū lateribus intelleximus diuina esse præsidia designata, quæ nos in hoc adhuc seculo laborantes, ac pro captu nostro ad superiora nitentes, quotidie ne deficiamus adiunāt: ad cuius formam sensus etiam hunc locum intelligere debemus, sed ea distinctiōe, quod in hac uita inter crebra uel hostis impacata tentamenta, uel nostræ fragilitatis obstacula, crebro imò continuo supernæ pietatis munere, ne corruamus defendimur. In illa uero uita quam supremum templi tectum, ut supra docuimus, insinuat, tanta dei præsentis gratia munimur, ut nec uelimus ultra peccare, nec possumus, neq; ullo mortis siue doloris, siue tentantis aduersarij metu afficiamur. De præsentibus domini auxilijs quasi de lateribus tabulatorum, dicit ipse dominus loquēs de populo suo: Inuocabit me & ego exaudiam eum, cum ipso sum in tribulatione, eripiam eum & glorificabo eum. De futura autem eius gratia, qua superna illa ciuitas illustratur, dicit eidem ciuitati propheta, Lauda Hierusalem dominum, lauda deum tuum Sion: quoniam confortauit seras portarum tuarum, benedixit filiis tuis in te: qui posuit fines tuos pacem. Bene autem hoc tabulatum in tecto domus

mus domini v cubitis altum esse memoratur, quia nimirum ita nos in illa patria diuinæ præsentia claritatis adimplet, ut nihil aliud uisus noster, nihil auditus, nihil olfactus, nihil gustus, nihil tactus dulce habeat, nisi diligere dominum deum nostrum ex toto corde, tota anima, tota uirtute, & proximum tanquam nos ipsos. Et operuit domum lignis cedrinis. Supremum enim totius structura domus tegumentum designat, hoc est tabulatū quod illis trabibus desuper appositum erat, quibus suprema quæ prædiximus laquearia subter erant affixa. Non autem habebat templum culmen in superioribus, sicut nec tabernaculum, sed erat æquale quomodo omnibus in Palestina & Aegypto domus ædificantibus facere moris est, quia ad sedendū uidelicet uel deambulandum apta construuntur. Vnde dicit in euāgelio dominus. Et quod in aure audistis, prædicabitur in tectis. Talis namque locus aptissimus erat, de quo uerbum prædicator uel assistentibus sibi, uel inferioris positis auditoribus proferat. De quo & in prouerbijs Salomon. Melius est, inquit, habitare in angulo domatis, quàm cū muliere litigiosa in domo communi. Quod enim latine tectum, græce dicitur doma. Sed & porticus ipsæ circa templū trina habebant laquearia, prima post cubitos à terra x x, secunda post x l, tertia post l x, plana enim & ipsorum facta erant tecta. Erant autem porticus x x x inferius, x x x in mediō, x x x desuper, non muris ab inuicem, sed tabularis discrete, ita ut singulæ eorum quæ erant numero x c, quinos cubitos in latitudine & longitudine, uicenos autem in altitudine haberent. De quibus uidelicet porticus frequens in libro dierum mentio fit, sed quo sint ordine dispositæ plenius explicat Iosephus. Id ipsum autem hoc tabulatum quo operata est domus, quod & laquearia, designat eximios quoque in resurrectionis gloria uiros, & singulari sanctitate ad ipsam uirtutis apicem peruenientes. De quorum uno dicitur, Inter natos mulierū non surrexit maior Ioanne baptista. Cuius si comparem magnitudinis scire uis, audi quid patri ipsius angelus ait, & ipse præcedit ante eum in spiritu & uirtute Heliaz. Et ædificauit parietes domus intrinsecus tabularis cedrinis à pauiamento domus usque ad summam parietum, & usque ad laquearia operuit lignis intrinsecus. Quid est quod domus cedro erat uestita? Nā forinsecus tāto nitore lapis ipse de quo facta erat fulgebat, ac si calculo esset candido tecta. Iuxta sensus uero mysticos, parietes sunt templi, populi fideles, ex quibus sancta uniuersalis ecclesia cōsistit, quorū dilatatione per orbem latitudo designat parietū, spem uero & intentionē omnē ad cœlestia erectā, altitudo. Vel certe altitudo parietis quæ ex ordinibus lapidū super inuicē positis constat, præsentis statū signat ecclesiæ, ubi electi super fundamentū Christi omnes ædificati, sibi inuicē in ordinē per temporū curricula succedūt, seseque inuicem portantes, legem Christi quæ est charitas adimplent. Dum enim hi qui nunc præcedenibus erudiuntur magistris, rursus ipsi alios erudiūt, quasi super se inuicem positis ordinibus quinque lapidum uiuorum in domo dei sic

dei, sic ab alijs fixa constantia portantur, ut ad portandos alios & ipsi sufficiant, usq; ad ultimos qui in fine mundi nascituri sunt iustos, qui quasi in summo dei domus cacumine locati docentur, & portantur ab alijs, sed quos doceant, quorumue fragilitatem tolerent ipsi non habent. Qui uidelicet parietes intrinsecus tabularis cedrinis operiuntur, cum corda fidelium amore uirtutum redundant. Sicut enim cedri natura perfectos homines, ut supra docuimus, typice denuntiat: ita etiam locis opportunis celsitudinem uirtutum quibus ad eandem perfectionem uenitur, non immerito designat. Teguntur autem omnia lignis à pauimēto domus usq; ad summitatem parietum, & usq; ad laquearia, cum electi à primis fidei rudimentis usq; ad perfectionem bonæ actionis, & usq; ad ingressum patriæ cœlestis bonis insudare nō desistunt operibus, cum à primis iustis usq; ad ultimos in consummatione seculi omnes uirtutibus student, quorū merito iure ualeant protestari, quia Christi bonus odor sumus deo in omni loco. Et texit pauimentum tabularis abiegnis) Hoc quomodo factum sit, plenius in libro Paralipomenon explicat, ubi scriptum est: strauit quoq; pauimentum templi preciosissimo marmore strati decore multo. Vnde patet quod tabulas abiegnas quibus pauimentum tegeret nequaquam in terra posuit, sed primo illud marmore protexit, ac deinde tabulas superposuit, ac tertium his duobus auro uestitum superaddidit, ut in sequentibus legitur. Sicut autem altitudo parietis in altum exurgens, atq; usq; ad laquearia perueniens, profectus uirtutum, quibus electi ad regnum cœleste perueniunt, uel certe ipsos electos choros sibi met per tempora uariantia succedentes significant: ita æqualitas pauimenti concordem eorundem humilitatem, qua in temporali adhuc uita positi formaliter inuicem charitate distantē conuersantur, nō immerito demonstrat. Quod uidelicet pauimentum preciosissimo erat marmore stratum decore multo, idemq; marmor mox tabulis tectum abiegnis: quia nimirum uita iustorum primo fidei firmitate præmunienda in corde, ac deinde uirtutū spiritaliū latitudine est adornanda in opere: alioquin quid utilitatis habet decor marmoris preciosissimi lignorum tabulis obtectus, si non mysticum aliud quid tacite signabat, ac bonorum amplitudinem operum fortitudine fidei intemperate suffulcenda esse docebat? Abies uero propter altitudinē suā & robur durabile mentē electorū infima quęq; desideria spermentē, & cœlesti semper contemplationi intentam, uirtute quoq; patiētiæ singulariter excellentem, non incongrue demonstrat. Auri autem laminę quę marmorī ac tabulis sunt abiegnis superpositę, ipsa est latitudo charitatis de corde puro & conscientia bona, & fide non ficta, quę sicut aurum alijs preciosius est metallis, ita cæteris eximior uirtutibus in templo dei singulari luce resulget. Vnde bene Apostolus cum plurima uirtutū bona, quę humilibus essent corde seruanda, quasi pauimēti ornatus enumeraret, dicēs, Induite uos sicut electi dei sancti & dilecti uiscera misericordiæ, benignitatem, humilitatem, patientiam

tiam,modestā,sufferentes inuicem,& donantes uobismetipsis, si quis aduer-
sus aliquem habet querelā: sicut Christus donauit uobis, ita & uos facite: re-
pente uelut desuper addendo aureo uelamine adiunxit, super omnia autem
charitatem habentes, quod est uinculum perfectionis. *Ædificauit quoq; ui-*
ginti cubitos ad posteriorem partem templi, tabulata cedrina à paui-mēto usq;
ad posteriora, & fecit interiorem domum oraculi in sanctum sanctorum.) Po-
steriorem templi partem occidentalem dicit, ab ortu enim solis ingressum ha-
bebat templum, & ab occasu domum interiorem, hoc est sancta sanctorum.
Quod autem tabulata quæ interiorem domum ab exteriori separabāt, à pa-
uimento usq; ad superiora esse dicuntur ædificata, non usq; ad laquearia, quæ
xxx cubitos erant in sublime à paui-mēto suspensa, ut supra iam dictum est:
sed usq; ad cubitos xx altitudinis, ut in sequentibus aperte legitur: reliquum
uero erat supra hæc tabulata apertum & inane usq; ad laquearia cubitis de-
cem altitudinis, & cubitorum xx longitudine iuxta latitudinem domus. In
qua distinctione domus domini, patet figura mysterij, & Apostolo exponen-
te luce clarius est. Quæ prior domus in quam semper introibāt sacerdotes sa-
crificiorum officia consummantes præfens est ecclesiā, ubi quotidie insistentes
prijs operib; domino sacrificia laudis offerimus. Interior uero domus quæ ad
posteriorem templi partem erat facta, ipsa est promissa nobis uita in cælis.
Interior quidem à conuersatione nostri exilij remota, estq; in præsentia rei-
gis summi perpes ubi beatorum & angelorum & hominum solēnitas agitur.
Vnde de ea bene merito seruo dicitur, Intra in gaudium domini tui. Sed po-
sterior, tempus quo post huius seculi labores ad illius ingressum perducimur.
Tabulata autem quæ utramq; domū ab inuicem diuidunt, ipsa sunt claustra
cæli quorum nobis apertionem quotidie suspiramus, & quantū dominus do-
nauerit, pia semper instantia donec aperiātur ut intrare liceat pulsamus. Vbi
& si necdum ante solutionem corporū intare permittimur, apertā tamen ha-
bemus ianuam diuinæ pietatis, qua orationum nostrarum, elemosynarū, ie-
iuniorum, cæterorumq; bonorū operū thymiamata præmittamus. Bene au-
tem interior domus xx cubitos longa facta est, propter mysterium geminæ
dilectionis, de quo supra diximus, quæ in hac interim uita ex parte maxima
electorum illustrat mentes, sed in illa patria cessantibus aliarum uirtutū ope-
ribus sola perpetuo regnat. Porro xl cubitis erat ipsum templum pro fori-
bus oraculi.) Diximus ipsum templum pro foribus oraculi, præsentis ecclesiæ
typum gessisse. Vnde recte fuit xl cubitorum, qui numerus saepe in signifi-
catione ponitur præsentis fidelium laboris, quomodo quinquagenarius in si-
gnificatione futuræ quietis & pacis. Denario namq; numero cōtinentur præ-
cepta, quorum obseruatione ad uitam uenitur: denario æque significatur ipsa
quam desideramus & pro qua laboramus uita perennis. Quadratus uero est
mundus, in quo pro acquirenda eadem uita certamus. Vnde & psalmista con-
gregandam de gentibus ecclesiam præuidens, aiebat, De regionibus congre-

*De mensura
templi & era-
culi XL*

gavit eos, à solis ortu & oc. ab aquil. & mari. Decem autem quater ducta, XL faciunt. Vnde populus ab Ægypto liberatus in figura præsentis ecclesiæ, XL annis in eremo multis laboribus exercebatur, simul & pane cœlesti reficiebatur: ac sic tandem ad promissam olim patriam peruenit. Exercebatur enim tentationibus XL annis, ut labores ecclesiæ, quibus totum per orbem in obseruanda dei lege defudat, insinuentur. Pascitur manna de cœlo per eisdem XL annos, ut ostendantur ipsæ quas ecclesia tolerat passionēs, spe denarij cœlestis, hoc est æternæ beatitudinis esse leuigandæ. Vbi hī qui nunc esuriunt & sitiunt iustitiam saturabuntur: & sicut eadem ecclesia suo canit redemptori, Ego autē cum iustitia apparebo conspectui tuo, faciabor dum manifestabitur gloria tua. Pariter ergo populus dei & afficitur aduersis & reficitur manna, ut sit illud Apostoli, Spe gaudentes, in tribulatione patientes. In qua figura & domini noster XL diebus ante mortem carnis suæ ieiunauit, XL etiam epulabatur cū discipulis, post resurrectionē carnis suæ, apparens eis in multis argumentis, & loquens de regno dei, & conuescens: ieiunando etenim ostendebat nostrum in se laborem: manducando autem cum discipulis, ostendebat in nobis suam consolationem. ieiunans uelut clamabat, Attendite ne grauētur corda uestra in crapula & ebrietate, & curis huius uitæ. Manducans autem & bibens, uelut clamabat, Ecce ego uobiscū sum omnibus diebus, usq; ad consumptionem seculi. Et, Iterum autem uidebo uos, & gaud. c. u. & gaudium u. n. tol. à u. Simul enim cum uiam domini carpiamus, & à uanitate præsentis seculi ieiunamus, & futura promissione reficimur, hic non apponentes, quia illic pascentes sursum est cor. Et cedro omnis domus intrinsecus uestiebatur, habens tornaturas suas & coniuncturas fabrefactas, & cælaturas eminētes. Diximus de cedro quod insuperabilem uirtutum uenustatem signaret, quo nimirum ligno omnis domus domini intrinsecus uestitur, cum corda iustorum solo bonorum operum amore nitescant: habetq; domus in tabulis cedrinis tornaturas suas, & coniuncturas fabrefactas, cum iidem electi se adinuicem pulcherrima charitatis copula cōnectunt, ita ut cum innumera sit multitudo fidelium, unum tamen cor unam habere animam pro communis fidei ac dilectionis societate merito dicantur. Namq; tornaturæ quæ iuncturis tabularum apponebantur, ut unum ex omnibus fieret tabulatum, ipsa sunt officia charitatis, quibus adinuicē fraternitas sancta copulatur, atq; in unam Christi domum toto terrarum orbe componitur. Quæ etiam domus habet cælaturas eminētes, cum opera uirtutum sancti nequaquam occulte tegunt, sed manifesta expressione omnibus foris quales sint ipsi, quid agant in exemplum uiuēdi proferunt: quomodo fecit apostolus Paulus, qui non solum prædicando gentibus Christum, & patiēdo ipse pro Christo quantum emineret ostendebat, uerum etiam in epistolis ad ecclesias destinatis quot pericula pro Christo tolleraret, quantis reuelationibus à Christo sit sublimatus, felici glorificatione declarabat. Qui cum suis dicere auditoribus non dubitaret, imitatores mei estote

estote sicut & ego Christi: quid in domo domini, nisi celsitudo eminentes ostendit, qui singulari culmine uirtutis cunctis sese imitabile præbuit? Omnia cedrinis tabulis uestiebantur, nec omnino lapis apparete poterat in pariete.) Et lapis parietis siue pauimenti & tabulæ & aurum, sanctorum in ecclesia uitam omnia designant: sed ea distinctione cum pariter ponuntur, ut lapides uiui sint sancti, fortitudine fidei in unam eandemque regulam sibi met adglutinati: tabulæ cedrinæ siue abiegne sint sancti, latitudine uariarum uirtutum, secundum donationes sancti spiritus, in una eademque fide sibi met alterutrum connexi: auri laminæ sint sancti supereminentem scientiæ charitatem habentes: hi sunt qui fulgore gratissimo adinuicem congaudent. Quæ tria beatus Apostolus una sententia complexus est dicens. Nam in Christo Iesu neque circumcisio aliquid ualet, neque præputium, sed fides, quæ per dilectionem operatur. Fidei namque inuictæ lapis figuram tenuit, cedrus sanctionis odoriferæ, aurum transcendendis omnia dilectionis: uestiturque lapideus paries tabulis cedrinis, cum professio fidei bonis ornatur operibus, ne sine opetibus uiciofa iudicetur aut mortua. Verum quia lex in lapide scripta, doctrina uero euangelij per lignum est dominicæ passionis confirmata, unde & populus lapide circumcissus in præputio, nos signo crucis consecramur in fronte: possunt non incongrue parietes templi lapidei, siue pauimentum preciosissimo marmore stratum, eorum qui in lege fideliter ac perfecte uixerunt, typum gerere: tabulæ uero cedrinæ siue abiegne noui testamenti iustos indicare, qui uolentes post dominum uenire abnegant semetipsos, & sumpta cruce sua quotidie secuntur illum. Et quoniam utriusque temporis iustos communis manet supernæ gloria retributionis, lapidibus ac lignis preciosis tertia est species aurearum laminarum. Econtrario debet uideri quæ supra diximus. Porticus quæ erat ante templum, antiquorum fidelium debet figuram gestare: ipsum uero templum, eorum qui post incarnationis dominicæ tempus, in mundum uenerunt. Porro domus interior, regni cœlestis gaudia, quæ utrique iustis dantur figurabat. Nunc autem dicamus parietes lapideos antiquum dei populum, tabulas cedrinas nouum, aureas laminas utriusque in cœlis præmia designare, cum iidem parietes templi, & in porticu, & in ipso templo, & in sanctis sanctorum pari fuerint modo de lapidibus & lignis & auro compacti. Multiplex namque est in diuersis rebus earundem repetitio figurarum. Sed hoc dicendum, quod fuerunt in lege & ante scriptam legem plurimi, qui legaliter domino deseruirent, non occidentes, non fornicantes, non furtum facientes, non falsum testimonium loquentes, honorantes patrem & matrem, & diligentes proximos sicut seipsos. Hi ad parietes porticus lapideos pertinebant. Fuerunt alij, qui maiori perfectione relictis mundi negotijs, & assumpta cruce sua sequebantur dominum, qui, ut Apostolus scribit, ludibria & uerbera experti, in super & uincula & carceres, lapidati sunt, secti sunt, tentati sunt, in occisione

Quod domus
sit cedro uesti
ta & auro
XIII

gladij mortui sunt. Circuierunt in melotis, in pellibus caprinis, egentes, angustiiati, afflicti, quibus dignus non erat mundus. Hi qui ante manifestata tempora euangelij uitam duxere euangelicam, quid nisi ante ingressum tabulata cedrina in porticu fulgebant? Quos utrosq; quia idem regnum cœleste communiter in mansionibus discretis recepit, quasi porticus templi post lapidem & cedrum intrinsecus est auro cooperta. Sunt hoc tempore per plures, qui legalibus contenti præceptis, quæ supra commemorauimus, sufficere sibi credunt tantum, si ad uitam uenire mereantur. Sunt alij ad perfectionem nitentes, uenditis quæ habent omnibus, memores promissi illius, quo talibus in resurrectione non solum uitam sed & specialem prædixit honorem esse tribuendum, Amen dico uobis, quod uos qui sequuti estis me, in regeneratione, cum sederit filius hominis in sede maiestatis suæ, sedebitis & uos super sedes duodecim, iudicantes duodecim tribus Israel. Hi ad parietes templi albo de lapide factos, illi figuraliter ad cedrinas pertinent tabulas. Et quia utriq; præmia à domino perpetuæ lucis, quasi auri laminas quibus decorentur, expectant, sunt in abditis tēpli lapides preciosi, sunt tabulæ ligni aromatici, utraq; auro cooperta: quia & illi, qui in lege domini immaculati ambulauerunt, & qui gratiam euangelij perfecte susceperant, pariter æterna uita perfruuntur.

Oraculum autem in medio domus in interiori parte fecerat, ut poneret ibi arcam fœderis domini. Hoc superius præoccupando expositum est, quia uidelicet interior domus secreta patriæ cœlestis, arca fœderis dominum saluatorem, in quo solo fœdus pacis apud patrem habemus, designaret: qui post resurrectionem suam ascendens in cœlum, carnem quam assumpsit ex uirgine in patris dextram locauit. Porro oraculū habebat uiginti cubitos in longitudine, & uiginti cubitos in latitudine, & uiginti cubitos in altitudine. Quod dicitur uiginti cubitos in altitudine, parietem significat cedrinum, qui oraculum, id est sancta sanctorum, ab æde exteriore segregaret, sicut & supra diximus. Oraculum ergo ubi erat arca, habebat uicenos cubitos in longitudine, & latitudine, & altitudine, id est per quadrum: quia in superna illa patria, ubi regem Christum in decore suo uident oculi sanctorum, sola charitatis diuinæ ac fraternæ gratia, per omnia fulget. Quod sequentibus quoq; uerbis astruitur, cum dicitur. Et operuit illud atq; uestiuit auro purissimo. Quod est aperte dicere: quia moenia supernæ ciuitatis, gratia charitatis impleuit. Sed

Quod altare
cedro & auro
uestiuitur.
XIII

De quo paulopost subinfertur. Et totum altare oraculi textit auro. Vnde intelligi datur, quia idem altare de lapide quidem fuerit factum, & cedro uestitum, ac deinde auro coopertum. Significat autem typice, perfectorum uitam iustorum, qui quasi in oraculo sunt positi, quia desertis infimis delectationibus, de solo regni cœlestis ingressu curam omnem impendunt. Vnde bene in hoc altari, non carnes uictimarum, sed sola incendebantur thymiamata: quia

mata: quia tales non adhuc peccata carnis & illecebras cogitationum in se mactare opus habent: sed tantum orationum spiritualium & cœlestium desideriorum odora menta, per ignem æterni amoris in conspectu sui conditoris offerunt. Quid autem in huiusmodi altari lapis cedrus & aurum figurarent, ex his quæ superius dicta sunt facile potest intelligi. Domum quoque ante oraculum operuit auro purissimo, & fixit laminas clavis aureis. Domum ante oraculum præsentis ecclesiæ typum tenere diximus, ubi ita redemptoris nostri amore flagramus, ut necdum ipsum uidere facie ad faciem ualeamus. Vnde apte domus hæc auro quidē purissimo cooperta, sed interpositus erat medius paries ob oraculi secreta. Oraculum namque uocatur, cum diuina hominibus uel angelica adloquutio, uel secretorum quorumque reuelatio conceditur. Vnde bene oraculum in abditis, hoc est in interiori domo factum est, quia in suprema patria & angelorum nobis uisio atque adloquutio, & ipsa dei præsentia reuelabitur, iuxta hæc quæ ueritas ipsa diligentibus se pollicetur, dicens, Qui autem diligit me diligetur à patre meo, & ego diligam eum, & manifestabo ei meipsum. Et iterum, Venit hora cum iam non in prouerbij loquar uobis, sed palàm de patre meo annuntiabo uobis. Domus ergo ante oraculum auro tecta est, quia perfecti quique iusti in hac uita, ubi necdum de patre palàm audire, id est necdum palàm uidere queunt, fidem & opus iustitiæ diuino ornant amore, per quem & plenam dei cognitionem mereantur. Laminæ aureæ, quibus operata est domus, operationes sunt multifariæ pietatis, quas in obsequium sui creatoris, uel fraternæ necessitatis, amor castus exhibet. Clauis aurei quibus erant affixæ laminæ aureæ, sunt præcepta charitatis, siue promissa æternæ claritatis, per quæ in exercitio studioque uirtutum ne deficiamus donante Christi gratia continemur. Vnde bene de eisdem clauis in libro Paralipomenon scriptum est, Sed & clauos fecit aureos, ita ut singuli clauis sidus quinquagenos appenderent. Quinquagenario namque numero solent in scripturis remissio peccatorum & gratia spiritus sancti & uita æterna signari, quoniam quinquagesimus psalmus est penitentiae & remissionis: quinquagesimus annus iubilæus: quinquagesima die post pascha spiritus sanctus adueniens primitiuam ecclesiam consecrauit: & quinquagenorum erant sidorum clauis singuli, quibus laminæ aureæ affigebantur parietibus domus domini, quia nimirum uerba cœlestia, quibus in amore bonorum operum proficimus, & conseruamur, ueniam nobis promittunt peccatorum gratia sancti spiritus, & sabbatismum in futuro pollicentur æternum. Et hi quidem sunt clauis dilectionis. Sunt uero alij clauis timoris, quibus incipientes quique necdum ad perfectionem uenientes, illecebras uitiorum carnalium & uoluptatem mortificant, illo uidelicet sermone ueritatis, cuius institutione carnem nostram crucifigere cum uitij & concupiscentijs edocemur. Quos habere desiderabat propheta, cum ait, Confige clauis timoris tui carnes meas, à iudicij

enim tuis timui. Qui rursus ad perfectiora perueniens, dicit de clauis dilectionis, Mihi autem adhærere deo bonum est. Nihilq; erat in templo, quod non auro tegetetur, sed & totum altare oraculi texit auro.) Supra de altari dictum est. Plenius uero in libro Paralipomenon hæc explicantur, ubi porticus quoq; erat ante frontem templi deaurata intrinsecus, cœnacula quoque auro tecta esse perhibentur. Vbi figura mysterij in promptu est, quia tota ecclesia & in hoc seculo & in futuro, præ cæteris uirtutibus deo placitis dono charitatis abundat: & sola hæc quasi singulariter eminens, cæteras cælare uidentur. Deaurata est quippe porticus ante templum, quia patres ueteris testamenti deo per charitatem placuerunt. Deauratum est templum, quia eadem ipsa charitas diffusa est in cordibus nostris per spiritum sanctum, qui datus est nobis. Deaurata est domus interior, quia in superna patria sola charitas regnat. Sed ibi eo uerius & securius, quo præsens ipse deus, qui est charitas uidetur: ibi eo certius, quo ipse mediator dei & hominum, qui solus patrum est conscius secretorum, uelut arca testamenti semper aspicitur. Quod autem cœnacula quoq; tecta sunt auro, ad eundem sensum respicit. Sicut enim interior domus sancti sanctorum, ubi erat arca, æternam sanctorum uitam in conspectu sui conditoris & redemptoris significat, iuxta illud Psalmistæ, Abscondes eos in abscondito uultus tui, à conturbatione hominum: ita cœnacula in alto, eandem uitam in cœlis esse, & non in hoc mundo, dicente Apostolo, Quæ sursum sunt, querite, ubi Christus est in dextera dei sedens: quæ sursum sunt sapite, non quæ sunt terræ. Et fecit in oraculo duo Cherubin de lignis oliuarum, decem cubitos altitudinis.) Cherubin, sicut propheta Ezechiel aperte declarat, angelicæ dignitatis uocabulum est: numeroq; singulari Cherub dicitur, plurali Cherubin. Vnde apte in figuris Cherubin, quæ erant in oraculo facta, angelica ministeria quæ conditori suo in cœlis semper assistunt, possunt intelligi. Quæ recte de lignis oliuarum facta esse perhibentur, quia nimirum uirtutes angelicæ gratia spiritus sancti, ne unquam ab amore dei arefiant, unctæ sunt. Ipsæ etenim unâ nobiscum sunt participes illius, de quibus ait in laude Christi propheta, Vixit te deus tuus oleo lætitiæ, præ participibus tuis. Recte de lignis oliuarum figuraliter sunt facti, quos luce sapientiæ cœlestis, mox ipse qui creauit, impleuit. Vnde Cherub appellare uoluit, quod Latine multiplicata sciëntia, siue sciëntiæ multitudo interpretatur. Decem autem sunt cubitorum altitudinis, quia denario uitæ æternæ fruuntur, habentes inuiolatam in se sui conditoris imaginem, seruata in perpetuum sanctitate & iustitia & ueritate, quæ prima conditione perceperunt. Denarius quippe obolis constat, & continere in se nomen regis & imaginem consuevit. Quapropter & figuræ regni cœlestis aptissime congruit, ubi & angeli sancti in imagine sui conditoris, ad quam facti sunt, semper manent: & electi homines, imaginem eius, quam peccando amiserant, recipiunt. Scimus enim, inquit, quia cum apparuerit, similes ei erimus, quoniam uidebimus

De factura
Cherubin.

XV

uidebimus eum sicuti est. Quinq; cubitorum ala Cherub una, & quinq; cubitorum ala Cherub altera.) Id est, decem cubitos habentes à summitate alar usq; ad alar alterius summitatem. Alar cum in sanctorum hominum figura ponuntur, uirtutes significant eorum, quibus ad cœlestia uolare semper, atq; in his conuersationem delectantur habere. Cum uero in significatione angelorum ponuntur alar, quid apertius quàm gratiam demonstrant perpetuam & indefectiuam felicitatis eorum, qui semper in cœlestibus in ministerio sui persistunt auctoris: Vel certe quia leuitate spiritalis naturæ sunt præditi, ita ut ubiq; uoluerint, statim quasi uolando perueniant: & hic cum alis figurati, & prophetis cum alis sunt ostensi. Bene autem dicitur, quia quinq; cubitorum fuerit ala Cherub una, & quinq; cubitorum ala Cherub altera: quia uirtutes angelicar, legem dei quæ in quinq; libris descripta est, indefessa deuotione custodiunt: diligendo uidelicet deum & dominum suum ex omnibus uiribus suis, diligendo & proximos tanquam seipfos: plenitudo enim legis est charitas. Proximi autem eorum, & ipsi adinuicem sunt angelici spiritus, & homines electi, eorum aequè conciuēs. Vnde utraq; ala eiusdem esse mensuræ perhibetur: quia uidelicet eadem ipsa deuotione, qua se alterutrum in deo diligunt, nostram quoq; ad se ascendentium societatem desiderant: sicq; simul alar decem cubitos complent, cum in gemina charitatis exhibitione, angeli de conditoris præsentia lætantur. Decem quoq; cubitorum erat Cherub unum, mensura parietis, & opus unum erat in duobus Cherubin.) Duo erant facti Cherubin propter consortiū eiusdem de qua loquimur charitatis significandum, quia minus quàm inter duos charitas stare non potest. Vnde & saluator bios ad prædicandum discipulos mittere curauit, ut tacite doceret eos qui uerbum fidei prædicarent, uirtutem dilectionis ante omnia opera esse tenendam. Vniusc; mensuræ & operis duo Cherubin, quia disparilitas uolūtatum, siue cogitationum, in superna patria nulla est, ubi una omnes eademq; præsentis uisione & gloria illustrantur. Posuitq; Cherubin in medio templi interioris, extendebant autem alas Cherubin, & tangebant ala una parietem, & ala Cherub secundi tangebant parietem alterum. Alar autem alterar, in medio pariete templi se inuicem contingebant.) Manifestum est ex his quæ prædicta sunt, quare Cherubin in medio templi interioris sint positi, quorum habitatio est in cœlis. Extendebant autem alas Cherubin, quasi ad uolandū, quia spiritus angelici semper habent animū ad obsequium diuinæ uoluntatis præparatum. Quod uero ala una tangebant parietē, ad illā charitatis administrationē pertinet, quam nobis exhibent angeli. Quod alar alterar in medio templi se inuicem contingebant, eam dilectionis gratiā qua se alterutrum cōplectuntur, exprimit. Bene autē sequitur, Texit quoq; Cherubin auro: quia & naturā eorū conditor immortalī claritate sublimauit, & mentē uerā dilectionis atq; humilitatis luce repleuit. Notandū sane quia Moyse dum tabernaculū faceret, fecit & duos Cherubin aureos, quos posuit in propitiatorio, quod erat super arcam. Salo

mon autem addidit alios duos multo maiores, quos in templo poneret, sub quorum alis, arcam in medio poneret, cum propitiatorio & Cherubin prioribus: sicq; factū est, ut in tabernaculo quidem essent Cherubin duo, in templo autem quatuor. Ad unam uero eandemq; significationē utriq; pertinent, sed repetitum est opus augustius factū per Salomonem, ut typice doceretur, multiplicata post incarnationem domini sancta ecclesia, latius esse gentibus sublimitatem ciuium cœli pandendā, qui sic conditorē de collato sibi munere beatitudinis collaudant, ut de nostra quoq; ereptione atq; ad eandem beatitudinem introductione cōgaudeant. Extendunt enim alas adinuicē super arcam, cum ad laudem domini saluatoris referunt bonū omne quod acceperunt: extendūt alas alteras ad parietes oraculi, cum sanctos etiam homines secum uidere lætantur, eosq; uelut alarum suarum summitatibus tãgunt, quos confortes atq; imitatores fuisse in hac uita sue puritatis exultant. Duos autem æque parietes alis suis tãgunt: quia fideles utriusq; populi, Iudæi scilicet & gentilis, secum possessores habent aulæ cœlestis. Namq; in illa patria distinctio fit localis inter utrumq; populum. Sed quia maior sit festiuitas internæ beatitudinis de consortio adunatæ fraternitatis, extendunt Cherubin ad utrumq; parietem oraculi alas suas, quia lætantes in cœlesti patria iustos utriusq; plebis, uisione quoq; suæ gloriæ ad laudem creatoris excitant: nec solum de illorum quos secum intus habent hominum iustorum felicitate, lætantur agmina cœlestia: uerum etiam nostri, qui foris adhuc positi de profundis ad dominum clamamus, curam gerunt sedulam. Vnde bene de eisdem Cherubin in libro Paralipomenon scriptum est, Ipsi autem stabant erectis pedibus, & facies eorum uersæ erant ad exteriorem domum. Stabant etenim erectis pedibus Cherubin, quia à uia ueritatis in qua mox conditi positi sunt, nunquam aberrauerunt angeli. Habent facies ad exteriorem domum, quia nos ab huius crumna peregrinationis ereptos, ad suum desiderant peruenire consortium. Sic ergo pedibus stant tectis, sic alas suas auro tectas ad oraculi parietes extendunt, ut facies habeant ad domum uersas exteriorem, quia angeli sic suam perpetuo innocentiam conseruant, sic de animarum sanctarum in cœlis beatitudine congaudent, ut eis quoq; quos in terris adhuc peregrinari conspiciunt, electis opem ferre non desinant, donec & illos ad cœlestem patriam introducant. Omnes enim sunt administratōrij spiritus in ministerium missi, propter eos qui hæreditatem capiunt salutis. Possunt etiam per duo Cherubin duo testamenta figurari, qui nimirum Cherubin in oraculo sunt facti, quia in consilio diuinæ promissionis nobis utiq; inaccessibili atq; incomprehensibili ante secula dispositum est, quando, & qualiter, quibusue autoribus sacra scriptura conderetur. De lignis oliuarum sunt facti, quia per uiros misericordiæ quorum pietati non defuerunt uires, unctiōe sancti spiritus illustratos, diuini sunt libri conscripti. De lignis oliuarum sunt facti, quia lucem nobis scientiæ

bis scientiæ tribuunt, iuuant flammas charitatis dei, quæ per spiritum sanctum diffunditur in cordibus nostris. Decem cubitis sunt alti, quia per obseruantiam decalogi legis, deo seruendum prædicant, & deo fideliter seruientes denario remunerandos esse regni perpetui ostendunt. Geminas habent alas, quia testamenta per aspera æque & prospera, indefesso proposito semper ad cœlestia tendisse ac peruenisse dedarant: & hoc idem suis auditoribus faciendum esse demonstrant. Quinq; cubitorum erat ala Cherub una, & quinque cubitorum ala Cherub altera: quia in omni labentium rerum uarietate, sancti uniuersos corporis sui sensus, in obsequium sui conditoris extendunt: oculos habentes semper ad dominum, audire desiderantes uocem laudis eius, & narrare uniuersa mirabilia eius, dulcia faucibus suis habentes eloquia illius, super mel & fauam ori suo, currentes in odore unguentorum eius: & donec superest halitus in eis, & spiritus dei in naribus eorum, non loquentes labijs iniquitatem, nec in lingua sua stultitiam personantes: sicq; per arma iustitiæ à dextris & à sinistris incedentes, ad perceptionem cœlestis denarii, quem summus paterfamilias cultoribus suæ uinæ repromisit, perueniunt. Et opus unum erat in duobus Cherubin, quia utriusq; testamenti scriptores, una eademq; castitate operis & charitatis deuotione deo seruiunt, una & consona uoce ac fide deum prædicant: quia quæ nouum testamentum de dominicâ incarnatione, passione, resurrectione, ascensione, gētiū uocatione, Iudæorum expulsionē, multimoda ecclesiæ tribulatione facta narrat: hæc eadem uetus testamentum, si recte intelligitur, ueraciter fienda prædicabat. Aduentum uero antichristi, finem seculi, extremi discrimen iudicii, & æternam bonorum gloriam, poenamq; reprobis, concordī utrumque testamentum ueritate probat. Alæ ergo Cherubin interiores super arcam se inuicem contingebant: quia utraq; testamenta pari de domino attestatione consentiunt. Item alis exterioribus, iste unum parietem, ille alterum contingebat: quia uetus testamentum proprie antiquo dei populo scriptum est: nouum uero nobis, qui post incarnationem dominicam ad fidem uenimus. Et secundo parietī, hoc est septentrionali, recte comparatur: quibus post frigus ac tenebras idololatriæ, lucem ueritatis cognoscere datum est. Nam & si primitiua ecclesia maxime de Iudæis effloruit, & omnis Israel circa finem seculi saluandus esse creditur: plurimi fidelium huius corporis congregantur ad euangelij suscipiendi sacramenta, quibus etiam hoc diuinitus donatum est, ut reuelatis oculis cordis sui, manifeste cognoscant literam ueteris testamenti, euangelicæ gratiæ plenam esse mysterijs. Versas habent facies Cherubin ad exteriorem domum: quia nobis qui adhuc foris stamus, nec re, sed spe, salui facti sumus, diuini sunt libri conditi: quia scriptores eorum iam regnantes cum domino, illumq; collaudantes in cœlis, curam nostræ gerunt salutis, qui pro nostris erratibus, apud eius pietatem interpellant. Circundati sunt auro Cherubin,

ro Cherubin, quia prædatis scriptorum suorum operibus confirmatur auctoritas testamentorum, manifestata iam per orbem cognitione diuinarum scripturarum, siue interna gloria cœlestium agminum: utrumque enim Cherub, ut diximus, & angelos uidelicet & testamēta designant, cum plures ad fidem conuerti, & bonis abundare cœperint operibus. Vnde & apte subditur, Et omnes parietes templi per circuitum sculpsit uarijs cœlaturis & torno.) Omnes parietes templi per circuitum, omnes sanctæ ecclesiæ populi sunt, quibus super fundamētum Christi locatis, totius ambitum orbis repleuit, cœptumque fidei ædificium quotidie noua membrorum suorum progenie, quasi lapidum precioforum appositione superaumentare non desistit. Qui nimirum parietes uarijs cœlaturis sculpuntur: cum alij datur per spiritum sermo sapientiæ, alij sermo scientiæ secundum eundem spiritum, alteri fides in eodem spiritu, alij gratia sanitatum in uno spiritu, alij operatio uirtutum, alij prophetia, alij discretio spirituum, alij genera linguarum, alij interpretatio sermonum. Et ut ad illas ueniamus, quas omnes habere ualemus uirtutes, charitas, gaudium, pax, longanimitas, patientia, benignitas, bonitas, modestia, continentia, & ceteri fructus spiritus, quid nisi cœlaturæ parietū templi quæ ornatus sunt mentium populi dei? Sculpuntur & iidem parietes torno, cum prompto pollent animo fideles, ad faciendum cuncta quæ dominus præcepit, ad patiendum cuncta quæ permittit, dicentes ex animo per singula quæ occurrunt, Benedicam dominum in omni tempore. Et, Paratum cor meum deus, paratum cor meum, cantabo & psalmum dicam domino. Sculpuntur torno, cum intantum uirtutibus operam impendunt, ut ab harum tramite nullis circumstantiarum rerum contrarietatibus, nullis possint blandimentis auerti. Quia enim tornatura cæteris artibus uelocitate præcellit, & ipsa sibi regulam qua sine errore opus perficiat, seruat, apte per hanc pia sanctorum uita signatur: quia & parata est semper ad obsequium diuinæ uoluntatis, & hoc absque diuerticulo errandi complere longo uirtutum usu exercitata didicit. Vnde & sancta ecclesia in Canticis canticorum, sponsi ac redemptoris sui uirtutes admirata, dicebat, Manus eius tornatiles, aureæ plenæ hyacinthis, Tornatiles quippe sunt manus eius, quia apparens in carne sanitates & miracula quæcumque uoluit, absque omni morarum tarditate, absque ullis errorum ambagibus, dei uirtus & sapientia perfecit. Aureæ sunt, quia ea quæ foris uerbo iussit, intus diuina plenitudo potentia dedit. Plenæ sunt hyacinthis, quia ad gloriam patris uniuersa quæ fecit, retulit: & per opera quæ fecit, nostros ad quærenda cœlestia sensus erigit. Omnes ergo parietes templi, per girum uarijs cœlaturis & tornis sculpuntur, cum tota per mundum ecclesia, uirtutum spiritualium exequutioni, absque ullo prorsus errore prompta deuotione insistit. Vbi bene subditur, Et fecit in eis Cherubin & palmas, & picturas uarias, quasi promouentes de pariete, & egredientes.) Cherubin namque in parietibus templi facit

pli facit Salomon, cum electos suos dominus ad regulam scripturarum sanctarum, in quibus est multitudo scientiæ, uitam suam dirigere donat. Cherubin facit, cum eos in hoc mundo castitatem angelicæ conuersationis pro modulo suo docet imitari, quæ maxime uigilijs, ac laudibus diuinis, dilectione synœra conditoris & proximi genitur. Palmas facit cum memoriam æternæ retributionis eorum mentibus infigit, ut eo minus ab arte iustitiæ labi queant, quo mercedem iustitiæ semper ante cordis oculos habent. Facit picturas varias prominentes de pariete, & egredientes, cum multifarias uirtutum operationes fidelibus tribuit: uerbi gratia, uiscera misericordiæ, benignitatem, humilitatem, patientiam, modestiam, sufferre inuicem, & donare sibi metipsis, super omnia autem hæc charitatem habere, quod est uinculum perfectionis. Quæ uidelicet uirtutes cum in tantam electis consuetudinem uenerint, ut uelut naturaliter eis uideantur insitæ, quid aliud quàm picturæ domus domini prominentes, quasi de pariete exeunt: quia uerba & opera ueritatis non adhuc ab alijs extrinsecus discunt, sed ut sibi met insixa radicitus, parata semper ab intimis cordis quæ sunt agēda siue docenda proferunt. Sed & pauimentum domus, texit auro intrinsecus & extrinsecus, in oraculo & in ipso templo. Significare autem diximus supra, quod pauimenti æqualitas humilem concordiam designaret sanctæ fraternitatis, ubi cum sint Iudæi & gentes, Barbari & Scythæ, liberi & serui, nobiles & ignobiles, cuncti se in Christo fratres esse; uniuerſi eundem se habere patrem in cœlis gloriantur. Neque enim de concordissima humilitate supernorum ciuium dubitare cuiquam fas est. Texit ergo Salomon pauimentum domus auro intrinsecus & extrinsecus, quia rex noster pacificus, & angelos atque animas iustorum in cœlis perfecte ac plenarie dono dilectionis impleuit, & peregrinantes in hoc seculo ciues eiusdem patriæ cœlestis, signaculo dilectionis à caterorum mortalium uilitate segregauit: in hoc cognoscent, inquit, omnes quia discipuli mei estis, si dilectionem habueritis a diuinitate. Et in ingressu oraculi fecit ostiola de lignis oliuarum, postesque angulorum quinque, & duo ostia de lignis oliuarum. Quod primo dixerat, Fecit ostiola de lignis oliuarum: hoc ipsum uidetur apertius explicare uoluisse, cum adiunxit, Et duo ostia de lignis oliuarum. Unus quippe erat ingressus oraculi, sed idem ingressus duobus ostijs claudabatur, rursumque reſeratis eisdem aperiebatur, sicut templum, & sicut porticus ante templum, unum non amplius habebant introitum, certi utique causa mysterij: quia unus dominus, una fides, unum baptisma, unus deus, unus in ecclesiam præsentem per baptismum, unus in regnum cœleste per opera fidei est sperandus introitus. Nam quod unus esset introitus oraculi, testatur hoc quod inferius de arca scriptum est. Cumque eminent uectes, & apparet summitates eorum foris sanctuarii ante oraculum, non apparebant ultra extrinsecus. Vbi patet ostendit, ni fallor, quod unus erat ingressus oraculi, & hic est regiō factus arcae quæ in medio eiusdem oraculi fuit. Cuius ingressus & ostiola per significationē multique

De ingressu
oraculi
XVII

multifarie possunt accipi: nam & angelicos spiritus, quorū ministerio in habitationem cœlestis patriæ introducimur, aptissime designant, & apostolorum atq; uirorum apostolicorū figuram tenent, quibus clauēs regni cœlorum sunt datæ, qui accepta à domino potestate ligandi atq; soluēdi, & dignos intra regni ianuam admittunt: & contumaces, impuros ac superbos, excommunicando uel anathematizando, ab ingressu uitæ perennis eliminant. Sed & opera iustitiæ quorum merito ad regnum cœleste perueniūt, recte per ostia per quæ in sancta sanctorum ingrediebatur possunt typice designari, iuxta quod in libro Sapientiæ scriptum est, Custoditio autem legum consummatio incorruptionis est, incorruptio autem facit proximum deo. Concupiscentia itaq; sapientiæ, deducta ad regnum perpetuum. Quibus omnibus apte cōgruit, quia ipsa eadem ostiola de lignis sunt oliuarum, quia nimirum & angeli & homines perfecti, fructu misericordiæ & operibus lucis sese in domo dei gloriosos exhibent, immo omnes electi per arma lucis & pietatis aditum sibi patriæ cœlestis aperiuunt. Duo sunt autem ostiola: siue quia dominum & proximos diligunt angeli & homines sancti, neq; ianuam uitæ, nisi per geminam hanc dilectionem poterit quis intrare: seu quia utriusq; populi fidelibus, & Iudæi uide licet & gentilis, eadem uitæ ianua referatur. Postes sunt angulorum quinque, quia non solum animas electorum aula cœli recipit, sed & corporib; immortalis gloria præditis, in iudicio suas fores aperit. Quinque enim sunt sensus corporis nostri, ut supra meminimus, uisus, auditus, gustus, olfactus, tactus. Certe uel postis uterq; oraculi uel factus est cubitorum, quia solis illis supernæ patriæ aditus panditur, qui omnibus sui corporis & cordis sensibus domino se uire studuerunt: corporis uidelicet, cum per eosdem sensus aliquid pro illo agunt: cordis uero cum sobrie & iuste & pie cogitant de eis quæ per ipsos corporis sensus agere decernunt. Sculpsitq; in eis picturam Cherub & palmarum species, & anaglypha ualde prominentia, & textit ea auro, operuitq; tam Cherubin quàm palmas & cætera auro. Anaglypha Græce, dicuntur Latine cœlatura. Cœlata sunt autem uasa aurea uel argentea, signis eminentioribus extra intusq; expressa. Hæc & alio nomine sculpta uocantur, anaglypha uasa dicta, quod superius sunt sculpta: Græci enim *Ana*, sursum, *Glyphen*, sculpturam dicunt: id est, sursum sculpta. Cuncta autem hæc supra eadem Cherubim in ornatu parietum templi posita, pro capto nostro exposita sunt, nec laborandum in austruendo: quin uirtutum operibus quæ per totum orbem ecclesia in suis sanctis ac perfectis exercet, illi præcipue quibus fidelium cura commissæ, & clauēs regni cœlorū sunt datæ, omni debeant solertia insistere, ut quantum gradu præminent cæteris, tantū & merito præcellant bonæ actionis. Habent namq; in se picturam Cherubin insculptam, cum angelicam in terris uitam, quantum mortalibus possibile est, & mente imitantur & opere. Habent palmarum species, cum dona supernæ retributionis fixa semper intentione meditantur. Palma namq; manus uictoris ornatus est. Habent anaglypha ualde promi-

prominentia, cum certissima bonorum operum documēta, & quæ nemo in sinistram partem interpretari ualeat, cunctis se intuentibus ostendunt. Et hæc omnia opera sunt aureis laminis cooperta, cum sicut sæpe dictum est, & semper dicendum est, ceteris uirtutum floribus specialius in magnis ecclesiæ membris fulgor supereminet amoris. His ostiis etiam uelum fuisse additum, uerba dierum narrat. Fecit quoque uelum, inquit, ex hyacintho, purpureo coccino & bysso, & intexit ei cherubin: quod decoris quidem gratia factum est, ut inter parietes deauratos & holosericum fulgeret, sed in eiusdem mysterij significatione, cuius & ostiola, ante arcem atque ingressum oraculi adpensum, ut sicut ostiola congruis horis aperiebant, sic & uelum reuelaretur, quoties adueniret qui in sancta sanctorum esset ingressurus. Huius ergo ueli sedula reuelatio, sedulam apertionem regni coelestis significat, quæ nobis per incarnationem domini & saluatoris nostri, donata est: unde & baptizato eo, cœli aperti sunt, ut ostenderet, quia per baptismum quod nobis ipse contulit, ianuam patriæ coelestis deberemus ingredi: & moriente illo in cruce, idem uelum scissum est medium à summo usque deorsum, ut aperte doceret, quia figuræ legales iam tunc ad finem uenissent, ac ueritas euangelij arcanaque coelestia, & ipse cœli ingressus, non adhuc prophetandus, ac figuraliter significandus, sed iam iamque esset proxime omnibus aperiendus, qui ab initio mundi usque ad id temporis in fide ueritatis de mundo transierunt. Nam die post resurrectionem domini quadragesimo uniuersi cum eo cœlum perueniunt, remotoque omni uelamine multiphas in domo domini mansiones pro suis quisque meritis acceperunt, sed & nobis qui adhuc futuri eramus, eadem hora reuerteretur supernæ illius ciuitatis ac domus patris ingressus. In quam profecto ciuitatem non nisi per internam æternorum bonorum desideria, per fidem & sacramenta dominicæ passionis, per uerba sincera dilectionis, per mortificationem concupiscentiæ carnalis, & per quotidiana angelorum auxilia cōscenditur. Vnde bene idem uelum sub quo in oraculum intrabatur ex hyacintho, purpureo, coccino & bysso factum est, ei que cherubin intexti esse memoratur. Hyacinthus quippe qui cœli colorem imitatur, purpurea quæ sanguine conciliorum conficitur, & sanguineam ipsam profert speciem, non immerito sacramentum signat dominicæ passionis, quod nos imitari crucem nostram portandō debemus. Coccino qui rubeo colore flammescit, congrue uirtus exprimitur amoris, de qua mirantes dixerūt, qui cum domino ambulauerunt discipuli. Nonne cor nostrum ardens erat in nobis, dum loqueretur in uia, & aperiret nobis scripturas? Bysus quæ de terra uirenti germine nascitur, & longo artificum exercitio natiuum exuit uirorem, atque ad albeniem deducitur speciem, congrue castitatem nostræ carnis insinuat, cuius quasi humorem ingenitū exicari iubet Apostolus dicens. Mortificate membra uestra quæ sunt super terram, fornicationem, immundiciā, libidinem, concupiscentiam malam, & auaritiā, quæ est simulacrorū ser-

nitus. Ad quantam uero gloriam hanc uelit perducere, ostendit aliis dicens: Obsecro uos fratres per misericordiam dei, ut exhibeatis corpora uestra hostiam uiuentem, sanctam, deo placentem, rationabile obsequium uestrum. Intexit uero cherubin, eademque quatuor coloribus eximijs cōficiuntur, cum in uniuersis quæ pie agimus, à uenenatis dæmonum telis per angelica præsidia domino donante protegemur. Item, texit uero cherubin, cum in bonis quæ agimus, multitudine scientiæ indefinenter utimur, respicientes semper ad eloquia diuina, & ne forte à uirtutum calle aberremus, horum introitu continue uestigia nostra regamus. Fecitque in introitu templi postes quadrangulatos, & duo ostia de lignis abiectis intrinsecus. & utrumque ostium duplex erat, & se inuicem tenens aperiebatur. Sicut ingressus oraculi, quo ad arcam domini cherubini perueniebatur, introitui regni celestis significar, quo ad conditoris uisionem nostri supernorumque ciuium nos introduci speramus, ac desideramus: ita introitus in templum primordia nostræ conuersionis ad deum, quando in præsentem ecclesiam ingredimur, typice demonstrat. Iste ingressum nostrum ad fidem, ille designat ad speciem: unde apte postes huius introitus quadrangulati sunt facti, propter quatuor sancti euangelij libros, quorum doctrina in fide ueritatis erudimur: seu propter totidem quatuor uirtutes principales, prudentiam, fortitudinem, temperantiam, iusticiam, quarum ueluti fundamini quodam firmissimo omnis bonorum actuum structura innititur. Prudentia namque est, qua discimus quid nos agere, qualiter uiuere deceat. Fortitudo, per quam ea quæ didicimus agenda implemus. Quas uno uersiculo uirtutes propheta breuiter complectitur dicens: Dominus illuminatio mea & salus mea. Illuminatio uidelicet ut quæ agere debeamus edoceat: salus uero ut nos ad agenda cōfirmet. Temperantia, qua discernimus ne plus aut minus iusto prudentiæ siue fortitudini, operam dare inueniamur. Et quisquis prudentia, fortitudine, temperantia ueretur, absque ulla contradictione iustus esse probabitur. Virtus quarta post prudentiam, fortitudinem, temperantiam, iusticia sequitur. Duo ostia, quæ in hunc ingressum facta sunt, dilectio est dei & proximi. Quæ bene altius facta esse dicuntur, quia ad inuicem respiciunt, adeo ut una sine altera nequaquam possit haberi. Omnis enim qui credit, quoniā Iesus est Christus, ex deo natus est: & omnis qui diligit eum, qui genuit, diligit eum qui natus est ex eo. Et sicut iterum dicitur: qui non diligit fratrem suum quem uidet, deum quem non uidet, quomodo potest diligere? Vnde recte ostium exterius dilectio fraterna, interius est dilectio intelligenda diuina: quia illa prior tempore, hæc dignitate sublimior: & per illam ad hanc intratur, quia in amore proximi discitur, qualiter amari conditor debeat. Vtrumque autem ostium duplex erat, & se inuicem tenens aperiebatur: quia in utraque dilectione duo sunt quæ principaliter obseruare debemus. In dilectione etenim dei fidem ueritatis, & puritatem necesse est ut habeamus bonæ operationis: sine fide enim impossibile est

bile est placere deo: & fides sine operibus mortua est. In amore enim fraternitatis patientia est, & benignitas seruanda, dicente Apostolo, Charitas patientis est, benigna est: patientis uidelicet ad tolerandas molestias iniuriasq; proximorum: benigna, ad dimittendū ex corde, & benefaciendum eis, quorum iniurias sustinet: qualem nos charitatem habere dominus uoluit, cum ait, Dimittite & dimittetur uobis. Dimittite iniurias laedentibus uos, date subsidia eis pietatis, quibus laxatis iniurias: qualem nobis impendere dilectionem desiderat, ipse qui nos in oratione dicere praecepit, Panem nostrum quotidianum da nobis hodie, & dimitte nobis debita nostra, sicut & nos dimittimus debitoribus nostris. Vtrumq; ergo ostium duplex erat, quia dilectio utraq; gemino ordine perficitur: utrumq; se inuicem tenens aperiebatur, quia iunctae sunt uirtutes, neque ab inuicem possunt diuidi. Nam neque fides sine operibus, neque sine fide deo possunt opera bona placere: neque item iniurias ferre sufficit, qui ei quē tolerat, etiā ea quae necesse habet cum possit ministrare contemnere: neque ei qui substantiam mundi habuerit, satis est de hac egenti proximo dare, si non etiam eas quas sibi forte irrogauerat iniurias, sincero ex corde dimittit. Quod enim de utroque illo ostio dicitur, quia se inuicem tenens aperiebatur, non haec apertio separationem ab inuicem spiritualium designat uirtutum, sed hoc potius indicat, quod post harum coniunctionem, ingressus nobis sanctae ecclesiae magis magisque pateat: ut quo his amplius abundemus, eo uerius sanctorum cœtibus associemur: sicut etiam diuisio rubri maris, per quam populus dei Aegyptum persequentem euasit, non diuisionem unius baptismatis, sed apertionem potius signauit, qua extinctis peccatis omnibus, ad litus ac solitudinem transcamus uirtutum. Vel certe ostium quod inuicem se tenet, aperitur, cum post ministerium praedicatoris discernitur, quid proprie ad cognitionem fidei, quid ad uiuendi castitatem pertineat. Quae tamen utraq; à sua nequeunt conjunctione separari, quia non distat inter proximorum mala tolerare, & eis bona commodare, cum haec certissime soleant in uno eodemq; corde perfectorum in dissolubilia permanere. Notandū sanè quod in ingressu oraculi duo quidē ostia dicuntur, sed haec duplicia fuisse nō dicuntur: in templi uero id est domus prioris introitu ita erant duo ostia, ut duplex esset utrumq;: quia nimirum in praesenti ecclesia talem nos ingredi ac ducere uitam necesse est, in qua dilectionē dei & proximi per fidem & operationem, per patientiam & benignitatem seruemus. In futura autem uita ubi dominum & proximos in luce internae beatitudinis uidebimus, eadē utiq; gemina dilectione absq; ullo prorsus labore, imò in magna multitudine diuinæ dulcedinis perfruemur. Vnde apte introitus interioris domus duo quidem ostia, sed haec simplicia habebat. Non enim fides ibi necessaria est, ubi ea quae nūc credimus ac speramus, omnia manifesta luce uidebimus. Non est labor operū necessarius, ubi mercede perpetua eorum, quae hic laboramus, donabimur. Non ne

cessaria patientia, ubi nemo aduersi aliquid irrogat. Non munificentia benignitatis, ubi nemo indiget quod opus est. Hac de ostiorum figura pro modulo nostro sequentes patrum uestigia, disseruimus. Verum iuxta formam operis, decoris gratia prouisum est, ut in uno eodemque templi ingressu, duo essent ostia. Necessse etenim erat parietes domus, qui CXX cubitos habebant, nonnullas etiam crassitudines habere: in cuius nimirum crassitudinis extrema parte ostia erant affixa, ita ut æquali pariete esset ostium utrumque, & siue intus siue foris templum quisque positis ostium inspiceret, unus ei per omnia paries esse uideretur. similiter & cedrinus paries cum uicenorum, in longitudine & altitudine esset cubitorum, non paruam & ipse debuit habere crassitudinem. Qua propter & in huius ingressu duo facta sunt ostia, ut uidelicet ab utroque latere, hoc est, intus & foris æquali pariete ostium pateret. Et quoniā easdem picturas æquas ostium & paries habebat, ut ueraciter unus per omnia continuatim extentus paries uideretur, unum decoris gratia prætendens, aliud mysterij dispensatione præfigurans. Quod uero descriptis templi ostijs sequitur: & sculpsit cherubin & palmas & cælaturas ualde eminentes, operuitque omnia aureis laminis opere quadro ad regulam: iam supra expositum est: quia in parietibus domus & in ostijs interioribus eadem picturæ siue cælaturæ sunt factæ: paterque ratio figuræ, quare easdem ipsas picturas & cælaturas, eosdemque cherubin prima templi ianua quos & interior recipiat: quia nimirum eadem arcana fidei, spei & charitatis, quæ sublimes quisque ac perfecti sublimiter capiunt, quæque omnes electi in coelis plene in diuina uisione percipiunt, etiam catechizandis rudibus quibusque discenda & confitenda traduntur, quatinus sacris initiati mysterijs, quandoque etiam ad capienda ea quæ pie crediderunt perueniant. Quod autem nostra translatio habet, operuitque omnia laminis aureis opere quadro ad regulam: in LXX habet, Expandit per eas bracteas, & deaurauit eas auro introducto per sculpturam. Aedificauit atrium interius tribus ordinibus lapidum politorum, & uno ordine lignorum cedri. De interiori atrio breuiter loquitur, de exteriori prorsus tacere uidetur. Verum in uerbis dierum utriusque sit mentio, ubi ita scriptum est: Fecit etiam atrium sacerdotum, & basilicam grandem, & ostia in basilica, quæ textit ære, Atrium ergo interius quod uocatur sacerdotum, eo quod sacerdotes & leuitæ in eo ministrarent, ex omni parte erat templo circumdatum ab oriente: unde templi ingressus multo longius à templo, quàm à cæteris tribus plagis positus erat: quia nimirum in ea, id est, in facie templi fiebant ministeria sanctorum: ibi altare æneum ad hostias domino offerendas, ibi decem luteres ad lauandas easdem hostias, ibi mare æneum erat positum ad lauandas manus pedesque sacerdotum, cum ad ministrandum intraret. Habebat autem hoc atrium tres cubitos altitudinē, ut Iosephus narrat, quatinus ab ingressu templi cæteros prohiberet, & solum sacerdotibus hoc licere significaret: eratque ianua ad orientalem plagam, ad quam

De atrijs domus domini.
XVIII

quam usq; populus hostias suas & sacrificia inferebat, inde suscipienda à sacerdotibus, atque ad altare perferenda. De exteriori uero atrio, quod uerba dierum basilicam grandem uocant, ita scripsit Iosephus. Extrinsecus autem huius templi aliam ædificauit aulam quadrangulo schemate factam, erigēs maximas porticus, atq; latas portas & excelsas & amplas, per quatuor mundi partes, in ea constituens: quarum singule ad unumquemq; uentum, quatuor angulis attendebant, ubi æreas ianuas collocauit. Et paulo post: Hoc sacrarium omnes populi, quibus purgatio & obseruatio legitimorum inerant, introibant. Has uero porticus Cassiodorus senator in pictura templi quam in pariete posuit, ut ipse in psalmorum expositione commemorat, triplici ordine distinxit: primum uidelicet ordinem ponens extra atrium sacerdotum ex omni parte quadrum, secundum eodem modo extra intimas porticus, undiq; uero in gyrum extremum, similiter ex omni latere priorum porticum in circuitu: sicq; templum triformi ædificiorum præsidio ab omni parte munitum, facto pauimento sub dio inter ædificia singula de marmore: & parietibus domorum interioribus, hoc est eis qui ad templum respiciebant, factis in columnis: exterioribus uero solidis: sicq; fiebat, ut omnis structura templi per gradū esset uarietate rationabiliter distincta. Namq; in sancta sanctorum ingrediebatur pontifex, in ipsum templum sacerdotes purificati, in atrium sacerdotum sacerdotes purificati & non purificati, una cum leuitis & cantoribus: in intimū atrium basilicæ maioris uiri Iudæi stantes purificationi & orantes subditi: si serenum esset, si tempestas in porticus proximas se recipientes, in exterius autem mulieres Iudææ purificatæ, in extremum atrium gentiles & Iudæi, qui nuper uenerant ex gentibus usq; ad sextum purificationis diem. Hæc in pictura Cassiodori distincta reperientes, breuiter adnotare curauimus, rati cum ab antiquis Iudæis hæc didicisse, neq; uirum eruditum uoluisse in exemplum legendi proponere, quæ non ipse prius ueraciter cognouisset. Hæc sunt loca quorum meminit supremus graduū psalmus, qui ita incipit: Ecce nunc benedicite dominū, omnes serui domini, Qui statis in domo domini, in atrijs domini dei nostri. In his porticibus Hieremias & prophete alij, in his dominus & apostoli uerbum populo prædicationis harum aliqua dominus sedebat docens, quando à tentantibus pharisæis mulier illi adultera iudicanda oblata est. In his inuenit uendentes & euentes oues & boues & columbas, hosq; cum suis mercimonijs eliminauit è templo: in his Petrus & Ioannes claudum inuenientes sanauerunt, ac secum ingredientiæ interius ad orandum duxerūt: in his orabat omnis multitudo populi, quando incensum ponenti Zachariæ angelus ad altare thymiamatis apparuit, cumq; de præcursoris domini natiuitate perdoxit. Nā hæc atria cum porticibus suis aspectum templi de longe aspectantibus abscondere potuerunt, quia locus in quo templum erat situm, multo sublimior erat quam ubi fundatæ porticus fuerunt. Nam sicut Iosephus scribit, extre-

mae attiorū fabrica, cum in CCC cubitis essent erecta, tantū usq; ad uerticem mōtis, in quo templū ædificatū est, peruenērūt. Hæc quidē de structura templi studioſo lectori credidimus intimāda. Verū in eis quæcūq; scriptura referte sacra cōmodū duxit, figuras myſteriorū quæramus, cæteris pro hiftoria cognitione ſimpliciter utamur. Aedificiū ergo tēpli intra atriū ſacerdotū, perfectōrū in ſancta eccleſia & ſublimiū uitā exprimit uirōrū, eorū uidelicet qui & excellentia nirtutū domino appropinquare, & alijs uerbo atq; opere ducatū ſolēt impendere ſalutis. Sacerdos nāq; ab eo latine nomē accipit, q̃ ſacrū præbere ducatū minoribus debeat. Quo nomine in ſcripturis myſtice nō ſoli altaris miniſtri, epiſcopi uidelicet & preſbyteri, ſed omnes utiq; cenſentur, qui altitudine rectę cōuerſationis ac doctrinæ ſalutaris eminēt, nec ſi bimet ipſis tātūmodo, ſed pluribus profunt, dū corpora ſua hoſtiā uiuentē, ſanctā, deo placentē exhibēt. Neq; enim epiſcopis ſolis & preſbyteris, uerū omni eccleſiæ dei loquebat apoſtolus Petrus, cū ait, Vos autē genus electū, regale ſacerdotiū, gens ſancta, populus adquiſitiōis. Cuius honore dignitatis etiā antiquus dei populus erat inſignitus, dicēte ipſo ad Moysen. Hæc diſces domui Iacob, & annūtiabis filiis Iſrael. Et paulo poſt, Et uos eritis mihi regnū ſacerdotale, & gens ſancta. Baſilica uero grandis, quæ erat extra atriū ſacerdotū, in qua omnis populi multitudo adorare ſiue ad uerbū audiendū cōſuere ſolebat, carnaliū in ſancta eccleſia uitā moresq; figuraliter inſinuat, quibus dicit Apoſtolus: & ego fratres nō potui uobis loqui quaſi ſpūalibus, ſed quaſi carnalibus: tanq̃ paruulis in Chriſto, lac uobis potū dedi, nō eſcā. Qui bene per baſilicā grandē designat, quia abſq; ulla dubietate multo maior eſt in ſancta eccleſia taliū, q̃ perfectōrū numerus: ſed quātū numero præſtāt, tantū ſuccubūt merito. Vnde apte baſilica hæc grādīs, & ſi plurimos capit, nō eos tamē in interiora tēpli deaurati, nō ad altaris officiū, nō ad ipſum ſaltē atriū ſacerdotū intramittit: quia carnales quicq; atq; infirmi in eccleſia, & ſi ob meritū caſtæ fidei ac pietatis deo deuoti ad electōrū fortē pertinet, lōge tamē abeſt ut illis acquētur, qui cū fiducia dicere poſſunt, Nō enim au deo aliquid loqui eorū quę per me nō effecit Chriſtus in obedientiā gentiū, uerbo et factis. Et iterū. Bonū certamē certauī, curſū cōſummaui, fidē ſeruaui de cætero reſoſita eſt mihi corona. Accedebat quidē uulguſ usq; ad atrium ſacerdotū, hoſtias ſuas usq; ad huius ianuā deferēbat, ſulceptas à ſacerdote, atq; in altari oblatas oculis proſequēbat, in ipſum etiā templū cū aperiebāt, intuitū ſuū à longe dirigebat, nec tamē atriū ſacerdotū intrandi facultatē habebat, uerū de inferioribus clamabat ad dominū: quia nec carnaliū in eccleſia ſimplicitas à domino deſpicit, quādo fideliter ea quæ ualēt, uota pietatis offerūt. Dirigūt enim uiſum à longe in templū dei, cū uitā ſublimiū diſcere, & admirari ſedulo gaudēt, & quos uirtutū imitatione ſequi nequeūt, piæ uenerationis amplectūtur affectu. Vident hoſtias ſacerdotū in altari, igne ſacroſancto conſumi, quia magna magnatorum opera cognoscunt à domino
per ſpiri

per spiritum sanctum dignanter accipi. Afferunt & suas hostias ad atrium sacerdotum offerendas domino per illos, dum bona quæ prævalent operantes, maiorum & doctiorum firmanentur exhortatione & intercessione commendantur. Offerunt etiam tunc hostias suas sacerdotibus per eos domino commendandas, cum sanctis quibusque egentibus necessaria mundi huius, quibus ipsi abundant, summæ mercedis intuitu tribuunt, domino admonente ac dicente: Facite vobis amicos de mammona iniquitatis, ut cum defeceritis, recipiant vos in æterna tabernacula: & quicumque, inquit, potum dederit uni ex minimis istis calicem aquæ frigidæ in nomine discipuli, amen dico vobis non perdet mercedem suam. Ac sic utroque hostias unus idemque in altare dei assumit, cum dominus elemosynas diuitum, quibus ministraverunt sanctis, una cum magnis eorundem sanctorum virtutibus, suo intuitu ac retributione dignas iudicat. Multitudo ergo credennium quæ relictis possessionibus uno corde & anima domino serviebat, ipsa est templum dei, & locus intra atrium sacerdotum specialiter illi consecratus. Porro basilica grandis, & orantes in ea circa atrium sacerdotum in gyro, figuram gestant eorum, qui idem templum ingrediebantur ex gentibus in Syria & Antiochia, ceterisque per circuitus & civitatibus: quibus Apostoli & seniores, qui erant in Hierosolymis nihil amplius imponebant oneris, quam ut abstinerent se ab idolis immolato & suffocato, sanguine & fornicatione. Quorum tamen oblationibus volebant pauperes sanctorum, qui erant in Hierosolymis sustentari: quatinus eis carnalia sua ministrantes, spiritualium eorum possent fieri participes. Barnabas vero & Paulus cum socijs suis, qui oblationes horum accipientes Hierosolymam deferrebant, ipsi sunt sacerdotes, qui hostiam suscipientes ad altare domini consecrantes perducebant: quæ dona devotionis eorum sanctis qui pro illis orare deberent, attulerunt. Atrium ergo quod positum inter locum vulgi & sacerdotum medium erat, divisionem significat illam quæ carnales in sancta ecclesia, nuperque incipientes viam iustitiæ, ab arte perfectorum, non quidem forte electionis, sed meritum quantitate scernit. Namque carnales sufficere sibi credunt, si fidem, spem & charitatem, operum quoque mundiciam habeant. Perfecti autem & hæc habent, & insuper verbo prædicando laborant, pauperibus omnia sua tribuunt, vigilijs, ieiunijs, hymnis & canticis spiritualibus, sacris quoque lectionibus operam dant, persecutiones, pericula propter iusticiam tolerant: & cætera quæ fecisse cum socijs Paulus gloriatur, prompta devotione metis exequuntur. Vnde bene atrium sacerdotum, tribus ordinibus lapidum politorum, & uno ordine lignorum cedri, ædificatum esse memoratur. Tres quippe ordines sunt lapidum politorum, fides, spes & charitas. Et recte politorum, quia certe necesse est discendi solertia, ut quisque quomodo credere, quid sperare, quid diligere debeat discat. Vnus autem ordo lignorum cedri, ipsa est bona operatio sine corruptione simulationis exhibitæ, sine cuius supradiectione, fides, spes & charitas uera esse non valet. Dictum

Quarto anno
templū edifi-
catum. XLIX

namq; est sapius, quā ligna cedri propter odoris gratiā & imputribilē suā naturā potentiā, perseverantiā, famamq; piæ designant actionis. Ad hoc usq; atriū uniuersū cōscendunt electi, qui fide, spe, dilectione, opere deo place- re appetunt: hoc alio meritorū gratia transcendūt perfecti, cum in tanto uirtutum culmine proficiunt, ut dicere suis auditoribus possint, imitatores nostri estote, sicut & nos Christi: gloriaturq; & dicūt Nescitis quoniā angelos iudicabimus, quāto magis secularia? Anno quarto fundata est domus domini in mense Zio, & in anno XI, mense Bul, ipse est mensis octauus, perfecta est domus domini in omni opere suo, & in uniuersis utensilibus: ædificauit autē eam annis VII. Patet allegoriæ sensus, quare VII annis ædificata sit domus domini: quia nimirū sancta ecclesia toto hoc seculo quod VII diebus circuitu peragitur, ex electis cōstruitur animabus, & in fine seculi suum quoq; incrementū ad finem ipsum perducit. Vel certe VII annis ædificat, ob significationē gratiæ spūalis, quā ecclesia sola, ut sit ecclesia, percipit. Septē quippe dona sancti spiritus enumerat Esaiās, sine quibus nemo fidelis, uel fidem seruare, uel merito fidei ad coronā potest uenire iusticiæ. Quod autē in VII anno, & in VIII eius mense perfecta est domus in omni opere suo, & in uniuersis utensilibus, ad futurū seculū diēq; iudicij pertinet, quādo ad tantam iam perfectionē sancta ecclesia pueniet, ut quid ei amplius addi possit, inueniri nō possit. Habebit enim tūc qd pius ille desiderator supplex à domino quærebat dicēs. Domine ostende nobis patrē, & sufficit nobis. Cōstat enim quia dies iudicij saepe in scripturis octonario numero typice exprimit, eo quod hoc seculū, qd VII diebus currit, sequatur: unde & ppheta psalmi titulū pro octaua imposuit, quē ob meritū eiusdē districti iudicij cantauit, ita incipiens: Domine ne in furore tuo arguas me, neq; in ira tua corripas me. Sed non cōtemnenda nasciē quæstio, quomodo dicatur, domus domini in mense octauo perfecta in omni opere suo, & in uniuersis utensilibus, cū in sequentibus legatur, mense VII dedicationē eius esse cōpletā. Neq; autē credibile est, quia VII quidem annis templū ædificans Salomon octauo mense anni octauī fecerit dedicationē, sed usq; ad VII mensem anni octauī distulerit: unde potius mihi simile uidet domū VII annis ac VII mēibus ædificatā, ita ut eodē mēse VII dedicationis sit celebrata solēnitās, ac die XXXIII ipsius mēsis, ut uerba dierū narrāt, populū Salomō ad tabernacula sua dimiserit: sicq; post unā septimanā, adueniēte mēse VIII pfecta inuēta sit domus domini, in operibus uidelicet eius uniuersis, & ipsa eius dedicatiōe prius cōpleta. Nisi forte putādū est post dedicationē aliquid adhuc utensiliū in ministeriū eius additū fuisse usq; ad ingressum VIII mēsis: accelerāte rege ut omnino mēse VII, qui erat totus solēnis, tēplū dedicaret: atq; ita uerū reperiat, utrūq; & tēplū uidelicet mense VIII in omni opere suo atq; utensilibus perfectum, & ipsum VII mense dedicatum fuisse. Misit quoq; rex Salomon, & tulit Hiram de Tyro, filium mulieris uiduæ, de tribu Neptalim, patre Tyrio

Tyrio, artificem ætærium, & plenum sapientia & intelligentiâ & doctrina, ad faciendum omne opus ex ære. Qui cum uenisset ad regem Salomonē, fecit omne opus eius; Et hoc mysterij gratia factum est. Artifex quippe Tyrius; quem adiutorem Salomon sui assumpsit operis, electos de gentibus uerbi ministros significat. Qui uidelicet artifex pulchre dicitur, quia filius erat mulieris uiduæ de Israel, in qua persona solet nonnunquam presentis temporis ecclesia figurari, pro qua uir suus uidelicet Christus gustata morte resurrexit, atq; in cœlos ascendens, eam interim à se prægnantem reliquit in terris. Non autem laborandum in explanando, quomodo huius uiduæ filij sancti sunt prædicatores, cum omnes electi uiri se filios esse fateantur ecclesiæ, cum etiam de eisdem prædicatoribus noui testamēti specialiter promittatur, dicente propheta. Pro patribus tuis nati sunt tibi filij &c. Fecit autem Hiram omne opus Salomonis, quia nimirum doctores sancti, dum fideliter ministerio uerbi insistant, opus utiq; dei operantur, quo illis loquendo foris uiam ueritatis aperiant, quos intus illustrando ipse ad uitam prætoridinauit æternam. Ego, inquit, plantaui, Apollo rigauit, deus autem incrementum dat. Fecit autem opus ex ære, quia illis committere uerbum querit doctor strenuus, qui aut pie suscipere, aut perseveranter custodire desiderant, quicq; etiam alijs prædicando latius diffamare quæq; ipsi didicerint, recte satagunt. Aes namque ualde esse durabile constat, atque omnimodo sonorum. Et finxit duas columnas æreas, xviii cubitorū altitudinis columnam utramq;. Hæc sunt columnæ de quibus Paulus ait. Iacobus & Ioannes & Cephas, qui uidebantur columnæ esse, dextras dederunt mihi & Barnabæ societatis, ut nos in gentibus, illi autem in circumcisionem. Quibus uerbis quasi exponere uidetur mysterium columnarum materialium, & quid uidelicet figurauerint, & quare duæ sint factæ. Apostolos namque & doctores cunctos spirituales significant, fortes nimirum fide & opere & contemplatione ad superna erectos. Duæ sunt autem, ut & gentes & circumcisionem prædicando in ecclesiam introducant. Stabant in porticu ante fores templi, & ingressum illius suo decore ac pulchritudine ex utraque parte mirabiliter ornabant. Ostium autem templi dominus est, quia nemo uenit ad patrem nisi per ipsum; & sicut alibi dicit, Ego sum ostium, per me si quis introierit, saluabitur. Quod uidelicet ostium, columnæ ab utroque latere coram positæ circumstant, cum minister sermonis utrique populo introitum regni cœlestis ostendit, ut si à luce scientiæ legalis quisq; seu ex rigore gentilitatis ad fidem euangelij uenerit, habeat paratos eos qui sibi iter salutis & uerbo demonstrant & exemplo. Vel certe quia de eis columnis in libro Paralipomenon ita scriptum est: Ipsasq; columnas posuit in uestibulo templi, unam à dextris & alteram à sinistris, Ideo factæ sunt duæ columnæ, atque ita dispositæ, ut nobis & in prosperis & in aduersis ingressum patriæ cœlestis ante oculos mentis habendū esse doceant. Hinc etenim Paulus
columna

columna utiq; domus domini excellentissima, per arma iusticiæ nos à de-
 xtris & à sinistris communiendos esse suis suorumq; sedulis hortatur exem-
 plis: ut nec prosperis delectati, nec fracti aduersis, à regia uitę uia, qua ad pro-
 missam nobis hæreditatem patrię celestis gradiendum est, ulla in parte de-
 clinemus. Notandū sanē in hac sentētia Paralipomenon quam posui, quod
 eadem porticus templi etiam uestibulum templi uocabatur: & quod in pro-
 phetis legimus, inter uestibulum & altare orabant sacerdotes, inter portu-
 cum & altare holocaustorum debemus intelligere. Bene autem utraque col-
 lumna xviij cubitorū altitudinē habere memorat: ter etenim seni xviii
 faciunt, tria uero ad fidem pertinere propter sanctam trinitatem, vi ad ope-
 rationem, quod in eo dierum numero mundus sit factus, luce clarius est. Et
 tria per vi multiplicantur, cum iustus ex fide uiuit, & cognitionē pię credu-
 litatis executione bonę actionis accumulat. Columna nāq; ante fores tem-
 pli xviij cubitorum alta est, cum prædicator quisq; egregius, palam cum-
 ctis insinuat, non nisi per fidem & opera iusticiæ nos ad supernę gaudia ui-
 tæ posse peruenire: quamuis possit & his altius intelligi, quod nomen Iesu
 apud Gręcos ab hoc numero incipiat. Prima litera nominis Iesus apud eos-
 dem x, secūda viij significat. Ex apte xviij cubitorum altæ sunt colum-
 nę domus dei, quia doctores sancti, imō omnes electi ad eum finem bene
 uiuendo intendunt, ut conditorem suum facie ad faciem uidere mereantur.
 Neq; enim ultra quid quærant habebunt, cum ad eum qui est super omnia
 perueniunt. Et linea cubitorum xii, ambiebat columnā utramque. Linea
 xii cubitorum norma est apostolicę institutionis, quæ nimirum linea am-
 bit columnam utramq; cum doctor siue Iudæis seu gētib; prædicare mis-
 sus, ea tantum facere curat ac docere, quæ sancta per Apostolos accepit ac di-
 cit ecclesia. Nam si quis aliter uiuere siue prædicare uoluerit, & uel aposto-
 lica decetere spernere, uel pro suo libitu noua quælibet statuere maluerit, nō
 est talis columna templo dei apta, quæ dum apostolica statuta sequi con-
 temnit, quasi uel exilitate inertię suę, uel elationis tumidæ crassitudine,
 xii cubitorum lineę non conuenit. Has nimirum lineas dominus colum-
 nis sui templi circumdedit, cum missis ad docendas baptisandasq; omnes
 gentes discipulis ait, Docentes eos seruare omnia quęcūq; mandauī uobis.
 Quisquis ergo seruat ac docet omnia quęcūq; mandauit apostolis domi-
 nus, nec alia superadiiciens, neq; horum quippiam præteriēs, ipse profecto
 columna in domo dei, quæ est ecclesia, & firmamētum est ueritatis, qualtem
 fore Timotheum monuit apostolus Paulus. Verum quia absq; scientia scri-
 pturarum non potest esse firma uel uita uel loquela doctorū, apte subditur:
 Duo quoq; capitella fecit, quæ ponerentur super capita columnarum fusilia
 ex ere, v cubitorum altitudinis capitellum unum, & v cubitorum altitudinis
 capitellum alterū. Capita etenim columnarū, hoc est suprema pars earum,
 corda sunt fidelium doctorum: quorum deo deuota cogitatione, sicut capi-
 te memu-

te membra, ita ipsorum omnia & opera diriguntur & uerba. Duo autem capitella, quæ his capitibus erant superposita, duo sunt testamenta, quorum meditationi atq; obseruantia doctores toto animo subduntur & corpore. Vnde bene utrumq; capitellum v cubitos habebat altitudinis, quia nimirum v libris scriptura Moisaica legis comprehensa est, v etiam seculi ætates tota ueteris instrumenti series complexa est. Nouum uero testamentum nõ alia nobis aliqua prædicat, quàm quæ Moyses prædicanda esse prædixerat, & prophete. Vnde dominus Iudæis ueteris testamēti literæ frustra adhaerentibus, & gratiam noui spernentibus ait: Si crederetis Moyſi, crederetis fortitan & mihi, de me enim ille scripsit. Scripsit enim de domino Moyses, & multa figuraliter, & illud apertissime, cum promissum narrat Abraham per dominum, quia in semine tuo benedicentur omnes familie terre: & cum per se ipse dicit filius Israel, quia prophetam uobis suscitabit dominus deus uester de fratribus uestris, tanq̃ me ipsum audietis, iuxta omnia quęcūq; locutus fuerit uobis. Cuius præfagij discipulos uox patris de cælo monuit, cum apparente illis domino in gloria, inter ipsum Moysen & Heliam in mōte sancto, ita intonuit dicens: Hic est filius meus dilectus, in quo mihi bene complacui, ipsum audite. Cum admirabili diuinæ operationis concordia, primo noui gratia testamenti in uelamine erat ueteris abscondita, & nūc sacramenta ueteris testamenti sunt per lucem noui reuelata, quasi capitellum utriusq; columnę v est cubitis altum: quia uidelicet manifestum est, quod in testamento ueteri omnia sacramenta, uel in v libris legis præsignata, uel in v ætatibus sunt omnia plenius comprehensa, euangelicę quoq; perfectionis est insita gratia: sicq; sit ut prædicator quisq; egregius siue ad Iudæos, seu mittendus ad gentes, consono diuinorum eloquiorum testimonio confirmatis, certam fidei & operis rectitudinem absque errore conseruet, noueritq; docens proferre de thesauro suo noua & uetera. Non solum autem testamenta sibi inuicem diuinorum sacramentorum relatione consentiunt, sed & omnes qui in eorundem testamentorum libris scripti continentur electi, una fide præditi, eademq; sunt adinuicem charitate connexi. Vnde apte de ipsorum capitellorum factura subinfertur: Et quasi in modum retis & catenarum sibi inuicem miro opere cõtextarum, utrumq; capitellum columnarū fusile erat. Quod in libro Paralipomenon ita scriptum est: Nec non & quasi catenulas in oraculo, & superposuit eas capitibus columnarū. Species namq; uirtutum & similitudo in capitellis, uarietas est uirtutum spiritaliū in sanctis: de qua domino canitur in psalmo, Astitit regina à dextris tuis in uestitu deaurato, usq; uarietate: hoc est, in uestitu fulgidæ dilectiōis, circumamicta uarietate diuersorum charismatum. uel certe multiplex contextio catenatum & retis expansio, multiphasias electorum personas insinuat: quæ cum uerbis sanctorum prædicatorum fideliter auscultando atq; obediendo adherent, quasi columnarum capitibus superpositæ retis & catenulæ, miraculum suę connexionis

connexionis cunctis aspectantibus præbent. Hæc etenim catenæ miro sibi inuicem sunt opere contextæ, quia mirabili prorsus gratia sancti spiritus actum est, ut uita fidelium & locis & tempore & gradu & conditione & sexu & ætate multum secreta ab alterutrum, una eademque fide ac dilectione sit coniuncta. Nam quia hæc coniunctio fraterna iustorum, & locis & temporebus disiuctorum adunatione fiat doni spiritualis, sequentibus quoque uerbis ostenditur, cum de factura capitellorum adiungitur: Septena uersuum retiacula in capitello uno, & septena retiacula in capitello altero. Septenario namque numero spiritus sancti gratia solet designari, Ioanne attestante in Apocalypsi: qui cum uidisse se diceret agnum habentem cornua septem, & oculos septem, mox exponendo subiunxit, qui sunt septem spiritus dei missi in uniuersam terram. Quod propheta Isaias apertius explicat, cum de nascituro in carne domino loquens, & requiescet, inquit, super eum spiritus domini, spiritus sapientiæ & intellectus, spiritus consilij & fortitudinis, spiritus scientiæ & pietatis, & replebit eum spiritus timoris domini. Septena ergo uersuum retiacula erant in capitello utroque, quia patres utriusque testamenti per gratiam unius eiusdemque spiritus septiformis, ut essent electi, acceperunt.

Et perfecit columnas, & duos ordines per circuitum retiaculorum singulorum, ut tegeter capitella. Duo quidem ordines erant retiaculorum in gyro capitelli, sed uterque ordo septemplici uersuum numero curtebat, donec circumacto capitello, rursum in se ipsum quasi circulo facto rediret. Hæc figura testamenti in abdito est, quare duo sint ordines retiaculorum, cum constet geminæ dilectionis esse uirtutem, quando uidelicet deum ex toto corde, & ex tota anima, tota uirtute, & proximum tanquam nos ipsos amare præcipimur. Sed uterque ordo VII habet uersuum retiacula, quia nec deus absque gratia spiritus sancti potest amari, nec proximus: manet namque sententia ueridica, quia charitas dei diffusa est in cordibus nostris, non ex merito nostro, sed per spiritum sanctum, qui datus est nobis. Vbi autem charitas dei, ibi profecto & proximi diffunditur in cordibus fidelium, quia nimirum una sine altera nequaquam ualet haberi. Facta sunt autem retiacula hæc ut tegeter capitella, hoc est undique in gyro circumdarent: quia omnis scripturæ sanctæ pagina, cum recte intelligitur, gratiæ per omnia charitatis sonat, ac pacis. Capitella etenim uolumina diuinorum eloquiorum, retiacula sunt uincula mutue dilectionis. Et retiaculis teguntur capitella, cum sacra eloquia, ut ita dixerim, dono charitatis undique probantur esse uestita. Nam & in eis quæ in scripturis non intelligimus, charitas late patet. Bene autem de eisdem retiaculis siue capitellis adiungitur. Quæ erant super summitatem malogranatorum. Malogranata namque quorum natura est, uno foris cortice multa grana interius circumdare, apte in figura sanctæ ponuntur ecclesiæ, quæ catholico unius fidei munimine, innumera electorum agmina solet includere. Potest autem & uniuersusque iusti uitæ moresque designare, qui uelut plurima uno cortice grana

grana circumplectens, multa cogitationum uirtutumq; spiritualium insignia, ne forte diffuant firma fidei & humilitatis uallat custodia. Et apto prorsus mysterio, capita columnarum malogranatis erant in gyro circūdata: quia doctores sanctos necesse est uitam fidelium ad memoriam reuocare, eorumq; semper exemplis actus suos ac sermones omni ex parte communire: ne si aliter forte quā illorum habet regula uixerint, aut docuerint, errent. Sicut ergo reticulorum admirāda connexio, unitatem designat fidelium, quæ est in uinculo pacis: ita etiam malogranatum, eandem ipsam typice insinuat unitatem: quæ & innumeros per orbem populos, in una fidei catholice regula cohibet. Vel certe mirabilis reticulorum concatenatio, manifestam omnium fidelium concordiam demonstrat. Malogranatorum uero positio, internas animi uirtutes, quæ ab alijs nequaquam uideri queunt, exprimit, patientiam uidelicet, humilitatem, benignitatem, modestiam, & cetera huiusmodi. Et quasi pulcherrima foris pomorum superficies apparet, sed inclusa intus granorum copia non apparet: cum pia sanctorum operatio palam cunctis ostenditur, sed ea quæ intus est, fidei, spei, ac dilectionis, cæterorumq; animi bonorum gratia non cernitur. Cum uero dictum sit de retiaculis, ut tegerent capitella, quæ erant super summitatem malogranatorum, uidetur, iuxta ordinem operis ipsius, quia malogranata fuerint facta in circuitu capitellorum à parte inferiori, atq; ex eisdem malogranatis orirentur retiacula, quibus capitella ex parte alia tegerentur. Patetq; figura mysterij, quare facta sint retiacula, quibus capitella fuerint malogranatorum annexa: quæ ad unam penè significationem, siue personarum, siue uirtutum pertinet spiritualium. Scimus enim uirtutes de uirtutibus nasci, & sanctos ambulare de uirtute in uirtutem, donec uideatur deus deorum in Sion, qua uirtute nulla potest maior largiri. Vnde & Apostolus, Sciens, inquit, quia tribulatio patientiam operatur, patientia uero probationem, probatio uero spem. Sed in ipso uniuersali electorum collegio, uarie sibi inuicem succedunt personæ iustorum, minoresq; maiorum ac prædecessorum suorum gaudent fideliter adherere uestigijs, eorumq; dictis siue scriptis, ne forte in errore labi possint, inniti. Retiacula ergo super summitatem malogranatorum sunt posita, cum cōcordia charitatis perfectis fuerit super adiecta operibus: & cum utroq; uirtutis munere, & operatione uidelicet & charitate, sanctorum uita clarescit, quasi circulum malogranatorum in capitellis columnarum, concatenatio reticulorum superaddita comitatur. Et quoniam omnia uirtutum dona præsentia ad æternæ gloriæ remunerationis, quæ per euangelium nobis est promissa ac ministrata, respiciunt, apte subiungitur. Capitella autem quæ erant super capita columnarum, quasi opera lilij fabricata erant, in porticu quatuor cubitorum. Quid per lilia, nisi supernæ claritatis patria, atq; immortalitatis floribus redolens, paradisi designatur amenitas? Quid per quatuor cubitos, nisi euangelicus sermo, qui introitum nobis æternæ beatitudinis illius promittit, & iter quo ad hanc perueniat ostendit? Cum

ergo sancti doctores promissa nobis limina regni celestis, id quatuor sancti euangelij libris ostendunt, quasi capita columnarum opus in se lilij quatuor cubiros exhibent. Vbi notandum iuxta literam, quia cum opus lilij in capitellis quatuor cubitorum esse memoratur, neque additur latitudinis aut altitudinis, lectoris utique iudicio, utrum in altitudine, an in latitudine intelligi debeat, relictum est. Constat autem absque ulla prorsus dubietate, quia columna quam XII cubitorum restis ambiebat, quatuor cubitos habebat crassitudinis. Omnis etenim circulus quantum habet spatij in diametro, tantum habet ter in gyro. Denique mare æneum, quod in diametro erat decem cubitorum, ut in sequentibus legitur, consequenter habebat XXX cubitos in gyro. Verum quia dicitur opus lilij quatuor fuisse cubitorum, siue latitudinem, seu designet altitudinem, nihilominus ratio figuræ perspicua est: quia non nisi per euangelium exoptassima illa vox mundo insonuit, Pœnitentiâ agite, appropinquabit enim regnum cœlorum. Quod uero sequitur. Et rursus alia capitella in summitate columnarum desuper, iuxta mensuram columnæ eius. Retiaculum iuxta mensuram columnæ dicitur, tantæ altitudinis, quantæ erat & columna: cuius tamē altitudo quanta fuerit, minime narratur. Hæc autem capitella qualicumque & quantacumque fuerint, non enim mensuram eorum aperte scriptura designat, more maiorum uidentur apposita esse. De quorum factura si quid mysticum inquirere delectat, illam regni perennis sublimitatē potest non incongrue designare, quam nec oculus uidit: & cætera, usque Diligentibus se. Post lilia etenim quatuor cubitorum, alia sunt apposita capitella, quorum altitudo quanta fuerit, non dicitur: quia multa quidem de cœlesti beatitudine in euangelio legimus: quod uidelicet ibi mundicordes deum uidebunt: quod erunt æquales angelis dei: quod non nubent, neque nubentur, quia nec mori ultra poterunt: quod ubicumque est Christus, ibi & ministri eius erunt: quod manifestabit se ipsum illis: quod palam de patre annuntiabit eis: quod gaudium uisionis eius nemo tollere a nobis: sed ipsæ species horum quæ diximus, ipse status & conuersatio illius patris cœlestis, quomodo sese habeat, solis eis, qui hanc intrare meruerint, eius ciuibus patet. Vnde bene factura siue altitudo horum capitellorum supra lilium erant, ut incomprehensibilis esse terrestribus qualitas cœlestis habitatio nis insinuetur. De qua ramen hoc minime latet, quod omnes ibi communi felicitate diuinæ uisionis fruuntur, tanto quisque sublimius, quanto mundiores ad uidendum eum oculos cordis habuerit. Qui enim dixit, Omnes timentes deum, pusilli cum maioribus: ipse dixit, Quia tu reddes unicuique secundum opera eius. Communis ergo ibi benedictio omnium erit electorum, attamen pro distincta qualitate operum, multæ sunt mansiones beatorum in una eademque domo patris æterna in cœlis. Quod in harum quoque factura columnarum mystice reor esse designatū, cum dicitur, Et rursus alia capitella in summitate columnarum desuper. Iuxta mensuram quippe columnæ fiunt capitella desuper, cum sancti doctores, immo omnes electi eorundem doctorum uestigia sequentes

sequentes, præmia supernæ retributionis, secundum merita piæ recipiunt operationis. Retiacula quoque sunt secundum capitella, quia iuxta modum dilectionis qua sibi adinuicem in hac uita fraternitas sancta copulata est, supernorum quoque ciuium societati, in præsentia sui conditoris coniungitur in coelis. Verum quod eadem supernorum societas ciuium, utriusque populi fidelibus tribuitur, recte subiungitur. Malogranatorum autem ducenti ordines erant, in circuitu capitelli secundi.) Diximus autem, malogranata totius sanctæ ecclesiæ typum tenere. Centenarius uero numerus qui ad dexteram manum primus peruenit, nonnunquam in æternæ beatitudinis figura poni consuevit. Duplicatur autem hic numerus malogranatorum in circuitu capitelli secundi, ut insinuetur mystice, quod utriusque testamenti populus adunandus in Christo, ad æternæ uitæ sit introducendus coronam. Cui figuræ conuenit hoc quod de apostolis post resurrectionem domini piscantibus scriptum est, cum ipsum in litore stantem uiderent. Non enim longe erant à terra, sed quasi cubitis ducētis, trahentes rete piscium. Per ducentos etenim cubitos, rete plenum magnis piscibus discipuli ad dominum trahunt, effectum suæ resurrectionis in litore iam monstrantem: cum sancti prædicatores & Iudæis & gentibus uerbum fidei committunt, atque utriusque populi electos à fluctibus seculi præsentis extractos, ad futuræ gloriæ pacis & immortalitatis perducunt. Circuitus ergo capitelli secundi, ducentos habet ordines malogranatorum, cum sublimitas regni celestis utriusque populi electos, in una beatitudinis arce colligit. Et statuit duas columnas in porticum templi. Cumque statuisset columnam dexteram, uocauit eam nomine Iachin, firmitas: similiter erexit columnam secundam, & uocauit nomen eius Booz, in robore.) Dexteræ columna, ut supra diximus, exprimit figuram doctorum, qui primitiuam in Hierosolymis instituerunt ecclesiam: secunda eorum qui ad prædicandum gentibus destinati sunt. Vel certe dexteræ columna eos significat, qui uenturum in carne dominum prophetando prædixerant, secunda illos qui hunc iam uenisse & mundum sanguine suo redemisse testantur. Et apte uocabulo simili ambæ censebatur columnæ, cum una firmitas, altera in robore dicta est: ut una fidei & operis fortitudo cunctis inesse doctoribus monstraretur, nostrisque temporibus inertia taciturnitatis notaretur. Vbi se nonnulli doctores, sacerdotes & columnas domus dei uideri atque appellari uolunt, cum nihil in se prorsus firmæ fidei ad continendas seculi pompas ac desideranda bona inuisibilia, nil habeant roboris ad corrigendum, nil industriæ saltem ad intelligendos eorum, quibus prælati sunt errores. Fecit quoque mare fusile decem cubitorum à labio usque ad labium, rotundum in circuitu.) Mare hoc fusile in figuram lauacri salutaris, quo in remissionem peccatorum emundamur, factum est. Namque sacerdotes in eo lauabatur, ut uerba dierum aperte testantur. Sacerdotes autem constat omnes electos typice in scripturis uocari, eo quod sint membra summi sacerdotis domini Iesu Christi. Et recte huic uasi scriptura maris nomen indidit, in memoriâ uidelicet maris

De mari arce
XXI

rubri, in quo prius per extinctionem Ægyptiorū, & populi dei liberationem, baptismi forma præcessit: exponente apostolo, ac dicente, Quoniā patres nostri omnes sub nube fuerunt, & omnes mare transierunt, & omnes in Moyse baptizati sunt in nube & in mari. Sacramētum autem baptismi, & uitæ à nobis mundiciam querit in hoc seculo, & uitæ nobis æternæ gloriam promittit in futuro. Quod utrumq; in mari hoc æneo una sentētia designatur, cum esse decem cubitorum à labio usq; ad labium perhibetur. Decem nāq; præcepta in lege, dominus omnia quæ facere debeamus expressit, denario æque mercedem benefactorū signauit, cum hunc in uinea laborātibus dandum esse prædixit. Erat ergo mare decem cubitorum à labio usq; ad labium: quia à primo baptizato usq; ad ultimū, qui in nomine Iesu Christi in fine seculi baptizandus est, & crediturus, omnis fidelium chorus unam eandemq; uiam ueritatis ingredi, & communem à domino debet coronam sperate iustitiæ. Rotūdum erat in circuitu, ut orbis uniuersus in gyro, lauacro uitæ à sorde peccatorū delignaretur esse mundandus. De quo bene subditur, Quinq; cubitorum altitudo eius.) Quia nimirum quicquid uisu, quicquid auditu, quicquid olfactu, quicquid gustu, quicquid tactu delinquimus, totum hoc nobis gratia dei per ablutionem uiuifici fontis relaxat. Sed non sufficit præteritorum remissio peccatorum, si non quisq; bonis deinceps insistere studuerit operibus. Alioquin diabolus qui exierit ab homine, si hunc à bonis uacare actibus uiderit, multiplicius redit, facitq; nouissima hominis illius peiora priorib. Vnde apte subditur, Et resticula triginta cubitorū, cingebat illud per circuitum.) Per resticulam namq; disciplina præceptorum cœlestium, quæ à nostris uoluptatibus religamur, potest apte signari, scriptura dicente, Quia funiculus triplex difficile rumpitur: quia nimirum obseruatio mandatorum dei, quæ in cordibus electorum, fide, spe, & dilectione supernæ retributionis firmata est, nullo temporalium rerum potest obstaculo dissolui. Et resticula mare ambit) cum sacramentum baptismi quod accipimus, pijs cōmunire operibus studemus, Quæ nimirum reticula apte triginta dicitur esse cubitorum, quinquies etenim sent triginta faciunt. Senario autem numero in quo dominus hominē & fecit, cum nō esset, & cum perisset refecit, recte bona operatio etiā nostra figurat. Et sex per quinq; multiplicantur, ut ad triginta peruenias, cum omnes nostri corporis sensus, diuinis humiliter subiugamus imperijs. Possumus autem & aliter hunc tricenarium mystice maris numerum, non inconuenienter accipere. Ter enim deni faciunt xxx, & genus humanū post diluuium ex progenie trium filiorum Noe latitudinē totius orbis impleuit. Sem quippe profapia Asiam, Cham posterius Affricam, Iaphet soboles Europam & insulas maris obtinuit quia & mysterium baptismi cum executione bonorū operū & spe cœlestium præmiorum cunctis erat nationibus ministrandum, apte resticula triginta cubitorum mare illud in quo baptismatis unda figurabatur, cingebat. Sed hoc dicendū, quod dominus xxx habebat annos ætatis, cum uenit ad Iordanem bapti

baptizandus à Ioāne: qui quoniam suo baptismo quod tricenarius acceperit, undam nobis lauacri salutaris consecrauit, recte mare quod nostrū baptisma figurabat, xxx cubitorum restis circuibat: ut significaretur dono illius qui baptisma sine peccato subijt, baptisma nobis omnibus in eum credētibz in remissionem peccatorum dedicari. Et sculptura subter labium circuibat illud decem cubitis ambiens mare, & duo ordines sculpturarum istriatarum erant fusiles.) Cum prædictum sit supra, quod resticula xxx cubitorū mare circuevit: & nunc addatur, quia sculptura hæc subter labium posita, x cubitis ambiat: patet ex utraq; relatione, quia uas erat in modum phialæ, repandū ac diffusum: quod à xxx cubitis circuitus, quos habebat in labio, usq; ad x cubitos coaptatum. Sculptura autem istriata est, quæ historias rerum aliquas imitatur. Vnde & recte per sculpturas istriatas, quibus mare circumdabatur, exempla sunt priorum temporum designata, quæ necesse est nos solemus inueniri: ut uideamus quibus operibus sancti deo placerent ab initio: quæ obstinatione in sceleribus perdurauit, quanta uel iniquitate ob scelera perierunt reprobis: quomodo in exordio nascentis seculi, Cain ob maliciā inuidiæ damnatus: Abel sit ob iustitiæ merita coronatus: Lamech ob adulterium & homicidium maledictus: Enoch ob gratiā pietatis ad paradisum deductus: quomodo post diluuium, Cham ob impietatem à patre detestatus: Sem, & Iaphet ob obsequium reuerentiæ, perpetua sint benedictione donati: Abraham ob meritum fidei, hæres sit diuinæ promissionis effectus: & cætera gentium multitudine inaudita sit infidelitate relicta: qualiter adueniēte in carne domino, Iudæa ob perfidiā noxam repulsa, & gentilitas sit ob gratiam fidei ad salutem redacta: & cætera huiusmodi, quæ in utroq; testamento solemus ac pie cōsiderata, multum studiosis quibzq; profunt. Et ideo forsitan duo sunt ordines sculpturarum istriatarum in mari aeneo facti, ut hi qui in fonte baptismatis imbui sunt, utriusq; testamēti diligenter auscultent historias. Ideo x cubitorū erant in gyro, ut quoscunq; in eisdem historijs deditos iussis cœlestibus, ac tota intentione ad superna præmia suspensos esse perspexerint, hos imitati contentant. Bene autem sequitur, Et stabat super xii boues, quorum tres respiciebant ad aquilonem, & tres ad occidentem, & tres ad meridiem, & tres ad orientem.) Per boues quippe, apostolos & euangelistas, immo omnes uerbi ministros debere intelligi. Apostolo docente cognoscimus, qui exponens mandatum legis, quo dictū est, Non alligabis os boui trituranti: nunquid de bubus, inquit, cura est deorū an propter nos utiq; dicat? Nam ppter nos scripta sunt, qm̄ debet in spe qui arat atate, & qui triturat, spei suæ fructū percipere. Duo, decim ergo boues, xii sunt apostoli, & omnes qui uice eorum regendam ecclesiam in Christo susceperunt. Qui nimirū boues mare sibi superimpositū portant, cum apostoli apostolorumq; successores iniunctum sibi euangelizandi officium, prompta implere deuotione satagunt. Tresq; aquilonem, tresq; ad occidentem, tres ad meridiem, & tres ad orientem respiciunt, cum in uniuersi

quadrati orbis partib. fidem prædicant sanctæ trinitatis. Nam & apostoli eo mysterio xii. hoc est quaterni sunt electi, ut fidem & confessionem sanctæ trinitatis per iiii mundi partes euangelizantes, baptizarent omnes gentes in nomine patris & filij & spiritus sancti: quorum apostolorum successorumq. eorum uerba, actus, & passionibus per facile in præsentem uidere uel legendo cognoscere possumus: quæ uero illos in futuro maneat gloria retributionis, necdum uidere ualeamus. Vnde apte subditur. Quorum posteriora uniuersa, intrinsecus latitant. Intrinsecus namq. latitant uniuersa bonorum posteriora, quia qua mercede sancti prædicatores in perpetuum donentur in interni arbitris examine iam depositum est: sed nobis qui adhuc foris sumus, manet omni modo occultum, quod tunc esse occultum nullatenus potest. Sed omnis qui lauacrum baptismi accipit ad salutem & uitam, fidem, spem, & charitatem debet habere: nec sine his trib. uirtutib. quisq. aliquid boni tam operari uel intrare ad uitam ualeat. Vnde recte subiungitur, Crassitudo autem luteris, trium unciarum erat. Crassitudo etenim luteris in mari, firmitas est uirtutis in baptismo. Et trium unciarum est hæc crassitudo, dum robore fidei, spei, & dilectionis perceptio baptismi communitur. Neq. aliter proficuum esse accipientib. ostenditur, nisi harum firmitas certitudo uirtutum, mentem accipientium simul & opera confirmet. Accipitur autem & celebratur baptismi lauacrum in exempli dominicæ passionis & resurrectionis à mortuis, iuxta quod apostolus exponens ait, Quia quicumq. baptizati sumus in Christo Iesu, in morte ipsius baptizati sumus, consepulti enim sumus cum illo per baptismum in mortem, ut quemadmodum surrexit Christus à mortuis per gloriam patris, ita & nos in nouitate uitæ ambulemus. Si enim conplati facti sumus similitudini mortis eius, simul & resurrectionis erimus. Quod in factura quoq. maris aenei typice signatum est, cum sequenter adiungitur. Labiumq. eius quasi labium calicis, & folium repandi lilij. Per labium namq. calicis, gustus dominicæ passionis, per folium repandi lilij, patefacta claritas resurrectionis exprimitur. Nam quod in calice poculum passionis designatur, testatur ipse dominus, qui ueniens ad passionem orauit patrem, dicens, Pater si uis, transfer calicem istum à me. Lilium uero quod comitante odoris iocundissimi gratia, candidum foris calicem, intus aureolum ostendit, apte gloriam resurrectionis eius insinuat, qui & corporis immortalitatem foris ostendit discipulis, & animam diuina luce coruscantem sibi simul inesse perdocuit. Potest etiam in lilio repando ipse mediator dei & hominum propter passionem mortis gloria & honore coronatus non inconuenienter accipi: qui ante passionem quidem suam, quasi clausum adhuc lilium fuit, cum signis miraculorum quæ fecit clarus homo refulsit: post resurrectionem uero & ascensionem suam repandum se lilium supernæ patriæ ciuib. exhibuit, quod in assumpta humanitate potentiam diuinæ claritatis, quam habuit apud patrem priusq. mundus esset, ostendit. Vnde in amoris canticis, lilij se uocabulo designare uoluit, dicens, Ego flos campi, & lilium conuallium. Labium ergo maris in quo sacerdotes lauabantur quasi

quasi labiū fuit calicis, & foliū repandi lilij: quia lauacrū salutare quo membra summi sacerdotis efficiuntur, in fide nos sacrosanctæ passionis eius à peccatorū omniū labe purificat, ac purificatos ad uisionē gloriæ ipsius perennis intromittit. In quo nimirū lauacro uterq; populus, & circūcisiois uidelicet, & præputij, per fidem, spem, & dilectionē unum in domino efficitur, ipso attestante, qui cū cunctionē post prædicans ait inter alia, Et alias oues habeo quæ non sunt ex hoc ouili, & illas oportet me adducere, & uocē meam audient, & fiet unū ouile & unus pastor. quod in hoc quoq; mari typice figurabatur. Nam subditur Duo milia batos capiebat) Millenarius nāq; numerus pro significatione perfectio- nis solet poni in scripturis, quia nimirū denarij numerus quadratū solidum fa- cit. Decem quippe decies ducta, 0 faciunt, quæ uidelicet figura iam quadrata, sed adhuc plana est. Verū ut in altitudine surgat, & solida efficiatur, multipli- cata 0 per x, fiunt mille: quo pfecto numero stabilis & insuperabilis, & uelut conquadrata iustorū conscientia designatur. Quocūq; enim uerteris quadratū, stabies: sic & animus electorū nullo tētionū occurſu nouit à statu suæ rectitu- dinis inclinari. Batus autē Hebræorū mensura est, quā ipsi bath nominant, ha- bens modios III. Ipsa & ephi, quā & epha nūcupant. Sed ephi ad mensuram pertinet uariarū frugum, tritici, ordei, leguminū: batus uero est speciebus, liquidi- bus, uino, oleo, aqua. Itaq; batus, qui certa norma mēsuræ, opera designat acquita- tis & iustitiæ, quibus hi qui in remissionē peccatorū baptizantur, necesse habēt institui. Batos mille illud capiebat mare, cum aqua baptismatis plebē Iudæo- rum ablueret, ad regnū celeste trāsmisit. Recipiebat & alios mille, cum etiam turbas nationū eodē fonte renatas & operibus iustitiæ cōfirmatas, eiusdē regni perennis fecit esse participes. Et fecit bases x areas, IIII cubitorū longitudi- nis bases singulas, & IIII cubitorū latitudinis, & III cub. altit.) Multifariā mul- tisq; modis una eademq; nostræ salutis sacramēta præfiguratur. Nam iidem apostoli uinēq; apostolici, qui per boues mare portantes designati sūt, designā- tur etiam per bases, quæ portandis erant luteribus, præparata: quomodo ipsi lu- teres eiusdem lauacri spiritualis, cuius & mare, typum gerebant, siquidē ut uer- ba dierum narrant, omnia in eis quæ in holocaustū oblaturi erant, lauabant. Holocaustū autē domini generaliter omnis electorū multitudo potest intelli- gi, quæ iuxta uocē præcursoris, baptizata est ab ipso in spiritu sancto & igne. Sicut ergo sacerdotes qui in mari lauabātur, formā expriment eorum qui per baptismā efficiuntur summi cōsortes sacerdotij, quod est in dño Iesu Christo: ita etiā holocausta eorundē figurā aptissime prætēdunt, cum per ablutionem baptismi gratia spiritus sancti implentur. Lauatur nāq; in lutere hostia, cum quis fidelis aqua baptismi perfunditur: offertur uero in holocaustū cum per im- positionē manus episcopi donū spiritus sancti accipit. Philippus euāgelista cū prædicaret in Samaria, quid nisi in lutere tēpli hostias dñi lauabat? Sed quia necdū in quenq; eorū spiritus sanctus descēderat, sed baptizati tantū erant in nomine Iesu, uelut ablutæ hostiæ necdū ad sacrosancti altaris ignē petuenerāt.

De basibus de
cem. XXII

At cum missi illuc Petrus & Ioannes, imponebant baptizatis manus, & accipiebant spiritum sanctum, loquebaturq; linguis, iam ad ignem altaris perueniant hostiæ, ut fierent holocaustū, quod Latine, totū incensum dicitur: quia uidelicet conficiam illorū gratia sancti spiritus adimplens, diuino fecit amore feruescere. Quod uero ad portandos luteris, x sunt bases factæ, poterat ita mystice interpretari: quia ministri lauacri uitalis, ad æternæ gaudia beatitudinis, quæ denario solet numero figurari, eos quos imbuunt uocent. Verū quia de eisdem luterib, distincte in sequentib, scriptum est, q, uidelicet v ex his positi sunt ad dexterā partem templi, & v ad sinistram, magis in eis quinarij numeri intuentia sunt mysteria. In utraq; etenim parte templi sunt bases posite luterum, ut utriq; dei populo sacri fontis gratia signaretur esse pādenda: & v sunt in utraq; parte, ut sicut in expositione maris, quod v cubitis altū est, iam diximus, demonstraretur typice, uniuersa fidelibus, quæ per quinque sensus corporis deliquerant, per lauacrū baptismi esse remittenda. Sicut ergo in uno mari super xii boues posito, unitas exprimitur baptismatis, quæ per apostolos toto erat orbi prædicanda: ita & per duos ordines luterum mystice ostēditur, quia gentilitas cum Iudæa in unum fidei consortiū post baptismatis erat undam colligenda. Nam etsi in geminis luteribus hostiæ lauabantur, quædam quidē à dextris attrij, quædam uero à sinistris, uno tamen igne consumebātur altaris ut holocaustū fieret: quia siue quis in parte circuncisionis, siue præputij lauacrum suscepit, uno omnes spiritu, ut filij dei fieri possint, sanctificantur. Hinc etenim Apostolus, Sed accepistis, inquit, spiritum adoptionis filiorū, in quo clamamus, Abba, pater. Vnum, inquit, spiritum accepistis, in quo omnes filij adoptionis efficiamini, in quo nimirū spiritu clamamus, Abba, pater. Abba uidelicet, qui ex Hebræis uenimus ad fidem: pater, qui ex gentibus, uarijs quidē linguis pro diuersitate nationum, sed unum eundemq; deum patrē, per unius donum spiritus inuocantes. Quod aut cubitorum iiii lōgit, & iiii latitudinis, & iiii altitud, bases singulæ fuisse, intelligendū est: Longitudo etenim ad patientiā lōganimitatis, latitudo ad dilationē dilectionis, altitudo pertinet ad spem supernæ retributionis. Quatuor autē sunt principales uirtutes, quib, tota uirtutum structura imminet, prudentia scilicet, fortitudo, temperantia, iustitia: & ideo iiii cubitorū erat longitudo & latitudo basium: quia sancti prædicatores siue aduersa mundi, & longitudinem exilij, ac laborum præsentium mala tolerant: seu cor in dilectione sui conditoris, suorūq; proximorū interna exultatione dilatent: sæpe operam dant uirtutib, cura prudenti uidelicet inter bona & mala discernentes, fortiter aduersa sustinentes, cor ab appetitu uoluptatū tēperantes, iustitiā in operatione tenētes. Trium uero cubitorū fit altitudo basium, cum per exercitiū uirtutū, quas cum parietia malorū, & dilectione bonorū exercent, cōtinua intēctione ad uisionē sanctæ trinitatis peruenire satagunt. Et ipsū opus basū interrasile erat, & sculpturæ inter iuncturas, iuncturas dicere uidetur eas, quib, ipsæ luterū tabulæ sibi inuicē cōnexæ sunt, ut scilicet

nt scilicet ex mī siue quinq; tabulis una fieret basis. Quales autē sculpturas inter has iuncturas, id est in ipsis suis lateribus ante & retro à dextra & sinistra, & supra quoq; habuerunt, subdendo aperitur, cum dicitur. Inter coronas & plectas, leones & boues & cherubin, & in iuncturis similiter desuper. Non ergo plana erat ulla ex parte superficies basiū, sed erat mysticis sculpta figuris, quæ sanctorum mentes, immo uniuersas eorum actiones uirtutum gratia in omnibus prætendunt, neq; aliqua illas hora inanis & uacua præterire, in qua pijs uacare operibus uel sermonibus uel certe cogitationib; desistant: coronulas quippe in se sculptas habent, cum ad ingressum uitæ perennis infatigabili desiderio anhelant. Plectas habent, cum inter desideria uitæ cœlestis, quæ summum est, nunquā fraternæ societatis quæ iuxta est uincula dissoluunt. Habent inter coronulas & plectas, leones: cum ita ad speranda cœlestia mentē erigunt, ita ad diligendos proximos dilatant, ut in peccantes quosq; qui sibi commissi sunt, feruorem asperæ inuersionis exercere nō tardent. Habent cum leonibus boues, quando ipsam inuersionem corripiendi cum spiritu māsuetudinis exhibent, quando in seruire arguendi nunquam fessam habere uigilantiā discretæ actionis ac loquelæ, nunquam uerba diuinę lectionis uelut ruminando in ore uoluere cessant. Deniq; beatus Stephanus basis uidelicet templi domini eximia, scui leonis dentes atq; ungues ostendere uidebatur, cum suis persecutoribus aiebat. Dura ceruice & incircuncisi corde & auribus, uos semper spiritui sancto restitistis. Quem prophetarum patres uestri nō sunt persecuti: & cetera. Verū hæc loquens quantum pietatis, ut ita dicam, bubulæ māsuetudinis intus in corde gestaret, ostendit, cum pro eisdem persecutorib; usq; ad necem suam saeuientibus, genū flectens dicebat, Domine ne statuas illis hoc peccatum. Sed quia neq; spem æternorum in cœlis, neq; amorem proximorū in terris, neq; feruorem zeli mordentis, neq; lenitatē modestiæ cōpatientis, absq; scientia sanctatarū scripturarū habere possumus, apte post coronulas & plectas, post leones & boues, cherubin sculpti esse memorantur. Cherubin nāq; constat scripturæ sacrę typum tenere: siue quia duo cherubin in propitiatorio arcæ in figuram duorum testamentorum concorditer de Christo canentiū fabricati sunt: seu quod nomen istud scientiæ multitudinem sonat. Quanto autem quisq; studiosius legendis diuinorum eloquiorū paginis insisterit, tanto necesse est in omnibus amplius, quæ agit, aut iudicat, interni testis aut iudicis examene pertimescat: ne aut plus iuste in peccātes uindicans, aut rursus absq; moderamine iustæ discretionis ignoscēs, iram iusti iudicis incurrat. Qui enim addit scientiā, addit & dolorem. Unde hic quoq; ppter sculpturas cherubin conueniēter adiungit, Et super leones & boues quasi lora ex ære dependētia. Super leones qppe & boues lora depēdēt, qñ sancti doctores & in seueritate distractionis qua peccātes iudicāt, & in māsuetudine lenitatis qua pœnitētib; remittūt, iudiciū sui timent autoris: ne forte iniuste ligādo, ipsi ab eo cuius iudiciū errare nequit, ligare mereant. Et quatuor rotæ per bases singulas, axesq;

arct

æræ per quatuor partes, quasi humeruli subter luterè fusiles cōtra se inuicem
 respectantes.) Quatuor rotæ, quatuor sunt euangeliorū libri, qui aptissime ro-
 tis comparantur: quia sicut uolubilitas rotæ citissimo cursu quocunq; ducitur
 currit, ita sermo euāgelicus, iuuante domino, per apostolos in breui uniuersas
 mundi plagas impleuit. Sicut rota superimpositum sibi currum à terra suble-
 uat, & subleuatum quò auriga dirigit portat: ita euāgelica prædicatio mentes
 electorum à terrenis cupiditatibus in cœlestia desideria suspēdit, ac suspensas
 ad profectum bonæ operationis, siue ad ministerium prædicationis, quocunq;
 adiuuans gratia spiritus uoluerit, ducit. Nam in sequentibus dicit, quia tales
 erant rotæ, quales in curru fieri solent. Legimus autem de sanctis, Currus dei
 decem milibus mult. milia letantium. Quid est ergo quod totæ basium, rotis
 assimilantur curruum: nisi quia unus idemq; sermo euangelicus quosdam eo-
 rum quos instituit, currus dei, quosdam bases templi dei facit? Quicunq; enim
 ad euangelizandum uerbum doctores longe lateq; mittebantur in mundo,
 utiq; currus dei, & quidē uelocissimi fuerunt: quia per cūcta discurrentes, deum
 ad corda credentium inducebant. At uero illi qui uno in loco cōmorantes uer-
 bum salutis proximis annūtiabant, eosq; ad lauacrū uitæ, quod uel in baptis-
 mo uel in compūctione lachrymarum celebratur, accendunt, quasi bases sunt
 templi, quæ portant luteret ad lauandas hostias: quia ita fidelib. quibus præ-
 sunt, ministeriū salutis impendunt, ut longius excurrentes ad acquirendos no-
 uos populos labores non subeant. Rotæ ergo basiū totis sunt curruū similes,
 quia idem libri euangeliorum qui hos doctores ad prædicandam fidem ueri-
 tatis ignorantibus mittunt, illos ad confirmandā ampliū fidem inter doctos
 iam ac sacramētis cœlestibus imbutos manere præcipiunt. Rotæ quatuor ba-
 sim luteris sustentabant, cum euangelia Iacobum fratrem domini ad conser-
 uandam in Hierosolymis ecclesiam residere iusserūt. Rotæ earum similes cur-
 rui dei suppositæ ad currendum parabant, cum eadem euangelia Paulum &
 Barnaban ad prædicandum gentibus per omnia discurrere uoluerunt. Rotæ
 basibus suppositæ ad portandum luterem templi à terra sustollebāt, cum no-
 stris nupet temporib. beatus papa Gregorius euangelicis roboratus eloquijs
 Romanam texit ecclesiam. Rotæ eadem curribus dei subnixæ longe porta-
 bant, cum reuerendissimi patres Augustinus, Paulinus, & cæteri socij eorum,
 eisdem euangelicis confirmati eloquijs, iubente illo uenere Britanniam, & uer-
 bum dei incredulis dudū commisere gentibus. Si ergo bases luterum, sancti
 doctores sunt, qui lauacrum nobis uitæ ministrant, & rotæ quaternæ basium
 quatuor sunt euangeliorū libri, qui axes rotatum, quæ bases gestant, nisi ipsa
 eorundē corda sunt doctorum? Quæ dum præceptis euāgelij sedulo intenta,
 eos ab infirmorum appetitu sustollunt, uelut immisiss rotis axes altius basem
 à terra subleuāt. Porro humeruli qui rotis antepositi ne ab axibus dilabi pos-
 sent, obfistebant, præconia sunt prophetarū, quibus euangelica & apostolica
 scriptura ne cui legentiū in dubiū ueniat, confirmatur: & apostolus Petrus de
 domino

domino loquens, ait, Et habemus firmiorem prophetici sermonem, cui bene facitis attendentes. Sed & omnes euangelistæ atq; apostoli, in eis quæ scripser, legis & prophetarum mentionem facere solebant. Deniq; Marcus ita incipit, Initium euangelij Iesu Christi filij dei, sicut scriptum est in Esaia propheta. Et Matthæus, Hoc totum factum est, ut adimpleretur scriptura prophetarum: & cætera huiusmodi. Bene autem dicitur, quod humeruli per quatuor partes subter luterem erant positi, & contra se inuicem fuerunt respectantes, quia nimirum omnis scriptura prophetica sibi met cõsentanea est, utpote uno dei spiritu condita. Quatuor autem fuerunt per bases singulas humeruli, uide licet iuxta numerum rotarum: non quia quatuor tantum sunt libri prophetici, sed quia in omnibus quæ loquuti sunt propheta & Moyses, dictis quatuor euangelistarum testimonium præbuerunt: ut ex consensu utriusq; una fides & dilectio Christi, nostra omnium corda confirmet. Os quoq; luteris intrinsicus erat in capitis summitate, & quod forinsecus apparebat, unius cubiti erat totum rotundum, pariterq; habebat unum cubitum & dimidium. Os luteris unius erat cubiti, propter unitatem confessionis & fidei: quia omnes in confessione patris & filij & spiritus sancti baptizamur, dicente Apostolo, Vnus dominus, una fides, unū baptisma, unus deus & pater omnium. Et ipsum os in capitis erat summitate, ut ad cœlestia nobis regna, per baptisma iter esse patefactum doceret: ipse uero luter in amplitudine cubitum habebat unum & dimidium, propter operis nimirum perfectionem & initium contemplationis. Integer etenim cubitus in lute, perfectionem bonæ actionis designat, quam absq; ulla dubietate habebat ille, de quo tentatori antiquo dominus aiebat, Nunquid considerasti seruum meum Iob, quod non sit ei homo similis in terra, simplex, & rectus, ac timens deum, ac recedens à malo? Est uero alter cubitus diuinæ uisionis, qui ex parte nonnulla etiam in hac adhuc uita retentis fidelibus donari consuevit: ut idem Iob deuicto aduersario cum domino loquens, ait, Auditū auris audiui te: ut Moysi dominus facie uisus est ad faciem: ut Esaia sedens in folio regni, circumstantibus cum laude debita cœli ciuibus: ut cæteris sæpe uisus est prophetis: ut beato Stephano in articulo passionis apertis cœli ianuæ gloria dei ostensa est: ut Paulo introitis paradisi, & tertij cœli sunt patefacta mysteria. Sed uniuersa hæc ex parte sunt permodica, in comparatione eius, quæ in futuro reuelanda est glorie. Ideo post cubitum bonæ operationis, quæ in hac uita perfici potest in sanctis, incipit cubitus supernæ contemplationis, quæ in futuro in cunctis perficienda constat electis: quæ uidelicet mensura unius & dimidij cubiti, non luteribus tantum, sed & rotis eorum inerat ac basibus. Scriptum namq; est in sequentibus, Vna rota habebat altitudinis cubitum & semis. Et paulo post, In summitate autē basis erat quædam rotunditas unius & dimidij cubiti, ita fabrefacta, ut luter desuper posset imponi. Luterum quippe mensura, unius erat cubiti & dimidij: quia nimirum ea fide in fonte uitæ lauamur, ut per opera iustitiæ ad uitā intrare mereamur æternam;

æternam: quamuis sine peccato dum hic uiuimus, esse nequimus: ipsam ūero
 uitæ cœlestis dulcedinem, gustare ex parte ac diligere in hac uita interim, per-
 fecte autem uidere nulla ratione ualemus. Rotæ quippe uno & dimidio cubi-
 to mensurantur, quia scriptura lectionis euangelicæ, qualiter hi qui perfecti
 esse uelint uiuere debeant, ostēdit: spemq; nobis æternæ retributionis in præ-
 senti demōstrat: ipsam uero retributionis illius qualitatē, in futuro nobis pan-
 dendam simul & donandā esse promittit. Bases etiam ipsæ unum habebant
 cubitum ac semissem amplitudinis, in summitate sui ubi luterēs recipere-
 quia ipsi doctores ac ministri summi lauacri salutaris, opere quidē perfecti in
 hac uita fulserunt, sed luce contemplationis ex parte frui. Vnde & aiunt, Ex
 parte enim cognoscimus, & ex parte prophetamus, cum autem uenerit quod
 perfectum est, euacuabitur quod ex parte est. In hunc modum fecit decem
 bases, figura una, & mensura sculpturæq; consimili. Fecit quoq; decem luterēs
 æreos.) Quare decem sunt bases factæ, totidemq; eis superpositi luterēs, su-
 pra iam dictum est. Quod uero una erat figura, mensuræq; & sculptura con-
 similis omniū basium siue luterum: non in ea significatione factum est, quod
 æqualia possint esse omnia merita doctorum: sed in ea potius, quia una fides
 euangelij quo instituuntur, unum baptisma quo abluantur, unus idemq; spī-
 ritus est quo omnes consecrantur electi: tametsi donationes habent diuersas
 in ipso spīritu, qui diuidit singulis prout uult. Quadraginta batos, capiebat
 luter unus.) Quadragenarius numerus solet magnæ perfectionis typum
 tenere, quia nimirum quater deni faciunt quadraginta. Decem autem sunt
 præcepta, quibus omnium nostrum operatio in lege diuina præfixa est. Qua-
 tuor sunt autem euangeliorum libri, in quibus per dispensationem dominicæ
 incarnationis cœlestis patriæ nobis est patefactus introitus. Et quia omnes
 qui ad ministerium sacri baptismatis pertinent, cum fide & sacramentis euan-
 gelij fructum debent facere rectæ operationis: apte luterēs singuli, in quibus
 holocausta lauabantur, xl. batos capiebant. Quod uero sequitur, Eratq; qua-
 tuor cubitorum, siue in altitudine, siue in latitudine: significat intellectus my-
 sterij in promptu esse. Luter enim unus, quatuor erat cubitorum, uel propter
 quatuor sancti euangelij libros, in quibus forma nobis baptismi præfixa est:
 uel propter quatuor cardines, uirtutesq;, quibus quisq; fidelis, si non frustra fi-
 delis est, debet institui: uel certe propter quatuor mundi plagas, quibus lauacrum
 salutis ministratur, dicente psalmographo, Quos redemit de manu ini-
 micorum, de regi. cong. eos. à solis ortu & occ. ab aquilone & merid. Quod ue-
 ro supra dixit, Pariterq; habebat unum cubitum & dimidium: & neq; ibi alti-
 tudinem uel amplitudinem significauit, uidetur fundum ipsius luteris huius
 esse amplitudinis: quod ex mensura (ni fallor) basis, in qua positus erat luter,
 quicq; facillime conijcit: quod ita describitur, In summitate autem basis erat
 quadam rotunditas unius & dimidij cubiti, ita fabricata, ut luter de super pos-
 sit imponi. Latitudo ergo fundi in luteribus, unius erat cubiti ac dimidij: ipsa
 uero

uero capacitas luterum, quatuor habebat cubitos: sed utrum in altitudine, an in amplitudine, an in utroq; dicat, quis nouerit? Et constituit decem bases, quinq; ad dexteram partem templi, & quinq; ad sinistram.) Dextram partem templi, & sinistram, non intus in ipso templo, sed ante templum dicit, ad orientalem plagam uidelicet, in atrio interiori, quod sacerdotum proprie uocabatur. Quinq; autem posuit ad dextram partem templi, propter Iudæos, qui solsticio propter doctrinam legis uti solebant antiquitus: & quinq; ad sinistram, propter nos, qui cæco diutius corde seruituti adhærebamus eius, qui ait, Ponam sedem meam ad aquilonem. Quod est aperte dicere: Illis in corde requiescere desidero, quos à luce ueritatis, & flamma diuinæ charitatis, alie nos esse considero. Mare autem posuit ad dextram partem templi, contra orientem ad meridiem) Et hoc in eodem atrio posuit est ad orientem. Quod autem ad dextram partem templi, hoc est quod repetit, dicēs, Ad meridiem. Inredientibus enim atrium ab oriente, primo diuertendū erat ad meridiem, ubi mare in ipso angulo stabat ad lauandum sacerdotibus paratum: deinde progrediētib; intro occurrebant luteri ad lauandas hostias ab utraq; parte positi. Intra hos, basis erat ænea quinq; cubitorum longitudinis, & quinq; cubitorum latitudinis, & trium cubitorum altitudinis, in qua stans Salomon dedicabat templum. Deinde ultra progredientibus occurrebat altare holocausti cōtra meridianum atrij: deinde porticus templi, siue uestibulum, in quo erant columnæ æreæ circa ostium templi. Quod ergo mare posuit ad dexteram partem templi, significat nos per lauacrum baptismi ad regnum celestē, quod d iure uocabulo dexterae figuratur, debere peruenire. Qui enim crediderit, & baptizatus fuerit, saluus erit. Namq; ubi dextera simul & sinistra in bono accipiuntur, uel Iudæam & gētilitatem, ut in expositione basium supra diximus: uel præsentem ecclēsiæ uitam, & futuram; uel gaudium seculi, & tristitiam; uel aliquid huiusmodi: ubi uero absolute dextera in bono ponitur, æterna gaudia sapius demonstrat. Quod uero contra orientem posuit mare, ad eandem proprie significationem respicit, quod uidelicet per lauacrum sancti fontis, splendor nobis internæ claritatis aperitur. Quod ad meridianum latus atrij, significat fideles perceptione sancti spiritus, ad flagrantiam solere uetæ charitatis accendi: serui etenim meridiani solis, consuevit in scripturis ardorem dilectionis, & illustrationem significare sancti spiritus, per quem eadem dilectio diffunditur in cordibus electorum. Omnia uasa quæ fecit Hiram regi Salomoni in domo domini, de auricalco erant: in regione Iordanis fudit ea rex in argilosa terra.) Aptè in regione Iordanis fusa sunt uasa domus domini, in quo uidelicet flumine dominus noster baptizari dignatus est: eiusq; tinctus undis, aquarum nobis elemētum in ablutionem peccatorum conuertit: quia omne fidelium baptismus quo domino consecrantur, in exemplum celebratur baptismatis illius quo ipse aquas sanctificauit. Recte in Iordanis regione uasa sunt domus domini facta. Neq; enim aliter uasa electionis & misericordiae

Quod in regione Iordanis fusa sunt uasa templi.

XXIII

m m misericordiae

misericordiae fieri possumus: nisi ad baptismum illius, quod illo in flumine subijce,
 respicientes, & ipsi uitali flumine satagamus ablui. Notandum autem, quia
 non tantum in regione Iordanis, sed & in campestri regione illius facta dicit
 eadem uasa, significans multiplicationem fidelium, qui non solum in Iudaea,
 sed in omnium nationum erant futuri latitudine, expleta prophetia quae di-
 cit, Gaudebunt campi, & omnia quae in eis sunt. Cui simile hoc quod idem
 psalmista de sacramentis dominicae incarnationis loquens, ex persona eorum,
 qui post completa eius incarnationis arcana ad fidem uenerunt, ait, Ecce au-
 diuimus ea in Efrata, inuenimus ea in campis sylvae. Audiuius quippe in
 Efrata, id est in Bethlehemi, sacramenta dominica: quia promissum legimus
 Dauid patriarchae, qui erat ex eadem ciuitate, de fructu uentris eius Christum
 in carne uenturum. Inuenimus ea in campis sylvae, quia reuelata iam in latitu-
 dine gentium per orbem ipsi cognouimus, ipsi uidimus, ipsi participes facti
 sumus. Fudit ergo rex uasa domus domini in regione caepstri Iordanis, quia
 dominus ut baptismo salutis uasa misericordiae faceret, totam mundi latitudi-
 nem impleuit. Argillosa autem terra, de qua factae sunt formae ad fundenda
 uasa domini, quid melius quam scriptura sacra, de qua regulam bene uiuen-
 di accipimus, ualeat intelligi? Quasi enim argilla ignibus durata, formam uasis
 domini quanta & qualia fieri debeant, exhibet: cum nobis regulam iustitiae,
 quam sequamur, ostendit: sanctorumque nobis exempla, qui in igne tribulatio-
 num inuincibiles perdurant, in omnibus sequenda praemoustrant, si uasa in
 domo domini electa esse ac preciosa concupiscimus. Aescip igne liquefactum
 argillae formas ingreditur, quo uas possit aptum ministerijs coelestibus effici:
 cum ipsi salubriter humiliati, & flamma siue diuinae charitatis, siue etiam hu-
 manae aduersitatis emolliti, uiam patrum bene operando imitamus, ut ad prae-
 mia patrum bene currendo perueniamus. Neque enim semper nos regulis ne-
 cesse est bonae operationis aptari, sed completa operatione bona, palma est
 beatae retributionis speranda: quia nec semper uasa in forma argillae teneban-
 tur inclusa: sed ubi ad perfectionem sui peruenierant, fractis formarum claustris
 perducebantur in lucem, & in templo domini pro suis quaeque locis dispo-
 nebantur. Hoc autem dicimus, non quod opera sanctorum unquam sint interlu-
 tura: sed quia ubi coronam iustitiae, quam bene operando meruere acceperint,
 laboriosae operationis iam cuncta cessent officia. Quis enim in illa uita pro si-
 de Christi martyrium patitur, ubi expulsus aduersarijs omnes electi in prae-
 sentia Christi letantur? Quis ibi mortuum sepeliat, ubi sola uiuentium terra
 est? Quis lugentem consoletur, ubi absterget deus omnem lachrymam ab ocu-
 lis sanctorum? Quis ibi domum peregrino & hospiti pareat, ubi omnes simul
 electi habitationem ex deo habent domum non manufactam, aeternam in ce-
 lis? Quis illic panem esurienti, potum ue afferat sitienti, ubi dominus pascit
 me, & nihil mihi deerit? Diruptis ergo formis uasorum quodam necessarijs,
 uasa ipsa in domo domini splendida iam resurgent: quia cessantibus in fine se-
 culi

culi, non solum persecutionibus quas propter iustitiā patiuntur, verum etiam laboriosis iustitiæ operibus, quibus sponte pro æterna beatitudine insudant electi, in sola uisione sui conditoris percepta immortalitatis claritate lætabuntur. Fecitq; Salomon omnia uasa in domo domini, & altare aureum. Alta-
 re aureum corda significat perfectorum iustorum internæ charitatis & casti-
 tatis luce corusca: quorum sublimitati significandæ etiam locus conuenit eius-
 dem altaris. Stabat enim ante ostium sancti sanctorum, ut in factura taber-
 naculi manifeste legimus: in quo uidelicet altari, non hostiarum sanguis neq;
 libamina, sed thymiamata tantum incēdebantur, quorum fumus ad superio-
 ra ascēdens operiebat arcam atq; oraculum, & odore suauitatis implebat. In
 quo figuram exprimebat sanctorum, qui dum neglectis temporalium rerum
 cupiditatibus, tota intentione cœlestia quærunt, uelut intus in uicinia oraculi
 sunt positi: nec longe sunt remoti à uelo, quo templum & sancta sanctorum diri-
 muntur: quia corpore tantum terram incolunt, cæterum secundum interiorem
 hominem, totam habent conuersationem in cœlis. Ascenditq; ab huiusmodi
 altari fumus incensorum in sancta sanctorum ubi arca est recondita, cum o-
 rationes sanctorum flamma charitatis excitatæ ad cœlum usq; perueniunt,
 ubi Christus est ad dexteram dei sedens. Non enim in hoc altari sanguis ho-
 stiarum, sed thymiamata tantum incenduntur: quia tales uiri non habent ope-
 ra carnis & sanguinis, quæ in ara sui cordis immolantes, domino mactent: sed
 tantummodo lachrymarum & orationis uota, ei pro desiderio regni cœlestis
 offerunt. Verum quia nemo repente fit summus, sed per oblationē carnalium
 uoluptatum sollicitè ad desiderium cœlestē ascenditur: nō prætermisit scriptura
 in mystica domus domini factura, & illorum ponere figuram, qui carnales ad
 huc in se concupiscentias, quæ militant aduersus animā, flamma superni timo-
 ris incēdere laborant: quatinus his de corde siue corpore extirpatis, cōsequen-
 ter ad maiora possint ascēdere, ac deo spiritualium thymiamata orationum &
 compunctionis offerre. Factū namq; est aliud altare ad offerendas uictimas
 multo quidem maius, sed quantum magnitudine præstans, tantum situ loci &
 specie metalli inferius. Nam & de ære factum & ante fores erat positum tem-
 pli: in quo illi nimirum figuraliter sunt expressi, qui tali deuotione domino de-
 seruiunt, ut caro adhuc eorum cōcupiscat aduersus spiritum, & spiritus aduer-
 sus carnem: soleantq; dicere, quia mente seruiamus legi dei, carne autē legi pec-
 cati, qui cum incentiua carnis edomare, fluxa luxuriæ restringere, frequentibus
 ieiunijs & orationibus, uigilijs & eleemosynis, cæterisq; fructibus spiritus ad
 tranquillitatem castimonie deo digne ascendere contendunt: quid nisi uicti-
 mam illi sue deuotionis immolāt, implentes illud Apostoli, quo obsecrat nos
 per misericordiam dei, ut exhibeamus corpora nostra hostiam uiuentem, san-
 ctam, deo placētem: qui quoniam seruiore flagrant spiritualis amoris, sed non-
 dum eminent triumpho uictæ concupiscētiæ carnalis: altare holocausti ignem
 quidem de cœlis sanctum habet, sed speciem aris & non auri præterdit. Ve-

rum quia plures sunt in sancta ecclesia carnales quàm spirituales, plures qui uiciorum illecebras refrenando cohibent, quàm qui superato ac sopito uiciorum certamine adepta uirtutum securitate laxantur, merito altare holocausti maius esse multo, quàm altare thymiamatis afferebatur. Scriptum namque est de eo in libro Paralipomenon. Fecit quoque altare æneum xx cubitorum longitudinis, & xx cubitorum latitudinis, & x cubitorum altitudinis. Equidem altare thymiamatis Moyses fecit in eremo, habens cubitum longitudinis & latitudinis, & duos cubitos in altitudine. Quatè autem magnitudinis hoc Salomon fecerit, non dicit scriptura, sed tantum quia altare aureum fecerit, dicit. Constat autem quia tantum facere non potuit, quantum fecit holocausti, quia si xx cubitorum in longitudine & latitudine factum esset, totam templi latitudinem impletet. Quantum igitur exterius erat positum altare holocausti quàm incensi, & quantum genere oblationis ac uilitate metalli ignobilius fuit, tantum quantitate mensuræ & hostiarum frequentia præstabat: quia nimium plures sunt multo, quibus dicatur, si uis ad uitam ingredi, serua mandata: quàm quos audire delectat. Si uis perfectus esse, uade, uende quæ habes, & reliqua. Nec tamen huius mensura altaris, ratione mystica caret numeri. Habet enim xx cubitos longitudinis, & totidem cubitos latitudinis, & x cubitos altitudinis. De quo quidem numero supra in expositione templi & vestibuli eius diximus, sed & nunc dicendum breuiter. Quod si altare holocausti illorum in ecclesia typum tenet, qui suum corpus & animam deo consecrare per ignem amoris illius querunt, perseverantia horum in bona operatione per longitudinem altaris, amplitudo in charitate dei & proximi, per latitudinem, spes in expectatione diuinæ uisionis per altitudinem figuratur. Quod autem longitudo & latitudo altaris uicenorum erat cubitorum, magnam utique perfectionem designat eiusdem indefessæ longanimitatis ac sinceræ dilectionis, quæ per utriusque testamenti nobis obseruantiam tribuit. Quater quini uicenarium numerum complent, v enim libri Mosæ legis, IIII euangelicæ libertatis: cum ad intelligentiam atque custodiam legis spiritualis illustratæ euangelij gratia peruenimus, uicenarium profecto numerum perficimus. Fitque idem numerus uicenarius in longitudine & latitudine altaris, cum corda electorum docente utroque testamento, & adiuuante ipso uno utriusque testamenti autore, & perseverantiam boni operis etiam in persecutionibus seruant, & hilaritatem dilectionis in eos qui persequuntur exhibent. Denario autem numero spes cœlestium præmiorum designari solet domino affirmante, cum eos qui in uinea magni patrisfamilias laborabāt, denario remunerandos esse testatur. Et merito per hunc numerum merces æterna figuratur, in qua nostra natura in æternum diuinæ uisioni cōiungitur, quia in ipso numero mystice diuina simul & humana natura designatur. Deus quippe trinitas est, homo autem numero septenario comprehenditur, quaternio uidelicet propter corpus, quod ex quatuor elementis cōstat, ternario uero propter

pter interioris hominis triplicem differentiam, quam scriptura nobis sancta ostendit, cum diligere nos iubet dominum ex toto corde, tota anima, tota uirtute. Vnde & in decalogo legis tria sunt madata quæ nos ad cultū diuini amoris excitant, septem quæ dilectionem commendant proximi. Qui ergo decalogum legis in dei & proximi dilectione custodiunt, iure mercedē huius custodiz in dei simul & proximi uisione percipiūt: quicq; in hac uita & proximum quem uident, & deum quem nō uident, diligunt, hi in futura uita & deum regem in decore suo, æque & proximum in deo glorificatum ac decoratū uidebunt. Et ideo altare quod in figura factum est electorum, ob significandā eorum perpetuā uitam, x erat cubitis altum. Cum uero dictum esset, quia fecit Salomon altare aureum, additum est continuo, Et mensam super quam ponerentur panes propositionis auream. Mensa autem, scriptura est sacra, spiritalis intelligētiz claritate fecunda, de qua psalmista domino, Paraisti, inq; in cōspēctū meo mēsam, aduersus eos qui tribulāt me. Ne enim aduersarij tribulantes ad errorē inflēctant, mensam nobis conditor noster scientiæ, per quā in fide ueritatis eū confitemur, parauit. Namq; panes propositionis, sancti sunt doctores, quorū uel opera nobis uel uerba salutaria ad exemplū uitæ propositionis semper in diuinis paginis quisquis quatit, inuenit. Vnde apte iisdem panes in Exodo, xii fieri præcepti sunt: uidelicet propter apostolos xii, per quorum ministeriū noui scriptura testamēti condita est, & instrumenti ueteris donante domino reuelata mysteria. Quo nimirum non tātum iisdem apostoli, sed & omnes sunt designati, qui prædicando uerbum pabulum uitæ fidelibus ministrant, quia omnes utiq; ipsam doctrinæ formam, quam apostoli à dño accipere sequuntur. Legimus autem de his panib; in Exodo, per singula sabbata eos mutari debere, & nouos pro ueterib; in mensa dñi proponi, unius quoq; mensuræ farinæ similæ semper eos parari præceptos. De quib; omnib; mysticus de interna refectione sensus luce clarior refulget: ablatis enim ueterib; nolui restituantur panes, cum assumptis de hac uita aliquib; doctorum fidelium alios loco eorum sancta ordinat ecclesia, & hoc non nisi die sabbati, quia quisquis bonum certamen certauerit, cursum cōsummauerit, fidem seruauerit, tempore suæ resolutionis, requiem beatæ perēnitatis intrabit. Vnius mensuræ & non dispares ex simila semper fiēbant panes, quia nimirum una eademq; forma ueritatis & fidei, quam primo apostoli suis auditorib; ostendebant: ac deinde successores eorū, & omnes usq; ad finē seculi pii doctores ecclesijs Christi per orbem prædicare non desistunt. Quod uero in uerbis dictū legimus, quia fecit Salomon mensas x, & posuit eas in templo, v à dextris & v à sinistris, sialas quoq; aureas: has mēsas tam ad panes propositionis, quàm ad uasa domini portanda, factas esse credibile est: sialas uidelicet quas pariter factas scriptura refert, thymiamataria, thuribula, mortariola, & cetera quæ in sequentib; leguntur. Nam quod paulopost in eodem uerborū uolumine subintertur, Fecitq; Salomon omnia uasa domus domini, & altare aureum, & men-

De mēsis decem xxv

mm 3 las, &

fas, & super eas panes propositionis: uel pluralem numerum pro singulari posuit, more scripturæ usitatissimo, ut in Iesu Naue, Filij autem Israel præuaticati sunt mandata: de anathemate, cum Acham solus & non plures filij Israel hoc fecerint: Vel certe quia panes propositionis solebant ante sabbatū coqui, ut in sabbato mox poni potuissent in mensam propositionis, potuit fieri ut panes nouiter cocti, mox illis mensis imponerentur, ibidemq; nocte illa seruarietur operti, donec primo mane ablatis ueteribus super mensam propositionis ponerentur calidi. Non aut hæ mensæ decem, à figura huius mensæ propositionis discrepant. Nam sicut una mensa xii panibus onusta, unitatem totius scripturæ, & cōcordiam autoritate apostolica unitam designat: ita non immerito x mensæ aureæ diuinæ legis & prophetarū eloquia figurate denuntiant, quæ uel refectionem nobis uerbi dei, quasi panes propositionis offerunt, uel in nobis exempla fidelium quasi positorum in se ualorū domini claritatē & miracula proponunt. Recte autem bis quinæ sunt mensæ, non solum quia legis lator v uolumina scripsit: uerū etiam quia tota testamenti ueteris series, v ætates seculi cōplectitur. Geminatur uero numerus mensarū quinquarius, & v à dextris & v à sinistris ponuntur, cum post incarnationē dominicam eadem scriptura, siue utriq; dei populo, Iudæo scilicet & gentili committitur, siue euangelicis plena figuris ostēditur, quæ quondam dei populo antiquo iuxta litteram solā intelligēda putabatur. Cum enim legentes in sancta scriptura, uerbi gratia, Abel coronatum martyrio, Enoch translatum de mundo, Noe pereunte mundo mirabiliter saluatum, hospitalitatem Loth exterminatis impijs sublimiter remuneratam, Abraham merito obedientiæ patrem cūctarum gentium constitutum, Ioseph post uenditionē merito castitatis & innocentie exemplo sublimatū: hæc & huiusmodi innumera nobis exempla uirtutis assumimus, quid nisi mensæ quinq; aureæ, siue uasa domini, seu panes propositionis ad huc in sinistris templi, diuinæ literæ iuxta historicum sensum, ianuam nobis & recte uiuendi æterna præmia à domino sperāda aperiunt: at cum eandem altius intelligentes uel dispensationem dominicæ incarnationis, uel alia quælibet sanctæ ecclesiæ sacramēta sonare uiderimus, quasi alias v mensas ad potanda uasa electionis & alimoniam uitæ spiritualis in dextris templi inuenimus: quia eadem ipsa uerba sacre historię nouū omnino fulgorē nobis sapientiæ celestis, nouos aperire sensus de ueterib; agnoscimus, in qua ptofecto figura & candelabra sunt quina facta in templo. Cum enim dixisset scriptura regem Salomonem fecisse mensam, in qua ponerentur panes propositionis, auream, adiunxit sequenter, & ait, Et candelabra aurea v ad dexteram, & v ad sinistram cōtra oraculum ex auro purissimo, & quasi lilia flores, & lucernas desuper aureas. Sicut enim mensæ in typo sanctæ scripturæ recte ponuntur, quia & iustitiam esurientib; panem uerbi ministrant, & uasa ferunt ministerij celestis, id est iustorum nobis actus in exemplū ponunt: ita & aptissime per candelabra eadem diuina eloquia figurantur, uidelicet quia lucem sapientiæ errantibus

De decem
candelabris
xxvi

tibus proferunt. Hinc etenim psalmista. Lucerna, inquit, pedib. meis, &c. Hinc etiam Salomon ait, Quia mandatum lucerna est, & lex, & lux. Quare aut v à dextris, & v à sinistris, conueniēter addidit contra oraculū. Oraculum namq; ubi erat arca, ut saepe dictū est, aperte designat patriam cœlestē, ubi Christus est in dextera dei sedens, paternorū utiq; cōscius arcanorū: & cādelabra tēpli aurea contra oraculū sunt posita, cum diuina eloquia ad habitationē supernæ ciuitatis aspectant, ut huius agnitionē ac desiderū nostris cordib. infundant: & eos qui originē carnis à terra habent ad appetendā promerēdamq; in cœlis perpetuā mansionē accendant. Sunt autem qui hoc quod de cādelabris dicitur, v ad dexterā, & v ad sinistram, ita putant intelligendū, q; v fuerint à dextris illius candelabri quod fecit Moyse in deserto, & v à sinistris, utraq; tamen ad meridianā plagam, in qua candelabrū unum quod fecit Moyse stare præceptū est: quod eodē ordine etiam de mensis x intelligant, quia omnes quidem ad septentrionalē plagam fuerint posite, sed v ad dexterā Moisaicæ illius mensæ, & v ad laeuam. Verū si cōsideres uerba sacra scripturæ, quib. dicitur, Et candelabra aurea v ad dexterā, & v ad sinistram contra oraculū: patet nō fallor, q; æque utraq; v oraculū respiciebāt: utpote iuxta utrūq; latūs tēpli in longū posita. Nam si omnia cādelabra ad australe latūs tēpli in longū posita essent, non dicerētur cōtra oraculū posita, sed potius cōtra aquilonē, siue cōtra mensas, si etiā mensæ ibi stabant: quod dictū est in Exodo de illo uno cādelabro, quod absq; ulla dubietate ad meridiē stabat: Posuit & candelabrū in tabernaculū testimonij ē regione mēse in parte australi. Itemq; in libro Numerorum, Cum posuerit vii lucernas cōtra eam partē qua candelabrū lucem dabit. Ex utraq; ergo parte tēpli cādelabra, ex utraq; erāt mensæ, quia scriptura diuina ad illustrationē ac refectionē utriq; dei populo condita est, quæ nos in prosperis & aduersis, in tristib. ac lætis euentib. reficere ne deficiamus, & ne cæci remaneamus illustrare cōsuevit. Vasa quoq; misericordiæ sunt superposita: hoc est scriptura in se iustorū opera utrisq; nobis, per quæ in actione iustitiæ & ipsi cōfortemur, pponit. Si aut quæris quid inter cādelabra & lucernas eorū typice distet, possumus recte intelligere, lucernas esse viros sanctos, q; oleo sancti spūs infusi, & ipsi igne dilectionis ardēt in corde, & pximis lucē sciētiæ proferūt lingua. Cādelabra aut quæ has lucernas in sublime tollūt, ut lōge lateq; uideri possint in ecclesia, scripturā esse sacrā, quæ sanctorū nobis uirtutes & exēpla sua lectiōe demonstrāt. Cui uidelicet interpretatiōi annuit sermo dñi, quo dicit de Ioāne, Ille erat lucerna ardēs & lucēs. Possumus etiā ita aptissime dicere, quia lucernæ diuina sunt eloquia, iuxta illud psalmistæ, qđ & supra posuimus, Lucerna ped. m. u. t. dñe. Cādelabra aut lucernarū harū, sancti sūt oēs, qui sua corda & corpora ferēdis dñi mādatis, humili semp incōtione supponūt. Quisquis em in nullo pptiā seq curat uolūtātē, sed in omnib. quæ scriptura sancta dicit, attēdit, eiusq; sese subijcere mādatis fatagitur, quasi cādelabrū domus dei aureū, aureas eius gestat lucernas: q; casta corporis sui mēbra, castas mētis co-

gitationes, ad faciendā quæ deus iubet, supponere contendit: & hoc tam fixâ intentione, quàm candelabrū necesse est firmiter ad superna erectum, impossitas sibi lucernas non solum absq; ruina, sed etiâ absq; ulla status sui mutatione seruare. Cum uero dixisset, Et candelabra aurea v ad dexterâ, & v ad sinistram contra oraculum ex auro purissimo: addidit, Ex quasi lilij flores & lucernas desuper aureas: uidetur iuxta literam, quia suprema pars candelabrorum in modum sit lilij repandi formata: quod in candelabro tabernaculi factū esse legimus, cuius & stips medius, & calami ex ipso procedentes cum scyphis & sphaerulis, lilia scribuntur habuisse plurima. Flores autem lilij, ut sæpe dictum est, amoenitatem semper uiuentis terræ uisūtiū designant, de qua dicit beatus Petrus, Regeneratos nos à domino in spem uiuam, in hereditatem incorruptibilem & incontaminatam & immarcescibilem, conseruatam in coelis. Et bene lilij flores aurei in candelabro sunt facti domus dei, quia scriptura diuina, sprenis temporalib; gaudijs, ad appetenda nos bona patriæ coelestis prouocare conseruit: & quomodo erectum in altitudine candelabrum, lilij flores & lucernas habet aureas in capite, ita electi omnes qui in eadē scriptura sacra continentur, erecto ad superna sensu, coelestia bona à domino quæsisse & percipisse probantur. Fecitq; forcipes aureos, hydrias quoq; & fuscinulas, halas, & mortariola & thuribula de auro purissimo) Varia uasa quæ ad offerēda libamina sunt facta, uariæ sunt distinctiones eloquij diuini pro dispari capacitāte audientium. Non enim una eademq; omnib; potest conuenire doctrina; ac per hoc diuersa altaris uasa, uel diuersas fidelium personas, uel certe multasarias ipsorum actiones, siue cogitationes in famulatum sui conditoris dispositas accipere debemus. Forcipes namq; ad emendandum altaris ignem fieri debere credendum est. Vnde recte per eos sancti predicatorum designantur, qui ignem in nobis charitatis, quasi in altari dei accēdere suis exhortationib; solent. Namq; hi uelut gemino dente forcipis ad hunc ignem accēdendum titiones in altare componunt, quando consonis utriusq; testamenti nos paginis instruunt, & eloquia ueritatis in nostro corde, quibus amplius ad æternorum desideria inflāmemur collocant. Fuscinulæ quæ Græce uocātur creagræ, ad hoc in ministerio altaris habebātur, ut carnes uictimæ per eas de caldarijs coctæ proferrentur, atq; ad esum eorū qui his erant reficiendi affererētur: quarum usus æque sanctis predicatorib; figuratē congruit: quorum ministerij est animas fidelium uerbo fidei reficere, & iuxta regulam apostolicæ discretionis rudibus adhuc discipulis rationabile & sine dolo lac doctrinæ simplicis adhibere: perfectiorib; autem solidum cibū doctrinæ sublimioris ministrare. Quicunq; enim sacramēta Christi ad eius imitationem suscipere norunt, hi quasi carnis hostiæ salutaris refecti satiantur. Et quia doctorū est spiritaliū, quæ cuiq; personæ mysteria audienda cōmittant, solertissime discernere, recte fuscinulas intulit Salomon sacerdotib; in domo domini, quib; carnes hostiarum prout oportuerit componant: & alia quidem hominibus, sed mundis edenda offer-

da offerant: alia uero altaris ignibus consumenda relinquant: quia sunt in uerbis dei nonnulla quæ nostræ humilitati reuelare, ac epulas nostræ refecti oni concedere dignatus est. Sunt item alia tantæ profunditatis quæ sancti spiritus solummodo scientiæ pateant, nostræ uero capacitatis per omnia mensuram transcendant. Quid enim per hylas, nisi mensura prædicationis accipitur, quæ oportet ut exhortationis gratia singulis iuxta capacitatem ingenij conferatur. Debet enim hic subtiliter qui docet perspicere, ne plus studeat quàm ab audiente capitur prædicare, debet ad infirmitatem audientium se metipsum contrahendo condescendere, ne dum paruis sublimia, & idcirco nõ profutura loquitur, se magis curet ostendere, quàm auditoribus prodesse. Diximus plenius de mensa & candelabro, & utroq; altari, ac uasis domus domini, in libris quos de factura tabernaculi & habitu sacerdotali scripsimus. Si quis ergo capacitatem nostri sensus ex patrum traditione progenitam, de his scire desiderat, in opere illo requirat. Sequitur. Et cardines ostiorum domus interioris sancti sanctorum, & ostiorum domus templi ex auro erant. Si ostia domus interioris sancti sanctorum, angelica sunt ministeria, quæ nobis de corpore egressis introitum uitæ coelestis referant, & ostia domus templi doctores sunt sancti, ac sacerdotes, qui instruendo, baptizando, dominici corporis & sanguinis mysteria communicando, prima nobis ecclesiæ præsentis limina pandunt: quid cardines utrorumq; ostiorum, nisi sensus & corda sunt eorundem angelorum, siue sanctorum, quibus immobiliter complexationi ac dilectioni sui conditoris adherent: ut eo ministeriũ diuinitus sibi delegatum recte cõpleant, quia uoluntati illius cum ministrant, nunquam oculos auertunt. aperiuntur enim & clauduntur ostia, tempore cõgruo, sed nunc cardinem templi deserunt: quia & angeli & homines sancti siue in hanc uitã fidei, siue in illã speciei fideles atq; electos suscipiãt, semper animũ in radice dilectionis fixũ tenent. Vnde bene idem cardines ex auro esse facti perhibentur, propter uidelicet meritũ propriæ claritatis, uel illius quã habent in deum charitatis. Et perfecit omne opus quod faciebat Salomon in domo domini. Cum rex pacificus noster in die nouissimo omnes electos resurrectionis immortalitate glorificat. Alioquin quamdiu status huius seculi geritur, facit quidẽ opus domus domini Salomon, sed nondũ perfecit: quia corda electorum dominus ut bonã operetur, inspirat & adiuuat, nullũ tamen in hac uita dũtaxat cõmorantẽ absq; peccato esse tribuit, nãq; hoc donũ futuræ uitę beatitudini reseruatur. Perficit uero omne opus templi sui, & hoc de dicationi aptũ reddit, cũ translatos de hac uita electos suos aternũ perducit ad regnũ. Quod bene significat in eo quod templũ vii annis edificatũ est, viii autẽ perfectũ ac dedicatũ est. Septẽ nãq; diebus omne hoc opus uoluĩt, octaua est dies iudicij & resurrectionis futuræ, de q; psal. vi & xi attitulati sunt. Cui uidelicet tẽpori, cõuenit apte qd sequit. Et intulit q̃ sanctificauerat David pater eius argẽtum & aurũ, & uasa reposuit in thesauris domus domini

De cardinib.
XXVII

domini.) Argentum namq; ad nitorem eloquentiæ, aurum ad splendorem sapientię, uasa generaliter ad rationabilem pertinent creaturam. Sanctificatq; Dauid pater Salomonis argentum, cum deus pater eloquentes quosq; gratia sancti spiritus ad loquendum uerbum euangelij confortat: sanctificat aurum, cum naturali ingenio præditos, suo replens spiritu ad consideranda in lege sua mirabilia, illuminat. Sanctificat & uasa, cum omnibus generaliter ecclesię filijs eiusdem spiritus gratiam largitur, & illos ad appetenda dona perpetuę salutis inflammat. Hoc autem argentum, hoc aurum, hæc sanctificata uasa Salomon infert in templum, cum dominus noster petactio uniuersali iudicio, omnes electos, & doctorum uidelicet, & cæterorū fidelium coetum, in gaudium regni cœlestis introducit. Reponitq; uasa diuersi generis argentea siue aurea in thesauris domus domini, quādo eos qui multitudine dulcedinis eius frui meruerint, abscondit in abdito uultus sui à conturbatione hominū. Aptē multi sunt thesauri, in quibus uasa electionis recondantur: sed una domus domini, in qua iidem sunt facti thesauri: quia & una est ecclesia, in qua omnes continentur electi, quantislibet meritis distent: & una, ac non diuersa est patria illa cœlestis, quæ promittitur omnibus: quamuis sicut stella à stella differt in claritate, ita & resurrectio mortuorum: quod utrumq; iudex ipse, ac distributor præmiorum dominus, una sententia demonstrauit, cum ait, In domo patris mei multe sunt mansiones. Vnam ergo domum domini fecit Salomon, sed multos in ea thesauros ad recipienda uasa diuersi generis, una ratione benedictione sanctificata parauit: quia nimirum una est domus patris, non manufacta, æterna in cœlis, sed multe in ea mansiones, ad recipiendos omnes timentes se ac diligentes: dominus benedicet pusillos cum maioribus.

De arca in oraculum illata.
XXVIII

Veneruntq; cuncti senes ex Israel ad regem Salomonem in Hierusalem, ut deferrent arcam foederis domini de ciuitate Dauid, (id est, de Sion) & tulerunt sacerdotes arcam foederis domini, intuleruntq; eam in locū suum in oraculum templi, in sanctum sanctorum, subter alas Cherubin: siquidē cherubin expandebant alas super locum arce, protegebantq; arcam & uestes eius de super. Cumq; eminent uestes, apparentq; summitates eorum foris sanctuarii ante oraculum, non apparebant ultra extrinsecus. Qui & fuerūt ibi usq; in præsentem diem.) Hoc manifestius in Paralipomenon uolumine scribitur. Vectium, inquit, quib. portabant arcam, quia paululū longiores erant, capita parebant ante oraculum: si uero quis paululū fuisset foris, eos uidere non poterat. Vbi notandum quia & si capita uectium antecedentibus potius ac diligentius intuentibus parebant ante oraculum, non tamē fieri poterat ut ipsa eorum capita ante oraculum eminent: quia nimirū necesse erat, ut clauso oraculo & appēso ante ostia uelo, ipsi quoq; uestes toti cum arca & cherubin abderentur interius: quod fieri non poterat, si prominētes ulterius uestes, producēdis ad claudendū ostijs locum non darent: quorū positionē uectium scriptura nō sine causa, sed magni intuitu sacramēti cā diligēter expedire cura uit.

uit. Constat enim quia domus templi exterior, peregrinantem in terris ecclesiam, sancta autem sanctorum internam supernae patriae felicitatem designant. Item illata in sancta sanctorum arca, assumptam Christi humanitatem, & intro uelum regiae celestis inductam: uerbes uero quibus eadem arca portabatur, praedicatores uerbi quos ipse mundo innotuit, typice denuntiant. Apparebant enim summitates uerbum foris ante oraculum, non semper, sed cum ostia eiusdem oraculi aperiri contingeret: neque haec omnibus, sed eis solummodo qui propius accedentes, attentius ea quae intus erant satagebant intueri. Ipsa autem arca qualis & quomodo esset posita, solis eis qui oraculum intrassent, uidere licebat: quia nullus sanctorum in hac uita positus, tamen multum se in altitudine mentis attollens, sed soli illius patriae diues gloriam inibi sui redemptoris plane contuentur. Sunt & uerbes cum arca in oraculo reconditi, quia absconditi sunt etiam nunc perfecti quique electi, qui nos praecesserunt de mundo, in abdito uultus dei a conturbatione hominum. Quorum tamen summitates uerbum nonnunquam aperto oraculo his qui appropiant uisuntur, cum perfectioribus quibusque, atque oculum sui cordis rota intentione purificationibus, diuina gratia aliquid extremum de supernorum ciuium gaudio contemplan- dum donauerit: quae nimirum contemplatio his qui paulo longius recesserint minime conceditur: quia quanto exterius mente naga remanent, tanto minus quae sint interna gaudia uident. Deinde sequitur, In arca autem non est aliud nisi duae tabulae lapideae, quas posuerat in ea Moyses in Oreb, quando pepigit foedus dominus cum filiis Israel, cum egredereur de terra Aegypti.) Quae potest quomodo dicat hic, quod in arca non esset aliud nisi duae tabulae testimonij, cum apostolus Paulus magister gentium in fide & ueritate, Hebraeis, id est filiis Israel scribat, dicens, Tabernaculum enim factum est primum, in quo erat urna aurea habens manna, & uirga Aaron quae fronderat, & tabulae testamenti. Ecce teste apostolo didicimus, quod & ista ibidem fuerint. Non enim ausus est aliud eis scribere, nisi quod certum tenebant illi omnia haec in ipsa arca fuisse: sed non plenius apparer, quando intromissa ibidem sint, excepto quod in libro Numeri scriptum est, Protulit Moyses omnes uirgas de conspectu domini ad cunctos filios Israel, uideruntque & receperunt singuli uirgas suas. Dixitque dominus ad Moysen, Refer uirgam Aaron in tabernaculum testimonij, ut seruetur ibi in signum rebellium filiorum Israel, & quiescant querelae eorum a me, ne moriantur. Denique & de manna in Exodo ita scriptum est, Dixitque Moyses ad Aaron, Sume uas unum, & mitte ibi man, quantum potest capere gomor, & reponere coram domino, ad seruandum in generationes uestras, sicut praecipit dominus Moysi. Posuitque illud Aaron in tabernaculo ad seruandum. Erat autem in arca urna aurea, habens manna: quia in homine Christo, habitat omnis plenitudo diuinitatis corporaliter. Erat uirga Aaron, quae excisa denuo floruerat, quia potestas omnis iudicandi penes eum est, cuius iudicium in humilitate passionis uidebatur esse sublatum.

De tabulis, hys.
pideis arca in
clusa XXXIX

De nebula in
tēplo. XXX

sublatum. Erant & tabulae testamēti, quia in illo sunt omnes thesauri sapien-
tiae absconditi. Adhaerebant ei uestes quibus portabatur, quia doctores qui
quondam laborabāt in uerbo Christi, nunc praesenti uisione gaudent gloriae
Christi. Quod enim unus eorundē dixit, Cupio dissolui & esse cum Christo:
de omnibus utiq; sui operis consortibus intelligēdum reliquit. Factum est
autem, cum exissent sacerdotes de sanctuario, nebula impleuit domum domi-
ni, & non poterant sacerdotes stare propter nebulam. Impleuerat enim glo-
ria domini, domū domini. Gloria domini intelligitur Christus, cuius fide im-
pletus est uniuersus mundus, De qua gloria cū pro adorato uitulo dominum
precaretur Moyses, ut parceret populo peccatori, respondit dominus, Propi-
tius ero illis, uerū tamen uiuio ego & uiuit nomen meum, quia implebitur
gloria mea omnis terra. Et septuagesimus primus psalmus canit, Implebitur
gloria eius omnis terra. Vnde & angeli clamabant pastoribus, Gloria in ex-
cellis deo, & in terra pax hominibus bonae uolūtatē. Quod autem nebula im-
pleuit domum dei, & non poterant sacerdotes ministrare propter nebulam:
haec sententia superbos Iudaeorum pontifices ac doctores insinuat, qui dum
nariuitatis Christi sacramenta inuestigare despiciunt, debitum fidei suae mi-
nisterium per erroris nebulam perdiderunt. Ita enim eorum mentes infideli-
tatis caligo repleuit, ut exigētibz proprijs meritis, non agnoscant cultum cre-
dulitatis. Post perfectū omne opus domini, & longam orationem Salomo-
nis, & diuina ad eum oracula facta, inter cetera refert scriptura, quod classem
nauium fecerit rex Salomon in Asion Gabet.) Asion Gabet portus est ma-
ris rubri, & fuit tricesima prima mansio filiorum Israel, quando perfecti sunt
de Aegypto, ipso etiam post loco classis Iosaphat, ut scriptura testatur, ui tem-
pestatis arrita est. Classes sunt nauigia maris, classis etiam dicta nauium multi-
tudo. Post haec iterum refert scriptura, quod uenerint serui Hiram cum seruis
Salomonis in eisdem nauibus in Ophir, sumptumq; inde aurū quadringen-
torūm uiginti talentorum, detulerunt ad regem Salomonem in Hierusalem.
Ophir unde sicut iam diximus, aurum efferebatur Salomoni, fuit unus de po-
steris Heber nomine Ophir: ex cuius stirpe uenientes à fluuio Cophene usq;
ad regionem Indiae, quae uocatur Hertia, eos habitasse refert Iosephus, à quo
& regio ipsa tale uocabulum est consequuta. Vnde & Septuaginta interpre-
tes, deriuato uocabulo, non Ophir, sed Ophiram transtulerunt. Sed & re-
gina Saba audita fama Salomonis, in nomine domini uenit tentare eum in
aenigmatibus.) Sicut enim haec regina uenit à finibus terrae, id est India, ut
quidam dicunt, audire sapientiam Salomonis: ita uenit ecclesia post multa se-
cula ad redemptorem & eruditore suum, ut post stultitiā erroris, doctrinam
periceret ueritatis. Haec est illa regina de qua ad dominum dicitur, Astitit re-
gina à dextris tuis in uestitu deaurato circumdata uarietate: id est, diuersarum
circundata precioso decorē uirtutum. Haec enim omnium credentium mater
est, quae natos ad mortem regenerat ad salutem, per quam Christus plus re-
stituit.

De regina Sa-
ba. XXXII

fituit in gratia, quàm perijt in natura, & de Adæ transgressoris genere pro-
 tem in adoptionem diuinæ paternitatis assumpsit, & de paradiso exhareda-
 tos cœlo reddidit ciues. Hæc post synagogam quidem uocata, sed ante sy-
 nagogam promissa, hæc enim iam in primo homine præfigurata est. Nam
 sicut ex Adæ latere fabricata est Eua, ita ex Christi corpore & uulnere re-
 dempta creuit ecclesia. Ingressa regina Saba Hierusalem, cum multo co-
 mitatu & diuitijs, cum camelis portantibus aromata, & aurum infinitum ni-
 mis, & gemmas preciosas, uenit ad Salomonē, & locuta est ei uniuersa quæ
 habebat in corde suo. Ergo in figura reginæ huius ecclesia uenit ex gentibus
 à finibus terræ, imponens finem cupiditatibus uitijſq; terrenis, audire sapi-
 entiam Salomonis, id est, uini pacifici domini nostri Iesu Christi, qui fecit
 utraq; unum, soluens inimicitias inter deum & hominem in carne sua: uenit
 post ueteres & profanas superstitiones audire & discere de fidei illuminatio-
 ne, & iudicio futuro, de animæ immortalitate, de spe resurrectionis & gloria.
 Venit ergo in Hierusalem cum multo comitatu, id est, nō iam cum una tan-
 tum gente Iudæorum, sicut prius synagoga solos habuit Hebræos, sed to-
 tius mundi gentibus diuersisq; nationibus. Venit ergo exhibens munera
 digna Christo, aurum & gemmas preciosas: & hoc camelis portatibus aro-
 mata, id est, ex gentili populo uenientibus, qui prius fuerant uiciorum fecdi-
 tate distorti, & malorum onere curui, ac peccatorū prauitate deformes: cum
 his tanquam muneribus regina hæc ingreditur ad pacificum regem Chri-
 stum, exhibet secum fidei aurū, puritatis in sensu, preciosas splendoris gem-
 mas, morum uidelicet insignia ornamenta uirtutum. Et locuta est ei quæ ha-
 bebat in corde suo, id est, aperuit ei cor suum, manifestauit ei occultam con-
 scientiam in confessione & poenitudine præcedentium delictorum. Vide-
 mus quid agat hæc regina. Videns autem regina Saba omnem sapienti-
 am Salomonis, & domum quam edificauit, & cibos mensæ eius, & holocau-
 sta quæ offerebat in domo domini, non habebat ultra (spiritum). Quid erat
 rationis ut præpotēs regina, domum, expensas, & cibos regioſq; tātopere mi-
 raretur. Ergo hoc loco aliqua maiora nos oportet inquirere. Vidit ergo ecce-
 sia ex gentibus congregata sapientiam Christi, id est, post carnalia instituta
 gentiliū, post humanam & animalem doctrinam philosophorum, accep-
 pit intellectum salutis & uitæ, inspexit spiritualiū mirabilia bonorum, agno-
 uit uinum fabricatorem cœli & terræ, ac potentissimum humani generis con-
 ditorem. De cuius sapientia dicitur, Omnia in mensura & numero & ponde-
 re constituisti. Vidit & domum quam edificauerat, id est, incarnationē ho-
 minis, in quo habitat omnis plenitudo diuinitatis corporaliter. Vidit & ci-
 bos Salomonis, uidelicet illos de quibus dicebat, meus cibus est, ut faciam
 uoluntatem patris mei. Cibus Christi est salus nostra, reficitur cœlestibus
 epulis, profectibus nostris. Cibus eius sumus, dum aduſiſq; ab ecclesia in
 membra eius corpusq; transimus: uel cibus eius altaris sacramēta cœlestia,

de quibus dicitur, Panem cœli dedit eis, panem angelorum manducabit homo. Vidit & holocausta eius, orationem sine dubio supplicationum mysteria, & obstupuit: ibi uidit inestimabiles diuitias domini sui. Dixitq; ad regem. Verus est sermo quem audiui in terra mea super sermonibus tuis, & super sapientia tua, & non credebam narrantibus mihi, donec ipsa ueniens uidi oculis meis, & probaui quod media pars nuntiata mihi non fuisset. Maior est sapientia tua & opera, quàm rumor quem audiui. Cum ergo hæc siue ecclesia, siue quæq; anima sancta, cum peruenerit in æternam Hierusalem, id est, uisionem pacis, & ingressa fuerit beatam requiem & gloriam cœlestium promissorum, multo plura & magnificentiora perspiciet, quàm ei sunt in hac uita per sacra eloquia, per prophetas atq; apostolos nuntiata: Nunc enim tanquam in speculo & in ænigmate, tunc autem oculis uidebit, id est, facie ad faciem: Cum inquam una quæq; anima fidelis, & sancta in illo seculo plena bonorum operum fructibus, diuinis fuerit præsentata conspectibus, exhibens in se, imò se ipsam xenium deo suo proferens, digna cœlo & ualitura cœlum multiplicia munera, gemmas misericordiæ, iusticiæ margaritas, diuersorum ornamenta meritorum, id est, aromata compunctionis, & suauolentis balsama castitatis: præferens sicut dixi aurum infinitum nimis, id est, integrum in se reassignans pio inestimabile precium redemptori, spiritui alibus cordis & corporis oblationibus placitura, ut possit cœlestium mirabilibus inserta, uocem propheticæ exultationis assumere. Introibo in domum tuam cum holocaustis: tunc beata & illustris anima inter stupendas remuneratoris sui constituta diuitias, ineffabilibus reginæ huius uerbis uti ad deum poterit, dicens: uerus est sermo quem audiui in terra mea super sermonibus tuis, maiora sunt opera tua quàm rumor quem audiui. Hoc est dicere. O domine de tribulationibus meis magna quidē sperare præsumpsi, sed maiorem percepi ueniam manifestam quam cerno, dulcedinis magnitudine cogitationis meæ sensum exuperat remunerationis præmiū. Et reuera id quod parat deus diligentibus se, fide non comprehenditur, spe non attingitur, charitate non capitur, desideria & uota transgreditur, adquiri potest, æstimari non potest. Videbit homo merita sua insuspicabili retributionum largitate succrescere, habebit de perceptione fructū, non habebit de satietate fastidiū.

De throno Sal
lomonis & an
ri copis.
XXXIII

Fecit etiam rex Salomon thronum de ebore grandē, & uestiuit eum auro fuluo nimis, qui habebat VI gradus; & summitas throni rotunda erat in parte posteriori. Thronus eburneus æterni iudicii potestatem, auro diuinitatis fulgentem, quam dominicus homo à patre accepit, figurā gestasse nō dubium est. Sex gradus huius throni omnem creaturam uisibilem & inuisibilem quæ sex diebus facta est, & Christo domino à patre subiecta, typicè demonstribāt. Quod autem ipse thronus in posteriore sui parte rotundus esse describitur, hoc proculdubio datur intelligi, quia præsens mundus qui per metas temporum uoluitur, in sua extremitate à domino sit iudicandus.

At uer

At uero XII leuiculi per VI gradus bini stantes, sanctorum apostolorum liniabant potestatem, quibus dictum est à domino: sedebitis super XII thronos iudicantes XII tribus Israel. Post aliquanta iterum refert scriptura, quod fecit Salomon, quod tanta esset abundantia argenti in Hierusalem, quantà lapidum. Hæc locutio tropica non propria est. Tale est hoc quale in Genesi legimus, ubi dixit deus ad Abraham, Faciam semini tuum quasi puluerem terræ, quod ea locutione dictum est, quam Græci uocant hyperbolem, quæ utique tropica non propria est, quo tamen modo ut cæteris tropis uti solere scripturam, nullus qui eam didicit ambigit. Iste autem tropus, id est, modus locutionis fit, quando id quod dicitur, lōge est minus quàm quod eo dicto significatur. Quis enim non uideat quàm erat incomparabiliter amplius lapidum numerus quàm argenti pondus in ciuitate Hierusalem. Rex autem Salomon amauit mulieres alienigenas multas, filiam quoque Pharaonis, & Moabitidas & Amanitidas, Idumeas & Sidonias & Cetheas de gentibus, super quibus dixit dominus filiis Israel, non ingrediamini ad eas, neque de illis ingredientur ad uos. Certissime enim auerterent corda uestra, ut sequeremini deos earum. His itaque copulatus est Salomon ardentissimo amore, fueruntque ei uxores quasi reginæ septingentæ & concubinæ CCC, & auerterunt mulieres cor eius. Admonendi sunt quibus hoc seculum prosperatur, qui nullis aduersitatibus huius mundi feriuntur, quod Salomon post acceptam sapiētiam usque ad idololatriam cecidisse describitur, quia nihil in hoc mundo priusquam caderet aduersitatis habuisse memoratur: sed cōcessa sapientia eum funditus deseruit, eo quod cum nulla salte minima tribulatio nis disciplina custodiuit, nisi postquam deum deseruit, & se à deo desertum esse cognouit. Iam uero de cæteris openibus eius quæ dicit, eum uehementer arguit scriptura sancta atque condemnat, & nihil de poenitentia eius uel in eum indulgentia dei omnino commemorat, nec prorsus occurrit quid posteriora eius male gesta, quid saltē in allegoria boni aliquid significet hæc flecta eius submersio, nisi forte quis dicat mulieres alienigenas, quarum amore deceptus est, significasse electas ecclesias de gentibus. Posset enim fortasse hoc non absurde intelligi, si illæ propter Salomonē desererent deos suos, & cohererent deum eius: Cum uero ipse propter illas offenderit deum suum, & coluit deos earū, non est quid inde boni coniici possit, nec tamē nihil arbitrandum est boni aliquid significare potuisse, sed malum. Apparet enim in persona huius Salomonis mira excellētia, & subuersio terribilis. Quod igitur in illo diuersis temporibus extitit prius bonum & posterius malum, hoc in ecclesia in isto adhuc seculo simul & uno tempore ostenditur. Nam bono illius bonos ecclesiæ, malo autem illius malos ecclesiæ significatos puto, tanquā in unitate aræ, sic in illo uno homine, bonos in granis, malos in paleis: aut certe in unitate unius segetis, bonos in tritico, malos in zizania. Factum est

De casu Salomonis.
XXXIII

igitur in tempore illo, ut Ieroboam egredereetur Hierusalē, & inueniret eum Ahias Selonites propheta in uia, opertus pallio nouo. Erāt autem duo tantum in agro. Apprehendensq; Ahia pallium suum nouum, quo opertus erat, scidit in XII partes, & ait ad Ieroboam, Tolle tibi x scissuras. Hæc enim dicit dominus deus Israel. Ecce ego scindam regnum de manu Salomonis, & dabo tibi x tribus: porro una tribus remanebit ei propter seruum meum Dauid, & alia tribus propter Hierusalem quam elegi ex omnibus tribubus Israel. Illud uero quod post mortem Salomonis x tribus à templo separatæ sunt, & duæ relictæ, satis indicat, quod de tota ipsa gente Apostolus ait, Reliquiæ per electionem saluæ factæ sunt. Quod uero unitas pallij prophetæ in XII partes scissa est, ex quibus scissuris Ieroboam x accepit, hoc figurasse uidetur, quod concordia ecclesiæ ab hæreticis concissa, ipsi magistri erroris, à quibus unitas diuisa est, plebem deceptam quam suo errore à catholicis diuidunt, tyrannice sibi subditam detinent. Post multa alia refert scriptura & dicit. Reliqua autem uerborum Salomonis, & omnia quæ fecit, & sapientia eius, ecce uniuersa scripta sunt in libro uerborum Salomonis. In libro uero Paralipomenon, quem græco uocabulo taliter nuncupamus, quæ nos latine præteritorum possumus dicere, ita de Salomone scriptum est: Reliqua uero operum Salomonis primorum & nouissimorum scripta sunt in uerbis Nathan prophetæ, & in libris Ahia Selonitis, in uisione quoq; Addo uidentis contra Ieroboam. Hos libros hodie nusquam, neq; apud ipsos Hebræos inueniri posse asseuerant, sicut nec librum Bellorum domini, cuius in libro Numerorum mentio est, neq; librum Iustorum, neq; carmina Salomonis, neq; disputationes eius sapientissimas, de lignorum natura herbarumq; omnium, itemq; iumentorum, uolucrum, reptilium & piscium: uel quod iam ex libro dierum protulimus, ubi dicit: Reliqua uero opera Salomonis priorum & nouissimorum scripta sunt in uerbis Nathan prophetæ, & in libris Ahia Selonitis, in uisione quoq; Addo uidentis contra Ieroboam filiū Nabath: & multa huiusmodi uolumina, quæ scriptura quidē probat, sed hodie constat non esse. Vastata namq; à Chaldeis Iudæa, etiā bibliotheca antiquitus cōgregata inter alias prouinciæ opes hostili igne cōsumpta est, ex qua pauci qui nunc in sancta scriptura continentur libri, postmodū Eldæ pontificis & prophetæ sunt industria restaurati.

INDEX CAPITVM

LIBRI QVARTI

| | |
|---|-------|
| D E PROPHEA dei qui uenit ad Ieroboam in Bethleem & pseudopropheta qui eum decepit, propter quod & mortuus est | I |
| De Achab rege & Iezabel uxore eius | II |
| De Iericho ædificatione, quã fecit Achiel de Bethel | III |
| De Helia & uirtutibus eius | IIII |
| De morte filij mulieris uiduæ, quem suscitauit Helias | V |
| De manifestatione Helia ad Achab & sacerdotibus idolorũ, & altari quod extruxit Helias, & igne à deo misso, necnon & largitate pluuiæ | VI |
| De odio Iezabel aduersus Heliam, & fuga eius | VII |
| De aduentu eius ad montem dei Oreb | VIII |
| De regressione eius in Damascum, & unctione Asahel regis in Syriã, & Ie- hu filij Namsi regem super Israel, & Heliscum prophetam prophetam pro se in Israel | IX |
| De eo quod scriptum, hæc faciant mihi dii, & hæc addât, si succerit puluis Samaritæ pugillis uniuersi populi qui sequitur me | X |
| De uisione Michæ prophetæ, ubi uidit dominum sedentem super solium excelsum, & mendacio falforum prophetarum | XI |
| De morte Achab & successione filij eius | XII |
| De duobus quinquagenarijs cum militibus suis igne combustis | XIII |
| De confabulatione Helia cum Heliseo, & raptu eius ad cælum | XIIII |
| De Heliseo ubi aquas Iericho steriles & malignas sanauit | XV |
| De paruulis ab eo maledictis, & ab ursis deuoratis | XVI |
| De muliere cuius duo filij à creditore rapiebantur, sed per Heliscum libera- ti sunt | XVII |
| De uiro & muliere qui transeunte Heliseo frequenter eum in domum suam repperunt | XVIII |
| De resurrectione pueri, ubi per seruum suum baculum misit, & mortuus nõ reuixit | XIX |
| De emundatione Naaman Syri à lepra sua | XX |
| De ferro à ligno exilienti, & in profundum dimerfo, & consilio regis Syriæ, ut comprehenderet eum | XXI |
| De fame quæ facta est in Samaria obsidentibus Assyrijs, quando caput asi- ni LXXX argenteis uenundatum est | XXII |
| De unctione regis Ioas filij Azaria, quem Ioiadas pontifex cõstituit regem & opibus eius | XXIII |

| | |
|---|-------|
| De Amasia rege Iuda qui percussit Edom in ualle Salinarum | XXIII |
| De Ieroboam rege Israel qui restituit terminos Israel | XXV |
| De his qui in Samaria à rege Assyriorum adducti sunt | XXVI |
| De Ezechia rege Iuda, & Sennacherib rege Assyriorum, & blasphemia Raphaelis, atq; percussione exercitus Sennacherib | XXVII |
| De ægitudine regis Ezechia & xv annis additis | XVIII |
| De diuitijs eius, Chaldeis morbo iactantiæ ostensis. | XIX |
| De Manasse & malicia eius | XXX |
| De Iosia rege & Oлда prophetissa, & operibus eius | XXXI |
| De Nabuchodonosor & exercitu eius, & malo regum Iuda, propter quod tradita est Hierusalem in manu Chaldeorum ad uastandum | XXXII |

FINIS

DIVI EVCHERII LVGDVNENSIS

EPISCOPI COMMENTARIORVM IN LIBROS

regum, ad Veranium & Salonium fratres
episcopos, Liber quartus.

Dios t diuisionem regni Israel inter Roboam & Ieroboam, postquã recessit Israel à domo Dauid, sequitur scriptura & dicit. Factum est autem cum audisset omnis Israel, quod reuersus esset Ieroboam, miserunt & uocauerunt eum, congregatoq; coetu constituerunt eum regem super Israel. Non est itaq; dubitandũ uoluntati dei qui in cœlo & in terra omnia quæcunq; uoluit fecit, & qui etiã illa quæ futura sunt fecit, humanas uoluntates nõ posse resistere, quo minus faciat ipse quod uult, quandoquidem etiã de ipsis hominum uoluntatibus, quod uult, & cum uult facit: nisi forte, ut ex multis ista de Ieroboam sufficiant, quãdo deus uoluit ei propter peccatum Salomonis regnum dare, sic erat in potestate Israelitarum subdere se memorato regi, siue non subdere, quod utiq; in eorum positum erat uoluntate, ut etiã deo ualerent resistere: qui tamen hoc nisi per ipsorum hominum uoluntates facere noluit, sine dubio habens humanorum quod placeret animorum inclinandorum potestatem. Sic ergo uoluerit reges in terra deus cõstituere, magis habet in potestate uoluntates hominum, q̃ ipsi suas uoluntates. Deinde refert scriptura, quod uenit propheta de Iuda in Bethel, ad Ieroboam regẽ sacrilegum, obiurgare eum propter sacrilegia idolorum, quæ fecerat, unde auertit filios Israel à domino deo patrum suorum: iussusq; est ibi non manducare neq; bibere: qui pro eo quod deceptus

De propheta
à pseudopro-
pheta decepto.
10. 1

deceptus est à pseudopropheta, & inobediens fuit uerbo domini, à leone in uia interemptus est. Equidem homo cuiuslibet sit meriti, si cōditoris sui protectione deleatur, quæ nimirum protectio minus necessaria creditur, si semper habeatur, sed utiliter plerumq; subtrahitur, ut sibimetipsi homo, quia si ne illa nihil sit ostendatur. Manus ergo domini aliquādo nos nobis per aduersa insinuat, quæ etiā nesciētes nos in prosperis portat: quæ destituti dum cadere incipimus, & tamen adiuti retinemur, & doctrina sit quod in lapsu trepidauimus, & custodia quod in statu permaneamus. Nemo ergo se ali cuius uirtutis æstimet, etiam cum quid fortiter poterit, quia si diuina protectio deserat, ibi repente eneruiter obruitur, ubi se ualenter stare gloriatur. Quid est enim quod uir dei contra altare Samariæ ad prophetandum directus, præsentē rege autoritatem libere uocis exercuit, eiusdemq; regis extensum brachium in rigorem mirabiliter astrinxit, quod tamen mox misericorditer saluti restituit, cuius in domum inuitatus comedere noluit, quia ne in uia comederet prohibitionis dominicæ præcepta seruauit, qui tamen in eadem uia & seductus comedit, & pastus interiit. Quæ in re quid subtili consideratione colligimus, quid ut ita dixerim formidandum suspicamus, nisi quod forsitan apud semetipsum tacitus, & pro præceptis dominicis regem se contempnissē gloriatus, ab interna mox soliditate quassatus est, & inde ei in opere culpa subripuit, unde gloria in corde subrepsit: unde propheta falsis uerbis deceptus disceret, quia nequaquā propriæ fortitudinis fuerit, quod ad regis uerba restitisset. Bene autem ex eius ore mortis sententiam accepit: cuius seductiōe uitæ præcepto deuiavit, ut inde poenā ueraciter assumeret, unde culpam negligenter admisisset. Sequitur. Hæc dicit dominus. Quia inobediens fuisti ori domini, & non custodisti mandatum, quod præcepit tibi dominus deus tuus, & reuersus es, & comedisti panem & bibisti aquā in loco, in quo præcepit tibi ne comederes panem neq; biberes aquam, non inferretur cadauer tuum in sepulchro patrum tuorum, & reliqua.) Quāti hæc poena pendenda sit, si secundum euangelium cogitemus, ubi post corpus occisum, nihil metuendum esse didicimus, ne membra exanimata patiātur, nec poena dicenda est. Si autem humanum erga suam carnem consideremus affectū, potuit inde terri uel contristari uiuus, quod sensurus nō erat mortuus: & hæc erat poena, quoniā dolebat animus id de suo corpore futurum, quamuis cum fieret non doleat. Factenus enim uoluit dominus seruum suum plectere, qui non sua contumacia spreuerat præceptum implere, sed aliena decipiente fallacia obedire se credidit, quando non obediuit. Neq; enim putandum est, ita fuisse interemptum morsu bestię, ut ad supplicium tartarum eius deinde anima raperetur, quandoquidē ipsum eius corpus idem leo qui occiderat custodiuit, iumento etiā quo uehebatur illaeso, & simul cum illa immani fera intrepida præsentia ad domini sui funus astante: quo mi-

rabili signo apparet hominē dei coercitū potius temporaliter usq; ad mortē, quā punitum esse post mortē. De qua re Apostolus cum propter quorundā offensas cōmemorasset infirmitates quoq; multorū: si enim inquit nos ipsos iudicaremus, à domino non iudicaremur, cum iudicamur autem à domino, corripimur, ne cum hoc mūdo damnemur. Eum sanē ipse qui deceperat, in monumento proprio satis honorifice sepeliuit, scēq; sepeliendum iuxta eius ossa curauit: ita sperans patci posse ossibus suis cum ueniret tempus, quādo secundum illius hominis dei prophetiam, Iosias rex Iuda in illa terra multorum eruit ossa mortuorum, eisdemq; ossibus tum sacrilega altaria, quæ sculptilibus constituta fuerant, funestauit: pepercit quippe illi monumento, ubi iacebat propheta, qui ante annos amplius quàm CCC ipsa prædixerat, & propter ipsum nec illius qui eum seduxerat, sepultura uiolata est. Affectu namque illo quo nemo unquam carnem suam odio habet, prouiderat cadaveri suo qui occiderat mendacio animam suam, ex hoc igitur quod quisq; carnem suam naturaliter diligit, & illi poena fuit addiscere, nō cum futurum in sepulchro patrum suorum: & huic cura prospicere, ut parceretur ossibus suis, si iuxta eum iaceret, cuius sepulchrum nemo uiolaret. Hanc affectū Christi martyres certantes pro ueritate uicere: nec mirum quod contemplerunt quod non fuerant peracta morte sensuri, qui nō potuerunt eis quos uiuentes sentiebant cruciatibus uinci, poterat utique deus, qui leonem prophetae corpus, quod ipse occiderat, ulterius non permisit attingere, & fecit de peremptore custodem: poterat inquam à suorum interfectis corporibus canes quibus fuerant proiecta prohibere: poterat & ipsorum hominum innumerabilibus modis terrere sæuiciam, ne cadauera incendere, nec in aëra dispergere auderent: sed hoc quoque experimentum multiplici uarietati tentationum deesse non debuit, ne sortitudo confessionis quæ immanitatis persecutionis pro corporis salute non cederet, sepulchri honore trepidaret, postremo ne fides resurrectionis consumptionem corporum formidaret. Debuerunt ergo & ista permitti, ut etiam post hæc tãti horroris exempla martyres in Christi confessione seruantes, & huius quoque testes fierent ueritatis, in qua didicerant eos, à quibus sua corpora interficerentur, postea nihil habere quod facerent, quàm quicquid mortuis corporibus facerent: utique nihil facerent, quando in carne omni uita carente, nec aliquid sentire posset qui inde migravit, nec aliquid inde perdere qui creauit. Prætermissa multa libri regum historia ad Achab sceleratissimi regis & sacrilegæ uxoris eius Iezabel tempora cursim tendimus, ut de uirtutibus sanctorum prophetarum Heliae atque Helisei saltem tenuiter aliquid disseamus. Interea refert scriptura quod Achab filius Zambri mortuo patre super Israel regnauerit in Samaria uiginti & duobus annis, feceritq; malū in conspectu domini super omnes qui fuerunt ante eum: nec satis fuit ei ut

ambur

ambularet in peccatis Ieroboam filij Nabath, in super duxit uxorem filiam Erabahel regis Sidoniorum, abiitq; & seruiuit Baal in templo quod ædificauerat in Samaria, & placuit illic lucum, & addidit Achab in opere suo irritare dominum deum Israel super omnes reges Israel, qui fuerunt ante eum. Lucus locus est siluestris spissus, dictus ab eo quod parum luceat, multis uersitis arboribus, locus amœnus, ubi multe arbores sunt: dictus lucus per antiphrasin, quia caret luce præ nimia nemorum umbra, densis arboribus sepius, solis lucem declinans. Potest & à conlucendo crebris luminibus dici, quæ ibi propter religionem gentilium cultumq; fiebant, Solebant autem pagani in lucis dæmones consulere, & responsa ab illis non signis sed uocibus accipiebant, unde & à fando sana sunt appellati. Cum enim in diebus Helij scisso iam in duas partes populo Iudaæorum, Achab per successionem regni Israelitarum apicem obtineret, Iezabel extranea foeminam gentis & prophetae mentis duxit uxorem, cuius cura & instantia idolorum profecerat cultus, ut ad facilem ritum rex pariter traderetur & populus. Grassabatur in injuriam dei diabolus antiquæ artifex tyrannidis, multimodam dei religionem destruere satagens: grassabatur in corde mulieris, cuius instinctu diuina lex & eius sacerdotium spernebatur, occidebantur prophetae, & altaria tollebantur: stupebant omnia, & tantum commissum facinus perhorrebant: mundum dico in omnibus tabescentem, quod membris speciebusq; suis nomen creatoris ascriberet error humanus. Sed quæris forte ut tibi probe, utrum peccantibus hominibus metuant elementa. Audi Hieremiam magnificum prophetarum, diuino ore clamantem. Expauit, inquit, cœlum in istum, & terra commota est, quia duo mala fecit populus meus: me dereliquerunt fontem aquæ uiuæ, & foderunt sibi lacus contritos, qui non possunt aquam continere. Turbata ergo erant elementa, turbata non officio sed affectu, quod unicum, ut dixi, nomen deitatis hominum eis error imponeret, famulatum, quæ debitum conditori cæca deuotione præberet. Erat hic Helias medius in tanto discrimine animarum, erat medius in ipso mundi naufragio: quod non aquarum inundatio, sed poenalis & cæca diaboli æmulatio inuexerat orbi terrarum, solus enim hic, latentibus cæteris uelut lucerna ardens offerebat se his quos uidebat profunde noctis merfos caligine, nunc monendo, nunc arguendo, nunc curando, nunc etiam comminando: sed nec lumen cæco, nec surdo prodest inferri sermonem. Crescebat indies singulos error insauultus, & omnem creaturam mortis umbra contexerat, ad omnem formam, omnemq; speciem inclinabatur miserum hominum genus: Quid enim de sole, luna ac stellis, de terra ac mari, principalibus dicam & clarissimis elementis: cunctis animantibus, uolatilibus, quadrupedibus, & reptilibus, muricis quoq; & uermibus, æterni & singularis dei prosternebatur imago. Quæ admodum igitur ferret illa mens tota pietatis & fidei, Helix dico propheta, &

tantâ

tantam ruinam tantamq̃ perniciem animarum iacebat: populi illius totus regio morbo constrictum, & uelut exanime iam & sine sensu disceptis membris, & per rupes & scopulos, per nemora lucosq̃ iactatis, nullas in se diuinæ imaginis reliquias possidebat. Nullum huic poculum, nullum medicamenti genus proderat, si daretur, quia membra si quid apponeret propellebant: ferro erat utendum, uulnus cruore sanandū, cauterio uiolento curandū: consequenter tamen ut creuerat, à capite, inquit Esaias, usque ad pedes. In diebus autem regni Achab edificauit Achiel de Bethel Hierichoe in Abiram primogenito suo fundauit eam, & in Segub nouissimo suo posuit portas eius) Patet sensus, quia cum prefatæ conditor urbis fundamenta illius ponere inciperet, primogenitus eius qui uocabatur Abiram mortuus est: & cum urbe ædificata, portas munire tentaret, nouissimum filiorum suorum cognomento Segub amisit. Quod ita futurum Iosue cum eam destruetam anathemati traderet, imprecando prædixit. Maledictus inquit uir coram domino, qui suscitauerit & edificauerit ciuitatem Iericho. In primogenito suo fundamenta illius iaciat, & in nouissimo liberorum ponat portas eius. Quia uero Achiel uiuens deo, Bethel interpretatur domus dei, Achiel de Bethel destructa à Iosue, atq̃ anathematizata Iericho moenia restaurat, cum quis eorum qui in ecclesia habitum religionis assumpserat, ad agenda scelera, quæ ei dominus Iesus in die baptismatis donauerat redit, quasq̃ ipse anathematizauerat diaboli pompas, luxuriose uiuendo repetit, & errorum dogmata, uel gentilium fabulas ueritati ecclesiasticæ, qua imbutus est, anteponit, quasi de Bethel egrediens, ruinas Iericho resuscitat: meritoq̃ talis coram domino maledictus, & primum filiorum in fundatione nefariæ ciuitatis, & nouissimum in portarum positione amittit: quia & fundamenta fidei, à quibus bona ædificia inchoare, & claustra bonæ actionis, quibus perfici debuerat, perdidit. Hæc & allegorico sensu exposui, ut reminiscaris quia uerus sit Apostoli sermo, qui dicit, quia omnia in figura contingebant illis, scripta sunt autem propter nos. Sequitur, Dixitq̃ Helias Trespites de habitatoribus Galaad ad Achab. Viuit dominus deus Israel, in cuius conspectu sto) Sciendū est quod duobus modis in conspectu domini uenimus, uno quidē quo hic peccata nostra subtiliter perpendētes, in eius nos conspectu punimus, & flendo dijudicamus: alio uero modo in conspectu domini uenimus, cū in extremo iudicio ante tribunal eius assistimus. Nā quoties conditoris nostri potentiā ad sensum reducimus, toties in conspectu illius stamus. Vnde recte nūc per uirū dei Heliam dicitur. Viuit dominus deus Israel, in cuius conspectu sto. Qui iam nō ut solebat lenis ac mitis, sed immitis ac seuerus accedit ad ipsum corporis caput, accedit ad regē Achab, & dicit ei. Viuit dominus deus uirtutum, deus Israel, in cuius conspectu sto, si fuerit pluuia aut ros in his annis, nisi in oris mei sermōe) Magna uis pphetice dignitatis, humā

humanus sermo est, diuinus effectus. In terris homo loquitur, & imperio eius cœlestes obediunt potestates. Commouit omnem creaturam unus sermo propheta, & miro modo humi sonans aëra cœlumq; cōcussit, turbatus est humani ministerij ordo, & à seculis instituta elementorū harmonia contabuit, cum sicco humidum, calido frigidum negaretur: sed elementa poenā suam læta suscipiunt, dum modo uel in salute hominum, uel in honore proficiat conditoris. Iubetur Helias secedere ac latere, ab auiibus cœlitus ei cibus ministratur, siccatus deinde torrens, pocula deficiunt. Procedens enim uelut ignis sententia ipsa quodammodo terræ uitalia penetrauit, confestimq; omnia arefecit: nulla agrorum gratia, pratorum nulla uenustas, ripæ quoq; uirgaltis quondam florentibus prætextę squalore turpissimo satifcebant, cum fontes aquis, flumina cursibus priuarentur, migrat inde propheta, & ex dei præcepto transit ad præparata cellaria, totiusq; afflictionis oblitus de se cogitat solo: non commouetur humanitate, nec ulla flectitur pietate: non respicit ad ipsa iura naturæ, nō paruulum sub sicco ubere matris exhalantem: senum ac iuuenum profunda inedia nece defessa, non iam corpora sed cadauera, turbido præterit uultu: non exoranti colono, non supplicanti respondet agricolæ, sed crudelior, feris & beluis effectus immanior, omne humanū despiciat genus. Et factum est uerbum domini ad Heliam dicens. Recede hinc & uade contra orientem, & abscondere in torrente Charith, quæ est contra Iordanem, & ibi de torrente bibes, conuisq; præcipi, ut pascant te ibi. Abiit ergo & fecit iuxta uerbum domini. Corui quoq; deferrebant ei panes & carnes mane, similiter panes & carnes uespere, & bibit de torrente. Post dies autem siccatus est torrens, non enim pluerat super terram. Helias igitur recte dei filio assimulatus est, cui & autoritas & nomen ueridice cōgruit. Helias enim deus meus interpretatur, quod nomen substantialiter dei filio inest, autoritatē uidelicet sibi faciēdi quod uelit originaliter uendicans, quoniā omnia quæ sunt patris, sua quoq; testatus esse est. Tespites autē, captiuans siue conuertens interpretatur. De domino enim psalmista ait, Ascendens in altum, captiuam duxit captiuitatem. Et iterum. Conuerte domine captiuitatem nostram, sicut torrentis in austro. Ac ne forsitan moueat quempiam, qd Heliam dei comparauerim filio, legat epistolam ad Hebræos, & id Apostolum protulisse reperiet, dicens quodammodo: hic Melchisedech assimilatus filio dei, permanet pontifex in æternum, sine patre, inquit, sine matre, sine genealogia, neque initium dierum habens, neque finem: quod utiq; nulli homini, nisi dei filio soli congruere poterit, qui ex quo uel unde originem trahat, scriptura nequaquam indicat. Id ipsum etiam & de Helia scriptura testatur, cum subito nomē illius introducit, & ex qua tribu uel familia ortus sit minime profertur. Torrens Charith, qui interpretatur diuisio, siue concilio, Iudaico populo congruere certissimū est. Qui populus torrenti merito cōparatur, quia quod ad obseruādum per legē ei diuinitus fuerat traditū, oppor-

tuno tempore incarnationis dominicæ finiendū erat, quando umbræ & imagines legis expletæ noscuntur. Pascitur deinde Helias tempore famis à coruis, mane afferētibz panem, & ad uesperam carnes: & Manichei intelligūt in illis libris Christum, cui quodammodo salutem nostram esurienti confitentur peccatores, fidei primitias nunc habentes, in fine autem uelut ad uesperam seculi etiam carnis resurrectionem percipiētes. Potest & per panem & carnem, quæ mane & uespere coruos Helix attulisse scriptura pronūtiat, intelligi in panibus opera pietatis, quæ in peregrinis & indigentibus sibi testatus est dominus dari: in carnibus autem castigatio intelligenda est corporis siue cruciatus, quos pro diuino amore uel cultu omnes sancti sibi intulisse uel à persecutoribus pertulisse mane & uespere, id est, sub ueteri testamento & euangelica prædicatione leguntur. Postquam uero exsiccatus est torrens, dicitur Helix à domino. Surge & uade in Sareptam Sydoniorum, & manebis ibi. Præcepi enim ibi mulieri, ut pascat te. Surrexit & abiit in Sareptam. Cumq; uenisset ad portam ciuitatis, apparuit ei mulier uidua, colligens ligna, & uocauit eam, dixitq; ei. Da mihi pauillum aque in uase, ut bibam. Cumq; illa pergeret ut afferret, clamauit post tergū eius dicens. Affer mihi & buccellam panis obsecro in manu tua. Quæ respondit. Viuit dominus & uiuit anima tua, quia non habeo panem, nisi quantum pugillus capere potest farinæ in hydria, & pauillū olei in lecytho. En colligo duo ligna, ut ingrediar & faciam illud mihi & filio meo ut comedamus & moriamur. Ad quā Helias ait. Noli timere, sed uade & fac sicut dixisti. Veruntamē mihi primum fac de ipsa farinula subcinericiū panem paruulum, & affer ad me. Tibi autem & filio tuo, facies postea. Hæc autem dicit dominus deus Israel. Hydria farinæ nō deficiet, nec lecythus olei minuetur, usq; ad diem qua daturus est dominus pluuiam super faciē terræ. Quæ abiit & fecit iuxta uerbum Helix, & comedit ipse & illa & filius eius. Et ex illa die hydria farinæ non defecit, & lecythus olei nō est imminutus, iuxta uerbum domini quod locutus fuerat in manu Helix. Vt interim omittam quid intrinsecus lateat sacramenti, quod de terra Israel ad Sidoniam mittitur regionem, unde caput omnium & causa malorum Iezabel orta fuit: illud breuiter perstringatur, quod pergit ad uiduam penuria laborantē, & in ipso uitæ mortisq; confinio destitutam, quæ exierat ut ligna colligeret, & tam sibi quā paruulis extremam uictus substantiam procuraret. At Helias uidet mulierem in edix squalore confectam, non mouetur, non cunctatur, non reuocat pedem, sed ingerit se & immergit, sitq; ei ipse grauior fame, & dicit ad eam. Da mihi parum aque ut bibam. O si tibi beate homo uidua respōdisset, & iuxta te uoce repellens diceret, quid petis à me, quod omnibus abstulisti, quid quæris à muliere quod mundo negasti: hæc omnium necessitas & penuria, oris tui autoritate prolata est: ego à te refici, ego à te debeo satiari, & tu uenis ad me: Sed nullo horum mulier, nec corde nec ore usa sermone est, mox deuota mens

mens & euangelicæ non indigna mercedis, frigidæ aquæ poculum prophetæ defert sitienti. Addit quoq; Helias & dicit, Affert mihi etiam buccellam panis in manu. At illa, Viuit dominus deus tuus si est mihi panis, nisi manus plena farinæ in hydria. En colligo duo ligna, ut ingrediatur, & faciam illud mihi & filio meo, & manducabimus, & moriemur. Sed quid ad hæc Helias? Confide, inquit, & intra, & fac secundum uerbum tuum: sed prius fac mihi inde subcineritium, tibi autē & filio tuo facies postea. O magnificū mulieris animum, o immutabile mentis propositum, o uere uenerabile per secula factum: poculum petit, mox offert: & quod regibus iam forsitan dectat, quod diuites non habebant, hoc uidua ex abundantia erogabat. Pascat pane, quæ cum filio dte postero erat moritura, nec habere se negat, sed satetur simpliciter, nec metu it prodere ueritatē: & non tam postulāti, q̃p̃ quodāmodo exigenti, omnem causam pandit in medium: quantitātē uictus, & numerū personarum, ut non tam hospitem uelit habere, q̃p̃ iudicem. Non dixit, Non possum facere quod iubes: nec ait, considera uiduam, non tam de se, quàm de filio tabescentē: considera paruulorum chorum, nec me illis auferas, nec matrem patiaris tantæ orbatam prole derelinqui. Non ait, Tu es utiq; qui orbem terræ famis sententia condemnasti, te omne hominum genus irascente depetisti: deinde transisti patriam, terram penè omnem gentis tuæ & prouinciā peragrafti, nusq; tibi diues occurrit, nusquam locuples obuiauit, qui esurientem susciperet, & reficeret ieiunantem: ego tibi sola occurri, aut ego iam sola remansi, quæ præter penuriæ egestatem etiam mole opprimor filiorum: quæ tãtam natorum plerumq; plaga ipsa patior grauiorem: ex eo domum non ut spicas colligam, sed ligna: non ut alimoniam deferam, sed fomenta: & quos à fame liberare non possum, conor saltem à frigore defendere. Certe quia tam crudelis es, ut non consideres quid iniungas, illo sanè contentus esse debueras, ut nobiscum edetes pariter quod remansit: uel prius sineres paruulos satiari, tunc tibi quod remansit, offerri: sed singulariter tibi præcipis fieri cibos: & nō solum singulariter, sed te uis primitus satiari: nulla te miserorum cōuenit cura, nec te ipsa naturæ religio interpellat, paruulis & lactentibus extremum de ipsis dentibus auferre uis cibum. Sed illa horū nihil aut egit aut dixit, quinimmo intrepida currit, & imperata consummat. Erat in illo tempore spectaculum angelis hominibusq; gratissimum, quod inter gentes terra prophana, uidua mulier iam tunc esset filia Abraham, multo hospitalior ipso parente, multo humanior fidei genitore. Erat quidem Abraham hospitalis, & erga peregrinos magno detentus affectus: sed erat uere opulens, erat diues, aderat ei posse quod uellet: quia nec minor erat animus quàm facultas, nec census animum superabat. Hæc uero quæ non solum marito, sed & facultatibus uiduata, nō solum natalibus tenuis, sed & temporis malo constricta, ad tantam deuenerat paupertatem, ut in domo nihil, nisi quod augetet famem, possidere potuerit, scilicet paruulorū tutam, ipsa inedia grauiorē: sed in his omnibus malis, liberalis animus deuotus per-

stabat; pergit, & ut præceperat homo dei fideliter complet, suscipit prophetam & recipit. Quo ergo ore quibus uocibus hanc sceminam laudē nihil mihi dignum occurrit, quod tantæ uirtutis animum ualeat exæquare. Considero enim quemadmodum studio humanitatis omnem uim despexit naturalis affectus, non de se, non de paruulis: nihil eam à mentis proposito reuocauerit, nec proprii sexus infirmitas, nec materna erga paruulos uiscera pietatis: occidit in se naturæ officia hospitalitatis intuitu, & effectus est deuotus erga hospitem matris animus, filiorum crudele sepulchrum. Quantum enim spectat ad illam mortui sunt paruuli, & genitricis quodammodo manibus strangulati atq; sepultri: quantum autem ad dei misericordiam, non mortui uere sunt, nec fame uel inedia consumpti, quia soli cæteris pereuntibus conualuerunt. Confestim siquidem & propheta fidem diuina mercede remunerans, ait, Viuir dominus, quia hydria farinae tuæ non deficit, & uas olei non imminuetur. Facta est igitur manus uiduæ perenne torcular, & mola iugiter fundens. Et quid dico mulieris manū? In uerbo prophetæ, tota domus uiduæ piorum cellarium facta est, non ibi ros, non pluuia, non ueris aura, nō calidi soles, non nymbus necessarius, non aratrum, non agricola, non colonus, sed omnia & in omnibus sermo prophetæ assatim uiduæ ministrabat. Sciendū tamen quod in Septuaginta interprete, hæc uidua non unum tantū filium, sed plures habuisse narratur. Mulier uero quæ fuisse scribitur in Sarepta, ecclesiæ typum gestabat, quæ à suo diutius conditore deserta populum rectæ fidei nesciuit: egena stipe nutrebat, id est uerbum fructus experte docebat, donec adueniret sermo propheticus, qui exsiccatu uellere Israelis, utpote clausa ianuæ cæli fame periclitabatur in Iudæa: quæ ob hoc dicta est uidua, quia utpote gentilibus necdum fuerat diuino cultui micipata, nec sacram legis habebat notitiam. Sarepta autem ciuitas, quæ interpretatur incendium siue tribulatio panis uel panis angustia, præsens accipiendus est mundus, in quo incendium pessimæ conflagrar cupiditatis, ubi rebus supetuous acuis acquirendis quasi aucupandi cura impendebatur, ubi dire satis incendium panisq; spiritualis antea fiebat angustia. Ergo ut de Helia scriptura pronuntiat, dominus noster ad nationum ecclesiam ueniens, & eam extra portam ciuitatis patrio uidelicet in errore reperiens, non eam signis & mirabilibus maximisq; portentis, ut Israeli fecerat, ad confessionem sui nominis prouocauit, sed uerbo eidem tantummodo imperauit, dicens, Da mihi pauxillum aquæ in uase ut bibam, & buccellam panis in manu tua. Aqua enim in uase fides accipienda est cordis, qua creditur ad iustitiam: buccella uero panis in manu, misericordiæ intelligēdum est opus: fides quoq; & opera uinculo sibi quodam indissolubili connectuntur. Vbi enim una defuerit, altera penitus non stabit: quia ut Iacobus apostolus ait, Fides sine operibus mortua est: & opera sine fide inania redduntur & friuola. Ecclesia ergo in typo illius mulieris uiduæ, iuxta domini præceptum ad afferendū eidem aquam pergendo, quodammodo fidem sui cordis præparatam

paratam ostendit domino. Panem sibi confitetur necdum fuisse, condigna uel delicta opera diuinæ culturæ: sed modicum se testatur habere farinæ in hydria, & paululum olei in lecytho. Pugillum farinæ in hydria, naturalem indicat legem, quæ diuina largitione humanæ naturæ insita est, per quam discernitur bonum uel malum, & ut quod sibi quisquæ fieri non uult, ipse non faciat. Paululum olei in lecytho, rationabilis accipiendus est intellectus, per quem creatura intelligit creatorem, & pijs operibus eidem placere studet: quæ idcirco se dixit parum habere, quia necdum per baptismi sacramentum spiritalis gratiæ acceperat donum. Ibi tñ farina oleūq; ore prophetico benedictis, id est fructus & hilaritas charitatis, siue gratia corporis dominici, & chrismatis unctio, indefectiuo uerbi celestis munere fecundatur: cuius hæcenus in uasis oleum gaudij spiritalis & benedictionis farina non deficit, cæteris quæ non credunt gentibus inopiæ panis diuini, miseriæ & uenatui deditis inutiles. Quod autem ait, duo se ligna colligere, ex quibus modicum farinæ coqueret quod habebat, & cum filiis suis comedens, mortis iam exitum expectaret, ita accipiendum est. In duobus lignis, non solum ligni nomine, sed etiam numero lignorum crucis mysterium præsignabatur, per quam sibi & filiis suis, id est populo, qui Christo fuerat crediturus, panem uitæ perpetuæ dari credebatur, præteritis peccatis per lauacrum baptismi mori, illo uidelicet genere quo dominus in euangelio prædicauit, Beati qui non uiderunt & crediderunt. Per panem uero subcineritium, paruulum illud iam præfigurabat, quod in exordio fidei obseruare gentes per epistolam Apostoli decreuisse leguntur: ut ab idololatriæ se tantummodo cultu, & à fornicatione ac suffocatis abstinere. Hæc enim quæ rudibus adhuc & feris hominibus, ab apostolis consilio sapienti indulta sunt, ad comparationem euangelicæ prædicationis, ad quam postmodum introducti sunt, ualde exigua & parua fuisse noscuntur. Quod autem ait, mihi primitus facito, hoc uoluit ad omnes credentes ex gentibus, ut non suis meritis ascriberent, quod obdurato spretoq; Israele ipsi saluati sunt: sed sibi, qui ut crederent eisdem misericors extitit: quia, ut dictum est ad Cain, non recte offert, qui non recte diuidit: hoc est, qui non deo, sed sibi omne bonum quod habet, ascribit. Siue aliter: Panis subcineritius, historia accipienda est legis, quæ spiritalem intelligentiam opertam continebat in litera. Per fermentatum uero panem, euangelij intelligenda est prædicationis: quia testamento ueteri, tanquam fermentum inserta sunt testimonia. Quod autem pascentem se paut Helias, ita intelligendum est: uniuersi enim fideles licet sua fide & pijs operibus deum pascant: tamen ut hoc habeant, ab illo eisdem condonatur: omne enim datum optimum, ut scriptum est, & omne donum perfectum, deforsum est, à luminum patre descendens. Diuina enim, metuentibus deum, nequaquam penitus minuentur. Rursum aliter: per panem subcineritium, quem sibi uerus Helias dominus noster, nationum ecclesiam præcipit exhibere: quid aliud accipiendum est, nisi poenitentium satisfactio, id ipsum psalmographo sub

De uita filio
uidue reddi-
ta V

persona poenitentis canente cum dicit, quia cinerem sicut panem manduca-
bam, & potum meum cum fletu temperabam. His enim satisfactionibus do-
minus se pasci hortatur. Factum est autem post uerba hec: agrotauit filius
mulieris matris familie, & erat languor fortissimus, ita ut non remaneret in
eo halitus, Quæ dixit ad Heliam: Quid mihi & tibi uir dei? Ingressus es ad
me, ut rememorarentur iniquitates meæ, & interficeres filium meum. Cui ait
Helias: Da mihi filiū tuum. Quem tollens de sinu eius portauit in cœnaculo
quo manebat, & posuit eum super lectum suum, expanditq; se & mensus est
super puerum tribus uicibus, & conuersa est anima pueri ad eum & reuixit,
depositumq; de cœnaculo tradidit matri suæ & ait: Ecce filius tuus uiuit.
Quæ respondit: In isto cognoui quoniam uir dei es tu, & uerbum domini in
ore tuo uerum est. Quod enim dicit filium mulieris nimio languore deten-
tum & ad mortem usque fuisse perductum, hanc intelligentiam habere di-
gnoskitur. Post præceptum enim quis & diuinam cognitionem seu euange-
licam prædicationem percepto bonorum operum gustu, pro cōmissis facinor-
ibus & præteritis erroribus, ut grauissima langueat afflictione necesse est:
quia ut scriptum est, qui addit scientiam, addit etiam poenitentię salubrem do-
lorem, castigationeq; assidua uim facit perditioni suæ, ut euadere ualeat per-
petuam mortem, & uitam consequatur beatitudinis sempiternæ: hoc ipsum
Paulo apostolo confirmante, cum dicit se non esse dignū uocari apostolum,
eo quod persecutus fuerit ecclesiam dei & expugnauerit illā. In descensu enim
fontis, originali peccato ac pristinis uicijs per baptismum qui Christo credi-
derit moritur. Vnde sublatu ad sacri altaris cœnaculum per unctionē chris-
matis & inuocationem patris ac filij & spiritus sancti, cōmunionemq; corpo-
ris & sanguinis domini uiuificari manifestum est: & tunc ab omni ecclesia cu-
ius mater pueri figuram gerebat, illa procedit confessio, quia dominus Iesus
uerus dei filius est, & in gremio patris uel dextera sit constitutus, rursumq; de
positus de altari, cœtui fidelium tanquam matri redditur uiuus. Siq; aliter.
Postquam enim fidelis quis pristinis uitijs per poenitentię satisfactionē sua
mortificauerit membra, sublatu a terrenis cupiditatibus & carnalibus desi-
derijs per meditationem legis ac prophetarum, euangelicāq; prædicatione
uiuificari meruerit, templumq; fuerit diuinum effectus: illuc intentionem ani-
mi contendit dirigere ubi Christus est ad patris dexteram sedens, & in carne
adhuc habitans, conuersationem iam nititur habere in celis. Sed quantum
liber homo quis ad deum mentem contendat erigere, & per excessum quen-
dam theoriæ gaudeat in supernis Christo domino adherere: corporis tamē
compellente natura cui anima iuncta, ut de supernis ad inferiora rursum re-
trahatur, necesse est. Quod autem dicit Heliam se super puerum expandisse,
tribusq; uicibus mensum fuisse, hoc ipsum expleisse dominum manifestum
est, cum per legem & prophetarum uaticinia, seu propria prædicatione salu-
tem protulit gentium populo, Superiora iam figuraliter exposita uerba He-
lia de

liæ de uidua, multo aliter apud antiquas translationes reperitur, in quibus Helias domino supplicat, dicens, O domine testis huius uiduæ, cum qua ego inhabito apud ipsam, tu male fecisti ut occideres filium eius. Nihil in hoc dicto moueret animum si uera pronuntiatio seruaretur: uox est enim non creditis, quod tam male faceret deus cum ea uidua, quæ tam pie prophetam susceperat, eo præsertim tempore quo ibi erat cui protulerat illa totum uictum suum tam exiguum in tam magna & summa inopia. Ita ergo dictum est, ac si diceret: O domine testis huius uiduæ cum qua ego inhabito apud ipsam, tu ne male fecisti ut occideres filium eius: ut sub intelligatur quod utique dominus testis cordis illius mulieris uidebat quanta esset pietas, unde etiam Heliam ipse ad eam miserit, nec malefaciendi causa mortificauerat filium eius, sed exhibendi miraculi ad gloriam nominis sui, qua tantum prophetam & tunc uiuentibus & posteris commendaret: sicut dicit dominus non ad mortem mortuum fuisse Lazarum, sed ut glorificetur deus in filio suo. & hoc consequentia probant: ex ipsa enim fiducia quâ habuit, credidit Helias non ad hoc illud contigisse, ut acerbo luctu hospita eius affligeretur: sed potius ad hoc factum, ut deus magnificentius ostenderet uiduæ qualem dei famulum suscepisset. Sequitur scriptura & dicit, Et insufflauit puero ter, & inuocauit dominum & dixit, Domine deus meus reuertatur nunc anima pueri huius in eum. Et factum est sic.) Hæc ergo deprecatio qua petijt Helias tam breuiter & tam fideliter ut resurgat puer, satis indicat quo affectu dicta sint superiora: & ipsa mulier ostendit ad hoc mortificatum fuisse filium suum ad quod Helias factum fuisse præsumperat, cum illa uerba non confirmando sed renuendo renunciauerat. Cum enim uiuum recepisset filium suum, ait: Ecce cognoui quoniam homo dei es tu, & uerbum dei in ore tuo certissimum. Multa sunt autem in scripturis quæ nisi illo modo pronuntientur in contrariam sententiam recidunt, sicuti est: quis accusabit aduersus electos dei. Deus qui iustificat, si quasi confirmans respondeas, uides quanta peruersitas oriatur. Sic ergo pronuntiandum est ac si diceret: Deus ne qui iustificat: ut subaudiatur, non utique, ac per hoc apertam puto esse illam sententiam Helicæ, quam non seruata pronuntiatio faciebat obscuram. Factum est, inquit, uerbum domini ad Heliam: Vade & ostende te Achab, ut dem pluuiam super faciem terræ. Qui perrexit & occurrit ei in itinere Abdias dispensator regis Achab, & ait, Vade nuncia Achab, adest Helias. Qui abiit, & nunciavit ei. Venitque in occursum eius, & ait ad Heliam, Tu ne es qui conturbas Israel: ad quem Helias: Non turbaui, inquit, Israel, sed tu & domus patris tui qui dereliquistis mandatum domini & secuti estis Baalim. Veruntamen mitte nunc & congrega ad me uniuersum Israel in montem Carmeli, & prophetas Baal quadringentos quinquaginta, prophetasque lucorum qui comedunt de mensa Iezabel. Misit itaque Achab ad omnes filios Israel, & congregauit eos in montem Carmeli. Accedens autem Helias, ad omnem populum ait: Usque quo clau-

*De igne à deo
misso VI*

dicatis in duas partes. Si dominus est deus, sequimini eum: si autem Baal, sequimini illum. Et non respondit ei populus uerbum. Ad quos rursum ait Helias, Ego remansi propheta domini solus: propheta autem Baalim quarengenti quinquaginta uiri sunt. Dentur ergo nobis duo boues, & illi eligant bouem unum, & in frustra cædentes ponant supra ligna, ignem quoque non supponant: ego quoque faciam bouem alterum & imponam supra ligna, ignemque non supponam, Inuocent illi nomina deorum suorum, & ego inuocabo nomen domini, & qui exaudierit per ignem ipse sit deus. Responditque omnis populus & ait, Optima propositio. Dixitque Helias prophetis Baal, Eligite bouem unum, & facite uos primum quia plures estis. Et fecerunt ita, inuocabantque Baal de mane usque ad meridiem, & non erat uox, nec qui responderit, incidebantque se ritu suo cultris & lanceolis donec perfunderentur sanguine. Cumque transisset meridies & tempus adesset iam quo sacrificium offerri deberet, dixit Helias ad populum: Accedite ad me. Et accedente ad se populo, curauit altare domini, quod destructum fuerat, & tulit duodecim lapides iuxta numerum tribuum filiorum Iacob, & ædificauit altare domino in nomine domini: fecitque aquæ ductum quasi per duas aratiunculas in circuitu altaris, & imposuit ligna, diuisitque bouem & posuit supra ligna & ait, Implete quatuor hydrias aquæ, & effundite supra holocaustum & ligna. Quod cum fecissent, idipsum etiam secundo & tertio fieri iussit, repletaque est fossa aquæductus aqua.) Vide quor etiam Helias hoc faciat, & diligenter aduerte. Habebat beatus Helias & pro gratia prophetice dignitatis & pro diuini cultus studio scientiam omnium quæ in templis dæmonum agebantur. Nouerat inter cætera inepta potius quam commenta callidam etiam huiusmodi compositam fraudem, qua facilius irretirentur animæ miserorum, ut arte eorum non simpliciter ante delubri pedes statuantur, sed pendens crepido supra qua structæ sunt, rogi subterranea fornice baiuletur: ad quas ex aduersa parte concaui parietis, occulto aditu descendatur, ac per patulas cauernas præparatos ignes doli minister sacrificij tempore clandestinis officijs subministret: quo attonitus miserorum animus, dum nullas desuper uidet adhibitas flammæ, hostiamque cernit ex improuiso comburi, per inuisibilem potestatem ignes cælo credat esse delatos. Ne ergo hoc incredulæ mentes, de diuinis suspicarentur altaribus, uallum quod fieri præceperat aqua iussit impleri: ut si qua esset sub altario prodere fouea, uel descendens deorsum aqua latentes utique ignes extingueret. Nec sufficit semel rigasse locum, tertio id agitur: sed nec hoc est contentus propheta: Ipsa altaris ligna præcepit inundari, ut omnis fraudis suspicione submota, diuinæ potestatis esse uirtutem, nec rex nec populi nec ipsi dubitent sacerdotes. Cumque iam tempus esset, ut holocaustum offerretur, accessit Helias ad altare & exclamauit dicens: Domine deus exaudi me hodie in igne, sicut exaudisti me in aqua, ut cognoscat populus hic quoniam

tu es dominus deus Israel, & ego seruus tuus, & propter te feci opera hæc: Exaudi me domine exaudi in igne, ut cognoscat populus hic quia tu es domine deus, & conuertisti cor populi huius retrorsum. Ecce, inquit, clamante eo, cecidit ignis de caelo & deuorauit holocaustum ac ligna & lapides, puluerem quoque & aquam quæ erat in fossa aqueductus lambens. Quod cum uidisset omnis populus, cecidit in faciem suam & ait, Dominus, ipse est deus. Dixitq; Helias ad eos: Apprehendite prophetas Baal, & ne unus quidem effugiat de illis. Quos apprehendentes, continuo duxit eos Helias ad torrentem Cyson, & ibi eos trucidari præcepit.) Clementissimus enim deus qui non obliuiscitur misereri, nec in ira continet miserationes suas, rursus ad Israelem filium suum dignatus est mittere, ut eisdem pluuiam euangelicæ prædicationis tribueret. Tres anni famis, scientiam sanctæ trinitatis populo Iudæorum uel in toto mundo defuisse præsignabant. Achab uero qui interpretatur frater patris, à quo etiam dei prophetas interfectos scriptura pronunciat, principum sacerdotum typum gerebat. Quod autem dicit Achab ad Heliam, Tu ne es ille qui conturbas Israel: hoc ipsum & de domino principes sacerdotum dixisse Pilato leguntur. Inuenimus hunc subuerentem siue conturbantem gentem nostram. Hic enim, ut dominus legitur eis exprobrasse, filij fuere patris sui diaboli, cuius opera facere studuerunt, ut uitæ suæ autorem crucifigendum impie proclamarent. Vos enim, ait dominus, de diabolo patre estis, & opera patris uestri facere uultis. Ille enim homicida est & ab initio mendax, & in ueritate nunquam stetit. Abdias autem cuius nomen interpretatur seruus domini, qui etiam eo tempore quo Achab prophetas domini præceperat trucidari, centum prophetas in speluncis celauerat, uictum eisdem cotidie administrans, illos quodammodo præsignabat qui ex principibus Iudæorum occulte discipuli domini erant, hoc est Nicodemus, & cæteri quos euangelista pronunciat. Prophetæ Baal & prophetæ lucorum, scribarum & phariseorum typum gerebant, qui sacre legis negligentes præcepta, populum proprijs traditionibus peruerterant, quibus uæ futurum dominus legitur prædixisse. Carmelus uero mons, qui interpretatur scientia circumcisionis, Christi figurabat ecclesiam, in qua non præputij circumcisio, sed qualiter circumcisio accipienda sit, scire præcipimur. Per circumcisionem enim præputij carnis libidinem atq; luxuriam sciendum est abscindendam: per cordis uero circumcisionem immundæ cogitationes intelligendæ sunt amputandæ. Bouem uero quem Helias mactauit in holocaustum atque in frustra concidit, uetus intelligendum est testamentum, ex quo ad cõfutandas Iudaicas superstitiones, ea quæ de illo scripta fuerunt in multis locis excussisse euangelica prædicatione manifestatur, cum dixisse scribitur: Non legistis quod dictum est, lapidem quæ reprobauerunt ædificantes, hic factus est in caput anguli. Et intellexerunt, inquit, scribæ & pharisæi quod de illis diceret, & cætera quæ in euangelio reperiuntur. Bouem uero alterum à falsis prophetis electum

tis electum, populum significat reprobum per phariseos atque scribas seu hareticos non deo sed diabolo autori eorum ab ipsis oblatum. transacti meridiei tempus, uergentis mundi significabat cursum, in cuius uesperum dominus Iesus Christus in uerum sacrificium quod ipse est seipsum patri ad deponenda humani generis delicta obtulit. Altare quod ab Helia curatum est & ex duodecim lapidibus restauratum, sanctæ trinitatis accipienda est confessio, quæ in Iudæis olim uel in hereticis destructa fuerat, à domino per apostolos in ecclesia reformata est. Ligna uero quæ super altare composita fuerant, crucis patibulum præsignabant, in qua dominicum affixum est corpus, quod uerum & acceptabile deo patri fuit holocaustum. Quatuor hydræ repletæ aqua, totidem numero signabant euangelia. In quibus baptismi sacramentum, quod in nomine sanctæ trinitatis datur, habetur præceptum. Ignis quoque qui lapides altaris & quæ super eum fuerant, nec non & aquam uorauit, sanctum spiritum præsignabat, qui non solum apostolos sed cunctos credentes per lauacrum regenerationis in dei sacrificium absumit & sanctificat. Falsi uero prophætæ qui ab Helia interfecti leguntur, aduersariæ accipiendæ sunt potestates, de quibus dominum in cruce pronunciat apostolus triumphasse: siue illi accipiendi sunt, qui aduersus dominum impie proclamasse leguntur, Sanguis eius super nos & super filios nostros, quod utique temporibus Vespasiani & Titi expletum, qui legit Iosephum historiographum, non ambigir ambiguum. Deinde sequitur hystoria & dicit: Ascendit Helias in uertice Carmeli & pronus in terram posuit faciem suam inter genua, & exorabat dominum, dixitque ad puerum suum, Ascende & circumspice contra mare, septem uicibus. Quod quum fecisset septima uice, apparuit nubecula parua quasi hominis uestigium ascendens de mare, & subito contenebrati sunt cæli & facta est pluuia grandis. Quod enim Helias exorat ut pluuia tribuatur à deo, hoc quoque dominum fecisse pro suis discipulis, & qui per uerbum illorum credituri erant, euangelista pronunciat. Ministrum Helie cui iussum est contemplari contra mare, omnium prophetarum qui ante aduentum Saluatoris fuerunt typum gestasse non dubium est: quibus in gratia spiritus sancti per omne tempus quod ante aduentum Saluatoris præcessit, incarnationem illius præstolare datum est. Nubecula parua quæ uelut uestigium hominis ascendisse de mari describitur: dominus ac redemptor noster accipiendus est. Sicut enim uestigium extremum corporis membrum est, ita quoque dominus Iesus humilis & paruus ac puer in mundo existere uoluit, qui nos à peccato mundaret. Cæli contenebrati sunt, quia sancti prædicator res diuini uerbi, occultis sacramentis sunt repleti. Pluuia facta est magna, quia euangelicus hymnus per Apostolorum prædicationem totius mundi rigauit fines. Currus Achab quæ Helias accinctus lumbis præibat, diaboli accipienda potestas est, cui à domino dicitur, Vade retro satanas, non tentabis dominum deum. In tantum enim diaboli potestas in aduentu domini inanis existit & infirma.

ut nec

ut nec in porcos intrandi haberet licentiam, nisi ei fuisset permissum. Nun-
ciata sunt, inquit, Iezabel cuncta quæ gesserat Helias: & quemadmodum
prophetas occidisset Baal, quæ statim nunciū misit ad eum dicens: Hæc mihi
faciant dñi & hæc addant, nisi hac hora cras ponam animam tuam sicut ani-
mam unius ex illis. Quod audiens Helias timuit ualde, & abiit quocumque
eum ferebat uoluntas, uenitq; in Bersabeæ Iudæ, & illic reliquit puerū suū
ipse autem perrexit in desertum uiam unius diei. Cumque uenisset illuc & se-
disset subter unam iuniperum ait, Sufficit mihi domine, tolle animā meam. y:
Sancti uiri qui subleuante spiritu ad summa rapiuntur, quamdiu in hac uita
sunt, ne aliqua elatione superbiant quibusdam tentationibus reprimuntur,
ut nequaquam tantum proficere ualeant quantum uolunt, sed ne extollantur
superbia, sit in eis quædam mensura uirtutum. Hinc est quod Helias dum tot
uirtutibus in alta profecisset, quadā mensura suspensus est, dum Iezabel post-
modum quamuis reginā tamen mulierculam fugit. Perpendo quippe hunc
miræ uirtutis uinum ignem de coelo trahere, & duos quinquagenarios ui-
ros cum suis omnibus petitione subita concremare, uerbo coelos claudere, uer-
bo ad pluuias aperire, suscitantem mortuos, uenturā quæq; præuidentem, &
ecce rursus animo occurrit quo pauore ante unam mulierculam fugit. Consi-
dera uirum timore perculsum de manu domini mortem petere nec accipere,
de manu mulieris mortem fugiendo uitare. Quærebat enim mortem dum fu-
geret dicens, sufficit mihi tolle animam meam, neq; enim melior sum quā
patres mei. Vnde ergo sic potens, ut tot illas uirtutes faciat: unde sic infirmus,
ut ita sceminam pertimescat: nisi quia dispensatoris supetnū nutu mensura oc-
culi libraminis appenduntur, ut ipsi sancti homines dei & multum ualeant
pet potentiam dei: & rursus quadam mensura moderati sint per infirmita-
tem suam. In illis uirtutibus Helias quid de deo acceperat, in istis infirmitati-
bus quid de se esse poterat, agnoscebat. Illa potētia uirtus fuit, ista infirmitas
custos uirtutis. In illis uirtutibus ostendebat quid acceperat, infirmitatibus
hoc quod acceperat custodiebat. In miraculis monstrabatur Helias, in infir-
mitatibus seruabatur. Post hæc sequit. Proiecitq; se, & dormiuit in umbra
iuniperi. Et ecce angelus domini tetigit eum, dixitq; illi, Surge & come de. Re-
spexitq; & uidit ad caput suū subcinericium panem, & uas aquæ. Comeditq;
& bibit & rursus obdormiuit, tetigitq; eum secundo angelus & dixit, Surge
& comede, grandis enim tibi restat uia. Consurgensq; comedit & bibit, & am-
bulauit in fortitudine cibi illius XL diebus & XL noctib. usq; ad montem dei
Oreb. Quid igitur Iezabel: Hæc faciant mihi dñi, & hæc addant, nisi posueto
animam tuam. Et audiuit Helias, & fugit uiam dierum XL. O' uiolētiam uer-
bi, o' formidinis eminētiam. Audito mulieris uerbo fugit Helias: & fugit non
una, non duabus, non tribus diebus: sed ingressus est in eo sermo mulieris,
& quid ageret nesciebat, tanti itineris spatio metu exagitante iactatus, uelut
cum secundo flatibus cursu impulsæ nauis arborem uiolentus ex aduerso
fo turbo.

so turbo corripuit impetumq; reflexit: ita prophetae animum uirtutum uelis nauigantem mulieris perculit sermo, totamq; eius nauem per omnes formidinum fluctus turbato rectore iactauit. Quid ergo tu Helia? Tu enim es, qui uerbo claustras coelum & fraudaueras imbres, qui mandaueras aeri & diuinis ignes eduxeras, qui falsos salubriter interfici iusseras sacerdotes, qui constanter in faciem exprobraueras regi, quod ipse & domus sua populum euerteret Israel: qui dixeras, Viuit dominus, si erit pluuia aut ros, nisi in uerbo oris mei: qui domum uiduae spicarum aream & torcular feceras olei: qui omnibus imperaueras elementis, sermonem nunc audiens meretricis expauiisti, & una muliercula profugum fecit timorisq; captiuum. O stupendam rem, unde duos istos, Petrum & Heliam, magnificos uiros & ceteris elariores, uelut duas ciuitatum arces in sublime porrectas, à mulieribus fatigari: Petrus timet puellam, Iezabel deterret Heliam. Et quia eiusdem culpae uitio uterq; subiauit, amborum naturalis infirmitas unum sortita est proditorem. Fugit ergo Helias uiam quadraginta dierum. Vbi est zeli tui ardor incontinens, ubi constanter flamma, ubi autoritas libertatis cum dicebas, Viuit dominus, si erit pluuia super terram: uel quum regem cominus arguebas, & quum ultrices flammæ coelitus deponebas, talia tantaq; mirabilia faciens, unum adulteræ non tulisti sermonem? Sed considera quid in his ostendatur, quod scilicet homini quadiu domini gratia cooperat omnia secunda sunt, omnia fide elementa seruiunt, & principes prosternuntur, reges adorant, populi uenerantur: si uero se semel perfectionis uel correptionis causa, supernum ab homine suspendat auxilium, confestim fragilitas naturæ monstratur: mox insurgunt quæ uidebantur esse subiecta, quæ prius ut dominum metuebant incipiunt esse terrore. Iezabel quæ interpretatur fluxus uanus, synagogæ gestauit typum, quæ uanis superstitionibus seruiens, in euangelica prædicatione credere noluit, & autorem uitæ persequens, sicut & Iezabel Heliam, extinguit magis quàm credere maluit. Puer Helias qui in Bethsabee, quæ interpretatur puteus iuramenti, dimissus est, sacerdotale accipiendum est ministerium, quod templo domini in Hierusalem cultui diuino exhibeatur. Desertum uero ad quod uia unius diei Helias legitur peruenisse, & sub arbore iuniperi quieuisse, uniuersus accipiendus est mundus, qui propter demonum culturam in maligno fuerat positus, ad quem dominus relicta Iudæa per prædicatores suos transire dignatus est: & ibi quasi dormit, dum per fidem in corde fidelium requiescit. Arbor uero iuniperi agrestis atq; inculta ecclesiam præsignabat ex gentibus, quæ sacram scripturarum nequaquã fuerat exulta præceptis: ad quam Israeliticum regnum transiturum dñm prædixisse euangelista pronūtiat: auferetur à uobis regnum, inq; Iudæis, & dabitur genti facienti uoluntate dei. Via uero unius diei, quã Helias egisse legimus, unitas intelligenda est trinitatis, q̃ euangelica prædicatione cunctis nationibus introduxit. Panis subcinericius & uas aquæ, qd aliud indicant, nisi gentiū poenitentia & lachrymarum effusionem, quibus dñs ualde reficit.

Post

Post hæc peruenit, inquit, Helias ad montem dei Oreb, & mansit in spelunca, & ecce sermo domini ad eum, dixitque illi. Quid hic agis Helia? At ille respondit, Zelo zelatus sum pro domino deo exercituum, quia dereliquerunt pactum domini filij Israël. Altaria tua destruxerunt, & prophetas tuos occiderunt gladio, & derelictus sum ego solus, & querunt animam meam, ut auferant eam. Fugiens ergo Helias uenit ad quendam locum & obdormiuit ibi, & uenit ad eum dominus, dominus scilicet ad seruum, & ait. Quid tu hic Helia? Velut notans eum timoris & fugæ. Quid tu, inquit, Helia? Putasne fugisti, & furor te unius mulierculæ profugum fecit? Vbi est illa constantia ubi libertas? Disce de cætero non tibi ipsi confidere, nec propriæ cum res secundo cursu serantur imputare uirtuti. Verum tamen Helias respondet & dicit, aliud quidem me te retinens, aliud ore depromens. Domine prophetas tuos occiderunt, altaria tua destruxerunt, & ego relictus sum solus, & querunt animam meam. Hoc est, hæc cogitatio quæ tantum prophetam de ipso deiecit fastigio meritum, communem hominem demonstrauit. Denique mox eum corripit sermo diuinus. Non ira, inquit, est Helia, falleris, & humanæ cogitationis laqueis irretiris: non idcirco fugisti, nec te ideo quod solus esses regina perterrituit. Nec enim tu es tantummodo qui non adoraueris Baal: sunt mihi fideles famuli, sunt multi amici, & septem milium uirorum electissima uirtus, quam nec error humanus inclinare, nec inanis gloriæ cogitatio potuit eleuare. Hi omnes non curauerunt genua ante Baal, sed instabili poplite ad instar cœlestis exercitus me semper adorant. Fugisti ergo non quod in te solo furor adulteræ defauiret, sed quod tibi hanc elationem genuerit magnitudo uirtutum, ut tam arrogantem ferres de genere humano sententiâ: crasque paulisper mea gratia deserendus: & nisi tibi tantæ elationis frenâ laxassem, lapsus incurreres grauiorem, & disceres bona facta non tuæ uirtuti ascribere, sed diuinæ. Non igitur alia ex causa fugisti, nisi quod secedere mea gratia mulier te minaci sermone deterruit. Cui si uideremus ergo quanta uis fuerit in adulteræ sermone, gratia recedente, quanta formidinis magnitudo, quod quadraginta diebus oberrabar fugiens Helias per inuia & deserta, tantique ieiunij metu cōsternatus non sentit esuriē. Quid agis Helia? Vbi est, ut sæpe iam memini, illa omnibus stupenda fiducia, ubi os illud metuendum, ubi lingua terribilis alternis imperans elementis? Sed hoc tibi, ut dixi, constabat gratia ministrante. Vide ergo quemadmodum leuitate culpæ permittitur iacere tantus propheta, ut emendatus elationis uitio atque correptus, integro uestiatur moderationis & clementiæ indumento. Iam ergo eruditi sumus & docti in Petro, atque Helia, quemadmodum eos dominus nostri causa circumscribi delicto, quemadmodum illos fidei pietatisque signiferos, & generis humani columnas permiserit metu dominante qualari: ut populorum esset exemplum, a deo sibi non peccandi gratiam minime condonatam, ne quum ipsi a culpis essent ac uitij alieni, peccatoribus diri existerent & crudeles: sed quum forte quis fuerit delicto præuentus, non statim

statim abiiciant, non condemnent iacentis affectum, sed impartiantur viscera charitatis, porrigant manum, & erigant lapsum, spem ei diuinæ clementiæ promittentes, sicq; se exemplo illorum commendent magistrorum. Hæc autem idcirco diximus, non iustos culpando, sed peccatores ad spem erigendos protulimus: & primo quidē virtutes eorum extulimus, nunc culpas intulimus, ut & iustis formam cautelæ, & peccatoribus salutis portum fidelissimū monstraremus. Merito quæritur quomodo licite sacrificauerit Helias extra tēplum dei, quando & ignem de cælo impetrauit, & prophetas dæmoniorum conuicit. Quod mihi non uidetur alia ratione defendi, quàm illa qua defenditur & Abraham factum, quando filium deo iussus uoluit immolare. Cum enim iubet ille qui legem cōstituit aliquid fieri quod in lege prohibuit, iussio ipsa pto lege habetur, quoniam autor est legis. Nō enim deesse possent miracula alia, præter sacrificium, quibus superarentur & conuinceretur prophetæ lucorum, sed spiritus dei qui fuerat in Helia, quicquid in hac re fecit, contra legem esse non potest, quia dator est legis. Alia adhuc insuper quæstio animum pulsatur, quare interpellauerit Helias deū, quod Israel derelicto deo prophetas occiderit, & eius destruxerit altaria, cum in lege olim iussum fuisset, nō eos posse amplius habere altare quā unum, primum in tabernaculo, deinde in templo: nisi quod liquide datur intelligi, quod postquā decem tribus à domo Dauid excisæ, & à templo & Hierusalem sunt separatæ, illi qui in decē tribubus, quæ uocabatur Ephraim, cultores diuini nominis erant: & ut putandum est, ad illa altaria recurrerant, quæ olim crexerant patriarchæ Abraham, Isaac, & Iacob, locis competentibus, ubi eis deus apparuerat: ad hæc altaria cultores diuini nominis, & si non ad sacrificandum, tamen ad adorādum deum patrum suorum recurrerant. Hæc uidentes Israelitæ sacrilegi, & idolorum cultores, destruebant, ut nec ibi locus esset, ubi ueri adoratores dominum precarentur: & hoc est, ut in superiori patte iam præmissum est, quod instaurauerit Helias altare domini, quod destructum fuerat. Dixitq; dominus ad Heliam, Egredere, & sta in monte corā domino. Et ecce dominus transijt, & spiritus grandis & fortis, subuertens montes, & conterens petras ante dominum.) Quod autem ait, ante dominum spiritum præcessisse grandem, & cetera: eius aduentum significat ad corda credentium, quibusdam occultis & ineffabilib. signis esse profuturum. Nam quod ait, Subuertens montes, & conterens petras ante dominum: hoc est quod Apostolus ait, Arma militiæ nostræ non carnalia, sed spiritualia, ad destructionem munitiōū, & omnem altitudinem extollemus se aduersus scientiam dei. Non in spiritu dominus, & post spiritū commotio: non in commotione dominus, & post commotionē ignis: non in igne dominus, & post ignem sibilus auræ tenuis.) Spiritus ante dominum euerit montes, & conterit pettas: quia pavor qui ex aduentu eius ingruit, & altitudinem cordis nostri deijcit, & duriciam liquefacit. Sed spiritui commotionis & ignis, deum non inesse dicit: in sibili uero tenuis auræ non negat: quia nimis

rum

rum mens cū in contemplationis sublimitate suspenditur, quicquid perfectē perspicere ualeat deus nō est. Cū uero subtiliter aliquid cōspicit, hoc quod de incōprehensibili substātia eternitatis audit, quasi sibilū aurē tenuis percipit: sed sibilū aurē tenuis percipimus, cū sapore incircūscriptæ ueritatis cōtemplatione subita subtiliter degustamus. Tunc ergo uerū, est quod deū cognoscimus, cū plene nos aliqd de illo cognoscere nō posse sentimus. Vnde bene illic subditur. Quod cū audisset Helias, opetuit uultū suū pallio, & egressus stetit in ostio speluncæ) Quid est quod propheta cum uocē domini loquens secum audit, in speluncæ suæ ostio stat & faciem uelat: nisi quia dum contemplationis gratia uox supernæ intelligentiæ sit in mente, totus homo iam intra speluncam non est, quia animum carnis cura non possidet: sed stat in ostio, quia mortalitatis angustias exire meditatur. Sed iam quia in ostio speluncæ consistit, & uerba dei in aure cordis percipit, necesse est ut faciem uelat: quia dum per supernam gratiā ad altiora intelligentiæ ducimur, quanto sublimius leuamur, tātō semper per humilitatem nosmetipsos intellectu nostro premere debemus, ne conemur plus sapere, sed sapere ad sobrietatem: ne dum nimis inuisibilia discutimus, aberremus, ne in illa natura incorporea corporei luminis aliquid quæramus. aurem enim intendere, & faciem operire, est uocem interioris substantiæ audire per mentem, & tamen ab omni specie corporea oculos cordis auertere, ne quid sibi in illa corporale animus fingat, quæ ubiq; tota, & ubiq; incircūscripta est. Et dominus dixit ad Heliam. Vade reuertere in uiam tuam per desertum in Damascum, Cumq; peruenieris, Azahel regem super Syriam, & Iehu filium Namsi unges regem super Israel: & Heliscū filiū Saphat, qui est de Abelmaula, unges prophetam pro te. & erit quicumq; fugetit gladium Azahel, occidet eum Iehu: & qui fugetit gladiū Iehu, interficiet eum Heliseus) Abelmaula urbs est una de præcipuis urbibus Salomonis: est autem nunc uicus, ut in locorū libro legimus, in Aulone x ab Scythopoli miliari distans cōtra australem plagam, & nunc dicitur Bethulia. Damascus enim qui interpretatur sanguinem bibens siue propinans, totius mundi typum gerebat, in quo habitatores illius immolando dæmonibus filios suos, sanguinem bibere ac propinare non est ambiguum: sanguis enim pro peccato ac morte ponitur in scripturis, quam nō solum sibi infelices uidebantur inferre, sed & suis imitatoribus propinabant. Azahel uero qui interpretatur factura dei, uniuersarum gentium continebat figuram, cui ualde congruit interpretatio, dei factura. Opus enim dei fuit, ut obdurato Israele, & signis atq; uirtutibus domini penitus nequaquam credente, nationum populi cum omni mentis alacritate crederent in crucifixum. Siue aliter factura dei, id est, imago dei per fidem Christi gentibus restituta, nulli poterit esse dubium. Nam ut in Iacob & Esau figura præcesserat, maioris quōdam filij primatus ac benedictio ad iuniorem fratrem translata: ita etiam in istis, Azahel uidelicet & Iehu, diuina dispen-

De reditu He
lia Damasci
IX

fatione intelligimus geri, ut gentium populus qui fuetat iunior per Azaholem præponatur in persona Iehu primogenito, ut scriptum est, Israeli: & iuxta scripturæ testimonium, populus qui erat in capite, propter præuicationes assiduas, & piaculum quod intulit domino, factus in cauda est: translatoque ab eodem regno, ut dominus fuerat protestatus, datum est gentium populo dei uoluntatem uidelicet exequenti, Sed quia diuinæ pietatis est omnes homines saluos fieri, sicuti Esau, licet iuniori fratri subiectum nequaquam benedictione priuauit, ita quoque & hic Helias à deo prædicitur, relinquam mihi septem milia uirorum, quorum genua non sunt curuata ante Baal. Relinquam enim ad futurum tempus pertinere intelligi uoluit, quod in domini aduentu constat fuisse expletum, de illis pro certo, ex titis intelligendum, qui ex omni Israele per Apostolos Christi fidem susceperunt, & septiformi gratia spiritus sancti uncti sunt. Iehu uero cuius uocabulum interpretatur ipse uel est, filius uidelicet Namsi, qui interpretatur atrectans uel palrans, Apostolorum spiritualiter præfigurabat personam. Illis quippe horum nominum ualde congruit interpretatio. Beati enim apostoli semper pro certo sunt, qui pro trinitatis confessione & ueridica prædicatione deo & uniuerso orbi perpetuo uiuant. Ioannes quoque in epistola sua, cum de uerbo uitæ, hoc est dei filio, qui carnem assumpsit scriberet, ita effatus est, Quem nostris oculis uidimus, & auribus nostris audiuius, & manus nostræ tractauerunt. Quod autem dicitur Helias, Heliseū filium Saphat de Abelmaula unges prophetā pro te, ita intelligendum est, Heliseus enim interpretatur dei mei salus, Saphat autē iudicans, Abelmaula uero luctus parturiens, Dei enim filius qui est uera fidelium salus, cui omne iudicium tradidit pater, in quo iudicio impijs & incredulis erit luctus parturiens, gehennæ uidelicet cruciatus, quia in substantiæ suæ splendore atque uirtute non poterat ab hominibus contemplari ex deitate, ut Apostolus ait, se exinanienti maiestate, in Helisei præfiguratione serui dignatus est suscipere formam, qui uerus homo ex uirginis utero procreatus, sanctoque spiritu est unctus. Quod autem ait hystoria, qui effugerit gladium Asahel, occidet eum Iehu, & qui effugerit gladium Iehu, interficiet eū Heliseus, hoc modo intelligi potest. Gladius enim Asahel Syri, illorum doctrina accipienda est, qui ex gentibus dominicæ incarnationis & passionis ac resurrectionis uates inspirati diuinitus extiterunt, ad confutandos uidelicet Iudæorum doctores, qui hoc mysterium populis occultabāt. Gladius uero Iehu qui super Israel unctus est, prædicatione intelligenda est Ioannis domini præcursoris, qui saduceos & pharisæos ueniētes ad baptismū suum increpans, dixisse scribitur: Genimina uiperarum, quis uobis ostendit fugere futuram iram? Gladius præterea Helisei, euāgelica accipienda est prædicatione, de qua dixisse scribitur: Non ueni pacē mittere, sed gladium: quia fideles & iustos quodāmodo diuidit & separat ab infidelibus & iniustis, & quia in cordibus credentium cupiditates interimunt noxia, &

uicia

bicia misuerat atq; peccata. Interea ait dominus ad Heliã. Reliqui mihi septem milia uiroꝝ, qui non curauerũt genua ante Baal, & omne os quod nõ adorauerit eum osculans manũ: Certũ est quod cordis sui oculum per elationis tenebras extinguit, qui cũ recte agit, considerare melioꝝ merita negligat. Ac contra magno humilitatis exemplo semetipsum illuminat, qui alioꝝ bona subtiliter pensat: quia dũ ea quæ ipse fecerit, facta foris & ab alijs conspicit, eum qui de singularitate intus erumpere nititur, superbiæ tumore premit. Hinc est quod uoce domini ad Heliã solum se æstimantẽ dicitur. Reliqui mihi septem milia uiroꝝ, qui non curauerunt genua ante Baal: ut dum non solum se remansisse cognosceret, elationis gloria quæ ei de singularitate surgebat, inclinaret. Propheta namq; erat, & sæpe mysteria superna cognouerat. Quid ergo difficile fuit agnoscere, in hoc mũdo fideliter dei famulos & alios remansisse? Sed hinc soletter intuentum est, oculum elationis quã nequiter claudat, quia qui humilis occulta dei noberat, elatus & aperta nesciebat. Posthac inquit reperit Helias Heliſeum filiũ Saphat arantẽ in XII iugis boum, & ipse in XII arantibus unus erat: Cumq; uenisset, misit pallium suum super eum, qui relictis statim bobus, cucurrit ad Heliã, & ait. Osculer oro te patrem meum & matrem meam, & sic sequar te: Cui dixit Helias: Reuertere, quod enim meum erat, feci tibi: Reuersus itaque Heliſeus, tulit par boum & macſtauit illos, & in aratro boum coxit carnes eorum, deditq; populo ad comedendum. XII iuga boum XXXIII ueteris testamenti figuratiter accipiendi sunt libri: XII uero aratores, XII sunt intelligendi apd. stoli: sed in omnibus illis dominus existere dignatus est operator, qui dixit, sine me nihil potestis facere. Osculum patris, reconciliationis dinoscitur signum. In duobus enim bubus lex accipienda est & prophetia, quarum umbras & imagines dominus noster per incarnationis suæ ac passionis mysterium occidit in litera, & in crucis suæ coxit aratro, nec non ad comedendum fidelibus præbuit, ut iam non uiuant secundũ literã, sed secundum spiritum. Posthac refert scriptura, quod Benadab rex Syriæ obsidens, & impugnare incipiens Samariam, ait. Hæc faciant mihi dii, & hæc addant, si suffecerit puluis Samariæ: pugillis omnis populi qui sequitur me. Huc habet sensum, Samaria iuxta morem ciuitatum, habebat terram interius prope muros penè ipsis muris equalem, ne uidelicet eos sine subsidij terræ adiacetis erectos creber insistente manu hostili deiceret ictus arietis: extrinsecus autem murorum altitudo longe superficiem terræ transcendebat, maxime cum in montis uertice, ut scriptura refert, fuerit urbs eadẽ. Ait ergo rex supbus obsessam æterrens ciuitatẽ, quod tantã haberet exercitus multitudinẽ, ut etiã si quisq; militum eius solummodo lapidem, uel cespitem, uel stipitem ad construendum contra urbem aggerem apportaret, tam sublimis ex eo posset agger exurgere, qui superficiẽ ciuitatis ipsius quæ erat intra muros esse uideretur equalis, ita ut ex æquo pugnãtes contra ciuitatem tela, uel faces mittere possent.

De minis Benadab. X

sent. Cuius temeritatem arrogantia, modesto sermone *compescens rex Israel* ait. Dicit ei. Ne gloriatur accinctus, æque ut discinctus. Aliud est autē accinctus, aliud discinctus, aliud nō accinctus. Accinctus namq; est, qui cingulo circumdatus incedit: discinctus qui cingulum nuper deposuit, uerbi gratia, uel balneum intraturus, uel lectum ascensurus, uel alteram tunicam forte induiturus: non accinctus, qui nuper tunica indutus, necdum se addita zonæ circumpositione muniuit: Sic ergo & in expeditione castrensi qui positus est, recte accinctus nominat, id est armis indutus, qui pugna cōfecta uictor domum redijt, iure discinctus uocatur, quia nimirū depositis armis optatae pacis otium gerit, qui uero necdum pugnare, neque se ad certamen parare iam cōperat, merito non accinctus esse dicitur. Ait ergo rex Israel regi Syriæ gloriāti, quasi iam cepisset Samariam, quam obsidere cōperat. Ne gloriatur accinctus æque ut discinctus: ac si aperte dicat, Noli gloriari quasi iam uictor bellici discriminis, qui adhuc in acie positus, quem uictoria sequatur ignoras. Et uerum profecto dicebat. Nam mox inito certamine Benadab non uictis aduersarijs triumphans, sed caeso suo, exercitu fugiens, domum redijt. Benadab regem Syriæ typum habuisse diaboli, qui princeps est huius mundi, non dubium est, qui cum x x x & duobus regibus, hoc est, omnibus uitjs suis aduersus humanum genus pugnare non desistit. Achab uero qui interpretatur frater patris, hoc in loco personam gestauit Iudæorum, cum quibus diabolus prius conflictum habuit. Interea sequitur scriptura de uisione Michæ prophetæ, ubi ait ad Achab. Vidi dominum sedentē super solum suum, & exercitum cœli à dextris & à sinistris eius, & dictum est: Quis decipiet Achab, & ascēdat & cadat in Ramoth Galaad. Et dixit unus uerba huiusmodi, & alij aliter. Et egressus unus dixit, Ego decipiā Achab. Et dictum est ei: In quo decipies? Qui respōdit dicens. Egre diat, & ero mendax spiritus in ore omnium prophetarum eius. Quid per solum domini nisi angelicas potestates accipimus, quarum alis præsidens inferius cuncta disponit: Et quid exercitus cœli, nisi ministrantium angelorum multitudo describitur? Quid est ergo quod exercitus cœli à dextris & à sinistris eius stare perhibetur? Deus enim qui ita est intra omnia, ut etiam sit extra omnia, & qui incircumscriptus est, ueritas illa, æterna beatitudo, quæ dextera eius dicitur, sinistra non habet, quia nihil est quod displiceat, quia simul omnia cōtinetur, simul cuncta aspicit, ea autē in quibus & bonus spiritus uiuit & malus, exercitū cœli à dextris & à sinistris habere describitur: ut per dexteram intelligamus angelos electos, per sinistram uero spiritus reprobos. Non enim ministrant deo solummodo boni qui adiunant, sed etiam mali qui probant: non solum qui à culpa redeunt subleuant, sed etiam qui redire nolentes grauant. Nec mouere debet quod exercitus cœli etiam repulsi angeli uocantur, quia & ipsi quamuis ab æthereo cœlo expulsi sint, adhuc tamen in æthereo cœlo demorantur, Aquas enim in ære suspendi nouimus, aëres cœli

nominat

nominamus, & de eisdem spiritualibus Paulus dicit, Contra spiritualia nequitiae in coelestibus. Quorum caput enuntians ait, Secundum principem potestatis aeris huius. Ad dexteram ergo & sinistram exercitus stat, quia uoluntas electorum spirituum diuinæ pietati concordat, & reproborum sensus suæ malitiæ seruiens, iudicio distractionis eius obtemperat. Vnde & mox spiritus in medio profilisse describitur, per quem Achab rex exigentibus suis meritis deciperetur. Neque enim fas est credere bonum spiritum fallacia deseruire uoluisse, ut diceret, egrediar & ero mendax spiritus in ore omnium prophetarum eius: Sed quia Achab rex peccatis præcedentibus dignus erat, ut tali debuisset deceptione damnari, quatinus qui sæpe uolens cederat in culpa, quandoque nolens caperetur ad poenā: occulta iusticia, licentia malignis spiritibus datur, ut quos uolentes in peccati laqueo strangulāt, in peccati poenā etiam nolentes trahāt. Sed quomodo deus hæc agat ubique præsens, & ubique totus, ac semper præsens, & quomodo eius simplicem & incommutabilem æternamque ueritatem consulant sancti angeli, omnesque ab eodem creati sublimes & mundissimi spiritus, atque id quod in eo sempiternè iustum uident, pro congruentia rerum inferendarum temporaliter peragant: quomodo etiam lapsi spiritus qui in ueritate non steterunt, propter immundiciam & infirmitatem concupiscentiarum & poenarum suarum non ualentes præsentem intrinsecus contueri & consulere ueritatē, signa forinsecus per creaturam expectent, eisque moueantur, siue ad faciendum aliquid, siue ad non faciendum: quodue modo cogantur æterna lege qua uniuersitas regitur, uincti atque constricti, uel sinente deo operari, uel cedere iubenti: & completi arduum, & explicare longissimum est. Post mortem Achab regnare coepit Ochozias filius eius pro eo, de quo refert scriptura, quod cecidit per cancellos cœnaculi sui, quod habebat in Samaria: & ægrotauit Ochozias rex Samariæ, qui se à domo Dauid separauit, & per cancellos decidit. hoc significare nideatur, quia hæretici siue schismatici, & si aliquam bonæ actionis arcem conscendere uidentur, quia tamen cōpagem ecclesiæ unitatis non habent, quasi parentibus & non solidis laterum præsidijis semper ad uiciorum infima relabuntur, dum diuino destituti auxilio suæ pertinaciæ fastu intereunt. Deinde refert eadē scriptura quod idem Ochozias miserit duos principes quinquagenarios ad Heliam, quem quia procaciter hominem dei uocauerunt, illo orante coelesti igne consumpti sunt: tertius autem missus saluatus est. Figuraliter autem quinquagenarius numerus confessio poenitentiae est, per quod declaratur remissio peccatorum. Iudæi enim nolentes Christum deum esse uerum, nec principem indulgentiæ largitorem, dicunt ei, Quinquaginta annos nōdum habes, & Abraham uidisti? Hii tales futuro diuini ignis incendio extinguuntur. Tertius autem quinquagenarius quia conuersus ad fidem trinitatis demonstrat poenitentiae sacramēta, idcirco ad indulgentiam incruit peruenire. Sciendū est quod scriptura sacra duobus modis maledictum

De morte Achab. XII

De militibus consumptis. XIII

memorat, aliud uidelicet quod adprobat, aliud quod damnat. Aliter enim maledictum profertur iudicio iusticiæ, aliter liuore uindictæ. Maledictum quippe iudicio iusticiæ ipso primo homine peccante prolatum est, cum audiunt: Maledicta terra in opere tuo. Maledictum iusticiæ iudicio profertur, cum dicitur ad Abraham, Maledicam maledicentibus tibi. Rursum quia maledictum non iudicio iusticiæ, sed liuore uindictæ promittitur, uoce Pauli prædicantis admonemur, qui ait, Benedicite, & nolite maledicere. & rursum idem; neque maledici regnum dei possidebunt. Deus ergo maledicere dicitur, & tamen maledicere hominem prohibet, quia quod homo agit malicia uindictæ, deus non facit, nisi examine & uirtute iusticiæ. Nam & sancti uiri cum maledictionis sententiam proferunt, non ad hanc ex uoto ultionis, sed ex iusticiæ examine erumpunt. Intus enim subtile dei iudicium aspiciunt, & mala foris exurguntia, quia maledicto debeant ferire cognoscunt, & eo in maledicto non peccant, quod ab interno iudicio non discordant. Hinc est quod Petrus in offerentem sibi pecunias Simonem sententiam maledictionis intorset, dicens: pecunia tua tecum sit in perditione. Qui enim non ait est, sed sit, non indicatio sed operatio modo se hæc dixisse signauit. Hinc Helias duobus quinquagenarijs ad se uenientibus dixit: Si homo dei sum, descendat ignis de cælo, & consumat uos. Quorum utique sententia quanta ueritatis ratione conualuit, terminus causæ monstrauit. Nam & Simon æterna perditione interijt, & duos quinquagenarios desuper flamma ueniens consumpsit. Virtus ergo subsequens testificatur, qua mente maledictionis sententia cum maledicentis innocentia permanet, cum eum qui maledicetur, usque ad interitum maledictio absorbet. Itaque ex utriusque sine partis colligitur, quia ab uno & intimo iudice in reo sententia sumpta iaculatur. Quod enim abstrahendus Helias atque eleuandus ad cælum, iusserit Heliseo ut resideret in Bethel, aut Iericho siue Iordane, & ille semper iurauerit per dominum, quod non relinqueret eum, hoc figurasse uidetur, quod apostolorum in se haberit figuram, qui ab ipsa reuelatione fidei, hoc enim interpretatur galgala, Christo domino indiuidue adherentes, usque in diem ascensionis eius in cælum, ab eius comitatu non recesserunt. Cumque transissent Iordanem, dixit Helias ad Heliseum. Postula quid uis ut faciam tibi, antequam tollar à te. Dixitque Heliseus. Obsecro ut fiat spiritus tuus duplex in me. Secundum historię fidem duplex spiritus Helix Heliseo collatus est, quia multo plures uirtutes Heliseus quam Helias operatus est: tropologice uero duplex spiritus Helix Heliseo attributus est, quia post ascensionem domini per aduentum spiritus sancti duplex intelligentiæ donum, hoc est, noui ac ueteris testamenti apostolis est collatum: Cumque pergerent & incedentes sermocinarentur, ecce currus igneus & equi ignei diuiserunt utrumque, & ascendit Helias per turbinem in cælum. Heliseus autem uidebat & clamabat. Pater mi, pater mi, currus Israel & auriga eius. Et non uidit eum amplius. Curus Israel, hoc est mente

mente uidentium deum, non incongrue dominus Iesus Christus accipitur, qui electos suos patienter tolerando uelut in curru portat, atq; per prædicationem & disciplinā suam sicut auriga agit. Moraliter autē quid est quod Helias curtus & auriga dicitur, nisi quia auriga agit, & curtus portat? Doctor ergo qui mores populi & per patientiam sustinet, & sacri eloqui uerbis docet, & auriga dicitur & curtus: curtus quia tolerando portat, auriga quia populos bonis admonitionibus exercet. Quid est autē quod Helias ad cœlum raptus esse dicitur? Nunquid nam eum adhuc in hac carne corruptibili positum, ad illius summæ quietis requiem ante resurrectionem ascensio nemq; domini credimus esse perductum? Sed aliud est cœlū aëreum, & aliud æthereum. Cœlum quippe aëreum, terræ est proximum. Vnde & aues cœli dicimus, quia eas uolitare in aëre uidemus. In cœlum quippe aëreum Helias subleuatus est, ut in secreta quadam terræ regione repente duceret, ubi in magna iam carnis ac spiritus quiete uiueret, quo usq; ad finem mūdi redeat & mortis debitum soluat. Subleuatus namq; Helias, ascensionem domini designauit. Ille enim mortem distulit non euasit. Redemptor autem noster, quia non distulit superauit, eamq; resurgendo consumpsit, & resurrectionis suæ gloriam ascendendo declarauit. Notandum quoq; est quod Helias in curru legitur ascendisse, ut uidelicet aperte monstraretur, quia purus homo adiutorio egebat alieno. Per angelos namq; illa facta & ostensa sunt adiumenta, quia nec ad cœlum quidē aëreum per se ascendere poterat, quē naturæ suæ infirmitas grauabat. Redemptor autem noster non curru, non angelis subleuatus legitur, quia is qui fecerat omnia, nimirum super omnia sua uirtute ferebatur. Illud etenim reuertebat ubi erat, & inde redibat ubi remanebat, quia per humanitatē ascenderat in cœlum, per diuinitatē suam & terram pariter continebat & cœlum. Neq; enim arbitrandum est Heliam uel sic esse sicut erunt sancti, quando peracto operis die, denariū pariter accepturi sunt: uel sic quēadmodū sunt homines qui ex ista uita nondū emigrauerunt, de qua ille tamē nō morte, sed translatione migravit. Iam itaq; aliquid melius habet, q̄ in hac uita posset, quamuis nondum habeat quod ex hac uita recte gesta in fine habiturus est. Pro nobis enim meliota prouiderunt, ne sine nobis perfecti perficerentur. Aut si quisq; putat hoc Heliam meriti non potuisse, si duxisset uxorem filiosq; procreasset: creditur enim non habuisse, quia hoc scriptura non dixit, q̄uis & de cœlibatu eius nihil dixerit: quid de Enoch respōdebit, qui filiis genitis deo placēs nō mortuus, sed translatus est? Cur ergo & Adā & Eua si iuste uiuentes, caste filios procreassent, nōne eis posset translatione nō morte succedētib; cedere? Nā si Enoch & Helias in Adam mortui, mortisq; propaginem in carne gestantes, quod debitum ut soluant creduntur etiam redituri ad hanc uitam, & quod tam diu dilatum est morituri, nunc tamen in alia uita sunt, ubi ante resurrectionem carnis antequam animale corpus in spirituale mutetur, nec morbo nec

senectute deficiunt: quāto iustius ac probabilius primis hominibus illis prae-
staretur, sine ullo suo parentumue peccato uiuentibus, ut in meliorem aliquē
statum filijs genitis cederent, unde seculo finito cum omni prosperitate san-
ctorum in euangelicam formam, non per carnis mortem, sed per dei uirtu-
tem multo felicius mutarentur. Apprehenditq; uestimenta sua, & scidit il-
la in duas partes, & leuauit Heliseus pallium Heliae quod ceciderat ei) Helis-
eus enim domini ac redemptoris nostri figuram gestauit, uestimenta uero
illius ueteris testamenti accipiendae sunt scripturae, quae tunc scissae, hoc est, re-
uelatae hominibus sunt, quando per passionem & resurrectionem siue ascen-
sionem ipsius in caelo expletae sunt. Pallium uero Helie ab Heliseo collectū,
uirtus accipienda est uerbi, quam ad glorificandam carnem suam mundo re-
liquit. Habitante autem Heliseo in Iericho, uenerunt ad eum uiri ciuitatis,
& dixerunt ei: Ecce habitatio ciuitatis huius ualde optima est, ut ipse tu do-
mine perspicias, sed aquae pessimae sunt, & terra sterilis. At ille ait, Afferte mi-
hi uas nouum, & mitte in eo sal, Qui cum attulissent, egressus ad fontem
aquarum, misit in eum sal, & ait. Haec dicit dominus. Sanatae aquas has, &
non erit in eis ultra mors neq; sterilitas. Sanatae ergo sunt aquae usq; ad di-
em hanc, iuxta uerbum Helisei quod locutus est) Ciuitas Iericho mundi hu-
ius praesignabat figuram, cuius habitatio secundum conditoris creationem
non simpliciter tantum, sed ualde ab omnibus, ut cernitur, optima est. Aquae
uero illius pessimae, doctrina accipienda est philosophorum & poetarum,
uidelicet hominum mentes ad daemonum cultum & libidinem atq; luxuriā
prouocans. Terra uero sterilis, omne indicat hominum genus, qui relicto cre-
atore deo obscuratis sensibus deseriiebant omnibus creaturis. Quem enim
in hoc facto miraculo, nisi dominū Iesum Christū praefigurauit, qui postq;
uerbum caro factum est, atq; per ministrum in Iordane fluuio baptizari di-
gnatus est, aquas Iericho steriles, hoc est, huius mundi conuertit in lauacri
fecunditatem: ut quicquid ex eis regeneratum fuisset, uitalem acciperet spi-
ritum. In sale quippe sapiētia, in uase uero rudi, caro domini intelligit. Ad-
cendit, inquit, in Bethel. Cumq; ascenderet per uia, pueri parui egressi sunt
de ciuitate, illudebantq; ei dicētes. Ascende calue, ascende calue: Quibus ma-
ledicens in nomine domini, continuo egressi sunt duo ursi de saltu, & lacera-
uerunt ex eis XLII pueros, & abiit ex inde in montem Carmeli) Heliseus qui
interpretatur dei salus, personam saluatoris gestasse non dubium est: qui
saluator ascendens in Bethel, hoc est, ad domū dei coelestem, à Iudaeis quasi
à pueris insipientibus subannatus est, clamantibus hisdem Iudaeis, ascen-
de calue, ascende calue, crucifige, crucifige in caluariae loco: ob cuius piaculi
facinus plebs Iudaeorum decursis XLII annis, post resurrectionem salua-
toris, & ascensionem in caelos, à principibus Romanorū Vespasiano uide-
licet & Tito quasi à duobus ursis cōsumpta est. Mons uero Carmelus eccle-
sia intelligenda est, ad quā spreto Israele suum dominus transtulit regnum.

Mulier

Ab Heliseo sa-
natae aquae.
XV

De pueris ab
eo maledictis
XVI

Mulier quædam, inquit, de uxoribus prophetarum uenit ad Heliseū, & ait. Seruus tuus uir meus mortuus est, & tu nosti quia timens erat deum, & ecce nunc ueniens creditor, duos filios meos uult tollere in seruitutē sibi. Cui dixit Heliseus: Quid habes in domo tua? indica mihi: At illa, modicum, inquit olei quo ungar. Ad quam Heliseus, uade, ait, & pete tibi uasa nō pauca, & ingressa cubiculū, tolle de ipso oleo, & mitte in uasis, tu infunde & filij tui offerant uasa: Cumq; impleta fuerint, uende & redde creditori tuo, tu autē & filij tui uiuite de reliquo. Quæ abiit, & fecit sicut ei uir dei præceperat. Mulier hæc uidua antiquā sanctorū patrū qui sub lege fuerunt significauit ecclesiam, quæ in aduentu saluatoris a legali præcepto quasi à legitimo uiro destituta, cū duobus superstitiis filiis, id est, gemino populo derelicta est. Creditor huius ecclesiæ diabolus intelligendus est, qui humanū genus ante aduentum saluatoris per originale delictum, & quotidiana peccata obnoxium tenebat. Quæ ecclesia parum olei in uasculo tenebat, quia gratiā euangelicæ prædicationis intra literam legis, & prophetiā ueteris testamenti non reuelatam apud se continebat. Postquam uero ad cognitionem ueni Helisei, hoc est, saluatoris nostri peruenire promeruit, eius cōsultu à uicinis suis plurima uasa uacua petijt: quia per apostolorum prædicationem multitudinem credentium, ex diuersis gentibus intra domū fidei ad se collegit. De oleo quoq; quod apud se habebat, in cætera uascula transfudit, quia gratiā spiritualem per ora prædicatorum in cunctis gentibus mutauit: de quo oleo, id est, diuina gratia filios suos redemit, quia per donum spiritus sancti atq; charitatis unctionem, à perpetua seruitute peccati semetipsam cum cunctis fidelibus liberauit. Factum est autē ut Heliseus transiret, & erat ibi mulier magna quæ tenuit eum, ut comederet panem. Cumq; frequenter inde transiret, diuertebat ad eam, ut comederet panem. Quæ dixit ad uirum suum, Animaduerto quod uir dei sanctus est iste, qui transit per nos frequenter. Faciamus ergo ei cenaculum paruum, & ponamus in eo lectum, & mensam, sellam & candelabrum, ut cum uenerit ad nos, maneat ibi, & cætera.) Mulier ista Sunamitis typum ecclesiæ retentabat, quæ priusquam ueniret Heliseum, hoc est, saluatorem nostrum per fidem suscipere, sterilis fuit: postquam uero eundem dominum in hospitio cordis sui suscipere promeruit, populum fidelem quasi unicum filium genuit. In cenaculo altitudo fidei, in lectulo uero quies spiritualis atque contemplationis ocium præfiguratur. In mensa autem unitas fidei & concordia prædicationis innuitur: in sella uero docendi potestas: in candelabro illuminatio fidei, siue claritas uirtutum exprimitur. Posthæc refert scriptura de filio Sunamitis, quem puer Helisei missus cum baculo non resuscitat: per semetipsum uero ueniens, scēp super mortuum sternens, atque ad eius membra se colligens, huc illucq; deambulans, & in ore mortui septies aspirans hunc ad rediuiam lucem protinus per mysterium compassionis animauit: quia uidelicet auroræ humani

De filijs uiduæ
& à seruitute
inducatis
XVII

De hospitio
Helisei
XVIII

De puero uero
resuscitato
XIX

humani generis deus quasi mortuum puerum doluit, cum extinctos nos iniquitatis aculeo miseratus aspexit. Et quia per Moysen terrorem legis protulit, quasi per puerum uirgam misit: per legem quippe uirgam dominus tenuerat cum dicebat, Si quis hæc uel illa fecerit, morte moriatur. A peccati igitur morte timor nos suscitare non ualuit, sed ad statum uitæ aspirata mansuetudinis gratia erexit. Sed puer cum baculo mortuum suscitare non ualuit, quia Paulo attestante, nihil ad perfectum adduxit lex. Ipse autem per semetipsum ueniens, & super cadaver se humiliter sternens, ad adæquanda mortui membra se collegit: quia cum in forma dei esset, non rapinam arbitratu est esse se æqualem deo, sed semetipsum exinaniuit, formam serui excipiens, in similitudinem hominum factus, & habitu inuētus ut homo. Huc illucq; deambulabat, quia & Iudæam iuxta & longe positas gentes uocat. Super mortuū septies inspirat, quia per apertionem diuini nominis gratia septiformis spiritus in peccati morte iacentibus aspirat: moxq; uiuens agitur, quia is quem terroris uirga suscitare non potuit, per amoris spiritum puer ad uitam rediit. Iam nunc historia Naaman Syri prosequenda est: Superius ostendimus Heliseum typum habuisse domini saluatoris, Naaman uero princeps militiæ Syriæ, qui leprosus fuerat, & suggerente ancilla, ad beatum Heliseum sanandus aduenit, populum gentium figurauit, puella uero paruula quæ de terra Israel ab Assyrijs capta, & in Syriam ducta, uxori Naaman seruitium exhibebat, & dominæ suæ suggererat, quod si ad beatum Heliseum suus dominus pergeret, sanitatē cōsequeretur, legis accipiendum est fama: idcirco uidelicet paruula nuncupata, quia, ut Apostolus ait, nullum ad perfectum perducere ualuit: omnis enim perfectio in domino Iesu Christo est. fama quippe eorum, quæ in lege de castitate & sobrietate, patientia, iustitia, hospitalitate, pietate, cæterisq; uirtutibus habebantur, ad uniuersas peruenierat nationes: quia licet in tempore illo in sola Iudæa prophetia floruerit, fieri tamen non poterat, nisi ut etiam ad illas uicinas gentes beata eius noticia perueniret: & quanquam eandem custodire contenderent, tamen uelut captiua eisdem seruiebat, quia idololatriæ cultui deditæ erant, tamen audiuit Naaman puellam, & uenit ad Heliseum sanandus à lepra: & populus gentium audiuit famam legis & prophetiæ, & uenit ad Christum ab omnium peccatorum lepra sanandus. Quid tamē dixit beatus Heliseus per nuntium ad Naaman, uideamus: Ait enim ei. Vade, inquit, lauare septies in Iordane. Quod cū audisset Naamā, tantū ut lauaret septies in Iordane, indignatus est, & uolebat renuere: sed ab amicis suis cōsilio accepto, acquieuit ut lauaret, & purgatus est. Hoc significauit, quia populus gentium anteq̃ Christus crucifigeret, ipso per se Christo loquente nō crediderūt, sed postea docētib; apostolis ad sacramentū baptismi fideliter uenit. Heliseus nāq; in præfiguratione futurorum Naaman Syrum uidere noluit, & tamen minime despiciebat: nimirum dominus Iesus Christus populu gentium qui cū carnalibus oculis

De Naaman
à lepra mu-
dato. XX

oculis minime uidit, exterū à sua salute non fecit. Dixit ergo Heliseus ad Naaman, ut lauaretur septies in Iordane. Notandum quod Heliseus mittit Naaman ad Iordanem fluuium, ita Christus populum gentium missurus erat ad baptismum. Quod autem Heliseus non per se ipsum Naaman aut tetigit aut baptizauit, hoc significatum est, quod Christus non per se ipsum uenit ad populum gentium, sed per Apostolos suos, quia illis dixit: Ite & baptizate omnes gentes in nomine patris & filij & spiritus sancti. Et hoc adtendendum est, quia Naaman qui populum gentium figurabat, in illo fluuio sanitatem receperit, quem postea Christus suo baptismo consecrauit. Audiens uero Naaman, ut lauaretur septies in Iordane, indignatus est dicens, nunquid non meliora sunt flumina regionis meæ, flumina Damasci Abana & Parphar, ut in ipsis lauer & munder? Hæc illo dicente, consilium dederunt serui sui, ut adquiesceret prophetae consilio. Quid autem hoc significet, inuicem est. Sanctus Heliseus, sicut diximus, typum habebat domini saluatoris, & Naaman figurabat populum gentium. Quod uero de suis fluminibus sanitatem se recepturum esse credebat, hoc indicabat, quod genus humanum de libero arbitrio & de proprijs meritis præsumebat. Sed propria merita sine gratia Christi libertatē habere possunt, recipere sanitatē omnia non possunt. Vnde nisi ad exemplū Naaman, humanum genus consiliū Helisei audisset, id est, per Christi gratiā donum baptismatis humiliter accepisset, ab originali & actuali lepra liberari non posset. Siue aliter flumina Damasci, quarum aquas Naaman Syrus meliores aquis Iordanis esse opinabatur, huius mundi sapientiam significāt, quam populus gētium priusq̃ fidem Christi perciperet, pro magno habens, euangelica præcepta negligens contemnebat. Lauare septies, dixit, propter septiformem gratiam spiritus sancti, quæ in Christo domino requieuit. Deniq̃ quando in eo fluuio dominus baptizatus est, spiritus sanctus in columbæ specie super eum uenit. Cum ergo in figura baptismi Naaman in fluuiū descendisset, facta est, inquit scriptura, caro eius tanquam pueri paruuli: Hanc similitudinem in populo Christiano compleri uidemus, quia omnes qui baptizantur, siue senex sit siue iuuenis, omnes tamen infantes appellantur, quia per Adam & Eua ueteres nascuntur, per Christum & ecclesiam noui regenerantur. Prima generatio perducit ad mortē, secunda generatio perducit ad uitā. Prima generatio filios iræ, secunda generatio uasa misericordiæ, sicut Apostolus dicit: In Adam oēs moriuntur, in Christo oēs uiuificabuntur. Quomodo ergo Naamā senex septies lauādo factus est uelut puer, sic populus gentiū cū esset peccatis ueteribus senex, & multis iniquitatū maculis uelut lepra perfusus, per gratiā baptismi ita renouatur, ut in eo nec originalis nec actualis peccati lepra remaneat: & qui fuerat criminum ponderibus curuus, ad exemplum Naaman saluari lauacro renouatur, ut paruulus, & prima stola induitur, De qua Apostolus ait: Quicumq̃ in Christo baptizati estis, Christū induistis,

In emunda

In emundatione Naaman Syri, decima uirtus ponitur Helisei. Denarius enim numerus consummationem siue perfectionem demonstrat: quia in fine mūdi dominus legiē aduenisse, in quo uniuersis lepra infidelitatis aspersis cognoscitur salus attributa. Quod uero posteaq̃ mūdatus est Naaman, munera obtulit beato Heliseo, & ille accipere noluit, Christi in hoc gratia figuratur, quā ideo gratia dicta est, quia gratis datur. Sic enim ipse dominus in euāgelio discipulis dixit: Infirmos curate, mortuos suscite, dæmones eijcete: gratis accepistis, gratis dare. Dixitq̃ interea Naaman ad Heliseum: Obsecro concede mihi seruo tuo, ut tollam onus duorum burdonum de terra. Non enim faciet ultra seruus holocaustum aut uictimas dijs alienis, nisi domino soli) Onus terræ duorum burdonum, incarnationis Christi præter debet sacramentum, cuius mysterium uterq̃ populus ex circumcisione uidelicet & præputio ob spem æternæ beatitudinis portare non renuit. Posthæc refert eadem scriptura, quod interrogauerit Heliseus Iezi puerum suum,

Vnde uenis Iezi? Qui respondit, Non iuit seruus tuus quoquā. Et ille ait, Nonne cor meum in præsentī erat, quando reuersus est homo de curru suo in occursum tuum? Nunc igitur accepisti argentū & accepisti uestes, ut emas oliueta & uincta & oues & boues & seruos & ancillas. Sed & lepra Naamā adhærebit tibi & semini tuo, usq̃ in sempiternum) Si enim propheta Heliseus puerum suum Iezi absens corpore uidit accipientem munera, quā dedit illi Naaman Syrus, quē propheta memoratus à lepræ deformitate mundaauerat, quod seruus nequam domino suo non uidenter latenter se fecisse putauerat: quanto magis in illo corpore spiritali uidebunt sancti omnia, non solum si oculos claudant, uerum etiā unde sunt corpore absentes? Tunc enim erit perfectum illud, de quo loquēs Apostolus ait: Ex parte, inquit, scimus, & ex parte prophetamus, cum autem uenerit quod perfectum est, euacuabitur quod ex parte est. Deinde ut quo modo posset aliqua similitudine ostendere, quantū ab illa quæ futura est distet hæc uita, nō qualiūcunq̃ hominū, uerū etiā qui p̃cipua hic sanēitate sunt præditi. Cū essem, inquit, paruulus, quasi paruulus sapiebā, quasi paruulus loquebar, quasi paruulus cogitabā: cū autē factus sum uir, euacuauī quę paruuli erāt: uidemus nunc per speculū in ænigmate, tunc autē facie ad faciē. Nūc scio ex parte, tūc autē cognosceā, sicut & cognitus sum. Si ergo in hac uita ubi hominū mirabiliū prophetia ita cōparanda est illi uitæ quasi paruuli ad iuuenē, uidit tamen Heliseus accipientē munera seruū suū ubi ipse nō erat. Itāne cū uenerit quod perfectū est, nec iam corpus corruptibile adgrauabit animā, sed incorruptibile nihil impedit, illis sancti ad ea quæ uidēda sunt oculis corporeis, quibus Heliseus absens ad seruum suū uidendū non indiguit, indigebunt. Nāq̃ secundū interpretes LXX, ista sunt ad Iezi uerba prophete: Nōne cor meū erat tecum, quando conuersus est uir de curru in obuiam tibi, & accepisti pecuniā, & cætera. Sic autem ex Hebræo interpretatus est presbyter Hieronymus:

Nonne

Nōne cor meum, inquit, in præsenti erat, quando reuersus est homo de curru suo in occursum tui? Corde suo ergo dixit se hoc uidisse propheta, adiutus quidem mirabiliter nullo dubitante diuinitus: sed quanto amplius tunc omnes munere isto abundabunt, cum deus erit omnia in omnibus: habebunt tamen etiam illi oculi corporei officium suum, & in loco suo uterq; erit illis spiritus per spirituale corpus. Neq; enim ille propheta, quia eis non indiguit, ut uideret absentem, non eis usus est ad uidenda præsentia: quæ tamen uidere spiritu posset, etiā si illos clauderet, sicut uidit absentia ubi cū eis ipse non erat. Absit ergo ut dicamus illos sanctos in illa uita deum clausis oculis non uisuros, quem spiritu semper uidebunt: sed utrum uidebunt & per oculos corporis cum eos apertos habebunt, inde quæstio est. Si enim tantū poterunt in corpore spirituali eo modo utiq; etiam ipsi oculi spirituales, quantum possunt isti quales nunc habemus, proculdubio per eos deus uideri non poterit. Longe itaq; alterius erunt potentia, si per eos uidebitur incorporea illa natura, quæ non continetur loco, sed ubiq; tota est. Iezi minister Helisei, qui cupiditate argenti deceptus, pecuniam à Naaman Syro accepit, & post paululum lepræ contagione est percussus, Iudæ proditoris typum gessisse non dubium est. Sicut enim Iezi ideo seruiebat beato Heliseo, ut pecuniam posset acquirere: ita & Iudas propterea adheferat domino saluatori, ut fraudem faceret, & terrenas diuitias congregaret. Deniq; sic de illo in euangelio scriptum est, quia fur erat, & loculos habebat, & ea quæ mittebantur exportabat. Nam Iezi qui gratiam magistri potuerat promereri, sicut dominus suus consecutus fuerat beati Helie, cupiditate uictus in æternum meruit cruci deli lepra perfundi: Iudas uero per amorem pecuniar, & apostolatus gratiam perdidit, & laqueum uitam finiuit. Ac sic intelligimus omnes malos sacerdotes intra ecclesiam intus in anima peccati lepra esse perfosos, qui contra dominica præcepta ministerium quod gratis acceperunt, gratis non administrant, & pro omni opere quod in ecclesia gerunt, non futurā mercedem, sed præsentem querunt retribut onem. Potest enim Iezi etiam Iudæorum populum figurare, qui eo tempore peccati lepra percutitur, quo ab ea populus gentium liberatur. Deniq; sic infideles Iudæi in passione clamauerunt: Sanguis eius super nos, & super filios nostros. Tunc enim peccati lepra perfundi meruerunt, quando super cœlestem medicum ore sacrilego clamauerunt: tolle tolle crucifige eum. Ergo eo tempore in illis remansit lepra, quo ad nos transiit gratia. Denique sic & Apostolus Paulus ad eos locutus est dicens, Vobis, inquit, oportuit primum loqui uerbum dei, sed quia uos indignos iudicatis æternæ uitæ, ecce conuertimur ad gentes. Quando doctrina Apostolorum ad gentes transiit, tunc in miseris Iudæis peccati lepra permansit.

Posthæc refert scriptura quod eunte beato Heliseo cum filiis prophetarum ad Iordanem fluuiū, dum sibi ligna cōciderēt, ceciderit securis in aqua, & ille de cuius manu corruit, clamauerit ad beatū Heliscum, heu heu & hoc

De ferro nescit. XXI

ipsum mutuo acceperat. Posthac in loco ubi securis illa ceciderat, beatus Heliseus misit lignum, & natauit ferrum. Dominus Iesus Christus cuius figuram Heliseus gestauit, cum per presentiam corporis sui Iudaeorum impietatem tanquam infructuosam arborem succidere uellet, quia de illo Ioannes ait: ecce securis ad radicem arborum posita est: interueniente passione corpus ipsum uelut manubrium deseruit, & in inferni profunda descendit, quod in sepultura depositum, ad uitam tanquam ad manubrium suum spiritu redeunte surrexit. Siue aliter, Heliseum typum habuisse domini saluatoris frequenter iam supra diximus: sed & in puero illo filio prophetae, cui securis de manu lapsa est, non incongrue Christus intelligitur: securis illa quae cecidit, Adam siue totum genus humanum significasse uidetur. Tenebat ergo filius prophetae securim in manu sua, ac dominus ac saluator noster humanum genus quod creauerat in manu potentiae suae. Sed quomodo securis illa de manu prophetae in profundum corruit, ita & genus humanum de manu omnipotentis dei per superbiam se excussit, ceciditque in fluuium luxuriae, uel omnium peccatorum gurgite se submersit. Securis ergo illa in profundo iacebat, quia genus humanum in omnium criminum abyssu infelici ruina corruerat, sicut scriptum est, Infixus sum in limo profundum. Iterum: Deueni in altitudinem maris, & tempestas demersit me. Fluius enim ille ubi securis cecidit, significat praeterfluentem & fugitiuum & descendentem in uoluptatem uel luxuriam, seculi huius cursum. Fluius enim à fluendo nomen accepit, & quia omnes peccatores transitoris uoluptatibus inhaerentes fluere dicuntur, ideo securis illa in fluminis limo iacebat oppressa. Veniens ergo Heliseus misit lignum, & natauit ferrum. Quid est lignum mittere & ferrum in lucem producere, nisi patibulum crucis ascendere, & de profundo inferni humanum genus eripere, & de omnium peccatorum limo per crucis mysterium liberare: Postquam uero natauit ferrum, misit manum propheta, & recepit illud, & reddidit ad utilem usum domini. Ita & de nobis factum est, qui de manu domini superbiendo cecideramus, per crucis lignum ad manum uel potestatem domini redimus. Item moraliter. Ferrum in manubrio, donum intelligitur in corde. Ligna uero per hoc cadere, est praeuagentes increpare, quod nonnunquam dum fluxe agitur, dum lapsus uanae gloriae in accepta eadem scientia non uitatur, ferrum in aqua perditur, quia ex dissoluto opere intelligentia fatuatur, quam profecto intelligentiam ad hoc nouimus dari, ut ante dantis oculos ex bona actione debeat restitui. Vnde & recte is qui ferrum amiserat, clamabat. Heu heu heu domine mi, & hoc ipsum mutuum acceperam. Habent enim hoc electi proprium, si quando in eis sua scientia furtiua uanae gloriae culpa subripitur, ad cor uelociter redeunt, & quicquid in se ante districti iudicis oculos damnable inueniunt, lachrymis insequuntur: qui flentes non solum caute inspiciunt, quae mala commiserunt, sed ex accepto munere quae reddere etiam bona debuerunt, quia nimirum tan-

to se amplius peccatores sentiunt, quanto ex neglectis bonis quæ agere poterant, debitores tenentur. Recte enim qui ferrum perdidit clamabat, heu heu, & hoc ipsum mutuum acceperam. Ac si dicat, Illud per dissolutionem negligentie perdidit, quod ut per bona opera redderem, ex gratia creditoris acceperam. Et nunquam deus mentem deserit, quæ in peccatis se ueraciter agnoscit. Vnde & mox Heliseus ueniens, lignum deorsum mittit, & ferrum in superficiem attulit: quia uidelicet redemptor noster, pie nos respiciens cor peccatoris humiliat, & ei quam amiserat intelligentiã reformat, lignum mergit & ferrum leuat, quia cor affligit, & scientiam reparat. Vnde bene in alia translatione dicitur, quod infregit lignum atq; iactauit, & sic ferrum sustulit, Lignum namq; confringere est cor ab elatione conterere; lignum ad ima iactare, eleuatum cor in cognitionem, ut diximus, propriæ imitationis humiliate: atq; ilico ferrum in superficiem redit, quia ad usum exercitationis pristinum intelligentiæ recurrit. Igitur quoniam donum intellectus quod accipitur, uix cum tot difficultatibus custoditur, curandum ualde est ne ocio torpeat, curandum ne incitationes operis uitio elationis euanescant. Sancti namq; uiri minime exultant, cum cognoscunt quæ faciunt, sed cum faciunt quæ cognouerunt: & si intelligendo largiores cõgaudent à munere largitoris, moerentes tamen considerant debitum operis, ut uidelicet actione persoluant, quod eis prorogatum est in cogitatione. Stultus namq; est debitor, qui gaudens pecunias mutuas accepit, & tempus quo reddere debet, non attendit. Moderatur autem læticia accipiendi, quando solerti prouidentia etiam constitutum tempus reddendi cogitatur. Rex Syriæ pugnabat contra Israel, consiliūq; inijt cum seruis suis dicens. In loco illo & illo ponamus insidias, & reliqua. Rex Syriæ Samariam obsidens, diaboli gestabat typum, qui ante aduentum saluatoris Iudæorum populum sua obsidione concluderat, cuius scicitiæ atq; occultæ insidiæ quas humano prætendebat generi, ueri Helisei, hoc est, domini saluatoris præscientia atq; uirtute frustratæ sunt. Exercitus regis Assyriorum, qui ad capiendum Heliseum ab ipso missus est, scribarum & pharisæorum habuerunt typum, qui instinctu diaboli ad persequendum deum instigati sunt, & per uirtutem eiusdem domini & saluatoris nostri iusto iudicio obsecati sunt, & rursum per misericordiam illius pane uerbi dei sunt pasti, & aqua scientiæ refecti. Merito mouet quomodo potuerunt Syri isti ire in Samariam, si talierant cecitate percussi, ut omnino nihil uideret. Hac Aorasia etiam illi percussi sunt, qui quærebant ostium Loth. Hoc enim modo sua calamitate turbati, amentes facti sunt, usq; dum irent in Samariam, & ulterius prophetam tali modo comprehendere non quæsierunt. Factum est autem posthac, congregauit Benadab rex Syriæ uniuersum exercitum suum, & ascendit & obsedit Samariam. Facta est autem fames magna in Samaria, & tamdiu obfessa est ciuitas donec uenundaretur caput asini LXXX argenteis, & quarta pars

canistri stercoreis columbarum quinque argenteis, & cætera) Fames Samariæ illata, inopiam significat uerbi dei, siue egestatem fidei, per quam diabolus ante aduentum saluatoris dei populum conducerat. Caput asini LXXX argenteis uenundatum, significat superbiam, quæ initium est omnis peccati. Per asinum enim quod immundum est animal, omnia uitia diaboli præfigurasse non dubium est, quorum, ut dictum est, caput est superbia. Hanc reprobis omnes neglecto decalogo legis atque ogdoada euangelij, in qua imago est dei, in cibum maluerunt sumere quàm panem uerbi dei. Quarta uero pars canistri stercoreis columbarum, quod quinque argenteis emptum, in cibum sumere dicitur: hoc figurasse uidetur, quod populus reprobis relicta cultura dei, atque u corporis sensibus subditus, per idolorum culturam & simulationem uelut quodam fœtore peccatorum pasti, diabolo satisfaciebant. Duæ mulieres quarum una famis inopia coacta, filium suum comedit, reprobam plebem ex Iudæis significasse non dubium est, quæ omne bonum quod in se originaliter habuit inopia fidei consueta consumpsit. Alia uero quæ in tale facinus consensum præbere renuit, electam plebem procul dubio figurauit. Quatuor ergo uiiri etiam leprosi iuxta introitum portæ, qui dixerunt ad inuicem. Quid hic esse uolumus donec moriamur, & reliqua) Quatuor leprosi qui extra ciuitatem positi futuram Israël defensionem pronuntiant, illos indicasse uidentur, qui ex populo Iudæorum immundiciam peccatorum suorum prius cæteris confessi sunt, & ad tantam peruenire meruerunt gratiam, ut uictum atque fugatum diabolum per uictoriam crucis Christi cæteris annuntiarent. Quinque equi qui in Samaria præ inopia famis tantummodo remansisse dicuntur, camalem Iudæorum populum sub quinque libris legis derelictum figurasse certum est. Dux ille qui futuram frumentis abundantiam per Heliseum uenturam audiens, credere noluit, scribarum atque pharisæorum gestauit figuram, qui fertilitatem in ecclesia diuinitus collatam uidit, & quia credere noluit, ab hac impietate sua mortuus, à fidelibus conculcatus est. Mulier Sunamitis quæ ob inopiam famis consulu Helisei de Iudæa ad terram Philistinum transiuit, primitiuam ecclesiam quæ per Apostolos ex circumcisione in Christo credidit, præsignauit. Quæ ecclesia ob infidelitatem Iudæorum atque inopiam uerbi dei quæ illos obtinuit, reuelante sibi diuino spiritu ad populum gentium transmigravit. Hæc enim in fine mundi, postquam plenitudo gentium introierit, ad priorem populum reuertens, prædicante Helia, electos ex eadem plebe quasi pristinam paternorum suorum possessionem in proprio iure recipiet, & tunc omnis Israël saluus fiet. Quod ait Ioiada pontifex sacerdotibus & leuitis in templo, proferens Ioas filium Azariæ, quem sex annis, quibus regnauit Athalia, clam nutriebat in templo: tertia pars uestrum introeat sabbato & obseruet excubitorum domus regis, tertia autem pars sit ad portam Seyr, & tertia pars ad portam quæ est post habitaculum scutationum, custodietis exarbitrium.

De Ioa uncto
in regem.
XXIII

bitum domus messa: duæ uero partes è uobis omnes egredientes sabbato, custodiant excubitem domus domini circum regem, & uallabitis eum, habentes arma in manibus uestris: & cætera quæ ibidem dicta uel facta commemorantur, melius intelliguntur, si de locis templi in quibus actum est, latius aliqua replicentur. Templum quidem ipsum, exceptis porticibus, quibus omni ex parte sibi adherentibus circumdabatur, habebat intra parietes: hæc est enim mensura prima, quam uerba dierum nominant: L X cubitos longitudinis, X X autem latitudinis: cuius omnis ambitus, atrio tribus cubitis alto erat circumdatus, habente introitum à parte orientis, cuius in libro Regum ita meminit scriptura. Et ædificauit atrium interius tribus ordinibus lapidum politorum, & uno ordine lignorum cedri: interius uidelicet hoc appellans atrium, eo quod alia circa hoc exteriora sint facta. Porro in uerbis dictum ita: Fecit etiam atrium sacerdotum, & basilicam grandem, & ostia in basilica quæ textit ære: atrium uidelicet sacerdotum hoc nominans, quia nimirum ad hoc erat factum, ut ab ingressu templi cæteros arceret, solisq; hoc sacerdotibus licere designaret. Erat autem hoc idem atrium ab australi, ab occidentali, & septentrionali parte, uicinius muro templi. Porro ad portam solis, unde & introitum per gradus habebat, in magnam se prolixitatem à templo protendebat: utpote quod in illa sui parte altare hoc locauisti, in illa luteris bis quinos, in quibus hostiæ lauarentur, in illa marci æneum, in quo intraturi ad ministerium sacerdotes lauarentur, in illa sacerdotum immolantium & psallentium habebat choros leuitarum. Circumdabatur hoc atrium undiq; uersum à longa æde permaxima in quadrum: cuius interior paries, id est, qui templum à quatuor mundi partibus respiciebat, inferius erat per totum in arcibus constructus, ulterior uero firma soliditate fundatus, & ianuas habens æreas, ut supra dictum memorauimus, & ostia in basilica quæ textit ære: quæ etiam porticibus communita, maximis & opportunis erat discreta coenaculis: & rursus extra hanc ædem in gyro altera simili schemate facta: sed & tertia nihilominus circa illam eodem ordine facta per gyrum, interiora omnia longe lateq; circuibat, in hoc tantum à prioribus distans ædibus, quod orientalis & septentrionalis eius paries ostia minime habebat, eq; quod uterque eorum ad muros pertineret ciuitatis. Hæc autem sunt atria, de quibus canitur in Psalmis. Qui stas in domo domini, in atrijs domus dei nostri. Et quoniam ipsa domus domini mediocri loco constructa erat, fiebat ut atria quanto exteriora fuerint, tanto altiores haberent parietes, utpote inferius fundamenta habentes, ac deò ut ultima CCCC in altitudine cubitos haberent, nec tamen æquandæ templi altitudini aliquantulum adpropinquarent, quorum omnium in libro Paralipomenon ita generalis fit mentio. Dedit autem David Salomoni filio suo descriptionem porticus, & templi & cellariorum, & coenaculi & cubitorum in altis, & domus propitiationis, nec non & omnia quæ cogita-

uerat atriorum & exedrarum per circuitum in thesauros domūs domini, & in thesauris sanctorum. Sed & Iosephi kriptura uel pictura ab antiquis formata, plenius quo sint hæc ordine facta distinguit. His uero ita compositis, in sancta sanctorum summi tantum sacerdotis erat semel in anno ingredi, cum sanguine hostiarum, in sanctuario ante oraculum sacerdotes tantum purificati introibant in atrio interiori sacerdotes omnes & leuitæ. circa hoc atrium sub diuo, uel si tempestas arcebat in ædibus circumpositis uiri Israelitæ ad adorandū siue audiendum uerbum dei conueniebant. In tertio ordine atriorum stabant ad orandum mulieres Israelitæ sub diuo, uel si tempestas non sinebat, proxima circumpositarum ædium tecta subibāt. Porro in ultimo ordine atriorum gentiles qui ad orandū forte cōuenerant, intrabant, ubi etiam post tempora dispersionis hī qui de gentibus nuper aduenerant Israelitæ, vñ diebus purificati, sic tandē in interiora sanctorū petebāt. Quæ autem intra atria uel in atrijs erant pauimenta, lapide uario sunt omnia strata. Ita uero ostia in ædibus contra inuicem posita erant, ut hī etiā qui in ultimis consistebant, templum possent intueri. Erant autem sortes xxiiii, & sacerdotum & leuitarum, & ianitorū, qui per totidem septimanas sibi ex ordine succederent, sabbato noua turma intrante ad officium, & post sabbatū ea quæ proxima septimana ministrauerat, domū redeunte. Sed hic pōtiffex proponit necessitatem augendi circa nouum regem exercitus, & eos qui intrandi septimanam habebant suscepit in ordinem, & illos qui iam suam septimanam ministrando impleuerant, ne abirent retinuit, qui alios quoscūque leuitas de cunctis urbibus Iuda simul & principes familiarum Israel, missis in hoc centurionibus Hierosolymam congregauerat, ut uerba dierum narrāt, quos educturus filium regis tali ratione distinxit, ut omnes qui impleuerūt sabbatū, & egressuri erant, in duas diuisi partes regem in interioribus atrij locis armati circumstarent: reliqua uero multitudo, id est, qui non erant de stirpe leui, exteriores atriorum ianuas contra furorem reginæ, si quid forte aduersi moliretur, custodirent. Porro hī qui nuper ad sabbatum uenerant sacerdotes & leuitæ & ianitores, in tres diuisi partes, domum regis, id est, palatium obseruarent: ne uel hoc regina collecto exercitu contra regem defenderet, seruarent & portam habitaculi scutariorum, per quam de templo ad palatium descendeatur, sicut infra dicitur. Duxeruntq; regem de domo domini, & uenerunt per uiam portæ scutariorū in palatium, & sedit super thronum regum, ubi etiam porta Syref, & domus Messa, quæ cum porta scutariorum nōminantur, esse uidentur. Scutarios autem tutores regis appellat, testante libro Paralipomenon, qui cum Roboam scuta ætea pro auris fascisse commemorasset adiecit. Et tradidit illa principibus scutariorum, qui custodiebant uestibulum palatij. In quo uidelicet libro, distinctius hæc cuncta replicantur. Tertia pars uestri qui ueniunt ad sabbatū sacerdotū & leuitarum & ianitorū, erit in portis: tertia uero pars ad domū regis, & tertia in porta quæ

taque appellatur fundamenti. omne uero reliquum uulgis sit in atrijs domus domini, ne quisq; alius ingrediatur domum domini, nisi sacerdotes, & qui ministrant de leuitis ipsi tantummodo ingrediantur, quia sanctificati sunt, & omne reliquum uulgis obseruet custodias domini. Leuita autem circumdant regem, habentes singuli arma sua, & cetera) Quod sequitur de eodem, produxitq; filium regis, & posuit super eum diadema, & testimonium in diademate insigne capitis regiu: in testimonio designat decreta legis dei, quibus quid agere rex debeat, qualiter uiuere precipitur. Deniq; in libro uerborum dierum apertius: Et imposuerunt, inquit, ei diadema, dederuntq; in manu eius tenendam legem, & magnæ utiq; erat salutarisq; prudentiæ, ut per tyrannicæ impietis reginæ necem succedente in regnum filio regis legitimi, cum ipso regni habitu simul disciplina legis dei seruanda comitetur: & qui se prælatum regendo uideret, ipse se regendum diuinis legibus subdubere meminisset. Quod instaurante templum domini tempore præfati regis Ioas dicitur: & non fiebat ratio his hominibus, qui accipiebant pecuniã, ut distribuere eam artificibus, sed in fide tractabant eam, deuotione ostendite eorum, de quibus sermo est, qui tantum studij in religione habuerint, ut nullus dubitauerit, quin pecuniam domini sine alicuius fraudis suspicionem tractarent, & hanc de ærario sublatam fideliter artificibus ad muniendam domum, prout singulis opus esset offerrent. Posthac mortuus est, inquit, Heliseus, & sepelire eum. Latrunculi uero de Moab uenerunt in terram ipso uidelicet anno. Quidam autem sepelientes hominem, uiderunt latrunculos, & proiecerunt cadauer in sepulchro Helisei: quod ambulauit cum tetigit ossa Helisei, continuoq; reuixit homo, & stetit super pedes suos) Latrunculi enim Moab figuraliter dæmones intelligendi sunt, qui ad incestum, & omne opus execrabile uiciorum stimulis perurgent infeliciam mentes. Qui uero mortuum sepeliebant, hii accipiendi sunt, qui ut Apostolus Iacobus ait, impios & peccatores ab errore uitæ suæ assidua exhortatione conuertunt ad tramitem pietatis & castitatis, animas eorum saluantes à perpetua morte, cooperiunt multitudinem peccatorum. Siue aliter. Sepelientes mortuum ac latrunculos fugientes illi merito appellandi sunt, qui pie uiuere uolentes in Christo, fugiunt ac declinant uicia uniuersa atque peccata, quia mortem uidelicet operantur: corporaq; in fontem proijciunt baptismi, in quo secundum Apostolum credentes sepeliuntur cum Christo, ut per communionem corporis & sanguinis eius deinceps possint uiuere cum Christo. Quod dicitur de Amasia rege Iuda, ipse percussit Edom in ualle Salinaru x milia, & apprehendit Petram in prælio, uocauitq; nomen eius Iethel. Vallis Salinaru erat, ubi sales faciebant: uel sceno uidelicet salis feruifacis, ut multis in locis deciso, exsiccato & incenso: uel aquis purcoru salis feruifacis, ut usq; ad salis firmitate coquendo productis, uel alio quolibet ordine, quo sal fieri consuevit: in quo etiã loco Ioab xii milia Idumeoru percussisse legitur.

De Amasia re
ge. XXXIII

Nec prætereundum quod pro ualle Salinarum uetus æditio quasi nomen regionis Gemela posuit. Petra autem ciuitas est Arabiæ nobilis in eadem terra Edom, quæ in libro Numerorum Recem dicitur, & à Syris hodieq; sic appellatur. Iecethel uero quod Amasias uictor ei nomen imposuit, interpretatur cætus dei, uel auxilium dei, agente eo fideliter, ut perenni inderetur memoriæ, quod hanc uel cætus populi dei, uel deo auxiliante cepit.

De Ieroboam
rege. XXV

De colonis in
Samariam ab
Assyrijs.
XXVI

Quod dicitur de Ieroboam rege Israel, ipse restituit terminos Israel, ab introitu Emath usque ad mare solitudinis, Emath quæ nunc Epiphania dicitur, septentrionalis erat terminus Israel. Mare autem solitudinis quod Hebraice dicitur Araba, mare mortuum designat, quod in longitudine per stadia DLXXX usque ad Zoaras Arabiæ, in latitudine per MCL usque ad uicinia Sodomorum pertenditur. Quod dicitur de his quæ in Samariam à rege Assyriorum adductæ sunt nationibus, & unaquæq; gens fabricata est deum suum, posueruntq; eos in sanis excelsis, quæ fecerunt Samaritana gens, & gens in urbibus suis, in quibus habitabant. Viri enim Babylonij fecerunt Sochor Benoth: uiri autem Chuteni fecerunt Nergel, & uiri de Emetha fecerunt Asima, porro Euei fecerunt Nebaaz & Thartha. In libro quidem locorum legitur, quod Benoth & Nergel fuerunt ciuitates quas construxerunt in regione Iudææ Samaritani, qui de Babylonia transferant. Asima quoque oppidum, quod ædificauerunt qui ad eam uenerant de Emath. Nebaaz etiam & Thartha ciuitates quas Euei in eadem Iudææ terra condiderunt. Videtur autem iuxta consequentiam sermonis, etiam idolorum, quibus hæc gentes prius in terra sua seruiuerunt, hic posse intelligi uocabula: quia cum dictum esset, & unaquæq; gens fabricata est deum suum, quasi ad expletionem sententiæ subiunctum est. Viri enim Babylonij fecerunt Sochor, id est tabernacula Benoth, & melius, ni fallor, faceret interpretes, si Sochor latine in tabernacula uerteret, & nomen idoli Benoth absolute poneret, & sicut in sequentibus manifeste dicitur: hi autem qui erant de Sepharuaim, comburebant filios suos igni Adremelech & Anamelech dijs Sepharuaim, ubi ostenditur Adremelech & Anamelech idola fuisse urbis Sepharuaim: ita uidetur consequens, ut etiam Nergel Chuthenorum, Asima Emethanorum, Nebaas & Thartha idola fuerint Eueorum. Anno XIII regis Ezechiae ascendit Sennacherib rex Assyriorum super omnes ciuitates Iudææ munitas, & cepit eas &c.) Historia manifesta est, & interpretatione non indiget. In uerbis autem Rapfacis arrogantia consideranda est, quæ uelut contraria quedam fortitudo imitatur consuetudinem prophetarum: ut quod illi solè in prologis ponere, hæc dicit dominus, quo autoritatè & magnitudinem loquentis ostendat, iste nunc dixerit, hæc dicit rex magnus rex Assyriorum. Consideremus uerba Rapfacis, ac primū quod dicit: confidis super baculū arundineum contractum istum, super Aegyptum, falsum est. Nulla enim narrat historia, quod Ezechias ad Aegyptios miserit, & Pharaonis auxiliū postu-

De Sennache
rib. XXVII

postularit. Quodq; inferit, si responderis mihi, in domino deo nostro confidimus, uerum est: sed rursus iungit mendacium ueritati, quod abstulerit Ezechias excelsa illius & altaria: hoc enim non contra dominum, sed pro domino fecerat, ut idololatria & ueteri errore destructo, iubetet dominum adorare in Hierusalem, ubi erat templum eius. Quodq; paucitatem obfessorum uolens ostendere, equos duo milia pollicetur, quorum Ezechias ascensores præbere non posset, non de imbecillitate uenit Iudæorum, qui equitandi carebant scientia: sed de obseruatione mandatorum dei, qui per Moysen super regem præceperat Israel, Non multiplicabit sibi equos, & uxores plurimas non habebit. Ad id autem quod dixerat, si responderis mihi in domino deo confidimus, callide prudenterq; respondit, se non sua uoluntate, sed domini uenisse præceptis. Et dixit Eliachim & ceteri ad Rapsacen. Loquere ad seruos tuos Syra lingua, si quid intelligimus & cetera. Accusatio Rapsacis Ezechiae testimonium est, quod captis cunctis urbibus Iudææ, in domino deo confisus sit, dixeritq; ad populū. Nolite timere, nec pauceatis regem Assyriorum, & uniuersam multitudinem quæ est cum eo. Multo enim plures nobiscum sunt quàm cum illo. Cum illo est brachium carneum, nobiscum dominus deus noster, qui auxiliator est nostri, pugnatq; pro nobis. Et cōfortatus est, inquit, populus huiusmodi uerbis Ezechiae. Vnde Rapsaces destruere uult quod ille construxerat, & loquitur ad populum: Non seducat uos Ezechias, & non uobis tribuat fiduciam super domino deo. Rursusq; adiiciens comminationem & terrorem: ut comedant, inquit, stercora sua, & bibant urinam pedum suorum uobiscum: per quæ ostēdit fame eos & penuria sitiq; esse capiendos: simulq; illecebram iungit formidini, ut quos terrore non uicerat, repromissionibus & persuasione decipiat dicens. Facite mecum quod est utile. Ergo sensus est. Facite, inquit, quod uobis prodest, & in benedictionem uestram proficiat. Siue hoc dicit: Benedicite regi Assyriorum, & laudate eum ut dominum, confitemini, ut præmia consequamini. Et donec reuertat de Aegypto, siue capta Lomna redeam, habitate in urbe uestra, & rebus uestris fruimini, postea autem ueniam & transferam uos in terram quæ similis est terræ uestræ: Quidam putant terram eis Mediæ repromitti, quæ habebat terræ Iudææ similitudinem, tam in situ, quàm in frugibus. Quodque inferit, ubi est deus Emath & Arfath & Sepharuaim, nunquid liberauerunt Samaritanos de manu mea, ostendit omnium ciuitatum siue gentium dijs seruisse Samaritanos: & quia non erant dii, sed idola, merito cultores uanitatis, ut decebat esse submersos ostendit. Est autem urbs Coelesyriæ, quæ nunc Epiphania dicitur, iuxta Emesam, ut supra monuimus. Arphat urbs Damasci, quam expugnatam à rege Assyriorum etiam Hieremias scribit. Sepharuaim quod numero plurali libros uel literas sonat, nomen est locorum, de quibus Assyrii transmigrantes habitauerunt in Samaria, ut in locorū libris inuenimus.

Verum

Verum in Eſaia hoc quoq; uocabulum eſſe ciuitatis apparet, ubi apertè dicitur, Vbi eſt deus nr̄bis Sefarſaim. Tametſi pluraliter dictum, ut Thebarū, Athenarum. Pro Ana & Aua, uetus editio quaſi unius urbis nomē Ana & Aua poſuit, & quidē in Hebræo ita ſcriptum eſt. Verum quia ſyllaba u, quæ in medio nominis poſita eſt, coniunctionē apud eos ſignificat, poteſt etiā ita diſtingui ut dicatur Ante & Gaue, ut Aquila trāſtulit, ſive Ana & Anua ut noſter uertit interpres. Tacuitq; omnis populus, & nō reſpōdit ei quicquā. Siquidē præceptū regis acceperant, ut non reſponderent) Vere iuſtus Ezechias agebat cuncta fideliter, uniuerſa cum conſilio. Ideo enim iuſſerat blaſphemanti Aſſyrio non reſpōdere, ne eum ad maiores blaſphemias pro uocaret. Et ingreſſus eſt Eliachim & cæteri cū eo ad Ezechia ſciſſis ueſtibus, Perſpicua relinquentes, ea tantū in quibus latens ſenſus eſt diſſeramus. Scindit ueſtes, quia Rapſacen audierant blaſphemantē. Scindit & ipſe rex ueſtimenta ſua, quia peccatorum ſuorū & populi eſſe credebat, quod Rapſaces uſq; ad portas Hieruſalē uenerit, & cōtra dominū talia ſit locutus, Pro regio ergo cultu obuolutus eſt ſacco, & de palatio ad templū gradiens, Eliachim pontificē, & Sobnam ſcribā, & ſeniores de ſacerdotibus, miſit ad Eſaiā filiū Amos prophetā. In quo regis conſideranda eſt humilitas, atq; prudentia, Ipſe pergit ad templū, principes populi & ſenes ſacerdotum non ſtolis ſacerdotalibus, ſed ciliq; coopertos, mittit ad Eſaiā prophetā filiū Amos. Dixerunt, inquit, ad eū. Hæc dicit Ezechias. Dies tribulationis & corruptionis, & blaſphemie, dies hæc tribulationis noſtræ, corruptionis dei, blaſphemie hoſtiū. Ponitq; ſimilitudinē parturientis mulieris & dolentis, quod uenerūt filij uſq; ad partū, & uires nō habent parturientes. Hæc iuxta literā peccatis facientibus uidemus, quia cū hoſtes irruūt deſenſores noſtri præparātur, ſed nullatenus ad præparata cōualeſcunt. Scriptū namq; eſt, Requieſcet ſuper eum ſpūs cōſilij & fortitudinis. Quæ utraq; neceſſario ſibi iuncta ſunt, quia neq; uirtus ſine cōſilio eſſe utilis ualet, neq; cōſilium ſine uirtute. Quid igitur profunt qui per cōſiliū præparant, dum ad præliū per fortitudinē nō procedunt? Afflictus igitur atq; turbatus Ezechias rex loquit̄ dicens, Dies tribulationis & blaſphemie dies iſte, uenerūt filij uſq; ad partū, & uires nō habet parturiens. Filij quippe uſq; ad partū ueniunt, quādo apta cōſilia uſq; ad deſiderium efficiendi operis procedunt: ſed uirtutē nō habet parturiēs, dū infirmus quiq; cōſilia hæc ad utilitatē aliquā per partū operis nō pducit. Sequitur. Si forte audiat dñs deus tuus uniuerſa uerba Rapſacis, quē miſit rex Aſſyriorū dñs ſuus) Non enim audem⁹ dñm omniū, noſtrū dominum dicere, quo irſcente tanta patimur: ſed tuū dicimus dominū, & hanc habemus ultionis fiduciam, quoniā uiuens deus blaſphematur à cultore idolorū mortuorum. Cumq; ueniſſent ſerui regis Ezechie ad Eſaiā, præuenit eos Eſaias, & iam abſentem regem audierat, & dicit quid reſpōdere deberent domino ſuo, humilitate mixta fiducia conſcientiæ. Dicite, inquit, domino iſtroc, qui ue

qui uester est dominus, meus enim hæc dicit dominus. Noli timere uerba, quibus non tu sed ego sum blasphematus. Ecce ego mittam ei spiritum, & audiet nuntium, & reuertetur in terram suam, & desiciam eum gladio in terra sua) Vt duo pariter Ezechias quæ optabat audiret, se de obsidione & periculo liberandum, & inimicum iratumq; regem in sua terra esse moriturum. Reuersus autem Rapsaces, inuenit regem Assyriorum expugnantem Lobnam, & cætera. Pugnaſſe autem Sennacherib regem Assyriorum contra Aegyptios, & obsediſſe Pelusium, iamq; extructis aggeribus urbe capienda, ueniſſe Thracam regem Aethiopum in auxilium, & una nocte iuxta Hierusalem CLXXXV milia exercitus Assyrij pestilentia corruisse narrat Herodotus, & plenissime Verolus Chaldaicę scriptor historiae. Itaq; cum accepisset Ezechias literas de manu nuntiorum, & legisset eas, ascendit in domum domini, & expandit eas coram domino, & cætera.) Contra Sennacherib regis blasphemias solita Ezechias arma arripuit, sursumq; ppgit ad templum, & epistolas expandit coram domino, audacter dominum deprecatus, & solum deum asserit esse uiuentem, per quem idola intelligimus imaginem mortuorum. Misit autem Eſaias ad Ezechiam dicens. Hæc dicit dominus deus Israel. Quæ deprecatus es me super Sennacherib rege Assyriorum, audiui. Iste est sermo quem locutus est dominus de eo. Spreuit te & subſannauit uirgo filia Sion, post tergum tuum caput mouit filia Hierusalem.) Quia tam audacter Ezechias dominum deprecatus est, nec misit ad Eſaiam, ut prius miserat, non ipse propheta pergit ad eum, sed mittit nuntios qui ei dicerent uerbum dei. Supra Sennacherib contra quem rogas, domini ista sententia est. Virgo filia Sion & filia Hierusalem, quæ ideo uirgo appellatur & filia, quia cunctis gentibus simulachra adorantibus, hæc sola conseruat castitatem religionis dei, & unius diuinitatis cultum. Subſannauit te atq; despexit, & quæ ne ad maiores te blasphemias concitaret, præſenti nõ respondebat, post te abeunte mouebit caput suum, certa de ultione, ſecura de pœna. & hæc locutus est. Non contra me, sed contra dominum superbiſti, nec ipse per te, sed per seruos tuos, ut maior eſſet arrogantia blasphemantis. Dixiſti enim quod in quadrigarum tuarum multitudine aſcenderis altitudinem montium, & iuga Libani succideris, cedros atque abietes illius: quæ uel de cunctis gentibus metaphorice principibusq; earum debemus accipere: uel Hierusalem quæ interpretatur Libanus, ut cedros eius atque abietes ad potentes quoque & opimates, altitudinem uero ſummitatis illius, ſaltumq; Carmeli referamus ad templum. Quodq; inſert, ego fodi & bibi aquã, & exſiccaui uestigia pedis mei omnes riuos aggerum: hoc intelligi poteſt iuxta hiftoriam, quod pro multitudine exercitus omnia fluenta ſiccauerit, ut puteos ſibi fodere ſit compulſus: iuxta translationem, quod omnes populos qui ſub aquarum nomine interdũ ſcribuntur, ſuo uafaret exercitu. Nunquid non audiſti quæ olim ſecerim ex diebus antiquis? Ego plaſmaui

plasmaui illud, & nunc adduxi. Eruntq; in columnam collium p̄gnantem ciuitates munitæ, & qui sedent in eis humiles manu contremuerunt, & confusi sunt. Facti sunt quasi secum agri, & uirens herba tectorum: quæ arefacta est antequam ueniret ad maturitatem. Habitaculum & egressum tuum, & uiam tuam ego præciui, & furorem tuum contra me, Insanisti in me, & superbia tua ascendit in aures meas. Hæc ex persona domini cōtra uerba Assyrj sentienda sunt, quod ad blasphemiam eius sic responderit dominus. Num ignoras quod hæc quæ fecisti mea feceris uoluntate, & ego hæc futura prædixerim ac per te faciēda mandauerim. Itaque quod olim decreueram hoc expletum est tempore, ut colles, id est, principes qui inter se pugnabant, & ciuitates munitissimæ me contrahente manum meam, nec solum præbente auxilium eradicarentur, & contremiscerent ac perirent, & cōpararentur non oliuæ & uineæ fructuosisq; arboribus, sed sceno & graminī herbisq; domum quæ frugibus impedimenta sunt, & ante marcescunt quàm ad maturitatem perueniant. Itaq; sessionem & egressum & introitum tuū ante cognoui, & insaniam qua contra me debachaturus eras, prophetis uaticinantibus sum locutus, per quos olim dicturum esse te noueram, in cœlum ascendam super sidera cœli ponam thronum meum, eroq; similis altissimo. Itaq; furor tuus & superbia tua peruenit in aures meas, & nequaquā te ultra portabo, ut intelligas quod potuisti, non tuis te potuisse uiribus, sed meo arbitrio. Merbantur enim impiæ gentes & infructuosæ arbores, ut per te quasi securim & ferram meam succiderentur & caderent. Ponam itaque circulum in naribus tuis, & chamum in labijs tuis, ut blasphemantium ora constringam, & nequaquā ultra talia loqui audeas, frenumq; inijciam labijs tuis, quod tuam ferocitatem domet, & te reducat in Assyrios. Tibi autem Ezechia hoc erit signum, Comede hoc anno quæ repereris, & in anno secundo quæ sponte nascuntur, porro in anno tertio seminate & metite, plantate uineas, & comedite fructum earum. Omnia hæc propheta per nuntios ad Ezechiam loquitur, quid Sennacherib dixerit, quid ei dominus responderit: non ad ipsum sermonem facit, ne forsitan dubitet futura quæ dicta sunt. & idcirco uel maxime propheta apud populum sermonum suorum habebant fidē, quia nō solum de his quæ multa post secula futura erant, sed etiam quæ in continētī & post non grandis temporis spatiū essent implenda memorabāt, & quod intra biennium & rex Assyriorum interiret, & urbi Hierusalem securitas redderetur. Hoc erit signum eorum quæ futura pronuntio, quod hoc anno ea comedas quæ repereris, anno autem secundo quæ sponte nascūtur, in anno autē tertio fugato iam Assyrio & obsidione laxata, seminate & metite, plantate uineas & comedite fructus earum: siquidē urbis huius reliquæ quæ nūc hostili uallantur exercitu, & euasuras esse non credūt, tantā recipient rerum omnium abundantia ac felicitatē, ut instar arboris alta radice fundatæ pomis densissimis impleantur. Et quodcumq; reliquum fuerit de domo Iuda,

mittet

mitteret radicem deorsum & faciet fructum sursum. Quid hoc loco radicem nomine nisi latentes cogitationes accipimus, quæ in occulto prodeunt, sed in ostentatione operis per apertum surgunt. Radicem ergo deorsum mittere, est efficaciam operis recta quæ cogitauit ostendere. Mittit ergo radicem deorsum ut faciat fructum sursum, ac si aperte diceretur: in imis cogitatio nascitur, ut in summis retributio reddatur. De Hierusalem etenim & de monte Sion egredientur reliquiae, & implebunt terram Iudæam, non suo merito, sed dei misericordia, imò zelo quod aduersus impios zelatus est populum suum. Quod autem ad extremum infert, propter me & propter Dauid seruum meum, illud significat, quod non merito suo sed dei clementia conseruentur, imò patris eorum Dauid memoria, in quo admonentur & suæ negligentiae & illius fidei atque iustitiae, quod in tantum iusticiam diligat deus, ut etiam posteros hominum sanctorum, non suo merito sed maiorum uirtute tueatur. Factum est igitur in nocte illa, uenit angelus domini & percussit castra Assyriorum (CLXXXV milia.) De hoc quoque in Paralipomenon legitur, Et misit dominus angelum qui percussit omnem uirum robustum & bellatorem & principem exercitus regis Assyriorum, reuersusque est cum ignominia in terram suam, CLXXXV milia fortissimorum uirorum ab uno angelo una nocte ceduntur, & absque uulneribus occisorum mors saeva discurret, excludens à corporibus animas domini uoluntate: & ipse tex Assyriorum idcirco seruatus est, ut sciret potentiam dei & blasphemantia ora comprimeret, fieretque testis illius maiestatis quem paulo ante contempserat. De talibus autem rebus agit multa omnipotens deus per angelos, non ut ipse ab eis discat, sed ut ab illo ipsi per uerbum eius agant aut nuncient sine corporali sono etiam quod uoluerit, ab eo missi ad quos uoluerit, totum ab illo per uerbum illud eius audientes, id est, in eius ueritate inuenientes, quid sibi faciendum, quid quibus quando nunciandum sit. Sed tamen non ex angelis homines, sed ex seipso sicut angelos ita homines beatificat: nec aliqua ex aliquo tempore, aut ab angelis, aut ab hominibus cognouit ut nosset, sed futura omnia temporalia, atque in eis etiam quid & quando ab illo petiuri fueramus, & quos & de quibus rebus uel exauditurus, uel non exauditurus esset sine initio ante presciuit. Vniuersas autem creaturas suas & spirituales & corporales non quia sunt ideo nouit, sed ideo sunt quia nouit. Cumque diluculo surrexisset, uidit omnia corpora mortuorum & frendens abiit, & reuersus est Sennacherib rex Assyriorum & mansit in Ninive. Cumque adoraret in templo Nefrach deum suum, Adramelech & Sarasar filii eius percusserunt eum gladio, fugieruntque in terram Armeniorum, & regnauit pro eo Aforathan filius eius.) Cum enim rex iste reuersus esset Niniuem urbem sedem regni sui, & adoraret in templo Nefrach deum suum, quasi uictoriam de hostibus reportaret, & delubrum idoli sui triumphator gratulabundus ingrederetur, contemptor ueti dei in fano falsi numinis trucidat, nec angeli perijt gladio quod

erat cōmune cum pluribus, sed parricidio filiorū qui fugerunt in terram Ararath, in qua scriptura Aforathan filium eius qui regnavit pro eo testatur misisse habitatores Samariæ ne terra remaneret inculta. Ararath autem regio Armeniorū campestris, per quā Ataxis fluvius fluit, incredibilis est ubertatis, ad radices Tauri montis, quæ usque illuc extenditur. Ergo & arca in qua liberatus est Noe cum liberis suis, cessante diluvio nō ad montes generaliter Armeniæ delata est, quæ appellat Ararath, sed ad montes Tauri altissimos, qui Ararath imminet campis. In diebus illis ægrotavit Ezechias usque ad mortem, & venit ad eum Isaias filius Amos propheta, dixitque ei: Hæc dicit dominus, Dispone domui tuæ, morieris enim tu & non uiues.) Quem diligit dominus corripit, castigat omnem filium quem recipit. Ne eleuaretur cor Ezechiae post incredibiles triumphos, & uictoriam de media captiuitate, infirmitate corporis uisitatur, & audit se esse moriturum, ut conuersus ad dominū fleat sententiam eius. sed nulla quæ in hoc mundo hominibus eueniunt, absque omnipotentis dei occulto consilio sunt: nam cuncta deus futura præsciens, ante secula decreuit qualiter per secula disponantur. Statutum quippe iam hominī est uel quantum hunc mundi prosperitas sequatur, uel quantum unumquemque aduersitas feriat, ne electos eius aut immoderata prosperitas eleuet, aut nimia aduersitas grauet. Statutum quoque est in æterna ueritate quantum in ista uita mortali unusquisque temporaliter uiuat, quia & si annos XV Ezechiae regi ad uitam addidit, omnipotens tamen deus, cum eum mori permisit, tunc eum præsciuit esse moriturū. Qua in re quæstio oritur, quo modo ei per prophetam dicatur: Dispone domui tuæ quia morieris tu & non uiues, cui mortis sententia dicta est, sed protinus ad eius lachrymas est addita uita. Sed per prophetam dominus dixit quo tempore mori ipse debebat, per largitatem uero misericordiae illo eum tempore à morte distulit, quo ante secula ipse præsciuit. Nec propheta igitur fallax, quia tempus mortis innotuit, quo uir ille mori merebatur: nec dominica instituta conuulsa sunt, quia ut largitate dei anni uitæ crederent, hoc quoque ante secula præfixum fuit, atque spacium uitæ quod inopinate foris est additum, sine augmento præscientiæ fuit intus statutum. Conuertitque Ezechias faciem suam ad parietem.) Quia ad templum ire non poterat, ad parietem templi iuxta quod Salomon palatium extruxerat: uel absolute ad parietem ne lachrymas suas assidentibus sibi ostentare uideretur. Et ait, Obsecro domine memento quaeso quomodo ambulauerim coram te in ueritate & in corde perfecto, & quod placitum est coram te fecerim.) Perfectionē cordis nunc in eo dicit quod idola destruxerit, templi ualuas aperuerit, serpentem æneum cōminuerit, & cætera fecerit, quæ scriptura libri Regum & Paralipomenon cōmemorat. Fleuitque fletu magno.) Propter promissionem domini ad Dauid, quam uidebat in sua morte perituram. Eo enim tempore Ezechias filios non habebat, post tertium enim annum concessa uitæ, Manassen genuit. Ergo iste omnis est fletus, quia desperauerat

De XV annis
ægroto Ezechias
additis
XXVIII

ſperauerat Chriſtum de ſuo ſemine naſciturum. Plerumque enim iuſti aliquibus neceſſitatibus afflicti ſua opera coguntur fateri, ſed cum eorum dicta iniuſti audiunt hæc per elationem potius quàm per ueritatē exiſtimant prolata: ex ſuis enim cordibus uerba iuſtorum penſant, & dici humiliter poſſe uera bona non exiſtimant. Sicut enim grauis culpa eſt ſibi hoc hominē arrogare quod non eſt, ſic plerumq; culpa nulla eſt, ſi humiliter bonum dicat quod eſt. Vnde ſæpe contingit ut iuſti & iniuſti habeant uerba ſimilia, ſed tamen cor ſemper longe diſſimile: & ex quibus dictis dominus ab iniuſtis offenditur, in eiſdem quoque à iuſtis placatur. Nam phariſæus ingreſſus templum dicebar, Ieiuno bis in ſabbato, decimas dō omnium quæ poſſideo, ſed iuſtificatus magis publicanus quàm ille exiit. Ezechias quoq; rex cum moleſtia corporis afflictuſ ad extremitatem ueniſſet, in oratione compunctuſ dixit: Obſecro domine memento quomodo ambulauerim coram te in ueritate, & corde perfectō. Nec tamen dominus hanc confeſſionem perfectionis eiꝯ deſpexit, aut tenuit, quem mox in ſuis precibus exaudiuit. Ecce phariſæus ſe iuſtificauit in opere, Ezechias iuſtum ſe aſſeruit etiam in cogitatione, atq; unde ille offendit, inde iſte domino placuit. Cur itaque hoc niſi quia omnipotens deus ſingulorū uerba ac cogitationes penſat, & in eiꝯ auribus ſuperba non ſunt, quæ humili corde proferuntur. Et factū eſt uerbū domini ad Eſaiam dicens: Reuertere & dic Ezechia: duci populi mei. Audiui orationē tuam, uidi lachrymas tuas. Ecce ego ſanaui te, die tertio aſcendeſ templum domini.) Vocatur quoq; Ezechias dux populi & filiuſ Dauid, cuiꝯ opera ſectabatur. Fecerat enim rectum iuxta omnia quæ fecit Dauid pater eiꝯ, & auditur eiꝯ oratio: uidenturq; lachrymæ quomodo ambulauerat coram domino in ueritate & corde perfectō, & fleuerat ſletu magno, & quod placitū eſt in oculis eiꝯ fecerat. Et addam diebus tuiſ xv annos, ſed & de manu regis Aſſyriorum liberabo te & ciuitatem hanc, protegam urbem iſtam propter me & propter Dauid ſeruum meum.) Secundum quaſdam cauſas futurorū morturuſ erat Ezechiaſ, cui deus addidit xv annos ad uitam, id utique faciendū quod ante conſtitutionem mundi ſe facturū eſſe præſciebat, & in ſua uoluntate ſeruabat. Non ergo id fecit quod futurum non erat, hoc enim magis erat futurum quod ſe facturū eſſe præſciebat: tamen illi anni additi non recte dicerentur, niſi ad aliquid adderentur, quod ſe aliter in alijs cauſis habuerat. Secundum aliquas igitur cauſas inferiores iam uitam finierrat: ſecundum illas autem quæ ſunt in uoluntate & præſcientia dei, qui ex æternitate nouerat quid illo tempore facturū erat, & hoc uere futurum erat, tunc erat finituruſ uitam quando finiuit uitam: quia & ſi oranti conceſſum eſt, etiam ſic cum oraturum uerali orationi concedi oporteret ille utique præſciebat cuiꝯ præſcientia falli non poterat, & ideo quod præſciebat, neceſſario futurum erat. xv anni Ezechiaſ regi miſerante deo protelati ad uitam ſunt ei, myſtice ſignificantes, quia quicunq; utriuſq; teſtamenti plenitudinem cuſtodiuunt, æternæ

salutis præmium consequuntur, ac per legis consummationē & Euāgelij plenitudinem ad uitæ æternæ transeunt beatitudinem. Dixitq; Esaias: Afferte mihi massam ficorum: Quam cum attulissent & posuissent super ulcus eius sanatum est.) Ac per hoc non spernendam esse medicinam quæ usu constet & experimento, quia & hanc fecerit deus. Post hæc ait Esaias: Hoc erit signum à domino, quod facturus sit dominus sermonem quem locutus est. Vis ut ascendat umbra decem lineis, an reuertatur totidem gradibus? Et ait Ezechias: Facile est umbram crescere decem lineis, nec hoc uolo ut fiat, sed ut reuertatur retrorsum decem gradibus. Inuocauit itaque Esaias propheta dominum, & reduxit umbram per lineam quibus iam descenderat in horologio Achaz decem gradibus.) Idem nomen graduum quod & linearum significat, id est, distinctionem horarum, quas duodecim per diem in horologio notare solemus. Ita erant extructi gradus arte mechanica, ut per singulos umbra descendens, horarum spacia terminaret. Erat autem hora diei decima, quando hæc regi loquebatur. Vis ergo, inquit, ut ascendat umbra decem lineis procedente sole super terram per Boreales plagas usque ad orientem, quod subtus terram cotidiana consuetudine cursus sui erat facturus: an ut reuertatur umbra totidem gradibus conuersa retrorsum, sole ipso quoque per Australem plagam ad orientem regresso. At rex facile est, inquit, umbram crescere decem lineis, nec hoc uolo ut fiat, sed ut reuertatur retrorsum decem gradibus. Vidit nanque quia maioris miraculi esse poterat, si sol contrarium suo mori cursum ageret, q̃ si consueto processu incedens, tametsi multo altius, id est, supra terras elatus ad orientem, quasi secundi diei mane nulla interueniente nocte facturus aduolaret. Nam & hoc qui in insula Thyle, quæ ultra Britanniam est, in ultimis Scytharum finibus degunt, omni æstate diebus aliquot fieri uident: quia sol cætero orbi in occasu & sub terra positus, nihilominus tota nocte supra terram appareat, & quomodo aperte occidens ad orientem humilis redeat manifeste uideatur, donec tempore opportuno denuo toto orbi cōmuni exortu reddatur: sicut & ueterum historiæ & nostri homines æui, qui illis de partibus adueniunt abundantissime produnt. Nunquam autem hi qui interiora Austri incolunt, uidere solem per meridianas plagas queunt ad orientem ab occasu redire. Vt manifestiorem enim sensum legentibus faceret, quod signum & præsentis temporis & futuri typus erat, ut quomodo sol reuertebatur ad exordium sui, ita & Ezechie uita addita annos redderet, nobis quoque in hebdomade & ogdoade uiuentibus, per resurrectionem Christi uitæ spacia protelerentur. Vel certe decem gradus in descensu solis, temporum ordines sunt per quos umbra figuratum Christi descenderat, & per quos iterum sol iustitiæ Christus per resurrectionem ascendit. Primus itaque gradus descensionis in angelis fuit in quo antiquis patribus apparere dignatus est, quia magni consilij nuncius erat. Deniq; & ad Iacob sic loquitur: Et dixit, inquit, angelis dei, Ego sum deus cui unxisti titulum & nouisti

uouisti uotum, ut & angelum & deum ostenderet. Secundus gradus descensionis in patriarchis fuit, quia in omnibus, ut apostolus ait, ipse est operatus. Tercius in legis datione, quia & in lege ipse locutus est. Quartus gradus in Iesu Naue, qui populum in terram repromissionis introduxit. Quintus in iudicibus, quia eundem populum per eos ipse regebat. Sextus in regibus Iudæorum, quia in eis ipse regnabat. Septimus in prophetis, quia per eos est nunciatus. Octauus in pontificibus, quia ipse summus sacerdos est patris. Nonus in homine. Décimus in passione. Per hos enim gradus decem quos ipse per umbram legis Christus descendit, ac rursus post resurrectionem suam sol iustitiæ Christus per eosdem gradus ascendit in cælum, & omnem illam umbram legis ueritatis radijs illustrauit, obscura reuelans, clausa reuelans, & omnia tecta denudans. In tempore illo misit Marodachaladan rex Babylonis literas & munera ad Ezechiam, audierat enim quod ægrotasset. In tempore illo, hoc est, in eodem anno quo hæc gesta sunt quæ superius narratur, misit Marodachaladan rex Babylonis libros & munera ad Ezechiam, quia apud eos astrorum obseruantia est stellarumque cursus longo usu & exercitatione cognitus, quod & in dei natiuitate monstratur. Intellexerunt solem reuertum, diei spacia duplicata, ferulæ ei quem solum deum putabant. Cumque causas huius miraculi rationemque perquireret, fama per omnes gentes uolitante, didicerunt propter ægotationem regis Iudæ etiam cursum signi clarissimi commutatum. Quod etiam liber Paralipomenon plenissime testatur dicens. Ipse est Ezechias qui fecit in omnibus suis prospere quæ uoluit; attramen in legatione principum Babylonis qui missi fuerunt ad eum ut interrogarent de portento quod acciderat super terram, reliquit eum deus ut tentaretur, & nota fierent omnia quæ erant in corde eius. Idcirco autem tentationi relictus est, quia post tantam uictoriam & solis regressum & congratulationem regni potentissimi cor illius elatum est. Denique in eodem uolumine scribitur. Multi deferebant hostias & sacrificia domino in Hierusalem, & munera Ezechie regi Iudæ, & exaltatus est coram cunctis gentibus. In diebus illis ægrotauit usque ad mortem, & orauit dominum & exaudiuit eum, & dedit ei signum: sed non iuxta beneficia quæ acceperat retribuit quia exaltatum est cor eius, & facta est contra eum ira & contra Iudam & Hierusalem. Rursumque scriptura sancta elationem cordis eius dicit poenitentia mitigatam inferens: & humiliatus est postea eo quod exaltatum esset cor eius tam ipse quam habitatores Hierusalem: & idcirco non uenit super eos ira domini. In diebus illis Ezechias letatus est in aduentu legatorum Marodachaladan, quem patrem fuisse Nabuchodonosor Hebræi autumant, & in oblatione munerum & congratulatione sanitatis suæ. Ostenditque eis domum aromatum suorum, & thesauros argenti & auri & odoramentorum & ungenti optimi, & omnes thesauros uasorum suorum: non fuit res quam non ostenderit eis in domo sua, & in omni potestate sua.) Vnde iram dei iustissime

et ; merebatur,

De Ezechia
diuitijs per
laetationem
ostentatis
XXIX

mecebat, quod non solum thesauros suos atq; palatij, sed & templi ostendebat: quod certe fuit potestas eius de cuius ualuis autearum laminas ante iam tulcrat. Introiuit autem Esaïas propheta ad regem Ezechiam. Rursumq; post corporis sanitatem & signi magnitudinem offerri cernimus aliam occasionem superbiæ, quam ut prudens & dei cultor nitare debuerat, nec monstrare alienigenis diuitias suas, quas deo tribuente possederat: ex quo iuxta legis tropologiam, discimus non mittendas margaritas ante porcos, nec dandum sanctum canibus. Qui enim fidelis est, spiritu abscondit negotia: & quicumque hoc non fecerit, omnis uirtus illius enervatur, peritq; posteritas: & amisso uirili robore, in muliebrem redigitur mollitudo. Ingreditur ergo Esaïas ad regem, & quasi nescius sciscitatur, Quid dixerunt uiri isti? & unde uenerunt? Duo interrogat: quid loquuti sunt, & unde uenerunt. Ille ad unum respondit, altero prætermisso. De terra longinqua uenerunt ad me, de Babylone. Quod quanto terra longior sit unde uenerunt, tanto iste rex gloriosior propter quem uenerunt. Et uenerunt, inquit, ad me: quod debuerat dicere, Veniunt ad glorificandum deum, pro signi magnitudine de Babylone, quæ urbs in toto orbe potētissima est. Rursumq; Esaïas, Quid, inquit, uiderunt in domo tua? Et ille respondit ex parte uerum, quod omnia uiderint in domo illius: nec fuerit res quā non ostenderet eis in thesauris suis: sed alterū tacuit, de quo uerebatur offensam, quod ostenderet eis cuncta quæ haberet in potestate sua, haud dubium quin & templi suppellectilem. Propter quæ Esaïas dei sermone profert sententiā: Audi uerbū domini exercituum: Veniet tempus quando omnia hæc quæ in domo tua sunt, & non tuo, sed patrum tuorum labore quæsitæ, in Babylonem transferantur, & de semine tuo fiant eunuchi in aula regis. Ex quo Hebræi uolunt Danielem, Ananiam, Misaelem, & Azariam, qui fuerunt de regio semine, factos esse eunuchos: quos in ministerio fuisse Nabuchodonosor non dubium est. Eunuchos enim, id est absaisos, non negamus aliquos fuisse de semine regio in palatio regis Babylonis, iuxta propheticum beati Esaïæ: Daniel & socios eius credendū nullo modo est: quod si essent, de pulchritudine corporis & aspectu illorum non timeret dux illi, qui eos adhuc pueros erudiebat: quia species faciei solet deperire in pueris absaisis. Fuit autem consuetudo & apud antiquos, eunuchos uocare cubicularios & custodes palatij, qui uxores habebant, & absaisi corpore non fuerunt. Dixitq; Ezechias, Bonum uerbū domini quod locutus est: fiat tantum pax in diebus meis. In quo ab Hebræis reprehenditur, cur non sit imitatus bonitatem Moysi, qui locutus est ad deum, Aut dimitte eis hanc noxam, aut si nō facis, dele me de libro quē scripsisti. Quid hoc loco prophetæ sententia contra Ezechiam regem, nisi arrogantium hypocritarum cogitationes suas in exquirēda hominum admiratione significat: Per omne enim quod hypocritæ faciunt, occultis cogitationibus laudes hominum requirunt. Operantur quippe,

quippe laudes suas cogitant, laudati autem secum taciti in cogitationibus ſer-
 ſant, gaudent ſe precibus in humana ueste actione clariſſe. Cumq; inflati ſa-
 uoribus apud ſemetipſos intumeſcunt, ſæpe mirantur taciti etiam ipſi quod
 ſunt: uideri quotidie ſemetipſis altiores cupiunt, ac miris inuentionibus in o-
 pere excreſcunt: quia ſicut uirtutes omne uitium eneruant, ſic arrogantia ro-
 borat. Cogit namq; mentem iuueſcere, & contra uires ualere: quia & quod
 negat uigor ualeitudinis, imperat amor laudis. Vnde & factis ſuis, ut dixi-
 mus, arbitros inquirunt: ſi uero operi teſtes deeſſe contingat, narrant ipſi quæ
 geſſerint. Cumq; efferri fauoribus cœperint, ſæpe eiſdem operibus ſuis, quæ
 egiſſe ſe referunt, mentiēdo aliquid adiungunt. Cum uero & uera dicunt, hæc
 dicendo aliena faciūt: quia quaſitis remunerati fauoribus, à uera & iſtima re-
 tributione uacant. In eo enim quod bona ſua pateſcunt, oſtēdunt malignis
 ſpiritibus, quaſi inſidiantibus hoſtibus, unde prædentur. Horum ergo uitam,
 illa cunctis notiſſima Ezechia: culpa figurauit. Qui poſtquàm una prece, &
 ſub unius noctis ſpatio, centum octogintaquinq; milia hoſtium, angelo feri-
 ente proſtrauit, poſtquàm occaſui proximū ad altiora cœli ſpacia ſolem redu-
 xit: poſtquàm uitam propinquantē iam termino coarctatam in tempora lon-
 giora protelauit: ſuſceptis Babylonici regis nuntijs, bona omnia quæ poſſi-
 debat oſtendit: ſed prophetæ protinus uoce audiuit, Ecce dies ueniunt, & au-
 ferentur omnia quæ in domo tua ſunt, in Babylonem, & nō relinquetur quic-
 quam, dicit dominus. Sic nimirum hypocritæ, poſtquàm magnis uirtutibus
 excreſcunt, quia cauere malignorum ſpirituum inſidias negligunt, & cœleri in
 eiſdem uirtutibus noluūt, bona ſua oſtendendo hoſtium faciūt: & proden-
 tes ſubito amittunt, quicquid diutius ſtudentes operantur. Hinc per pſalmi-
 ſtam dicitur, Tradidit in captiuitatem uirtutes eorum, & pulchritudines eo-
 rum in manus inimici. Virtus quippe & pulchritudo arrogātium, inimici ma-
 nibus traditur: quia omne bonum quod per concupiſcentiam laudum oſten-
 ditur, occulci aduerſarij uiri mancipatur. Hoſtes namq; ad rapinam prouo-
 cant, quia ſuas eorum notiæ diuitias denudant: quouſq; enim ab æternæ pa-
 triæ ſecuritate diſiungimur, in latronum inſidiantium iter ambulamus. Qui
 ergo in itinere deprædari formidat, abſcondat neceſſe eſt bona quæ portat.
 O miſeri, qui affectantes laudes hominum, in ſemetipſis diſſipant fructus la-
 borum. Cumq; ſe oſtendere alienis oculis appetunt, damnant quod agunt.
 Quos nimirum maligni ſpiritus, cum ad iactantiam prouocant, eorum ſicut
 diximus opera, capriuantes denudant. Hinc eſt enim quod per euangelium
 ueritas dicit, Neſciat ſiniſtra tua quid faciat dextera tua, ut ſit eleemoſyna tua
 in abſcondito, & pater tuus qui uidet in abſcōdito reddet tibi. Hinc eſt quod
 de electorum eccleſia per pſalmiſtam dicitur, Omnis gloria eius filia: regis
 ab intus. Hinc Paulus ait, Gloria noſtra hæc eſt, teſtimonium conſcientiæ no-
 ſtræ. Filia quippe regū eccleſia, quæ in bono eſt opere ſpiritaliū principū præ-

dicatione generata, gloriam intus habet, quia hoc quod agit in ostentationis iactantia non habet. Gloriam suam Paulus testimonium conscientiae memorat, quia dum fauores oris alieni non appetit, uitae suae gaudia extra semetipsum ponere ignorat. Occultanda sunt ergo quae agimus, ne haec in huius uitae itinere incaute portantes latrocinantium spirituum incurfione perdamus.

De Manasse
rege XXX

Duodecim annorum erat Manasses cum regnare cepisset, & LV annis regnavit in Hierusalem, fecitque malum in conspectu domini iuxta idola Gentium, quas deleuit dominus a facie filiorum Israel: conuersusque est & aedificauit excelsa quae dissipauerat Ezechias pater eius: & erexit aras Baal & fecit lucos sicut fecerat Achab rex Israel, & adorauit omnem militiam caeli & conlulit eam, & extruxit aras in domo domini, de qua dixit dominus: In Hierusalem ponam nomen meum. & extruxit altaria uniuersae militiae caeli in duobus atrijs templi, & transduxit filium suum per ignem & ariolatus est, & obseruauit auguria: & fecit Pythones & aruspices, multiplicauit ut faceret malum coram domino & irritaret eum. Haec ergo omnia, id est, siue auguratio, siue auspiciu, siue quaelibet immolatio, siue etiam sortitio, aut quicumque motus auium, uel pecudum, & inspectio quaecumque fibrarum, aut aliquid quod de futuris uideatur ostendere, in operatione daemonum fieri non dubito, diuigentium uel auium uel pecudum, uel si fibrarum motus aut sortiu secundum ea signa quae docuerunt iidem daemones obseruari ab his quibus artis huius scientiam tradiderunt: a quibus omnibus is qui homo dei est & in portione dei numeratus penitus debet esse alienus: nec aliquid in his habere comune, quae occultis machinis daemones operantur, ne forte rursus per haec demonibus societur, atque eorum spiritu & uirtute repleatur, & ad idolorum cultum denuo reparetur. Post aliquanta dicitur, quod misit Iosias nuncios ad Obdam prophetissam uxorem Sellum quae habitabat in Hierusalem in secunda, propter librum legis diuinae qui inuentus fuerat. Quid sit hoc quod dicit, quod habitauerit in secunda, in superiori parte libri huius scribitur de rege Ezechia: Aedificauit quoque omnem murum qui fuerat dissipatus, & extruxit torres, & forinsecus alterum murum. Meminit huius loci & Sophonias dicens: Vox clamoris ad portam piscium & ululatus a secunda, pro qua uelut editio quasi proprium nomen loci transtulit in Masana. Masana quippe interpretatur secunda. Quod ergo dicit haec prophetissa habitasse in secunda, in secundi muri parte intelligere debemus. Regi autem Iuda qui misit uos, ut consuleretis dominum, sic dicitis: Haec dicit dominus deus Israel, Pro eo quod audisti uerba uoluminis huius, & perterritus est cor tuum & humiliatus es coram domino auditis sermonibus contra locum istum & habitatores eius, quod uelut delicti fierent in stuporem & maledictum, & scidisti uestimenta tua & fleuisti coram me, & ego audiui dicit dominus: idcirco colligam te ad patres tuos, & colligeris in sepulchrum tuum in pace, ut non uideant oculi tui omnia mala quae adducturus sum super locum istum. Territus iste dei cominationibus fleuerat, & sua uestimenta

De Iosia rege
XXXI

uestimenta confiderat, & sit omnium malorum futurorum de præparata morte securus, quod ita requieturus esset in pace, ut illa omnia non uideret. Ibi ergo sunt spiritus defunctorum, ubi non uident quæcunque aguntur aut eueniunt in ista uita hominū: Quomodo ergo uident tumulos suos aut corpora sua, utrum abiecta iaceant an sepulta? Quomodo interfunt miseriæ uiuorū, cum uel sua ipsi mala patiantur si talia merita contraxerunt: uel in pace requiescant, sicut huic Josiæ promissum est, ubi mala ulla nec patiēdo sustineant: liberati ab omnibus malis, quæ patiēdo & compatiēdo cum hic uiuerent sustinebant. Dixerit aliquis: Si nulla est mortuis cura de uiuis, quomodo ille diues qui apud inferos torquebatur rogabat Abraham patrem, ut mittat Lazarum ad quinque fratres suos nondum mortuos, & agat cum eis, ne ueniant & ipsi in eundem tormentorum locum. Sed nunquid quia hoc ille diues dixit, ideo quid fratres agerent uel quid paterentur illo tempore sciuit. Ita illi fuit cura de uiuis quamuis quid agerent omnino nesciret, quemadmodum est nobis cura de mortuis, quamuis quid agant utique nesciamus: Nam si nihil de mortuis curaremus, non utique pro illis deo supplicaremus. Denique Abraham nec Lazarum misit, & Moysen & prophetas, hic eos habere respondit quos audire deberent, ut ad illa supplicia non uenirent. Vbi rursus occurrit, quomodo quid ageretur Abraham pater ipse sciebat, ubi sciebat esse Moysen & prophetas, id est, libros eorum quibus homines obediendo tormenta infemalia uitarent. Denique nouerat diuitem illum in delicijs, pauperem uero Lazarum in laboribus uixisse. Nam & hoc illi ait: Memento fili quia recepisti bona in uita tua, Lazarus autem mala. Sciebat ergo hæc quæ utique apud uiuos non apud mortuos gesta fuerant: uerum non cum agerentur in uiuis, sed cum eis mortuis potuit Lazaro indicante cognoscere, ne falsum sit quod ait propheta, Abraham nesciuit nos. Proinde fatendum est nescire quidem mortuos quid hic agatur, sed dum hic agitur: postea uero audire ab eis qui hinc ad eos moriendo pergunt, non quidem omnia, sed quæ sinuntur indicare, & illa tantum meminisse, quæ illos quibus hæc indicant oportet audire. Possunt & ab angelis qui rebus quæ aguntur hic præsto sunt audire aliquid mortui, quod unumquemque illorum audire debere iudicat, cui cuncta subiecta sunt. Nisi enim essent angeli qui possent interesse & uiuorum & mortuorum locis: non dixisset dominus Iesus, contigit autem mori inopem illum & affertur ab angelis in sinum Abraham. Nunc ergo hic, nunc hic illi esse potuerunt, qui hinc illum quem deus uoluit abstulerunt. Possunt etiam spiritus mortuorum aliqua quæ hic agantur, quæ necessarium est eos nosse, non solum præsentia uel præterita, uerum etiam futura spiritu dei reuelante cognoscere: sicut non omnes homines sed prophetæ dum hic uiuerent cognoscebant, nec ipsi omnia, sed quæ illis esse reuelanda dei prouidentia iudicabat. Mitti quoque ad uiuos aliquos ex mortuis, sicut e contrario Paulus ex uiuis in paradysum raptus est, diuina scriptura testatur.

Nam

Nam Samuel propheta defunctus uiuo regi Sauli etiam futurum prædixit quamuis nonnulli non ipsum fuisse qui potuisset magicis artibus euocari, sed aliquem spiritum tam malis operibus congruentem, alius existiment similitudinem figurasse. Hæc per excessum idcirco protulimus, ut nouerint homines æternam ueritatem querere, qui uolunt saluari, à quo creati sumus, in quo uiuimus, per quem mouemur & sumus: animas autem sanctas, sanctas eas credamus esse, & non humanis miserijs interesse, sicut dicit Esaias ad deum qui erat filius Abraham: Tu domine pater noster es, Abraham nesciuit nosse & Israel non cognouit nos. Post hæc sequitur historia de gestis Iosias, ita dicentis: Contaminauit quoque Tophet quod est in conualle filij Ennon, ut nemo consecraret filium suum aut filiam per ignem Moloch.) Frequens est in scripturis horum mentio locorum, maxime in libro Regum & Hieremias propheta. Est autem uallis Ennon siue filij Ennon iuxta murum Hierusalem contra orientem, in qua nemus pulcherrimum Syloæ fontibus irrigatur. Tophet autem erat locus in eadem conualle iuxta piscinam fullonis, cuius meminit scripturâ, & iuxta agrum Acheldemach qui usque hodie monstratur ad australem plagam montis Sion. Solebant autem in Tophet, quia locus erat amoenissimus, unde hodieque hortorum præbet delicias, ara posita sacrificare dæmonibus, nefandisque rogo suos consecrare liberos siue holocaustum offerre, sicut in libro uerborum dierum de Achaz rege scriptum est. Ipse est qui adoleuit incensum in ualle Benennon, & lustrauit filios suos in igne Benennon, siquidem filium Ennon significat. Vallis autem Ennon hebraice dicitur gehennon, cuius nomine in nouo testamento poena inferorum gehenna cognominatur: quia nimirum sicut in conualle Ennon qui idolis seruiuerunt, in ea prophetis adstantibus perierunt, ita peccatores ex his quæ peccauerunt, æterna damnatione puniuntur. Denique Hieremias cum referret sibi præcepisse dominum, ac dixisset ad uallem filij Ennon quæ est iuxta introitum portæ sancti Iosias, paulopost dicit, Et non uocabitur locus iste amplius Tophet & uallis filij Ennon, sed uallis occisionis: & dissipabo consilium Iudæ & Hierusalem in loco isto, & subuertam eos gladio. Esaias quoque manifestissime Tophet infernum appellat, qui cum perpetuum diaboli interitum sub nomine Assur describeret, dicens: A uoce enim domini pauebit Assur uirga percussus, & erit transitus uirgæ fundatus, quam requiescere faciet dominus super eum: statim quomodo & ubi esset periturus subdidit dicens: Præparata est enim abheri tophet à rege, præparata profunda & dilatata: Pulchre ait & dilatata, quia Tophet dicitur latitudo. Nutrimenta, inquit, eius ignis & ligna multa, flatus domini sicut torrens sulphuris succendens eam. Contaminauit autem Iosias Tophet, uel ossa mortuorum ibi, sicut in sequentibus de alijs idolorum locis fecisse legitur, uel alia qualibet immunda dispergens, quatinus abominationi potius quam delectationi aptus omnibus qui aspicerent locus appareret. Quod sequitur de eodem rege Iosia: Abstulit quoque

equos

equos quos dederat reges Iuda Soli in introitu templi domini, & paulopost: Currus autem Solis combussit igni, ostendit omnium gentium idolatrarum superstitioni Iudæos eo tempore fuisse mancipatos, ita ut in uenerationem Solis quem more Gentilium deum esse credebant, simulachro eius quod fecerant currus equosque subdiderint, & hoc in atrijs templi domini: sic enim solent Gentiles pingere uel facere simulachrum Solis, ut puerum imberbem in curru ponentes, equos eidem quasi curru cælum petentes subiugent. Cui propterea pueri aptant imaginem, quia sol uelut cotidie nouo ortu natus nullum per secula senium incidit. Vt autem eidem currus & equos tribuant de miraculo sumptum Helix propheta, quia curru igneo & equis igneis est raptus ad cælum, Ioannes Constantinopolitanus episcopus aestimat, quia enim græce helios dicitur sol, sicut etiam Sedulius cum de Helix ascensu caneret ostendit dicēs: Quam bene fulminei præluens semita cœli Conuenit Helix, meritoque & nomine fulgens, Hac ope dignus erat: nam si sermonis huius una per accentū mutaretur litera, sol est: audiētes græci ab Israelitis, quos diuinas literas habere fama prodebat, prædicari, quod Helix curru igneo & equis sit igneis ad cœlestia translatus, uel certe hoc ipsum inter alia depictum in pariete uidentes, crediderunt uicinia decepti nominis, solis hic transitum per cœlos esse designatū: & miraculū diuinitus factum, cōmutarunt in argumentum erroris humana stultitia cōmendatum: quos imitati ipsi Iudæi sategerūt ne in aliquo gentilium stultissimis minus parerent stulti. Quod paulopost de eodem rege dicitur: excelsa quoque quæ erant in Hierusalem ad dexteram partem montis offensionis, quæ ædificauerat rex Salomon Astaroth idolo Sidoniorum & Chamos offensionis Moab, & Melcho abominationi filiorum Ammon, polluit rex & contriuit statuas, & succidit lucos, repleuitque loca eorum ossibus mortuorū.) Luce est datius quod excelsa nominare solet scriptura loca in collibus posita frondentibus, in quibus uel demonibus immolabant, uel etiam domino, locorum amenitate allecti, contra interdictum relictō altari quod erat in templo hostias offerebant. Vnde sæpius in hoc libro de regibus qui minus perfecte iusti fuisse dicitur, Veruntamen excelsa non abstulit. Montem autem offensionis montem idoli dicit, quia nimirum consuetudinis est scripturarū offensionem idola nuncupare: quia uel in illis offenditur deus, uel offensionem & ruinam suis afferunt cultoribus: sicut in hac ipsa sententia subsequenter intimatur dum dicitur, quod ædificauerat Salomon rex Israel Astaroth idolo Sidoniorum, & Chamos offensionis Moab, & montem abominationi filiorum Ammon. Vbi quoque, ni fallor, palam ostenditur, quod utinam non ostenderetur, quia uidelicet Salomon de admissio idololatriæ scelere nunquam perfecte pœnituit. Nam si fructus pœnitentiæ dignos faceret, satageret ante omnia, ut idola quæ ædificauerat de ciuitate sancta tollerentur, & non in scandalum stultorum, quæ ipse cum fuisset sapientissimus erronee fecerat, quasi sapienter ac recte facta, reliquit.

reliquisset. Meminit supra & huius loci scriptura dicēs, Tunc ædificauit Salomon sanū Chamos idolo Moab in monte qui est contra Hierusalem, & moloch idolo filiorū Ammon. Nec uideri debet contrarium quod ibi mons in quo facta sunt hæc idola contra Hierusalem: hic in Hierusalem esse positus asseritur, quia nimirum in tanta erat urbis uicinia positus, ut ad ipsam pertinere & ad ipsam quoq; sordibus quæ in eo congregabantur attingere uideretur.

De Nabuchodonosor
XX.XII

Quod referens de Nabuchodonosor, quia transtulerit omnē Hierusalem, & uniuerfos principes, & omnes fortes exercitus decem milia in captiuitatem, addidit scriptura dicens, Et omnem artificem & clusorem: hoc est quod supra eidem populo Israel Philistiim regnantes fecisse narrantur cum dicitur: Porro faber ferrarius non inueniebatur in omni terra Israel. Cauert enim Philistiim, ne forte facerent Hebræi gladium aut lanceam. Sicut enim tunc illi cauerunt ne haberēt fabros ferrarios Hebræi qui arma ad repugnandum facerent: ita nunc Chaldei destructa Hierusalem & uastata omni terra repositionis satagerūt, ut nullus in ea remaneret artifex, nullus dufor, qui uel fœdata urbis moenia componere uel possit refarcire disructa: quin potius quicquid apud gentem exterminatā artis inuenerant totum Babyloniam transferunt, ut uel ad nihilum ualeat ultra, uel illius ciuitatis utilitatibus proficiat: cuius tam desendæ historię, qua multum negligentię nostri temporis congruit, non opinor allegoriā esse reticendam. Constat namq; quia Hierusalem & terra Israel ciuitatem Christi, id est, ecclesiam sanctam: Babylon autem & Chaldei siue Philistei ciuitatem diaboli, id est, omnem malignorū spirituum siue hominum siue angelorum multitudinem designant. Seruitq; Israel Philistæis siue Chaldeis, cum fideles quicq; nominetenus in ecclesia consistentes, ab immundis uel spiritibus uel hominibus decepti, aut auariciæ, aut luxuriæ, aut alteri cuiuslibet peccato mentis colla submitunt. Abducit autem Nabuchodonosor Hierusalem & uniuerfos principes fortesq; exercitus decem milia in captiuitatem, cum eis & magistros populorū & eos qui inuicibili animo domino seruire, ac decalogum legis fideliter in dei ac proximi uidebātur amore conferuare, cum subito siue illecebris mundi seu aduersitatibus subacti, aut maioribus se polluant facinoribus, aut certe in hæresim declinando apertæ apostasiæ notam incidunt. Arma uero quibus contra diabolū repugnantes, libertatem à deo nobis donatam defendamus, quæ sunt alia nisi eloquia scripturarum, in quibus & ipsius domini & sanctorū eius exemplis quo ordine bella uiciorum superari debeant, luce clarius discimus. Sed Philistei filios Israel fabris armorū priuant, cum maligni spiritus animos fidelium à meditatione sacræ lectionis secularia illis negocia inferendo retardant: ne uel ipsi per huius exercitium resistendi fiduciam sumant, uel aliquos forte qui legere nesciunt ad resistendum uicijs exhortando aut corripiendo accedant. Tollunt fabros armorum, cum eos qui sacra eloquia norunt in tantum sceleribus obruant, ut dicere bona quæ didicerāt prorsus erubescant. Transferunt omnem artificem

artificem & clusorem in Babyloniam de Hierusalem, cum eos qui multiph
 tia uirtutum operatione pluribus prodesse, & ciuitatem dei contra irruptio
 nes tentationum munire solebant, à proposito deflectunt, atque ingenium
 quod tuitioni sanctæ ecclesiæ impendete debuerant, ad uoluntatem potius
 regis uitiorum dispensare compellunt. Quod si clusorem hoc loco non osti
 rum siue murorum, sed auri potius gemmarumq; intelligere uouerimus,
 ad unum profecto eundemq; spiritualis expositio finem respicit. Dictum
 quippe est de sapientia, quia aurum est, & multitudo gemmarum, atq; ideo
 clusores horum non alios aptius quàm doctores intelligere ualemus, qui
 quamdiu recte uiuunt ac docent, in ornatum sanctæ ciuitatis industriâ suæ
 artis impendunt. At si forte errauerint, quid nisi à rege Chaldaeorum capti
 ui Babyloniam transferuntur? Artificem & clusorem ab Hierosolymis trans
 migrate Babyloniam, est talentum uerbi coelitus acceptum in terram deso
 di, id est, sapientiam spiritualement ad peccatorum opera conuerti. Post
 hæc infert scriptura quod fugientem regem Sedechiam ab exercitu Chal
 daeorum apprehensum, duxerunt ad regem Babylonis in Reblatha, qui lo
 cutus est cum eo iudicium: filios autem Sedechiæ occidit coram eo, & ocu
 los eius effodit, uinxitq; eum catenis, & abduxit in Babylonem. Dum sacrâ
 scriptura Sedechiæ captiuitatem narrat, ordinem captiuitatis internæ de
 nuntiat. Rex quippe Babylonis est antiquus hostis, possessor intimæ confu
 sionis, qui prius filios ante intuentis oculos trucidat, quia sæpe sic bona ope
 ra interficit, ut hæc se amittere ipse, qui captus est dolens uernat. Nam gemit
 plerumq; animus, & tamen carnis suæ delectationibus uictus, bona quæ ge
 nuit amans perdit, ea quæ patitur damna considerat, nec tamen uirtutis bra
 chium contra regem Babylonis leuat. Sed dum uidens nequitia perpetrati
 one percutitur, ad hoc quâdoq; peccato superducitur, ut ipso quoq; rationis
 lumine priuetur. Vnde Babylonis rex extinctis prius filiis, Sedechiæ oculos
 eruit, quia malignus spiritus subductis prius bonis operibus, postea intelli
 gentiæ lumen tollit. Quod recte Sedechias in Reblatha patitur. Reblatha
 quippe, multa hæc interpretatur. Ei enim quandoq; & lumen rationis clau
 detur, qui prauo usu ex iniquitatis suæ multitudine grauatur. Sicut enim quar
 ta die cœlum in initio creaturarum luminaribus ornatum exiit, ita quarta
 ætate mûdi Israeliticus populus cœlesti fide inditus, à prophetis quasi à stel
 lis illuminatus, regno Dauid & Salomonis gloriosus, templi etiam altitudi
 ne toto est nobilitatus in orbe. Sed accepit uesperam, quando crebrescenti
 bus peccatis regnum illud à Chaldeis dissipatum, templum dirutum, & to
 ta illa gens in Babyloniam est translata. Quæ quarta seculi ætas à Dauid
 usq; ad trāsmigrationem Babylonis, habet annos iuxta Hebraicam uerita
 tem CCCCLXXII, iuxta LXX interpretes aliquot amplius, generatio
 nes iuxta utrorumq; codices XVII, quas tamen Euangelista Mathæus cer
 ti mysterij gratia, XIII ponit, à qua uelut iuuenili ætate in populo dei re
 gum

gum tempora ceperunt. Hæc namq; in hominibus ætas apta ad gubernandum solet existere. Sedechias autem superscriptus filius Iosæ regnavit annis x i. Huius x i anno, regis autē Babylonis x v i i i, secundum dies lunares mense i i i i, v die mensis, iuxta solares vero dies, v i i i kalendas Iulij, luna v, quem illi quintum diem cōputant, feria v i i aperta est ciuitas, & ingressi sunt omnes principes regis Babylonis, possederūtq; ciuitatē, & transduxerunt populum captiuum in Babylonem: & inde postea Nabuzardan princeps militiæ exercitus Babylonis mense v, x die mensis lunaris, solaris vero v kalendas Augusti, luna x, quam Hebræi decimū diem quinti mensis uocant, destructi sunt muri ciuitatis, & templū pariter incensum atq; uastatum est, anno ex quo fundari cepit, c c c x x x. Si uero à me quæritur per quid sciam hoc, aut quomodo potuit hoc fieri, ut talibus diebus uel comprehensa fuerit ciuitas, uel incensa, respondeo quia ipso anno x kalen. Aprilis extitit, secundum dies lunares anni principium, & primi mensis initium. Iam ipsa in Babyloniam transmigratio, quo etiā spiritus dei per Hieremiam prophetam iubet ut pergant, & orent pro eis ipsis, in quorū regno peregrinantur, quod in illorum pace etiam pax esset istorum, & ædificarent domos, & nouellarent uineas, & plantarent hortos: quis non agnoscat quid præfigurauerit, qui attenderit ueros Israelitas, in quibus dolus non est, per apostolicam dispensationem cum euangelico sacramento ad regnum gentium transmigrasse? Vnde nobis Apostolus tanquam Hieremias replicans ait. Volo ergo primum omnium fieri deprecationes, orationes, interpellationes, gratiarum actiones, pro omnibus hominibus, pro regibus, & his qui in sublimitate sunt, ut quietam & tranquillam uitam agamus in omni pietate & castitate. Hoc enim bonum & acceptum est coram saluatore nostro deo, qui omnes homines uult saluos fieri, & in agnitionem ueritatis uenire. Ex hoc quippe etiam illis credentibus domicilia sunt constructa pacis, basilicæ Christianarum congregationum, & nouellatæ uineæ populorum fidelium, & plātati horti, ubi etiam inter omnia holera granum illud sinapis regnat, sub cuius umbraculis longe lateq; porrectis, etiam altipetax superbia gentium tanquam in cœli uolatilibus confugiendo requiescit. Nam quod etiam post l x x annos secundum eiusdem Hieremiæ prophetiam reditur ex captiuitate, & templum renouatur, quis fidelis Christi non intelligat, post euoluta tempora quæ septenarij dierum numeri repetitione transcurrunt, etiam nobis, id est, ecclesiæ dei ad illam cœlestem Hierusalem ex huius seculi peregrinatione redeundum? Per quem nisi per Iesum Christum uere factorem magnum, cuius figurā gerebat ille Iesus sacerdos magnus illius temporis quo templum ædificatum est post captiuitatem, quem propheta Zacharias uidit in sordido habitu, deuictōq; diabolo, q ad eius accusationem stabat ablatam illi sordidam uestem & datum indumentum honoris & gloriæ: sicut corpus Iesu Christi, quod est ecclesia aduersario in fine temporum per iudiciū

per iudicium superato à luctu peregrinationis in gloriam sempiternæ salutis assumetur? Quod etiam in Psalmo dedicationis domus apertissime canitur. Conueristi planctum meum in gaudium mihi & cætera. Quis potest ex occasione alterius operis omnia quæ in illis ueteribus legis & prophetarum libris Christum annuntiant, quantalibet breuitate perstringere, ne forte quis putet ingenio fieri, ut ea quæ rerum ordine sua tempora cucurrerunt, ad Christi significationes interpretando uertantur? Hoc sorte Iudæi possunt dicere siue pagani, eis autem qui se Christianos putari uolunt, premit ceruicem Apostolica autoritas dicens, omnia hæc in figura contingebant illis, & hæc omnia figuræ nostræ fuerunt.

FINIS

ORNATISSIMO VIRO D. IANO A SVOLLA,
equiti ac iureconsulto suo. Ioannes Alexander
Brassicanus, S. D. P.



CVLATVS ipse mihi testis es amicis. mi Iane, quātum mihi laboris exhaustiendum, imò ut uerius dicam, quātum tædij exorbendū fuerit in restituendis ac repurgandis Eucherij spiritalibus illis formulis. Nam exemplū recens æditum non tantum mutilum, uerum etiā eximie mendosum fuit. Cuius rei culpam, tantum abest, ut illi imputem, qui primum nobis hoc dedit, ut etiam benignitatem hominis eruditi ac candorem laudibus uehementem existimem, qui studiosis exhibere maluit, id quod commodum acquireret, quæ ut pateretur hoc intercidere. Nos autē exemplo & integro & egregie sincero uis, quod nobis cum plerisque alijs eque bonis autoribus, Reuerendus pater, Dominus Ioānes Hartmannus abbas sanctæ Crucis in Austria uir & studiorū & studiosorū unicus patronus, meū antè præcipuū decus & præsidium, libenter & ex animo cōmunicauit: primū id quod deerat adieci-
mus, & quæ deprauata fuerant, religiose castigauimus. quod ut studiosi plān-
ius cognoscant, subiiciam duo tantū exempla, ex quibus reliqua facile, tan-
quam leonem ex unguibus æstimare possint. Primum caput de diuinis no-
minibus, quod totū desiderabatur, iam ex ueteri, nequē minus sincero exem-
plo repositum est, iam enim consulta opera prætermitto, quanta facta sit in
omnibus capitibus accessio. in præfatione Eucherij sic legitur: atqui secundū
allegoriam baptismus, secundum anagogen angeli: cum sit legendū, Aquæ
secundum allegoriam baptismus, secundum anagogen angeli, unde est illud
Et aquæ quæ super coelos sunt laudent nomen domini & cætera. Non equi-

dem inuideo, si quis ueteres scriptores in lucem proferat, miror autem magis, si quis in ijs castigate depromendis, omnem operam suam collocet, sed hac haecenus. Cæterum quod apud Latinos fecit Eucherius, hoc apud Græcos exactissime prestitit Theodoretus ille Cyrensis Episcopus, ex cuius insigni opere quod apud nos est in antiquis membranis descriptū, libet hic aliquot egregie erudita loca adscribere, ex quibus uniuersi illius operis dignitas & utilitas elucescet, αἶνος ἐπὶ θεῷ ἡ τιμωρία, δαδιδ' ὅτι ποτήριον ἐν χεῖρὶ κυρίου οὖντος ἀκράτῳ πλεῖς κεράσματος, hoc est, uinum diuinam pœnam significat. Sic David, quia poculum in manu domini uini meri, plenū mixto.

Psalmo 74
Numeri 8

Item αἱ τρίχες τῆς κεφαλῆς σύμβολον. κεφαὶ γὰρ αὐταί, καὶ ὁδυνῶν αἰδοῦσιν ὃ δειχόμεναι. τὴν ἀληθεῖ τοῖνυν ζωὴν ἵχθιν κελύει τὸς τῷ θεῷ ἀφ' ὧν γέντας, καὶ μηδὲν ἵχθιν κεφαλῇ, μήτε δυσώδεις. τὸ τοῦ ὁ θεοῦ τοῦ ἡμῶν διδασκὴ παύλος. χεῖρ φησὶν σφραγισαυμένη. ἡ δὲ ἐκ τῆς γὰρ. ἡ δὲ ἐν ἡμῶν χεῖρ. ταῖς δὲ θεαῖς φησὶν ἡμεῖς ἐν τῇ γαῖᾳ ἡμεῖς ἐν τῇ γαῖᾳ, hoc est. Pili mortalitatis symbolū sunt: mortui enim cum sint, nullum doloris sensum admittunt, admonet igitur & imperat eos ueram agere uitam, qui dei ministerio sese addixerunt, nihilq; habere mortale & fecit. quod etiam nos docet diuinus ille Paulus, cum Christo, inquit, crucifixus sum, uiuorū nō amplius ipse, sed uiuit in me Christus: quasi diceret, quod se sacris officijs, diuinisq; actionibus addixisset, & cætera. Habent autē eiusmodi formulæ quidam commune cum Hebræorum Cabala, quam Græci quondam parum animaduertentes secretis sensibus erudendis esse ualde quā appositam, κόβαλα paucis literis immutatis, hoc est, imposturas appellabāt. Ita enim Scholiastes Gregorij Theologi scribit. & quoniam de ea re nostri etiā homines, nimirū Ioannes Picus Mirandulanus, Paulus Rinius, & Ioannes Campanio uiri cum omni antiquitate certantes abunde scripserunt, nihil hic diu promouendi uoluntatem, tibi commendo. Cæterum quotiescunq; te no-

mino, uolo semel ac unico uerbo omnes illos qui ingenio, uirtute, bonis moribus, ac absoluta eruditione præstant, significasse.

Vale bene uir nobiliss. ac mihi modis omnibus

amande. Viennæ Austriæ ex collegio

regio, Anno à natō Iesu,

M D XXX

menſe Decembri,

EVCHERII EPISCOPI

LVGDVNENSIS IN LIBRVM FORMVLARVM SPIRITUALIS

ritalis intelligentiæ præfatio ad Veranium.



FORMULAS spiritualis intelligentiæ latinorum nominum componendas, tibiq; mittendas pro studio paternæ erga te sollicitudinis existimaui, quibus perceptis, in omnia scripta diuina facillime ac intellectum reliquorum sensus intenderetur. Nam cum litera occidat, spiritus autem uiuificet, necesse est ad illa spiritualium interiora sermonum spiritu uiuificante penetrari. Vniuersam porro scripturam tam ueteris instrumenti quam noui, ad intellectum allegoricum esse sumendum, admonet nos uel illud, quod in ueteri testamento legimus. Aperiam in parabolis os meum, loquar in ænigmate antiqua. Vel illud quod item in nouo testamento scribitur. Hæc omnia locutus est Iesus in parabolis ad turbas, & sine parabolis non loquebatur eis. Nec mirandum, quod sermo diuinus, prophetarum, apostolorumq; ore prolatus, ab usitato illo hominibus scribendi modo multum recesserit, facilia in promptu habes, magna in interioribus suis continens: quia & reuera fuit congruum, ut sacra deo dicta à cæteris scripturis, sic ut merito, ita & specie discernerentur, ne illa cœlestium arcanorum dignitas passim atq; indiscrete cunctis patesceret, sanctumq; canibus, & margaritas porcis exponeret: & consecrata uasa templi inuoluta promiscuus populus ferret nec uideret, & ut uere ad illius columbæ de argentatæ modum, cuius posteriora in specie auri splendentis irradiant, scripturæ diuinæ prima quæq; argento fulgerent, & auro occultiora rutilarent. Recte itaque procuratum est, ut eloquiorum illa castitas à promiscuis cunctorum oculis abditio suo quasi quodam uelamine pudiciæ contegeretur: ac diuina optime dispensatione prouisum est, ut scripta ipsa ita cõtegerentur, cœlestibus obumbrata mysterijs, sicut secreto ipsa suo diuinitas operiebatur. Igitur cum in libris sanctis oculi domini, os domini, uterus domini, manus pedes domini, arma etiã domini scripta reperiantur, longeq; absit à catholica ecclesiarum fide deum corpore determinari, qui sit inuisibilis, incomprehensibilis, incommutabilis & infinitus, requirendum est qualiter ista per spiritum sanctum figurali expositione referantur. Hic enim inueniuntur illa domini cœ interiora templi, hic illa sancta sanctorum mysteria ænigmatibus reiectis. Corpus ergo scripturæ sacræ, sicut traditur, in litera siue historia est: anima in morali sensu, qui tropicus dicitur: spiritus in superiore intellectu, qui anagoge appellatur. Quã triplicem scripturarum regulam conuenienter obseruat confessio sanctæ trinitatis, sanctificans nos per omnia, ut integer spiritus noster, & anima, & corpus sine que-

Scriptura al/
legorice intel/
ligenda.

Psal. 77

Marci 4

Triplex scri/
pturæ sensus

Historia
Tropologia
Anagoge
Allegoria

rela in aduentum domini nostri Iesu Christi, iudiciumq; seruetur. Sapiētiā autem mundi huius philosophiā suā in tres partes diuisit, physicā, ethicā, logicā, id est, naturalem, moralem, rationalem. Sed naturalem illam pertinentem ad causas naturæ, quæ uniuersa continet; moralem, quæ respiciat ad mores; rationalem uero quæ de sublimioribus disputans, deū omnium patrem esse confirmet. Quam tripartitam doctrinā disputationē nō adeq; abhorret illa nostrorum in disputatione distinctio, qua docti quicq; hanc cœlestem scripturarum philosophiam secundum historiam, secundum tropologiam, secundum anagogen differendam putarunt. Qua propter historia ueritatem nobis factorum, ac fidem relationis inculcat. Tropologia ad uitæ emendationem mysticos intellectus refert, Anagoge ad sacratiora cœlestium figurarum secreta perducit. Sunt etiā qui Allegoriam in hoc scientiæ genere quarto in loco adijciendam putent, quam gestorum narrationem, futurorum umbram prætulisse confirmet. Hæc uero ipsa ut subiectis plenius manifestentur exemplis: Cœlum est secundum historiam hoc quod inuenimur, secundum tropologiam uita cœlestis: aquæ secundum allegoriam baptisumus, secundum anagogen angeli, unde est illud. Et aquæ quæ super cœlos sunt laudent nomen domini. Omnis autem disciplina nostræ religionis, ex illo duplicis scientiæ fonte manauit: cuius primam practicen, secundam theoreticam uocauerunt, id est actualē, & contemplatiuam. Vnam, quæ actualē uitā morū emendatione cōsummet; aliā, quæ in contēplatione cœlestiū & diuinarū scripturarū disputatione uersetur. Ergo actualis sciētia in diuersa studia diffunditur, contēplatiua in duas deriuatur partes, id est in historica disputatione, & spiritalis intelligentiæ interpretatione cōsistit. Sed his nunc remotis, formulas intelligentiæ spiritalis quas spondidimus proponamus, currētes per singulorū nominū figuras, quibus ista in illo diuinæ lectiōis inserta textu accipi solēt. Oremus itaq; dominū, ut reuelet abscondita scripturarum suarum, & proferamus quomodo secretiora intellectu sentiendum sit.

- I De diuinis nominibus
 - II De his quæ appellātur membra domini, uel quæ de eo significātur.
 - III De supernis creaturis
 - IIII De terrenis
 - V De animantibus
 - VI De uarijs nominum & rerum appellationibus
 - VII De interiori homine
 - VIII De his quæ in usu atq; in medio habentur
 - IX De uarijs uerborum uel nominum significationibus
 - X De Hierusalem, uel aduersis eius
 - XI De numeris, quorū significationes in allegoriam trahuntur.
- Ergo ipsas iam nunc nominū atq; uerborū significantias, secundū quas uel maxime in allegoriam trahūtur, prout donum Dei suggesserit, explicemus.



OMNIPOTENS deus pater & filius & spiritus sanctus vnus atq; trinus. Vnus uidelicet extat in natura, trinus in personis. Solus inuisibilis, immensus atq; incomprehensibilis. Solus incircumscriptus, immutabilis, incorporeus, & immortalis: ubiq; præsens & latens: ubiq; totus & immensus.

Inuisibilis est, quia in essentia sua omnino uideri nō potest. Apostolo testante, qui ait: Quem nullus hominū uidit, sed nec uideri potest. Et in euangelio. Deum nemo uidit unquam.

Incorporeus est, quia nullis membrorum liniamentis cōpositus siue compactus existit. Sic ueritas in euangelio dicit: Spiritus est deus, & eos qui adorant eum in spiritu & ueritate oportet adorare.

Immensus est, quia quantitas eius uel qualitas à nullo ex creaturis metiri potest. Cui Salomon in suis oratiōibus supplicans ait. Si cœlum & cœli cœlorum non te capiunt, quanto magis domus ista, quam ædificaui.

Incircumscriptus est, quia circumscribi non potest.

Inlocalis est, quia de loco ad locum nequaquam transit, sed neque in loco quolibet retinetur, ipso de se per Esaiam testimonium perhibente ac dicente. Cœlum mihi sedes est, terra autem scabellum pedum meorū. Et per Hie remiam. Nōne cœlum & terram ego impleo? Cuius immensitatem propheta in Psalmo confitens ad ipsum dominū ait. Si ascendero in cœlum tu illic es, si descendero ad infernū ades. De eius immensitate in libro Iob scriptum est. Excelsior cœlo est & quid facies? profundior abyssō & unde cognoscis: longior est terra mensura eius, & latior mari, qui enim cœlum & terram implet, proculdubio nullus est locus ab eius essentia absens. Super omnia quippe est regendo atq; imperando: subtus omnia est sustinendo atq; portando, non pondere laboris, sed infatigabili uirtute: quoniam nulla creatura ab eo condita per se subsistere ualeat, nisi ab eo sustentetur, qui eam creauit. Extra omnia, sed nō exclusus.

Immutabilis est, quia ab eo quod est mutari omnino non potest, ipso dicente per Malachiam prophetam. Ego dominus & non mutor. Ideo deus immutabilis dicitur, quia animæ eius, ira, furor, poenitentia, obliuio, recordatio, & alia his similia nō accidunt. Simplex enim natura est, & immutabilis & imperturbata. Neque aliud est ipse & aliud quod habet, sed ipsum est, quod habet & quod est. Immortalis quia mori nullo modo potest, Apostolo testante ac dicente: Qui solus habet immortalitatem, lucē habitans inaccessibilem, quem nullus hominum uidit, nec uideri potest. Vbiq; autē sacra scriptura sparsim per diuinos libros in deo motus animæ, seu humana membra describit, id est, caput, capillos, oculos, palpebras, aures, & cætera membra siue motus animæ, id est, iram,

furorē, obliuionē, poenitentiam, recordationē, & alia his similia, non carnaliter iuxta historiam à recte intelligentibus scienda sunt, sicut à Iudæis & plerisque hæreticis carnaliter sapientibus, qui deum corporeum atque localem opinantur, sed spiritualia omnia de eo intelligenda & confitenda sunt. Si quis deo humana membra seu motus animæ more humano inesse credit, proculdubio idola fabricat in corde suo.

- 9 *Caput* Igitur ut dictum est figuraliter in deo caput esse legimus, ipsam essentiam diuinitatis eius, quæ præcedit, & cui omnia sunt subiecta intelligere debemus.
- 10 *Capilli* Capillos uero capitis eius sanctos angelos, seu uirtuosos electos typice accipi oportet: de quo in sacramento libri Danielis scriptum est. Aspicies bam donec throni positi sunt, & antiquus dierum sedet. Vestimentum eius quasi nix candidum, & capilli capitis eius quasi lana munda. hoc enim significat per uestimenta candida dei, quod & per capillos capitis eius, sanctos uidelicet angelos, & multitudinē sanctorū dealbatorū. Vel certe ideo capilli lanæ mundæ comparantur, ut per hoc antiquus dierum credatur esse.
- 11 *Oculi* Oculos dicitur deus habere, pro eo quod omnia uidet, & nihil eum latet, in cuius conspectu, ut ait Apostolus, nulla creatura inuisibilis est: omnia enim nuda & aperta sunt oculis eius. Aliter uero respectus gratiæ eius intelliguntur: ut est illud in Psalmo. Oculi domini super iustos. Item aliter, Oculi domini præcepta eius, per quæ nobis lumen scientiæ subministratur, accipiuntur: ut est illud in Psalmo. Præceptū domini lucidū illuminans oculos.
- 12 *Palpebræ* Palpebræ domini occulta & incomprehensibilia iudicia eius, siue spiritualis in diuinis libris eius locutio innuitur. De quibus oculis & incomprehensibilibus sacramentis atque iudicijs in Psalmo. Palpebræ eius interrogant filios hominum, id est, probant.
- 13 *Aures* Aures habere dicitur deus, propterea quod omnia audit, & nihil eum in silentio latet: de quo in libro Sapientiæ scriptum. Auris cœli audit omnia, & tumultus murmurationum non absconditur.
- 14 *Nares* Nares dei est inspiratio eius in corda fidelium: ut illud in libro Regum. Ascendit fumus de naribus eius, id est, lachrymosa compunctio poenitentium inspiratio eius.
- 15 *Facies* Facies dei cognitio est diuinitatis eius ad omnes: de qua cognitiōe in Psalms scriptum est. Ostende nobis faciem tuam, & salui erimus, hoc est, dona nobis cognitionem tuam, quam cognitionem per filium hominis hominibus innotuit: ipso dicente in Euangelio. Nemo nouit patrem nisi filius, & cui uoluerit filius reuelare. Aliter uero facies dei significat inuisibilem essentiam diuinitatis filij dei: de qua ipse dominus ad Moysen per angelum respondens ait. Posteriora mea uidebis, faciem autem meam uidere non poteris, ac si diceret, diuinitatem autem meam uidere non poteris.
- 16 *Os* Os dei filius patris, id est Christus dominus: pro quo Esaias propheta expressa persona

persona Iudaeorum effatus est. Quia os eius ad iracundiam prouocauimus: Aliter uero os eius sermo eius siue iussio accipitur: de quo sermone domini praedictus propheta ait, Os domini locutum est hoc.

Verbum dei filius dei patris, per quem omnia facta sunt: de quo in Psalmo, Verbo domini coeli firmati sunt. Et alibi. Misit uerbum suum & sanauit eos. Et in euangelio secundum Ioannem, In principio erat uerbum, & uerbum erat apud deum, & deus erat uerbum. 17 Verbum

Lingua dei mystice significat spiritum sanctum, per quem deus pater secretum suum manifestauit hominibus: unde in Psalmo. Lingua mea calamus scribentis. 18 Lingua

Labia dei mystice utriusque testamenti consonantia intelliguntur de quibus duobus testamentis in Proverbis scriptum est. In iudicio non errauit os eius. 19 Labia

Brachia dei patris filius eius & spiritus sanctus intelliguntur. Sicut est illud in Esaia. Et brachia mea populos iudicabunt. Brachium dei singulariter filius accipitur: de quo Hieremias ad ipsum ait. Et nunc dominus deus qui eduxisti populum tuum de terra Aegypti in manu forti, in brachio extento. Idcirco autem filius dei patris brachium dicitur, quia creatura electa ab ipso continetur. 20 Brachia

Dextera dei patris unigenitus filius accipitur: de quo in Psalmo ex persona hominis assumpti. Dextera, inquit, domini fecit uirtutem. Aliter uero domini dextera gloria signat patris & eternam beatitudinem: de quo in Psalmo ex persona patris ad filium. Sede a dextris meis. Dicitur autem & dextera dei omnis electa creatura in caelo & in terra: sicut per sinistram eius intelligitur reprobata creatura, id est, daemones & impii omnes, qui ad laeuam positi aeterna supplicia sustinebunt. 21 Dextera

Manus dei patris filius eius accipitur, pro eo quod per ipsum facta sunt omnia: sicut est illud in Esaia. Omnia haec manus mea fecit, & facta sunt omnia. Aliter uero manus dei eius potestas intelligitur: de qua potestate in Hieremiae libro prophetae. Sicut lutum in manu figuli, sic uos in manu mea domus Israel. Item manus domini flagellum accipitur: de cuius percussione in Sophonia propheta scriptum est. Extendam manum meam super Iudam & super habitantes Israel, & disperdam de loco hoc reliquias Baal &c. pro qua domini percussione beatus Iob de semetipso ait. Manus domini tetigit me. 22 Manus

Digitus dei singulariter spiritus sanctus accipitur, a quo spiritu sancto lex duabus in tabulis lapideis in monte Sinai scripta narratur. Ipse scripsit qui scribenda dictauit, id est, spiritus sanctus. De quo dominus in euangelio. Si ego, inquit, in digito dei eicio daemones, Sicut enim digitus cum manu uel brachio, manus uero uel brachium cum corpore unum sunt in natura: ita pater & filius & spiritus sanctus tres quidem personae sunt, una autem substantia diuinitatis. 23 Digitus

Digitus dei pluraliter sancti intelliguntur prophetae, per quos spiritus sanctus libros legis ac prophetarum sua inspiratione describit: de quibus in Psalmo

mo scriptum est. Videbo celos opera digitorum tuorum: per celos enim libros legis ac prophetarū, per digitos uero sanctos, ut dictū est, prophetas, mystice insinuari certum est.

25 *Imago dei* Imago dei patris inuisibilis, unigenitus filius eius est: de quo Apostolus. Imago dei inuisibilis. Aliter namq; est imago dei patris in filio suo, quem non aliunde, sed ex semetipso, hoc est, ex substantia sua per omnia sibi similem genuit & æqualē. Aliter uero anima hominis, quam non ex se, id est, de sua substantia, sicut pleriq; hæretici opinati sunt, genuit, sed ex nihilo creauit. Sicut aliter imago est cuiuslibet regis in filio eius quem ex semetipso sibi similem genuit, id est, homo hominem. Aliter uero in anulo eius, sicut in cera imago eius impressa, quæ nō est quod & ipsa, sicut filius quod natura- liter hoc est quod & pater.

26 *Cor* Cor dei patris archanum sapientiæ eius mystice innuit, ex quo uerbum, id est, filium suum impassibiliter genuit sine initio. Ipso dicente per prophetā. Eructauit cor meum uerbum bonum.

27 *Alæ* Alas habere dicitur deus, pro eo quod more auis electos suos tanquam pullos sub se colligit & fouet, & ab insidijs diaboli & malorum hominum protegit. Vnde propheta ait, Sub umbra alarum protege me.

28 *Scapule* Scapulas habere dicitur deus, quia infirma membra ecclesiæ, quasi in scapulis suis portat. De quo in Psalmo. Scapulis suis obumbrabit tibi.

29 *Vterus* Venter secreta origo substantiæ eius accipitur. Vnde in Psalmo. Ex utero ante lucē genui te. Aliter. Vterus eius incōprehensibilia iudicia eius, quæ nima- ri nequeūt, mystice insinuātur: de quo occulto iudicio eius in libro beati Iob scriptum est. De cuius utero egressa est glacies, & gelu de cælo quis genuit.

30 *Posteriora* Posteriora filij dei incarnatio accipit: de qua posteriori parte filius in monte Sinai ad Moysen, per angelum loquens ait. Posteriora mea uidebis, faciem autem meam uidere non potes.

31 *Pedes* Pedes dei stabilimentum uirtutis eius, eo quod ubiq; præsens, & uniuer- sa illi sunt subiecta: ipso dicente per Esaiam. Cælum mihi sedes est, terra au- tem scabellum pedum meorum. Aliter pedes filij dei incarnatio intelligitur, quæ diuinitati subiecta est tanquam capiti pedes. Sicut per caput diuinitas ita per pedes humanitas eius exprimitur: de qua humanitate in Exodo scri- ptum est. Videre dominum Iesum. hic est Moyses & Aaron, Nadab & Abi- hu & LXX de senioribus sub pedibus quasi lapides saphiri, & quasi cælū cum serenum est. Sicut autem per lapidem saphirum cælestes creaturas, uel sanctos angelos: ita per cælū serenū, sanctam ecclesiam electorum ex ho- minibus assumptam signaliter demonstrare uoluit, super quas duas creatu- ras homo assumptus filius dei in perpetuum regnat: de quo in Psalmo, om- nia, inquit, subiecisti sub pedibus eorum. Aliter autem pedes domini, id est, Iesu Christi significant sanctos prædicatores: de quibus in Deuteronomio scriptum est. Qui appropinquant pedibus eius accipient de doctrina eius.

Vestimen

Vestimentum filij dei aliquando caro eius quæ à diuinitate assumpta est à diuinis libris figuraliter accipitur, de quo indumento carnis Esaïas uaticinans ait. Quis est iste, qui uenit de Edom, tinctis uestibus de Bosra? Rursus uestimentum eiusdem domini sancta accipitur ecclesia, quæ per fidem & dilectionem ei coniuncta est: de quo in Psalmo scriptum est. Dominus regnauit, decorem induit. Et in alio Psalmo ad ipsum dominum. Confessionem & decorem induisti, a. l. f. u.

Pallium Christi iam dicta ecclesia intelligitur: de quo in libro Genesi scriptum est. Lauit in uino stolam suam, hoc est, in sanguine passionis carnem suam, & in sanguine uix pallium suum, id est, ecclesiam suam.

Calciamenta domini Iesu Christi mystice signant incarnationem eius, quam ex mortalitate humani generis assumere dignatus est. De qua incarnatione sua ipse per prophetam in Psalmo ait. In Idumeam extendam calcium meum, id est, in plebem gentilium manifestabo incarnationem meam.

Gressus aduentus filij dei in mundum, & regressio eius ad patrem: de quibus Psalmus ait. Visi sunt gressus tui deus, gressus dei mei regis mei, qui est in sancto. De coelo uenit in uterum uirginis, de utero uero nascendo positus in præsepio. Postquam omnia impleuit, pro quibus à patre missus uenerat, appensus est in ligno crucis: de cruce autem depositus, secundum corpus sepultus est, secundum uero animam ad inferna descendit: tertia autem die per potentiam suæ diuinitatis carnem suam de sepulchro suscitauit, & post diem resurrectionis suæ x. l. die uidentibus Apostolis ascendit in coelum, & sedet ad dexteram patris, id est, in gloria sua: hijs sunt enim gressus filij descisse et descensus & ascensus eius, qui frequenter in scripturis sacris legitur.

Ascendere dicitur deus, cum filius carnem ex nobis assumptam in coelum; ueluti captiuam duxit captiuitatem, quia naturam humani generis, quæ diabolo in mundo captiuo retinebatur, assumens secum in coelum, ubi nunquam antea fuerat, tanquam captiuam deportauit.

Abcondere deus faciem legitur, cum quibusdam eorum exigentibus culpis, cognitionem suam abscondit, sicut in populo Iudæorum nunc impletum esse uidemus, quia negantes filium dei, scientiam ueri dei ita perdiderunt, ut similes forent gentibus, quæ dominum non nouerunt.

Ostendere dicitur deus faciem suam, cum respectu gratiæ suæ, quibus uult, scilicet electis suis se ipsum in corda eorum occulta inspiratione insinuat, & ad diligendum se amorem suum infundit.

Sedere dicitur non corporaliter humano more, sed potèntialiter super omnem creaturam rationabiliter præsidere: ut est illud in Psalmo. Regnauit dominus super omnes gentes, deus sedet super s. s. s. Sedere etiam deus dicitur super cherubin, qui interpretatur multitudo seu plenitudo scientiæ, per quod significatur sancti angeli siue mentes spiritualium uiuorum, in quibus deus inuisibiliter præsidet & regnat. In illis enim sedet qui scientia eius & dilectione

lectione pleni sunt. In Prouerbijs quippe Salomonis scriptum est, *Anima eius sedes sapientia: sapientia uero dei patris Christus est, qui in animis sanctorum dicitur sedere.*

40 Descendere
Descendere deus in mundum dicitur, quando aliquid nouum quod antea non fuetat in creatura humana operatur, sicut filius dei descendisse narratur, quando ueram carnem ex Maria uirgine propter redemptionem nostram suscepit, & uerus homo fieri dignatus est, non amittendo quod erat, sed assumendo quod non erat. De cuius descensione, id est, incarnatione in Psalmo scriptum est: Et inclinauit celos & descendit, & caligo sub pedibus eius. Celos inclinauit, qui ante aduentum suum prænuntios angelos siue prophetas misit, quod eius aduentum hominibus annuntiarent. Caligo sub pedibus eius fuit, quia impij homines oculos suam malitiam incarnationem eius agnoscere non potuerunt, sed neque adhuc possunt.

41 Stare
Stare dicitur deus cum uis infirmos, id est, suam creaturam ad poenitentiam & conuersionem patienter sustinet, ut est illud in Abacuc propheta. Stetit & mensus est terra, & dissoluit id est, stetit ad superueniendum, & dissoluit credentes in se à uinculis peccatorum.

42 Transire
Transire dicitur deus, cum de cordibus quorundam hominum, in quibus ante per fidem credebatur, postea subrepente perfidia, uel quolibet delicto ab eis recedit, & ad alios transir, quemadmodum de Iudæis ad gentes, de hæreticis ad catholicos, seu de quibuslibet irreligiosis ad religiosos.

43 Recedere
Recedere dicitur deus, & ad alios transire quod non localiter aut uisibiliter, sed inuisibiliter occultoque iudicio ac iusto facere aliquid consuevit.

44 Ambulare
Ambulare dicitur deus, non de loco ad locum transeundo, quia impium est ita credere, sed ambulatio eius in cordibus sanctorum delectatio: sicut scriptum est. Et inhabitabo in eis, & ambulabo, & ero illorum deus. Vel certe ambulare dei est in sanctis prædicatoribus suis de loco ad locum transire.

45 Loqui
Loqui dei inuisibiliter sine sono uocis uel quolibet strepitu occulte mentibus sanctorum uoluntatem suam atque rectum intellectum inspirare, seu futura, sicut in sanctis prophetis reuelare. Quæ locutio dei, ut quidam uolunt tribus modis accipitur. Primo namque modo per subiectam creaturam, sicut ad Moysen in rubo apparuit. Vel sicut ad Abraham atque Iacob, & ceteris sanctis, quibus in angelis apparere dignatus est. Secundo uero modo in somnis, sicut Iacob & Zachariæ prophetae & Ioseph sponso Mariæ, & sanctis alijs, quibus secretum suum reuelare uoluit. Tercio autem modo neque per creaturam uisibilem, neque per hominem, sed occulta tantum inspiratione inuisibiliter corda suorum tangendo loquentes efficit, quemadmodum in libris prophetarum scriptum est, cum ipsi prophetae subito afflati spiritu diuino exclamabatur, hæc dicit dominus.

46 Videre
Videre dei est acta bona approbare, sicut est illud in Genesi. Vidit deus cuncta quæ fecerat & erant ualde bona, id est, intelligentibus bona demonstrauit. Aliiter, Videre dei est mala hominum sciendo reprobare, sicut est illud in Esaia

in Esaia propheta, Et uidit deus, & malum apparuit in oculis eius. Item aliter uidere dei est, nos uidentes facere, ut est illud in psalmo, Proba me deus, & scito cor meum: & cætera: & uide si uia iniquitatis in me est. Modus iste loquutionis etiam in libro beati Iob similiter reperitur, ubi de sapientia dei patris perquam plurima insignia locutus est, de patre adiecit, Tunc uidit illam & enarrauit, & inuestigauit, & præparauit: id est, uidentes fecit, & prædicantes, & inuestigantes, atq; alijs annuntiantes.

Cognoscere dei, est cognoscentes facere: sicut ait ad Abraham, Nunc cognoui quod timeas dominum. Neq; enim in tempore nouit, qui omnia scit, antequam fiant. Sed cognoscere dicitur, deus cognoscentes facere: ut quod prius de se quales essent, incogniti erant: per eius interrogationem probatione sibi metipsum manifesti fierent. Tale est illud in lege Moyse de populo Israelitico, Vt tentem, inquit, eos, utrum custodiant mandata mea, an non.

Nescire dei, est quosdam reprobos reprobare: sicut est illud in euangelio, Nescio uos unde sitis, recedite à me qui operatis iniquitatem.

Zelare dicitur deus, cum creaturam suam quam non uult perire, sæpe castigat, corripit, atq; flagellat, & flagellando ad se reducit. Vel zelare dicitur deus, cum nullum peccatum impunitum uult relinquere. Iustus est enim, & ideo omnis iniustitia execrabilis est illi: quam, ut dictum est, nullo modo impunitam patitur.

Iraisci dicitur deus, non animi motu, uel qualibet perturbatione, quæ illi omnino accidere non potest: sed creature delinquenti, id est, hominibus impijs, & peccatoribus, iustam dicitur inferre ultionem, hoc est, reddere illis quod merentur: & hæc ultio diuina, furor eius dicitur.

Poenitere dicitur deus, non quod more hominum pro transactis operibus scilicet poeniteat: qui enim nouit antequam fiant, pro perpetratis actibus, poenitere non potest: sed poenitentia dei, statuta mutare: & quod prius aliter fuerat, in aliud mutare: id est, aut de bonis exigentibus tulpis in malum, sicut de Saul legitur poenituisse dominum, quod constituisset eum regem: uel sicut nunc uidemus in populo Iudeorum actum, qui cum esset populus dei, ob impietatem suam facti sunt synagoga Satanae. De malo uero in bonum, sicut accidit in populo gentium, qui ante non populus dei, nunc autem per Christi gratiam, populus dei factus est. Hoc quippe modo oculo dei iudicio, Iudas proditor de apostolatus gradu lapsus, inferni baratro demersus est. Latro uero prius crimen rapacitatis operans, de cruce ad paradysum translatus est. Hanc quoq; mutationem de bono ad melius, ut dictum est, siue de bono ad malum, seu de malo ad bonum, quæ occulto dei iudicio, ac iusto, per se ueritatem iustitiæ suæ, siue per misericordiam eius fiat, poenitentiam dei dicimus: quod expressius in libro Hieremiæ scriptum est.

Non poenitere dei, statuta nullo modo mutare, ut est illud in psalmo, Iurauit deus, & non poenituit eum: id est, pater ad filium: Tu es sacerdos in æternum

num, secundum ordinem Melchisedech. Sacerdos tamen patris dictus est filius dei, non secundum diuinitatem, sed secundum humanitatem, in qua se pro nobis per passionem & mortem suam, acceptabile sacrificium deo patri obtulit, ut ipse esset sacrificium, qui sacerdos.

§3 Oblitus ei

Oblitus ei deus dicitur, cum quibusdam impijs & peccatoribus non miseretur. Quod utique non facit per crudelitatem quæ in deo non est, sed per occultum iustumque iudicium suum.

§4 Indurare

Indurare deus dicitur quorundam malorum corda, sicut de Pharaone rege Aegypti scriptum est: non quod omnipotens deus per potentiam suam eorum corda induret, quod impium est ita credere, sed exigentibus eorum culpis, cum duritiam cordis quæ ipsi omnia mala perpetrando inuertunt, non auferat: quasi illos induret, quos iusto iudicio indurati finit.

§5 Dormire

Dormire dei est, cum unigenitus filius patris in assumpta carne mori pro nobis dignatus est: cui mors recte dulcis prædictus est somnus, ipso dicente, per Hieremiam prophetam, Ideo quasi de somno excitatus sum, & uidi, & somnus meus dulcis est mihi. Aliter dormire dicitur deus, cum fides eius inter prosperitates huius mundi & inter quorundam corda fidelium non uigilat, sed dormit. Hanc dormitionem ipse Iesus significauit, cum in mari inter fluctus maris dormiuit. Vel certe, dormire dei, est anxius tardius subuenire: sicut est illud in Psalmo, Exurge, quare obdormis domine: & cætera.

§6 Vigilare

Vigilare dei, est in defensione electorum suorum se manifestum demonstrare.

DE HIS QUAE APPELLANTUR MEMBRA DOMINI, uel quæ de eo significantur. II



CVLI domini, intelliguntur inspectio diuina. In Psal. Oculi domini super iustos. Palpebræ dei, sunt iudicia eius quæ probant filios hominum: qui neque fatigantur rerum obscuritatibus, sed exercantur: neque inflantur cognitione, sed confirmantur. Aures domini, cum exaudire dignatur, In Psal. Et aures eius in preces eorum. Os domini, sermo ad homines. In Propheta: Os domini loquutum est. Verbum domini, filius. In Psalmo: Eructauit cor meum uerbum bonum. Brachium domini, uel manus, filius, per quem omnia operatus est. In propheta: Et brachium domini cui reuelatum est. Dextera domini, idem quod supra. In Psalmo: Dextera domini fecit uirtutem. Digitus dei, dicitur spiritus sanctus, propter partitionem bonorum quæ ab eo dantur unicuique propria, siue hominum, siue angelorum. In nullis enim membris nostris sic apparet partitio, quam in digitis. Nec te scandalizet membrorum diuersitas, cum ædificet corporis unitas. Vterus domini, secretum, ex quo filium protulit. In Psal. Ex utero ante luciferum genui te. Pedes domini, stabilitas æternitatis. In Psalmo: Et caligo sub pedibus eius. Vestigia domini, operum secretorum signa. In Psalmo: Et uestigia tua non cognoscuntur. Gressus domini, aduentus, uel uisitatio domini. In Psalmo: Visi sunt ingressus tui deus.

Arma

Arma domini, adiutorium eius in sanctos. In Psalmo: Apprehende arma & scutum. Scutum, protectio domini. In Psalmo: Domine ut scuto bonæ uoluntatis tuæ coronasti nos. Framea, ultio diuina in impios. In Psalmo: Effunde frameam, & conde. Arcus, intentio comminationis diuinæ. In Psalmo: Arcum suum tetendit, & parauit illum. Sagittæ, præcepta diuinæ, apostoli, uel prophetæ. In Psalmo: Misit sagittas suas, & dissipauit eos. Item Sagittæ in manu potentis. Gladius, uindicta, uel sermo domini. In Apostolo: Viuus est enim sermo dei, & efficax, & penetrabilior omni gladio alicui. Rhomphea, idem quod supra. Tuba domini, uox manifesta domini. In Apostolo: In iussu, & in uoce archangeli, & tuba dei. Currus dei, sedes dei, uel quadriformitas euangeliorum. In Psalmo: Currus dei decem milibus multiplex. Virga domini, regni significatio, uel correptio disciplinæ. In Psalmo: Virga æquitatis, uirga regni tui. Manus domini, minæ, uel uindictæ eius. Baculus domini, sustentatio consolationis domini. In Psalmo: Virga tua, & baculus tuus, ipsa me cōsolata sunt. Aliàs, baculus domini, sanctam crucem, uel disciplinam sanctæ ecclesiæ designat. Item baculus, sustentaculum est quodlibet: ut in libro Thobiæ: Baculum senectutis nostræ.

DE SUPERNIS CREATURIS

III



CARBONES, ignis charitatis, aut exemplorum, aut poenitentia. In Psalmo: Cum carbonibus desolatorijs. Fumus, initia compūctionis futuræ, uel ipsius comminationis dei. In Psalmo: Ascendit fumus in ira eius. Item in aliā partem, sicut fumus oculis noxijs, id est uanitas. Ignis, spiritus sanctus. In Actibus apostolorum: Et apparuerunt illis dispartitæ linguæ, tãquam ignis, seditq; supra singulos eorum, & repleti sunt omnes spiritu sancto. Cælum, apostoli, siue sancti, ideo quod dominus inhabitet in eis. In Psalmo: Cæli enarrant gloriam dei. Cæli in sancta scriptura designant aliquãdo superiora mundi corpora, ignota nobis quibus modis distincta sint, & de quibus satis difficile est disputare, sed non impossibile, cui dat deus intelligere: ut dedit apostolo, capto usq; ad tertium cælum: exceptis illis materialibus cælis. Dicuntur cæli, sancti apostoli prædicatores uerbi ueritatis: per quos cælos tanquam pluuiâ irrigati sumus, ut per totum mundum seges ecclesiæ pullularet. Sunt etiam cæli, omnes animæ sanctæ & iustæ, in quibus deus habitat in templo fidei & operationis. Item cælum, sancta scriptura: de qua nobis & sol sapientiæ, & luna scientiæ, & ex antiquis patribus stellæ exemplorum & uirtutum lucent: quod cælum sicut pellis extenditur, quia per scriptores suos carnis lingua formatum ante oculos nostros per uerba doctorum exponendo disputatur. Nubes, prophetæ, siue sancti, qui pluant uerbum domini. In Esaia: Mandabo nubibus desuper ne pluant. Nubes etiam in malam partem, tempora iniquorum significat: ut, Velut nubes pertransiuit salus mea. Tonitrua, uoces euangelij: eo quod de cælo ex dictis dei intonent. In Psalmo, Vox tonitruui tui in ro-

ta: hoc est, in toto. Confuscationes, splendores euangelij. In Psal. Illuxerunt confuscationes tuæ orbi terræ. Fulgura, uirtutes, uel uerba Iesu Christi. In Psal. Et fulgura multiplicauit, & conturbauit eos: id est, inimicos, uel Iudæos.

Angelorum nomine in sancta scriptura dominus designatur, ut Esaïas testatur: Et uocabitur nomen eius magni consilij angelus. Aliquando ipse angelicus chorus: ut Petro Christus, An putas quia nō possum rogare patrem meum, & exhibebit mihi plusquā duodecim legiones angelorū. Aliquando ciues cœlestis Hierusalem ex hominibus assumpti: ut dominus in euangelio, In resurrectione enim neq; nubent neq; nubentur, sed sunt sicut angeli dei in cœlo. Aliquādo fidelium populus: ut est illud, Statuit terminos gentium, secundum numerum filiorum Israel, uel angelorum dei. Hoc nomine quilibet etiam iustus designatur: ut de Ioanne Baptista dominus, Ecce ego mitto angelum meum ante faciem tuam. Aliquando prædicatores, uel sacerdotes: ut scriptum est, Labia sacerdotis custodiunt scientiam, & legem requirunt ex ore eius, quia angelus domini exercituum est. Et Apostolus: Mulier debet uelare caput in ecclesia, propter angelos: id est episcopos, & unusquisque fidelis, quod bona annunciat, angeli nomen sibi uendicat, si bene uiuat. Ad ultimum, diabolus, & coapostatæ eius, angeli mali nūcupantur: quod licet angelicam dignitatem amiserint, subtilitatem tamē angelicæ naturæ non amiserunt: per quos angelos malos, immissiones aduersitatum uel aegritudinum, permissione dei fiunt, quando, & ubi uoluerit. Throni, angeli, uel sancti, uel ipsa regnandi potestas. In Psalmo, Thronus tuus deus in seculum seculi. Item in aliam partem de diabolo: Ponam thronum meum ad aquilonem. Sedes, idem quod supra, angeli uel sancti, eo quod in his dominus sedeat, & per eos sua iudicia decernat. In Psalmo, Deus sedet super sedem sanctam suam. Sol, dominus Iesus Christus, qui fulgeat terris. In Salomone, quod dicturi sunt reprobi in fine: Ergo sol iustitiæ nō luxit nobis. Aliās persequutio: ut illud, Orto sole aruerunt. Luna, ecclesia: eo quod in hac mundi nocte resplendeat. In Psalmo: Fecit lunā in tempore. Pro defectu etiam nostræ carnis ponitur, quia dum mensuris momentis decrescit, defectum nostræ mortalitatis designat. Stellæ, sancti, siue docti, uel qui ad iustitiā erudiunt. In Daniele: Docti tanquā stellæ fulgebunt. Nebulæ, uel ætærum mysteriorum dei: interdum & angeli dei. In propheta: Et nebulæ puluis perdimus eas. Aliās abolitio peccatorū: ut Esaïas, Deleui ut nubem iniquitatem tuam, & quasi nebulam peccata tua. Caligo, diuinorum secretorum operimentum. In Psal. Et caligo sub pedibus eius. Abyssus, profunditas scripturarum. In Psal. Abyssus abyssum inuocat. Item abyssus nomine profunditas ueteris & noui testamēti intelligitur: unde, Abyssus abyssū inuocat: dum uetus testamentum, nouum annuntiat. Siue abyssus est mens humana, quæ semetipsam non potest comprehendere: unde propheta, Dedit abyssus uocem suam ab altitudine phantasiæ suæ: quia dum semetipsam mens humana non

na non penetrat, ex comparatione sui, diuinæ naturæ potentiam quam comprehendere nō sufficit, humiliter laudat. Vel certe, abyssus iudicia dei sunt: & Abyssus abyssum inuocat, quando occulto dei iudicio, de presentibus malis transit peccator ad æterna mala, & de ardore cupiditatis in flāmas gehennæ. Ros, uerbum domini: ideo quod madefaciat hominū corda: ut, Rosa te cœli desuper. Et in Psal. Sicut ros Hermon, qui descendit in montem Sion.

Pluuia, præcepta, uel mandata dñi: uel uerba sanctorū apostolorū: eo quo terram, i. homines irriget. In psal. Pluiam uoluntariā segregabit deus hereditati tuæ. Niuēs, pro candore iustitiæ, & pro baptismo. In Psal. Lauabis me, & super niuem dealabor. Grando, cōinationes dñi, quib. contumaces euerberat. In Psal. Grando & carbones ignis. Item in aliā partem: Et occidit in grandine uineas eorum. In frigore uero niuis, & in duritia grandinis bita accipitur prauorum, quæ & torpore frigescit, & per duritiæ malitiā perit. Pruina, abstinentia: eo quod per hanc frigescat calor corporis. In Psal. Factus sum sicut uer in pruina. Tempestas, persecutionum uel tribulationum impetus. In Psal. Qui saluum me fecit à pusillanimitate spiritus & tempestate. Glacies, duricies peccatorū. In Salomone: Sicut in sereno glacies, ita soluentur peccata tua. Venti, animæ sanctorum. In psal. Volauit super pinnas uentorum. Item in malā partē. In Matthæo: Flauerunt uenti. Aquilo, diabolus, uel homines infideles, aut mali, uel frigus peccatorū. In prophetis: Ab aquilone exardescēt mala super terram. Et alibi: Ab aquilone pandetur malum. Et alibi: Surge aquilo: id est, recede. Dexter, idem quod supra. In Salomone: Aquilo durus uetus. Nomine autem dexter uocatur, eo quod diabolus nomen sibi dextri præsumat, tanquam boni: siue quod occidēt, id est peccatum, respicientibus dexter fiat. Auster, calor fidei. In Psal. Sicut torrens in austro. Est & spiritus sanctus: ut ibi, Surge aquilo, & ueni auster: id est, Recede diabolus, & ueni spiritus alme. Aer, inanitatis enunciatio. In apostolo: Sic pugno, non quasi aerem uerberans: id est, nō inania cōsectans.

Tempora, opportuna distributio uolūtatis diuinæ. In Psal. Fecit lunam in tempora. Ver, uita: retriouatio, uel per baptismum, uel per resurrectionem. In psal. Æstatem & uer tu fecisti ea. Æstas, uenturæ iucunditatis præfiguratio. In Psal. ut supra. Hyems, præsens uita, persecutio, uel tribulatio. In euāgē. Ut non fiat uestra fuga hyeme, uel sabbato. Anni, aliquando pro æternitate accipiuntur: ut ibi, Et anni tui non deficient. Interdum & pro breuitate huius uitæ: ut hic, Anni nostri tanquā aranea meditabuntur. Mensium nomine qui diebus coadunantur, collectiones animarum designantur, uel perfectio sanctorum: ut ibi, Erit mensis ex mense: uidelicet eis in requie, quib. nunc perfectio fuerit in operatione. Dies & nox, iustitia & iniquitas, fides & infidelitas, prospera & aduersa. In psal. In die mādauit dominus misericordiam suam, & in nocte dedarauit. Dierum nomine intelligitur etiam illuminatio diuinæ gratiæ per diuersa dona ultimum. Item dies designat angelū apostatā: dum Iob ita loquit, Maledicant ei qui maledicūt dei. Noctis,

nūc nomine, error uel ignorantiæ cecitas, uel etiā mortis acerbitas accipit. **L**umen & tenebræ, ita maxime accipiūt ut dies & nox. In ep̃la Iōā. Qui diligit fratrem suū, in lumine manet: qui autē odit fratrem suū, in tenebris est. Per lumen etiā interior cordis declaratur. Umbra, protectio diuina, in psal. Sub umbra alarū tuarū protege me. Aliās obliuio, uel peccata: ut ibi, Sedētes in tenebris & in umbra mortis. Umbra est aliquā delectatio peccatorū: ut in Iob, Sub umbra dormit in secreto. Rursus umbra obliuionē mētis, uel mortē carnis, uel imitationē diaboli significat. Lucis noīe, dñs, uel quilibet iustus intelligit: ut in euā. Erat lux uera quæ illuminat omnē hominē ueniētē in hūc mūdū. & Apostolus, Fuiſtis aliquā tenebræ, nūc autē lux in dño. Ponit etiā pro illuminatione si dei, & pro uita. Hora, quæcūq; (ut putat quidā) anni: si quā dies p̃ toto mūdi isti us seculo accipit: in ep̃la Iō. Filioli mei nouissima hora est. Oriēs, quia ab illa parte lux oriē, saluator: maxime in Luca, Visitauit nos oriēs ex alto. Et in Zacha. Ecce uir oriens nomē eius. Occidēs, uitæ melioris defectus. In p̃pheta, Occidet uobis sol in meridie. Aquilonaris pars semper in aduerso ponit: ut proph. de diabolo, Ponā sedē meā ad aquilonē. & alibi, Ab aquilone p̃deſt malū. Mane, lux actū bonorū, uel baptisimū, uel resurrectio dñica, in psal. Mane aſtabo tibi, & uidebo. & alibi, A custodia matutina usq; ad noctē spectet Israel in dño. i. a resurrectione dñi spes nostra, usq; in finē seculi. i. diē iudicij. Per mane etiā uel matutinū, præsentiſ uitæ p̃ſperitas significat: ut illud, Væ tibi terra, cuius rex iuuenis est, & cuius principes mane comedunt, mane autē comedūt, qui de huius mūdi p̃ſperitatib; extollūt, dū in extremo eius deſerēt p̃ſtolari, ſui æternis felicitatibus. Meridies, plana doctrinarū factō nūq; claritas, in Salom. Vbi cubas in meridie. Et in malā partē, in psal. A domino meridiano, i. manifestō. Vesp̃e, finis uitæ, uel ſeculi, uel pœna, in psal. Ad uesp̃erū demorabit̃ ſectus, & ad matutinū letitia. Aurorē noīe mens iustorū accipit, quæ peccati ſui tenebras relinquēs, ad lucē erūpit, ſole iuſtitiz il luminata. Arcēturi noīe, q; in cœli axe cōſtitutus vii ſtellarū radijs fulget, eccl̃ia uniuerſalis exprimit̃, quæ in apoca. Iō. p̃ vii eccleſias, & vii cadelabra figurat. Oriones in pōdere hyemis oriētes, ſāctos designāt martyres, q; pōdus p̃ſequētū & hāc uitā amātū p̃tulerūt, & ad cœli faciē q̃ſi in hyeme uenerūt. Hyades, à gr̃ca l̃ra vñcupatē, à cui⁹ forma nō diſcrepāt uifiōe, & ortus pluuias afferūt ſāctos p̃dicatores, q; uerbis pluit, & corda hoīm ſalubriter irrigāt, ſignificāt. **Id** nāq; gr̃æce, imber latine dicit̃.

DE TERRENIS III

TERRA, homo ipſe, in euā. Aliud cecidit in terrā bonā. Itē, Terræ, & in terrā ibis. Itē in malā partē, de peccatore. Terrā edes omnib; dieb; uitę tuę. Aliter, terra intelligūt, qui terrenis actib; occupati, per elemoſynas & lachrymas ad uitā æternā pueniūt: unde psal. Aduocauit cœlū de ſup̃, & terrā diſcernere populū ſuū. Arida, inſructuoſi homines. In Salo. Cooperire aridā malitia & doſoſitate. Puluis, peccatores, uel carnis uanitas: in psal. Sicut puluis quē proijcit uētus. Lutū, peccatorū glutinū: in psal. Eripe me de luto ut nō inſigat. Itē in aliā partē, in

Iō. Lu.

10. Lutū fecit, & liniuit oculos meos. Montes, dñs, ecclesia, apostoli, siue sancti, à celsitudine uirtutū: in psal. Qui descendit sup mōtē Sion. itē. ppheta. Erit mons domus dñi sup uerticē montiū. Itē in aliā partē: in pph. Nequādo offēdāt pedes uestri ad mōtes caliginosos. i. hæreticos. Colles, sancti, sed minoris meriti: in psal. Mōtes & oēs colles. Itē in aliā partē: in euā. Omnis mōs & collis humiliabit. Valles, contritiones cordis humilis: in psal. Et cōualles abundabūt frumēto. Itē in aliā partē: in pph. Vallē filiorū Ennon. Petra, Christus, à firmitate: in apostolo, Petra autērat Christus. Lapides, interdū Christus, aut sancti: in psal. Lapis quē reprobauerūt edificātes. Itē, Abscissus est de mōte lapis sine manib. & impleuit uniuersā terrā. Itē, Et uos tāc̃ lapides uiui sup ædificāmini. Itē in aliā partē: de insipiētib. & duro corde, Potens est deus de lapidib. istis suscitare filios Abraham. Et alibi, Auferā cor lapideū de carne uestra. Ager, hic mūdus: in euā. Ager est hic mūdus. Aliās ager est disciplina cōlestis studiū, in quo thesaurus abscondit. i. cōleste desideriū. Cāpi, sancti, siue scripturæ diuinæ: eo q̃ pastū animarū prēbeāt: in psal. Et cāpi tui replebūt ubertate. Itē in malā partē: In cāpo Taneos. Itē cāpi, ppter æqualitātē dicūt populi iusti. Pascua, refectio spiritalis: in psal. In loco pascuæ ibi me collocauit. Cultura, sancti q̃ excolunt à deo: in ap̃lo, Dei cultura estis. Agri cola, deus: in euā. Ego sum uitis uera, & pater meus agricola est. Suki, corda sanctorū: in psal. Sulcos eius inebriās. Semē, diuina prædicatione: in euā. Exiit qui seminat seminare semē suū. Messis, ubertas, uel copia fidelīū: in euā. Leuate oculos uestros, & uidete regiones, quia albæ sūt ad messē. & aliter, Messis cōsumatio seculi, sicut messores angeli. Manipuli, fructus iustitiæ: in psal. Portantes manipulos suos. Stipula, aridi ad fidē, uel inanes: in ap̃lo, Ligna, senu, stipulā. & in pph. Heu mihi, quia factus sum, sicut qui colligit stipulā in messe: hoc est, nullos boni opis fructus inueni. Et alibi, Stipula collecta synagoga peccatiū. Area, ecclesia: in euan. Et pmūdabit areā suā. Vētilabrū, examē iustitiæ dei: in euā. Cuius uētilabrū in manu sua. Triticū, dei uerbū, sancti, uel electi dei: in euā. Cōgregabit triticū suū in horreū. Hordeū, legis lītera: in euan. Est puer unus hic, qui habet v panes hordeaceos. i. ad literā, v lībros Moyse. Palea, peccatores: in euā. Paleas aut cōburet igni inextinguibili. & Hierte. Quid paleas ad triticū, dicit dñs. Zizania, scādala, uel male uiuētes: in euā. Venit inimicus, & supseminauit zizania in medio tritici. Vineā, ecclesia, uel populus Israel: in psal. Vineā de Ægypto transtulisti. Itē in malā partē: Ex uinea em̃ Sodomorū uitis eorū. Vitis, Christus: in euā. Ego sū uitis uera. Itē in aliā partē: in cātico Deutero. hoc qd̃ supra. Palmites, ap̃li, uel sancti: in euā. Ego sum uitis uera, uos palmites. Et in malā partē: ubi supra: Et palmes eorū ex Gomorra. Vux, fructus iustitiæ: in Esa. Expectaui ut faceret uuam. Itē in malā partē: ubi supra: Vux eorū, uua fellis. Botrus, ecclesia, siue corpus dñi. In Num. Eo qd̃ botrū inde portassent filij Israel. Vindemia, cōsumatio seculi, uel uindicta in p̃p̃m: in psal. Vindemiāt eā oēs q̃ trāsgrediūt uia. & Iohel, Mittite fales, & uindemiāt uinea terrę, quia mature sūt uues eius.

Torcular, altare, ab eo quod ibi oblationes tanq̃ fructus conferantur: ut in Esaia. Et torcular fodi in ea. Et aliter, torcular, tribulationū pressura in ecclesia sancta, in qua fideles probantur. In titulo psalmi. In finem pro torcularibus.

Fœnum, populus, caro, uel uana gloria. In Esa. Omnis caro fœnū, & omnis gloria eius sicut flos fœni. Herba iucunditas, uel quædam rudimēta proficientis animæ. In Gen. Producat terra herbam uirentem. Item in malā partem: Mane sicut herba transeat. Flores, Christus, uel sp̃cimen iustitiæ, aut inchoatio bene operātium: ut in Cantico cant. Sponsus, Fulcite me floribus;

Lilium, Christus, uel angeli candore iustitiæ. In Salom. Ego flos campi & lilium cōuallium. Rosæ, martyres, à rubore sanguinis. In Salom. Sicut rosa germinat super humida fluentia. Violæ, confessores, ob similitudinē liuidi rum corporum. In Cantico cant. Flores in terra uisi sunt. Syluæ, gentes. In Psal. Inuenimus eam in campis syluæ. De his syluis egressi sunt duo ursi, Ve sp̃sianus scilicet, & Titus, rēges Romanorū, ad præceptum figurati Heliſei, & post XLII annos ascensionis eius ad cœlos Iudaicos pueros comederunt.

Condensa, opaca, uel contacta scripturæ diuinæ. In psal. Et reuelauit condensa. Ligna, peccatores igni deputādi. In Ecclesiaste: Qui scindit ligna, periclitabitur in eis. Item in bonam partem: Et erit tanq̃ lignum quod plantatum est. Aliās ligni nomine sancta crux designatur: ut propheta, Mittamus lignum in pane eius: id est, in carne Christum cruce suspendamus. Item, Eri colligo duo ligna. Item lignū significat iustos ac peccatores: ut Salom. Si ceciderit lignum ad austrum aut ad aquilonem, ubiq̃ cōciderit, ibi erit: quia in die mortis, iustus ad austrum cadit, peccator ad aquilonē. qui iustus per seruorem spiritus ad gaudium ducitur: peccator cum apostata angelo in frigidus corde reprobatur. Radix, origo. In apostolo: Quod si radix sancta & rami. Et in malam partem. In Psal. Euellet radicem tuam de terra uiuētium.

Arbor, homo, à fructu operum. In euang. Aut facite arbore bonam, & fructum eius bonum. Et in malam partem: Aut facite arborem malam, & fructum eius malum. Quidam in hoc testimonio, arborem hanc, uoluntatē hominis magis, q̃ ipsū hominem accipiendū putant. Arbor etiam fuit Christus cum resurrexit, qui cum moreretur granū fuit. Ramus, successio. In apostolo: Quod si radix sancta, & rami. Item in aliam partem. In Danie. Præcidite ramos eius. Item rami sunt sententiæ sanctorū patrum. In euan. Alij cæ debant ramos de arborib. Folium, sermo doctrinæ. In psal. Et folium eius non defluet. Et aliter, foliū, uestitus & decor cum protectione diuinæ gratiæ. Et in malam partem: Non inuenit in ea fructū propter folia: id est, uerba sine fructu: unde monet Apostolus, ut diligamus non uerbo neq̃ lingua, sed opere & ueritate. Comparatur etiam homo folio, qui ab arbore cecidit in paradiſo. Poma, sanctorum in uirtutibus fructus. In Cantico cant. Et manducet fructum pomorum suorum. Palma, perfectio uel uictoria. In Psal: Iustus ut palma florebit. Palma enim tarde proficit, sed diu in uiriditate persistit: ita sancta ecclesia cum multis difficultatibus ad fidei statum uenit, &

pro

pro collectione plurimorum in eiusdem fidei gloria diutius stare cōcupiscit. Palma inferius corticum suarum inuolutionib. angustatur, sed superius amplitudine pulchræ uindictatis expanditur: sic electorū uita inferius est despecta, sed superius pulchra. Habet quiddā & aliud palma, quo à cunctis arborum generibus differt: omnis enim arbor quæ in suo robore iuxta terram uaste subsistit, crescendo superius angustatur: & quantum paulisper sublimior, tantum in altum redditur subtilior: palma uero ab imis inchoat, & iuxta ramos ac fructus ampliori robore exurgit: & quæ tenuis ab imis proficit, uastior ad summam succrescit. Quibus itaq; alia arbusta, nisi terrenis mētibus inueniuntur esse similia, inferius uasta, superius angusta: quia nimirum omnes huius seculi dilectiones, in terrenis rebus sunt fortes, in cœlestib. debiles: pro temporali gloria usq; ad mortem defudare appetunt, & pro spe perpetua ne parum quidem in labore subsistunt: pro terrenis lucris quaslibet iniurias tolerant, & pro cœlesti mercede uel tenuissimas unius uerbi contumelias ferre recusant. Nam ut terreno iudici totos dies assistant, fortes sunt: in oratione uero coram domino, uel unius horæ momento lassantur. Sæpe nuditatem, uigilias, famē, pro acquirendis diuitijs & honoribus tolerant, & multa se abstinentia cruciant. At contra ex æqualitate palmarum designatur proficiens uita iustorum, qui nequaquā in terrenis studijs sunt fortes, & in cœlestibus debiles: sed longius atq; distantius studiosos se deo exhibent, quam seculo fuisse meminerūt. Scriptum est itaq; recte, ut admonui: iustus ut palma florebit: & cætera. Cedri, excelsioris potentie uiri. In Psal. Vt cedrus Libani multiplicabitur. Et in malam partem, superbi, elati: ut in Psal. Et confringet dominus cedros Libani. Olea, sanctus misericordie abundans fructibus. In Psal. Ego autem sicut oliua fructifera in domo domini. Oleaster, homo sine fructu, uel gentilis. In Apostolo: Si autē tu ex naturali excisus es oleastro.

Ficus, synagoga interdum. In Euāgelio: Et arefacta est continuo ficulnea. Et in Abacuc: Ficus non adferet fructum. Ficus, & in bono & in malo accipitur: ut Esaias, Et ostendit mihi ficus bonas ualde, & malas ualde. Et dominus Nathanaël: Cum esses sub ficu (id est, sub peccato originali,) uidi te redempturus. Ficus etiā intelligitur humana natura, uel incredula synagoga: quæ bene condita propria sponte est lapsa, & fructum præcepti dei, uel bonæ operationis non protulit: unde in ea fructum dominus tribus annis exquiruit, nec inuenit: quia eam sub tribus temporibus, id est, ante legem, sub lege, sub gratia admonendo, uisitando requirit, ante legem parcendo sustinuit: sub gratia, quia incarnationis suæ præsentiam exhibēdo monstrauit: in lege, quia præcipiendo docuit: quibus tamē tribus temporibus infructuosa remansit, & à radicibus atruit. Sycomorus, ficus fatua dicitur: quam pusillus Zacharias subiit, & dominum uidit: quia qui mundi sapientiam humiliter eligunt, ipsi dei sapientiam subtiliter aspiciunt. Prudenter Sycomorum ascendimus, si prouide eam quæ diuinitus præcipitur, laudabilem & sapientem

pientem fatuitatem tenemus. Quid enim in hoc mundo insipientius, quàm
 amissa non querere, possessa largiri, rapientibus relaxare, nullam pro acce-
 ptis iniurijs iniuriam reddere: sed iuxta preceptum dominicum, in omnibus
 patientiam præbere? Hyssopus, herba humilis, & lapidi in quo nascitur
 astricta, cuius radices saxum penetrare dicuntur: ipsa uero præcipue pulmo-
 nes curat. In pulmone notatur superbia: illic inflatio, illic anhelus. In hyssop-
 o igitur designatur humilitas & patientia. Rhamnus, urtica, cardui, sen-
 tes, paliuri, herba aculeis referta: significat immites, dolosos, superbos, & om-
 nes improbos, quos nullus bonorum uel mansuetorum potest contingere,
 uel castigare sine doloris compunctione. Item significant uitia, & tentatio-
 num inflectiones: ut in Genesi: Spinas & tribulos germinabit tibi. Mala-
 granata, ecclesia de multis gentibus, siue diuersas gratias habens. In Canti-
 cis canonicorum: Emissiones tuæ paradisus malagranatorum cum fructu po-
 morum. Alias mala intelliguntur fructus bonæ operationis cum bono odo-
 re, id est, gratia bonæ famæ, & morum fructibus. Arundo, peccator, uel fra-
 gilis in fide, uel in aliqua tentatione. In Euange, Arundinem quassatam non
 confringet. Item arundo, infinitum auxilium. In Esaia: Quid confidis in ba-
 culo isto arundineo Ægyptio: cui si quis incubuerit, conquassabitur, & per-
 forabit manum eius. Rubus, ut quidam opinantur, Mariæ uirginis præfi-
 guratio: eo quod quasi de humani corporis rubo, saluatorem tanquàm rosam
 emisit: aut quod uim diuini fulgoris, sine uiri assumptione pertulerit. In
 Exodo: Apparuit ei dominus in flamma ignis de medio rubi, & uidebat
 quod rubus arderet, & non combureretur. Alias rubus ardens nec consum-
 ptus, Iudaicum populum signauit, quod & legis dei flammam præcepit, &
 tamen peccati poenam nequaquam uitauit. Spinæ, interdum noxiæ diui-
 tiarum curæ, animum suffocantes, & huius mundi sollicitudines. In Euange,
 Aliud cecidit in spinas. Et iterum: Qui à sollicitudinib, & diuitijs & uolupta-
 tibus suffocantur. Tribuli, aculei uitiorum uel tentationum. In Genesi: Spi-
 nas & tribulos germinabit tibi. Fontes, baptismum. In Psalmo: Sicut cer-
 uus desiderat ad fontes aquarum, Fons etiam est Christus: ut Psalmo: Siti-
 uit anima mea ad deum fontem uiuum. Et Esaia: In die illa erit fons patens
 domus Dauid: & cætera. Item in malam partem: ut Apostolus: Fontes sine
 aqua. Aquæ, tentationes. In Psalmo: Forsitan ut aqua absorbuisset nos.
 Item: Intrauerunt aquæ usque ad animam meam. Item in bonam partem. In
 Hieremia: Me dereliquerunt fontem aquæ uiuæ. Et in Esaia: Qui sititis, ite ad
 aquam: id est, ad doctrinam. Aquæ nomine in scriptura sancta aliquando
 spiritus sanctus significatur. Sic enim spiritus sancti infusio designatur: ut in
 Euang. Qui credit in me, flumina de uentre eius fluent aquæ uiuæ. Item per
 aquam angelicus chorus exprimitur: ut in Psal. Et aquæ quæ super coelos sunt
 laudent nomē domini. Itē scientia sacra: ut in libro Sapientia, Aqua sapien-
 tiæ potabit eos. Et iterum, aqua profunda uerba ex ore uiri. Præuā quoque scien-
 tia per

da per aquam appellatur. Sicut per Salomonē, mulier quæ typum hæreseos tenet, callidis perſuaſionibus blanditur dicens, Aquæ furtiue dulciores ſunt. Aqua etiam, huius mundi proſperitatem ſignificat: ut in Pſalmo: Tranſiui-
mus per ignem, & aquam, & eduxiſti nos in refrigerium. Ignis & aqua utrū-
que periculolum: ut in Euangelio: Frequentet eum & in ignem & in aquam
miſit, ut eum perderet. Quando res ſunt anguſtæ, & aliquæ infelicitates ſunt
in hoc mundo, quāſi ignis eſt. Quando res ſunt proſperæ, & abundantia ſe-
culi circumfluit, quāſi iam aqua eſt. Per aquam etiam populi deſignantur, ut
in Apocalypſi. Aquæ multæ, populi ſunt multi. Per aquam quoq; nō ſolum
curſus diſcurrentium populorum, ſed etiam bonorum mentes, fidei prædica-
menta ſequentes oſtenduntur: ſicut apud Eſaiam eſt: Beati qui ſeminatis ſu-
per omnes aquas. Aqua etiam baptiſmum indicat: ut ait Ioannes euangeliz-
ta: Tres ſunt, qui teſtimonium dant in terra, ſpiritus, aqua, & ſanguis. Spiri-
tus enim, nos per adoptionem filios dei fecit. Sacri fontis unda nos abluir;
Sanguis domini nos redemit. Tortens, perſequentionis incurſus, uel mor-
tis diſapſus. In Pſalmo: De torrente in uia bibit. Item: Torrentem pertranſi-
uit anima mea. Et in bonam partem: Et torrente uolūtatis tuæ potabis eos.
Torrentes etiam, ſancti appellantur prædicatores, qui dum in præſenti ui-
ta diuinis nobis eloquijs influunt, aquarum multitudine, quāſi in hyeme col-
liguntur: quia & aſtuo ſole adueniente ſe ſubtrahunt, quia cum æternæ pa-
triæ lux emiſerit, prædicare ceſſabunt. Flumina, inſidelium populi. In Pſal-
mo: Super flumina Babylonis. Item in bonam partem: Flumina de uentre
eius fluent aquæ uiuæ: id eſt, diuerſæ gratiæ ſpiritus. Sic in Pſalmo: Flumi-
nis impetus latificat ciuitatem dei. Lacus, infernum. In Pſalmo: Poſuerunt
me in lacu inferiore: id eſt, illo inferni loco, in quo peccatores ſoli pœnali cu-
ſtodia detinentur. Mare, ſeculum, ſive populi. In Pſalmo: Hoc mare ma-
gnum, & ſpacioſum. Per mare etiam intelliguntur ſacræ ſcripturæ: ut in Eze-
chiele: Aſpectus rotarum, & opus earum, quāſi uifio matris. Recte itaq; ſa-
cræ eloquia uifioni matris conferuntur, quia ſententiæ loquutionis ſacramen-
to baptiſmatis conſtituantur. Piſces, ſancti. Interdum peccatores. In Euan-
gelio: Et traxerunt plenum rete piſcibus magnis. Item in malā partem: Ma-
los autem ſorās miſerunt. Ruſus piſcium nomine, fides non ficta exprimitur:
quem admodum enim piſcis ſub tegumēto aquarum naſcitur, uiuit, & alitur:
ſic & fides quæ in deum eſt, quæ alterius uitæ gaudia, per lamētā præſentia,
ſteturſq; inquietos, in corde gignit: inuiſibili gratia ſpiritus per aquā baptiſ-
matis conſecratur: inuiſibili auxilio diuinæ protectionis, ne deficiat nutritio:
inuiſibili præmiōrum intuitu, quæcunq; ualet, bona operatur: memor illius apo-
ſtolici, Quia quæ uidentur, temporalia ſunt: quæ autem nō uidentur, æterna.
Piſcis autē aſſus, paſſionē ſignificat. Fluctus, rērationes. In Pſal. Omnia ex-
celſa tua, & fluctus tui ſuper me transferunt. Significat etiam fluctus, timo-
rem dei: ut in libro Iob: Sicut tumētes fluctus ſuper me, ſic ſemp̄ timui dñm.

Vnde

Vnde, idem quod supra in Cantico: Gelauerunt undæ in medio maris. Insulæ, animæ, uel ecclesiæ dei, quæ diuersis tentationum tunduntur fluxibus. In Psalmo: Latentur insulæ multæ. Littus, finis seculi. In Euāgelio: Et secus littus sedentes elegerunt bonos in uasa. Arena maris, innumeræ gentium multitudines. In Genesi: Et multiplicabo semen tuum (id est, sanctos) sicut stellas cœli, & sicut arenam (peccatores) quæ est ad oram maris.

DE ANIMANTIBVS



AUES, sancti, quod ad superiora corde euolent. In Euāgelio: Et fecit ramos magnos, ita ut possent sub umbra eius aues cœli habitare. Intelliguntur etiā per aues, superflue cogitationes, quod monstratur per Abraham; qui cum sacrificium deo offerret, insistentes aues perferrebat, quas abigebat: quod enim in orationis sacrificio se importunæ cogitationes ingerunt, & subortæ, corda iustorum polluant: sed dum citius manu discretionis abiguntur, festiue agitur, ne cordis faciem caligo tentationis operiat, quæ ante iam ex illicita delectatione tangebatur. Volatus, sanctorum excessus in deum, uel in scripturis intellectus. In Psalmo: Et uolabo, & requiescam. Volucres, in bono accipiuntur, ut de auibz diximus. In malo autē, superba dæmonia designant, ut in Euāgelio dominus: Aliud semen cecidit secus uiam, & uolucres cœli comederunt illud: quia maligni spiritus humanas mentes obsidentes, dum cogitationes noxias ingerunt, uerbum uitæ e memoria euellunt. Alæ, duo testamenta. In Ezechiele: Unum quodq; duabus alis uelabat corpus suum. Sunt etiam alæ, uirtutes sanctorum, per quas ad contemplationem, uel ad cœlestia euolant: uel protectio diuina. Pennæ, scripturæ. In Psalmo: Pennæ colubæ de argentata. Nidus, ecclesia, aut requies excelsa sanctis. In Psalmo: Et turtur nidum sibi ubi reponat pullos suos. Et aliter, nidus, bona conscientia, in qua bonarum cogitationum foetus fouentur, atq; in opere pariuntur, ut postea filij appellentur. In Psalmo: Filij tui, sicut nouellæ oliuarum in circuitu mensæ tuæ. Pulli, sancti. In Psalmo, ut supra. Sicut in libro Iob: Pulli eius lambent sanguinem: quod de filiis sanctæ ecclesiæ dicitur, qui sanguinem Christi bibunt. Et in malam partem. In Salomone: Et pulli aquilarum deuorent eum. Aquilæ, sancti. In Euāgelio: Vbi fuerit corpus, illic congregabuntur aquilæ: quia egredientes sanctæ animæ de corpore ad Christum, qui pro illis moriendo cadauer factus est, aggregantur. Aquila, Christum etiam significat, ut Salomon: Via aquilæ in cœlo: id est, Christi ascensio. Et in malam partem: Pulli aquilarum deuorent eum. Vt in Hieremïa, de malignis spiritibus: Velociore fuerunt persecutores nostri aquilis. Per aquilam designatur etiam terrena tempestas. Struthio, quilibet hæreticus, uel philosophus, uel hypocrita, qui quasi cum pennis sapientiæ est, tamen non euolat. In Esaia: Erit cubile draconum, & pascua struthionum. Et struthio oua parit, sed pullos inde non nutrit: quia hypocrita quamuis recte prædicat, tamen per exemplum bonæ uitæ nullos filios

filios generat, ut in libro Iob, Struthio in terra relinquit oua sua, & obliuiscitur quod pes cōculcet ea. Pelicanus, dominus Christus in passione, aut uir sanctus solitudini deditus. In Psalmo: Similis factus sum pelicano solitudinis. Coruus, nigredo peccatorum, uel daemones. In Salomone: Effodiant eum corui de torrente uel de rupibus. Item in bonam partem. In Canticis canticorum de sponso: Crines eius ut abietes, nigri sicut corui. Perdix, diabolus. In propheta: Clamauit perdix, congregauit quæ non peperit. Columba, spiritus sanctus. In Euangelio: Et uidit spiritum dei descendentem sicut columbam. Item in malam partem, ut in propheta: Et factus est Effraim quasi columba sine sensu, non habens cor. Turtur, spiritus sanctus, aut uir sanctus, aut intelligentia spiritalis. In Canticis canticorum: Vox turturis audita est in terra nostra. Sed tunc columba spiritus sanctus dicitur, quando scripturæ sacræ manifesta dissertio est. Tunc uero turtur spiritus sanctus intelligitur, cum scripturæ altis atq; obscuris mysterijs eleuantur. Columba etiam simplicitatem, turtur indicat castitatem, quia amisso primo cōiuge, ultra socium nō requirit. Miluus significat, ut puto, rapacem, uel elatū. In Psalmo, secundum Hebræos: Milui abies domus est. Accipiter, interdum sanctus, ut puto, rapiens regnum dei: qui mutata ueteri penna renouatur, & proiciens inueterata studia dolose actionis, simplices actus assumit bene uiuendi. In Iob: Nunquid in sapientia tua plumefcit accipiter? Nycticorax Christus, uel uir sanctus infidelibus despiciabilis. In Psalmo: Factus sum sicut nycticorax in domicilio. Passer, nonnunquā dominus, aut uir sanctus. In Psalmo, Etenim passer inuenit sibi domū. Et alibi, quilibet Christianus, cui ab hæreticis dicitur, qui Christū, qui in scripturis mons nominatur, sese solummodo putant habere, Transmigra in montem sicut passer. Gallus, dominus, ut puto, aut sanctus. In Salomone: Et gallus ambulans inter gallinas lætus. Et in Iob: Quis dedit gallo intelligentiam? Et in alteram partem: Et asportari te faciam sicut asportatur gallus gallinaceus. Galli nomine designantur prædicatores sancti, qui inter tenebras uitæ præsentis, student uenturam lucem prædicando quasi cantando nuntiare. dicunt enim: Nox præcessit, dies autem appropinquabit. Gallus etiam succinctis lumbis incedere scribitur, quia ipsi prædicatores sancti inter huius noctis tenebras uerū mane nuntiantes, in membris suis luxuriæ fluxa restringunt: quibus à domino dicitur, Sint lumbi uestri præcincti. Gallo etiam intelligentia desuper tribuitur, quia doctori ueritatis discretionis uirtus, ut nouerit, quibus, quid, quādo, uel quomodo inferat, diuinitus ministratur. Nō enim una eademq; cunctis exhortatio cōuenit, quia nec cunctos par morū qualitas constringit. Gallina, sapientia, siue ecclesia, siue anima. In Euangelio: Sicut gallina congregat pullos suos sub alis suis. Vespertilio, idolorum monstra tenebris dedita. In propheta: Ut adoretis talpas & uespertilioes. Sunt etiam cogitationes immundæ, quæ per daemones intrant. Scarabæus, propheta: Et scarabæus

bæus de ligno damabit, ut putant quidam, de domino. Locustæ, populi. In Euangelio: Esca autem eius erat locusta. Locustarum nomine aliquando Iudæorum populus, aliquando conuersa gentilitas, aliquando adulantium lingua, aliquando per comparisonem resurrectio dominica designatur, aliquando uita prædicatorum significatur. Apis, forma uirginitatis, siue sapientia. In Salomone: Vade ad apem & discite quàm operatrix sit. Et in malâ partem, in propheta: Et apis quæ est in Assur. Et circumdederunt me sicut apes, id est maliciosi & iracundi. Apes etiam quæ mel in ore habent, & in occulto caudæ uulnus, suo nomine significant omnes qui lingua blandiuntur, sed latenter ex malitia feriunt, quia loquendo dulcedinem mellis proponant, sed feriendo uulnus inferunt. Possunt etiam hoc nomine prudentum dicta signari, ut est illud: fauus mellis sermones boni. Musca, diabolus, uel minister eius, uel spurciæ idololatriæ. In Salomone: Muscæ mortuæ exterminant olei suauitatem. Bestiæ, diabolus, uel homines feri. In Psalmo: Ne tradas bestiis animas confitentes tibi. Leo, dominus, ut Apostolus: Vicit leo de tribu Iuda. Item in malam partem: Nequando rapiat ut leo animam meam. Item, aduersarius noster diabolus quasi leo circuit. Leæna significat superbos uel præcipientes. Pardus, diabolus, uel peccator moribus uariis, in propheta: Sicut Aethiops non mutabit pellem, & pardus uarietatem. Elephas peccator immanis. In Regum: Et adducebant ad Salomonem simias & elephantos. Ursus, diabolus, aut duces saui, uel insidiatores. In Regiorum: Et egressi sunt duo ursi, & comederunt eos, quia Vespasianus & Titus Romani imperatores Iudæos deleuerunt. Ceruus, Christus, uel sancti. In Psalmo: Sicut ceruus desiderat ad fontes aquarum. Et rursus in Psalmo: Montes excelsi ceruis, petra refugium et inaccessis: nam hic uitæ contemplatiuæ dediti significantur. Lupus, diabolus uel hæreticus. In Euangelio: Intrinsecus autem sunt lupi rapaces. Item in bonam partem: Benjamin lupus rapax, apostolum Paulum significans. Aper, diabolus. In Psalmo: Exterminabit eam aper de sylua. Tigris, sceminea interdum arrogantia. In libro Job secundum Hebræum: Tigris perijt, eo quod non habuerit prædam. Monoceron, hoc est unicornis. In Psalmo: Et dilectus quemadmodum filius unicornium, id est, singularis potentia, uel sanctorum qui teneant unicum dei uerbum. Et in aliam partem: Et a cornibus unicornium humilitatem meam. In malam partem ponitur pro quolibet superbo, uiolento, uel unum testamentum tenente, ut Psalmista in persona passiuri domini: Libera me domine a cornibus unicornium. Rhinoceron, fortis quicquid in bonam uel in malam partem. In libro Job, secundum Hebræum: Nunquid uolet rhinoceros seruire tibi? Onager, heremita, uel qui remoti a turbis popularibus uersantur. In Job: Quis dimittet onagrum liberum? Potest & populus ille Iudæorum onager dici: quia sequitur in eodem libro: Et uincula eius quis soluit? uincula utique præceptorum. Hinulus, Christus, aut sancti, pro gratiarum uarietate.

In Sa

In Salomone: Similis es tu fratri tui meus damula, aut hinulo ceruorum, Dama, idem quod supra. Lepus, timens deum. In Psalmo: Petra refugium leporibus & erinacis. Erinacius, idem quod supra: & erinacis gens inualida, qui fecerunt in petris domos sibi. Vulpes, hæreticus, uel diabolus, uel peccator callidus. In Euangelio: Ite dicite uulpi illi, Animal, homo carnalis. In Apostolo: Animalis autem homo non percipit ea quæ sunt spiritus dei. Iumentum, intellectu uel eloquio carens, interdum obediens. In Psalmo: Vt iumentum factus sum apud te, interdum luxuriosus, ut illud: Computruerunt iumenta in stercore suo. Equus, uir sanctus. In Abacuc: Qui ascendes super equos tuos. Et in malam partem: Fallax equus ad salutem, irrationalis quisque. In Psalmo: Nolite fieri sicut equus & mulus, quibus non est intellectus. Asinus, corpus humanum, uel populus gentilium. In Euangelio: Et adduxerunt ad Iesum asinam & pullum eius, & cum desuper sedere fecerunt. Asinorum nomine stultorum pigritia significatur, dum Moyses testatur: Non arabis in boue simul & asino, hoc est, in prædicatione non coniungas prudentem cum fatuo: simplicitas enim fidelium hoc nomine exprimitur, quam Christus regendo & præsidendo ad Hierusalem, id est, uisionem pacis deducit, unde dicitur: Agnouit & asinus præsepe domini sui. rursum asino designatur immoderata petulantium luxuria, ut propheta: Quorum carnes sunt ut carnes asinorum. Asina, caro uel plebs carens dei notitia. In Euangelio, idem quod supra. Camelus, diuites rebus seculi onusti, uel moribus distorti. In Euangelio: Facilius est camelum per foramen acus transire, quam diuitem intrare in regna celorum. Cameli nomine etiam ipse dominus significatur, ut: Liquantes culicem, camelum autem deglutientes, hoc in loco dominus aperte designatur, qui sponte humiliatus, infirmitatibus nostræ onera sustulit, & acum punctionis, angustiasque foraminis in dolore suæ passionis. Culex susurrando uulnerat, camelus autem sponte se ad suscipienda onera inclinat: liquauerunt ergo Iudæi culicem, quia seditiosum latronem dimitti petierunt, camelum autem glutierunt, quia cum qui ad suscipienda nostræ mortalitatis onera sponte descenderat, extinguere clamando conati sunt. Tauri, principes populorum. In Psalmo: Tauri pingues obfederunt me: Boves, Apostoli, qui suscepto iugo Christi, euangelij uocem re mundum exarauerunt. In Psal. Offeram tibi boues cum hircis. Boves etiam stultorum uerborum significant, ut recte per Salomonem dicitur: statimque eam sequitur, quasi bos ductus ad uictimam: bouem nomine etiam uira uniuersusque operatus exprimitur, ut per Moysen. Non alligabis os boui trituranti, & dominus: Dignus est operarius cibo suo. Vaccæ, carnalibus uitijs pleni. In Psalmo: Inter uaccas populorum. Vaccæ etiam fideles omnes in ecclesia designant, qui dum sacri eloquii præcepta considerant quasi superimpositam sibi domini arcam portant: quorum plerique foris carnalibus affectibus ligantur, sed non declinant à recto itinere: quia arcam domini portant

in mente. Vitulus, Christus, siue sancti. In Psalmo: Tunc imponet super altare tuum vitulos. Et in aliam partem: Circumdederunt me vituli multi; hoc est, lasciuientes. Sues, peccatores immundi. In epistola Petri: Et sus locuta in uolubro luti. Arietes, apostoli, uel ecclesiarum principes. In Psalmo: Adferre domino filios arietum. Oues, populi fideles: In Euang. Oues meae uocem meam audiunt. Pecora, simplices quique, minus praeclari rationandi subtilitate. In Salomone: Pasce animas pecorum tuorum. Hirci, peccatores, siue gentiles. In Daniele: Ecce autem hircus caprarum ueniebat ab occidente super faciem totius terrae. Item in bonam partem: Offeram tibi boves cum hircis. Caprae, iusti, interdum ex gentibus uenientes. In Salomone: Capillatura tua sicut grex caprarum, quae reuelatae sunt de Galaad. quem admodum autem caprae praecipue pastum in alto quaerunt: sic & sancti mundi baptismo & poenitentia in supernis pastum desiderant, unde Apostolus: Nostra conuersatio in caelis est. Caprae sunt animae effrationes factae per uanam doctrinam philosophorum, sed iam intra ecclesiam sanctam per sanctum Euangelium. Agni, Christus, uel apostoli, aut sancti. In Euangelio: Pasce agnos meos. Haecdi, peccatores, uel motus carnis. In Euang. Haecdi autem a sinistris. Talpae, idola, uel haeretici, qui non uident ueritatem. In Esaia: Ut adoretis talpas & uespertilioes. Canis, diabolus, uel Iudaeus, uel gentilis. In Psal. Et de manu canis unicum meum. Et in alia parte, in Ecclesiastes: Melior est canis uiuus leone mortuo. Hic leonem diabolum, canem uero gentilem, uel hominem peccatorem accipiendum putant: quod ille ad fidem uel poenitentiam possit uenire, ille autem non ueniat: Canis item segnes praedicatores designat: ut ibi: Canes muti non ualentes latrare. Ranae, daemones. In Apoc. Et uidi de ore draconis spiritus tres immundos in modum ranarum. Sunt autem spiritus daemoniorum. Item ranae, haeretici, qui in caeno uilissimorum sensuum commorantes, uana garrulitate oblatrare non desinant. Formica, prouidus, uel operarius. In Salo. Vade ad formicam & piger. Vermis, Christus per humilitatem assumpti hominis. In Psal. Ego autem sum uermis & non homo. Item in aliam partem, in Esaia: Vermis eorum non morietur, id est, siue ipse uermis, siue peccati conscientia, uel inquietudo prae cogitationis. Aranea, humana fragilitas. In Psal. Et tabescere fecisti uelut araneam animam meam. Telae araneorum, sunt opera temporalis concupiscentiae, quae nulla solidantur subtilitate, quae uentus rapit mortalis. Serpens, diabolus, uel maligni homines. In Euangelio: Serpentes, genimina uiperarum. Item in aliam partem, in Euangelio: Sicut Moyses exaltauit serpentem in deserto: Serpens significat etiam prudentes, ut ibi: Estote prudentes sicut serpentes. Draco, diabolus, uel apertus persecutor. In Psalmo: Tu confregisti caput draconis, dedisti eum in escam populo Aethiopum. Scorpio, diabolus, uel ministri eius: In Euangelio: Dedi uobis potestatem calcandi super serpentes & scorpiones. Vipera, idem quod supra. In Euangelio: Genimina uiperarum:



HOMO, aut homo totus, aut mens. In genesi: Fecit deus hominem ad imaginem & similitudinem suā. Et in mala-
lam partem. In Psalmo, Exurge domine, non confortetur homo, hoc est caro, uel diabolus. Nomine hominis etiam reprehensio designatur, ut in hoc Apostoli, cum enim sint inter uos zelus & contentio, nonne carnales estis, nonne homines estis. & alibi: Inimicus homo hoc fecit, id est, diabolus. Item ab Apostolo dicitur homo peccati & filius perditionis, id est antichristus, sed & carnis nomine homines significantur, inde est: Et uidebit omnis caro salutare dei. Anima tam hominum quam iumentorum dicitur, ita in Iob: Anima omnis uiuens & spiritus uniuersae carnis in potestate est omnipotentis. animam rationalem hominum usque ad spiritualem intellectum subleuat, animam autem irrationabilem usque ad corporeos sensus uiuificat.

Vir, spiritus, id est mens. In Apostolo: Caput mulieris uir. Item uir in mala-
lam partem. In Genesi: Bona facie ualde uirgo, quam uir non cognouerat, id est diabolus, qui plerumque mentem cogitatione corrumpit. Mulier, anima, siue caro humana. In Apostolo: Caput mulieris uir. Mulier pro sexu, ut: Misit deus filium suum natum ex muliere, factum sub lege: Pro infirmitate ut apud Sapientem: Melior est iniquitas uiri quam mulier benefaciens. Virgo, ecclesia, uel sanctae animae. In Apostolo: Despondi enim uos uni uiro uirginem castam exhibere Christo. Et in malam partem: Descende sede in puluere uirgo filia Babylonis, id est anima bonitate sterilis, quae hypocrisis uel malitia fit confusionis filia. Rex, dominus. In Apostolo: Rex regum, & dominus dominantium. Et in malam partem, ut de diabolo: Ipse est rex super uniuersos filios superbiae. Regina, ecclesia. In Psalmo: Astitit regina à dextris tuis. Et item regina, anima imperans corpori. Pater, dominus. In propheta: Et ero uobis in patre, & uos eritis mihi in filios & filias, dicit dominus omnipotens: Et in Euangelio: Unus est enim pater uester, qui in caelis est. Item de diabolo: Quia mendax est & pater eius, pater mendacij, & omnium qui in ueritate non permanserunt. Mater, ecclesia, uel Hierusalem coelestis. In Apostolo: Illa autem quae sursum est Hierusalem, libera est, quae est mater nostra. Item qui bene loquendo fideles Christo generant & educant, matres in utroque sexu, ipso Christo teste, existunt. Frater, Christus uel proximus. In Psalmo: Narrabo nomen tuum fratribus meis. & ipse ait: Ite nuntiate fratribus meis. Soror, ecclesia, synagoga, uel Christi anima. In Canticis canticorum: Soror mea sponsa. Vir & uxor, Christus & ecclesia, intellectus spiritualis & historia scripturarum. In Apostolo: Viri diligite uxores uestras, sicut & Christus dilexit ecclesiam. Sponsus, Christus, ideo quod à patre

ab initio sit promissus. In Psalmo: Et ipse tanquam sponsus procedens de thalamo suo, & in Evangelio: Qui habet sponsam, spōsus est. Sponsa, ecclesia, quæ utiq; diuinis sponſionibus sit promissa. In Canticis canticorum: Veni à Libano sponsa, ueni à Libano. Filius, populus redemptionis. In Apostolo: Iam non est seruus, sed filius: quod si filius, & hæres per deum: filius, id est, dominus, ut ibi: quod si filius uos liberauerit. Filia, anima fidelis, siue ecclesia. In Psalmo. Audi filia & uide. & in malam partem: Super filiam uagā dispone custodiam, id est animæ leuitatem. Proximi, fide propinqui, & qui misericordiam impendunt inopi. In Salomone: Venite manducate, & bibite, & inebriamini proximi. Amici, concordēs in deum. In Evangelio: Vos amici mei estis. Senes, consummaturæ iustitiæ. In Genesi: Et mortuus est Abraham senex & plenus dierum. In Salomone: Cani sunt hominis senes, & ætas senectutis uita immaculata. Et in sinistram partem, de Salomone: Cumq; iam senex esset deprauatum est cor eius. Iuuenes, alacres in deum. In epistola Ioannis: Scribo uobis iuuenes, quia fortes estis, & uerbū dei in uobis manet, & uicistis malignū. Et in malā partē, in Regnorum libro de Roboam: Derelicto cōsilio seniorum, locutus est secundū cōsiliū iuuenum. Item ibi: Vē tibi terra, cuius rex iuuenis est. Paruulus, mēte humilis & simplex. In Evangelio: Abscondisti hæc à sapientibus & prudentibus, & reuelasti ea paruulis. Et in Evangelio: Nisi efficiamini sicut paruuli, non intrabitis in regnum celorum. & Apostolus: Malitia paruuli estote, sensibus autem perfecti estote. Item in alteram partem, in Apostolo: Cum essem paruulus, loquebar ut paruulus. paruulus etiam Christus intelligitur, qui se humiliauerit usq; ad mortē. Metetrix, anima peccatrix, quæ relicto cœlesti uiro suo, id est Christo, adulterinos de diabolo iniquitatis fructus concepit. In Hieremia: Facies mulieris meretricis facta est tibi. Operarij, Apostoli, uel prædicatores. In Evangelio: Messis quidem multa, operarij autem pauci. Pastor, dominus: Ego sum pastor bonus. Item pastor, Apostolus. In Evangelio: Pascite oues meas. & in malam partem: Et abiit ut pasceret porcos, id est qui sunt immundis cogitationibus. Mercenarij, seruientes domino nō pro amore tantum diuino, sed pro temporali retributione. In Evangelio: Quanti mercenarij patris mei abundant panibus. Piscatores, Apostoli, uel doctores. In Evangelio: Et faciam uos fieri pisatores hominum. Medicus, Christus, uel doctus. In Salomone: Mansuetus uir cordis est medicus. Item Non egent sani medico, sed male habentes. Diues, fidelis abundans spiritalibus bonis. In Apostolo: Quia diuites facti estis in illo in omni scientia & in omni uerbo: diues etiam Christus, ut illud: Diues in omnibus qui inuocant illum. Et in aliam partem. In Evangelio: Vā uobis diuitibus. Pauper, humilis. In Evangelio: Et erat quidam Lazarus pauper. Et iterum: Beati pauperes spiritu. Pauper etiam est Christus, ut Apostolus: Christus egenus pro nobis factus est, cum esset diues. Et in malam partem. In Psalmo

mo: Quia pauperes facti sumus nimis. Vestitus, habens baptismi uel fidei integritatem, aut iustitiæ indumentum. In Euangelio: Et uidit ibi hominem non uestitum ueste nuptiali, & Apostolus. Omnes qui in Christo baptizati estis, Christum induistis. Nudus, carens baptismi sacramento, uel diuino adiutorio, uel bonis operibus. In Apocalypsi: Tu autem nudus & miser. Et in bonam partem. In Euangelio: Et reiecta, inquit, sindone nudus profugit ab eis, id est nudus terrena facultate. Viui, iusti. In Psalmo: Placebo domino in regione uiuorum. Et in alteram partem, in Salomone: Et laudauit magis mortuos quā uiuentes. Mortui, peccatores, uel infideles. In Euangelio: Sine mortuos sepelire suos mortuos. Et in bonam partem: Beati mortui qui in domino moriuntur. Item: Mortui estis, & uita uestra abscondita est cum Christo in deo. Cadauera, infidelium corpora. In propheta: Et impleam uallem Iosaphat cadaueribus mortuorum. Item in aliam partem: Posuerunt cadauera seruorum tuorum. Item, illud: Videbunt cadauera uiuorum, qui increduli fuerunt proiecta. Sepulchrum, corpus peccatoris, mortuam uitā animam intrinsecus retinens. In Euangelio: Similes estis sepulchris dealbatis, quæ a foris parent hominibus speciosa, intus uero plena sunt ossibus mortuorum. ediuerso dicit propheta de sepulchro domini: Et erit sepulchrum eius gloriosum.

DE INTERIORI HOMINE VII

INTERIOR homo, anima rationalis. In Apostolo: In interiori homine habitare Christum per fidem in cordibus uestris. Caput eius, Christus. In Apostolo: Caput uiri Christus. Vertex, summitas iustitiæ. In Salomone: Coronā enim gratiarum accipiet tuus uertex. Item in aliam partem: Verticem capilli perambulantium in delictis suis, id est summa nequitia. Capilli, ornatus iustitiæ, uel sensus. In Euangelio: Vestri autem & capilli capitis omnes numerati sunt. Collum, sancta scriptura, ut in Canticis: Collum tuum sicut turris Libani, ex quo pendent mille clypei omnis armatura fortium, id est testimonia sanctarum scripturarum. alius superbia: Vt filix Sion ambulauerūt extento collo. Cernix, superbia, ut: Dura ceruice. Oculi, intellectus fidelis & simplex. In Euangelio: Vestri autem beati oculi qui uident, & alibi, Oculi sapientis in capite eius, id est intellectus in corde prudentis. Et in malam partem. In Euangelio: Si oculus tuus nequam fuerit. Aures, obedientia fidelis. In Euang. Et aures uestræ quæ audiunt. Nares, spiraculum fidei, bonarumque uirtutum. In Iob: Et spiritus diuinus in naribus meis. Item: Nasus tuus sicut turris quæ est in Libano. Et in malam partem: De naribus eius procedit fumus, id est diaboli. Fauces, iudicium intellectus. In libro Iob: Et fauces meæ nonne sapientiā meditantur: Et in malā partē: Rauce factæ sunt fauces meæ. Os, sermo ipse. In Psal. Quia iusti meditabuntur sapientiam.

Lingua, idem quod supra. In Psalmo, Et lingua eius loquetur iudicium, uel scriptura, ut: Lingua mea calamus scribe. Dentes, sancti prædicatores, qui recte præcipiunt, & quemadmodum præcipiunt, ita uiuunt, ut hoc sponse dictum: Dentes tui sicut greges tonsarum ouium, quæ ascenderunt de lauacro, quæ omnes pariunt geminos, & sterilis non est in eis. Item interiores sensus, ut per Hieremiam: Fregit ad numerum dentes meos: dentes enim singula quæ cogitant quasi manducant, & comminuunt, & ad uentrem memorie transmittunt. Axillæ quæ sunt initia brachiorum, significant bonorum operum exordium, quas non mouisse pigro, sic imputat scriptura: Abscondit piger manum suam sub axilla. Humeri, fortitudo portantis, propheta de domino crucem portaturus: Potestas super humerum eius.

Manus, opus. In Psalmo: Et laui inter innocentes manus meas. & potestas ut: Manus tuæ fecerunt me. Dextera, opera bona. In Euangelio: Nesciat sinistra tua quid faciat dextera tua. Sinistra, opera non bona, ut supra. Dextera etiam uita æterna, sinistra autem præsens, ut illud: Laua eius sub capite meo, & dextera illius amplexabitur me. Pectus, arcanum intelligentiæ. In Euangelio: Discumbebat autem super pectus domini discipulus, quem Iesus amabat plurimum. Venter, capacitas rationis. In Abacuc. Venter meus turbatus est in me. Venter etiam mens, ut Hieremias: Ventrem meum doleo, quod quia de spiritali & non corporeo uentre dixit, adiungit: Sensus cordis mei conturbati sunt, & dominus in Euangelio: Qui credit in me, flumina de uentre eius fluunt aquæ uiuæ. Renes, interiora sensus. In Psalmo: Insuper & usque ad noctem increpauerunt me renes mei. Nihil occultius in homine quam cor & renes, unde scriptura: Scrutans corda & renes deus.

Lumbi, fortitudo animi. In Apostolo: Accingite lumbos mentis uestre, & luxuria, ut in Euangelio: Sint lumbi uestri præcincti, & in Iob: Accinge sicut uir lumbos tuos. Umbilicus, appetitus concupiscentiæ. In Iob: Et uiscus eius sub umbilico uentris: id est quod foeminae genitalia per hoc significet, sicut in lumbis uirorum. Adeps, pinguedo gratiæ diuinæ, uel saturitas supernæ sapientiæ. In Psal. Sicut adipe & pinguedine repleatur anima. Iterum in malâ partem, Adeps, crassitudo malitiæ. In Psal. Adipem suum concluserunt.

Ossa, firmitas animi. In Psal. Omnia ossa mea dicent, domine quis similis tibi: Et in malâ partem, in Iob: Ossa eius uelut fistula æris. Item fraudulenta consilia ministrorum antichristi, ut in Psal. Deus dissipauit ossa illorum, qui hominibus placent. Medullæ infusio charitatis, & aliarum uirtutum, ut in Psal. Holocausta medullata offeram tibi. Viscera, affectus pietatis & misericordie. In Apostolo: Si qua uiscera miserationis. Et in alteram partem, in Actibus Apostolorum de Iuda: Et diffusa sunt omnia uiscera eius. Pellis, signum mortalitatis. In Genesi: Et fecit eis tunicas pellicias. Cutis, illi qui solis exterioribus intenti, interioris marcescunt. Pili, uitæ ueteris cogitationes, qui sunt incidendi, unde per Moysen præcipitur: Leuitæ radant omnes pilos carnis suæ.

Sanguis

Sanguis, operatio carnalis. In Psalmo: Libera me de sanguinibus deus deus salutis meae. Et item: Caro & sanguis regnum dei nō possidebūt. Et Esaias: Sanguis sanguinem tetigit. Item in bonam partem, ut Apostolus: Et sanguis Iesu Christi emundat nos ab omni peccato. Caro, homo exterior. In Apostolo: Caro enim concupiscit aduersus spiritum, spiritus autem aduersus carnem. Caro iuxta naturam, ut: hoc nunc os ex ossibus meis, & caro de carne mea. & ibi: Verbum caro factum est, unde Apostolus: Vos autem in carne non estis, sed in spiritu. Item caro iuxta culpam, ut: Non permanebit spiritus meus in hominibus istis, quia caro sunt. Genua, confessio humilitatis. In Cantico: Et nūc flecto genua cordis mei, & in Psalmo: Genua mea infirmata sunt à ieiunio. Aliquando uirtus fidei, in propheta: Reliqui mihi septem milia uirorum, qui non curauerūt genua ante Baal. Pedes, cursus uitae, uel stabilitas mentis, uel fidei. In Psalm. Stantes erant pedes nostri. Et in malam partem, in propheta: Cur claudicatis utroque pede: Et, Veloces pedes eorum ad effundendum sanguinem. Calcaneū, supplantatio tuitionū. In Genesi: Ipse tuū obseruabit caput, & tu illius calcaneum. Item, terminus actionis, ut in Psalmo: Ipsi calcaneum meum obseruabūt. Gressus, profectus operum. In Psalm. Perfice gressus meos in semitis tuis. Vestigia, signa uirtutum. In Psalmo: Ut non moueantur uestigia mea. Et in alteram partem, in Salomone: Et transiet uita (impiorum) tanquā uestigiū maris. Stola, indumentum baptismi uel fidei. In Euangelio: Cito proferte stolam primam. Cilicium, poenitentiae testimoniū. In Euange. Olim in cinere & cilicio poenitentia egissent. Cingulum, spiritualis operis accinctus. In Psalmo: Et praecinxisti me leticia. Zona, cordis munditia, Apostolus: Praecincti circa lumbos zonis aureis. Calciamenta, preparatio pacis. In Apostolo: Calciati pedes in preparationem Euangelij pacis. Arma interioris hominis, in Apostolo: Induti lorica iusticiae, & scutum fidei, & galeam salutis, & gladium spiritus, quod est uerbum dei.

DE HIS QVAE IN VSU ATQVE IN MEDIO
HABENTVR. VIII

PANIS, Christus, uel sermo dei. In Euangelio: Ego sum panis uiuus. & alibi: Mittamus lignum in panem eius, id est crucem in corpus eius. & panis quemadmodum doctrinam, ita & malam significat, ut ibi, Panis absconditus suauior. Vinū idem quod supra. In Salo. Et bibite uinū quod misui uobis. Vinū etiam securitatem & ciuitudinis significat, ut: Infundēs oleum & uinū: ut per uinū mordeatur uulnēra, per oleū foveantur. Oleū, misericordia, uel spiritus sanctus. In Psal. In oleo sancto meo liniui eum. In aliam partē: Oleū autē peccatoris nō inpinguet caput meum, id est, adulatio. Porcina, peccata. In Psal. Saturatus sum porcina. Azymum, synceritas cordis, sine fermento malitiae. In Apostolo, In azymis

In azymis synceritatis & ueritatis. Ouū, spes certa fideiū. Item in malam partē. Qui comederit de ouis eorum morietur, de improbis & male doctis. Similago, puritas mentis, & fortitudo charitatis. In Leuitico: Si autem anima offert munus sacrificium deo, similago sit munus eius. Subcinericium, humilitatis oblatio. In Genesi: Festinanter consperge tres mensuras similaginis, & fac subcinericios. Et in malam partem: Factus est Effraim subcinericius. Lac, mentis synceritas. In epistola Petri. Rationabiles sine dolo lac concupiscite. Item in aliam partem, de rudibus in ecclesia: Lac uobis potum dedi, non escam, nondum enim poteratis. Hic lac exiguitas sensus. Lac coagulatum, uitrijs concretum, In Psalmo: Coagulatum est sicut lac cor eorum. Sal, condimentum sapientiae, In Euangelio: Vos estis sal terrae, & habete sal in uobis. Mel, dulcedo praeceptorum dei. In Psalmo: Quam dulcia fauibus meis eloquia tua domine super mel & fauū ori meo. Item aliter, in Salomone: Inueniens mel, manduca quod satis est, ne forte satiatus euomas, id est altiora te ne quaesieris. Fel, amaritudo malitiae. In Psalmo: Dederunt in escam meam mel. Acetum, asperitas corruptae mentis. In Psalmo: Et in siti mea potauerunt me aceto. Item acetum, correctio doctorum, unde Salomon: Acetum in nitro, qui cātat carmina corde pessimo. Pix, inquinamentum & nigredo delictorum. In Salomone: Qui tangit picem, inquinabitur ab ea. Sicera, confectio quaedam malitiae & nequitiae. In Euangelio: Vinum & siceram non bibet. Calix, domini passio. In Psalmo: Calicem salutaris accipiam, & ipse dominus: Pater transfer calicem hunc à me. Et in malam partem: Calix aureus Babylonis. Merum, synceritas iudicij aut ueritatis, uel calor fidei. In Psalmo: Vinū meri plenus mixto. Fex ultimum iudicij. In Psalmo: Veruntamen fex eius non est exinanita. Item illi qui secure in peccatis quiescunt, unde propheta: Requieuit in fecibus suis. Cibus, sermo uel uoluntas domini. In Euangelio: Meus cibus est ut faciam uoluntatem eius qui me misit patris. Potus, idem quod supra. In Psalmo: Et torrente uoluntatis tuae potabis eos, id est spiritu sancto. Et Psalmista: In compungendo potum meum cum fletu, tempebābam. Item in aliam partem: Non est regnum dei esca & potus. Promptuaria, cordis receptacula. In Cantico Deuteronomij: In promptuarijs eorum timor. Pera, uictus sollicitudo, & impedimenta seculi. In Euangelio: Non peram in uia. Sacculus, thesaurizatio in deo. In Euangelio: Facite uobis sacculos qui non uetrescant. Et in aliam partem: Sacculum communem possideamus, id est auaritiam. Pecunia, uerba diuina. In Euangelio: Oportuit ergo te mittere pecuniam meam numularijs. Et sapientia unde Salomon: Sapientia occulta & thesaurus inuisus, quae utilitas in uetrisque. Vellus, populus. In Psalmo: Et descendit tanquam pluuia in uellus. Linum, spiritualis fortitudo, uel candor, uel subtilitas scripturarum. In Exodo: Poterō filijs Aaron tunicas lineas parabis. Item in malam partem: Non

Non indues uestem ex lana linoꝝ contextam. Utres,uasa humani corporis. In Euangelio Vinum nouum in utres nouos mitti debet. Farina,opus bonum,uel scientia. In Euangelio, Abscondit mulier in farinæ fata tria. Item in malam partem: uanas cogitationes, ut propheta, Tolle molam & mole farinam. Mola, uitæ conuersatio. In Euangelio: Duæ molentes in mola. Possunt & duo testamenta lapides molæ significare, per quos labore disserrenum triticum ueteris instrumenti in fannam euangelij conuertatur.

Hæc igitur nomina cum in textu sacre lectionis occurrunt, ita uel maxime ut exprimuntur apertioribus accipienda traduntur, licet in diuersas plerunque significationes pro persona uel tempore uel loco exeant, atq; in figuris locis congruas pro ratione allegoricæ interpretationis erumpant. Nam & abyssus intelligitur, sicut supra diximus, profunditas scripturarū, & item abyssus aquæ immensitas: Et rupti sunt fontes abyssi magnæ. Item abyssus, ineffabilia iudicia dei. In Psalmo: Iudicia tua abyssus multa. Item abyssus, infernus: Aut quis descendit in abyssum? id est Christum de mortuis reuocatur. Item abyssus, corda hominum facinoribus tenebrosa: Abyssus dixit, nō est mecum, id est, sapientia. Ignis, sicut superius memorauimus, accipitur spiritus sanctus, ut Paulus, deus noster ignis consumens est: & iterum, ignis charitas circumsepta eius, circumsepta ignis flammæ eius. Ignis, tribulatio. In Psalterio: Igne nos examinasti, sicut igne examinatur argentū. Item transiimus per ignem & aquam. Ignis, ira: Et consumam eos in igne iræ meæ, ait dominus. Ignis, uoluptas: Omnes adulterantur sicut cibanus corda eorum. Item ignis, mentis malitia, ut: Tunc ignis aduersarios cōsumit. Item uir uis charitatis, ut: Currus dei flamma ignis, rotæ eius ignis accensus. Umbra, ut indicauimus, significatur protectio diuina. Item umbra aliquādo peccata: Sedentes in tenebris, & in umbra mortis. Umbra aliquando poena, in Iob: Umbra mortis, & nullus ordo. Et quia umbra non longe est ab ea re cuius est umbra, ita & mors non longe est à poena quæ infert mortem. Umbra aliquando est delectatio peccatorum, in Iob de diabolo: Sub umbra dormit in secreto calami in locis humentibus. Et rursus species aliquæ specie una res multas significant. Duo testamenta, eo quod hic duo illi lapides molares possint significare, memorauimus. Et item duo testamēta duo Cherubin, in Exodo: duo animalia, in Abacuc: duæ petræ, in Exodo, & in Canticis canticorum, quarum uelamento sponsa & Moyses protegentur: duo montes genii, in Zacharia, de quorum fructibus myrtinis & obscura opacitate egrediantur quadrigæ cum equis rufis, nigris, albis, & uarijs. Sed has tam multas significationes in singulis prosequi nominibus, non solum laboris immodici, uerum etiam impossibile arbitrati sumus. Nunc ergo ad eum interpretationis modum atque ordinem, quem paululum pro necessitate disputandi interrupimus, reuertamur.

Cophini, apostoli. In Euan. Et tulerūt reliquias duodecim cophinos fragmentorum

gmentorum plenos. Item in aliam partem. Manus eius in cophino seruerunt, id est, in seruitute, uel tribulatione, quam Aegyptij intulerunt. Cathedra, doctrina. In Psalmo. Et in cathedra seniorum laudent eum. Item in aliam partem: Et in cathedra pestilentiae non sedet, id est in doctrina haeretico- rum. Scabellum, humiliorum subiectio. In Psalmo. Donec ponam inimicos tuos scabellum pedum tuorum: Item humanitas Christi, ut in Psalmo. Adorate scabellum pedum eius. Statera, æquitas, uel diuinæ gubernationis potentia. In Esaia: Et librauit in pondere montes, & colles in statera.

Cinis, humanæ fragilitatis inanitas. In Salomone: Quid superbis terra & cinis? Olla, profapia. In Psal. Moab olla spei meæ, id est quod de Ruth Moabitide Christi secundum carnem profapia descenderit. Item in aliam partem, olla, tribulationis excoctio, in propheta: Et uidi ollam succensam à facie Aquilonis. Lampades, animæ iusticia fulgentes. In Euangelio: Et praeuerunt lampades suas. Item claritas miraculorum, uel uerba prædicatorum, quæ stulti contemnunt, ut Iob. Lampas cōtempta apud cogitationes stulti.

Tenebræ delectationes uel doctrinæ prauæ, ut in Psalmo: In tenebris ambulat. Item occulta iudicia dei, ut in Psal. Posuit tenebras latibulum suum. Item castigatio uel aduersitas, ut Esaia: Ego dñs formans lucē & creans tenebras.

Lucerna, ecclesia, uel anima. In Euangelio. Sint lumbi uestri accincti, & lucernæ ardentes. Aliquoties lucernæ, opera bona: Sic luceat lumen uestrum, ut uideant opera uestra bona. Modius, corpus humanum, uel legis litera, uel populus Iudæorum. In Euangelio: Nemo accendit lucernam, & ponit eam sub modio. Item iustum iudicium uel mentis libratio in dei & proximi æqua libratione. Vnde Moyses: Iustus sit tibi modius.

Candelabrum, ecclesia, uel corpus domini, aut sancta scriptura. In propheta: Et uidi à dextris altaris candelabra duo ardentia. Mensa, altare, uel resectio spiritalis. In Psalmo. Paraisti in conspectu meo mensam. Clauis, ad apertio scientiæ spiritalis. In Luca: Væ uobis legisperitis, quia tollitis clauem scientiæ: ipsi non introistis, & eos qui introibant, prohibuistis. Item clauis, iusticia, misericordia, pietatisq; uirtutes. In Euangelio: Tibi dabo clauis regni coelorum.

Clauis, timor dei, ut in Psalmo: Confige timore tuo carnes meas. Item clauis, scientiæ fortis doctores, ut Salomon: Verba sapientum ut stimuli & clauis in altum defixi. Sera, repagula aduersus impios diuinorum præceptorum. In Psalmo. Quoniam confortauit seras portarum tuarum. Ascia uel dolabrum, praeuotum persecutio. In Psalmo: In bipenne & ascia deiecerunt eam. Bipennis, geminata afflictio, in Psalmo: ut supra. Framea, anima iusti, ut, abundent ergo iusti & effundet framea. Item mors, ut in Psalmo: Erue à framea deus animam meam. Gladius, uerbum dei. Apostolus enim, gladius spiritus, quod est uerbum dei. Item Lingua falsi testis, ut in Psalmo: Dentes eorum arma & sagittæ, & lingua eorum gladius acutus. Nauis, ecclesia. In Euangelio: Nauicula multis in medio mari lactabatur fluctibus. Solex &

homo nauicula dici, ut nautæ cogitationes hominū gubernantes aduertantur. Retia, prædicatio. In euange. Et mitte retia in capturam. Trabes, peccatum grauius. In euange. Eijce primum trabem de oculo tuo. Festuca, peccatum leuius. In euange. Et tunc uidebis eijcere festucam de oculo fratris tui. Laqueus, dolus. In psalmo: Laqueum parauerunt pedibus meis. Funes, fors, uel hereditas. In psalmo: Funes ceciderunt mihi præclaris. Item funes, peccata: Væ qui trahitis peccata uelut funem longum. Et iterum: Funes peccatorum circūplexi sunt me. Rota, orbis, aut uita humana. In psalmo: Vox tonitruī tui in rota. Item: Deus meus pone illos ut rotam. id est, uolubiles, uel instabiles effice in malitia sua. Item utrumq; testamentum, ut est apud Ezechielem. Spongia, caua infidelitas Iudæorum. In euange. Illi autem spongiæ plenam aceto, hyssopo circūponentes obtulerunt ori eius. Scala, sanctorum profectus. In Genesi: Viditq; in somnis scalam stantem super terram, & cacumen illius tangens cælos, angelos quoq; dei ascendentes & descendentes super eam. Scopæ, cura superstitionis per uanam gloriam. In euange. Et ueniens inuenit uacantem scopis mundatam & ornatam. Stuppæ, coetus malignantium per uitia & peccata: ut propheta, Stuppæ collectæ synagoga peccantium. Margarita, doctrina euangelica, uel spes regni cælorum. In euange. Inuenta autem una præciosa margarita, abiit, & uendidit omnia quæ habuit, & emit eam. Anulus, signaculum fidei. In euange. Et date anulum in manum eius. Item de hoc in psal. Signatum est super nos lumen uultus tui domine. Chlamys, laudis ornatus. In Salomone: Chlamys fecit uiro suo. id est, uestimentum, quod de duobus coloribus, tanquam de duobus testamentis confectum sit. Aurum, interior scripturarum intellectus. In psalmo: Et posteriora dorsi eius in specie auri. Item Christi diuinitas: ut in Canticis sponso dicitur, Caput eius autem optimum. Item splendor supernæ ciuitatis Hierusalem, quam Ioannes se uidisse testatur: Ipsa uero ciuitas, aurum mundum. Item sapientia: ut Salomon, Thesaurus desiderabilis requiescit in ore sapientis. Item splendor sanctitatis, quem subito commutatum Hieremias deplorat. Quomodo obscuratum est aurum, mutatus est color optimus. Argentum, eloquia diuinā, siue intellectus literæ, uel historiarum. In psalmo: Eloquia domini, eloquia casta, argentum igne examinatum. Item in malam partem: Aurum & argentū eorum eruginauit. Scoria, spuma, uel rubigo, quam in fornace deponit argentū. tales etiam peccatores, cum eos gehennæ caminus acceperit. Lapidēs præciosi, apostoli, uel sancti, siue opera ipsa uirtutum. In apocalypsi: Fundamenta muri ciuitatis omnia lapide præcioso ornata. Æs, uanitas, uel inanitas fidei. In apostolo: Factus sum uelut æs sonans. Item in aliam partem: Posuisti ut arcū æreum brachia mea. Hic æreum, sottem, uel firmum. Ferrum, tribulatio, uel homo ipse. In psalmo: Ferrum pertransiit animam eius. Plumbum, pondera peccatorum. In propheta: Et uidi iniquitatē super talentum plumbi. Fictile, fragilitas car-

pis. In apostolo: Habemus thesaurum hunc in uasis fictilibus.

DE VARIIS VERBORVM SIGNIFICATIONIBVS.
quæ per infinitiuum dicuntur. IX



EDIFICARE, bona opera facere, uel bene docere. In apostolo: Si quis autem ædificat supra fundamentum hoc, aurum, argentum, lapides preciosos, id est, opera diuersarum uirtutum,

Destruere, mala opera exercere, uel male docere. In Salomone: Unus ædificans, & unus destruens. Mundare, uitis expurgare. In euangelio: Tetigit eum Iesus, dicens, Volo, mundare: & confestim mundata est lepra eius. Stare, fide consistere. In apostolo: State in fide. Ambulare, ad deum tendere. In psalmo: Et ambulabam in latitudine. Sedere, in deo huiusmodi quiescere. In euangelio: Vos autem sedete in ciuitate. Iacere, aut uitis, aut tentationibus succumbere. In euangelio. Et inuenit eam iacentem in lecto. Currere, in operibus bonis properare. In apostolo: Sic currite ut comprehendatis. Vigilare, custodiam cordis adhibere, uel in deum resurgere. In psalmo: A uigilia matutina usque ad noctem. Et apostolus, Euigilate iuste & nolite peccare. Item alibi: Vigilare, state in fide, uiriliter agite. Dormire, post transitum apud deum requiescere. In psalmo: Nunquid qui dormit, non adiciet ut resurgat: Et aliter dormire, peccatorum sopore torpescere. In apostolo: Surge qui dormis. Erubescere, in malo optimè, in bono pessimum: unde dicitur, Est confusio adducens peccatū, & est confusio adducens gloriā.

Ascensus, profectus in deum. In psalmo: Ascensus in corde eius. Descensus, defectus à deo. In euangelio. Homo quidam descendeat ab Hierusalem in Hiericho. Via, Christus. In euangelio. Ego sum uia, ueritas, & uita. Et aliter: uia, uita hominis. In psalmo: Vias meas enunciaui, & exaudisti me. Et Salomon, Comederunt fructum uiarum suarum. Spatiofa, uitiorum illecebris dilatata. In euangelio: Lata porta & spatiofa uia, quæ ducit ad perditionem.

Arcta, districta, uel tribulationibus pressa, quæ ducit ad uitam. In euangelio, Quàm angusta porta & arcta uia quæ ducit ad uitam. Directa, præceptis dei ordinata. In Esaia: Rectas facite semitas eius. Præua, à dei præceptis deuiata. In Esaia: Et erunt præua in directa, & aspera in uias planas. Plana, obedientia præceptorum exæquata. In Esaia, ut supra. Aspera, inobedientie asperitate horrida: ut supra. A dextris, à parte iustitiæ. In euangelio, Statuer quidem oues à dextris, hœdos autem à sinistris. A sinistris, à parte iniustitiæ. In euangelio, ut supra. Fovea, dolus, uel lapsus in mortem. In psalmo, Foderunt ante faciem meam foueam. Puteus, diabolus, uel infernum. In psalmo, Neque urgeat super me puteus os suum, Et in bonam partem: in Genesi. Ad puteum iuramenti. id est, ad aquam fidei. Item, initium fidei: ut in Canticis, Fons hortorum, fons aquarum uiuentium. Fons, Christus: ut in psalmo, Sitiuit anima mea ad dominiū fontem uiuum. Item, dona dei: ut in psalmo, Et apparuerunt fontes aquarum.

Item

Item in malam partem, puerorum dogmatum doctores, & iniqua agentes: ut Petrus, Hi sunt fontes sine aqua. Torrens, tentationum uis mentem impellens: ut in psalmo, Torrentem pertransiuit anima nostra. Item frigus peccatorum, a quo Dauid liberati desiderans ait, Conuertere domine captiuitatem nostram, sicut torrens in austro. Sanitas, mentis integritas. In psalmo, Clamaui ad te, & sanasti me. Languor, uitiorum morbus. In psalmo, Qui sanat omnes languores tuos. Et in euang. Ipse languores nostros tulit. Lepra, peccatorum contaminatio. In euang. Et confestim mundata est lepra eius.

DE HIERUSALEM, VEL ADVERSIS EIVS. X

IERUSALEM, ecclesia uel anima. In psalmo: Lauda Hierusalem. Et notandum, quod quaecumque in ecclesia generaliter contineantur, hae & ad animam referri possunt. Sion, idem quod supra. In psalmo: Lauda deum tuum Sion. Filij Sion, filij ecclesiae. In psalmo: Et filij Sion exultauerunt super regem suum. Filiae Hierusalem, idem ut supra: id est, animae celesti uitae deditae. Alias filiae sunt inter feminae animae: ut in libro Sapientiae, Filiae tibi sunt, serua corpus illarum. Tabernaculum, corpus domini, uel ecclesia. In psalmo: In sole posuit tabernaculum suum. Item celestis patria: ut in psalmo, Ingrediar in locum tabernaculi. Arca, caro domipica, uel corda sanctorum deo plena. In psalmo: Tu & arca sanctificationis tuae. Item arca, ecclesia, intra quam saluanda clauduntur. In Genesi: Remansit autem solus Noe, & qui cum eo erant in arca. Tabulae lapideae duae: ut puto, propter testamenta duo: uel propter duo praecipua dilectionis, dei, & proximi. In Exodo: Er dixit dominus ad Moysen, Excide tibi duas tabulas. Lex, praecipua diuina. In psalmo: Lex domini immaculata. Chirographum, conscriptio hominis peccatoris cum diabolo per malum iniquitatis. In Aposto, Chirographum peccati quod erat contrarium nobis. Pactum, confederatio gratiae diuinae cum homine. In Psalmo: Vi di non seruantes pactum. Testamentum, confirmatio uoluntatis diuinae. In propheta: Et confirmabo testamentum meum super domum Iuda. Stilus ferreus, fortis sententia diuini uerbi. Praeputium, uita gentilis. In Aposto, In praeputio aliquis uocatus est, non circumdatur. id est, etiam qui ex gentibus ad fidem Christi ueniunt, corpore non circumcidantur. Circuncisio, expoliatio uitiorum. In Aposto, Circuncisus es circuncisione non manu facta, in expoliatione corporis carnis. Cornu, fortitudo, uel regnum. In Regnorum: Et exaltauit cornu Christi sui. Purpura, martyrij species per cruorem. In Exodo: Omnis qui percipit corde, adferet initia domino, aurum, argentum, aramentum, hyacinthum, purpuram, coccum netum, & byssum. Fimbriae, uerba fidei diligenter retinenda: ut in psalmo, Omnis gloria eius filiae regis ab intus in fimbria. Coccus, idem quod supra: uel charitatis ardor, uel crucis mentio. In Exodo, sicut supra. Byssus, castitatis, uel continentiae candor. In Exodo, ut supra. Hyacinthus, confessorum liuores. In Exodo, ut supra.

xx 2 Super

Superhumerales, operum ab humeris significatio. In Exodo: Et fecerunt superhumerales de auro & hyacintho, & purpura, & cocco neto, & bysso torto.

Rationale, doctrinæ, uel rationis à pectore declaratio. In Exodo: Et fecerunt rationale opere textili secundum opus superhumeralis. Poderis, doctrina secretior atq; perfectior. In Exodo: Et fecerunt uestimentum poderem sub umbone opus textile totum hyacinthinum. Lamina aurea in fronte, crucis præfiguratio. In Exodo: Et fecerunt laminam auream, & inscripserunt in ea literas deformatas signaculum sanctitatis domini: id est, nomen tetragrammaton domini. Templum, corpus domini, uel sancti. In apost. Vos enim estis templum dei uiui. Et ipse ait: Soluite templum hoc. Altare, fidei altitudo. In psalmo: Tunc imponent super altare tuum uitulos. Sacrificium, oblatio iustitiæ. In psalmo: Sacrificate sacrificium iustitiæ. Item laus dei: ut in psalmo, Sacrificium laudis honorificabit me. Holocaustum, totus fidei acensus. In Psal. Holocausta medullata offeram tibi. Hostia, Christus, uel anima dicata deo. In apost. Oblationem & hostiam deo. Myrrha, mortalitatis indicium. In Psalmo: Myrrha & gutta & casia ad uestimentis tuis.

Thus, uirtus orationis: ut in psalmo, Dirigatur oratio mea sicut incensum in conspectu tuo. Vnguentum, diffusa nominis Christi gratia. In Salomone: Vnguentum diffusum nomen tuum. Sancta sanctorum, interiora quæq; mysteria domini, uel regna cælorum. In epistola ad Hebræos: Non enim in manu factis sanctis Iesus introiuit exemplaria uerorum, sed in ipsum cælum, ut appareat nunc uultui dei pro nobis. Sabbatum, requies spiritalis. In Genesi: Et requieuit dominus ab omnibus operibus suis. Item Esaias: Si auerteris à sabbato pedem tuum. Item in malam partem: Viderunt eam hostes, & deriserunt sabbata eius: & cætera. Quadragesima, figura præsentis uitæ ac laboris. In euangelio: Et cum ieiunasset quadraginta diebus & quadraginta noctibus. Pascha, prænuntiatio dominici transitus. In Euangelio. Ante diem autem festum paschæ sciens Iesus quia uenit eius hora, ut transiret ex hoc mundo ad patrem. Quinquagesima, manifestatio futuræ beatitudinis, uel remissionis. In Leuiti. Numerabitis ergo septem hebdomadas plenas usq; ad alteram diem, & infra, id est, quinquaginta dies. Iubileus, uenturæ quietis significatio. In Leuiti. Annus remissionis signum sanctum erit uobis. Ciuitas dei, ecclesia, uel anima. In psalmo: In ciuitate dei nostri. Ciues, fideles. In apost. Sed estis ciues sanctorum & domestici dei. Muri, munimenta scripturæ diuinæ, uel prophetæ, aut sancti. In psalmo: Edificentur muri Hierusalem. Item in aliam partem: In deo meo transgrediar murum. Turres, apostoli, uel perfecti quicq;. In psalmo: Et abundantia in turribus tuis. Portæ, scripturæ sanctæ, uel iustitiæ, uel apostoli, aut angeli. In psalmo: Et eleuamini portæ æternales. Item in aliam partem: Quia lata porta & spaciola uia quæ ducit ad mortem. Plateæ, latitudo dilatata sanctorum. In Apocalypsi: Et plateæ ciuitatis aurum mundum, tanquam uitrum perlucidum

perlucidum. Fundamentum, Christus, uel fides. In apostolo: Fundamentum aliud nemo potest ponere, quàm id quod positum est, Christus Iesus.

Maceria, lex, uel angelorum custodia. In cantico Esaia: Et maceria circumdedi, & calames affixi, & plantaui uineam. Domus, anima in qua Christus habitat, uel ecclesia. In psalmo: In domum domini ibimus. Coenaculum, altitudo meritum, uel scientia. In euang. Et ipse uobis ostendit coenaculum magnum. Ostium, ad apertio fidei. In apostolo: Ostium enim mihi apertum est, magnum & euident. Ostiarius, Christus, qui dicit, Per me si quis introierit, saluabitur. Columna, firmamentum, uel stabilitas spiritalis. In apost. Iacobus & Ioannes & Cephas, qui uidebantur columnae esse. Pariès, interdum structura bonorum operum. In Cantico can. Ecce hic retro post parietem nostrum prospiciens per fenestras. Fenestra, uisus & auditus, uel ceteri sensus: ut supra, Prospiciens per fenestras. Item in malà partem: Mors introiuit per fenestras. Gradus, spiritalis ascensus. In Psalmorum titulo: Canticum graduū. Ibiunt sancti de uirtute in uirtutem. Pauimentum, humilitatio, uel afflictio animae, siue in terrena declinatio. In psal. Adhaesit pauiamento anima mea. Psalteriū, opera bona. In psal. Psalterium iucundum cum cithara. Cithara, pectus deuotū, in quo tanquā nerui sunt uirtutes, hoc est, spiritalia bona. In Psal. Exurge psalteriū cum cithara. id est, opera cum fide: uel de ipso domino, resurrectio carnis cum diuina uirtute. Decachordum, praecipua decem, uel geminati quinque sensus hominis exterioris cum interiore. In Psalmo: In decachordo psalterio, cum cantico & cithara. Organum, homo, uel ille qui est assumptus à domino. In psalmo: Laudate eum in chordis & organo. Tympanum, attenuatum corpus ieiunio. In Psalmo: Laudate eum in tympano & choro. Chorus, concordia. In psalmo: ut supra. Tubae, uocis exaltatio in praedicatione diuina. In propheta: Exalta ut tubam uocem tuam. Cymbala, labia dominum consentientia, uel dilectio dei & proximi. In Psal. Laudate eum in cymbalis bene sonantibus. Iubilatio, clamor spiritali feroce expressior. In Psal. Laudate eum in cymbalis iubilationis. Aegyptus, mundus hic, uel gentilium populus. In psalmo: Venient legati ex Aegypto. Aethiopia, ecclesia ex gentibus. In psalmo: Aethiopia praeueniet manus eius deo. Item in aliam partem: in Psalmo. Dedisti eum escam populo Aethiopum. Babylon, aut mundus, aut Roma. In Apocalypsi: Et Babylon magna uenit in memoriam ante deum dare ei calicem uini indignationis irae eius. Inimici, diabolus, uel uitia. In psal. Non confundetur cum loquetur inimicis suis in porta. Fures, haeretici, & pseudoprophetae. In euangelio: Omnes quotquot uenerunt ante me, fures fuerunt & latrones. Gentes, uitia. In pentateucho: Cum introduxerit te dominus deus in terram quam possessurus ingredieris, & deleuerit gentes multas coram te. Item in aliam partem: Omnes gentes plaudite manibus. Pugna, certamen aduersus nequitias spirituales, uel aduersus uitia conflictus. In apostolo: Sic pugno non quasi

aerem uerberans. Pax, carnis in bonum & spiritus concordia. In psal. Rogate quæ pacis sunt Hierusalem. Item pax, Christus. In apostolo: Ipse enim est pax nostra. Victoria, de diabolo, uel de aduersis triumphus. In apost. Deo autem gratia, qui dedit nobis uictoriam per dominum nostrum Iesum Christum. Brauium, consummatorum præmium meritotum. In aposto. Ad destinatum persequor, ad brauium supernæ uocationis dei. Corona, æternæ gloriæ pro iustitia merces. In apostolo: De reliquo reposita est mihi corona iustitiæ. Quoniam spiritalium profectuum cōsummatio prouehit ad coronam, recte horum quoq; spiritalem nominum interpretationem corona consummat. Quæ tamen nomina uniuersa complecti arduum duximus, sicut etiam illud, ut depromerentur cuncta quæ se in utramq; partem gemina significatione diffundunt.

DE NUMERIS

XI



ANE tandem his nominibus absolutis, numeros quoq; breuiter digeramus, quos mystica exemplorum ratio inter sacros celebriores fecit. **I.** Hic numerus ad unitatem deitatis refertur in pēateucho, Audi Israel, domitus deus tuus unus est. Et Apostolus, Vnus deus, una fides, unum baptisma. Et arca Noe, qua sancta ecclesia designatur, in uno cubito cōsummat: quia in unius dei contemplatione requies æterna perficitur. **II.** Ad duo testamenta diuinæ legis referuntur: in Regnorum, Et fecit in Dabir duo Cherubin decem cubitorum magnitudine. Duo præcepta charitatis, amoris uidelicet dei, & proximi. Duo in agro, duo in molendino, duo in lecto leguntur in sancto euangelio. **III.** Ad trinitatem: in Ioannis epistola, Tres sunt qui testimonium dant in celo, pater, uerbum, & spiritus sanctus: & tres sunt qui testimonium dant in terra, spiritus, aqua, & sanguis. Et in Gen. Tres propagines. **III.** Ad quatuor euangelia: in Ezechiele, Et ex medio eorum, similitudo quatuor animalium. Sicut & quatuor flumina paradisi. Nomen tetragrammaton quatuor literis Hebraicis scribitur. Quatuor cornibus sancta crux insignitur: ut Abacuc, Cornua in manibus eius. **V.** Ad quinque libros Moyſi, ad quinque porticus, ad quinque panes, ad quinque plagas in corpore dominico. Apostolus: In ecclesia uolo quinque uerba sensu meo loqui. **VI.** Ad diem sextum, quo dominus hominem cum uniuersis terræ animantibus, fecit. In Genesi: Faciamus hominem ad imaginem & similitudinem nostram. Item paulopost: Et factum est uespere, & factum est mane dies sextus. Senario numero perfectio comprehenditur: propterea deus sex diebus mundum perfectisse describitur, & ipsis quinque que unus adijcitur, ut lex per euangelium impleatur. Sex sunt ætates seculi: quinque transierunt, sexta a Ioanne Baptista & inhumanato Christo decurrit ad finem seculi: unde & sexta die fecit deus hominem ad imaginem suam, quia sexta ista ætate manifestatur per euangelium reformatio mentis nostræ, secundum imaginem eius qui creauit nos. Sex has ætates, illæ sex hydræ significant

significanti, quas dominus impleri iussit aqua: & in ijs aqua conuersa est in uinum, ut iam manifestatum Christum in lege & prophetis intelligamus. Illa ergo tempora sex, quasi per articulos distributa, atq; distincta, quasi uasa essent inania, nisi à Christo impleantur. Tempora utiq; inaniter præterirent, nisi in eis dominus Iesus Christus prædicaretur. Impletæ sunt igitur hydræ, id est, adimpletæ sunt prophetiæ. VII. Ad diem septimum, in quo perfectis omnibus dominus requieuit. In Gen. Et requieuit deus die septimo ab omni opere quod patrarat. Numerus is humanæ rationis causa summam perfectionem significat: quia ex primo pari & ex primo impari constat: ex primo siquidem qui diuidi potest, & ex primo qui diuidi non potest. Hinc iubileus, qui perfecta requies exprimitur, septem hebdomadis constat. Hinc septem spiritus, qui sunt ante thronum dei. Et septiformem gratiam spiritus sancti significauerunt septem panes, quibus Christus quatuor hominum milia satiauit. VIII. Ad diem dominicum resurrectionis, id est octauum. In titulo Psalmi, In finem pro octaua. IX. Ad sacramentum horæ nonæ, quæ dominus spiritum emisit. In Euangelio: Et circa horam nonam clamauit Iesus uoce magna. Sunt & nouem nomina preciosorum lapidum, & nouem sunt ordines angelorum. X. Ad decalogum, id est, decem uerba, quæ in tabulis duabus scripta sunt. In Psal. Decachordo psallam tibi. XI. Ad apostolos. In Euang. Undecim autem discipuli abierunt in Galilæam. Undenarius etiam numerus, quando denarij monade excedit, pro transgressione & reprehensione ponitur: unde & Petrus apostolus nõ passus est numerum apostolorum in undenario consistere, sed elegit Mathiam duodecimum in ordine. Hinc undecim saga cilicina in ueteti lege fieri præcipiuntur, quæ significant poenitentium actus pro commissis peccatis. Ad undecimam tadem horam, gentiles & ætas decrepita uocatur. XII. In Euangelio, Duodecim autem nomina sunt hæc. Hoc numero significatur uniuersa iudicantiũ multitudo, propter duas partes septenarij, quæ plerumq; significatur uniuersitas: quæ duæ partes, id est, tria, & quatuor, altera per alteram partem multiplicata, duodecim faciunt. XIII. Ad sacramentum dominicæ generationis. In Euang. ab Abraham usq; ad Dauid, generationes sunt quatuordecim. XV. Ad quindecim gradus templi, quos fecit Salomon: ad quorum numerum, quindecim Psalmi qui inscribuntur Canticum graduum, compositi sunt: id est, à Psalmo, Ad dominum cum tribularet: usque ad, Laudate nomen domini. XVI. Ad numerum prophetarum. XXII. Ad sacramentum diuinorum uoluminum, secundum literas Hebræorum. XXXIII. Ad mysterium numeri seniorum. In Apocalypsi: Et super thronos uiginti & quatuor seniores. Et uiginti quatuor sortibus in ministerio templi distributi fuerunt sacerdotes à rege Dauid. XXX. Ad fructus fidelium coniugiorum. In Euangelio: Et dabunt fructum aliud centesimum, aliud sexagesimum, aliud tricesimum: quod ad coniuges, sexagesimum ad uiduas, ceterum ad uirgines pertinet.

XXXIII. Ad mysterium ætatis, qua dominus in carne uersatus est: in apostolo, sicut quibuldam ex hoc uidetur, Donec occurramus in unitate fidei, & agnitionis filij dei, in uirum perfectū, in mensuram ætatis plenitudinis Christi. XL. Ad quadragesimæ sacramentum: in euangelio, Et agebatur à spiritu in deserto diebus quadraginta, Et uirtus decalogi, per quatuor libros euangelij impletur, decalogi autem mandata perficimus, si quatuor sancti euangelij libros perfecte custodimus: sic per continentiam, uigilias, & orationes, & cætera quæ Apostolus commemorat, arma iustitiæ ad immortalis uitæ præmia peruenimus. XLII. Ad numerum in eremo mansionum, uel ad numerum generationum, quæ ab Abraham sunt usque ad dominum Iesum Christum. XLVI. Quadraginta & sex annis ædificatum est templum, à transmigratione redeuntib. Iudæis: secunda ædificatione post Salomonem. Hic annorum numerus perfectioni dominici corporis aptissime conuenit. XLVII. Ad pentecosten: in Actibus apostolorum, Et cum complerentur dies pentecostes. LX. Ad fructum uiduis, siue continentibus debitum: in euangelio, Et dabunt fructum, aliud sexagesimum. LXXII. Ad numerum presbyterorum Moysi, uel discipulorum quos dominus elegit in euangelio, Post hæc autē designauit dominus & alios septuaginta duos, & misit illos binos.

C. Ad martyrum fructum, siue uirginum: in euangelio, Dabunt fructum, aliud centesimum. Numerus ille absolutam perfectionem significat: sicut de electis dicitur: Qui reliquerit domum, aut fratres, aut sorores, & cætera quæ sequuntur: centuplum accipiet, & uitam æternam possidebit. Centum etiam quantitatem temporis indicat: ut Esaias, Centum annorum puer natiuitur: & cætera. Est & in euangelio centesima ouis, quam Christus factis suis humeris imponens ad cœlestem patriam detulit. M. Millenarius numerus pro perfectione omnium numerorū ponitur, & pro perfecta bonorum omnium actione. Sic Petrus in epistola: Vnum uero hoc non lateat uos charissimi, quia unus dies apud deum, sicut mille anni. Nam in cognitione dei, præterita, præsentia, & futura, sunt æqualiter præsentia: & quæ longa, siue breuia nobis uidentur temporum curricula, æqualis spatij sunt apud deum.

Hos igitur certos sacratosq; numeros exempli tantum causa proposuimus. Sunt uero præter eos plurimi, uel penè omnes sacri, qui quo modo fiant, ipse diuinæ lectionis scrutator inuenies.

D. EVCHERII LVG-

DVNENSIS EPISCOPI IN PRIMUM

librum Instructionum Præfatio
ad Salonium.

AEPE A' ME REQVIRIS. MVLTARUM rerum absolutionem, quæ in diuinis uoluntatibus interpretem postulant: colligam, prout redierint in memoriam, quæ à te mi Salonii studio cognoscendi sedulo copioseque prolata sunt: atque eis non ex meo ingenio, sed ex illustrium doctorum iudicio, neque ex propria temeritate, sed ex aliorum autoritate respondeam, confitens, non tam eloquij exultantis ambitum, quam

necessariæ breuitatis modum. Sic enim & innumeris satisfieri inquisitionibus tuis poterit, & mihi in super liberum erit aliqua extrinsecus quæ cognitioni tuæ utilia arbitror, inferere: ut est illud. Quid significet Alleluia, Diapsalma, Amen: quid sit Cidaris, Ephod, Sichus, & cætera: quæ uel in sacris libris frequentata, uel maxime in ecclesiæ usu posita, interpretationem requirunt. Hæc cum se legentibus per totum scripturarum corpus crebro offerant, non ab re existimaui ea tibi cum significationibus suis in opere hoc, quasi coaceruata ostendere. Dignum namque est quacumque cura mea ingenium tuum reparari, qui uixdum decem natus annos eremum ingressus, inter illas sanctorum manus non solum imbutus, uerumetiam enutritus sis ab Honorato patre, illo inquam primum insularum, postea etiam ecclesiarum magistro: cum te illic beatissimi Hilarii tunc insulari tyronis, sed iam nunc summi Pontificis doctrina formaret, per omnes spiritualium rerum disciplinas, ad hoc etiam te postea consummantibus sanctis uiris, Saluiano, atque Vincentio, eloquentia pariter sapientiâque præminentibus. His igitur tot ac talibus usus magistris, ex me quoque minimo

Hilarius

Saluianus
Vincentius.

omnium audies, quæ sciscitatus es. In quibus iam nunc & interrogantem te, & me respondentem te cognosce.

Vale in Christo.

DE QVAESTIONIBVS

DIFFICILIORIBVS VETERIS

& Noui Testamenti.

IN GENESI

INTERROGATIO



VIBVS scripturarum, testimonijs trinitas approbat^r. RESPONSIO, Multifariam, & multis id quidem significatiōibus per omnia fere sacra uolumina declaratum manifestatumq; diffunditur: sed nos breuiter hoc in ipso statim diuinarum scripturarum demonstramus exordio. In principio, inquit, fecit deus cœlum & terram. Et infra: Et spiritus dei ferebatur super aquas.

In principio: hoc est, in filio: quia per filium fecit deus patet cœlum & terram. Cui & illud à patre dicitur, Faciamus hominem ad imaginem & similitudinem nostram. Omnia enim per filium operatus est: quia omnia per ipsum facta sunt, & sine ipso factum est nihil. Ferebatur autem super aquas spiritus dei: utiq; sanctus. Ecce habes & deum patrem, & filium, & spiritum sanctum. Item aliud: Verbo domini cœli firmati sunt, & spiritu oris eius omnis uirtus eorum. Ecce deum, & uerbū quod est filius, & spiritum eius sanctum. Item in euāgelio: Ite, baptizate omnes gentes in nomine patris, & filij, & spiritus sancti. Sed pater ingenuus, filius genitus, spiritus sanctus nec genitus nec ingenuus. Ne si ingenum dixerimus, duos partes dicere uideamur: & si genitum, duos filios: sed potius qui ex patre & filio procedat, uelut quædam patris filijq; concordia. Neq; apud nos potest sine spiritu sancto iusta esse concordia. Idem spiritus & charitas & donum dei dicitur. Idem & diuisor est gratiarum. Ergo pater ex quo omnia, filius per quem omnia, spiritus sanctus in quo omnia: sicut & Apostolus dicit, Quoniam ex ipso & per ipsum & in ipso sunt omnia, ipsi gloria in secula seculorum. INTERR.

Spiritus dei quomodo ferebatur super aquas? RESP. Non peruagatione, sed potestate, dum creaturæ suæ supereminet regentis imperio. INT. Aquas ubi legimus à deo factas? R. Et si factas eas in exordio creaturarum non euidenter diuinæ lectionis textus expressit, à deo tamen factæ sunt. Nam & alia quanta alia quæ non scribuntur, quomodo de cæteris intelligantur, ostenditur. Sicut & apostoli baptizati intelligendi sunt, cum baptizatos eos non penitus manifestet apertior scripturarum significantia. Licet quidam hoc intelligi illo uolunt testimonio quod saluator dicit, Qui lotus est, non indiget ut lauet. Et tamen de aquis à deo factis illud nos aliquatenus instruere testimonium potest quod dicitur, Separentur aquæ in congregationem unam, & appareat arida: quia scilicet non præciperet, ut aquæ à terra quam fecerat, secerentur: nisi & aquas ipse fecisset. Nec enim consequenter in creaturarum ordine postea distingui iuberet, quod ipse antea nō creasset. Et hoc quidem ob id colligimus, quia creationis eius manifeste Genesis non intulit mentio-

nem

nem. Manifestius autem creaturæ huius deum designat autorem Psalmus ille qui dicit: Quoniam ipsius est mare, & ipse fecit illud. **INT.** Quid est quod dicitur: Et uidit deus quia bona sunt ualde? **R.** Vidit, hoc est, approbavit, id est, non ignoratione, sed manifestatione. **INT.** Quæ consequentia nominis est ut scribatur: Hæc uocabitur mulier, quoniam ex uiro sumpta est? **R.** Etymologia quæ hic in Latino non sonat, in Hebræo sermone seruatur. Vir enim uocatur is, & mulier issa. Quod animaduertitur pukehete rime recens custodisse translatio diuina, dicens: Hæc uocabitur uirago, quia ex uiro sumpta est. **INT.** In quo dei similitudinem retinemus? **R.** In mente. **INT.** Paradisus ubi esse definitur? **R.** Diuersa super hac re sententia plurimorum est. Aliqui tamen hunc in terra esse definiunt, ut non potuerit nisi in terra habitare terrenus: quem tamen homini inaccessibilem effici diuina uirtute confirmant. **INT.** Eden in Genesi quid accipimus? **R.** Sacratissimum ipsum ad orientem paradisi locum. **INT.** Quid intelligendum est de arbore illa scientiæ, boni, & mali? **R.** In primis ne, ut quidam hæretici interpretantur, malorum, ita ut bonorum putetur ex hoc conditor deus. In arbore quippe illa quæcunq; erat, præceptum dei intelligendum est: sed in custodia præcepti scientia erat boni, in transgressione præcepti scientia erat mali. Ergo degustata arbore, id est, præcepti lege uiolata, scientia erat mali: quia præcepti legisq; transgressum consequabatur & poena. **INT.** Si deus hominem immortalem fecerit, quemadmodum potuit mori? **R.** Non quod penitus immortalis homo factus à deo fuerit, sed aut seruando mandatum crescerent ad æternum, aut præuertiendo caderent in infernum. Et ne propria lege uiuētes similes deo putarentur, aut nullis ex tantibus meritis sempiternum paradysum possiderent. Tandiu enim uel angelus, uel homo diuino fauore protegitur, donec iniunctum sibi officium impleuerit. **INT.** Quomodo accipiendum est illud, quod nobis scriptura deambulanti in paradiso deum retulit? **R.** Dei in eodem loco præsentia hæc deambulandi appellatione manifestatur. Scripturæ enim mos est, quo Scripturæ
mos. facilius hominibus ad intelligentiam clareat, per humanas significationes diuinos motus, affectusq; ostendere. Sicut cum dei brachium dicit, potentiam eius uirtutemq; significat: Cum aures, eo quod cuncta indubitanter audiat: Cum oculos, eo quod indiscrete uniuersa prospiciat: Cum animam, eo quod perpetuum semperq; uiuat, aut quod autore ipso omnia uiuificentur. **INT.** Cum omnia bona deus fecerit, nihilq; non ab illo factū sit, unde malum? **R.** De priuatione boni: dum id quod in bonū autor bonus protulit, in malum à male utentibus deprauatur. In ipsa autem creaturæ substantia nihil est quod recte appellari malum possit. Porro ea quæ putantur mala: id est serpentum & cætera bestiarum animantia, per incōuenientem naturæ modum efficitur, ut noxia sint. Venenū quippe quod mortem infert homini, uita serpentis est. Si enim homo perpetuo immortalis mansisset, ueneni

perni,

perniciem incurrere non timeret. Hoc modo & alia in aquis uiuunt, quæ terræ exposita moriuntur. Atq; ecōtrario, uiuunt alia in terra, quæ aquis immerfa depereūt. INT. Quia totius substantia creaturæ a deo autore processit, requiro quid de tenebris sentiendum sit? R. Quidam ex hoc ita disputant: Silentium dicitur ubi sonus nullus est, cū tamen nullam silentij nouerimus esse substantiam. Sic & quia lucis præsentia nullæ sunt tenebræ, merito tenebræ deputantur lucis absentia. Cui opinioni parū congruere putant alij testimonium illud quod scribitur: Tuus est dies, & tua est nox. INT. Cum nulla esse ignorantia apud deum possit, quomodo ipse in libro Geneseos in exordijs dicit dominus: Adam ubi es? R. Hoc est dicere: Adam, quò recidisti? Non ergo uox ista quasi pro ambigui sciscitatione querentis est, sed cum increpatione interrogantis est. Et aliter: sermo hic, non deum ueni insidum, uel ubi esset Adam deum ostendit ignarum: sed illud potius ostendit, quod omnis ille qui peccat, uelut iam erroribus suis deuius, & per delictū recedens à conspectu dei, notitia eius efficiatur indignus. Et aliter: interrogat, ut suis quisq; responsionibus conuincatur: quia licet non ignoret quod sibi uult indicari, uult tamen delinquentem etiam responsionis testimonio reum statui. Dum enim interrogat, iudicat. INT. Quid est quod ait: Maledicta terra in operibus suis? R. Hic opera non tam excolendi, atq; exercendi agri, quàm peccata intelligenda esse, quidam arbitrantur. INT. Quomodo intelligendū est quod dicit: Et habitauit in terra Naid: uel sicut in Hebræo habet, Nod? R. Naid instabilis dicitur, ergo terræ nomen est: sed luxta potnam sententiāq; diuinā, Cain fuisse uagū profugūq; declarat. INT. Cū superius uirū & mulierem nominibus suis utrumq; designasset, quid est quod in consequētibz adiecit, & dicit: Virum & mulierem fecit eos, & benedixit eis, & uocauit nomen eorum Adam? R. Adam interpretatur homo: hominis uero nomine manifestū est tam uirum appellati posse, quàm foeminam. INT. Quid est quod in annis Mathusalem quatuordecim anni per diligentem supputationem ultra diluuiū deprehenduntur, cum octo tantum animæ in arca fuisse referantur? R. Error in numero est: quippe cum in Hebræorum libris ita legatur, ut intra diluuii tempus hic quatuordecim annorū numerus expleatur. INT. Cum dominus dicat: Erunt dies eorum centum uiginti anni: quo modo postea Abraham, aliorumq; multorum uitæ tempora ultra hæc spatia tenduntur? R. Quia ibi hic annorum numerus agendæ potius poenitentiae, quàm uitæ fuerat attributus humanæ: intra quem præscriptum numerū confessioni uacarent, ut diluuiō non perirent. Aut si numerum illum ad huiusnam potius referri uitam placet: quia neq; nunc amplius quenquam, quàm centum uiginti annos uiuere liceat: illud quod dictum est: Erunt dies eorum centum uiginti anni: non in eos qui tunc contiguo tempore subsequuti sunt, sed in posteros promulgauit: quia nō dixit, Sunt: sed, Erunt. INT. Quid est quod ait: Dilatet deus lapheth, & habitet in tabernaculis Sem? R. De lapheth

pheth, qui in lingua nostra latitudinem sonat, gentium nascitur multitudo, de Sem Hebraei. Hoc ergo significatum est, dei scripturarumq; notitiam, eiecto Israele, à nostris uindicandam. Notandum uero est, tres Noe filios, tres post diluuium terræ partes occupasse. Sem namq; posteritas in Asiam uel orientem, Cham in Africam uel meridiem, Iapheth cum parte Asiæ in Europam se occidentemq; porrexerūt. **INT.** Quid est quod dicitur in Genesi: De terra eijit illa Assur, & ædificauit Niniuen & Rooboth ciuitatem? **R.** Non duas significat ciuitates. Rooboth namq; plateas dicit. Est ergo sensus hic: Aedificauit Niniuen, & plateas ciuitatis. **INT.** Quomodo occurrit dum est arguentibus, quod Abraam fratris sui Saram filiam sibi in matrimonium sumpserit? **R.** Quod quæ à domino tunc non fuerant lege interdicta, adhuc non putabatur illicita. **INT.** Quid fuit ut Iudæis, quod neq; nos absq; uerecundia sciscitamus, signum in illa uerecundiore corporis parte poneretur? **R.** Poscebat quidem mihi Saloni, tantarum profunditas quæ sit onum ordinata ac spaciola disputatione nos propositis satisfacere, & pro meritis reddere singulis uelut quandam immorandi dignitatem: sed quid agimus? quibus festinato opus est, ad tam multa properantibus: exhibenda prolatis. te rebus est nuda & circumcisa responsio. Itaq; ad hoc quod nunc requiris agnosce, quod nihil turpe in ipsa creatione conditi hominis uideri potest: quippe cum omni compage membrorum, totumq; hominem deus finxerit. Deinde nec incongruum fuerit, ut generatio illa signum in parte membri genitalis acceperit, per quod generationis ipsius promebantur exordia. Ceterum secundum interiorē intelligentiæ sensum, per hanc circumcissionem secretioris partis corporis illud præfiguratum est, quod secretior circumcisio, id est cordis, oporteret adhiberi. **INT.** Scribitur in Genesi: Tentauit deus Abraam, quasi ignorabat dominus, an fidelis Abraam foret, nisi manifestanda rei probatione tentasset. **R.** Non quia fidē eius Deus ignoraret, tentauit Abraam ueri exploratiōe, sed idcirco tentatus est, ut tentatus iustificaretur, & alijs imitandus proponeretur. **INT.** Quomodo Iacob dicit: Vidi dominū facie ad faciem, & salua facta est anima mea, cum in Euangelio legatur: Deum nemo uidit unquā? Aut quomodo Moyses cum deo facie ad faciem tanquam cum amico locutus scribitur, & rursus idem dicit ad dominum, Ostende mihi gloriam tuam? **R.** Quia Iacob, uel Moyses non in ipsa maiestatis suæ gloria deum uiderant, sed per subiectam diuinæ potestati speciem uisibilis creaturæ, quæ humanis poterat apparere cōspectibus. In ea autem substantia maiestatis in qua est, quomodo deus à mortali adhuc homine uideretur, cum ipse ad Moysen dicit: Non poteris uidere faciem meam: non enim uidebit me homo, & uiuet. Hac ergo ratione utrunq; testimonium uerum est. **INT.** Quid est quod ait: Ipse est Ana qui inuenit Iamin in deserto, cum pasceret asinos Sebeon patris sui? **R.** Iamin Latine maria interpretatur, id est aquarum congregatio: eo quod stagnum rem in

cremo haud dubie difficilē ipse repererit. Indicat Iamin & asinos qui de onagris eius institutione nascantur. Sont qui aestimant, quod permixtionem diuersorum inter se animalium ipse primus, ut muli, uel mulae nascerentur, inuenerit. **INT.** Quae sunt illa primogenita, quae Esau uendidit Iacob fratri suo? **R.** Prior & maior pars primogenitis debebatur uel in honore, uel in hereditaria successione, uel in gratia paternae benedictionis. Sicut ipse Iacob, Ruben, inquit, primogenitus meus, prior in donis, maior imperio. Et in libro Deuteronomij de primogenito scribitur: Dabitque ei, id est pater, de his quae habuerit cuncta duplicia. Iste est enim principium liberorum eius, & huic debentur primogenita. Vnde & Isaac benedictionem suam ad Esau putauerat primogeniti iure deferendam. **INT.** Quid his respondendum est qui ob uxores multas, incontinentiam patribus uel patriarchis nostris obijciendam putant? **R.** Primum, quod tunc nondum lege prohibitum, quia consuetudo erat, crimen esse non poterat. Deinde, quod illa tunc uel pro loco, uel pro tempore non improbabilia apud deum fuerint. Pro loco, sicut & in una domo in altero angulo aliquid fieri à quolibet domino praecipitur, quod in alio nequaquam fieri permittitur. Pro tempore uero, quod tunc ad huc seculo praecceptum fuerat: Crescite & multiplicamini. Nunc uero iubetur, ut qui habet uxores, tanquam non habentes sint. Non quod iustitia uaria sit, sed tempora mutabilia, quae pariter ire non possunt, & diuersis quibusque temporibus uel diuersis locis diuersa congruant. Necesse est postremo, quod in his ex uoluntate domini sub specie gestorum praesentium fieret quaedam praenuntiatio futurorum. **INT.** Quid est quod dicit: Et ecce uitis in conspectu meo, & ecce in uite tres fundi? **R.** Tria flagella uel tres propagines indicantur sub hactrium enuntiatione fundorum.

IN EXODO

INT. Loquitur ad Abraam Deus, quod quarta progenie de terra Aegypti reuersuri essent filij Israel, & quomodo postea Moyses scribit: Quinta autem progenie ascenderunt filij Israel de terra Aegypti? **R.** Si genealogiam secundum Leui tribum requiras, quatuor progenies pro filiorum successione numerabis: si tribus Iudae ordo replicetur, quinque generationum successiones inuenies: quanquam in Hebraeo, ut indicat Aquilae studiosissimi translatoris additio, non habeat. Quinta generatione ascenderunt: sed, armati ascenderunt filij Israel de terra Aegypti. **INT.** In scripturis frequenter legimus, Et dixit dominus: istud dicere domini quomodo accipiendum est? **R.** Dicere dominus uel loqui scribitur, si quando ad sanctorum aures expressum, qui saepe ab alijs non auditur, facit sonum peruenire uerborum: Aut cum per adsumpti cuiuslibet corporis speciem deus loquitur: aut cum aliqui admonitione, siue reuelatione nocturnae uisionis instruitur: uel certe cum ea quae agi uult dominus, sanctorum cordibus ut agantur, inspirat, secundum illud: Audiā quid loquatur in me dominus deus. **INT.** Dicit dominus ad Moysen. Postea

*Aquila trans-
lator studio-
sissimus.*

Posteriora mea uidebis: quid hic intelligendum est? **R.** Quod posteriora diuinorum operum in Christo postremis manifestanda temporibus, uel in spiritu uisurus esset, uel in posteris suis. **INT.** Quæ referenda sunt inquirentibus, quā ob causam deus uni tantū genti per Moysen legem dederit: atq; hanc ipsam multa iam seculi ætate transcurfa? **R.** Quod nō Iudæis tantū lex illa prolata sit, quæ omnibus gentibus cōstitutione naturalis legis innascitur, apostolo hoc etiā cōfirmante, atq; dicente: Cum enim gentes, quæ legem nō habēt, naturaliter quæ legis sunt faciūt, eiusmodi legē non habētes, sibi ipsi sunt lex, qui ostendūt opus legis scriptum in cordibus suis. Atq; idcirco non sero dominus legē innocentie in decem uerba collegit, cuius iam insitæ in pectoribus humanis origo præcesserat, Nec tarde eam sa xei tabulis rursus inscripsit, quā iam antea paginis cordis inculperat. Etenim ante hanc Moysi legē habebat natura legē suam, per quā & deum mundi uitāq; autorem agnoscere, & per hoc diligere, in promptu erat, & iustitiā erga proximū dilectionemq; seruare. In quibus mādatis duobus omnis lex pendet & propheta. Igitur & illud ante iam nouerant: Omnia quæcunq; uultis ut faciant uobis homines, & uos facite eis: in quo est & lex & propheta. Et ut hoc etiā exemplis probemus: ante hanc legē literæ per illā naturę legem Abel iustus agnoscitur, Enoch rapitur, Noë eligitur, Abtaam pater gentiū nuncupatur. Quā ob rem hanc Moysi legē non sero esse prolatam, præcedens effecit lex naturæ, per quam multi deo probabiles extiterunt. **INT.** Quis est ille dignus dei, quo duæ legis tabulæ leguntur scriptæ? **R.** Dignus dei hic accipiendus est spiritus sanctus.

IN LEUITICO

INT. Quam ob rem in sacrificijs mel prohibetur offerri? **R.** Quia secundum interiorem sensum resoluti blandimentis deliciarum, aut dulcedine uoluptatū, non possunt mysteriorū dei esse participes. Hinc est igitur, quod etiā Pascha domini comedi cum amaritudine iubetur: quia sit semper austera districtio ueritatis. Oportet ergo absq; ullo adulationis ac uoluptatis melle noxio salutare nos deo hostias semper offerre, & dicere: Ergo inimicus factus sum uerū dicens uobis: Econtrario admisceri in omnibus sacrificijs salubetur, scilicet ut omnia quæ ad Christi honorē cultumq; offerimus, saltem rationis ac discretionis semper accipiāt. **INT.** Quid proprie ad usum pertinebat sacerdotū, quid uero ad leuitarū ex his quæ populus offerebat? **R.** Primitiæ frugum cæterarūq; rerū sacerdotibus, decimæ uero leuitis deputabantur. De quibus tamē decimis decima sacerdotibus debebatur. **INT.** Vniuersa quæ deus condidit, bona ualde sunt: & quomodo in lege quædam animalia uocantur immunda? **R.** Ut reliqua taceam, quæ ex hoc dici possunt, immunda appellata sunt elui, nō creationi. Horum enim in cibum usus pro quibusdā figuris diuina interdictus lege cognoscitur. **INT.** Cum munda & immunda animalia diuina per Moysen lege discreta sint, quomodo etiam

ante diluuium de his quæ in arcam recipienda erant, immunda appellatur animalia? R. Moyſes inspirante ſancto ſpiritu, Pentateuchi ſcriptor & conditor eſt: & quia in Leuitico de mundis immundisq; animalibus erat præſerenda diſcretio, etiã in Geneſi, quia utriuſq; libri idem autor eſt, eadẽ animalia appellauit immunda. INT. Quæ de ueteri teſtamento relinquere uel quæ obſeruare debemus? R. Debemus obſeruare madata, quæ ad corrigendam uitã moresq; pertinent: relinquere autẽ cœremonias, ritusq; ſacriſciorum, quæ figuras atq; umbrã futuris tunc rebus prætulerũt. INT. Quid reſpondebimus obijcientibus, quã ob cauſam deus ſacriſcijs ueteribus repudiatis, nouis delectatus ſit? Nihil enim corrigi affirmant, niſi quod nõ recte factũ putet. R. Spaciola quæſtio, ſed nos pro neceſſitate breuiter reſpondebimus, quod nõ ideo deus uideri poſſit mutabilis, quia hæc pro temporũ opportunitate mutata ſint. Nam & annus temporibus, & uitæ ſpaciũ uariatur ætatibus. Nec idcirco quæ iſta inſtituit, diuinæ prouidentię ratio uariatur. Nec agricola ſi æſtate aliud, hyeme aliud in exercẽdo agro iuſſerit, agriculturę ratio mutatur. Non quod is ſui uideatur eſſe diſſimilis qui facit, ſed tempus quo facit. Præcipit ergo deus quæ apta ſunt ſuis quibũq; temporibus. Sicut etiã hic de ſacriſcijs præcepit, nõ cauſa ſuæ delectationis, ſed humanæ, ut cœtera, utilitatis. Et ideo uerus eſt dominus, quia bonorũ noſtrorũ nõ indiget. Sed hæc ipſa ſacramentorũ cõmutatio ne noua, & ſubito putetur aſſumpta, prædicta iam dudũ prophetiſis atq; diuinis uocibus fuerat, quibus dicitur: Non accipiã de domo tua nitulos, neq; de gregibus tuis hircos. Poſtremo, ut breuiter concludamus, cur diuerſa ſibi ſacriſicia deus uoluerit offerri, quia alijs ſacramentis Chriſtum prænuntiare oportuit cum uenturus eſſet, alijs adnuntiare oportuit, cum ueniſſet.

IN NVMERIS.

INT. Balaã ille gẽtilis quid eſt quod pphetaffe ſecundũ fidẽ ſacræ cõprobatur hitorijs? R. Vt multis innotefceret modis ueritas, dũ uſq; quaq; prolata, etiã per infideles adnuntiãt. Et ut hoc ex gẽtibus prophetatẽ ſignũ eſſet gẽtibus credituris. Nam & Heliũ in Iob libro de futuris haud dubie multa prædixit. Et Caiphas de domino ac ſaluatore noſtro in euãgelio pphetauit.

IN DEUTERONOMIO.

INT. Cum in Deuteronomio LXX tantũ animæ cum Iacob Aegyptũ ſcribãtur ingreſſæ, quomodo poſtea in actibus Apoſtolorũ introiſſe Aegyptum quinq; & ſeptuaginta animas reſertur? R. Cõſtat quidẽ eo tempore quo Iacob ingreſſus eſt Aegyptũ cum Ioseph filijsq; eius Eſſraim & Manasse LXX animas tantũ fuiſſe. Ibi uero ubi LXXV animarũ numerus reſertur, qualiſi per anticipationẽ etiã filios nepotesq; Eſſraim & Manasse numerandos putauit, quos poſtea in Aegyptum natos diuinæ relatio lectionis oſtendit. INT. Quid reſpondendum eſt Iudæis obijcientibus teſtimonium illud: Maledictus omnis qui pendet in ligno. RESP. Maledictum eſſe

esse hominem qui in ligno pendeat, sed noxium, non innocentē. Neque enim innocentia potest esse maledictū poena peccati. Etenim si Mardocheus præparato ligno appensus, sententiā regis crudelitatis expleffet, nunquid cum hi nunc dignū hac maledictione iudicarent? Aut Machabai, atque alij, quos scriptura mortē simili indignissime restatur afflicto, nūquid apud eos pro maledictis habētur? Quapropter saluator noster à morte redempturus hominem, ita crucē non refugit, ut mortē. Igitur in minoribus non calumniemur, cum pro patientia domini nos etiam in maioribus gloriemur. Nec mirū si dicatur patibulū subiisse, quē nos etiā ad inferna descendisse fatemur; qui cum propriū ipse peccatū non habuerit, suscepit tamen mortē de peccati maledictione uenientē. Atque idcirco pependit in ligno, ut nos à delicto quod in ligno fuerat pditionis admissum, in ligno appēsus absolueret. **INT.** Quo modo in Deutero. deus zelatus fuisse dicitur, cū in deū nulla perturbatio cadat? **R.** Deus perturbari, ut ipse ais, nō potest, sed trāquilla bonitate zelat, ne uni deo debēs anima castitatē, per multos falsos corrupta & pstituta turpetur.

IN IOB.

INT. In Iob qualiter accipiendū est, quod scriptura cōmemorat, Aunūq; Ophir. **R.** Regio est Ophir in Indiā tendens: itaque aurū huius indicat regionis. Alij autū Ophir ualde præciosum esse cōfirmāt, quod obryzon apud latinos appellatur. **INT.** Quid sibi uult, quod illie aurorū seculariū cōsuetudine legimus Pleiadas, Oriona, uel Arcturū? **R.** Non quod his apud Hebræos nominibus censeantur, sed ut apud nos horū syderū significantia posset esse manifestior, ita hæc trāslator appellare uoluit, ut usus gentilitatis inuenerat. Illud quoque generaliter obseruādū est, quod etiā apostoli uel apostolici uiri in epistolis suis scribētes ad populos, abutuntur interdū his testimonijs quæ uidebantur diuulgata per populos. **INT.** In eodē libro quid est quod de dracone illo scribitur: Omnes naues si cōueniāt, nō sustinēt corium caudæ eius? **R.** Naues ecclesias dicit, quæ temptationibus, tribulationibusque uexatæ, uix antichristū in fine mundi tolerabūt. Recte autē draconis illius, id est diaboli caudā antichristum appellat, à quo persecutio ueniet extrema.

IN REGVM LIBRIS.

INT. Quid est quod Saulem dominus postea reprobat regē, quē prius in regnū eligendū putauit? **R.** Quia deus suū illud iustum incorruptumque iudicium ex equitate depromit, nō ex præscientia eligit: quempiā cum meretur reprobat, cum electione indignus efficitur. Cæterū nequaquam cōuenire sacrosanctæ ueritati iustitiæque eius uidebat, ut peccatū offensā præcederet. **INT.** Quomodo intelligendū est, quod in scripturis poenitere dominus sepe memoratur? Sicut etiam de Saule dicit: Poenitet me quod constitui erim Saul regem. **R.** Poenitentia domini dicitur rerum ab eo constitutarum mutatio, quæ pro rerum uicissitudine, uel pro recti dispositione succedit. Necessè est enim, ut diuinæ dispositiones, quo manifestiores audientibus

fiant, per significationes humanæ mētis indicentur. **INT.** Legimus quoddā suffocabat Saul spūs malus domini, quomodo domini, si malus? **R.** Quia cuncta domino autore prolata diuinæ sunt subdita potestati. Ergo & ipse diabolus, licet non qualis nunc est, sed bonus à domino quondam creatus, & deo semper pro omnipotentis ditione subiectus, dñi erat. **INT.** Quid est quod cum aliquanta hic dominus uindictē, nō uindicat omnia? **R.** Vin dicat aliquanta, ut intelligatur humanarum rerum agere curam. Non uin dicat omnia, ut agnoscat terribile cunctis adhuc futurum esse iudiciū. **INT.** Vmbram Samuelis pythoniſſa quemadmodum potuit euocare? **R.** Aut falsam tunc umbram uidentibus diabolus ostendit aut si fuit uer ra, tantum ei liquiſſe credendum est, quantum à domino permittente con cessum est. nec mirum pro quibusdam recōditis arcanisq; causis, uel pro ma nifestatione probationum diabolo ista permitti: cum & saluatorem cōsti tuerit in pinnam templi, & Iob petierit, acceperitq; tentandū. **INT.** Cum factum non sit, quomodo oranti Ezechiae quindē annī quasi ad præfinitū uitæ suæ tempus adduntur? **R.** Quia utiq; urgebatur Ezechias in ex tremis nō fati decreto, sed dei euocatione atq; iudiciū. In tantū autē uitæ an nī prius non fuerant constituti, ut per supplicationem intelligantur adiecti.

IN MICHAËA.

INT. Quomodo accipiendum est, quod Michæas propheta ait: Ecce do minus exit de loco sancto suo, & descendit & incedit super excelsa terræ? **R.** Descendere dominus dicitur, quando habere curam fragilitatis huma næ euidenter indicij dignantissimæ pietatis ostenditur. Sic & angeli per il lam Iacob scalam ascendentes descendentesq; terrenorum uisitationē, non ruinā descendentium indicāt angelorū. Sic & excelsiores iustitia uiri descen dere putātur, si quādo cōdescendūt inferioribus sanctæ charitatis instinctu.

IN ESAIA.

INT. Quid intelligendum est in cantico Esaie prophete, cum dicit: Can tabo dilecto meo canticum patruelis mei uineæ suæ: Vineā facta est dilecto meo in cornu filio olei? **R.** Alij hoc canticum à spiritu sancto cantari pu tant: alij à propheta, qui æque sancto spiritu uacuus nō erat. Cantat autem in planctum uineæ suæ, quæ est domus Israel. Dilectus autem Iesus Chri stus est. Ipsi enim dictū est: Tu es filius meus dilectus. Ipsum & patruelē appellat, quod ex eadem sit stirpe progenitus. Hæc ergo uinea ipsi plantata est in cornu, quod est in sublimitate atque uirtute: qui dilectus & filius olei, quia unctus sit, unde & Christus uocatur: uel quia omni mundo tanquam splendidum lumen illuxerit. In hoc cantico uuam iustitiā appellat, & spi nas iniquitatem. **INT.** In Esaie uisione cum uidit dominū sedentem super solum, quid intelligendum est quod ait: Seraphim stabant super illud, sex alæ uni, & sex alæ alteri. Duabus uelabant faciem eius, & duabus pedes eius, & duabus uolabant: & clamabant alter ad alterum, & dicebāt, sanctus, sanctus

sanctus, sanctus dominus exercituum. R. In hac uisione Ioannes euange-
 lista dominū Iesum Christū ab Esaia uisum esse testatur dicens: Hæc dixit
 Esaia, quando uidit gloriā eius, & locutus est de eo. Primū ergo hic quaeritur,
 quomodo Seraphin circa domini thronū stantes pariter & uolare dicun-
 tur: Bene hoc sermone mystico propheta depromit: quia deo stare idem est
 quod uolare, & in sublimē exaltare: sedebit qui festinat obtutibus apparere
 diuinis. Quod uero Seraphin alis suis faciē operire indicantur, hoc ideocirco,
 quia neq; hominū quisquā, neq; ulla creatura diuinæ maiestatis lumen con-
 templari, ut est, potest. Faciem ergo & pedes uelant, eo quod nobis & ante
 mundū præterita, & post mundū futura celen-
 tur. Alæ quoq; Seraphin indi-
 cāt diuini ministerij uelocitatē. Quæ ideo singulis senæ sunt, quia ea tantū in
 mundo quæ sex diebus sunt facta, cōspicimus. Quod uero aliter ad alterum
 clamant, & dicunt, sanctus, sanctus, sanctus dominus exercituum, unam ostē-
 dunt diuinitatē in mysterio trinitatis. INT. Quid respondendum est eis
 qui dicunt nobis: quid fecerunt Iudæi, si credere nō potuerunt? quia necesse
 fuit ut sermo Esaie prophete impleteretur dicentis: Excæcaui oculos eorum,
 & indurauit cor eorū, ut nō uideant oculis, & intelligāt corde, & cōuertantur,
 & sanem illos. R. Propheta hoc prædixit, quia deus hoc futurū esse præ-
 sciuit. Neq; enim potest ad peccatum cōpellere deus, cui non potest placere
 peccatum. In his ergo non prædestinatio diuina intelligenda est, sed præsci-
 entia. De hoc in Euangelio scribitur: Propterea nō poterant credere, quia ite-
 ram dicit Esaia: Excæcaui oculos eorum, & indurauit cor eorum, & reliqua.
 Non poterant credere, ita dicitur, sicut & nos sepe aliqua dicimus nō posse,
 quia nolumus. Et de Pharaone scribitur: In hoc ipsum excitauit te, ut osten-
 dam in te uirtutem meam. Neq; enim dixit, in hoc te sed ut talis esses: sed in
 hoc te elegi & suscitauit, cum iam te talē ipse sedisses. Ergo & hinc excæcati eo-
 rum oculi, & induratum esse cor dicitur, quia iam se ipsi hac cecitate dignos
 effecerant. Excæcat autem & indurat dominus peccatorem deserendo & nō
 adiuuando. Si cui autem sensus hic profundissimæ quæstionis inuicem fece-
 rit, contremiscat mecum, & dicat: Iudicia domini abyssus multa, quia iudicia
 dei semper iusta sunt, sed frequēter occulta. INT. Quid est illud quod scri-
 bitur: Sicut sponso imposuit mihi mitram, & sicut sponsam ornauit me orna-
 mento? Quomodo idem sponsus & sponsa? R. A capite ad corpus tran-
 situm fecit: caput enim Christus est, corpus ecclesia: sed tamen utrunq; esse
 constat in Christo. Notanda uero & tenenda regula hæc, quæ in prophetis
 frequenter incurrit, generans ignorantibus obscuritatē, cum de capite ad cor-
 pus, aut de corpore ad caput se prophete ordo conuertit. INT. Cælum
 mihi thronus est, terra autem scabellum pedū meorū: quomodo hoc intelli-
 gi potest, cum utiq; deum incorporeum esse credamus? R. Secundū con-
 suetudinem elocutionis nostræ uidetur habitum designare regnantis, ut in-
 telligatur deus uel habitare cœlestia, uel subiecta habere terrena.

Tria genera
hominum sal-
uandorum

Cor lapideū
Carneum

INT. Qua causa scribitur: In die illa magna tribulationis nemo liberabitur, nisi Noe, Daniel & Iob: cum utiq; quando ista Ezechiel propheta dicebat, solus forsitan Daniel in corpore fuerit, duobus alijs iam tunc in pace dormientibus, uel carnis nexibus absolutis? R. In his tribus sanctis tria hominum genera significari uidentur, quæ liberanda in die illa magna tribulationis à periculis promittunt. In Noe enim gubernatores ecclesiæ præfigurantur, in Daniele sancti cōtinentiæq; sectatēs, in Iob coniugati & iustitiā diligentes. INT. Quid significat illud quod dicitur in propheta: Auferam cor lapideū de carne uestra, & dabo uobis cor carneū? R. Durū cor & inobediens lapidei testificatione demonstrat: carnei uero significatione cordis molle ostendit, ac docile, & quod insinuatā possit recipere compunctionem.

IN PARALIPOMENON.

Hostia
Holocaustum

INT. Quid est quod scribitur in Paralipomenon: Quæ habitabat in Hierusalem in secunda? R. In secunda scilicet parte. Ezechias enim secundum Hierusalem murum fecit, filiusq; eius Manasses tertius. Habitabat ergo hæc de qua scribitur in secunda parte ciuitatis. INT. Arcam domini, in qua erant duæ tabulæ testamenti, quod ablata esse credendū est? R. Legimus in Paralipomenon Iosiam regē Iuda cum Hierusalē faceret Pascha domū no, ad leuitas ita locutū esse: Ponite arcam in sanctuario templi, quod ædificauit Salomon filius Dauid rex Israel. Nequaquā enim eam ultra portabitis. Hoc loco ita intelligere quidā uolunt, quod Iosias præuidens captiuitatem, arcam domini in certū tamen locū curauit abscondi. INT. Quid inter holocaustum & hostiam interest? R. Quod hostiæ partem sacerdotes edebant: Holocaustum uero erat hostia integra atq; perfecta, quia tota in oblatione sacrificij igni dabatur. Hostiæ quoque pacificæ appellabantur, quibus uesci populus solebat.

IN PSALMORVM LIBRO.

Ira
Furor

INT. Cum primus Psalmus primis illis uersiculis impium peccatorem hæreticumq; discreuerit, quid sibi uult illa sub ipso Psalmi fine conclusio, in qua ait: Ideo non resurgunt impij in iudicio. R. Psalmi huius initium de discretionē meriti, & finis de discretiōe iudicij. In quo ostēdit, quod homo absq; dubio omnis resurgat, id est iustus ut iudicet; peccator ut iudicetur, impius ut puniatur. Neq; enim tunc iudicabit iam iudicatus, secundū quod scriptū est: Qui autē nō credit, iam iudicatus est. INT. Cum passio in deū nō cadat, quid est quod sepe in scripturis ira dei & furor dicitur? R. Scripturæ consuetudo est, ut ira pro ultione ponatur. Est enim ira secundū hominem, vindicta secundū deum: & furor secundū animū patientis, nō secundū iustitiam iudicantis. Hinc & illud est quod ponitur in propheta: Dominus creans mala. Mala ergo sunt iuxta affectū eius qui sustinet, nō iuxta æquitatē eius qui decernit. INT. Quid sibi uult illud quod frequēter in Psalmorū

titulis

titulis inscribitur, In finē Psalmus Dauid? R. Quod Psalmi iū fine mun-
di bonorū repromissionē respiciant: uel quod ea quæ Iudæi obtinere se pos-
se in principio crediderunt, nos consequamur in Christo, quē uenisse confi-
temur in fine. INT. Quomodo intelligendum est quod scribitur: Eloquia
domini eloquiā casta, argentū igne examinatū, probatum terra, purgatum
septuplum? R. Casta dicuntur eloquia domini ideo, quod nullo sin adul-
terata mendacio, & ad uicem argenti quod examinatur igni septemplici, spi-
ritus igni mudentur. INT. Non cōgregabo, inquit, cōuenticula eorum
de sanguinibus: cum utiq; de sanguine magis latinū sonasset, quam ob cau-
sam sanguinibus cōtra regulā latinicatis scribitur? R. In Græco *αἱματώ*
legitur, plurali numero, sanguinē significans. Cuius proprietatis fidē etiam
in latinum plurali numero translator expressit. INT. Cum in Psalmo scri-
ptum sit: Non dabis semen tuū uidere corruptionē: quomodo iterum in alio
Psalmo scribitur: Quæ utilitas in sanguine meo, dum descendo in corruptio-
nem? R. Descendere se in corruptionē saluator prophætæ uoce pronūtiat,
dum clauorū configentiū irruptione penetratur. Rursus nō dedit dominus
sanctū suum uidere corruptionē: quia corruptionē carnis Christus celeri re-
surrectione præuenit. INT. Quid est quod dicit propheta de inimicis su-
is: Adipem suum concluderunt? R. Adeps cōcluditur impiorū, cum impi-
guati sensu & incrassati iniquitate recedunt uel à iustitia, uel à præceptis dei,
& idcirco dicit alio loco: Egredietur ex adipe iniquitas eorū. Manna uero, id
est cœlestis cibis tenuis est, & eorū aptus alimōniæ, qui subtilitate sensuū ui-
gent. INT. Quid sciendum est de hoc quod scribitur: De absconditis
tuis adimpletus est uenter eorū: saturati sunt porcina, & reliquerunt quæ su-
perauerunt paruulis suis. R. Supra petijt ut Iudæi à paucis diuiderētur, id
est à iustis: quia multi uocati, pauci autē electi. Nunc autē hos ipsos prius ab-
sconditis diuinę legis instructos, porcina sua, id est dogmatū postea immu-
ditia saturatos dum negant Christū, eandē impietatē dicit etiā ad suos po-
steros transmississe. INT. Qualiter intelligendū est: Dies diei eructat uer-
bum, & nox nocti indicat scientiam? R. Dies diei eructat uerbum, dum
apostoli credentibus annuntiant saluatōrē. Nox nocti indicat scientiā, dum
Iudas Iudæis doctrinā prauī sensus infundit. Aut certe dies diei eructat uer-
bum, & nox nocti indicat scientiā: dum omni utiq; die & nocte annuntiatio
ne fidelium uerbum & scientia propagatur. INT. Virga tua & baculus
ip̄sa me consolata sunt: quæ hic intelligenda discretio est? R. In uirga cor-
rectio declaratur, in baculo consolatio. INT. Cum animalia non absque
sensu sint, quomodo in Psalmo dicitur: Nolite fieri sicut equus & mulus, in
quibus non est intellectus? R. Quia in animalibus sensus est, in homi-
nibus intellectus. INT. Cum de iumentis sicut de bubus cura non est
deo, quomodo Psalmus ait: Homines & iumenta saluabis domine? R. Ho-
mines appellat rationis capaces, iumēta rationis expertes. Saluandos uero

Porcina

Virga
Baculus

conu

confirmat illos per praesentem cōuersionem, hos per futurā cōuersionem,

I N T. Qualiter accipiendum est quod scribitur: Remitte mihi ut refrigerer priusq̃ abeam, & amplius nō ero. **R.** Sensus hic de superioribus uersibus manifestatur. Supra enim dixerat: Quia aduena ego sum apud te, & peregrinus, sicut omnes patres mei: Remitte mihi ut refrigeret prius q̃ abeam, & amplius non ero, subauditur illud quod superius dixit, peregrinus. Ceterum manifestū est quod erit, qui se supra peregrinū appellando, patriam in qua futurus sit, habere declarat.

I N T. Quid indicat illud quod legitur in Psalmo. In capite libri scriptū est de me? **R.** Ex persona hoc dicitur saluatoris, de quo scribitur: In principio creauit deus cōelum & terram, id est, in filio. Aut certe illud: In principio erat uerbū, & uerbū erat apud deum, & deus erat uerbū.

Abyssus

I N T. Abyssus abyssum inuocat, inquit, in uoce caractarum tuarū: quomodo istud intelligendū est? **R.** Non immerito abyssus appellatur diuinarum scripturarū profundū, & ideo in uoce caractarū abyssus abyssum inuocat, cum uetus testamentū nouum annuntiat, uel nouum testamentum uetus in testimonium uocat in uocibus prophetarū.

I N T. Quid intelligendum est ex hoc quod scribitur: Pro patribus tuis nati sunt tibi filij?

R. Id est, quod temporum successione sine redditi pro patriarchis uel prophetis Apostoli siue euangelistae.

I N T. Frater non redimit, redimet homines: quid de hoc loco sentiendum est? **R.** Quod non redemerit Moyses, redimet Christus.

I N T. Quomodo accipiendum est illud quod Dauid clamat ad dominum dicens: Tibi soli peccaui? **R.** Soli peccatur deo, quia utiq̃ ipse solus sit absq̃ peccato, & ita iustificatus uincit etiā dum iudicatur, id est uel Christus in passione, uel secundum illud quod in propheta dicitur: Et uenite iudicemur, dicit dominus.

I N T. Viri, inquit, sanguinū & dolo si non dimidiabunt dies suos: quid hic sentiendum est? **R.** Non dimidiānt dies suos hi qui in imatura morte rapiuntur. Hac ratione etiam illud intelligere possumus: Ne rapias me in medio dierum meorum. Et aliter: Non dimidiānt dies suos qui ad dei satisfactionem non conferunt uel uitae suae partem.

I N T. Quid interior sensus eloquitur de hoc quod scribitur: Priusq̃ producat spinæ uestrae rhamnum?

R. Id est, priusquam se peccata uestra cōsumment.

I N T. Iustus quomodo lauat manus suas in sanguine peccatorum?

R. Cum tribuitur uindicta de impijs, non hoc procurantibus sanctis: & post delicta atq̃ exitum peccatorum, iustorum clarius uita atq̃ opera resplendent.

I N T. Quomodo accipiendum est illud quod in Psalmo legitur: Non miserearis omnibus qui operantur iniquitatē?

R. Non tam maledicentis animo istud dicitur, quā correptionem emendationemq̃ peccantium desiderantis: id est, ut in praesenti potius uita correat, non ab-

Semel tantur diuina patientia usq̃ ad futuram penarum acerbitatē. **I N T.** Semel locutus est deus, duo haec audiui: quid hic intelligendū est? **R.** Semel hic non ad numerum referendum est, sed ad firmitatem. Quae autem sunt illa duo

illa duo, quæ domino adjacent: & posse omnia, & uelle misereri. Et aliter: Semel locutus est deus, id est in lege. Nam in Euangelio nō alia præcepit: quæ nō uenit legē soluere, sed adimplere. **INT.** Quid est quod scribitur: Transiimus per ignem & aquam, & induxisti nos in refrigerium? **R.** Ignem ^{Ignis} & aquam persecutionem indicat atq; martyrium. Aliqui hic aquam baptismum intelligendum putant, & ignem sanctum spiritum, qui infusus peccata tanquam ignis exarat: & hinc est quod scribitur: Dominus deus uester ignis urens est. **INT.** Quid dicit illud quod legitur: Iter facite ei qui ascendit super occasum, dominus nomen illi? **R.** Viam bonorum actuum præparate illi, qui supergressus est occasum morte deuicta. **INT.** Pluiam, inquit, uoluntariam segregabis deus hæreditati tuæ, & infirmata est, tu uero perfecti es: animalia tua inhabitabūt in cauius huius loci sensus est? **R.** Pluiam ^{Pluuiæ} hic secundum litteram manna est: secundum anagogen mandata intelligenda sunt: quæ mandata uel lex, licet infirmata uideatur transgressionibus Iudæorum, gratia tamen Euangelij ostenditur esse completa. In qua nunc animalia, id est gentes habitant atq; consistunt. **INT.** Quæ intelligentia est in hoc quod legimus: Si dormiatis inter medios deros, pennæ columbæ deargentata, & posteriora dorsi eius in specie auri. **R.** In hoc loco de apostolis optat propheta, ut usq; ad transitum perseuerent credentes in testamentis duobus. In columba autē spiritus sanctus, in posterioribus occultior intellectus: in argēto splendens historia scripturarū, in auro interior, uel præciosior sensus ostenditur. **INT.** Dixit dominus ex Basan: Conuertamur, conuertamur in profundum maris, ut intinguatur pes tuus in sanguine, lingua canum tuorum ex inimicis ab ipso: quid hic sequemur? **R.** Basan in latino confusio sonat. Ergo dominus nosmet de confusione conuertit, quæ est in cruce eius: in qua cruce sanguine pedem suum tinxit, clamantibus Iudæis ut crucifigeretur instinctu inimicorum, id est, demonum. Ab ipso autē saluatore hoc totū uenit: quia omnia hæc ppria uolūtate sustinuit. **INT.** Quos illos accipiemus principes Zabulon, uel principes Neptalim? **R.** Petrum apostolum, uel Andream, qui ex iisdem tribus sunt uocati, sicut & supra Beniamin nomine apostolum Paulum oportet intelligi. **INT.** Quid in dicit quod legitur: Posuerunt signa sua signa, & non cognouerūt sicut in uia supra summum? **R.** Quod Babylonij uictoria insolentes effecti, ita exposuerunt signa in dei templo sicut constitui in trophæo solent super fornices, introitusq; portarum. **INT.** Quid est quod scribitur: Deus autem rex, noster ante secula operatus est salutem in medio terræ? **R.** Iudæam dixit, in qua Christus liberauit per crucem mundum: quam aliqui umbilicum terræ appellandum arbitratur. Et aliter: Operatus est salutem in medio terræ, id est in utero uirginali. **INT.** Quid est hoc quod legimus: Quia calix in manu dñi uini meri plenus est mixto, & inclinauit ex hoc in hoc: ueruntamen fex eius non est exinanita? **R.** Calix domini mixtus, misericordia & iudicium

cium: inclinatur ex hoc in illud, cum de misericordia in iudicium diuina seueritate transiit. Rex autem eius non exinanitur, quia adhuc ultimum iudicii referuatur. **INT.** Quae significantia est quod scribitur: Et reliquae cogitationum diem festum agent tibi? **R.** Pulchre hic ostenditur, quod deus puritate mentis uelut quadam festiuitate letatur. **INT.** Vox, inquit, tonitruui tui in rota: quid hic sentiendum est? **R.** Rotam hic ipsum dixit orbem terrae, eo quod intra eiusdem orbis rotam circumferant tonitruum mugitum. **INT.** Quid intelligendum est de hoc quod scribitur: Et percussit inimicos suos in posteriora? **R.** Secundum litteram ukerum illorum sit commemoratio, quibus sunt Allophyli in posteriora percussi. Secundum interiorem uero sensum percutiuntur inimici dei in posteriora, cum in domini iudicio puniuntur extremo. **INT.** Quem significat dicens: Exterminauit eam aper de sylua, & singularis ferus depastus est eam? **R.** Aptum hic Vespasianum, ut quidam dicunt, uult intelligi, qui Iudaeos bello uastauit. Singularem ferum, Titum Vespasiani filium, qui Hierusalem oppugnatione consumpsit. **INT.** Legimus in Psalmo: Israel si audias me, non erit in te deus recens: quomodo istud accipiemus? **R.** Idola uel antichristum refutandum esse pronuntiat. Christus autem deus recens non erat, licet mundo per carnem nostris temporibus illuxerit. Nam in principio erat apud deum deus uerbum, ipse creans hominem ad similitudinem dei, quicquid diuersis uicibus atque temporibus Abrahae uel patribus nostris semper apparuit. **INT.** Qualiter accipiendum est quod Psalmus ait: Deus stetit in synagoga deorum? **RESPO.** Id est, in congregatione sanctorum. Dominus autem noster sanctos suos ut regni sui, ita etiam nominis sui participatione donauit. Vnde & ad Moysen dicit: Dedi te Pharaoni in deum. Compellantur ergo nomine dei, quia appellantur & filij dei. Nec mirum pro illa ineffabili diuinae benignitatis indulgentia, si uoluerit ut homo appellaretur deus, cum deus appellatus sit homo. **INT.** Quid hic sentiendum est. Iustitia & pax osculatae sunt se? **R.** Quod se lex & gratia coniunxerint per mediatorem dominum nostrum Iesum Christum, qui fecit utraque unum. **INT.** Qualiter accipiendum est quod legitur: Diligit dominus portas Sion, super omnia tabernacula Iacob? **R.** Quod dominus umbraculis synagoga ecclesiae munimenta praetulerit. **INT.** Mater Sion dicet homo, & homo factus est in ea, & ipse fundauit eam altissimus, quid hic sequemur? **R.** Mater Sion, ut quidam uolunt, Maria significatur, in qua natus est homo Christus, ipse quoque matris creator. Sciendum est eam, melius & secundum Hebraeum uerius dici: Nunquid Sion dicet homo, & homo natus est in ea, & ipse fundauit eam altissimus: Et est sensus hic: quis hoc hominum nuntiare possit: Sicut & illud: Aut brachium domini cui reuelatum est: Ergo hoc dicit, quod nullus hominum ei nuntiare possit, quia saluetur Sion in homine qui natus sit in ea. Ipse autem est homo altissimus qui fundauit eam. Et notandum quod etiam filius altissimus appellatur. **INT.** Quid hic in-

hic intelligendum est, ubi scribitur: Factus sum sicut homo sine adiutorio inter mortuos liber? R. Christus utiq; inter mortuos liber: quia absq; peccato inter peccatores apparuit. INT. Quæ est terra illa obliuionis, de qua dicitur: Nunquid cognoscetur in tenebris mirabilia tua, & iustitia tua in terra obliuionis? R. Rectissime appellatur obliuionis terra impiorum caro à domino derelicta. Et aliter: terra obliuionis etiã in illo accipi potest quod dicit: Quoniam nō est in morte qui memor sit tui, in inferno autē quis continebitur tibi? INT. Quomodo iuuentus aquilæ renouatur, secundū illud quod legimus: Renouabitur sicut aquilæ iuuentus tua? R. Aquilæ dicuntur ut nimia senectæ implumes fieri, & nido relatæ uicissim pullis suis ministrantibus pasci, donec deterfo senij ueterno recipiāt cum pennis usum uolandi. Secundum Anagogen autem iuuentus nostra uel baptismo, uel resurrexione renouatur. INT. Abyssus, inquit sicut palliū amictus eius, quid hic sequemur? R. Non bene pleriq; arbitrantur abyssum hic amictū dei appellari, cum potius amictum terræ dici ipse superiorum uersum ordo declarat, eo quod terra ipsa abyssō quasi quodam palliō circumfusa uelatur.

Abyssus

INT. Quomodo stant super montes aquæ? quia scriptū est: Super montes stabunt aquæ. R. Vtiq; cum aut plenæ aquis nubes super montes descendunt: aut cum in mari undæ ad montiū instar excitantur. INT. Quid sentiendum est in hoc quod legimus: Draco iste quem formasti ad illudendum ei? R. Draco iste diabolus est, sed ante formatus à domino, quàm in nomen diaboli uoluntariæ nequitie transiret instinctu. Hūc propheta Esaias à paruulis describit illudi. INT. Qua ratione intelligendum est quod scribitur: Ferrum pertransiuit animam eius? R. Christus hic manifestissime designatur, eo quod resurgendo affigentium clauorum dolorem cruciatumq; superauit. Potest hic sermō & tribulatio duræ necessitatis intelligi, quia animam dixit aliquando tamen anima in scripturis pro presenti uita appellatur, ut in euāgelio: Nōne anima plus est quàm esca? INT. Quid inter Psalmum & Canticum interest? R. Quod Psalmi ex Psalterio appellantur, at uero canticū ex uoce profertur: & quod canticū pro scientia, pro opere uero Psalmus accipitur. Psalmus ergo ad actualē, id est ad practicē: canticū uero ad theoriam, id est contemplatiuā refertur. INT. Iurauit dominus, nec poenitebit eum: quomodo iurauit dominus? R. Iurare domini

Anima

iurare domini

est immutabiliter promittere. Recte igitur istud cōmutatio sermonis usurpat, eo quod promissio eius sacramenti obtineat firmitatem. INT. Quid indicat illud quod scribitur: De torrente in uia bibit, propterea exaltaui caput? R. Ad personam Christi ista referenda sunt, quia de torrente, id est passione: in uia, id est in seculo bibit: propterea deus exaltans caput eius, donauit illi nomen quod est super omne nomen. INT. Quindecim illi Psalmi quam ob causam canticū graduū prænotantur? R. Quindecim quondam gradibus, sicut ostendit hystoria, ascendebatur in templū: atq; ideo hi

Psalmi quindecim cantid graduū inscriptione signatur, quod nos per quosdam profectus ad sublimia spiritaliū rerum prouectione perducant. **INT.** Sagittæ, inquit, potentis acutæ cum carbonibus desolatorijs, quæ huius uerus intelligentia est? **R.** Sagittæ potentis, uerba domini sunt, quæ charitate eius corda nostra cōfigunt. Carbones uero desolatorijs sunt, qui peccata dissolutorij soluunt, secundum illum carbonem Esaie prophetæ, qui ad labia eius defertur, ut purget uicia, quæ contraxerat, uel loquendo uel ob timorem tacendo.

INT. Quid sibi uult quod scribitur: Ecce non dormitabit, neq; dormiet, qui custodit Israel? **R.** Dormire interdum in scripturis dominus dicitur, cum in nobis potius fides dormit, & dormitante infidelem relinquit. Nescit uero ille deesse quarentibus se, nō nouit dormire uigilantibus. **INT.** Le-

gimus in Psalmo de Hierusalē: Cuius participatio eius in idipsum, quid hic sequemur? **R.** Quod diuersæ partes unam constituent ciuitatē, uel diuersa membra unū domini corpus efficiant, **INT.** Quid sentiendum est de eo quod scribitur: Forſitan pertransisset anima nostra aquam immensam? **R.**

Forſitan, in Græco scriptū est *ἄρα*, quod latine manifestius interpretatur, putas, ut sit sensus iste: putas pertransisset anima nostra aquā immensam, nisi dominus fuisset in nobis? **INT.** Quid est quod scribitur: Conuerte domine captiuitatē nostrā, sicut torrens in Austro? **R.** Exultantis animæ uox est, & ex uiciorū uinculis in libertatē conuersionemq; redeuntis, quæ postulat, ut ita diuinę miserationis aspiratione ex peccatorū captiuitate soluantur, sicut constricti glaciē torrentes Austri tepore soluuntur. **INT.** Qualiter intelligendū est illud: Ecce hæreditas domini filij merces fructus uentris: sicut sagittæ in manu potentis, ita filij excussorū. **R.** De futuris se ibi loqui propheta significat, qui post illam sessionē surgendi tempus declarat. Idem postea quā dederit dilectis suis somnum, ostendit quæ futura sit resurrectio illa sanctorū, dum dicit: Ecce hæreditas domini filij merces fructus uentris. Ipsa itaq; domini est hæreditas in filijs, quā pro mercede fructus uētris indeptus est: quia saluator fructus est uentris, cuius utiq; merces est, ut ei gentes hæreditas sint, quas per fidē generat in filios. Sagittæ autē apostoli recte appellantur, qui orbem terræ quasi uolatu peragrantes, doctrina sua infidelium corda penetrarunt: quos filios excussorum, id est prophetarū, optime prophetia designat. Nam utiq; cum in prophetia sua excutiūtur prophetæ, quid aliud in illis nisi inuenti apostoli manifestantur: Excussis itaq; prophetis, quia apostoli generati sunt, recte appellantur filij excussorum. **INT.** Quid est quod legimus: Sicut ablactatū super matre sua, ita retribuisti in anima mea?

R. Animæ nostræ ablactatio est, cum ab ignorantia infantie ad perfectū cibum uite consummatione sensus erigitur. Igitur supra dixerat: Si non humiliter sentiebam, id est humilia & terrena cogitabam: sed exaltaui animam meam, hoc est, sed ad cœlestia mente contendī: hæc mihi fiat retributio, ut animam meam intellectus consummatio consequatur. **INT.** Beatus in-

quit,

quit, qui restituet tibi quod tu restituisti nobis: quis hic intelligendus est. R. Psalmus hic & de captiuitate Iudæorum cum in Babyloniem ducti sunt, & de peccatoribus qui expulsi ab ecclesia confusio*n*i traduntur, intelligi potest. Hic ergo secundum historiam, ut quidam opinatur, significatur Cyrus rex, qui hanc restitutionem subuersa Babylone restituit, & usq; ad paruulos eius illic omni interitione desatuit. Interiore uero sensu, Babyloni uicem ille restituit qui eam captiuam ducit, quæ se prius habuerat peccati lege captiuam, & exordia uiciorum ad petram, quæ est Christus, elidit. INT. Sæpe in scri

pturis dicitur: confitebor tibi domine: qualiter hoc intelligendum est. R. Nō semper poenitentiam uidetur significare confessio. Nam confitebor interdū ponitur pro laudabo, uel pro gratias agam, uel pro glorificabo dominum.

Confiteri

INT. Imperfectum meum, inquit, uidentur oculi tui: & in libro tuo omnes scribentur, quæ hic significantia est. R. Oculi domini imperfectū nostrum uident, quia deus hominem etiam priusquam formetur, agnoscit. Et aliter: Imperfectum nostrum uident oculi dei, quia cogitationes nostras etiam antequam perficiantur, introspicit. In libro autē eius scribentur omnes, quia omnes homines non absq; eius uoluntate nascuntur, uel omnes uoluntates nostræ apud eum plenissime describuntur. Sequitur autē: Die replebuntur, & nemo in eis. Die, id est, Christo replebuntur, ac præter Christū nemo in eis erit, qui deo pleni eā quæ dei non sunt, recipere non possunt. INT. Qui sunt pulli conuorū de quibus scribitur: Et pullis conuorum inuocantibus eum. R. Fideles filios significat de infidelibus procreatos. INT. Quid in

dicatur in hoc quod legimus: Ante faciē frigoris eius quis subsistet. R. Tentationem per hoc frigus ostendit. INT. Qua ratione appellantur ancipites illi sanctorum gladij, de quibus scribitur: Et gladij ancipites in manibus eorum. R. Gladij ancipites dicuntur, quod in iudicio corpus atq; animam punire simul possunt. Et aliter: quod puniāt & supplicio præsentis poenæ, & metu futuræ. Et hinc est illud quod in eodem Psalmo canitur: Cantate domino canticum nouum. quod qui mundi purgamenta creduntur, de nationibus ac regibus iudicabunt.

Gladij ancipites sanctorū

IN PROVERBIIIS SALOMONIS.

INT. Cernus amicitia & pullus gratiarum fabulentur tecum: quid hic sequimur. R. Cernum amicitia accipiendum hic quidam putant Christum, totius dilectionis & charitatis magistrum. Pullum gratiarū spiritum sanctum, qui sit omnium gratiarum, id est charismatum distributor. Admonemur ergo ex hoc, ut semper Christi uel spiritus sancti solatia requiramus.

INT. Quid est quod scribitur: Septies cadet iustus, & resurget. R. In sermone utiq; aut in cogitatione, cum labitur: aut certe intra septiformis spiritus gratiam, cum delinquit. Quidā propter septem dies, per quos uita huiusmanæ cursus reuoluitur, septies hic dictum esse confirmant: eo quod absque peccato uita istius cursus esse non possit.

IN ECCLESIASTE

INT. Quid est quod in Ecclesiaste legimus: Florebit amygdalum, & impinguabitur locusta, & dissipabitur capparitis: quoniam ibit homo in domum aeternitatis suae. R. Tradunt per haec humanorum membrorum fieri significantiā. Nam in flore amygdali canos capillos, in impinguatione locustae tumorem pedum, in dissipatione capparitis concupiscentiae frigus ostendit. Quae cum senī in postremae uitae tempore accesserint, tunc necesse est in terram, id est quasi in aeternitatis suae domum redeat. Bene tamen haec aeternitatis domus etiam illa futura terra accipitur, de qua scriptum est: Placebo domino in regione uiuorum.

IN CANTICIS CANTICORVM

INT. Quid est illud quod de Ecclesia scribitur: Fusca sum & speciosa filia Hierusalem? Si fusca, quomodo speciosa? R. Quia ante examinationem sui ecclesia pro diuersitate in se consistentium bipartita est: in sanctis speciosa est, in peccatoribus fusca. Sicut & Hierusalem modo sanctam ciuitatem scriptura commemorat, modo peccatricem. INT. Nomen fratruelis quid sibi uult in Canticis canticorum? R. Ecclesia, cuius nomine illic ad salutorem ista dicuntur, fratruelem uocat Christum, qui sit filius synagogae. Et quia ecclesiam synagogae sororem in sanctis nostri interdum sentire uoluerunt, ideo secundum quandam scripturae elocutionem Christus ecclesiae fratruelis appellatur & sponsus.

IN EVANGELIO MATTHAEI INT.

QUAM ob causam in propheta euangelistae quatuor diuersa animalium specie designantur? R. Matthaeus hominis retinet formam, quia à natiuitate hominis orditur dicens: Liber generationis Iesu Christi filij Dauid, filij Abraam. Marcus leonis specie praefiguratur, eo quod ut leo ingenti intulit uoce: Vox clamantis in deserto: Parate uiam domino. Lucas annūtiatur in uitulo, quod à sacrificijs uel à sacerdotio sumat exordium, dicens: Fuit in diebus Herodis regis Iudae sacerdos quidam nomine Zacharias. Ioannes aquila praenotatur: quia spiritu euolans ad superna tanquam de sublimi profert dicens: In principio erat uerbum, & uerbum erat apud deum, & deus erat uerbum. INT. Quomodo accipiendum est, quod dominus Iesus Christus Dauid filius dicitur, cum utique natus non sit ex Ioseph, qui ex Dauid stirpe descendit? R. In coniugium tunc Iudae secundum legem de consanguinitate proximas assumebāt. Nec dubitandum est, quod hac ratione etiam Maria ex eadem tribu ueniens, sicut Ioseph ex Dauid stirpe descēderit, imò processerit. Ideo autem per generationem Ioseph origo Mariae significatur: quia consuetudo scripturarum est, uirorum potius quam foeminarum seriem in generatione cōtexere. Cuius Mariae quia cognata, sicut legitur, fuit Elizabeth, quae fuisse scribitur de filiabus Aaron, manifestissimum est, quod in Christo secundum carnem ex utroque genere conuenerit, regum scilicet sacerdotum.

sacerdotumq; successio. INT. Euangelista Matthæus Ioseph genitū ex Iacob dicit: & quomodo Lucas cum ex Heli fuisse cōmemorat? R. Ideo quod alter secundum naturam, alter ei secundum legem pater fuerit. Consuetudo namq; apud Iudæos ex lege erat, ut defuncti fratris uxorem ad suscitandum semen superstes frater acciperet. Iacob ergo atq; Heli uterini fratres fuerunt: quorum superiore defuncto, posterior usus est ex lege coniugio. In eorū commemoratione Matthæus Ioseph prosapiā per regiam originem texuit, Lucas generationem eius sacerdotali successione deduxit. Pater tamen Iosephi secundum naturam haud dubie Iacob fuit. INT. Quare in euangelio Maria Ioseph coniux dicitur? R. Consuetudo est scripturæ, ut etiam sponsas appeller uxores. INT. Quid est quod legimus: Ipse uos baptizabit spiritu sancto, & igni? R. Quia per spiritum sanctum uel peccata exuruntur in nobis, uel sanctificatio tribuitur, uel charitatis in passionibus tolerandis feruor accenditur. Aut certe quia spiritu baptizati diuino iudicio examinabimur. Sunt qui dicant apostolos spiritu sancto baptizatos esse, cū super eos ignis apparuit. INT. Qualiter accipiendum est de columbæ illius corpore, in qua ad saluatorem spiritus sancti paruit manifesta descensio: utrum ante iam fuerit, an ad tempus fictum subito apparuerit? R. Vtiq; ad tempus ostēsum. Nam ut signum uisibile spiritus sancti, qui erat inuisibilis, monstraretur, uelut quidē corpus columbæ illius per diuinam potentiam, sed in tempore factum, ad horam apparuisse, ac deinceps destitisse credendū est. Angeli uero cum se humanis offerunt oculis, creduntur, ut quorundā opinio est, ex isto crassiore aere, id est, uicino terris ad præsens corpus assumere. Porro autem uocem aliquam ita putantur exprimere, cum illis huic aeri ictustanquam palato uerborum sonum reddit. INT. Iustis promittitur regnū celorum, & quomodo etiam hoc dicitur: Quoniam ipsi possidebūt terram? R. Quia nouum cælum & noua terra in futuro repromittitur iustis, ut tunc cum deo sicut angeli utrunq; possideant. INT. Cum dicat saluator, Tyrum & Sidonem poenitentiam agere potuisse, si in eis diuinarum apparuissent signa uirtutum: quapropter illic facta non sunt, quæ salutem fuissent credentibus allatura? R. Quia dominus ac saluator pro diuina dispensatione non uenerat, nisi ad oues quæ perierant domus Israel. Et quid est quod non uenerat nisi ad oues domus Israel? Quia inter reliquas usquequaq; nationes specialius unum Israel deum coluit: atq; ut ita dixerim, peculiaris dei quondam populus fuit, ob merita Abrahæ ac patriarcharum, uel Dauid: quibus Christus proprie repromissus, atq; ex eorum stirpe descēdens, inde ipsam carnem, in qua terris apparuit, assumpsit. Sed tamē quia uirtutes postea & in gentibus factæ sunt, ita testimonium hoc intelligi potest, ut ubi dicit, nō ueni nisi, subaudiatur, prius: ut sic & testimonij ueritas & misericordia dei in uniuersos prompta magis pateat. INT. In euāgelio dicit dominus & saluator noster, Iugum meum leue, & onus meum leue est. & quomodo legitur in Psalmo,

Propter uerba labiorū tuorum ego custodiui uias duras: R. Equidem manifestum est quod omnes qui uolunt in Christo pie uiuere, persecutionē patiuntur: sed tamen diligentibus deū quæ sunt dura in re præsentium, efficiuntur leuia in spe futurorum. INT. Quid intelligendū est loco illo, in quo scribitur: Orate ne fiat fuga uestra hyeme, uel sabbato: R. Secundū historiam ita intelligendum est, ne fiat fuga uestra hyeme, id est, ne in tribulatione fugæ temporis accumuletur iniuria. Ne fiat fuga uestra sabbato: ne eo utique die quo habere requiem uacationemq; consueistis. At uero secundum intellectum superiorem, ne fiat fuga uestra hyeme uel sabbato, ita accipi potest: ne uos fuga illa deprehendat, aut in peccatis algentes, aut bonis operibus oriantes. INT. In eodem Matthæo scribitur: Dico autē uobis, Non bibam amodo de hoc genimine uitis, usq; in diem illum quo illud bibam uobiscum nouum in regno patris mei, quid hic sequemur: R. Regnū dei, ut docti interpretantur, ecclesia est: in qua quotidie bibit sanguinem suum Christus per sanctos suos, tanquam caput in membris suis. INT. Quid causæ est quod dicitur: Amodo uidebitis filium hominis sedentem ad dexteram uirtutis, & uenientem in nubibus cæli. Et alio loco dicitur non uisuros uenientem in nubibus cæli, nisi in nouissimo tantū die plangētes omnes tribus terræ, & tunc uidebunt filiū hominis in nubib; cæli: R. Quia in hoc primo corporis, id est ecclesiæ aduentu annuntiatur per manifestationē claritatemq; signorum: ille uero alius aduentus capitis est, id est ipsius Christi. In illo aduentu per membra sua Christus uenit, in hoc per seipsum.

*Aduētus duo
Christi*

IN MARCO

INT. Quid significat in euangelio quod dicit: Qui enim habet, dabitur illi: & qui non habet, etiam quod habet, aufertur ab illo: R. Verbi gratia, ut si fidem habens, charitatem non habeat, etiam ipsa fide careat, quam fortē habere uidebatur. Sicut Iudæi per scripturam diuinam non intelligentes Christum, etiam ipsam quam se putabant tenere, dei notitiam perdiderunt, & filium non recipientes, etiam patrem non habent. INT. Marcus euangelista tertia hora dici dominum significat esse crucifixum: & quomodo alius euangelista horam sextam qua crucifixus sit, fuisse commemorat: R. Quia hic illam penē horā in scriptis suis retulit, qua uere crucifixus est. At uero ille horæ anterioris tempus cōmemorandum putauit, quo de eo Iudæis adclamantibus iudicatum est, quasi per anticipationē relationis ea hora crucifixus sit, qua iussus est crucifigi. Sed tamen in ipsa hac passione eius sic tenere debemus, quod ita homo ille qui assumptus sit, pro eiusdem uolūtate pertulerit, ut uerbum illud quod in principio apud deum patrem erat inuiolatum intactumq; permanferit: ergo illud iniuriæ obnoxium fuit, quod pro humana infirmitate suscepit: illud uero incorruptum mansit, quod diuina æternitas possidebat.

IN LVCA

INT. Quid est quod scribitur in Luca de Zacharia sacerdote, quod esset de uice

deuice Abia? R. Vigintiquatuor sortibus in ministerium templi distributi fuerāt sacerdotes, ut in ordine uicis suæ quisq; sacerdotali fungeretur officio: in hoc ergo ordine octauam sortem Abia habuit, de qua uice Zacharias sacerdos fuit. INT. Qui illi sunt qui in scripturis sacris nomina antequam nascerentur acceperunt? R. In nouo testamento, præter saluatorem, solum legimus baptistam Ioannem: in ueteri quatuor sunt, Isaac, Ismael, Salomon, uel Iosias, qui ortu uideantur iuniores esse, quàm nomine. INT. Ad aduentum matris domini, quomodo Ioannes adhuc sensu carens in utero potuit exultare materno? R. Hoc matris magis sensu uel gaudio à quibusdam factum testimatur, ut etiā interiorib; potuerit exultare uisceribus. Aut certe si hoc ad Ioannem potius referte placet, inter miracula diuina reputādum est, sicut & illud, cum uox asinæ in sonum sermonis erupit. INT. In eodem euangelio quid sibi uult illud quod legitur: Factum est autē in sabbato secundoprmo, cum transiret per sata, uellebant discipuli eius spicas, & manducabant confritantes manibus? R. Quidam hoc loco diem dominicum ita appellatū existimant, eo quod uideatur secundus ab illa legali obseruatione sabbati, & primus sit euangelicæ gratiæ celebritate. Si cui autem hoc minus satisfacere uidetur, quod diem ipsum magis sabbati fuisse contēdat, quia scriptū sit de eo: Quid facitis quod non licet in sabbatis? potest forsità & ipse nihilominus dies sabbati ita ex hoc intelligi, ut nunc obseruatione nostra secundus sit, qui primus quondam fuerit obseruatione Iudaica. Rectissime enim dies primus dies dominicus deputatur. INT. Quomodo uisionē illam in qua dominus assumptis tribus discipulis glorificatus est, Lucas post octo, alij uero euangelistæ post sex dies subsequētam esse commemorant? R. Lucas, qui habito domini apud discipulos sermone post octo dies scribit uisionē hanc discipulis ostensam, & eum diem quo dominus locutus est comprehendit, & eum quo Iesus glorificatus apparuit. Hi uero qui sex dies indicādos putauerunt, medijs tantum atq; integris dieb; adnumeratis, quasi semiplenum primum illum diem postremūq; tacuerunt. INT. Rursus in eodē dicit: Erūt enim ex hoc quinque in domo una diuisi, tres in duo, & duo in tres diuidentur: pater in filium, & filius in patrem suum: mater in filiam, & filia in matrem: focrus in nurū suam, & nurus in focrū suam. Quid est quod cum superius quinque uideatur posuisse personas, sex in subsequentib; cum personarum significatione subiecit? R. Mater & focrus eadem intelligi potest quæ per filiam & nurum duobus sit compellata nominibus: ac perinde & in subsequenti quinque uideri potest numerus personarum. INT. In parabola Lazari & diuitis aliquantæ questionēs incurrunt. Aut quomodo diues in tormentis sit ante iudicium: aut quomodo digitus Lazari dicatur, nunquid corpora apud inferos sint: aut ipse æquam desideret, nunquid sitim corporis sentiebat? R. Hæc omnia secundum eam affectus loquuntur, quos aliquando pro necessitate corporis gesserat. Cæterum ille ante iudicium tormentorum sensus quasi pro loco custodiæ, in

quo erat, accipiendus est: reis quippe ipsa custodia etiam ante iudicium non est absq; tormentis. In hoc quoq; quod apud infernum Abraham uidit hæc subesse, à quibusdam ratio putatur, quod etiam omnes sancti ante aduentum domini nostri Iesu Christi ad inferna, licet in refrigerij locum, descendisse dicuntur. Alij opinantur locum illum in quo Abraham erat, ab illis inferni locis in superioribus constitutum, propter quod dicat dominus de illo diuitem: Eleuans oculos suos cum esset in tormentis, uidit Abraham de longe: sinumq; ipsius Abraham designari illius regionis quietem. INT. Quomodo accipiendum est quod legimus: Regnum dei intra uos est? R. In unoquoq; pro bonorum malorumq; p actuum discrepantia, aut deus regnat, aut diabolus: quia necesse est, ut cuius uoluntate opere procurat, eius imperio uideatur esse subiectus. Itaq; si iusti sunt quidam, deus in his regnare dicendum est: diabolus, si iniusti. Potest & fides regnum dei dici, quia itur ad regnum: quia utiq; iustus ex fide uiuit: & per quam Christus habitat in cordibus sanctorum suorum. INT. Quomodo in Luca latroni saluator dicit: Hodie mecū eris in paradiso: cum utiq; die illo secundum hominem corpore in terra, anima apud inferos fuerit? R. Potest forte hic pro paradiso accipi ille attributus quietis locus, ubi Abraham esse cum Lazaro, in euāgelio saluator ostendit. Aut certe ita intelligendum est, quod hanc promissionem dominus secundum effectum diuinæ potestatis impleuerit: quia ubiq; deum esse noscendum est.

IN IOANNE

INT. Quadraginta & sex anni adfirmantibus Iudæis, secundum euangelium Ioannis in ædificatione templi quomodo ostendantur impleti? R. Salomonem quidem septem tantū annis domum domini ædificasse satis constat, scriptura ex hoc dicente: Ædificauitq; eam in annis septem. Quadraginta uero sex anni in templi restauratione ponuntur, quæ habita est in diebus Esdræ, post subuersionem Hierosolymæ, captiuitatemq; Iudæorum. Porro ipsa reparatio ex ædificandi templi diu tracta est, uicinis in circuitu nationibus opus assidua infestatione prohibentibus. INT. Quomodo saluator assumptum hominem duxit in cælum? aut quomodo cælum promittitur sanctis, cum dicat: Nemo ascendit in cælum, nisi qui descendit de cælo filius hominis qui est in cælo? Aut quomodo in cælo erat, cum adhuc esset in terra? R. Secundum carnem in terra erat, secundum deitatem cælo non deerat. Ideo & ipse ascendit qui descendit: quia licet assumpserit hominem, tamen homo & deus, hoc est Christus, una persona est: & utiq; cū ille sit caput, sancti autem membra sint, necesse est ut sequantur membra quod caput præcessit, ut sit in cælo Christi corporis plenitudo. INT. Qualiter illud accipiendum est quod scribitur: Non enim ad mensuram dat deus spiritum? R. Hoc quidam de filio proprie intelligendum esse confirmant: quia homines dum alij alijs plus minusue capiant, utiq; ad mensuram spiritum accipere uidentur, iuxta illud Apostoli: Habentes autem donationes secundum gratiam

gratiam, quæ data est nobis, differentes, siue prophetiam secundum mensuram fidei, &c. Christo uero unigenito suo, qui etiam dat, non est spiritus ad mensuram datus, quia in eo est omnis plenitudo diuinitatis. **INT.** Saluator dicit: Vos ascendite ad diem hunc, ego non ascendam ad diem festum istum, & quomodo postea scribitur de eo: Vt autem ascenderunt fratres eius, tunc & ipse ascendit ad diem festum? **R.** Veritas mendacium loqui non potest. Atque idcirco non aliter à Iesu factum est, quam quod se pronuntiauerat esse facturum. Scenopegia solennitas Iudæorum non unum diem, sed plures dies solennitate complectitur, sicut & Paschæ festiuitas. Ergo quia dixerat, non ascendo ad diem festum hunc, utique ad diem festum ipsum, sicut prædixerat, non ascendit. Nam & sequitur in Euangelio: Hac cum dixisset, ipse, hoc est saluator, mansit in Galilæa. Vt intelligamus in ea quidem solennitate, sed non eundem diem fuisse, de qua postea scribitur: Vt autem ascenderunt fratres eius, tunc & ipse ascendit ad diem festum. Potest & figurate intelligi hic dies festus, ad quem saluator se non ascensurum esse professus est, ut in se mutandam festiuitatem doceret. **INT.** Qualiter sentiendum est de loco illo, in quo de Iesu Christo saluatore nostro scribitur: Nemo misit in eum manus, quia nondum uenerat hora eius? **R. E.** Hora hæc non secundum mathematicam intelligenda est, sed potius hora illa qua ipse crucifigi, qua ipse pati uellet: & ideo nondum uenerat hora eius, quia nondum uerba perfecerat, quia nondum cuncta propositæ operationis impleuerat, propter quæ homines terramque uisitauerat. **INT.** Quomodo intelligendum est quod saluator dicit: Cum loquitur mendacium, ex proprijs loquitur, quia mendax est & pater eius? **R.** Supra dixerat dominus ad Iudæos: Si deus pater uester esset, diligeretis utique me. & postea: Vos ex diabolo patre estis, & desideria patris uestri uultis facere. Ille homicida erat ab initio, & in ueritate non stetit, quia non est ueritas in eo. Cum loquitur mendacium, hic subaudiendum est, unusquisque uester: ex proprijs loquitur, quia mendax est & pater eius, id est diabolus. Sunt qui ita disputant: Cum loquitur mendacium, id est diabolus: de proprijs loquitur, quia mendax est, & pater eius, hoc est mendacij ipsius pater est: quia ab ipso uideatur ortum esse mendacium: ut sicut deus filium ueritatem genuit, ita & diabolus filium genuerit falsitatem.

INT. Quomodo accipiendum est illud quo dicitur: Abraam pater uester exultauit ut uideret diem meum, & uidit, & gauisus est? **R.** Prophetæ uidentes appellabantur ideo, quod sancti spiritus munere ea quæ cæteris erant clausa, quasi conscripti futurorum uidebant: inter quos & Abraam Christum uidit in spiritu. **INT.** Dicitur in Euangelio: Scimus quia peccatores deus non exaudit, & quomodo saluator in alio loco dicit: Omnis qui petit, accipit. **R.** Sunt qui ex hoc loco ita sentiunt: Ille, inquit, qui dixit peccatores non exaudiri, cæcus fuerat, & plenam adhuc quasi infuso collyrio uidere non poterat ueritatem. Certum est autem diuinæ misericordiæ autem patere pulsantibus.

Potest

Potest & hac ratione intelligi, quomodo deus nō exaudiat peccatores, ut etiam si exaudiantur ad impetrandam propriam salutē, nō exaudiātur in signis. INT. Deus & saluator quid est quod in Euangelio Ioannis dicit: In iudicium ego in hunc mundū ueni, ut qui non uident, uideant, & qui uident, cæci fiant? R. Non minima quæstio, sed nos breuiter pro necessitate quid hic doctorū opinio habeat, proferemus. Ut qui non uident, uideant, & qui uident, cæci fiant: id est, ut hi qui se non uidere confitentur, & medicum querunt, uideant: hi uero qui se putant uidere, & medicū non requirūt, in sua cæcitate permaneant. Itaq; in hoc iudicium uenisse se dixit, quo discerneret causam credentium & incredulorum. Ergo ut qui non uident, uideāt, potest intelligi de gentibus, qui uisuri erant per fidem: & qui uident, cæci fiant, accipi de Iudæis potest, qui cæcabantur per propriam infidelitatē. INT. Quomodo saluator loquitur: Pater maior me est. & alio loco dicit: Ego & pater unum, sumus? R. Dominus Iesus ita uerus homo ut uerus deus, de patre deo deus, de matre homine homo, illud secundū hominem, hoc secundū deum locutus creditur. Iuxta quam rationē diuinitatis atq; humanitatis, etiam in reliquis quæ aut æqualitatē cum patre, aut humilitatē eius sonant, facile intellectus patebit. INT. Quid mysterij continet locus ille ubi dominus, pedes discipulorum lauit? R. In loco illo maledictū calcanei diluitur, quod diabolo incentore animæ nostræ gressus incurrebāt. Primo enim moribus eius nostrū patebat calcaneū. Porro cū dictum est: Ecce dedi uobis potestatem calcandi super serpentes & scorpiones, maledictum illud abolitum est,

IN EPISTOLA AD ROMANOS
INTERROGATIO.



VAE intelligentia est capituli illius quo Apostolus proponit dicens: Si autem iniquitas nostra iustitiam dei cōmendat, quid dicemus? Nunquid iniquus deus qui infert iram? secundum hominē dico. Absit. Alioquin quomodo iudicabit deus hūc mundum? Si enim ueritas dei in meo mendacio abundauit in gloriā ipsius, quid adhuc & ego tanquam peccator iudicor: & nō sicut blasphemamur, & sicut aiunt nos quidam dicere: Faciamus mala, ut eueniant bona? quorum damnatio iusta est. RESP. Obscurissimus atque perplexus in Apostolo locus, & multis ad discutiendum proferendūque sensum uerbis indigens: nobis tamen pro festinatione sermonis arctandus. Dixerat supra: Est autem deus uerax, omnis autem homo mendax, sicut scriptum est: Ut iustificeris in sermonibus tuis, & uincas cum iudicaris. Iam etiam adiicit: Si autem iniquitas nostra iustitiam dei commendat, quid dicemus? Hic de testimonijs quæ supra posuerat, nascentem euentilat quæstionem, & adiungit: Nunquid iniquus Deus qui fert iram, id est uindictam? Secundum hominē dico

dico, hoc est secundum humanā elocutionē, quod quasi iniquum deū appellauerat. Vel quod iram eius dixerat, cuius passio in deū nō cadat. Absit: hoc est, absit ita credi, ut iniquū deū esse dicamus: qui, si hæc ita sunt, iram infert delinquenti. Alioquin quomodo iudicabit deus mundum, nisi summa æquitate atq; iustitia? Deinde sequit̃: Si enim ueritas dei in meo mendacio abundauit in gloriam ipsius. Et hoc ita proponit, ut resellens sit, non adprobans: quia si ueritas dei mendacio hominis indignit, nec peccator tanquā peccator iudicabitur, & quæ blasphemabant in apostolos, uera uidebuntur. Ergo quid est quod dicit: Et si ex comparatione iniustitiæ iustitia clarescat, nō ideo tamen homo iniustus esse debet, ut deus iustus appareat. Damnatio eorū iusta est, qui nos hæc adfirmant dicere. Quid dicere? faciamus mala, ut ueniant bona. Putabantur autē apostoli istud dicere apud eos, qui male interpretabatur dictū apostolicū, illud utiq; Vbi abundauit peccatum, superabundauit gratia. INT. Quid illud est quod legimus: Vt quid enim Christus, cum adhuc infirmi essemus, secundū tempus pro impijs mortuus est? Vix enim pro iusto quis moritur. Nam pro bono forsit̃, in quis audeat mori. R. Hoc est quod uult intelligi: Ille pro impijs mortuus est, cum uix quisi quam reperiatur mori uelle pro iusto. Nam pro bono, id est Christo, forsitan aliquis mori audeat. Hic etiā de se uerecunde indicans quod pro Christo mori possit. Et aliter: Vix enim pro iusto quis moritur. In ueteri lege, in qua est pro mandatorum seueritate iustitia, uix pauci martyres sunt reperiiti: in nouo autem instrumento, in quo est pro pietate præceptorum bonitas, innumerabiles martyres extiterunt. INT. Apostolus dicit de deo pater: Sed pro omnibus nobis tradidit illum, id est, filium, quid in hoc significat?

R. Traditioni adqueiuit. In sacris namq; libris facere interdū deus dicitur, in quibus faciēdis uidetur præstare patientiā. Alia quippe sunt quæ fieri deus uult, alia quæ fieri sinit. Vult ergo fieri quod facta appareāt esse meliora, At uero deteriora permittit, ut libertas humani constet arbitrij: in qua arbitrij libertate bonorū malorumūe sectatoribus diuino iudicio exhibeatur retributio iusta meritorum. INT. In hac eadem epistola, quid intelligendū est de hoc quod legimus: Quis accusabit electos dei? Deus qui iustificat. Quis est qui condēnet? Christus Iesus qui mortuus est, imd̃ qui resurrexit, qui est ad dexterā dei, qui etiā interpellat pro nobis. R. Hæc in quibus sibi ipse respondit, quasi signa ueritatis legenda. Et est sensus iste: Nisi forte electos suos aut deus qui iustificat, aut Christus qui pro his est mortuus, condemnabit. Minime utique, qui etiā interpellat pro nobis. Hoc est quod dicit: Nemo condemnabit electos. INT. Quid sentiendū est in hoc loco in quo Apostolus loquitur: Optabam enim ego ipse anathema esse à Christo pro fratribus meis, qui sunt cognati mei secundum carnem, & reliqua. R. Anathema interdum, ut & hic, occasionem intersectionemq; significat. Ergo hic Apostolus perire optat in carne, ut alij saluentur in spiritu.

Et aliter:

Libertum arbitrij

Anathema

Et aliter: Ita hic Apostolus uim nimiae charitatis expressit, exoptans si fieri possit, à Christo anathema esse pro fratribus, sicut & Moyses, qui cum pro populo suo deum peteret, ait: Et nunc domine siquidem dimittes illis peccata illorum, dimitte: sin autē, dele me de libro tuo quē scripisti. *INT.* Idem loquitur de deo: Ergo cui uult miseretur, & quem uult indutat: quid hic sequi mur? *R.* Induratur cor à deo, dum criminū poena differtur. *INT.* Rursus ipse adfirmat dicens: Quod quærebat Israel non est consecutus: electio autem consecuta est, ceteri uero excacati sunt: quis huius rei sensus est? *R.* Non quia deus ullum uolentem aspicere cecitate percuciat: quia omnes, sicut scribitur, uult saluos fieri: sed illos qui seipsos excacauerant, pro retributione malitiæ dicitur tradidisse, dum deserit. Tradere enim domini est relinquere. *INT.* Qualiter accipiendū est illud quod scribitur: Si esurierit inimicus tuus, ciba illum: si sitit, potum da illi: hoc enim faciens, carbones ignis congeris super caput eius. *R.* Hoc est, ignem cōpunctionis congeres, tam bona pro malis reddes. Et aliter: Non quod hoc animo inimicus pasci debeat, ut carbones ignis super caput eius dum pascitur congregentur: sed quod inimicus ille cum bona pro malis recipit, si nulla malitiæ suæ poenitētia commouetur, ipse sibi potius carbones ignis super caput suum congerat. *INT.* Cum potestas non sit nisi à deo, sicut Apostolus dicit, cur non omnes bene accipi eam administrantes reperiuntur? *R.* Quia & uitam hanc omnes æqualiter à deo capiunt, nec tamen omnes æqualiter uiuunt.

I. AD CORINTHIOS.

INT. Omne, inquit, peccatum quodcuq; fecerit homo, extra corpus est: qui autem fornicatur, in corpus suum peccat: quid hic sentiendum est? *R.* Quod cetera peccata per corpus extrinsecus admittantur, fornicatio sola in corporis passionibus administratur. *INT.* Qualiter locus ille accipitur in quo scribitur: Nunquid domos non habetis ad manducandū & bibendū? aut ecclesiā dei contemnitis, & confunditis eos qui non habent? *R.* Apud Corinthios quondam, sicut aliqui asserunt, praua inualuerat cōsuetudo, ecclesias passim dehonestare conuiujs, in quibus uesciebantur ante dominicā oblationem, quam post cœnam noctibus inferebant: cumq; diuites ebrii ad Eucharistiam uenirent, nexabantur inopes fame. Mos uero iste, ut refertur, de gentiū adhuc superstitione ueniebat. Vnde etiam quibuscumque locis per Aegypti rura, uel Syriæ, die sabbati nocte post cœnam dicitur ad ecclesiam conuenire. *INT.* Cuiusmodi prophetia est de qua scribitur: Si autē omnes prophetent, intret autem quis infidelis, uel idiota, conuincitur ab omnibus, diiudicatur ab omnibus, occulta enim cordis eius manifesta fiunt. *R.* Prophetiæ genus duplex est: doctrinæ unum, aliud diuinationis. Sed diuinationis præteritis temporibus magis ulguet, doctrina præsentibus. Occulta autem cordis eius manifesta fiunt, dum in ecclesia prophetante Doctore conscientia cōpungitur audientis. *INT.* Quid est quod scribitur, traditurus filius

Prophetia
duplex

filius regnū deo patri: R. Traditurus quidem, sed tamen non ita traditur, ut careat. Traditio autē regni nostra prouectio est, tūc cum esse ex integro filij meruerimus in patris regno. INT. Quid sibi uult illud quod scribitur: Omnes quidē resurgemus, sed non omnes immutabimur? R. Id est, non omnes in gloriā immutabimur: quia resurrectio & incorruptio cōmuni est omnium, immutatio autem ad gloriā proprie iustorum.

II. AD CORINTHIOS

INT. Apostolus dicit: Obsecramus pro Christo, reconciliamini deo: eum qui non nouerat peccatum, pro nobis peccatum fecit, ut nos efficeremur iustitia dei in ipso. quid hic sequimur? R. Reconciliamini, inquit, deo, qui Christū fecit hostiam pro peccato. Peccatū uero appellari ipsam hostiā, si in ueteri testamento requiras, inuenies. Potest istud & ita intelligi, factum hostiam pro peccato Christū, quia filium suū misit in similitudine carnis peccati. INT. Datus est, inquit, mihi stimulus carnis meae angelus satanae, qui me colaphizet. quomodo istud accipiendū est? R. Dicunt quidā Apostolum sepe dolore capitis esse uexatum. Melius autē puto ita accipi, ut colaphizatus in illis passionibus intelligatur, quas enumerauit ipse, dicens: Ter uirgis caesus sum, semel lapidatus sum, &c. Stimulū ergo carnis appellat tribulationem carnis: & angelū satanae illū, quo quāsi immissores tanta illa patere tur ostendit.

AD EPHESIOS.

INT. Quomodo intelligendum est hoc quod Apostolus scribit, quod prouoluerit dominus in dispensationē plenitudinis temporū instaurare omnia in Christo, quae in coelis, & quae in terra sunt in ipsum? R. Vere mirum est quid nunc reparetur in caelo. Reparatur ergo secundū opinionem quorundā, illa quae cum principe suo cecidit angelorum portio, per augmentum societatemq; sanctorū, de quibus scribitur: Sed sunt sicut angeli in caelo. Reparantur quoq; omnia in terra, cum etiam in locum deficientiū Iudeorum admittuntur credentes ex gentibus. Et aliter: Instauratur quae sunt in terra: dum nos per mediatoris nostri sanguinē cōciliationemq; reparamur. Reparantur coelestia, cum de salute nostra gaudiū nascitur angelorū. INT. Quid est quod Apostolus loquitur de deo patre: Ex quo omnis paternitas in coelis & in terra nominatur? R. Quia cum ille nobis pater primus & uerus sit, ab illius nomine deriuatur quando alij patres appellantur. INT. Quomodo Apostolus dicit: Honora patrē & matrē, quod est mandatū primum: cum in mandatis, ut quidā ordinant; quarto sit loco? R. Aliqui de hoc ita disserūt dicentes: Tria illa mandata quae superiora sunt, omnia ad deū pertinent, septē sequentia ad hominē: & tria illa ad deū pertinentia in una legis tabula tenebātur, in alia uero tabula praecepta illa erāt quae ad hominē pertinebant. Hoc itaq; mandatū in septē mandatis quae ad proximū pertinent, primum est. Alij uero qui hoc mandatū nō quarto, sed quinto loco, quod & nos probamus, esse cōfirmāt, ita de hoc disputāt: Decalogū ipsum totum,

quia in illa prima lege conscriptū est, recte primū mandatū appellari, quod utiq; primū faciat ordo, postea aliorū in lege consequens praeceptorū. Item ex hoc aliter: Honora patrem & matrem, quod est mandatum primum, & subiungit, in promissioe. In qua promissione: Vt bene sit tibi, & sis longeuus super terrā. Igitur in mandatis hoc est primū mandatū, quod habeat, quam supra diximus, promissionē. INT. Quid sibi uult illud quod scribitur: Spiritum nolite extinguere? R. Extinguere, id est fugare per opera iniquitatis. Dauid inquit: Spiritum sanctū tuū ne auferas à me. INT. Sequitur paulo post in eodem: Vt integer spiritus uester, & anima, & corpus sine querela in aduentū domini nostri Iesu Christi seruetur, quid hic intelligendū est? R. Spiritū hic dicit utiq; illum sanctū, de quo supra dixerat: Spiritū nolite extinguere. Qui quidē cum in substantia sua nō possit exingui, extinguitur in nobis, cum auferatur à nobis. Donū namq; eius uel gratia in hominibus sicut eorū uirtutibus accenditur, ita eorū uitijs extinguitur. Alij asserūt spiritū hic accipiendū esse animā ipsius intellectū atq; sapientiā. De quo alio loco idē Apostolus dicit: Et ipse spūs testimoniū reddit spiritui nostro, quod sumus filij dei. Hoc est, quod ille spūs sanctus huic intellectuali spūi nostro testimonium reddat, quod sumus filij dei. Alio quoq; loco Apostolus loquitur. Psallam spiritu, psallam & mente. Hic spiritum pro uoce ponens, & uoce dicit psalter & mente psallendum.

Spiritus

AD COLOSSENSES

INT. Quid intelligendū est in capitulo illo, in quo ad Colossenses scribitur: Si mortui estis cum Christo ab elementis mundi, quid adhuc tanq; uiuentes in mundo decernitis? Et reliqua. R. Perstringamus ut possumus, la cum summis obscuritatibus inuolutum. Disputat contra eos, qui ex Iudæis, Christiani, proprijs cōtendebant ceremonijs inhaerere. Supra enim dixerat de improbabili eorū obseruantia in cibo & potu: & quod Neomeniae eorū & sabbata umbrā futurorū praeluissent. Rursum in consequentibus dicit: Si mortui estis cum Christo ab elementis mundi, quid adhuc tanq; uiuentes in mundo decernitis? id est dijudicatis dicendo: Ne tingeritis, neq; gustaueritis, neq; cōtrectaueritis, quę sunt omnia in interitu ipso usu suo (id est, dum assumūtur intereunt) secundū praecepta & doctrinas hominū: quę sunt rationē quidē habētia sapientię in superstitione & humilitate, & nō ad partem dum corpori. Doctrinas hominū dicit, quia praecepta ipsa carnaliter intelligāt, praeceptes in lege phibita nō manducari: sed hoc, sicut ipse subiūgit, in superstitione & humilitate superuacua, & in corporis afflictioe, cui utiq; corpori nō parcat, uel per cuiusmodi abstinentiā uel per circūcisionē. Sequitur autē: nō in honore aliquo ad saturitatē carnis. ergo hoc est quod uult intelligi: Omnes illę obseruationes, licet in obseruantia aliquā sapientię praeferre uideant figurā, quia putant legē praeceptorū tenere, tamē in superstitione sunt non in aliquo honore dei, sed ad explendā uoluntatē obseruantię carnalis,

I AD TIMOTHEVM

INT. Quæ singularum rerum est accipienda discretio in his quas Apostolus proferit dicens: Obsecro igitur primo omnium fieri obsecrationes, orationes, postulationes, gratiarum actiones. R. Obsecrationes sunt pro peccatis præteritis & præsentibus: orationes pro adipiscendis quæ speramus, postulationes cum pro alijs interuenimus: gratiarum actiones cum ea quæ poscimus impetrauimus, uel certe cum pro immensis dei beneficijs gratias laudesque referimus. INT. Locus ille quomodo accipiendus est, in quo scribitur: Quorundam hominum peccata manifesta sunt præcedentia ad iudiciũ, quosdam autem & subsequuntur. R. Supra dixerat, aduersus presbyterum accusationem non recipiendam, nisi sub duobus & tribus testibus, & paulo post addidit: Quorundam hominum peccata sunt præcedentia ad iudiciũ, utique dum omnibus nota sunt: quædam autem & subsequuntur, utique dum postea in iudicio comprobantur. Quod si istud aliqui in iudicio dei magis accipiendum putant, potest ita intelligi: Præcedere ad iudiciũ illa peccata: quæ ante hic unusquisque commiserit: subsequi uero illa, quibus nos quidẽ causas dedimus, sed iam post transitum nostrum consummata intelliguntur: ergo subsequuntur nos ad iudiciũ huiusmodi peccata: si, uerbi gratia, cui inopie nos causas attulimus, fame post obitũ nostrum atque egestate cõsumptus sit.

Obsecrationes
Orationes
Postulationes
Gratiarum
actiones

II AD TIMOTHEVM

INT. Alexander ærius multa, inquit, mala mihi ostendit: reddet ei dominus secundum opera eius. Ex item: Percutiet te dominus paries dealbate, quomodo hæc intelligenda sunt? R. Percutiet te, inquit, non percutiat: & rursum reddet, non reddat. Vnde fit, ut non tam maledicentis animo dicta esse uideantur, quàm iudiciũ dei atque uindictam denũtiantis. Item aliter: Et si per administrationem prophetiæ immoto animo maledicat propheta, ut illud: Obscurentur oculi eorum ne uideant: dicit quid eorum meritis debeatur. Quia omnis præuicatio & inobedientia accipit iustam operis atque mercedis retributionem.

AD HEBRÆOS

INT. Quid in hoc sequimur quod Apostolus dicit: Fide Iacob moriens singulos filiorũ Ioseph benedixit, & adorauit fastigiũ uirgæ eius. R. Scep- Virgæ tri significatio est accipienda per uirgam, & per hoc regni potestatisque fastigium: in quo Christus intelligitur adoratus, qui uidelicet futurus erat regni Hebræorum caput.

IN ACTIBVS APOSTOLORVM

INT. Quid indicat illud quod legimus: Sabbati habens iter, id est mille passus? R. Sabbato enim usque ad montem oliueti ire Iudæis licitum erat: uel certe sicubi fuissent, tanto spacio deambulandi licentiam præsumebant.

INT. Spiritus sanctus quomodo ante ascensionem à saluatore secundũ euangelistã Ioannẽ apostolis insufflatur, cum secundũ Actus apostolorum

AA 2 post

duodecim illi qui Ioannis baptismo baptizati fuerāt, baptizantur à Paulo.

R. Hoc idcirco, quia nō in nomine trinitatis baptizati erant. Baptismum enim Ioannis licet in eum qui uenturus est, baptizaret, tamen proprie Ioannis baptismū dicebat. Vnde & ab hæreticis ueniētes nō rebaptizātur à nobis, si baptizatos cōstat in nomine trinitatis: nisi impositio tantū manus ad fidē rectam cōuerſis adhibetur, ut per hāc sancti spiritus suscipiatur infusio.

Non rebaptizandum

IN EPISTOLA IACOBI.

INT. Quomodo dicitur: Deus intentator malorum est, & ipse neminem tentat: cū nihilominus scriptū sit: Tētat uos dominus deus uester? R. Tentatio domini probatio appellat. Neq; enim ille quēq; tentat in passionibus, sed à concupiscentijs nostris illā tentatio est, cum humiliati deijcimur. A domino est tentatio, cum probat & glorificamur, & ideo dominus intentator malorum est.

Tentatio domini

IN EPISTOLA IOANNIS.

INT. Quomodo perfecta charitas foras mittit timorem, cum rursus scribatur: Timor domini castus permanet in seculum seculi? R. Quisquis deum diligit, utiq; absq; deo esse formidat. Hic est timor dei, qui permanet in seculum seculi. Igitur timor hic de perfecta domini charitate descendit. At uero alius timor ille de temporarijs rebus nascitur: quarum sæpe amissionem ueremur. Hunc timorē foras mittit diuinæ perfectio charitatis. INT. Item in epistola sua Ioannes ponit: Tria sunt quæ testimonium perhibent, aqua, sanguis, & spiritus: quid in hoc indicatur? R. Simile huic loco etiam illud mihi uidetur, quod ipse in Euangelio suo de passione Christi loquitur dicens: Vnus militū lancea latus eius aperuit, & continuo exiuit sanguis & aqua: & qui uidit, testimoniū perhibuit. In eodem ipse de Iesu supra dixerat: Inclinato capite tradidit spiritū. Quidā ergo ex hoc ita disputant: Aqua baptismum, sanguis uidetur indicare martyrium, Spiritus uero ipse est qui per martyriū transit ad dominū. Plures tamen hic ipsam interpretatione mystica intelligūt trinitatē, eo quod perfecta ipsa perhibeat testimoniū Christo: Aqua patrem indicans, quia ipse de se dicit: Me dereliquerunt fontem aquę uiuę: Sanguine Christū demonstrans, utiq; per passionis cruorem: Spiritu uero sanctum spiritū manifestans. Hæc autē trīa de Christo testimoniū ita perhibent, ipso in Euangelio loquente: Ego sum qui testimonium perhibeo de meipso: & testimoniū perhibet de me qui misit me pater. Et item: Cum autē uenerit paracletus, quē ego mittam uobis spiritum ueritatis, qui à patre procedit, ille testimoniū perhibebit de me. Perhibet ergo testimoniū pater, cum dicit: Hic est filius meus dilectus: Filius, cum dicit: Ego & pater unū sumus: Spiritus sanctus, cum de eo dicitur: Et uidit spiritū dei descendentē sicut columbā uenientem super se. INT. Quid est quod rursus in epistola sua profert esse pro quo non debeat orari peccatum usq; ad mortem? R. Vtiq; usq; ad mortē peccat ille peccator, qui in huius temporarię uitę cursu

Timor duplex

Peccatū ad mortem

pœnitentiam non agit. Hac ratione illud quoq; oportet intelligi: Qui autē blasphemauerit in sanctum spiritū, non remittetur ei, neq; hic, neq; in futurum. Blasphemat enim qui diuinis promissis, spirituiq; sancto minime credens, in quo est remissio peccatorū, reconciliari deo in hac uita per satisfactoris opera detrectat. INT. Quid significat quod in eodē legimus, mundum in malignum esse positū? R. Non quod à deo mundus in maligno sit positus, sed quod uitia hominū in mundo uiuentium sint maligna. Hoc modo etiam illud patebit quod scriptum est: Quia dies mali sunt.

IN APOCALYPSI.

*Septem dona
spūs sancti*

INT. Qui sunt illi septem spiritus dei, qui in Apocalypsi cōmemorantur? R. Hi sunt quos & propheta Esaias enumerat: Spiritus sapiētiæ & intellectus, spiritus consilij & pietatis, spiritus scientiæ & ueritatis, spiritus timoris dei. In quibus tamen spiritualia opera significantur. Omnia autē illa operatur unus atq; idem spiritus.

Et quidem hæc de opinionibus doctissimorum uirorū exigenti tibi à me prolata sunt. Si quis tamen in prædictarum quaestionum disputationibus attulerit quæ magis probentur, reprehendens pertinaciam, quæ in plerisque esse solet, non abnuo me secuturum esse meliora.

QVAESTIONVM VETERIS ET NOVI
TESTAMENTI FINIS

CAPITA LIBRI SECVNDI.

- I Hebræorum nominum interpretatio
- II De uarijs uocabulis
- III De expositione diuersarum rerum
- IIII De gentibus
- V De locis
- VI De fluminibus
- VII De mensibus
- VIII De solennitatibus
- IX De idolis
- X De ueste sacerdotali
- XI De, auibus uel uolatilibus
- XII De bestiis & serpentibus
- XIII De ponderibus
- XIIII De mensuris
- XV De Græcis nominibus



QVONIAM fili charissime, superiore libro propositionibus tuis se retulit crebra responsio, & uereor, ne assidua interrogatio- nes, ut sit plerumq; legenti generet ex satietate fastidium: meo nunc nomine ea quæ sponderam opus uariaturus, adnectam: singula quæq; ut ordine ipso magis clareant, per species suas diuidens, ac titulis suis subdens. Ex primo ueniam ad Hebræorum nominum interpretati- onem, è quibus certa quæq; & celebriora breuitatis causa ponam.

HEBRAEORVM NOMINVM

INTERPRETATIO.



DOMAI, in Latinum sonat dominus. Sabaoth, ex-
ercituum siue uirtutū: aut, ut aliqui uolunt, omnipotens.

Iesus, saluator. Nazarenus, sanctus, siue mundus.

Messias, unctus, id est Christus. Michaël, qui sicut
deus. Gabriel, fortitudo dei. Raphaël, medicina dei.

Adam, homo, siue terrigena. Eua, uita, siue calamit-

tas. Miror unde apud Hebræos interpretatio huius nominis tam diuersa sit: nisi forte ideo, quod eadem & adendo homini uitam attulerit, & transgredi-
endo calamitatem. Aut quod mulier alijs interdum uita, alijs est calamitas.

Abel, luctus, uel miserabilis. Cain, possessio, uel lamentatio. Enoch,
dedicatio. Mathusalem, mortem suam misit. Noë, requies. Sem, no-
minatus. Cham, callidus. Iapheth, latitudo. Loth, declinans, siue un-
ctus. Melchisedech, rex iustus. Abram, pater excelsus. Abraam, pa-
ter uidens populum, uel pater multarum, scilicet gentium. Sarai, princeps
mea. Sara, princeps. Notandum quod utrisq; nominibus, scilicet Abraz
& Saræ tantum a literam dominus addiderit, quæ tamen apud Hebræos
per e legitur. Agar, aduena, uel conuersa. Ismaël, auditio dei. Isaac, ri-
sus: non tamen, ut quidam putant, ideo sic appellatus, quia Sara riserit, sed
quod Abraam, qui tunc utiq; prior risisse indicatur. Rebecca, patientia, si-
ue quæ multum acceperit. Iacob, supplantator. Israël, uir uidens deum,
sed melius princeps cum deo. Lia, laboriosa. Rachel, ouis, uel uidens de-
um. Ruben, uidens filios, siue uidens in medio. Simeon, audiens tristi-
tias. Leui, appositus, siue additus. Iudæ, cōsistens, siue glorificans. Za-
bulon, habitaculum pulchritudinis. Isachar, est merces. Dan, iudiciū,
aut iudicans. Gad, tentatio. Aser, latitudo siue beatus. Neptalim, con-
uersantes. Beniamin, filius dexteræ. Ephraim, frugifer, siue ubertas, uel

AA 4 auctus

pone moerorem, uel obediens. Petrus, agnoscens. Bariona, filius columbae. Syrum pariter & Hebraeum. Cephas, Petrus, Syrum est. Paulus, mirabilis. Saulus, tentatio respicientis, uel tentationis securitas. Andreas, uirilil, Graecum est. Iacobus, supplantator. Ioannes, domini gratia.

Philippus, os lampadarum. Bartholomaeus, filius suspendentis aquas.

Thomas, abyssus, uel geminus: unde & Didymus graece dicitur. Mathaeus, donatio. Idem appellatus est Leui. Lebbeus, corculum, id est à corde, ipse est & Taddaeus, ipse est Iudas Iacobi. Chananæus, possidens, siue possessio. Ita autem dictus Simon, à uico Chana, ipse est & Zelotes. Scaurioth, memoriale domini, uel memoria mortis. Hoc uero nomine appellatus est Iudas à uico in quo natus est. Marcus, excelsus mandato. Lucas, ipse consurgens, siue ipse leuans. Stephanus, tiorma uestra: Graeco autem sermone coronatus. Augusti, solenniter stantes. Caesar, possessio principalis. Cirenei, haeredes. Bethsaida, domus frugū. Bethphage, Syru, domus uallis. Bethania, domus afflictionis. Genesar, ortus principis. Amaus, populus abiectus. Capharnaum, ager consolationis. Sarepta, incensa, siue angustia panis. Gethsemani, uallis pinguedinum. Golgatha, caluaria. Nazareth, flos mundicie, uel uirgultum. Niniuitæ, nati speciosi.

Sidon, uenatio. Zachæus, iustificatus. Idumæa, tosa. Lisama, natiuitas tentationis. Iordanis, descensus. Martha, prouocans deum. Magdalena, turris. Sufanna, lilium. Saba, captiuitas. Caiphas, inuestigator, siue uomens ore. Pontius, declinans consilium. Pilatus, os malleatoris. Herodes, pellicius. Barrabas, filius patris, uel magistri corū, absque dubio Iudæorum magistri, qui est diabolus. Eden in Genesi, deliciae.

Iudæa, confessio. Hierosolyma, uisio pacis. Sion, specula, & recte etiam hæc ciuitas Dauid in monte constructa est. Babylon, confusio, siue translatio. Aethiopia, tenebrae. Aegyptus, tribulatio, siue tenebrae. Tyrus, angustia. Romani, sublimes, uel tonantes. Sinai, mensura, siue mandatum, siue tentatio, uel amphora mea. Gehenna, uallis gratuita. Quidam æstimant appellatam hanc à ualle Gehennon, quæ est iuxta murum Hierusalem. Hebræi, transitores. Sadducæi, iustificati. Pharisei, diuini. Galilæi, uolubiles. Samaritæ, custodes, eo quod à Babylonijs illuc ad custodiam collocati sint Iudæorum.

Cum in cæteris, tum & in hoc abundanter liquet, scriptura omnis sacra quam uere diuina sit, ac plena mysterijs. quando ita congruant rebus nominibus, affectibusque respondeant. Sicut Dauid, qui exprimitur in Latinum fortis manu: utique fortissimus omnibus ferè bellis exitit. Salomon, pacificus utique in pace regnum administravit. Daniel, iudicium dei: utique in presbyterorum iudicio sententiam diuinæ disceptationis exhibuit. Vnde quid mirum si hi futura prædicauerint, quorum etiam nomina, sicut res edocent, prophetiam sonant: Sed iam de uarijs uocabulis interpretationem posuimus.

De uarijs



ALELVIA, in Latinum sonat laudate dominum. Ia enim unum est de decem nominibus Dei, quæ apud Hebræos habentur. Amen, uere, siue fideliter. Diapsalma, semper eo quod illa quibus hoc adnectitur, sempiterna esse confirmet à deo: non commutationem metri significat, ut quidam existimant, uel spiritus prophetici refectionem. Sunt etiam qui diapsalma ideo inscribi putent ut ex hoc sibi personarum, siue sensuum intelligatur esse conuersio. Osona, saluifica, siue saluum me fac. Osi enim saluifica interpretatur, anna interiectio est deprecantis. Ergo integre dicitur, Osonna. Sed dum corripitur, aut corrumpitur, sonat ofanna. Est autem sensus, Saluum fac, subaudiatur, uel populum Israel, uel totum mundum. Rhama, excelsa. In Euangelio: Vox in rhama audita est, id est in excelsis. Est tamen & ciuitas, quæ Rhama appellatur. Racha, uanus, aut inanis. Rabbi, magister. Syrum est.

Mat, quid. Manna, quid est hoc? Abba, pater: & hoc Syrum est. Anathema, perditio. Maranatha, dominus noster uenit, Syrum est. Anathema autem maranatha, sicut quidam dicunt, perditio in aduentu domini. Mammona, diuitiæ. Theraphim, figuræ, uel imagines, melius quàm incensia. Seraphim uel seraphin, ardentes, uel incipientes, iuxta illud: Qui facit angelos suos spiritus, & ministros suos ignem urentem. Ergo seraphin uirtutes in cælis esse confirmant, quæ deum laudent, & in ministeria diuersa mittantur. Cherubin, scientiæ multitudo. Cæterum Cherubin ipsum in Sancta sanctorum duo tantum significatur animalia. Alijs uero locis ubi hoc nomen legitur, aut picturâ aliquâ indicat, aut uarietatem.

DE EXPOSITIONE DIVERSA

RVM RERV III



MANDRAGORA in Genesi, genus pomi simillimum paruo poni specie uel odore. Mazaroth zodiacon, quæ duodecim signa mathematici adserunt. Fath, clima, id est plaga meridiana, uel occidentalis. Rhampus, in Psalterio, non rubus est, sed spinarum genus sentibus permolestum. Rhomphea, gladium in Latinum sonat. Nam ubi in Genesi dicitur, gladius flammeus atque uersatilis, in Græco rhomphea ponitur. Framex, hasta longissima. Sunt qui ijs etiam nunc armorum uice utentes hoc nomen tribuunt. Quidam etiam ita gladios significari putant. Cappar, in Salomone frutici genus in Oriente simile lentisco. Palathæ, in Regnorum, massæ quæ de recentibus ficis compingi solent. Palathæ Græcum est. Debelaim, in Osea propheta, palathas dicunt. Dabir, in Regnorum, oraculum quod erat factum in media interiori parte templi, in quo & arca domini erat, hoc appellabatur Sancta sanctorum. Byssus, genus serici grossioris, pariter & sortioris. Sunt qui

dant

dam qui & genus lini esse byssum putent. Phœnicium, in Elaiâ, coccinum; Luteris, in Regnorū, concha, uel canthari aquarū. Sed & cantharus Græcum nomen est. Latomi, in Regnorum, lapidū cafores: & hoc Græcum est. Creagræ, in Patalipometion, fuscina, ad carnes de caldarijs profertur, Græcum est. Sambuca, in musicis genus symphonicarum. Nablum quod Græce appellatur Plalteriū, quodq; à psallendo dictum est. Ad similitudinem est citharæ barbaricæ in modū delta literæ Δ. Tympanū, quod extenta pelle uel corio efficitur. Cinari, ut quidā putāt, acetabula, quæ percussa in modulos cōcitantur. Thyina, ligna. De his Salomon gradus fecit in domo domini, incognita ligna etiā peritioribus Iudæorum. Sethim, spinarum in eremo genus est, è quibus lignū imputribile. Sabeth, uirgulti apud Hebræos nomen est, in Genesi: Ecce, inquit, aries post tergum eius tenebatur in uirgulto Sabeth. Lebetæ, ænci minores in usum coqueti parati. In Paralipomenon: Pacificas uero hostias coxerūt in lebetis, & cacabis, & ollis. Cophinus, corbis. Hydria, uas aquarū. Condi, in Genesi, poculum uel scyphus. Lecythus, in Regnorū, ampulla olearia. Lenticula, in libro Regnorū, uasculum ex ære, habens oleum quo ungebantur in regnū. Paropsis, acetabulum maius. Aliqui & catinū ita appellari putant. Epistylia, in Regum, quæ super capitella columnarū ponuntur: Græcū est. Merchonoth, in Regū, sulturæ, quas bases appellamus. Topazion, lapis preciosus, in quo, sicut aliqui affirmant, omniū lapidum colores resurgunt. Corbana, gazophylacium. Corbona autem interpretatur oblatio. Chasma, in Luca, hiatus: Græcum est. Erysihe, in propheta, erugo, id est rubigo messium: Græcum est. Zizania, lolium. Sitera, succus ex dactylis: & omnis præter uinum liquor, qui ad bibendum, aut è pomis, aut quolibet genere conficitur, sitera nuncupatur. Nardum pisticum, nardum fidele, id est sine impostura: Græcum est. Nardum spicatum, ab eo quod species ipsa nardi in modum spicæ sit, quæ infusa conficitur. Alabastrum genus maris preciosi, ex quo Euangelici illius unguenti uasculum erat. Stadium, in Euangelio spaci certa dimensio. Octo stadia mille passus efficiunt. Hæc nomina quæ subsequuntur, in Exodo, uel in Regum libris his reperiuntur locis, quæ arce uel tabernaculi, aut templi domini relationem continent. Quorum nominum uocabula, ad hæc quæ obscuriora sunt, in translatione ueteri habentur. Hæc uero quæ lucidiora apparēt, nouæ translationis textu continentur. Vetus ergo translatio habet, Sperateres, noua, fenulas, Calamiscos, calamos. Troiscos, uel cariscos, quasi in nucis modum defœmatos. Anconiscos, incastraturas. Aspidiscos, uncinos. Fimbrias, catenas. Scitalas, uectes. Lapidibus acrotomis, dedolatis. Degrapidem, acrotomis. Petalis, laminis. Perimetru, lineam. Spiras, capitella columnarum, uel sicut puto, sectionum earum. Elam, porticu: sed melius interpretatur ante fores, siue uestibulum. Ergo Elam Hebraicum est. Cetera quæ superius

superius sunt, Græca sunt maxime. Item in Ezechielis extrema parte in uisione ciuitatis, in ueteri trāslatiōe habet pastophoria, in noua gazophylacia, id est, cellulas paruas. Thee, thalamos. Aileu, frontem. Aelauooth, uestibulum. Polyandron, multitudines. Spitamis, palmus. Gissus, de finitio. Manaa, sacrificiū. In Regum, Cenotaphia, simulacra, quæ Græce *μνημεία* sunt. Sed hæc hæctenus. Nunc etiam illud accipe, ut quedam nomina prius scriptura appellauerit, & ut nunc uocentur.

DE GENTIBVS IIII



GOMOR, in Genesi Galatæ, id est Galli, qui à candore corporis primum Galatæ appellati sunt, è quibus populi quondam in orientis longinqua migrantes primum Gallogræci, nunc anti quo Gallorum nomine Galatæ uocantur. Magog, Scythæ. Quidam Gog & Magog, Gothos putant. Iubal, Iberi, qui & Hispani. Thiras, Thraces. Thogorma, Phryges. Madai, Medi. Iauan, Iouanes, qui & Græci. Vnde & mare Ionium. Cethei, Citi, idem Cipri, apud quos & urbs Citium uocitatur. Donanim, Rhodij. Ex his Græcorum nationibus exitere, qui à Tauro monte usque ad occidentalem oceanum maritimam oram occupauerunt. Hæ omnes gentes de Iapheth stirpe descendunt. Chus, Aethiopia. Mesraim, Aegyptus. Casloim, qui postea Philistini, nunc Palestini, iidem tamen & Allophylæ. Iidem & alienigenæ appellati sunt. Horum ciuitas Ascalon. Saba, Arabia. Saba uocitatur & regio, in qua nunc Sabæi. Eusa, Getuli. Labain, nunc Libyes, quondam Fuchei appellabantur. Tharsis, siue Carthodon, Carthago est, quidā Tharsos Ciliciam arbitrantur: quia & ciuitas Tharsis illic sita est. Africa, appellata ab uno ex posteris Abrahæ de Cethura, qui uocatus est Afer. Ismahel, uocati ab Ismahiele filio Abrahæ. Iidē & Saraceni, à Sara. Iidem & Agarreni, ab Agar. Nabatheï, à Nabeth filio Ismaelis appellati, qui ab Eufrate ad mare rubrū porrigitur. Chananei appellati de Chanaan filio Chama. Horū terrā Iudæi expulsis incolis possederūt. Hi omnes de origine Cham ueniunt. Assur, Assyrii, ab Assur filio Sem. Hi urbem Ninum ex nomine Nini regis condiderunt, quæ nunc Niniue uocatur. Syros appellatos quidam asserunt ab Asurim filio Abrahæ ex Cethura. Vs, quæ & Auxitidis regio circa Coelensyriam, ita ab Vs Sem pronepote appellata. Elamitæ, Persæ, ab Elam filio Sem. Hebræi cognominati sunt ab Heber, qui prior nepos fuit Sem. Casdei, nunc Chaldei uocantur, & Casdei à Cased filio Nachor fratris Abrahæ. Hi omnes de Sem posteritate procedunt.

De locis

DE LOCIS

V

IEbus, ipsa est Hierusalē, ipsa est & Salem, in qua regnauit Melchisedech: Hæc nunc ab Helio Adriano uocatur Helia. Babel in Genesi, nunc Babylon uocatur. In hoc loco cum turrem quondam homines ædificare aduersus cœlum adgressi essent, dispersi sunt, immixta diuinitus confusione linguarum. Achar, nunc Nisibis uocatur. Reblatha, nunc Antiochia appellatur. Eadem est Epiphania. Sicem, hæc est & Sicema, nunc Neapolis ciuitas Samaritanorum. Olibama, in propheta, ciuitas in qua Edom principes habitauerunt. Ariel, in Esaia, hanc quidam esse putant Ariopolim, ab idolo Martis Ariel, quod illic situm est. Interpretatur autē Ariel leo dei, Hierusalem figuraliter significans. Ararath, Armenia, in cuius montibus post diluuium arca conleuit, adeo ut illic aliqua indicia nunc usque permaneant.

Arbec, quæ Arbos in nostris codicibus corrupte legitur, in qua tres patrum archæ sepulti sunt, Abraham, Isaac, & Jacob, & præterea Adam ipse. Hæc est etiā Hebron, in qua Dauid regnauit. Lod, ipsa est Lydda, ipsa est Diospolis. Decapolis, in euangelio, regio est habens ciuitates decem. Accaron, urbs Palaestinae. Antilibanus, loca appellantur quæ supra Libanum montem orientalem plagam respiciunt. Efrata, ciuitas Bethlechem. Eufrates uero fluuius de paradiso. Mesopotamia idcirco dicitur, quod Tigridis & Euphratis fluminibus ambiatur. Samaria, ipsa nunc Sebaste appellatur. Emaus, in euangelio, nomen quondam castelli: nunc ciuitas, quæ Nicopolis dicitur. Caluaria, locus ob hanc causam dictus, quod de consuetudine in eodem loco damnati capite truncarentur. Ariopagus, curiæ apud Athenienses nomen est, quæ à Marte nomen accepit.

DE FLUMINIBVS VEL AQVIS VI

Geon, fluuius est Æthiopiæ, de paradiso emergēs, quem Nilum usitato nomine appellant. Phison, fluuius Indiae: idem quoque à paradiso fluens: hunc alij Gangem uocant. Siloë, fons est in Hierusalem, de radice montis Sion bulliens, qui non semper, sed in certis horis diebusque emanat per antra saxa decurrens. Iordanis, ideo dictus est, quod duo fontes in unum confluant, quorum alter dicitur Ior, alter Dan appellatur. Mare Galilææ, idem & mare Tiberiadis, idem & stagnum Genesareth, idem & lacus Genesareth. Mare Salinarum, hoc uocatur & mare mortuum, uel Asphalti, id est bituminis, ab Hiericho hæud longe abest. Bethsaida, piscina in Hierusalem, in quam & ægri deferrebantur: ideo & Probatia, id est pecualis appellatur, quod hostias in ea quondam sacerdotes lauabant.

DE MENSIBVS

VII

Nisan, in libro Eldæ, mensis quem dicunt Martium, qui in scripturis appellatur mensis primus. Elul, in Machabeorum libro, Augustus, qui apud nos mensis sextus uocatur. Casleu, in Zacharia propheta, Nouember, qui est notus. Tebeth, in libro Hester, Decēber, qui est decimus.

BB Sabath,

Sabbath, in Zacharia proph. Ianuarius, qui apud nos undecimus. Adar, in libro Esdra: Februarius, qui apud nos duodecimus. Quod si etiam reliqua Hebræa mensium uocabula, quæ in canone non reperi, scire uoles: Iar uocatur mensis secundus: Sivan tertius: Thamus quartus: Alo quintus: Tisri sextus: Marefon septimus.

DE SOLENNITATIBVS

VIII

Annus iubilus, annus quinquagesimus, qui erat annus remissionis, quo in Israel unusquisque rei suæ uenditor ad ius eius etiam absque precio reuertebatur. Pascha, transensus, Hebræum est, non Græcum. Transensus uero idcirco dictus est, quod Hebræi ab Ægypto in terram repromissionis transcenderunt. Certe pascha nostrum est, quod saluator ab inferis resurgens cælorum regna transcendit. Phase, in idem pascha est transensus, uel transitus. Sunt qui magis transentum, uel transitum ex hoc appellatum affirmant, quod eadem nocte dominus per Ægyptum transierit, cum Ægyptiorum primogenita cuncta percussit. Pentecoste, quinquagesima, Græcum est. Huius quinquagesimæ figuram annus iubilus gessit, qui nunc iterum futuræ repromissionis æternam requiem præfiguratur. Scenopegia, cum tabernacula à Iudæis figuntur ob memoriam tabernaculorum. *Zulaw* enim Græce tabernaculum dicitur. Hæc Iudæorum solennitas Septembri mense celebratur. Encenia, nouæ ædificationis observatio uel dedicatio. *Kawop* namque in Græca lingua nouum significat. Ergo in hac solennitate, Iudæi Octobri mense dedicationis templi colebāt diem. Epiphania, Græcum est, quod significat apparitio, uel ostensio: siue quod eadē die dominus & saluator noster in baptismo suo populis fuerit ostēsus: siue quod stella Magis: siue quod primo signo domini aqua in uinum uersa tūc apparuerit. Neomenia, hoc est quod apud nos Calendæ. Sed quia apud Hebræos secundum lunæ cursus mensis supputatur, & *uluin* Græce luna appellatur, idcirco neomenia noua luna accipi potest. Parasceue, præparatio, Græcum est. Parasceue enim sexta sabbati appellatur. Hinc uero præparatio dicitur, quod à Iudæis eadem die quæ in sabbato sunt necessaria, præparentur. Sabbatum, requies, Hebræum est. Idcirco autē requies, quod in eadem die dominus ab opere, perfectis omnibus absolutisque, requieuerit.

DE IDOLIS

IX

Idola, simulacra, Græcum est. Beelphegor, quod interpretatur simulacrum ignominie, idolum est Moab. Hunc Latini Priapum appellant. Beel, quod interpretatur uetustas, idolum est Babylonium. Fuit uero hic idem Belus pater Nini regis Assyriorum. Adramalech, idolum Assyriorum, quod etiam Samaritæ coluerunt. Astarten, quod in Latinum sonat factura superflua, idolum Sydoniorum dicunt. Beelzebub, interpretatur uir muscarum. Diabolus, deorsum fluens, Græce uero criminator dicitur. Satan, in Latinum sonat aduersarius, siue transgressor. Syrenæ, in Esaiâ, dæmones, aut

nes, aut dracones magni, cristati pariter ac uolâtes, ut à quibusdam putatur. Ululæ, in Esaia, ab omni translatione nomine ipso Hebræo lim appellatur. Septuaginta tantum interpretes pro his onocentauros in translatione posuerunt. Sunt qui ululas putent aues esse nocturnas, ab ululatu uocis quem effertur, quas uulgo cauanos dicunt. Lamia, genus monstri, ut quidam adfirmant. Pilosi, in Esaia, genera demonum. Hos nonnulli etiam doctissimum incubones, uel satyros, aut quosdam syluestres homines putauerunt.

DE VESTIBVS

X

EPhod, uestis sacerdotalis, quæ superindumentum uel superhumernale appellatur. Est autem uelut in caracellæ modum, sed sine cucullo. Cuius uestimenti duo sunt genera, unum lineum & simplex, quod sacerdotes habebant aliud diuersis coloribus, de auro, purpura, & bysso, hyacintho, gemmisque contextum, quo soli pontifices utebantur. Podens, sacerdotalis linea corpori penitus adstricta: eademque talaris, unde & podens appellata: hæc & subucula dicitur. Logion, quod & rationale, pannus exiguus, ex gemmis, auro, coloribusque uariis, qui superhumerali contra pectus pontificis adnectebatur.

Cidaris, pileus sacerdotalis ex bysso. Hunc Græci & nostri tiarâ: quidam etiam mitram uocant. Petalum, aurea lamina in fronte pontificis, quæ dei nomen illud ineffabile tetragrammaton, quatuor literis Hebræis gerebat scriptum. Penula, in Apostolo, Latinum est. Est autem quasi lacerna descendentibus clauis. Baddim, in Daniele, uestes lineæ, quibus sceminalia, ut arbitror, significantur. Bad enim apud Hebræos linum dicitur: unde & in quibusdam locis legitur, Ephod bad: hoc est, ephod lineum: non autem Ephod barud, ut quidam corrupte legunt. Diplois, in Regum libris, sagum, uel chlamys, ἀπὸ τοῦ διπλῶς, quod duplicetur: & omne indumentum quo dupliciter ambimur, diplois appellari potest. Melotar, in Regum libro, pellis simplex, quæ monachi Ægypti etiam nunc utuntur, ex uno latere dependens. Theristrum, in Genesi, apud Arabes, genus pallii muliebris. Periscelides, in Esaia, ut quidam dicunt, apud sceminas crutum ornamenta.

DE AVIBVS VEL VOLATILIBVS

XI

Pelicanus, auis parua, quæ solitudine delectatur. Est & aliud pelicanorum genus in Nilo, penè cygnis simile, nisi quod paulo maiores sunt. Quidam ita & onocrotalos uocant. Nycticorax, noctua: multi bubonem esse contendunt. Sunt etiam qui adserunt esse orientalem auem, quæ nocturnus coturnus appelletur. Ibis, in Pentateucho, auis Ægyptia obscenitate oris immunda, quo alium purgare consuevit. Herodius, in Psalmo, ardea à quibusdam putatur. Larus, in Pentateucho, gaviâ significat. Cœnomys, non musca canina, ut quidam putant, in Psalmo, accipienda est, sed musca omnimoda: & ideo non per γ Græcam litteram, sed per diphthongon δε scribi debet. Ciniphes, culicum genus est aculeis per molestum.

DE BESTIIS VEL REPTILIBVS

XII

Rhinoceron, fera terribilis, gemina in naribus gestans cornua. Monoceron, in Psalmo, unicornis appellatur. Tragelaphus, in Deuterono, platoceros, id est cornibus latis. Erinacij, chirogrilli nūcupantur, propter magnitudine mediocrium cuniculorum, de cauernis petranum procedentes gregatim: in eremo quæ est contra mare mortuum, depascuntur. Hericij, qui & echini dicuntur: ita spinoso defenduntur tegmine, ut nec contingi quidem possint. Bruchus, in Psalmo, locustæ: quæ nondum uolant, quam uulgo olbam uocant.

DE PONDERIBVS

XIII

Talentum, est pondo LXII, quod faciunt LXXX libræ Atticæ. Mina, est libra una, & semuncia. Talentum habet minas LX. Mina Græce, Latine mina dicitur. Dragma habet scrupula tria. Didragma, dragmæ duæ sunt. Vnde miror quomodo in libro Hebraicarum questionum semuncia scribatur. Stater, est nummus habens (ut quidam affirmant) unciam unam: id est, aureos sex: ut alij putant, tres. In euangelio enim pro duobus didragmis stater datur. Sicel, qui in Latina lingua corrupte siclus dicitur: in questionibus superscriptis indicatur: uncia pondus habet: ut alibi scriptum reperi, scrupula decem: quod & ipse arbitror. Nam siclus ipse, uel sicel, de propinquitate ponderis quasi sicilicus sonat. Obolus, est scrupulū dimidium, quod facit siliquas tres: in Ezechiele. Siclus autem xx obolos habet.

DE MENSVRIS

XIII

Conus, est modij xxx. Batus, amphora una: id est, modij tres. Caudus, Græca amphora est, habet urnas tres. Ephî, siue opha, modij tres. Ephî idem mensuræ habet in aridis, quod in liquidis batus. Metreta una, ut quidam dicunt, habet sextarios centum. Mensura autem Græce μέτρον dicitur, unde metreta appellatur. Notandum uero, quod mensura Hebræum nomen est. Artaba, in Esaia, Ægyptiorum mensuræ, quæ tres faciunt modios x. Sata, idē sunt quod ephî, id est modij tres. Gomor, mensura est Attica, habens (ut quidam opinantur) choenices tres, id est sextarios XII. Alij gomor dicunt paulò minus à sextarijs quinque: quod etiam ipse sequor, eo quod gomor sit decima pars ephî. Nebel, quidam putant modios tres. Sextarius, est dimidium cotylæ in liquidi specie. Coryla, hemina est: in Ezechiele, Decem, inquit, cotylæ sunt gomor.

DE GRÆCIS NOMINIBVS

XV

Accepe nunc cæterorum nominum significationes, quæ ecclesiæ ore celebrata in sermonem nostrum conuertuntur ex Græco. Theos, deus. Theos autem, ut quorundam opinio habet, θεὸς τοῦ θεοῦ: id est, à spectando, id est omnia prospiciendo. Homousion, unius substantiæ. Homoeusion, similis substantiæ. Christus, unctus. Paracletus, consolator, siue aduocatus. Hagios, sanctus. Angelus, nuncius. Thronus, sedes uel sol

uel solium. Apostolus, missus: ideo quod à domino ad euangelizandum missi sunt. Prophetæ, prædictor. Martyres, testes. Episcopus, superinspector: & ideo propheta ait, Speculatorem te posui domus Israel. Presbyter, senior. Diaconus, minister. Clerus, fors. Ecclesia, uocatio uel collectio. Catholica, uniuersalis: ἀπὸ τοῦ καθόλου, quod est secundum totum. Synagoga, conuentus, uel congregatio. Ethnicus, gentilis. Hypocrita, simulator. Hæresis, secta. Monachus, solitarius. Eremita, desertum. Paræcia, adiacens domus scilicet dei. Diocesis, gubernatio: & hoc non secundum proprietatem & potestatem uerbi, sed secundum effectum. Laicus, popularis: ἀπὸ τοῦ λαοῦ, hoc est, à populo. Catechumenus, instructus, siue audiens. Neophytus, nouella plantatio. Baptisterium, tinctorium. Holocaustum, totum combustum: ideo quia integra hostia igni tradita consumebatur. Chrisma, unctio. Eucharistia, gratia. Symbolum, collatio, aut pactum, uel complacitum quod sit homini cum deo. Hymnus, carmen in laudem dei. Antiphona, uox reciproca. Pentateuchus, quinque uolumina: id est, Moysi libri quinque: de quibus dicit Apostolus, quinque uerbis uelle se in ecclesia loqui. Exodus, exitus, uel egressus: scilicet populi Israel. Deuteronomium, secunda lex: in quo est euangelicæ legis præfiguratio. Paralipomenon, prætermissum, uel reliquorum: id est, quod historiæ inibi continentur, quæ in Regum libris prætermisæ sunt. Euangelium, bona annuntiatio, siue bonum nuncium. Apocalypsis, reuelatio. Gazophylacium, diuitiarum custodia, compositum de lingua Persica & Græca. Synodus, comitia, uel cœtus. Canon, regula. Teuchos, uolumen. Apocrypha, recondita, uel occulta. Hexapla, sexcuplicia. Apologia, exculatio: unde apologeticus appellatur: uel sicut quibusdam uidetur, purgatio, seu defensio. Anagoge, superius sensus. Tropologia, moralis intelligentia. Parabola, similitudo. Anacephaleosis, recapitulatio.

Habes opusculum fili mi charissime, in omne fere scripturarum corpus quasi quoddam intelligentiæ seminarium, quo in duobus uoluntatibus non parum, ut arbitror, instructionis ad edocendum te, ex rebus uarijs necessarijsq; congeffi.

SECUNDI LIBRI INSTRUCTIO

NVM EVCHERII

FINIS

BB

DES. ERASMVVS ROTERODAMVS

ALARDO AMSTELREDAMO DOCTISSIMO
liberalium artium professori, s. d.

LIBELLVS quem misisti, cum suis dotibus undiq; mirum in modum placuerit, tum hoc placuit impēsius, quod olim puero mihi & lectitatum esse, & placuisse memini. Si quid meo suffragio tribuis, nihil uideo profectum à nostræ religionis hominibus, qui eloquentiæ quoq; gloria floruerint, quod cum huius phrasi sit conferendum. Vt nusquam non præstat egregium artificem, siue spectes ordinem, siue transitus subinde uos, siue non uulgarē ingressum, ueluti limen argumentationis. Nullam suæ forij generis partem non tractat. Nusquam desidet in locis cōmūnibus. Magis urget & instat argumētis, mire pungit epiphonematis: delectat iuxta ac mouet sententijs. Quodq; magis etiam mirandum est, sic Isocratis schematibus modulata, structa, picturataq; est oratio, ut nusquā frigeat, aut ineptiat. Sic arguta, ut interim neruosa: sic elaborata, ut tamē dilucida: sic noua, sed ut tædio careat affectationis: sic festiua, ut nihilo secius gravis ac seria: sic rhetorica, ut *junioris* tamen Christiana. Deniq; sic acris ac uehemens, ut sui tamen ubiq; similis, pari intentione ad extremum usq; calcem properans, sanè uidelicet uegetiq; ingenij argumētum. Gennadius dum huic stylum tribuit scholasticum, ni fallor, plusculum in eo desiderauit arcanatum literatum. Cæterum libellū hunc à Rodolpho Agricola uersum non esse, uel stylus ipse satis arguit, præsertim cum quædam sint schemata, quæ ne possint quidem ad Græcam orationē respondere. Gennadius indicat esse Eucherij Lugdunensis ecclesiæ episcopi. Moxq; huius meminit epistolæ, quam scripserit ad Valerianum propinquū suum De contemptu mundi, deq; relinquendo studio prophanæ philosophiæ. Atq; utinā reliqua huius extarent, uel is liber, quò carptim obscura quæq; diuinorum uoluminū capitula explanauit: uel is, quo proluxa Cassiani opuscula contraxit in compēdium. Sed quid unius aut alē rius iacturam libei deploramus? Vix à lachrymis tempero, quoties ueterum scriptorum catalogos legens, uideo quas opes amiserimus. Auget ægritudinem, quoties subit, pro qualibus amissis qualia nūc uulgo legamus. Proinde studium istud tuum Alarde charissime nō possum non exosculari, quod eruendis in lucem ueterum monimētis impendis, præsertim si qua sunt eius modi, ut cum uera pietate ueram eruditionem eloquentiamq; coniunxerint. Vinam rem pulcherrimā conantem, magnatum fauor adiutet. Tametsi audio uenerabilem uirum Menardum Mannium, cognatum tuum, abbatem Edmondanum ut in cæteris omnibus, ita hac quoq; in parte præcorum præfatum exempla referre. Iam hoc tibi peculiariter etiā debet Gallia, quod Hilario, Ausonio, Paulinoq; suis, hoc quoq; decus possit adijcere. Siquidē ipse auro fati testatur sibi cum Paulino patriam fuisse communem. Bene uale, ac tui similis esse perge. Louanij.

CLARI IUXTA AC DISERTI VIRI

EVCHERII LVGDVNENSIS EPISCOPI AD VALERIA-
num cognatum suum Epistola Parenetica, ab amore mundi,studioq; profana philosophia, ad uera pietatis,
ueratq; sapientia studium prouocans.

BE NE alligatur uinculo sanguinis, qui uinculo con-
sociantur amoris. Sic & nobis quoq; admodum glo-
riari p hoc ipso dei munere licet, quos perinde cha-
ritas, ut propinquitas necit, coarctantq; in unum
affectum duæ necessitudines, quarum alteram à pa-
rentibus carnis nostræ accepimus, alteram à nobis
sumpsimus. Geminum hoc uinculum, quo (confer-
derantibus nos hinc genere, hinc dilectione) conne-
ctimur, hæc me paulo latius ad te exarare compulit, ut comendarem animo
tuo causam animæ tuæ, ueramq; illam beatitudinem, & æternarum rerum ca-
pacem, opus nostræ professionis assererem. Nam cum te æque ac me diligam,
necesse est ut summum bonum assequi te tamquam me alterum cupiam. Et qui-
dem à professione uitæ sanctæ pio etiā non abhorres ingenio, qui ea quæ sa-
cræ institutiones docent, præuenisti in plurimis præcoqua morum felicitate,
ut mihi uidearis quædam religionis officia, quasi per prouidā occupasse na-
turam, domini ac dei nostri iam in hoc erga te indulgentia: cuius gratia est,
quod diuina in te doctrina bona sua p parte inuenire potest, pro parte con-
ferre. Quamuis autem in maximos seculi apices patre locerisq; elatus, illustri-
bus ex utroq; titulis ambiaris, ego tamen longe superioris in te honoris fasti-
gia concupisco: teq; non ad terrenarum, sed ad celestium, nec ad seculi, sed ad
seculorum dignitatē uoco. Certa quippe & inobliterabilis hæc gloria est, æter-
nitate gloriari. Loquar ergo apud te non sapientiam huius seculi, sed illam sa-
pientiam arcanam, absconditā, quam prædestinauit deus ante secula in glo-
riam nostram. Loquar tecum multo studio tui, mei admodum parum proui-
dus, qui plus in te quid uelim, quam in me quid possim, consideraui.

Primum instituti atq; in lucē editi hominis officiū est, mi Valeriane charissi-
me, propriū cognoscere autorem, cognitūq; suscipere: uitamq; id est diuinum
donum, in diuinū officiū cultumq; conferre: ut quod dei munere sumpsit, dei
deuotione cōsummetur; atq; id quod ab eodē indignus cepit, eidē subiectus
impendat. Sana qppe opinione agimur, ut eductos nos sicut ab ipso, ita ipsi
arbitremur. Vnde ille planeq; magnifice pspicit creatoris nostri in effingēdo
homine sententiā, quisquis ita intelligit, quod nos & ipse, & sibi fecit. Optimū
deinde est curam principalē animæ impedere, ut quæ utilitate prior est, non
sit cōsideratione posterior. Primas apud nos curas, quæ prima habetur, obti-
neant, sumasq; sibi solitudinis parteis salus, quæ summa est, uēdicet. Hæc nos

Primum bo-
minis nati of-
ficiū, creato-
rem cognosce-
re.

Secundū, ani-
mæ curam ha-
bere

occupet in præsidium ac tutelam sui, iam non planè prima, sed sola. Omnia uincat eo studio, quo præcedit omnia. Summam debemus obseruantiam deo, animæ deinde maximam: atque ita tamen istud est, ut cum utrumque præcipuum sit, obseruari alterum sine altero nequaquam posse uideatur. Ita quisquis deo satisfecerit, animæ necesse est iam consuluerit: & rursus, qui animæ consuluerit, necesse est deo iam satisfecerit. Sic de summo apud nos utroque res transigitur utili coacta compendio, ut si quis unum sedulo impleuerit, utrumque contulerit: quia ineffabili benignitate diuina, ipsa utilitas sit dei sacrificium. Multus corpori curationum usus impenditur: multum huic opere in spem medelæ datur. Nunquid medicinam anima non meretur? Et si uaria corpori auxilia studio tuendæ sanitatis adhibentur, fas non est tamen, animam uelut excludam iacere, & quasi neglectam morbis suis intabescere, atque unam à proprijs remedijs exulare, imò uere plura animæ conferenda sunt, si corpori tanta præstantur. Nam si recte quidam carnem hanc famulam, animam uero dominam esse dixerunt, non oportet posteriore loco nos dominam ponere, ac famulam in quo iure præferre. Merito poscit studia maiora pars melior: quia omni nobis cura illuc respiciendum est, ubi substantiæ nostræ abundantior dignitas constitit. Congruum non est in hoc honore nostræ solitudinis eam nos subiicere peiori. Caro siquidem procliuus in uitia, ad terram nos tanquam in originem suam reuocat: hæc uero ueniens à patre luminis, sicut ferri ignibus mos est, in superiora nititur. Hæc in nobis imago dei, hoc præciosum est diuini muneris pignus, Hanc omni ope, hanc summis uiribus, tueamur: hanc si regimus & conseruamus, dei depositum tuemur. Quis extruendi, nisi cum fundamenta ieceris, locus est? Superædificare cæteras utilitates destinanti salus fundamentum est. Cæterum quomodo quispiam sequentia addat, si nec prima possederit? Vnde succedentium augebitur incrementis, si anteriorum deficiatur exordijs? Quomodo interesse putet beatitudini, cum desit etiã salutis? Indigens uitæ, unde abundare felici uita potest? Aut quid prodest, si a diiciat cibus, non habens unde consulendum est animæ: de qua & dominus noster IESVS CHRISTVS ait: Quid enim prodest homini, si mundum uniuersum lucretur, animæ uero suæ detrimentum patiatur? Proinde non potest ulla compendij causa consistere, si constet animæ interuenire dispendium. Vbi salutis damnum est, illic utique iam lucrum nullum est. Quò enim lucrum capiat, nisi capiendi sedes inconcussa seruetur? Atque idcirco ad illud lucrum uerum, ad illum sanctum expetendumque commercium, dum tempus est, properemus. Parere possunt aeternā uitam pauci dies, qui tamen dies etiã si illæsam atque incontaminatā uitæ beatitudinem possiderent, tamē quia pauci essent, paruo æstimādi erant. Nihil enim est magnū re, quod paruū tempore: nec longis dilatatur gaudijs quicquid æcto fine concluditur. Breuem utilitatē seculi istius breuia habet cōmoda. Recte ergo etiã bono breuis uitæ, perpetuæ uitæ cōmodum præponendū uideretur: quia illa esse

esset temporalis, hæc æterna felicitas: quia fragile esset breuib. bonis perfui-
 tutum gaudere perpetuis. Nunc uero æterna uita beatissima est. Nam quid
 felicius æterna uita dici potest? Hæc uero breuis ita breuissima, ut ærum no-
 tissima, quæ undiq; circumstantium dolorum urgetur incommodis, & deficien-
 tibus fatigatur malis, dum accidentium iactatur iniurijs. Quid enim tam in-
 ridum, tam uariū, tam calamitosum, q̃p uitæ istius cursus est? quæ plena labo-
 ris est, plena sollicitudinis, plena curarum, ipsorum quoq; plena discriminū, &
 per ancipites distracta casus, sit corporis uexationibus inquieta, animi ango-
 ribus anxia, periculorū turbinibus incerta. Quæ utiq; utilitas, quæ ratio, non
 expeti bona æterna, sequi temporaria, etiam mala? Nonne uides, ut etiam in
 hac uita quisq; prouidus, locum aut agrū in quo diutius se commoraturū pu-
 tat, copiosis in usum sarciat impendijs: & ubi paruo quis erit tempore, parua
 prouidet: ubi maiore, maiora procurat. Nobis quoq;, quia in præsentiarum
 breuissimum angustijs coarctatibus tempus est, in futuro secula erunt, com-
 petentibus copijs uitam exaugeamus æternam, cōpetentibus instruamus exi-
 guam, ne prouisione peruersa impendamus breui tempori curā maximam,
 & maximo tempori curam breuem. Atq; haud scio ad hanc beatissimam ui-
 tam quod cōpellere nos ocys, aut efficacius debeat, an ipsa futuræ uitæ com-
 moda, quæ promittuntur, an præsentis uitæ incōmoda, quæ uideantur. Inde
 nos illa blandissime prouocāt, hinc ista uehementer exturbant. Proinde cum
 in meliorem partem etiam pessima suffragetur, si bonis non illicitur, malis
 extrudamur. Ad incitamentum meliorum optima deterioribus concinunt, &
 in eandem utilitatē diuersa concurrunt. Nam dum alia nos inuitant, alia su-
 gant, in melius utraq; nos sollicitant. Nam si hominū quispiam clarus ac lo-
 cuples in locum liberorū te adoptaturus acciret, ires per oppositas rerū diffi-
 cultates, & per quamuis longi recessus iter uecturus accederes. Deus uniuer-
 sitatis rerumq; dominus te in adoptionem uocat, illud (si uelis) tibi blandum
 filij nomen impartiens, quo deum nostrū, unicum suum nuncupat, & non ac-
 census raperis: non properus urgeris, ne conditionem tantam celeri occursum
 mors festina præripiat. Atq; ad hanc obtinendā tu non inuias terræ solitu-
 dines, nec lōginqui maris incerta penetrabis. Cum uolueris, hæc adoptio tui
 tecum est. Nunquid nam segnes ac desides nos res ista habebit, idcirco quia
 tam prompta quāmaxima? quo durius cōditionem hanc dissimulatores
 experientur. Tanto enim nolentibus perniciosior, quanto est uolentib. prom-
 ptior. Certe cupiditas uitæ est istud, quod nos delectatione rei præsentis in-
 nexuit. Ergo amantes uitam, hortamur ad uitam. Vera ratio est persuadendū,
 cum id poscitur, ut impetremus à uobis quod cōcupiscitis. Pro uita quam
 diligitis, legatione apud uos fungimur: & hanc quam omnes exigua ama-
 tis, insinuamus ut ametis æternam. Quam quo pacto amemus nescio, si non
 hanc quam amamus, esse quāspeciosissimā cupimus. Itaq; istud quod &
 cum actū sit placet, placeat magis si potest esse perpetuū: & quod apud nos
 precium

*Vita ista nobis
calamitosus*

precium habet cum finem habeat, sit nobis supra precium si potest esse sine fine, Rectum sit proinde minorem uitam prospexisse maiori, ut ad alteram nobis, sed per hanc transitus cōstruatur: quam utiq; non conuenit sociæ commodis obliquis interuenire consilijs. Non se opponat ut oblit, ut noceat. Absurdum quippe atq; contrarium est, ut uitæ detrimentū adferat amor uitæ. Igitur siue uitam hanc contemnendā putas, siue complectendā, in utroq; facilis negocij mea causa est. Nam si sperniſ, una est spernendi ratio, ut melior appetatur. Et si diligis, tanto magis est diligenda quæ maior est. Ego tamen desiderauerim, ut hanc pro experimentis sui habeas, ut molestissimā atq; incertis fatigationib. inquietā (sicuti est) iudices, eamq; cum occupationib. spernas ac respuas. Abrumpatur illa interminabilis seculariū negociorū catena, & ille de necessitatib. multis unus per totam uitam labor. Dirumpamus inaniū curarum uincula, quorum succedentib. sibi nexibus implicatis, in quib. semper occupatio nostra quasi incipit. Remoueātur illæ tam uacue, q̃ cohærentes sibi causæ, in quibus quoad uiuitur, studium mortaliū, dum subinde negocijs inchoatur, nunquam finitur. Quarum rerum infatigabilis intentiq; iam breuem & arctam per se uitam, hāc etiam arctissimā reddidit. Per quæ etiam nunc uana gaudia, nunc acerbi mœrores, nunc anxia uota, nunc suspecti metus ueniunt. Abijciantur postremo illa omnia, quæ præsentē hanc uitam faciunt breuem occupationi, longam dolori. Repudietus mūdi parum fidi uitam utrobique suspectam, apud quam perinde alta atq; humilia parum tuta sunt. Obterūtur humilitate depressa, nutant celsa fastigio. Pone quē uolueris statū, non apud infima istic, nō apud summa requiescit: grauem turbinis sortem utraq; conditio non effugit. Subiacet contumeliæ minor, maior inuidiæ. Duæ res præcipue sunt, ut arbitror, quæ maxime homines in negocijs seculi uinctos tenēt, & eblanditis sensibus captos, illecebroso amore constringunt: opum uoluptas, & honorū dignitas: quarum prior non uoluptas, sed egestas: sequens, non dignitas, sed uanitas nuncupāda est. Hæc utraq; alternis nodis irretitis gressum impedit, fallax complexa collegiū: hæc pestifer peccatoribus humanis blanda desiderijs uitia inspirant, defatigatasq; mentes mortalium facili iucunditate sollicitant. Nam quid istis opibus (ut de his primum dicam) perniciosius, quæ raro, nisi cum iniustitia congeruntur: Tali administratore res ista capitur, tali custode seruatur. Radix enim (inquit) omnium malorū cupiditas. Adeo quædā societas est penē etiam nominis, duabus his rebus, uitijs, & diuitijs. Nunquid nam non opes istæ quædā materia contumeliarū sunt? Vnde etiam quidam nostrorū ait: Quid enim aliud sunt diuitiæ, nisi pignora iniuriæ? Nunquid nō uelut exposita improbis præmia, factiosorū oculos animosq; prouocant, proscriptionesq; ipsas quodāmodo ostentant & inuitant? Sed fac ut ista non accidant, nunquid quō post nos errantes, fugientesq; cōmigreant, certi esse possumus? Thesaurizat, inq̃t, & ignorat cui cōgreget ea. Sed fac ut ueniat hæres ex uoto, nūquid nō saepe censum hæres

Duo maxime
homines hic
uinctos tenēt

1. Timot. 6

Diuitiæ, pi-
gnora iniuri-
æ

Psal. 38

hæres intercept, opesq; cōgestas aut filius male educatus, aut gener male electus absumit: Quid diuitiæ istæ in se uoluptatis habent, quarū est & misera possessio, & incerta transmissio? Quō deuius ac præceps hominū amor rapieris? Scis ea quæ tibi obueniunt diligere, & ipsum te diligere nescis? Foris est quod amas, extra te est quod concupiscis. Reuertere potius in te, ut sis tibi tu uerior, quàm tua. Certe si ad te quispiā rerum haud ignarus accedat, malis ipsum te amet, q̃ ista quæ tecū sunt: id q̃ eliges, ut ille uitæ tuæ potius, quàm opibus tuis affectū suum conferat. Vis hunc homini fidem seruare, non reb. Quod tibi tribuere uelis aliū, ipse hoc tibi, qui es tibi fidissimus, tribue. Nos nos potius amemus q̃ nostra. Et hæc quidem aduersus facultates dicta sint. In honorib. uero huius mundi, ut cætera taceā, quæ æstimari dignitas potest rerum, cum ad hanc promiscue cum bonis mali ambitione cōscendant, & non unius meriti uiros unus honor ambiat, dignosq; & indignos non iam discernat dignitas, sed confundat? Ita quæ meliores deteriorib. præferre debebat, æquare cœpit: nouoq; modo optimi ac pessimi uiri nusquā ferè minus discrimen est, quàm in honore. Nōne honor maior est, huiusmodi honore in honorum esse malle, ac suis magis moribus, quàm promiscuis honoribus æstimari? Atq; hæc ipsa (ut cunq; se habent) quàm transuolantia, quàm caduca sunt? Vidimus nuper uiros honore conspicuos, celsarum dignitatū in sedisse fastigijs, & diffuso usquequaq; censu per orbem patrimonia tetēdisse. Cupiditates successibus uicerant, rebus uota transcendērant. Sed priuatas tantum felicitates reuoluo. Reges ipsi magno sublimes imperio, gemmisq; fulserunt horum tegmina, mirum dictu, textis irradiabāt metallis, diadema distinctis intermicabat arborib. splendebat instructa palatinis aula cultibus, auratisq; trabibus tecta rutilabant: eorum uolūtates iura hominū, eorum uerba leges appellabantur. Quis supra hominum uerticem potest temporaria felicitate confugere? Ecce eorum ille ambitus nusquam est, affluentissimæ quoq; opes abierunt, transierunt ipsi tantarum opum domini. Recentium inclytorumq; regnorū apud nos iam quædā fabula est. Omnia illa quæ hic erant magna, modo iam nulla sunt. Nihil, ut puto, imò, ut certò scio, ex illis opibus, honoribus, regnis secum abstulerunt, nisi (si qua in his fuit) fidei pietatisq; substantiam. Sola hæc illos, cæterarum rerum egenos, sola prosequitur: hæc abeūtes inseparabilis, & quasi fida comitatur. Illa nunc ope aluntur, in illis nunc diuitijs, in illis tantum honoribus acquiescunt. Hæc bona nunc in beneficijs habent. Quapropter si honoribus opibusq; capimur, ueris opibus, ueris honoribus exitemur. Optimus quisq; in cœlestes honores, in cœlestes opes, terre nos honores, terrenas opes transfert: illuc utiq; ubi bonorum ac malorū summa & inconfusa discretio est: ubi quod semel adipiscimur, semper tenemus: ubi si locus obrinēdi ullus fuerit, amittendi nullus erit. Sed quando de fragili temporalium bonorū possessione diximus, aliquid etiam nobis de ipsius breuius uitæ conditione dicendum est. Quid istuc quæso, quid istuc est? Nihil ita

De honoribus
mundi

quotidie

*Homo brevis
sine uita*

*Mors non ti-
menda*

Clemens

Gregorius

quotidie homines ut mortem uident: nihil ita obliuiscuntur ut mortem. Agitur humanum genus rapida in occasum mortalitate, omnisq; posteritas succedentium seculorum lege decurrit. Patres nostri præterierunt, nos abibimus, posteri sequentur: uelut ex alto undarum iactus, alijs atq; alijs superuenientibus in litoris extrema franguntur, ita in terminum mortis succiduat alliduntur ætates. Hæc nos consideratio diebus ac noctibus, hæc nos conditionis nostræ memoria circumstrepit. Debitum uitæ finem iam iam affuturum putamus, qui nobis tanto magis appropinquabit, quanto magis distulit. Vicinum speremus diem, longinquum esse nescimus. Præparemus, ut scriptum est, ad exitum uias nostras. Si cogitamus ista, si ista meditamur, non timebimus mortem, timendo. Beati qui uos iam reconciliastis **CHRISTO**. Non magnus mortis istos timor infestat, qui iam dissolui optat, & esse cum **CHRISTO**, qui summum uitæ istius diem iam parati, iam quieti in silentio expectant. Non enim multum refert quādo finiant temporariam, qui transeunt in æternam. Ad negligentiam uitæ non nos negligentiam turba persuadeat, nec ad damnum propriæ salutis alienis ducamur erroribus. Quid nobis in illo dei iudicio proderit multitudo, ubi singuli iudicabuntur, ubi sola examinatio meritorum, actus quenq; non populus absoluent. Cessent cessent solatia male suada discriminis. Nimirum præstat uitam propagasse cum paucioribus, quam perdidisse cum pluribus. Atq; adeo non nos ad incuriam peccatorum sola peccantium numerositas pertrahat, neq; hoc quod sibi alij parum confusum, quædam nobis effusum auctoritas. Obsecro te, delictum alienum semper ut opprobrium respice, nunquā ut exemplum. Quod si libet oculos ad exempla conferre, in illam potius intende partem, quæ licet pauciores sint, tamen sunt in sua parte copiosi: illam inquæ respice, in qua sunt qui sapienter intelligunt quapropter nati sint, & utiq; dumad uiuunt, uitæ suæ causam agunt, qui utili opere insignes, atq; egregia uirtute præstantes, præsentem uitam excolunt, futuram serunt. Nec solum copiosa horum exempla, uerum etiā magna non desunt. Nam quæ mundi nobilitas, qui honores, quæ dignitas, quæ sapientia, quæ sacficia, quæ literæ non se iam ad hanc cœlestis regni militiam contulerunt? Quæ sublimitas non iam se ad istud leue cœleste iugum cum deditione submittit? Et sanè supra omnem errorem atq; ignorantiam est dissimulare quenq; negotium salutis suæ. Possem etiam, nisi longum esset, multos ex innumeris nominatim retexere, quanti in seculo illustrium uirorum hanc arctiorem diuini cultus obseruantiam, uitamq; sectati sunt: quorum tamen exempla, ne cuncta penitus omittam, cursim pauca subnectam. **Clemens** uetusta profapia senatorum, atq; etiam ex stirpe Cæsarium, omni scientia refertus, omniumq; liberalium artium peritissimus, ad hanc iustorum uiam transijt, itaq; etiam in ea excellenter effloruit, ut principi quoq; apostolorum successor extiterit. **Gregorius** e Pontò sacerdos, philosophia primus apud mundum & eloquentia præstans, sed postea maior præstantiorq; uirtutibus

nibus, adeo ut, sicut de hoc historiae nostrae fides loquitur, inter reliqua admirabilem signa meritorum, precibus huius atque orationibus mons referatur secessisse, lacus exaruisse. Alius item sanctus, atque eiusdem nominis Gregorius, acque literis ac philosophiae deditus, coelestem hanc philosophiam concupituit. Cuius etiam quod ad rem pertinet, nequaquam silendum uidetur, quod Basilium studiis prius secularibus familiarem sibi, & rhetorices adhuc professi-
Basilius
 onem uacantem auditorium eius ingressus, manu hunc apprehensum schola abduxit, dicens: Omittite ista, & da salutem operam. Et postea uterque memorabilis sacerdos, reliquit uterque in ecclesiae nostrae libris ingenij sui praedara monumenta. Paulinus quoque Nolanus episcopus, peculiare & beatum Galliae nostrae exemplum, ingenti quondam diuitiarum censu, uberrimo eloquentiae fonte, ita in sententiam nostram propositumque migravit, ut etiam cunctas admodum mundi partes eloquio, operibusque resperferit. Hilarius nuper, & in Italia nunc antistes Petronius, ambo ex illa plenissima, ut aiunt, mundanae potestatis sede, unus in religionem, alius in sacerdotij nomen ascendit. Et quando clarissimos facundia, Firmianum, Minutium, Cyprianum, Hilarium, Iohannem, Ambrosium, ex illo uolumine numerositatis euoluam? Dixerant credo, & hi sibi, quod quidam nostrorum ait, cum se a saeculo in hanc beatiorum uitam hoc uelut stimulo concitaret: dixerant credo, Quid hoc est? Surgunt indocti, & caelum rapiunt, & nos cum doctrinis nostris ecce ubi in carne uoluntur & sanguine? Dixerant istud, & idcirco ipsi postea uim intulerunt regno. Prolati ex parte quos maior fidei nostrae seruior habuit, saeculi philosophia, eloquentia, honoribusque perfunctos, ad ipsos iam reges, & illud caput mundi ueniam. Neque nunc commemorandos putabo omnes superiores illos religioni deuotos, & regiae dignitatis uiros: solum mihi insignes, Dauid pietate, Iosias fide, Ezechias humilitate, ex memoria uenerandorum promentur annalium. Nonnulli quoque ex recentioribus extiterunt, atque hac nostra tempestate principes, qui ad agnitionem ueri regis propius accesserunt, summumque illum dominorum dominum summa cordis contritione confessi sunt, attentam diuinam maiestati reuerentiam, etiam uterque sexus ex aula exhibuit. Hi potius idonei, ut arbitror, ad aemulandum proponantur, quorum exempla cum habeant de futuris salutem, habent de praesentibus auctoritatem. Cemus ut etiam dies atque anni, & cuncta haec ornamenta caeli, dei uerbum mandatumque infatigabili obseruatione conseruent, praceptorumque eius custodiant irremissa lege famulatum. Numquid nos, quorum ista usus fabricata sunt, quorum luminibus ingesta sunt, coelestium mandatorum non nescij, nec diuinam uoluntatis ignari, praecceptum dei surda aure transibimus? Et his quidem praedictis mundi adminiculis, quid in saecula obseruetur, semel iussum est: nobis uero tot uoluminibus diuinae legis iterantur imperia. ad haec saltem, quod homini ipsi attributum est, uoluntati auctoris parere, praecceptisque eius uacare discat: quia omne istud cum praebet ministerium, praestat exemplum. Et tamen siqui ad

Psal. 138

antorem suum redire nolūt, num idcirco dominum suū uitare possint? Aut quò suppetit ut fugiant, qui à deo se auertuat? Audiant sancte David, audiant te dicentem: Quò ibo à spiritu tuo, & à facie tua quò fugiam? Si ascendero in cœlum, tu illic es: si descendero ad infernum, ades. Si sumptero penias meas diluculo, & habitauero in extremis maris, etiam ibi manus tua deducet me, & tenebit me dextera tua. Ergo illi uelint nolint se domino uniuefsitatis, & si uoluntate auferunt, iure non subtrahunt. Illi quidem affectu absumunt, sed ille dominatu adest: ita quod improuidum & insultissimum est, errantes clausi, uiuunt extra cōsiderationem domini, & intra potestatem. Ex si unusquisq; de fuga famulū minaci indagine sectatur, eumq; declinantem se iuris sui assertor insequitur, cur nō de semetipso cœlesti domino ius suum reddit, seruitutiq; quam primū se in famulatū eius uoluntaria oblatioe dedit, æquus utiq; tam sibi, quàm in se arbitet? Cur in præsentū rerum oblectabili defigimur aspectu? Cur ihs tantum libet incubare quæ cernimus? Nūquid luminibus istis tantū uiuimus, aut solos in usum gestamus oculos? Viuimus quoque & auribus, ut possimus inhilare promissis. Magni nos per hanc quoq; corporis partem affectus trahūt. Quæ spondentur, quæ prædicantur, seruentibus uotis, instantibus desiderijs expectemus. Fidem promissorum fidelis ille, ille autor inculcat. Ambiamus ad optima quæ pollicetur. Quanq; si ipsis quoq; oculis bene & utiliter uti uolumus, per istos etiā in futurum cupiditate magna ex parte raptamur: si admirationē quam ex mūdi cōtemplatione capimus, retorqueamus in ipsum tantæ machinæ autorem: aut si cogitemus quantus in posterum splendor lucis possit luminibus occurrere, cum se nunc tantus insinuet: quàm magnifica fulgebit perpetuis formatebus, cum sit nunc tam speciosa perituris. Non ergo oportet in deteriorem nos partem officia sollicitare membrorum, cōmode potius in utraq; temperentur uitam, sicq; custodiant temporariæ usum, ut æternæ nō abiiciant ministerium. Quod si nos ista auocatio atq; amor iuuat, & ipsum sensum oblectatio sollicitat, est planè hic amor summæ uoluptatis, est nō solū quod amari effusissime possit, sed & quod maxime debeat, iucundum, præclarum, unicum, æternū bonum. Deus inquam noster, cui possis tam magno quàm pio igne flagrare, si in locum anteriotum cupiditatū preciosa rursus desideria succedūt. Si te in aliquo capiebat tam magnificæ rei dignitas, nihil illo magnificētius: si te aliquid uelut aptum gloriæ, accōmodatumq; rapiebat nihil illo gloriosius: si ad splendida fulgentium rerum ducebaris uisu, illo nihil clari⁹: si ad speciosa trahebaris intuitu, illo nihil pulchrius: si in aliquo te amplecti putabas ueritatē, illo nihil uerius: si in quoquam suspiciendam largitatem credebas, illo nihil munificētius. Miraris quod purum est atq; simplex: nihil illa bonitate syncerius. Solicitaris affluentium rerum copia: nihil illa abundantia copiosius. Diligis aliquid tanq; fidum: nihil huius firmitus est fide. Amas aliquid ut cōmodum: nihil commodius est huius ipsius amore.

Est

Officia mem-
brorum tem-
peranda

Est aliquid quod te uel seueritatis, uel iucunditatis specie trahat? nō est magnitudine illa, dignatione illa quicquam aut terribilius, aut blandius. Requiritur in aduersis benignitas, in prosperis suauitas: unicū est ex illo, aut in lētis gaudium, aut in mōestis solamen. Ita q; ratione plenissimum est, te illum, in quo habeas omnia, amare prae omnibus. Diuitiae, & quaecunq; illa sunt quae te nunc amoenitatibus suis obtinent, non solum intra ipsum, sed etiā ab ipso habentur. Male hactenus amor sparsus, diuinis deinceps reddat excubijs: uaga adhuc affectibus suis, in sacros reducaturs usus iam casta charitas: dilectionemq; opinionibus deuiam, cohibito errore, castigās ditige, atq; in deū amorem confer tuum: quia & quicquid nunc amas, suum est, suum inquam suum est. Est enim tantus ille, ut qui non amant eum, inique quidem, sed tamen non nisi eius quicquā amare possint. Sed tamen consideret uelim arbitrius, aequūne sit diligere opus opifice neglecto, derelictoq; omnium creatore rerū, in rem huius, cupiditatibus suis passim atq; indifferēter incurere: cum utiq; deum oportuisset illicere ad amorem sui, uel per hunc ipsum affectum suorum operum. Et nunc homo aduersus in indignorum tantum si gmentorum desideria atq; officia conuertitur, animisq; incongrue dissidentibus appetitor artis, desertor artificis, cōplectitur speciem cuius nō miratur autore. Et quid de illa tam magnā multitudine dulcedinis suae diximus? Aut quid de tanta & tam ineffabilis boni suauitate, sancto ac profundo charitatis eius thesauro elocuti sumus? aut quando in quoquam de illo quisquā uallet rei ipsius fando cōsequi dignitatē? Amare ergo eum iam non uoluptariū tantū, sed etiam necessarium esse ducamus. Impium quippe est hunc nō diligere, cui rependere non queas, etiam cum dilexeris. Iniustissimum est, ut ei quae possis tribuere nolis, cui etiam si uelis repensare non possis. Quid enim retribuemus domino pro omnibus quae retribuit nobis? Quid retribuemus uel pro hoc tantū, quod per fidem homini salutē dedit, statuitq; ut quamfacillimum factu esset, per quod spem orbi terrae ac uitā mortalibus propagaret. Et ut ad ista descendam, illa aliquando externa omnia, id est nationes & regna, putasne ob aliud in ditionem ac ius cēsisse Romanum, & ob aliud magnam partem generis humani in unum trāsisse populum, nisi ut facilius tanquam medicamentum per corpus unum, ita per unam gentem fides infusa penetraret, & ut capiti ingesta uelociter se per mēbra diffunderet? Alioqui non ita cucurrisset inter crebras & discrepantes ritibus linguisq; gentes, nec tam longe per nouorum semper graduum obiecta transisset. Deniq; beatus Paulus per hunc eundem populum determinās fidem, scribit se ab Hierosolymis usq; ad Illyricum Euangelio Christi cuncta repleisse. Quando autem istud inter nationes, aut multitudine innumeras, aut immanitate barbaras extitisset? Inde est quod nunc terra à solis ortu & occasu, ab aquilone & mari Christū resonat, quod ad uitam omnia mundi latera cōcurrunt, dum si dem Thrax, fidē Libys, fidem Syrus, fidē recepat Hispanus. Magnū ergo

Psal. 119

Rom. 15

ex hoc diuinæ pietatis argumētum est, quod sub Cæsare Octauiō, cū utiq; Romana possessio uerticē tenuit, tunc se deus tetris dedit. Itaq; ut tua apud te proferam, cū ab ortu regni huius centesimus & octogelimusquintus serē supra millesimū uertatur annus, quicquid uel sub illa dominatione regū uertusta, uel sub illa deinde gemina administratione consulū Rōm. accessit Imperio, omnia Christi aduentui præparata, & diffundendæ fidei prouisa potest, si quis idoneus est assertor, ostendere. Nos ad propositum reuertemur,

1. Ioan. 2. Nolite, inquit diligere mundū, neq; ea quæ in mundo sunt, quia omnia hæc conspectui nostro insidiosis coloribus lenocinantur. Vis illa oculorū attributa luminī, non applicetur errori: & cum uitæ usibus pateat, nō admittat causas mortis. Carnis desideria, ut egregie Apostolus ait, militant aduersus animam, omnisq; illis in perniciem nostram clademq; procinctus est, perui-gilem cum insurgūt aduersus nos stationem tenent exterrorū planē hostium mote, dum sibi tantum uirium acquirunt, quantum nobis subtrahunt. Ita ego hæcenus de inextricabilibus seculi insidiantis illecebris, de honoribus opibusq; sermocinatus sum, tanquā si iucundus blandimentis suis mundus uigeret. Quicquid est illarum rerum facies, adumbratis quondam nitoribus expolita, iam obsoleuit, omnisq; fucatus splēdot intercudit. Vix iam hoc habet mundus, ut fallat. Petijt imago illa terum ad decipiendum usq; decora. Prius nos seducere uero cogitabat fulgore, non poterat, ptopē iam non ualet & ipsa nos falsa ostentatione corrūpere. Solidis bonis carebat, ecce deficit etiam caducis. Nō hunc aut ad tempus speciosa ornāt, aut in posterū mansura confirmant: nisi nosmetipsi decipimus, penē mundus decipere nos non potest. Sed quid dissimulamus ea expromere, quæ fortiora sunt? Dissipatas loquimur opes mundi, cum iam ipse mundus in finem suum uergēs, spacijs agatur extremis. Quanto istud maius & grauius est, quod iam ipse non in longum erit? Quid commemoramus attritam eius rem ac suppellectilem? Nec immerito in defectum uiribus æuo consumptis urgetur, adminiculisq; suis destituitur, cum iam in senium nutanti onere succumbat. Postrema mūdi ætas referta est malis, tanq; morbis senectus. Visa sunt uideturq; iamdudum ista cano seculo, fames, pestilētia, uastitas, bella, terrores. Hi sunt in ultimis iam annis languores sui. Hinc sæpe illa coeli cernuntur signa, motusq; terrarū, permutatę temporū uices, monstrosę animantiū fecūditates: quæ omnia adhuc procedētis prodigia sunt tēporis, sed iam deficientis. Atq; hoc nō infirmitatis nostræ uerbis, sed etiā apostolicę autoritatis cōfirmatur eloquijs. Illic enim legitur: In nos fines seculorū deueniūt. Quod cum iamdudum dictum sit, quid cunctamur, quid expectamus? Urget nos dies ille iam non noster tantum, sed & seculi. Omnis hora illud debitę resolutionis admonet tēpus instare, cum ancipiti periculo finis alternus, & discrimen geminum, unam omnibus mortem minatur. Incumbit mihi misero iam mūdī mortalitas, tanq; mihi non sufficiat ad terrorē mea. Quid palparamus metus nostros

nostros: Securitati locus non est, quando terminus in nos impēdet indifferēter singulorū hinc, hinc om̃ium. Quo magis est in hoc, non iam dicam seculi exitu, sed uel in hoc rerum eius defectu hominum miseranda cōditio, qui sibi nec futurorū spem gaudiorum reponunt, cum iucunditate præsentiū non fruuntur. Voluptatem uitæ breuioris nō capiunt, perpetuæ sperare non possunt. Bonis temporalibus non utuntur, nō utentur æternis. Hic rei parū, illic spei nihil. Dolendus prorsus atq; miserādus hominis status iste est, nisi forte faciat de acerbissima cōditione cōgruam necessitatē, nisi ob hoc ipsum ad potiora utilitatis suæ remedia se corrigat, contendatq; ad illa salubrioris uota consiliū: præsertim cum ita dilacerata præsēntis temporis res sit, ut qui unius futuri seculi commodum perdit, utr usque perdidit. Dirigenda est om̃is animi intentio in spem futuri: quam spem ut plenius ac manifestius cōsequaris, aperire eam etiam sub alius exempli cōditione non abnuam. Si cui aliquis quinq; hodie ex ære denarios offerat, quingentos uero aureos in crastinum spōdeat, optionemq; offerat, utrum æs ad præsens sumere, an aurū mallet in posterū: dubiūmne est, quin præoptet grandia illa munera cū parua mora? Tu quoq; breuius huius atq; æternæ uitæ cōditione perspecta, non eligas capere uilia, cum sperare possis preciosa. Non est tanti sumpsisse parua, quāti est expectare quæ magna sunt. Quod si omne hoc fragile, quod in mundo est & uidemus & capimus, spei uero à sperando inditū nomē est, manifestum est, nequaquā in hoc seculo spem possideri, in quo his quæ in-
tueamur & fruimur. Spes enim quæ uidetur, non est spes: nam quis quid ui-
det quod sperat? Ergo quæcumq; illa spes rebus miscetur humanis, quæcu-
da est in futurum: alioquin nec spes appellari potest, si non speratur. Itaque manifestiorem in futurum rem spei sequimur, quam spem rei in præsēntibus experimur. Ecce ea quæ nobis in ipsos oculorum admoventur obtutus, non absolute quasi oppressis uisibus intuemur: multo uero certius in ea quæ emi-
nus offerūtur, uelut expeditis luminibus intēdimus: ita ferē euenisse de præsēntibus futurisq; non est ambigendum. Nam præsēntia tanquā in oculos ingesta, non recte cernūtur: futura tanquā ab oculis reducta, manifestissime perspiciuntur. Neq; hanc fiduciam futurorum incerto autore præsumimus, sed domino nostro IESU CHRISTO uerissimo spōsore ueritatis, qui ius-
tis interminabile regnum, & ampla beatissimæ æternitatis præmia pollice-
tur: qui etiam per ineffabile sacramentum assumptæ carnis idem homo &
deus reconciliauit hominē deo, ac magno absconditoq; mysterio passionis mūdum crimine absoluit. Itaq; manifestatus est in carne, iustificatus est spi-
ritu, apparuit angelis, prædicatus est gentibus, creditus est in mundo, assum-
ptus est in gloria, propter quod deus eum exaltauit, ut omnia consiteantur
nōmē in cælo, & in terra, in mari, & in abyssis, quia dominus IESVS in glo-
ria est, rex & deus ante secula. Quin tu repudiatis illis philosophorū præcep-
tis, quorū lectioni operam ac ingeniū accōmodas, ad imbibēda Christiani
CC ; dogmatis

Omnis spes
nostra in futu-
rum dirigenda

Spes

Philip. 2.

Preceptorū
dei et philo-
sophorū diffi-
rentia

Philosop-

dogmatis studia animū adijcis. Illic quoq; quo facundia tua atq; ingenium
exerceatur inuenies, breuiq; tibi liquebit, quāto hęc nostrā, id est pietatis, ue-
ritatisq; pręcepta, illis philosophorum pręceptis debeant. In illis nanq; eo-
rum pręceptis uel adumbrata uirtus, uel falsa sapientia: in his uero consum-
mata iustitia, solida ueritas continetur. Vnde licet dicere, philosophiā alios
nomen usurpasse, nos uitā. Etenim qualia ab his dari possunt pręcepta ui-
uendi? Causam nesciunt. Ignorantes enim deum, & statim ab exordio ius-
titiaē declinantes, consequenti in cetera feruntur errore. Sic fit postea, ut stu-
diorum talium finis sit uanitas. Si qui apud illos honestiora definiunt, huic
iactantiaē deseruiunt, huic laborantia apud eos non est uacua uitis absti-
nentia uiciorum. Hi itaq; sunt, sicut scriptū est, qui terrena sapiūt. Vnde ma-
nifeste ostēditur, ueram eos iustitiā, ueram sapientiā nō uidere. An' ne ali-
quis ex illa Aristippi schola ueritatem uidebit, qui ingenio suo ā suis uis aut
pecore nihil differt, cum beatitudinem in corporis uoluptate constituat, cui
deus uenter est, & gloria in pudendis eius? Hic honestum iustumq; pręci-
piet, apud quē prodigus, impudicus, adulter philosophatur? Sed alius ad-
uersus philosophos dicendi locus referretur, ego ad hęc ueniā, propter quā
tecum loquor. Omitte iam illas, quibus oblectaris, maxime generales eorū
sententias, breuiter ex omni disputationis genere collectas, atq; ad studia te-
nostrorū & scripta cōuerte. Ibi tu optime pectus tuum multifaria instructio-
ne satiabis: ibi ad inculcandam fidem, non his quidem uerbis, sed tamē ista
dicentur tibi: Verbū dei qui nō credit, non intelligit. Ibi tu admonere: do-
minū, quia dominū uocas, metue: quia patrem, dilige. Ibi tu ueras hostias di-
sces audiendo: acceptissima deo sacrificia sunt iustitia & misericordia. Ibi tibi
istud insinuabitur: Si amas te, proximū dilige: quia nihil magis commodis
tuis dabis, q̃ quod cōtuleris alienis. Ibi tibi pręcipietur, nullam esse causam
tam dignā putes, qua tibi iusta fiat mors hominis. Illic aduersus illicita mo-
neberis: Libidini resiste tāquam hosti acerbissimo, qui insultare uictis etiā
contumelia corporis gaudeat. Illic, ne concupiscas, istud edoceberis: Melius
est nolle quā non habes, quā habere quā uelis. Illic, ne irascēris, hoc inge-
retur: Qui prouocat irascitur, tunc solum non irascitur, cū non prouocatur.
Ibi etiā de inimicis audies: Amato non amantē, quia amātem uix ullus non
amat. Illic sæpius id tibi iterabit: Thesaurū is bene recondit, qui indigēibus
diuidit. Perdere enim iam nō poterit quod largiendo collocauit. Illic etiā feli-
ciora suadeberis, cum dicitur: Fidelium coniugiorū fructus est continentia.
Ibi tu discernenda cognosces, cum audies: Mala seculi huius iustis iniustisq;
cōmunia sunt. Ibi tibi istud audiēdum offeretur: Maior egritudo est langue-
re animam uicis, quā corpus morbis. Ibi tibi ad commendandam pacem
iste pronuntiabitur: Impatiētibz similitudo morum causa discordiaē. Ibi,
ne sequaris malos, istud audies: Prudentem & sapiens informat, & stultus
ille quid imitādum sit docet, iste quid uitādum. Illic & ista proferent: Mula
profunt

profunt nescientibus: ideo non minor est dei in operto, quàm in aperto benignitas. Illic admoneberis: Gratias deo nō magis in prosperis agas quàm in aduersis: & cum prospera sint, te non meruisse fatearis. Illic tibi etiam remotiora patefient, cum ista prædicabuntur. Fatum non esse, interrogent gentes uel leges suas, quæ utiq; nō puniunt, nisi factorū uoluntatem. Illic audies, ad custodiendam puritatem & ista præcipi: Si uis esse uerax, suspicax non eris. Nō enim suspicamur, nisi quod nescimus. Ibi de sublimioribus quoq; istud audies: Deo mente defixus, à passionibus cum titillatur, à celo in terram de uoluitur. Ibi tibi & hæc memorabuntur: Cum hic mali interdum bona capiunt, boni malis affligentur, qui futurum dei iudiciū non credunt, iniquum (quod absit) deum iudicant. Illic tibi suggeretur: Etiam in secretis tuis, quod uelis homines nescire, ne feceris: quod deum, ne cogitaueris. Ibi tibi contra omnem fraudem dicitur: Infelicius est decipere, quàm decipi. Illic & aduersus iactantiam consummantia tibi hæc præcipientur: Vanitatem tanto magis fuge, quāto melior efficieris. Cætera enim uitia crescunt uitij, uanitas uirtutibus. Et ista quidem pauca de studijs carptim ac breuiter prælibata sunt. Quod si ad fontes ipsos sacri eloquij scrutator accesseris, ibi tu non exteriora magis quàm interiora mirabere. Ita scriptura dum intrinsecus radiat, uelut pretiosissima quæq; gemma in profundum fulgorem cōsiderantium demittit oculos. Hoc tu caligantem mentis aciem nequaquā refugus insuesce, hoc interno ac salubri cibo disce animæ famem pascere. Per opus miserantis domini id fore non diffidimus, ut nostrorū appetens & dissimulator tuorum, inania fastidias, & solida concupiscas. Imprudentissimum est, cum pro nobis ferē tam multa deus fecerit, nihil nosmetipsos fecisse pro nobis: cumq; ille in operibus suis ad commōda humana respexerit, hominē nolle sibi consulere. Consulimus uero, si nos in dei cultum affectumq; reddimus. Vera quippe beatitudo est, seculi beatitudine spernere, neglectisq; terrenis in diuina flagrare. Proinde iam uic omnia dicta factaq; tua ad deum, uel propter deū dirige. Obtine, ut tibi comes semper sit illa, & tibi cultos erit. Tam fida est innocētia. Magnum est uirtutē sequi, nosq; ei aliquid pro uicili portione cōferre. Nec pauendū est, ne se ab his quæ usu inoleuerūt, animus per meliōrē uitā non ualeat absoluere. Idem ille, cui sanādos nos tuēdosq; offerimus, uires præstat affectui. Vnde aut ut uel æstimatione comprehendere ualeat quisq; futurorū remunerationē bonorū: Ecce hic diuina, ut cernimus, munificētia cunctis promiscuū usum charissimæ lucis indulsit. Daſ pio & impio cōmunē spectare solē, omnibus creatura famulatū suū benignis seruat officijs, bonorū malorumq; totius mūdi indiscreta possessio est. Cū hic igit tam præclara deus iustis pariter & iniustis tribuat, qualia sunt putanda quæ iustis reseruat: Cōsideremus qui tanta dedit, quāta restituet: q tam magnus est in donis, q magnus erit in præmijs. Si tam inæstimabilis est munerātis benignitas, quæ illa remunerātis? Inestimabilia sunt quæ præparauit deus his

qui diligunt eum, recte, planè, atq; manifeste: quia uere immèsum est, quàm magna rependet bonis, qui tam magna largitur ingratis. Circumfer oculos, & de pelago negotiorum tuorum uelut in quendam professionis nostræ portum prospice, proramq; còuerte. Vnus hic portus est, in quem nos ab omni fluctuantis seculi iactatione referamur, què inter irruentes mundi turbines fessi petamus: huc cunctis còfugiendum est, qui frementis seculi tempestate uexantur: hic statio fidissima, & quies certa: hic late recessus exclusis fluctibus silet: hic blanda tranquillitas serenè renidet. Huc cum fœtis delatus, turè nauis tua post inanes labores, hic ad crucis ancoram fundata retinebitur. Sed iam prolixior scriptorum pagina modum poscit. Vim cœlestium præceptorum acète breuiterq; collectam in summam accipe ad Dei honorem. Hæc sunt mandata omnia, ignosce, meq; agnosce.

FINIS.

SCHOLIA IN EPISTOLAM EVCHERII EPI
scopi Lugdunensis, per



AD MODUM gloriari licet.) Videtur admodum, abuti pro promodum. Certe nouo more usurpat aliquot locis, delectatus, ut apparet, ea uoce, sicut suis locis indicabimus. Animo tuo causam animæ tuæ.) Festiua adnominatio in animo & anima. Animo cupimus ac diligimus: anima Theologis est ea pars qua salui sumus, hoc est, qua uete uiuimus. Nō abhorres ingenio.) Ingenium posuit pro natura, quam in eo laudat. Per prouidam occupasse naturam.) Quasi natura illum religioni genuerit. Nisi malis legere, per pronam occupasse naturam, hoc est, ad pietatem propensam. Bona sua pro parte inuenire potest.) In alijs doctrina gignit bona, in hoc quædam inuenit insita à natura.

Multo studio tui, mei admodum parū prouidus.) Oratio constat ex contrarijs, tui, mei, multum, parum. Videtur rursus abuti admodum, pro penè. Adeo tui studio ducor, ut penè parum sim prouidus mei ipsius. Primum instituti.) id est incepti, & rudis adhuc. Ut eductos sicut ab ipso, ita ipsi arbitremur.) Eductos dixit, pro editos in lucem, & productos. Sensus est: Ut illius beneficio nati sumus, ita illi nati sumus, non nobis. Sicut ferri ignibus mos est.) Anima ueluti scintilla est æternæ lucis, nempe dei: non quod illius pars sit iuxta quosdā, sed quod ab illo propius fluat, magisq; lucis imaginem referat. Ergo amantes uitam.) Novus ingressus argumentationis, quo usus est Paulus apud Athenienses: cum id ultro fieri ostendimus, quod conamur persuadere. Vtiq; dumad uiuunt.) Dumad, positū pro quoad.

Gregorius è Ponto.) Cum multi sint apud Græcos Gregorij, dubiū non est quin hic sentiat de Gregorio Origenis discipulo, cui prius nomen erat Theodoro

Theodoro: is Neocæsariensis episcopus (est autē in Ponto Neocæsaria) admodum adolescens, ob studia Græcarum & Latinarum literarum de Capadocia Berytum, & inde Cæsariā Palæstinæ trāsijt, iuncto sibi fratre Athodorodoro. Quorū cum egregiam indolem uidisset Origenes, hortatus est eos ad philosophiam: in qua paulatim Christi fidem introducens, sui quoq; sectatores reddidit. Hic, ut indicat Suidas, dictus est *θανματουργός*, id est patrator miraculorum, ob id opinor, quod, ut in catalogo indicat Hieronymus, librum scripsit de miraculis, quæ iam episcopus cum multa ecclesiarū gloria perpetravit. Nisi quod hoc loco, qui catalogum Hieronymi uerterūt in linguam Græcā, addunt, *ποιήσας γὰρ σημεῖα τε καὶ θαύματα ἵνα ἐπίσκοπος ἐτύγχανη*. Cum fecisset signa & miracula cum episcopus esset, ut intelligamus hunc librum non ab illo, sed de illo scriptum fuisse. De miraculis igitur & hic meminit. Alius item sanctus.) Parum liquet, utū sentiat de Gregorio Nazianzeno episcopo, quē Suidas, aut apud illum quis fuit, indicat uehemēter amicū fuisse Basilio episcopo Cæsariensi, *ἀναγκαιὸν φίλον* appellans, hoc est necessarium amicum, ob id opinor, quod illum ad Christi philosophiam pertraxerit: an de Gregorio Nissenso episcopo, qui fuit frater Basilij Cæsariensis episcopi, cui cum Gregorio Nazianzeno consuetudinem fuisse declarat Hieronymus, sibi uerō utrunq; notum ac familiarem fuisse. Paulinus Nolanus episcopus.) Huius ingenium ac dicendi uena laudata est ab Hieronymo. Extant ipsius lucubraciones, testantes sibi arctissimā fuisse familiaritatē cū Anselmo. Ex hoc loco intelligimus & Pontium Paulinum, & hunc qui est huius autor epistolæ, ex eadem Galliciarum parte fuisse oriundos. Huius mentionem facit Gennadius in catalogo scriptorum illustrium, sed opuscula recēdens, de patria silens. (Vt etiam cunctas admodum.) Rursus admodum usurpauit, ut apparet, pro prope modum, siue penē. Hilarius nuper.) Indicat se paulo post Hilarij temporis fuisse. Hilarium recensuit Hieronymus, quamquam & alioqui suis libris abunde nobilem. Petronius.) Hunc recenset Gennadius in catalogo, declarās eum episcopum fuisse ecclesiæ Bononiensis in Italia, sed in monachorum institutis à puero exercitatum, cuius opus ferebatur olim de uita monachorum Aegypti, sed eruditius quā ut ipsius esse uideretur. Proinde quidam patri huius ascripserunt, maxime cum ipso opere testetur fuisse se præfectum prætorio. Et nobilitatem hominis hic etiam indicat. Quamquam suspicor hic Hilarij nomen perperam inductum: idē colligo duobus potissimum argumētis. Primum, quod ē duobus alterum monachū, nempe priorem, alterum episcopum facit. Atqui Petronius & Hilarius ambo fuerūt episcopi. Deinde, quod mox in aceruo ponit & Hilarium, stulte repetens, si hic separatim posuisset. Coniicio pro Hilario legendum Euagriū, is fuit monachus, & tantum monachus, Macarij discipulus, sed eruditione facundiaq; præstans. Nullos enim hic recēset, nisi aut claros imaginibus, aut eloquētiæ laude

laude, aut utroq; præstantes, quo magis excitet suum Valerianū. Firmianum.) Nempe Lactantium. Minutium.) Nempe cognomento Felicem, cuius meminit in libris suis Lactantius. Nam de Cypriano quid attinet dicere? Ioannis meminit Hieronymus. Is fuit Antiochenæ ecclesiæ presbyter, Eusebij Emisleni, Diodoriq; sectator. Scripsit inter alia multa de sacerdotio.

Ex illo uolumine.) Sentit catalogum immensum similitum. Et alludit ad uocem luminis uocem, cum dicit, euoluam. Surgunt indocti. Subinducat Augustinum, qui libro Confessionum octauo narrat huiusmodi uerbis sibi se indignatum, cum ex Pontiani uerbis audisset uitam Antonij, cum tamen Antonius haudquaquā fuerit indoctus: nisi forte, ut fit, eam uocem ante ab alijs dictam, sibi usurpauit Augustinus. Vsq; ad Illyricum.) Est in epistola ad

Romanos. Vt tua apud te.) Hinc apparet Valerianum scripsisse Annales rerum Romanarum. Palpamus me tuos nostros.) Palpamus, pro delinimus, ac blandimur. Preciosissima quæq; gemma.)

Præsertim hoc Plinius admiratur in smaragdjs.



Scholiorum
epistolam Eucherij, Finis.

INDEX TERNIONVM.

a b c d e f g h i k l m n o p q.
aa bb cc dd ee ff gg hh ii kk ll mm nn
oo pp qq rr ss tt uu xx yy zz
AA BB CC Omnes terniones
præter q quaternionem.

BASILEAE IN OFFICINA FROBENIANA
per Hieronymum Frobenium & Nicolaum
Episcopium, Mense Augusto An
no M D XXXI





312-

